॥ श्रीः ॥

श्रीमद्रोखामी तुलसीदासजीविरचित

# श्रीरामचरितमानस

[ मूल-मझली साइज ]

(सचित्र)



गीताप्रेस, गोरखपुर

मुक्त तथा प्रकाशक भूगेतीलाल जालान ए। भीताप्रस्त, गोरखपुर

₩• १९९९

मृत्य २.०० (दो रुपया)

वता-गीतात्रेस, पो॰ गीतात्रेस ( गोरखपुर )



1 11 12 2 1 1 2 1

### नम्र निवेदन

गीताप्रेससे श्रीरामचरितमानसका एक सटीक एवं सचित्र संस्करण कुछ अन्य उपयोगी सामग्रीके साथ 'कल्याण' के विशेषाङ्क रूपमें भाकरे कगभग बीस वर्ष पूर्व निकला था। उसमें बहुत-सी न्युनताएँ होनेपर सी मानसप्रेमी जनताने उसका कितना आदर किया, यह सब लोगोंको विक्ति ही है । कुछ वर्षे के अंदर ही उसकी ९८. ६०० प्रतियाँ निकल चुझी। मानसङ्क निकालने समय यह विचार था- और उसे सम्पादकीय निवेदनमें व्यक्त भी कर दिया गया था-कि इसके बाद जल्दी ही मानसका एक मूख संस्करण मोटे अक्षरों में अलग निकाला जाय, जिसमें पाठमेद बादि दिवे जायँ तथा आवस्यक टिप्पणियाँ भी रहें और उसके बाद उसीके आधारबर मल तथा सटीक, छोटे-बड़े कई संस्करण निकाले जायाँ। परंतु इच्छा रहने-पर भी कई कारणोंसे वह संस्करण जल्दी नहीं निकल सका । पहले तो यह आशा थी कि भगवानकी कृपासे कराचित कहीं से गोस्वामीजीके हायकी लिखी कोई पूरी प्रामाणिक प्रति मिल जाय, जिससे अब-से-अब पाठ मानस-प्रेमियोंके पास पहुँचाया जा सके; परंतु जब यह आज्ञा जस्दीपूरी होती नहीं देखी गयी। तब मानसाङ्क पाठको ही एक बार फिरसे देखकर तथा मानमके कतिपय मर्मजांका परामर्श लेकर उसीमें आवश्यकतानुसार • बन्न-तन्न कुछ संशोधन करके छपनेको दे दिया गया।

अभी यह संस्करण छप ही नहीं पाया था कि कई मिन्नोंका यह अनुरोध हुआ कि नवीन संवरसरारम्भके पहले ही श्रीरामचरितमानसका एक गुटका बहुत शीव छापकर तैयार किया जाय, जिसमें नवशक्रमें होने-वाले मानसपारायणके लिये (जिसकी सूचनाकई माससे कल्याण में छापी जा रही थी) मानसप्रेमियोंको एक पाठोपयोगी छोटा एवं सस्ता संक्षरण मिल आय। इसिलये को उतना बहा मानसाइ नहीं खरीद सकते, उनकी सुविधाके लिये वह गुरका छापा गया। जनताने उसका बहुन अधिक आदर किया। छगमग बाईण वर्षोमें उसकी इक्कीस लाख बीस हजार प्रतियाँ छप गयी।

इसी वीचमें पाठभेदवाला मूल मोटे टाइपका संस्करण भी छपकर तैयार हो गया । परंतु उसमें मान्स न्याकरण, भूमिका और प्राचीन प्रतियुंकिं अनेक पाठमेद रहनेसे तथा मीटे टाइप होनेके कारण उसका मूख्य ३.०० रखना पड़ा। इसिलये सर्वसाधारणको उसे खरीदनेमें किठनाई पहती थी। इधर गुटकाके टाइप बहुत छोटे होनेसे बहुत-से लोगोंको उसे पहनेमें असुविधा रहती है। इसिलये अनेक सज्जनोंने यह आग्रह किया कि प्रक ऐसा संस्करण निकाला जाय, जिसमें टाइप भी कुछ बड़े हों और दाम भी ठीक-ठीक हों। इसिलिये यह मझले साइजका मूल संस्करण आजसे उद्योस वर्ष पूर्व निकाला गया था, जिसकी नौ आवृत्तियों में एक छाल इक्ट्रसर इजार ढाई सौ प्रतियाँ छप खुकी हैं। उसीका यह दसवाँ संस्करण मानसभेमी पाठकोंके सम्मुख प्रस्तुत है। अवतक कुल मिलाकर मानसकी ३२, ९१, ३५० प्रतियाँ गीताप्रससे छप खुकी हैं।

यों तो हमारासारा ही प्रयास भू छोंसे भरा है। पूज्य गोस्वामीजीके हाथकी लिखी हुई कोई पूरी प्रामाणिक प्रति प्रयास करनेपर भी न मिल सकने के कारण सर्वथा शुद्ध पाठका दावा तो हमलोग कर ही नहीं सकते; इसके अतिरिक्त अपनी समझसे पूरी सावधानी बरती जानेपर भी इसमें प्रमादवश पूफ आदिकी भूलें अवस्य रह गथी होंगी। आशा है कुपाल पाठक हमारी कठिनाइयोंको समझकर इसके लिये हमें क्षमा करेंगे। पाठके सम्बन्धमें हमें इतना ही निवेदन करना है कि जो कुछ सामग्री हमें प्राप्त हो सकी, उसका हमलोगोंने अपनी समझसे ईमानदारी साथ उपयोग किया है और यथाशक्य प्राचीन पाठकी रक्षा की है।

पाठके सम्बन्धमें हमें प्ज्यपाद परमहंस श्रीअवधिवहारीदासजी महाराज (नागाबाबा), प्ज्य पं० श्रीविजयानन्दजी त्रिपाठी तथा प्ज्य पं० श्रीजयरामदासजी 'दीन' रामायणीसे, जो तीनों ही महानुभाव साकेत-बासी हो चुके हैं, बहुमूल्य परामर्श प्राप्त हुए। इसके लिये इम उनके हद्यसे कृतज्ञ हैं। पाठके निर्णयमें हमें 'मानसपीयूप'से तथा उसके सम्यादक महारमा श्रीअंजनीनन्दनशरण शीतलासहायजीसे भी काफी सहायता मिली है, जिसके लिये इम उनके भी विशेष कृतज्ञ हैं।

अन्तर्मे हम सब लोगोंसे अपनी त्रुटियोंके लिये क्षमा माँगते हैं और अगवान्की वस्तु भगवान्को समर्थित करते हैं।

#### ॥ श्रीहरि: ॥

# श्रीरामचरितमानसकी संक्षिप्त विषय-सूची

विषय	पृष्ठ	विषय	S.
पारायण-विधि •	··· o	अयोध्याकाण्ड	•
नवाह्वपारायणके विश्रामस्थ	गन १०	मंगठाचरण · ·	. २०३
मासपारायणके विश्रामस्था	न १०	राम-राज्याभिषेककी तैया	
रामशलाका प्रश्नावली 🕐		श्रीसीतः-राम-संवाद · · ·	. २३१
बालकाण्ड		श्रीलक्ष्मण-सुमित्रा-संवाद	२३७
मंगल।चरण …	. १७	वन-गमन …	. 580
श्रीनामवन्दना ····	३०	केवटका प्रेम · · ·	. २५०
याज्ञवल्क्य-भरद्वाज-संवाद	88	भरद्वाज-संत्राद …	-
्सतीका मोह · · · ·	४६	श्रीराम-वाल्मीकि- <b>संवाद</b> ''	२६१
शिव-पार्वती-संवाद	७५	चित्रकूट-निवास · · ·	· -
नारदका अभिमान	<b>८</b> 8	दशरथ-मरण · · ·	२७५
मनु-रातरूपाका तप	٠, १	भरत-कौसन्या-संवाद …	260
भानुप्रतापकी कथा 🗥	९,६	भरतका चित्रक्टके लिये	•
राम-जन्म	११६	प्रस्थान …	२९०
विश्वामित्रकी यज्ञरक्षा	१२५	भरत-भरद्वाज-संवाद · · ·	२९९
पुष्पत्राटिका-निरीक्षण	१३३	राम-भरत-मिल्लन ••••	३१५
धनुष-भंग	१५०	जनकजीका आगमन ***	३३१
श्रीसीता राम-विवाह	१७४	श्रीराम-भरत-संवाद ····	३४१

### [ ६ ]

भरतजीकी विदाई	·· ३५	, १	लंकाके लिये प्रस्थान	••••	४३१
नन्दिप्राममें निवास "	३५	3	विभीषणकी श्रणागति	Ť	४३७
अरण्यकाण्ड			समुद्रपर कोप	• • • •	४४३
मंगलाचरण		૭	लंकाका!	ग्ड	
<b>जयन्</b> तकी कुटिलता ः	· ३५	6	मंग अचर्ण	• • • •	४४७
श्रीसीता-अनसूया-मिलन	३६	0	सेतुबन्ध	••••	885
सुतीक्णजीका प्रेम	∵ ३६	३	अंगद-रावण-संवाद	• • •	846
पञ्चत्रदे-निवास	३६	હ	लक्षण-मेघनाद-युद्ध		४७७
खर-दूपण-वध ''	३७	३	श्रीरामकी प्र गपर्लाला		8<0
मारीच-प्रसंग "	३७	६	कुम्भक्षणी-वध	• • • •	४८६
सीता-इरण	·· ३७	۷	मेघनाद-वध	• • • •	४९०
शबरीपर कृपा	३८	३	राम-रावण-युद्ध	••••	४९९
किष्किन्धाकाष	<b>ड</b>		रावण-वध	••••	५०९
मंगङाचरण	·· ३९	3	सीताजीकी अग्नि-परी		५१४
श्रीराम हनुमान्-भेंट "	·· ३९	8	अवधके छिये प्रस्थान	• • • •	५२१
बाटि-स्थ	∵ ३९	९	उत्तरकाष	<b>ग्ड</b>	
स्रीताजीकी खोजके लिरे	Ì		मंगळाचरण	••••	५२५
बंदरोंका प्रस्थान 💮 🐃	_	६	भरत-हनुमान्-मिळन		५२६
हनुमान्-जाम्बवन्त-संवाद	88	0	भरत-मिछाप	• • • • •	५२९
मुन्दरकाण्ड			राम-राज्याभिषेक	••••	५३३
<b>मंग</b> टाचरण	. 88;	<b>۽</b> ا	श्रीरामजीका प्रजाको उ		1448
लंकामें प्रवेश	•	٤	गरुड-भुशुण्डि-संवाद		५६१
सीता-इनुमान्-संत्राद	. ४२	0	काकभुशुण्डि-छोमश-स		468
लंकादहन	· ४ <b>२</b> ५	૭	ज्ञान-भक्ति-निरूपण		५९३
श्रीराम-इनुमान्-संवाद · · ·	. ४२९	९ ∣	रामायणकी आरती	••••	६०८

#### ॥ श्रीहरिः ॥

## पारायण-विधि

श्रीरामचिरतमानसका विधिष्मृक्त पाठ करनेवाले महानुभावोंको पाठारम्भके पूर्व श्रीतु उसीदास जी, श्रीवालमीिक जी, श्रीशिव जी तथा श्रीहनुमान् जीका आवाहन-पूजन करनेके पश्चात् तीनों भाइयोंसिहित श्रीसीताराम जीका आवाहन, षोड शोपचार-पूजन और ध्यान करना चाहिये। तदन-तर पाठका आरम्भ करना चाहिये। सबके आवाहन, पूजन और ध्यानके मन्त्र कमशः नीचे ठिखे जाते हैं—

#### अथ आवाहनमन्त्रः

तुलसीक नमस्तुभ्यमिहागच्छ शुचिवत। नैर्ऋत्य उपविश्येदं पूजनं प्रतिमृद्धनाम्॥ ॐ तुलसी दासाय नमः॥ १॥ श्रीवालमीक नमस्तुभ्यमिहागच्छ शुजार । उत्तरपूर्व योर्मध्ये तिष्ठ मृह्धीष्व मेऽर्चनम् ॥ ॐ व'लमीकाय नमः॥ २॥ गौरीपते नमस्तुभ्यमिहागच्छ महेदवर। पूर्वदक्षिणयोर्मध्ये तिष्ठ पूजां मृहाण मे ॥ ॐ गौरीपते नमः॥ ३॥ श्रोलक्ष्मण नमस्तुभ्यमिहागच्छ सहिष्यः। याम्यभागे समातिष्ठ पूजनं संगृहाण मे ॥ ॐ श्रीसपत्नीकाय लक्ष्मणाय नमः॥ ४॥ श्रोशतुक्त नमस्तुभ्यमिहागच्छ सहिष्यः। पीठस्य पश्चिमे भागे पूजनं स्वीकुष्यं मे ॥ ॐ श्रीसपत्नीकाय शत्रुष्टाय नमः॥ ५॥ श्रीभारत नमस्तुभ्यमिहागच्छ सहिष्यः। पीठकस्योत्तरे भागे तिष्ठ पूजां गृहाण मे ॥ ॐ श्रीसपन्नीकाय भर्ताय नमः॥ ६॥ श्रीहनुमन्नमस्तुभ्यमिहागच्छ स्वपित्रे । पूर्वभागे समातिष्ठ पूजनं स्वीकुष्ठ प्रमा। ॐ हनुमते नमः॥ ७॥

अथ प्रधानपूजा च कर्तन्या विधिपूर्वकम्। पुष्पाञ्जलि गृहीत्वा तु ध्यानं कुर्यात्परस्य च ॥ ८॥ रक्ताम्भोजदञ्जभिरामनयनं पीताम्बरालङ्कृतं इयामाङ्गं द्विसुजंप्रसन्नवदनं श्रीसीतया शाभितम्। कारुण्यामृतसागरं प्रियगणैश्रीत्रादिभिभीवितं वन्दे विष्णुशिवादिसेन्यमिनशंभकेष्टसिद्धिप्रदम्॥९॥ आगच्छ जानकीनाथ जानक्या सह राघव। गृहाण मम पूजां च वायुपुत्रादिभिर्युतः॥१०॥ इत्यावाहनम्

सुवर्णरचितं राम दिव्यास्तरणशोभितम्। आसनं हि मया दत्तं गृहाण मणिचित्रितम् ॥११॥ इति षोडशोपचारैः पूजयेत्

ॐ अस्य श्रीमन्मानसरामायणश्रीरामचरितस्य श्रीशिव-काकभुशुण्डियाञ्चवल्क्यगोस्वामितुलसीदासा ऋषयः श्रीसीता-रामो देवता श्रीरामनाम बीजं भवरोगहरी भक्तिः शक्तिः मम नियन्त्रिताशेषविष्नतया श्रीसीतारामश्रीतिपूर्वकसकलमनोरथ-सिद्धवर्थं पाठे विनियोगः।

#### अथाचमनम्

श्रीसीतारामाय नमः। श्रीरामचन्द्राय नमः

श्रीरामभद्राय नमः। इति मन्त्रत्रितयेन आचमनं कुर्यात्। श्रीयुगलबीजमन्त्रेण प्राणायामं कुर्यात्॥

#### अथ करन्यासः

जग मंगळ गुनप्राम रामके। दानि मुकुति धन धरमधामके॥ अङ्गुष्टाभ्यांनमः

राम राम कहि जे जमुहाहीं। तिन्हिह न पापपुंज समुहाहीं॥ तर्जनीभ्यां नमः

राम सकल नामन्ह ते अधिका। होउ नाथ अघ खग गन बिधका॥ मध्यमाभ्यां नमः

उमा दारु जोषित की नाईं। सबिह नचावत रामु गोसाईं॥ अनामिकाभ्यां नमः

सन्मुख होइ जीव मोहि जबहीं। जन्म कोटि अघ नासिई तबहीं॥ कनिष्ठिकाभ्यां नमः

#### [ 9 ]

मामभिरक्षय रघुकुलनायक। एतं बर चाप रुचिर कर सायक॥
करतलकरपृष्टाभ्यां नमः

इति करन्यासः

#### अथ हृदयादिन्यासः

जग मंगल गुनव्राम राम के। दानि मुकुति धन धरम धाम के॥ हृदयाय नमः।

राम राम कहि जे जमुहाहीं। तिन्हिह न पापपुंज समुहाहीं॥ शिरसे स्वाहा।

राम सकल नामन्ह ते अधिका। होउ नाथ अब खग गन बधिका॥ शिखायै वषट्।

उमा दारु जोषित की नाई। सबिह नचावत रामु गोसाई॥ कवचाय हुम्।

सन्भुख होइ जीव मोहि जबहीं। जन्म कोटि अव नासहि तबहीं॥ नेत्राभ्यां वौषट्।

मामभिरक्षय रघुकुळनायक । धत बर चाप रुचिर कर सायक ॥ अस्त्राय फट्। इति हृद्यादिन्यासः

#### अथ प्यानम्

मामवलोकय पंकजलोचन। कृपा बिलोकिन सोच बिमोचन ॥
नील तामरस स्याम काम अरि। हृद्य कंज मकरंद मधुप हरि॥
जातुधान बरूथ बल भंजन। मुनि सज्जन रंजन अव गंजन॥
भृसुर सित नव बृंद बलाहक। असन सरन दीन जन गाहक ॥
भुजबल बिपुल भार मिह खंडित। खर दूषन बिराध बध पंडित॥
रावनारि सुखरूप भूपबर। जय दसरथ कुल कुमुद सुधाकर॥
सुजस पुरान बिदित निगमागम। गावत सुर मुनि संत समागम॥
कारुनीक ब्यलीक मद खंडन। सब बिधि कुसल कोसला मंदन॥
किल मल मथन नाम ममताहन। तुलिसदास प्रभु पाहि प्रनत जन॥

इति ध्यानम्

## ृ[ १० ] नवाह्वपारायणके विश्राम-स्थान

	_	1 1161 11 11	• • •	• • • • • •		
			वृष्ठ ।			ने <u>ब</u>
पहला वि	श्राम	• • • •	८१	छठा त्रिश्राम	••••	३८०
दूसरा	,,	••••	१३९	सातशँ ,,		४५४
तीसरा	"	••••	१९९	आठवाँ ,,		५३३
चौथा	,,		२५७			_
पाँचवाँ	"	• • • •	३१३ ।	नवाँ ,,	••••	६०७
		मासपारा	यणके	विश्राम-स्	<b>यान</b>	
			वृष्ठ			वृष्ठ
पहला वि	श्चाम		३३	सोलहवाँ विश्रा	म	२५७
			४९	सत्रहवाँ ,,	• • • •	२६५
दूसरा	"		६५	अटारहवाँ ,,		२८५
तीसरा	77	•	•			३०३
चौथा	"	••••	८१	उन्नीसवाँ ,,		
<b>पाँचवाँ</b>	7,7	••••	९६	बीसवाँ ,,	••••	३ १ ३
छठा	"	• • • •	१११	इकीसवाँ "	••••	३५५
सातवाँ		••••	१२६	बाईसवाँ ,,	••••	३९१
	"	••••	१३९	तेईसवाँ ,,	••••	888
आठवाँ	"		१५४	चौबीसवाँ ,,	• • •	४४५
नवाँ	"	- 3 - 4 - 1 - 1	१६९	पचीसवाँ ,,		४७४
दसंबाँ	"					
ग्यारहवाँ	77	••••	१८३	छब्बीसवाँ ,,		404
बारहवाँ	77	• • • •	२०१	सत्ताईसवाँ ,,	• • • •	५२३
तेरहवाँ	57		२१६	अट्ठाईसवाँ ,,		'उ६१
चौदहवाँ		1000	२३१	उन्तीसवाँ ,,	• • • •	५९३
चाप्रह <sup>ा</sup> । गंदहवाँ		••••	२४६	तीसवाँ ,,	••••	६०७

## श्रीरामशलाका प्रशावली

मानसानुरागी महानुभावोंको श्रीरामराजाका प्रश्नावरीका विशेष परिचय देनेकी कोई आवश्यकता नहीं प्रतीत होती, उसकी महत्ता एवं उपयोगितासे प्रायः सभी मानसप्रेमी परिचित होंगे। अतः नीचे उसका स्ररूपमात्र अङ्कित 'करके उससे प्रश्नोत्तर निकालनेकी विधि तथा उसके उत्तर-फडोंका उल्लेख कर दिया जाता है। श्रीरामश्लाका प्रश्नावलीका स्ररूप इस प्रकार है——

₹.	प्र	उ	वि	É	ी मु	ुग	व	सु	नु	बि	घ	िधि	इ	13
₹	•	Th.	सि	सि	₹	वस	3	मं	ਲ	न	ल	य	न	3:
पुज	सो	ग	सु	3	म	स	ग	त	न	ई	ਲ	घा	बे	नो
त्य	₹	न	<b>3</b>	जो	म	रि	₹	₹	अ	की	हो	स	रा	य
पु	सु	ય	सी	जे	इ	ग	<b>*</b> 4	स	क	₹	हो	₹.	स	नि
ਰ	₹	त	<b>(</b>	₹	इ	ह	ब	ब	q	चि	स	य	स	ਰ
म	का	Ţ	₹	₹	मा	मि	मी	म्हा	T	जा	8	हीं		् <u>छ</u>
वा	<b>₹</b> 1	रे	री	霳	का	फ	खा	जि	ई	₹	रा	-	द	ह
नि	को	मि	गो	न	म	ज	य	ने	मनि	क	ज	पू	स	ल
हि	रा	Ħ	B	रि	ग	द	न	ष	म	वि	जि	मनि	त	जं
हि सि	मु	न	न	कौ	मि	ज	₹	ग	ब्र	ख	सु	का	स	<u>उ</u>
J	क	म	अ	घ	नि	म	ल	T	न		ती	न	रि	भ
ना ।	पु	व	अ	ढा	₹	63	का	Ų	<u>त</u> त	ब र	न	1	<u>ਂ</u>	य
सि	₹	सु	τÉ	रा	₹	स	हिं	₹		न	ેંઘ	<u>ਜੁ</u>	 ভা	1
₹	सा	r	ला	धी	T	री	ज	हू	हीं	चा	जू	इ	रा	रे

इस रामरालाका प्रभावलीके द्वारा जिस किसीको जब कभी अपने अभीष्ट प्रश्नका उत्तर प्राप्त करनेकी इच्छा हो तो सर्वप्रथम उस व्यक्तिको भगवान् श्रीरामचन्द्रजीका ध्यान करना चाहिये। तदनन्तर श्रद्धा-विश्वासपूर्वक मनसे अभीष्ट प्रश्नका चिन्तन करते हुए

प्रस्तावलीके मनचाहे कोष्ठकमें अँगुली या कोई शलाका रख देना चाहिये और उस कोष्टकमें जो अक्षर हो उसे अलग किसी कोरे कागज या रलेटपर लिख लेना चाहिये । प्रश्नावलीके कोष्ठकपर भी ऐसा कोई निशान लगा देना चाहिये जिससे न तो प्रश्नावली गंदी हो और न प्रश्नोत्तर प्राप्त होनेतक कोष्ठक भूल जाय। अब जिस कोष्ठकका अक्षर लिख लिया गया है उससे आगे बढना चाहिये तया उसके नवें कोष्ठकमें जो अक्षर पड़े उसे भी लिख लेना चाहिये। इस प्रकार प्रति नवें अक्षरके नवें अक्षरको क्रमसे लिखते जाना चाहिये और तबतक लिखते जाना चाहिये, जबतक उसी पहले कोष्टकके अक्षरतक अँगुली अथवा शलाका न पहुँच जाय । पहले कोष्ठकका अक्षर जिस कोष्ठकके अक्षरसे नवाँ पडेगा, वहाँतक पहँचते-पहँचते एक चौपाई पूरी हो जायगी, जो प्रश्नकर्ताके अभीष्ट प्रश्नका उत्तर होगी । यहाँ इस बातका ध्यान रखना चाहिये कि किसी-किसी कोष्ठकमें केवल 'आ' की मात्रा (ा) और किसी-किसी कोष्रकमें दो-दो अक्षर हैं। अतः गिनते समय न तो मात्रावाले कोष्ठकको छोड़ देना चाहिये और न दो अक्षरोंवाले कोष्ठकको दो बार गिनना चाहिये 🖣 जहाँ मात्राका कोष्ठक आवे वहाँ पूर्वलिखित अक्षरके आगे मात्रा छिख लेना चाहिये और जहाँ दो अक्षरोंबाला कोष्ठक आवे वहाँ दोनों अक्षर एक साथ छिख छेना चाहिये।

अब उदाहरणके तौरपर इस रामशलाका प्रश्नावलीसे किसी प्रश्नके उत्तरमें एक चौपाई निकाल दी जाती है। पाठक ध्यानसे देखें। किसीने भगवान् श्रीरामचन्द्रजीका ध्यान और अपने प्रश्नका चिन्तन करते हुए यदि प्रश्नावलीके \* इस चिह्नसे संयुक्त 'म' वाले कोष्ठकमें अँगुली या शलाका रक्खा और वह ऊपर बताये कमके अनुसार अक्षरोंको गिन-गिनकर लिखता गया तो उत्तरस्वरूप यह चौपाई बन जायगी——

हो हुँ है सो ई जो राम % र चिरा खा। को करित र क बढाव हिंसा षा॥

यह चौपाई बालकाण्डान्तर्गत शिव और पार्वतीके संवादमें है। प्रश्नकर्ताको इस उत्तरखरूप चौपाईसे यह आशय निकालना चाहिये कि कार्य होनेमें सन्देह है, अतः उसे भगवान्पर छोड़ देना श्रेयस्कर है।

इस चौपाईके अतिरिक्त श्रीरामशज्यका प्रश्नावजीसे और भी जितनी चौपाइयाँ बनती हैं, उन सबका स्थान और फल्रसहित उल्लेख नीचे किया जाता है।

१—सुनु सिय सत्य असीस हमारी। पूजहि मन कामबा नुस्हारी ॥ स्थान—यह चौपाई बालकाण्डमें श्रीसीताजीके गौरीपूजनके प्रसङ्गमें है। गौरीजीने श्रीसीताजीको आशीर्वाद दिया है।

फल-प्रश्नकर्ताका प्रश्न उत्तम है, कार्य सिद्ध होगा।

२-प्रबिसि नगर कीजे सब काजा। हृदय राखि कोसळपुर राजा । ख्यान—यह चौपाई सुन्दरकाण्डमें हनुमान्जीके लंकामें प्रवेश करनेके समयकी है।

फल-भगवान्का स्मरण करके कार्यारम्भ करो, सफलता मिलेगी। १-उघरें अंत न होइ निबाहु। काळनेम जिमि रावन राहू॥ स्थान-यह चौपाई बालकाण्डके आरम्भमें सत्संग-वर्णनके प्रसङ्गमें है। फल-इस कार्यमें भलाई नहीं है। कार्यकी सफलतामें सन्देह है। ४-विधि बस सुजन कुसंगत परहीं। फिन मिन सम निज गुन अनुसरहीं ॥ स्थान—यह चौपाई भी बालकाण्डके आरम्भमें ही सत्संगवर्णनके प्रसङ्गकी है।

फल - खोटे मनुष्योंका सङ्ग छोड़ दो । कार्य पूर्ण होनेमें सन्देह है। प-सुद मंगलमय संत समाज् । क्रिम जग जंगम तीरथ राज् । स्थान—यह चौपाई बालकाण्डमें संत-समाजरूपी तीर्थके वर्णनमें है। फल-प्रश्न उत्तम है, कार्य सिद्ध होगा ।

६-गरक सुधा रिपु करय मिताई। गोपद सिंधु अनल सित्तकाई ॥
स्थान-यह चौपाई श्रीहनुमान्जीके लंकामें प्रवेश करनेके समयकी है।
फल-प्रश्न बहुत श्रेष्ठ है। कार्य सफल होगा।

•-बरुन कुबेरं सुरेस समीरा। रन सनमुख धरि काह न धीरा । स्थान—यह चौपाई लंकाकाण्डमें रावणकी मृत्युके पश्चात् मन्दोदरीके विलापके प्रसङ्कमें है।

फल-कार्य पूर्ण होनेमें सन्देह है।

८-सुफ्छ मनोरथ होहुँ तुम्हारे। रामु छखनु सुनि भए सुबारे॥
स्थान-यह चौपाई बालकाण्डमें पुष्पवाटिकासे पुष्प लानेपर विश्वामित्रजीका आशीर्वीद है।
फल-प्रश्न बहुत उत्तम है। कार्य सिद्ध होगा।

इस प्रकार रामशलाका प्रश्नावलीसे कुल नौ चौपाइयाँ बनती हैं, जिनमें सभी प्रकारके प्रश्नोंके उत्तराशय समिहिन हैं।




# श्रीरामचैरितमान्स

बालकाण्ड



गीतात्रेस, गोरखपुर



#### श्रीगणेशाय नमः

श्रीजानकीवल्लभो विजयते

# श्रीरामचरितमानस

## प्रथम सोपान

( बालकाण्ड )

श्लोक

वर्णीनामर्थसंघानां रसानां छन्दसामपि। मङ्गलानां च कर्त्तारी वन्दे वाणीविनायकौ ॥ १॥ भवानीशङ्करौ वन्दे श्रद्धाविश्वासरूपिणौ। याभ्यां विना न पश्यन्ति सिद्धाः ख'न्तः स्थमीश्वरम् ॥२ ॥ वन्दे बोधमयं नित्यं गुरुं शङ्कररूपिणम् । यमाश्रितो हि वक्रोऽपि चन्द्रः सर्वत्र वन्द्यते ॥ ३ ॥ सीतारामगुणग्रामपुण्यारण्यविहारिणौ विशुद्धविज्ञानी कवीश्वरकपीश्वरौ ॥ ४ ॥ उद्भवस्थितिसंहारकारिणीं क्लेशहारिणीम् । सर्वश्रेयस्करीं सीतां नतोऽहं रामवल्लभाम् ॥ ५ ॥ यन्मायावश्चवर्त्तं विश्वमित्वलं ब्रह्मादिदेवासरा यत्सन्वादम्षेव भाति सकलं रज्जी यथाहेर्श्रमः । यत्पादप्लवमेकमेव हि भवामभोधेस्तितीर्षावतां वन्देऽहं तमशेषकारणपरं रामाच्यमीशं हरिम् ॥ ६ ॥ Ottorpers Jaikesh a Public Library रा• मू॰ २— 🕹 कवत No...... Date...

नानापुराणनिगमागमसम्मतं यद्
रामायणे निगदितं क्वचिदन्यतोऽपि ।
स्वान्तःसुखाय तुलसी रघुनाथगाथा-

भाषानिबन्धमतिमञ्जुलमातनोति ॥ ७॥

सो - जो सुमिरत सिधि होइ गन नायक करिबर बदन। करउ अनुप्रह सोइ बुद्धि रासि सुभ गुन सदन॥ १॥ मूक होइ बाचाल पंगु चढ़इ गिरिबर गहन। जासु ऋपाँ सो दयाल द्रवउ सकल कलि मल दहन ॥ २ ॥ नील सरोरुह स्थाम तरुन अरुन बारिज नयन। करउ सो मम उर धाम सदा छीरसागर सयन ॥ ३ ॥ कुंद इंदु सम देह उमा रमन करुना अथन। जाहि दीन पर नेह करउ ऋपा मर्दन मयन॥ ४॥ बंद उँ गुरु पद कंज कृपा सिंधु नररूप हरि। महामोह तम पुंज जासु बचन रिब कर निकर ॥ ५ ॥ बंदउँ गुरु पद पदुम परागा। सुरुचि सुबास सरस अनुरागा।। अमिअ मृरिमय चूरन चारू। समन सकल भव रुज परिवारू॥ सुकृति संभ्रु तन विमल विभृती। मंजुल मंगल मोद प्रस्ती॥ जन मन मंजु प्रकुर मल हरनी। किएँ तिलक गुन गन बस करनी श्रीगुर पद नख मनि गन जोती। सुमिरत दिब्य दृष्टि हियँ होती।। दलन मोह तम सो सप्रकास। बड़े भाग उर आवइ जास ।। उघरहिं बिमल बिलोचन ही के। मिटहिं दोष दुख भव रजनी के।। स्माहि राम चरित मनि मानिक। गुपुत प्रगट जहँ जो जेहि खानिक दो ०-जथा सुअंजन अंजि हग साधक सिद्ध सुजान । कौतुक देखत सैल बन भूतल भूरि निधान ॥ १ ॥ गुरु पद रज मृदु मंजुल अंजन। नयन अमिअ हम दोष बिमंजन॥ तेहिं करि बिमल बिबेक बिलोचन । बरनउँराम चरित भव मोचन।। बंदउँ प्रथम महीसुर चरना । मोह जनित संसय सब हरना ॥ सुजन समाज सकल गुन खानी । करउँ प्रनाम सप्रेम सुबानी ।। साधु चरित सुभ चरित कपाद्ध । निरस विसद् गुनमय फल जास्न।। जो सिंह दुख परछिद्र दुरावा । बंदनीय जेहिं जग जस पावा ।। मुद मंगलमय संत समाजू। जो जग जंगम तीरथराजू।। राम भक्ति जहँ सुरसरि धारा। सरसइ ब्रह्म बिचार प्रचारा॥ बिधि निषेधमय कलि मल हरनी। करम कथा रविनंदनि बरनी।। हरि हर कथा बिराजित बेनी। सनत सकल ग्रुद मंगल देनी।। बटु विखास अचल निजधरमा । तीरथराज समाज सुकरमा॥ सबिह सुलभ सबिदिन सबदेसा। सेवत सादर समन कलेसा।। अकथ अलौकिक तीरथराऊ। देइ सद्य फल प्रगट प्रभाऊ।। दो ०-सुनि समुझिहं जन मदित मन मज्जिहं अति अनुराग ।

लहिं चारि फल अछत तनु साधु समाज प्रयाग ॥ २ ॥
मजन फल पेखिअ ततकाला । काक होहिं पिक वक्रउ मराला।।
सुनि आचरज करें जिन कोई । सतसंगति महिमा निहं गोई ।।
बालमीक नारद घटजोनी । निज निज सुखनि कही निज होनी
जलचर थलचर नभचर नाना । जे जड़ चेतन जीव जहाना ।।
मित कीरति गति भृति भलाई । जब जेहिं जतन जहाँ जेहिं पाई ।।

सो जानब सतसंग प्रभाऊ। लोकहुँ बेद न आन उपाऊ।। बिजु सतमंग बिबेक न होई। राम कृपा बिजु सुलभ न सोई।। सतसंगत ग्रुद मंगल मूला। सोइफल सिधि सब साधन फूला सठ सुधरहिं सतसंगति पाई। पारस परस कुघात सुहाई।। बिधिबस सुजन कुसंगत परहीं।फिनि मिनि सम निज गुन अनुसरहीं बिधि हिर हर किब कोविद वानी। कहत साधु महिमा सकुचानी।। सो मो सन किह जात न कैसें। साक बनिक मिन गुन गन जैसें।।

दो ०-वंदउँ संत समान चित हित अनहित नहिं को इ।

अंजलि गत सुभ सुमन जिमि सम सुगंध कर दोइ ॥ २(क)॥

मंत सरल चित जगत हित जानि सुभाउ सनेहु।

वालिवनय मृनि किर कृपा राम चरन रित देहु ॥ ३(ख)॥ वहुिर बंदि खल गन सितभाएँ। जे बिनु काज दाहिनेहु बाएँ ॥ पर हित हानि लाभ जिन्ह केरें । उजरें हरप विषाद बसेरें ॥ हिर हर जस राकेस राहु से। पर अकाज भट सहसवाहु से।। जे पर दोष लखिँ सहसाखी। पर हित घृत जिन्ह के मन माखी तेज कृसानु सेष महिषेसा। अघ अवगुन धनधनी धनेसा॥ उदय केत सम हित सवही के। कुंभकरन सम सोवत नीके।। पर अकाज लिग तनु परिहरहीं। जिमि हिम उपल कृषी दिल गरहीं बंद उसल जस सेष सरोषा। सहस बदन बरनइ पर दोपा॥ पुनि प्रनव उपुराज समाना। पर अघ सुनइ सहस दस काना।। वहुिर सक सम बिनव उत्ति । संतत सुरानीक हित जेही।। बचन बज्ज जेहि सदा पिआरा। सहस नयन पर दोष निहारा।।

दो ०—उदासीन अरि मीत हित मुनत जरहिं खल रीति ।

जानि पानि जुग जोरि जन बिनती करइ सप्रीति ॥ ४ ॥
मैं अपनी दिसि कीन्ह निहोरा । तिन्ह निज ओर नलाउब भोरा
बायस पलिअहिं अति अनुरागा। होहिं निरामिष कबहुँ कि कागा
बंदउँ संत असजन चरना। दुखप्रद उभय बीच कळु बरना।।
बिछुरत एक प्रान हरि लेहीं । मिलत एक दुख दारुन देहीं ॥
उपजहिं एक संग जग माहीं । जलज जोंक जिमि गुन बिलगाहीं
सुधा सुरा सम साधु असाधू । जनक एक जग जलिध अगाधू।।
भल अनभल निज निज करत्ती। लहत सुजस अपलोक बिभृती।।
सुधा सुधाकर सुरसरि साधू। गरल अनल कलिमल सरि ब्याधू
गुन अवगुन जानत सब कोई। जो जेहि भाव नीक तेहि सोई।।

दो ०—भलो भलाइहि पे लहइ लहइ निचाइहि नीचु ।

सुधा सराहिअ अमरताँ गरल सराहिअ मीचु॥ ५॥
स्वल अघ अगुन साधु गुन गाहा। उभय अपार उद्धि अवगाहा।।
तेहि तें कछु गुन दोष बखाने। संग्रह त्यागन विजुपहिचाने।।
भलेउ पोच सब बिधि उपजाए। गनि गुन दोष बेद बिलगाए।।
कहिं बेद इतिहास पुराना। बिधि प्रपंचु गुन अवगुन साना।।
दुख सुख पाप पुन्य दिन राती। साधु असाधु सुजाति कुजाती।।
दानव देव ऊँच अरु नीचू। अमिअ सुजीवनु माहुरु मीचू।।
माया ब्रह्म जीव जगदीसा। लिच्छ अलिच्छ रंक अवनीसा।।
कासी मग सुरसरि क्रमनासा। मरु माख महिदेव गवासा।।
सरग नरक अनुराग बिरागा। निगमागमगुन दोष विभागा।।

दो ०-जड़ चेतन गुन दोषमय बिस्व कीन्ह करतार। संत हंस गुन गहहिं पय परिहरि बारि बिकार॥ ६॥

अस बिबेक जब देइ बिधाता। तब तिज दोष गुनिह मनु राता।। काल सुभाउ करम बरिआई। भलेउ प्रकृति बस चुकह भलाई।। सो सुधारि हरिजन जिमि लेहीं। दिल दुख दोष बिमल जसु देहीं।। खलउ करिह भल पाइ सुसंगू। मिटइ न मिलन सुभाउ अभंगू।। लिख सुबेष जग बंचक जेऊ। बेष प्रताप पूजिअहिं तेऊ।। उघरिह अंत न होइ निबाहू। कालनेमि जिमि रावन राहू।। किएहुँ कुवेषु साधु सनमान्। जिमि जग जामवंत हनुमान्।। हानि कुसंग सुसंगित लाहू। लोकहुँ बेद बिदित सब काहू।। गगन चढ़इ रज पवन प्रसंगा। कीचिह मिलइ नीच जल संगा।। साधु असाधु सदन सुक सारीं। सुमिरिह राम देहिं गिन गारीं।। धृम कुसंगित कारिख होई। लिखिअ पुरान मंजु मिस सोई।। सोइ जल अनल अनिल संघाता। होइ जलद जग जीवन दाता।।

दो ०—ग्रह भेषज जल पवन पट पाइ कुजोग सुजोग।
होहिं कुबस्तु सुबस्तु जग लखिहं सुलच्छन लोग।।७(क)॥
सम प्रकास द्वाम पाख दुहुँ नाम भेद बिधि कीन्ह।
सिस सोषक पोषक समुक्षि जग जस अपजस दीन्ह।।७(ख)॥
जड़ चेतन जग जीव जत सकल राममय जानि।
बंदउँ सब के पद कमल सदा जोरि जुग पानि।।७(ग)॥
देव दनुज नर नाग खग प्रेत पितर गंधर्ब।
बंदउँ किंनर रजनिचर ऋपा करहु अब सर्व।।७(घ)॥

आकर चारि लाख चौरासी। जाति जीव जल थल नभ बासी।। सीय राममय सब जग जानी। करउँ प्रनाम जोरि जुग पानी।। जानि कृपाकर किंकर मोह। सब मिलि करह छाड़ि छल छोह निज बुधि बल भरोस मोहि नाहीं। तातें बिनय करउँ सब पाहीं ।। करन चहउँ रघुपति गुन गाहा। लघु मति मोरि चरित अवगाहा।। सम न एकउ अंग उपाऊ। मन मति रंक मनोरथ राऊ।। मति अति नीच ऊँचि रुचि आछो।चहिअ अमिअ जग जुरइन छाछी छमिहहिं सज्जन मोरि ढिठाई। सुनिहहिं बालबचन मन लाई।। जौं बालक कह तोतरि बाता। सुनहिं मुद्दित मन पितु अरु माता हँसिहिं क्र्र कुटिल कुविचारी। जे पर दूषन भृषनधारी ॥ निज कवित्त केहि लाग न नीका। सरस होउ अथवा अति फीका ॥ जे पर भनिति सुनत हरषाहीं । ते बर पुरुष बहुत जग नाहीं ।। जग बहु नर सर सरि सम भाई । जे निज बाढ़ि बद्दिं जल पाई ।। सज़न सकृत सिंधु सम कोई। देखि पूर विधु बाद्द जोई॥ दो ०-भाग छोट अभिलाष् बहु करउँ एक बिस्वास।

पैहिं सुल सुनि सुजन सब खल करिहिं उपहास ॥ ८ ॥ खल परिहास होइ हित मोरा । काक कहिं कलकंठ कठोरा ॥ हंसिंह बक दादुर चातकही । हँसिंह मिलन खल बिमल बतकही कबित रिसक न राम पद नेहू । तिन्ह कहँ सुखद हाम रम एहू ॥ भाषा भनिति भोरि मित मोरी । हँसिंबे जोग हँसें नहिं खोंगे ॥ प्रश्चपद प्रीतिन साम्रुझि नीकी।तिन्हिंह कथा सुनि लागिहि फीकी हरि हर पद रित मित न कुतरकी। तिन्ह कहुँ मधुर कथा रघुवर की राम भगति भूषित जियँ जानी। सुनिहिंह सुजन सराहि सुवानी।। किव न होउँ निहंबचन प्रवीन्। सकल कला सब विद्या हीन्।। आखर अरथ अलंकृति नाना। छंद प्रवंध अनेक विधाना।। भाव मेद रस मेद अपारा। किवत दोष गुन विविध प्रकारा।। किवत विवेक एक निहं मोरें। सन्य कहउँ लिखि कागद कोरें।। दो ०—भनिति मोरि सब गुन रहित विस्त्र बिटित गुन एक।

सो बिचारि सुनिहिं सुमित जिन्ह में बिमल बिवेक ॥ १ ॥
एहि महँ रघुपित नाम उदारा । अति पावन पुरान श्रुति सारा ।
मंगल भवन अमंगल हारी । उमा सहित जेहि जपत पुरारी ।
भिनित विचित्र सुकवि कृत जोऊ । राम नाम विनु सोह न सोऊ।।
विधुवदनी सब भाँति सँवारी । सोह न वसन बिनाबर नारी ॥
सब गुन रहित कुकवि कृत बानी । राम नाम जस अंकित जानी ॥
सादर कहिं सुनिहं बुध ताही । मधुकर सरिस संत गुनग्राही ॥
जदिप किवत रस एकउ नाहीं । राम प्रताप प्रगट एहि माहीं ॥
सोइ भरोस मोरें मन आवा । केहिं न सुसंग बड़प्पनु पावा॥
धूमउ तजइ सहज करुआई । अगरु प्रसंग सुगंध बसाई ॥
भिनिति भदेस बस्तु भिल बरनी । राम कथा जग मंगल करनी ॥

छं०—मंगल करिन किल मल हरिन तुलसी कथा रघुनाथ की । गित कूर किबता सिरित की ज्यों सिरित पावन पाथ की ॥ प्रभु सुजस संगित भिनिति भिल हो इहि सुजन मन भावनी । भव अंग भृति मसान की सुमिरत सुहाविन पावनी॥ दो ०—िंपय लागिहि अति सबिह मम भनिति राम जस संग । दारु विचारु कि करइ कोउ वंदिअ मलय प्रसंग ॥१०(क)॥

स्याम सुरभि पय बिसद अति गुनद करहिं सब पान।

गिरा याम्य सिय राम जस गाविह सुनिह सुजान ॥१०(स)॥
मिन मानिक मुकुता छिव जैसी । अहि गिरि गज सिर सोह न तैसी
नृप किरीट तरुनी तनु पाई। लहिं सकल मोभा अधिकाई॥
तैसेहिं सुकिव किवत बुध कहहीं। उपजिह अनत अनत छिव लहिं।
भगति हेतु विधि भवन बिहाई। सुमिरत सारद आवित धाई॥
राम चरित सर बिनु अन्हवाएँ। सो अम जाइन कोटि उपएएँ॥
किवि कोविद असहदयँ विचारी। गाविह हिर जस किल मलहारी।।
कीन्हें प्राकृत जन गुन गाना। मिर धुनि गिरा लगत पछिताना
हदय सिंघु मित मीप समाना। म्वाित सारदा कहिं सुजाना।।
जौं बरपइ वर बािर विचाह । होिह किवत मुकुतामिन चाह।।

दो ०-जुगुति बेधि पुनि पोहिअहिं राम चरित वर ताग ।

पहिरहिं सज्जन विमल उर सोभा अति अनुराग ॥ ११ ॥ जे जनमे कलिकाल कराला। करतव वायस वेष मराला।। चलत कृपंथ वेद मग छाँड़े। कपट कलेवर कलि मल भाँड़े।। वंचक भगत कहाइ राम के। किंकर कंचन कोह काम के।। तिन्ह महँ प्रथम रेख जग मोरी। भींग धरमध्वज धंधक धोरी॥ जौं अपने अवगुन सब कहऊँ। बाढ़इ कथा पार नहिं लहऊँ॥ ताते मैं अति अलप बखाने। थोरे महुँ जानिहिंद सयाने॥ समुझि विविध विधि विनती मोरी।कोउ नकथा सुनि देइहि खोरी

एतेहु पर करिहाह जे असंका । मोहि ते अधिक ते जड़ मित रंका किन न होउँ नहिं चतुर कहावउँ। मित अनुरूप राम गुन गावउँ।। कहँ रघुपित के चिरत अपारा । कहँ मित मोरि निरत संसारा ।। जेहिं मारुत गिरि मेरु उड़ाहीं । कहहु तूल केहि लेखे माहीं।। समुझत अमित राम प्रभुताई। करत कथा मन अति कदराई।। दो ०—सारद सेस महेस विधि आगम निगम प्रान।

नेति नेति किह जासु गुन करिहं निरंतर गान ॥ १२ ॥
सब जानत प्रभु प्रभुता सोई। तदिप कहें बिनु रहा न कोई।।
तहाँ बेद अस कारन राखा। भजन प्रभाउ भाँति बहु भाषा।।
एक अनीह अरूप अनामा। अज सिचदानंद पर धामा।।
ब्यापक बिखरूप भगवाना। तेहिंधिर देह चरित कृत नाना।।
सो केवल भगतन हित लागी। परम कृपाल प्रनत अनुरागी।।
जोहि जन पर ममता अति छोहू। जेहिं करुना करि कीन्ह न कोहू।।
गई बहोर गरीब नेवाजू। सरल सबल साहिब रघुराजू।।
बुध बरनहिंहिर जस अस जानी। करिह पुनीत सुफल निज बानी।।
तेहिंबल मैं रघुपति गुन गाथा। कहिइउँ नाइ राम पद माथा।।
मुनिन्ह प्रथम हरिक्कीरित गाई। तेहिंमग चलत सुगम मोहि भाई
दो ं-अति अपार जे सरित वर जौ नृप सेतृ कराहिं।

चित् पिपीलिकउ परम लघु बिनु श्रम पारिह जाहिं ॥ १२ ॥ एिंड प्रकार बल मनिंड देखाई। करिहउँ रघुपति कथा सुहाई।। •यास आदि कबिपुंगव नाना जिन्ह सादर हिर सुजस बखाना चरन कमल बंदउँ तिन्ह केरे। पुरवहुँ सकल मनोरथ मेरे।। किल के कबिन्द करउँ परनामा । जिन्ह बरने रघुपति गुन न्नामा।। जे प्राकृत कवि परम सयाने । भाषाँ जिन्ह हरि चरित बखाने।। भए जे अहहिं जे होइहहिं आगें। प्रनवउँ सबहि कपट सब त्यागें।। होहु प्रसन्न देहु वरदानु । साधु समाज भनिति सनमान् ।। जो प्रबंध बुध नहिं आदरहीं । सोश्रम बादि बाल कि करहीं ।। कीरति भनिति भृति भिल सोई। सुरसरि समसव कहँ हित होई।। राम सुकीरति भनिति भदेसा। असमंजस अस मोहि अँदेसा।। तुम्हरी कृपाँ सुलभ सोउ मोरे। सिअनि सुहावनि टाट पटोरे।। दो ०-सरल कबित कीरति बिमल सोइ आदरहिं सुजान। सहज वयर विसराइ रिपु जो सुनि करहिं बखान ॥१४(क)॥ सो न होइ बिनु बिमल मित मोहि मित बल अति थोर। करहु क्रपा हरि जस कहउँ पुनि पुनि करउँ निहोर ॥१४(ख)॥ कवि कोबिद रघ्बर चरित मानस मंजु मराल। बालबिनय सुनि सुरुचि लिख मो पर होहु ऋपाल ॥१४(ग)॥ सों०-बंदउँ मुनि पद कंज़ु रामायन जेहिं निरमयउ। सखर सुकोमल मंजु दोष रहित दूषन सहित ॥१४(घ)॥ बंदउँ चारिउ बंद भव बारिधि बोहित सरिस। जिन्हिह न सपनेहुँ खेद बरनत रघुबर बिसद जसु ॥१४(ङ)॥ बंदउँ बिधि पद रेनु भव सागर जेहिं कीन्ह जहेँ । संत सुधा सिस धेनु प्रगटे खल बिष बारुनी ॥१४(₹)॥ दो ०-बिबुध बिप बुध यह चरन बंदि कहउँ कर जोरि । होइ प्रसन्न पुरवहु सकल मंजु मनोरथ मोरि ॥१४(छ)॥ पुनि बंदउँ सारद सुरसरिता। जुगल पुनीत मनोहर चरिता।। मजन पान पाप हर एका। कहत सुनत एक हर अविवेका।।
गुर पितु मातु महेस भवानी। प्रनवउँ दीनबंधु दिन दानी।।
सेवक खामि सखा सिय पी के। हित निरुपिध सब विधि तुलसी के
किल विलोकि जग हित हर गिरिजा। साबर मंत्र जाल जिन्ह सिरिजा
अनिमल आखर अरथ न जापू। प्रगट प्रभाउ महेस प्रतापू।।
सो उमेस मोहि पर अनुक्ला। करिहिं कथा मुद मंगल मूला।।
सुमिरि सिवा सिव पाइ पसाऊ। बरनउँ राम चिरत चित चाऊ।।
भनिति मोरि सिव कृपाँ विभाती। सिस समाज मिलि मनहुँ सुराती
जे एहि कथि सनेह समेता। कहिहहिं सुनिहिं समुझि सचेता
होइहिं राम चरन अनुरागी। किल मल रहित सुमंगल भागी।।

दो ः –सपने हुँ साचे हुँ मोहि पर जौं हर गौरि पसाउ।

तौ फुर होउ जो कहेउँ सब भाषा भनिति प्रभाउ ॥ १५ ॥

बंदउँ अवध पुरी अति पाविन। सरज् सिर किल कलुष नसाविन।। प्रनवउँ पुर नर नारि बहोरी। ममता जिन्ह पर प्रभुहि न थोरी।। सिय निंदक अघ ओघ नसाए। लोक विसोक बनाइ बसाए।। बंदउँ कौसल्या दिसि प्राची। कीरति जास सकल जग माची।। प्रगटेउ जहँ रघुफित सिस चारू। बिख सुखद खल कमल तुसारू।। दसरथ राउ सहित सब रानी। सुकृत सुमंगल मूरति मानी।। करउँ प्रनाम करम मन बानी। करहु कृपा सुत सेवक जानी।। जिन्हहि बिरचि बड़ भयउविधाता। महिमा अवधि राम पितु माता

सो ०-बंदउँ अवध भुआल सत्य प्रम बेहि राम पद।

बिछुरत दीनदयाल प्रिय तनु तृन इव परिहरेउ ॥ १६ ॥

प्रनवउँ परिजन सहित विदेहू । जाहि राम पद गृह सनेहू ।।
जोग भोग महँ राखेउ गोई। राम विलोकत प्रगटेउ सोई ।।
प्रनवउँ प्रथम भरत के चरना । जासु नेम ब्रत जाइन बरना ।।
राम चरन पंकज मन जास्र । छुबुध मधुप इव तजइन पास्र ।।
बंदउँ लिछमन पद जलजाता । सीतल सुभग भगत सुख दाता।।
रघुपति कीरित विमल पताका । दंड समान भयउ जस जाका ।।
सेष सहस्रसीस जग कारन । जो अवतरेउ भूमि भय टारन ।।
सदा सो सानुकूल रह मो पर । कृपासिधु सौमित्रि गुनाकर ।।
रिपुस्दन पद कमल नमामी । सर सुसील भरत अनुगामी ।।
महाबीर विनवउँ हनुमाना । राम जासु जस आप बखाना ।।

सो०—प्रनवउँ पवनकुमार म्वल बन पावक ग्यानघन ।

जासु हृदय आगार बसहिं राम सर चाप घर ॥ १७ ॥

किपिपति रीछ निसाचर राजा। अंगदादि जे कीस समाजा।।
बंदउँ सब के चरन सहाए। अधमसरीर राम जिन्ह पाए।।
रघुपति चरन उपासक जेते। खगमृगसुर नर असुरसमेते।।
बंदउँ पद सरोज सब केरे। जे बिनु काम राम के चेरे।।
सुकसनकादि भगत ग्रुनि नारद। जे ग्रुनिवर विग्यान विसारद।।
प्रनवउँ सबहि धरनि धरि सीसा। करहु कृपा जन जानि ग्रुनीसा।।
जनकसुता जग जननि जानकी। अतिसय प्रिय करुनानिधान की
ताके जुग पद कमल मनावउँ। जासु कृपाँ निरमल मति पावउँ।।
पुनि मन बचन कर्म रघुनायक। चरन कमल बंदउँ सब लायक।।
राजिवनयन धरें धनु सायक। भगत बिपति भंजन सुख दायक

दो ०-गिरा अरथ जल बीचि सम कहिअत भिन्न न भिन्न ।

बंदउँ सीता राम पद जिन्हिह परम प्रिय खिन्न ॥ १८ ॥ वंदउँ नाम राम रघुबर को । हेतु कृसानु भानु हिमकर को ॥ विधि हिर हरमय बेद प्रान सो । अगुन अनुपम गुन निधान सो॥ महामंत्र जोइ जपत महेस्र । कासीं मुकुति हेतु उपदेस्र ॥ महिमा जासु जान गनराऊ । प्रथम पूजिअत नाम प्रभाऊ ॥ जान आदिकिब नाम प्रतापू । भयउ सुद्ध किर उलटा जापू ॥ सहस नाम सम सुनि सिव बानी। जिप जेई पिय संग भवानी ॥ हरषे हेतु हेरि हर ही को । किय भूषन तिय भूषन ती को ॥ नाम प्रभाउ जान सिव नीको । कालकुट फलु दीन्ह अमी को ॥

दो०—बरषा रितु रघुपति भगति तुलसी सालि सुदास।

राम नाम बर बरन जुग सावन भादव मास ॥ १९ ॥
आखर मधुर मनोहर दोऊ। बरन बिलोचन जन जिय जोऊ॥
सुमिरत सुलभ सुखद सब काहू। लोक लाहु परलोक निबाहू ॥
कहत सुनत सुमिरत सुठिनीके। राम लखन सम प्रिय तुलसी के॥
बरनत बरन प्रीति बिलगाती। ब्रह्म जीव सम सहज सँघाती॥
नर नारायन सस्सि सुआता। जग पालक बिसेषि जन त्राता॥
भगंति सुतिय कल करन बिभूषन। जग हित हेतु बिमल बिधु पूषन
स्वाद तोष सम सुगति सुधा के। कमठ सेष सम धर बसुधा के॥
जन मन मंजु कंज मधुकर से। जीह जसोमति हरि हलधर से॥

दो०-एकु छत्रु एकु मुकुटमिन सब बरनिन पर जोउ । तुलसी रघुबर नाम के बरन बिराजत दोउ ॥ २०॥ सम्रज्ञत सरिस नाम अरु नामी । प्रीति परसपर प्रभ्र अतुगामी ॥
नाम रूप दुइ ईस उपाधी । अकथ अनादि सुसाम्रज्ञि साधी
को बड़ छोट कहत अपराध् । सुनि गुन मेदु सम्रुज्ञिहिं साध्।।
देखिअहिं रूप नाम आधीना । रूप ग्यान निंह नाम बिहीना ॥
रूप बिसेष नाम बिनु जानें । करतल गत न परिंह पहिचानें॥
सुमिरिअ नाम रूप बिनु देखें । आवत हृद्यँ सनेह बिसेषें ॥
नाम रूप गति अकथ कहानी। सम्रुज्ञत सुखद न परित बखानी॥
अगुन सगुन बिच नाम सुसाखी, उभय प्रबोधक चतुर दुभाषी॥

दो ०-राम नाम मिन दीप घरु जीह देहरीं द्वार् ।

तुलती भीतर बाहेरहुँ जौं चाहिस उजिआर ॥ २१ ॥

नाम जीहँ जिप जागिहं जोगी। बिरित बिरंचि प्रपंच बियोगी।।
ब्रह्मसुखिह अनुभविहं अनुपा। अकथ अनामय नाम न रूपा।।
जाना चहिहं गृह गित जेऊ। नाम जीहँ जिप जानिहं तेऊ।।
साधक नाम जपिहं लय लाएँ। होहिं सिद्ध अनिमादिक पाएँ।।
जपिहं नाम्र जन आरत भारी। मिटिहं कुसंकट होहिं सुखारी।।
राम भगत जग चारि प्रकारा। सुकृती चारिउ अनघ उदारा।।
चहु चतुर कहुँ नाम अधारा। ग्यानी प्रभुहि बिसेषि पिआरा।।
चहुँ जुग चहुँ श्रुति नाम प्रभाऊ। किल बिसेषि निहं आन उपाऊ।।

दो ० — सकल कामना हीन जे राम भगति रस लीन।

नाम सुप्रेम पियूष हद तिन्हहुँ किए मन मीन ॥ २२ ॥ अगुन सगुन दुइ ब्रह्म सरूपा। अकथ अगाध अनादि अनुपा।। मोरें मत बड़ नाम्र दुहू तें। किए जेहिं जुग निज बस निज बूतें प्रौदि सुजन जिन जानिहं जन की। कहउँ प्रतीति प्रीति रुचि मन की एकु दारुगत देखिअ एकू। पावक सम जुग ब्रह्म विवेकू !! उभय अगम जुग सुगमनाम तें। कहेउँ नाम्रु बढ़ ब्रह्म राम तें !! ब्यापकु एकु ब्रह्म अबिनासी। सत चेतन घन आनँद रासी।! अस प्रभु हृद्यँ अछत अबिकारी। सकल जीव जग दीन दुखारी।! नाम निरूपन नाम जतन तें। सोउ प्रगटत जिमि मोल रतनतें।! हो०-निरगुन तें एहि भाँति बढ़ नाम प्रभा उ अपार।

कहउँ नामु वड़ राम तें निज विचार अनुसार ॥ २३ ॥ राम भगत हित नर तनु धारी । महि संकट किए साधु सुखारी।। नामु सप्रेम जपत अनयासा । भगत हो हिं मुद मंगल वासा ॥ राम एक तापस तिय तारी । नाम को टि खल कुमति सुधारी॥ रिषि हित राम सुकेतुसुता की । सहित सेन सुत की न्हि विवाकी सहित दोष दुख दास दुरासा दलइ नामु जिमि रिव निसि नासा मंजेउ राम आपु भव चापू । भव भय भंजन नाम प्रतापू॥ दंडक बनु प्रभु की न्ह सुहावन । जन मन अमित नाम किए पावन निसिचर निकर दले रघुनंदन। नामु सकल किल कलुष निकंदन हो ० — सबरी गीधू सुसेवकिन सुगति दीन्हि रघुनाथ।

राम सुकंठ विभीषन दोऊ। राखे सरन जान सबु कोऊ॥ नाम गरीब अनेक नेवाजे। लोक बेद बर बिरिद बिराजे॥ राम भालु किप कटकु बटोरा। सेंतु हेतु श्रम्न कीन्ह नथोरा॥ नामु लेत भवसिंघु सुखाही। करहु बिचारु सुजन मन माही॥

नाम उधारे अमित खल बंद बिदित गुन गाथ ॥ २४ ॥

राम सकुल रन रावनु मारा। सीय सहित निज पुर पगु धारा।। राजा रामु अवध रजधानी। गावत गुन सुर मुनि बर बानी॥ सेवक सुमिरत नामु सप्रीती। बिनु श्रम प्रबल मोह दल्ज जीती।। फिरत सनेहँ मगन सुख अपनें। नाम प्रसाद सोच नहिं सपनें॥

दो ०—ब्रह्म राम तें नामु बड़ बर दायक बर दानि। रामचरित सत कोटि महँ लिय महेस जियँ जानि॥ २५॥

## मासपारायण, पहला विश्राम

नाम प्रसाद संग्च अविनासी। साज अमंगल मंगल रासी।। सुक सनकादि सिद्ध मुनि जोगी। नाम प्रसाद ब्रह्मसुख भोगी।। नारद जाने उनाम प्रतापू। जग प्रिय हरि हरि हर प्रिय आपू।। नाम्च जपत प्रभु कीन्ह प्रसाद्। भगत सिरोमिन मे प्रहलाद्।। भ्रुवँ सगलानि जपेउ हरि नाऊँ। पायउ अचल अनूपम ठाऊँ।। सुमिरि पवनसुत पावन नामू। अपने बम करि राखे रामू॥ अपतु अजामिल गजु गनिकाऊ। भए मुकुत हरि नाम प्रभाऊ।। कहीं कहाँ लगि नाम वड़ाई। रामुन सकहिं नाम गुन गाई।।

दो ०—नामु राम को कलपतरु किल कल्यान निवासु।
जो सुमिरत भयो भाँग तें तुलसी तुलसीदासु॥ २६॥
चहुँ जुग तीन काल तिहुँ लोका। भए नाम जिप जीव विसोका।।
बेद पुरान संत मत एहू। सकल सुकृत फल राम सनेहू।।
ध्यानु प्रथम जुग मखिविधि दूर्जे। द्वापर परितोषत प्रभ्र पूर्जे।।
फृलि केवल मल मूल मलीना। पाप पयोनिधि जन मन मीना।।
नाम कामतरु काल कराला। सुमिरत समन सकल जग जाला।।

राम नाम किल अभिनत दाता । हित परलोक लोक पितु माता।। निहें किल करम न भगति विवेक् । राम नाम अवलंबन एकू ॥ कालनेमि किल कपट निधानु । नाम सुमति समरथ हनुमानु ॥

दो ०—राम नाम नरकेसरी कनककिसपु कलिकाल। जापक जन प्रहलाद जिमि पालिहि दलि सुरसाल॥ २७॥

भायँ कुभायँ अनख आलसहूँ। नाम जपत मंगल दिसि दसहूँ।।
सुमिरि सो नाम राम गुन गाथा। करउँ नाइ रघुनाथिह माथा।।
मोरि सुधारिहि सो सब भाँती। जास कृपा निहं कृपाँ अघाती।।
राम सुखामि कुसेवकु मोसो। निज दिसि देखि दयानिधि पोसो।।
लोकहुँ वेद सुसाहिब रीती। बिनय सुनत पिहचानत प्रीती।।
गनी गरीब ग्रामनर नागर। पंडित मूढ़ मलीन उजागर।।
सुकिब कुकिब निज मित अनुहारी। नृपिह सराहत सब नर नारी।।
साधु सुजान सुसील नृपाला। ईस अंस भव परम कृपाला।।
सुनि सनमानिहं सबिह सुबानी। भिनित भगित नित गित पिहिचानी
यह प्राकृत मिहपाल सुभाऊ। जान भिरोमिन कोसलराऊ।।
रीझत राम मनेह निसोतें। को जग मंद मिलनमित मोतें।।

दो ०—सठ सेवके की प्रीति रुचि रखिहहिं राम ऋपालु । उपल किए जलजान जेहिं सचिव सुमित कपिभालु ॥२८(क)॥ हौंहु कहावत सर्व कहत राम सहत उपहास। साहिब सीतानाथ सो सेवक तुलसीदास॥२८(ख)॥

अति बड़ि मोरि ढिठाई खोरी। सुनि अघ नरकहुँ नाक सकोरी।। सम्रुझि सहम मोहि अपडर अपनें। सो सुधि राम कीन्हि नहिं सपनें।। सुनि अवलोकि सुचित चख चाही। भगति मोरि मति खामि सराही कहत नसाइ होइ हियँ नीकी। रीझत राम जानि जन जी की।। रहति न प्रश्च चित चूक किए की। करत सुरति सय बार हिए की।। जेहिं अघबधेउ ब्याध जिमि वाली। फिरि सुकंठ सोइ कीन्हि कुचाली सोइ करत्ति विभीषन केरी। सपनेहुँ सो न राम हियँ हेरी।। ते भरतहि भेंटत सनमाने। राजसभाँ रघुबीर बखाने।।

दो ०—प्रभु तरु तर किप डार पर ते किए आपु समान । तुलसी कहूँ न राम से साहिब सीलिनिधान ॥२९(क)॥ राम निकाई रावरी हे सबही को नीक। जौ यह साँची है सदा तो नीको तुलसीक॥२९(ख)॥ एहि बिधि निज गुन दोष किह सबिह बहुरि सिरु नाइ। बरनउँ रघुबर विसद जस् सुनि किल कलुष नसाइ॥२९(ग)॥

जागबलिक जो कथा सहाई। भरद्वाज सुनिवरहि सुनाई।।
कहिहउँ सोइ संबाद बखानी। सुनहुँ सकल सज्जन सुखु मानी।।
संभ्रु कीन्ह यह चरित सुहावा। बहुरि कृपा करि उमिह सुनावा।।
सोइ सिव कागभ्रसुंडिहि दीन्हा। राम भगत अधिकारी चीन्हा।।
तेहि मन जागबलिक पुनि पावा। तिन्ह पुनि भरद्वाज प्रति गावा।।
ते श्रोता बकता समसीला। सवँदरसी जानहिं हरिलीला।।
जानहिं तीनि काल निज ग्याना। करतल गत आमलक समाना।।
औरउ जे हरिभगत सुजाना। कहिं सुनिहं समुझहिं बिधि नाना।।

दो ०—मैं पुनि निज गुर सन सुनी कथा सो सूकरखंत। समुझी नहिं तसि बालपन तब अति रहेउँ अचेत ॥३०(क)॥ श्रोता बकता ग्यानिधि कथा राम के गूढ़। किमि समुझौं मैं जीव जड़ किल मल प्रसित बिमूढ़ ॥३०(ख)॥

तदिष कही गुर बारहिं बारा। समुझि परी कछु मित अनु सारा।।
भाषाबद्ध करिं में सोई। मोरें मन प्रबोध जेहिं होई।।
जस कछु बुधि बिबेक बल मेरें। तस कहिहउँ हियँ हिर के प्रें।।
निज संदेह मोह अम हरनी। करउँ कथा भव सरिता तरनी।।
बुध बिश्राम सकल जन रंजिन। रामकथा किल कछुष बिमं जिना।
रामकथा किल पंनग भरनी। पुनि बिबेक पावक कहुँ अरनी।।
रामकथा किल कामद गाई। सजन सजीविन मूरि सुहाई।।
सोड बसुधातल सुधा तरंगिनि। भय मंजिन अम भेक भुअंगिनि।।
असुर सेन सम नरक निकंदिनि। साधु बिबुध कुल हित गिरिनंदिनि
संत समाज पयोधि रमा सी। बिस्व भार भर अवल छमा सी।।
जम गन मुहँ मित जग जमुना सी। जीवन मुक्ति हेतु जनु कासी।।
रामिह प्रिय पाविन तुलसी सी। तुलसिदास हित हियँ हुलमी सी।।
सिवप्रिय मेकल सेल सुता सी। सकल सिद्धि सुग्व संपति रासी।।
सदगुन सुरगन अंब अदिति सी। रघुवर भगित प्रेम परिमिति सी।।

दो०—रामकथा रे मंदाकिनी चित्रकूट चित चारु। तुलसी सुभग सनेह बन सिय रघुबीर बिहारु ॥ ३१॥

रामचरित चिंतामिन चारू। संत सुमित तिय सुभग सिंगारू॥ जग मंगल गुन ग्राम राम के। दानि मुकृति धन धरम धाम के॥ सदगुर ग्यान विगाग जोग के। विबुध बेंद्र भव भीम रोग के॥ जननि जनक सिय राम प्रेम के। बीज सकल ब्रतधरम नेम के॥ समन पाप संताप सोक के। प्रिय पालक परलोक लोक के।।
सचिव सुभट भ्पति बिचार के। कुंभज लोभ उद्धि अपार के।।
काम कोह कलिमल करिगन के। केहिर सावक जन मन बन के।।
अतिथि पूज्य प्रियतम पुरारि के। कामद घन दारिद द्वारि के।।
मंत्र महामिन बिषय ब्याल के। मेटत कठिन कुअंक भाल के।।
हरन मोह तम दिनकर कर से। सेवक सालि पाल जलधर से।।
अभिमत दानि देवतरु बर से। सेवत सुलभ सुखद हिर हर से।।
सुकबि सरद नभ मन उडगन से। रामभगत जन जीवन धन से।।
सकल सुकुत फल भूरि भोग से। जग हित निरुपि साधु लोग से
सेवक मन मानस मराल से। पावन गंग तरंग माल से।।

दो ० – कुपथ कुतरक कुचालि कलि कपट दंभ पाषंड।

दहन राम गुन माम जिमि इंधन अनल प्रचंड ॥ ३२(क)॥ रामचरित राकेस कर सरिस सुखद सब काहु। सज्जन कुमुद चकोर चित हित बिसेषि बड़ लाहु॥ ३२ (स्व)॥

कीन्हि प्रस्न जेहि भाँति भवानी । जेहि विधि संकर कहा बखानी ।। सो सब हेतु कहब मैं गाई । कथाप्रबंध विचित्र बनाई ॥ जेहिं यह कथा सुनी निहं होई । जिन आचरज कर सुनि सोई ॥ कथा अलौकिक सुनिहं जे ग्यानी। निहं आचरज कर हैं अस जानी।। राम कथा के मिति जग नाहीं। असि प्रतीति तिन्ह के मन माहीं॥ नाना भाँति राम अवतारा। रामायन सत कोटि अपारा॥ कलपमेद हरि चरित सुहाए। भाँति अनेक मुनीसन्ह गाए॥ करिअन संसय अस उर आनी। सुनिअ कथा सादर रित मानी॥ दो ०-राम अनंत अनंत गुन अमित कथा बिस्तार।

सुनि आचरजु न मानिहिं जिन्ह कें बिमल बिचार ॥ ३३ ॥

एहि विधि सब संसय किर दूरी। सिर धिर गुर पद पंकज धूरी।। पुनि सबही बिनवउँ कर जोरी। करत कथा जेहिं लाग न खोरी।। सादर सिवहि नाइ अब माथा। बरनउँ बिसद राम गुन गाथा।। संबत सोरह सै एकतीसा। करउँ कथा हिर पद धिर सीसा।। नौमी भीम बार मधु मासा। अवधपुरीं यह चिरत प्रकासा।। जेहि दिन रामजनम श्रुति गाविं। तीरथ सकल तहाँ चिल आविं असुर नाग खग नर मुनि देवा। आइ करिं रघुनायक सेवा।। जन्म महोत्सव रचिं सुजाना। करिं राम कल कीरित गाना।।

दो ०--मज्जिहिं सज्जन बृंद बहु पावन सरजू नीर।

जपहिं राम घरि ध्यान उर सुंदर स्याम सरीर ॥ ३४ ॥

दरस परस मन्जन अरु पाना । हरइ पाप कह बेद पुराना ॥ नदी पुनीत अमित महिमा अति । कि न सकई सारदा बिमलमित राम धामदा पुरी सहावनि । लोक समस्त बिदित अति पावनि चारि खानि जम् जीव अपारा । अवध तजें तनु निहं संसारा ॥ सब बिधि पुरी मनोहर जानी । सकल सिद्धिप्रद मंगल खानी ॥ बिमल कथा कर कीन्ह अरंभा । सुनत नसाहिं काम मद दंभा ॥ रामचरितमानस एहि नामा । सुनत अवन पाइ म बिश्रामा ॥ मन करि बिषय अनल बन जरई । होइ सुखी जौं एहिं सर परई ॥ रामचरितमानस सुनि भावन । विरचेउ संसु सुहावन पावन । तिबिध दोष दुख दारिद दावन । कलि कुचालि कुलि कळुष नसावन

रचि महेस निज मानस राखा। पाइ सुसमउ सिवा सन भाषा।। तातें रामचरितमानस वर। धरेउ नाम हियँ हेरि हरिष हर।। कहउँ कथा सोइ सुम्बद सुहाई। सादर सुनहु सुजन मन लाई।। दो ०-जस मानस जेहि विधि भयउ जग प्रचार जेहि हेतु।

अब सोइ कहउँ प्रसंग सब सुमिरि उमा बृषकेतु ॥ ३५ ॥

संभ्र प्रसाद सुमित हियँ हुलसी। रामचरितमानस कि तुलसी।। करइ मनोहर मित अनुहारी। सुजनसुचित सुनि लेहु सुधारी।। सुमित भूमि थल हृदय अगाधू। बेद पुरान उदिध घन साधू।। बरपिह राम सुजस बर वारी। मधुर मनोहर मंगलकारी।। लीला सगुन जो कहिं बखानी। सोइ खन्छता करइ मल हानी।। प्रेम भगति जो बरिन न जाई। सोइ मधुरता सुसीतलताई।। सो जल सुकृत सालि हित होई। राम भगत जन जीवन सोई।। मेधा मिह गत सो जल पावन। सिकिलि श्रवन मग चलेउ सुहावन भरेउ सुमानस सुथल थिराना। सुखद सीत रुचि चारु विराना।। दो०—सुठि सुंदर संबाद बर बिरचे बुद्धि विचारि।

तेइ एहि पावन सुभग सर घाट मनोहर चारि ॥ ३६ ॥
सप्त प्रबंध सुभग सोपाना । ग्यान नयन निरखत मन माना ।)
रघुपति महिमा अगुन अवाधा। बरनव सोइ बर बारि अगाधा ॥
राम सीय जम सिलल सुधासम । उपमा बीचि बिलास मनोरम ॥
पुरइनि सघन चारु चौपाई । जुगुति मंजु मनि सीप सुहाई ॥
छंद सोरठा सुंदर दोहा । सोइ बहुरंग कमल कुल सोहा ॥
अरथ अनुष सुभाव सुभासा । सोइ पराग मकरंद सुबासा ॥

सुकृत पुंज मंजुल अलि माला। ग्यान विराग विचार मराला।।
धुनि अवरेव कवित गुन जाती। मीन मनोहर ते बहुआँती।।
अरथ धरम कामादिक चारी। कहव ग्यान विग्यान विचारी।।
नव रस जप तप जोग विरागा। ते सब जलचर चारु तड़ागा।।
सुकृती साधु नाम गुन गाना। ते विचित्र जल विहग समाना।।
संतसभा चहुँ दिसि अवँराई। श्रद्धा रितु वसंत सम गाई।।
भगति निरूपन विविध विधाना। छमा दया दम लता विताना।।
सम जम नियम फूल फल ग्याना। हिर पद रित रस वेद बखाना।।
औरउ कथा अनेक प्रसंगा। तेइ सुक पिक बहु बरन विहंगा।।

दो०-पुलक बाटिका बाग बन सुख सुबिहंग बिहारु।

माली सुमन सनेह जल सींचत लोचन चारु।। ३७॥

जे गावहिं यह चरित सँभारे । तेइ एहि ताल चतुर रखवारे ।। सदा सुनहिं सादर नर नारी । तेइ सुरवर मानस अधिकारी ।। अति खल जे विषई वग कागा । एहि सर निकट न जाहिं अभागा संबुक भेक सेवार समाना । इहाँ न विषय कथा रस नाना ।। तेहि कारन आवत हियँ हारे । कामी काक वलाक विचारे ।। आवत एहिं सर श्वति कठिनाई । राम कृपा विनु आइ न जाई ।। कठिन कुसंग कुपंथ कराला । तिन्ह के बचन वाघ हरि ब्याला गृह कारज नाना जंजाला । ते अति दुर्गम सैल विमाला ।। बन बहु विषम मोह मद माना । नदीं कुतर्क भयंकर नाना ।।

दो०—जे श्रद्धा संबल रहित नहिं संतन्ह कर साथ।

तिन्ह कहुँ मानस अगम अति जिन्हिहि न श्रिय रघुनाथ ॥ ३८ ॥

जों करि कष्ट जाइ पुनि कोई। जाति नीद जुड़ाई होई।। जड़ता जाड़ विषम उर लागा। गएहुँ न मजन पान अभागा।। किरि न जाइ सर मजन पाना। किरि आवइ समेत अभिमाना।। जों बहोरि कोउ पूछन आवा। सर निंदा किर ताहि बुझावा।। सकल विम्न व्यापिह निहं तेही। राम सुकृषाँ विलोकिहं जेही।। सोइ सादर सर मजनु करई। महा घोर त्रयताप न जरई।। ते नर यह सर तजिह न काऊ। जिन्ह के रामचरन भल भाऊ।। जो नहाइ चह एहिं सर भाई। सो सतसंग करउ मन लाई।। अस मानस मानस चख चाही। भइ कि बुद्धि विमल अवगाही।। भयउ हृदयँ आनंद उछाहू। उमगेउ प्रेम प्रमोद प्रवाहू।। चली सुभग किता सिता सो।राम विमल जस जल भिरता सो।। सरजू नाम सुमंगल मूला। लोक बेद मत मंजल कूला।। नदी पुनीत सुमानस नंदिनि। किलमल तुन तह मूल निकंदिन

दो ०-श्रोता त्रिबिध समाज पुर घाम नगर दुहुँ कूल। संतसभा अनुपम अवध सकल सुमंगल मूल॥ ३९॥

रामभगित सुरसरितिह जाई। मिली सुकीरित सरज सुहाई॥ सानुज राम समर जसु पावन। मिलेउ महानदु सोन सुहावन॥ जुग बिच भगित देवधुनिधारा।सोहिति सहित सुबिरित विचारा॥ त्रिविध ताप त्रासक तिस्रहानी। राम सह्य सिंधु सस्रहानी॥ मानस मूल मिली सुरसरिही।सुनत सुजन मन पावन करिही॥ बिच बिच कथा बिचित्र विभागा। जनु सिर तीर तीर बन बागा॥ उमा महेस बिबाह बराती। ते जलचर अगनित बहुआँती॥ रघुबर जनम अनंद बधाई। भवरं तरंग मनोहरताई।। दो०—बालचरित चहु बंधु के बनज बिपुल बहुरंग। नृप रानी परिजन सुकृत मधुकर बारि बिहंग॥ ४०॥

सीय स्वयंबर कथा सहाई । सरित सुहाविन सो छिब छाई ।।
नदी नाव पटु प्रस्न अनेका । केवट कुसल उतर सिबवेका ।।
सुनि अनुकथन परस्पर होई । पथिक समाज सोह सिर सोई ।।
घोर धार भृगुनाथ रिसानी । घाट सुबद्ध राम बर बानी ।।
सानुज राम बिबाह उछाहू ।सो सुभ उमग सुखद सब काहू।।
कहत सुनत हरषिं पुलकाहीं । ते सुकृती मन सुदित नहाहीं ।।
राम तिलक हित मंगल साजा । परब जोग जनु जुरे समाजा।।
काई कुमति केकई केरी । परी जास फल बिपति घनेरी।।

दो ०-समन अमित उतपात सब भरत चरित जप जाग ।

किल अघ खल अवगुन कथन ते जलमल बग काग ॥ ४१ ॥

कीरित सरित छहूँ रितु रूरी । समय सहावनि पावनि भूरी ॥ हिम हिमसेंलसुत्रृसिव ब्याहू । सिसिर सुखद प्रश्च जनम उछाहू॥ बरनव राम विवाह समाजू । सो ग्रुद मंगलमय रितुराजू ॥ ग्रीषम दुसह राम बनगमन् । पंथकथा खर आतप पवन् ॥ बरषा घोर निसाचर रारी । सुरकुल सालि सुमंगलकारी ॥ राम राज सुख विनय बड़ाई । बिसद सुखद सोइ सरद सुहाई॥ सती सिरोमनि सिय गुनगाथा। सोइ गुन अमल अनूपम पाथा॥ भरत सुभाउ सुसीतलताई । सदा एकरस बरनि न जाई ॥ दो ०—अवलोकिन बोलिन मिलिन प्रीति परसपर हास । भायप भिल चहु बंधु की जल माधुरी सुबास ॥ ४२ ॥

आरति बिनय दीनता मोरी। लघुता लिलत सुवारि न थोरी।। अद्भुत सलिल सुनत गुनकारी। आस पिआस मनोमल हारी।। राम सुप्रेमहि पोषत पानी । हरत सकल कलि कलुष गलानी।। भव श्रम सोषक तोषक तोषा। समन दुरित दुख दारिद दोषा।। काम कोह मद मोह नसावन। बिमल विबेक बिराग बढ़ावन।। सादर मज्जन पान किए तें। मिटहिं पाप परिताप हिए तें।। जिन्ह एहिं वारिन मानस धोए। ते कायर कलिकाल विगोए।। तृषित निरित्व रवि कर भव वारी। फिरिहिंह मृग जिमि जीव दुखारी

दो ०—मित अनुहारि सुबारि गुन गन गनि मन अन्हवाइ । सुमिरि भवानी संकरिह कह किब कथा सुहाइ ॥४३(क)॥ अब रघुपति पद पंकरुह हियँ घरि पाइ प्रसाद । कहउँ जुगल मुनिबर्य कर मिलन सुभग संबाद ॥४३(ख)॥

भरद्वाज मुनि बमहिं प्रयागा। तिन्हिह राम पद अति अनुरागा।। तापस समदम दया निधाना। परमारथ पथ परम सुजाना।। माघ मकरगत रिव जब होई। तीरथपतिहिं आव सब कोई।। देव दनुज किंनर नर श्रेनीं। सादर मज्जिहें सकल त्रिबेनीं।। पूजिहं माधव पद जलजाता। परिस अखय बहु हरषि गाता।। भरद्वाज आश्रम अति पावन। परम रम्य मुनिबर मन भावन।। तहाँ होई मुनि रिपय समाजा। जाहिं जे मज्जिन तीरथराजा।। मज्जिहं प्रात समेत उछाहा। कहिं परसपर हिर गुन गाहा।।

दो ०-ब्रह्म निरूपन धरम बिधि बरनिहं तत्त्व बिभाग । कहिं भगति भगवंत के संजुत ग्यान बिराग ॥ ४४ ॥

एहि प्रकार भिर माघ नहाहीं । पुनि सब निज निज आश्रम जाहीं प्रित संबत अति होइ अनंदा । मकर मिज गवनिह मुनिबृंद्।।। एक बार भिर मकर नहाए । सब मुनीस आश्रमन्ह सिधाए ।। जागबिलक मुनि परम बिबेकी । भरद्वाज राखे पद टेकी ।। सादर चरन सरोज पखारे । अति पुनीत आसन बैठारे ॥ किर पूजा मुनि सुजसु बखानी । बोले अति पुनीत मृदु बानी ।। नाथ एक संसउ बड़ मोरें । करगत बेदतन्त्र सबु तोरें ।। कहत सो मोहि लागत भय लाजा। जौंन कहउँ बड़ होइ अकाजा।।

दो ०—संत कहिं असि नीति प्रभु श्रुति पुरान मुनि गाव । होइ न बिमल बिबेक उर गुर सन किएँ दुराव ॥ ४५ ॥

अस विचारि प्रगटउँ निज मोहू। हरहु नाथ करि जन पर छोहू।। राम नाम कर अमित प्रभावा । संत पुरान उपनिषद गावा।। संतत जपत संग्रु अविनासी । सिव भगवान ग्यान गुन रासी।। आकर चारि जीव जग अहहीं । कासीं मरत परम पद लहहीं ।। सोपि राम महिमा मुनिराया । सिव उपदेसु करत करि दाया।। रामु कंवन प्रभु पूछउँ तोही । कहिअ बुझाइ कृपानिधि मोही।। एक राम अवधेस कुमारा। तिन्ह कर चरित विदित संसारा।। नारि विरहँ दुखु लहेउ अपारा। भयउ रोषु रन रावनु मारा।।

दो०-प्रभु सोइ रामि अपर कोउ जाहि जपति त्रिपुरारि । सत्यधाम सर्वेग्य तुम्ह कहहु विवेकु विचारि ॥ ४६ ॥ जैसें मिट मोर अम भारी। कहहु सो कथा नाथ बिस्तारी।। जागबलिक बोले ग्रुसुकाई। तुम्हिह बिदित रघुपित प्रभुताई।। रामभगत तुम्ह मन कम बानी। चतुराई तुम्हारि में जानी।। चाहहु सुनै राम गुन गूढ़ा। कीन्हिहु प्रस्न मनहुँ अति मृहा।। तात सुनहु सादर मनु लाई। कहउँ राम के कथा सुहाई।। महामोहु महिषेसु बिसाला। रामकथा कालिका कराला।। रामकथा सिस किरन समाना। संत चकोर करहिं जेहि पाना।। ऐसेइ संसय कीन्ह भवानी। महादेव तब कहा बखानी।।

दो ०—कहउँ सो मति अनुहारि अब उमा संभु संबाद। भयउ समय जेहि हेतु जेहि सुनु मुनि मिटिहि विषाद॥ ४७॥

एक बार त्रेता जुग मोहीं। संभु गए कुंभज रिषि पाहीं।।
संग सती जगजनिन भवानी। पूजे रिषि अखिलेखर जानी।।
रामकथा मुनिबर्ज बखानी। सुनी महेस परम सुखु मानी।।
रिषि पूछी हरिभगति सुहाई। कही संभु अधिकारी पाई।।
कहत सुनत रघुपति गुन गाथा। कछ दिन तहाँ रहे गिरिनाथा।।
मुनि सन बिदा मागि त्रिपुरारी। चले भवन सँग दच्छकुमारी।।
तेहि अवसर भंजन महिभारा। हरि रघुवंस लीन्ह अवतारा।।
पिता बचन तजि राजु उदासी। दंडक वन बिचरत अबिनासी।।

दो०—हृदयँ बिचारत जात हर केहि बिधि दरसनु होइ।
गुप्त रूप अवतरेउ प्रभु गएँ जान सबु कोइ॥४८(क)॥
सो०—संकर उर अति छोभु सती न जानिह मरमु सोइ।
तुलसी दरसन लोभु मन डरु लोचन लालची॥४८(ख)॥

रावन मरन मनुज कर जाचा। प्रभु विधि बचनु कीन्द्र चह साचा।।
जों नहिं जाउँ रहइ पछितावा। करत विचारु न बनत बनावा।।
एहि विधि भए सोचबस ईसा। तेही समय जाइ दससीसा।।
लोन्ह नीच मारीचिह संगा। भयउ तुरत सोइ कपट कुरंगा।।
करि छलु मृढ़ हरी बैदेही। प्रभु प्रभाउ तस बिदित न तेही।।
मृग विध बंधु महित हरि आए। आश्रम् देखि नयन जल छाए।।
बिरह बिकल नर इव रघुराई। खोजत बिपिन फिरत दोउ भाई।।
कबहुँ जोग बियोग न जाकें। देखा प्रगट बिरह दुखु ताकें।।

दो ०—अति बिचित्र रघुपति चरित जानिहं परम सुजान । जे मतिमंद विमोह बस हृदयँ धरिहं कछु आन ॥ ४९ ॥

संश्व समय तेहि रामहि देखा। उपजा हियँ अति हरषु विसेषा।।
भिर लोचन छिब सिंधु निहारी। कुसमय जानि न कीन्हि चिन्हारी
जय सिंचदानंद जग पावन। अस किह चलेउ मनोज नसावन चले जात सिव सती समेता। पुनि पुनि पुलकत कृपा निकेता।। सतीं सो दसा संश्व के देखी। उर उपजा संदेहु विसेषी।। संकरु जगतवंद्य जगदीसा। सुर नर ग्रुनि सब नावत सीसा।। तिन्ह नृपसुतहि की्र्न्ह परनामा। किह् सिंचदानंद परधामा।। भए मगन छिव तासु विलोकी। अजहुँ प्रीति उर रहति न रोकी।।

दो०-बहा जो ब्यापक बिरज अज अकल अनीह अमेद।
सो कि देह धरि होइ नर जाहि न जानत बेद ॥ ५०॥
बिष्तु जो सुर हित नर तनु धारी। सोउ सर्बग्य जथा त्रिपुरारी।।
खोजई सो कि अग्य इव नारी। ग्यानधाम श्रीपति असुरारी।।

संभ्रगिरा पुनि मृषा न होई। सिव मर्बग्य जान सबु कोई।। अस संसय मन भयउ अपारा। होइ न हृद्यँ प्रबोध प्रचारा।! जद्यपि प्रगट न कहेउ भवानी। हर अंतरजामी सब जानी।। सुनहि सती तव नारि सुभाऊ। संसय अस नधरिअ उरकाऊ।। जासु कथा कुंभज रिषि गाई। भगति जासु में मुनिहि सुनाई।। सोइ मम इष्टदेव रघुबीरा। सेवत जाहि सदा मुनिधीरा।।

छं०—मुनि धीर जोगी सिद्ध संतत बिमल मन जेहि ध्यावहीं। कहि नेति निगम पुरान आगम जासु कीरति गावहीं॥ सोइ रामु ब्यापक ब्रह्म भुवन निकाय पति माया घनी। अवतरेज़ अपने भगत हित निजतंत्र नित रघुकुलमनी॥

सो ०—लाग न उर उपदेसु जदिप कहेउ सिवँ बार बहु। बोले बिहसि महेसु हरिमाया बलु जानि जियँ॥ ५१॥

जों तुम्हरें मन अति संदेह । तो किन जाइ परीछा लेहू ॥
तव लिग बैठ अहउँ बटछाहीं । जब लिग तुम्ह ऐहहु मोहि पाहीं॥
जैसें जाइ मोह अम भारी । करेहु सो जतनु बिबेक बिचारी ॥
चलीं सती सिव आयसु पाई । करिह विचारु करों का भाई ॥
इहाँ संभु अस मन अनुमाना । दच्छसुता कहुँ निहं कल्याना ॥
मोरेहु कहें न संसय जाहीं । विधि विपरीत भलाई नाहीं ॥
होइहि सोइ जो राम रिच गावा । को किर तर्क बढ़ावे साखा ॥
अस किह लगे जपन हरिनामा । गईं सती जहँ प्रभु सुखधामा॥

दो ०—पुनि पुनि हृदयँ बिचारु करि घरि सीताकर रूप। आगें होइ चलि पंथ तेहिं जेहिं आवत नरभूप॥ ५२॥ लिखिमन दीख उमाकृत बेषा। चिकित भए भ्रम हृद्यँ विसेषा॥ किहिन सकत कलु अति गंभीरा। प्रभु प्रभाउ जानत मितिधीरा॥ सती कपटु जाने उसुरखामी। सबदरसी सब अंतरजामी॥ सुमिरत जाहि मिटइ अग्याना। सोइ सर्वग्य राम्र भगवाना॥ सती कीन्ह चह तहहुँ दुराऊ। देखहु नारि सुभाव प्रभाऊ॥ निज माया बलु हृद्यँ बखानी। बोले बिहिस राम्र मृदु बानी॥ जोरि पानि प्रभु कीन्ह प्रनाम्॥ पिता समेत लीन्ह निज नाम्॥ कहेउ बहोरि कहाँ बृषकेत्। विपिन अकेलि फिरहु केहि हेत्॥

दो०—राम बचन मृदु गूढ़ सुनि उपजा अति संक्रोचु । सती सभीत महेस पहिं चलीं हृदयँ बड़ सोचु ॥ ५३ ॥

में संकर कर कहा न माना। निज अग्यानु राम पर आना।। जाइ उतरु अब देहउँ काहा। उर उपजा अति दारुन दाहा।। जाना राम सतीं दुखु पावा। निज प्रभाउ कछु प्रगटिजनावा।। सतीं दीख कौतुकु मग जाता। आगें राम्रु सहित भी आता।। फिरि चितवा पाछें प्रभु देखा। सहित बंधु सिय सुंदर बेषा।। जहँ चितवहिं तहँ प्रभु आसीना। सेवहिं सिद्ध मुनीस प्रबीना।। देखे सिव बिधि ब्रिन्जु अनेका। अमित प्रभाउ एक तें एका।। बंदत चरन करत प्रभु सेवा। विविध वेष देखे सब देवा।।

दो०-सती बिधात्री इंदिरा देखीं अमित अनूप। जेहिं जेहिं वेष अजादि सुर तेहि तेहि तन अनुरूप ॥ ५४ ॥

देखे जहँ तहँ रघुपित जेते । सिक्तन्ह सिहत सकल सुर तेते ॥ जीव चराचर जो संसारा । देखे सकल अनेक प्रकारा ॥ पुजिहं प्रश्नुहि देव बहु बेषा। राम रूप दूसर नहिं देखा।। अवलोके रघुपति बहुतेरे। सीता सहित न बेष घनेरे।। सोइ रघुवर सोइ लिछमनु सीता। देखि सती अति भई सभीता।। हृदय कंप तन सुधि कछुनाहीं। नयन मूदि बैठीं मग माहीं।। बहुरि बिलोकेड नयन उघारी। कछुन दीख तहँ दच्छ कुमारी।। पुनि पुनि नाइ राम पद सीसा। चलीं तहाँ जहँ रहे गिरीसा।। दो०-गईं समीप महेस तब हँसि पूछी कुसलात। चीनिह परीछा कवन विधि कहहु सत्य सब बात।। ५५॥

## मासपारायण, दूसरा विश्राम

सतीं सम्रक्षि रघुवीर प्रभाऊ। भय वस सिव सन कीन्ह दुराऊ॥ कळु न परीछा लीन्हि गोसाई। कीन्ह प्रनाम्न तुम्हारिहि नाई॥ जो तुम्ह कहा सो मृषा न होई। मोरें मन प्रतीति अति सोई॥ तब संकर देखेउ घरि ध्याना सतीं जो कीन्ह चरित सबु जाना॥ वहुरि राममायहि मिरु नावा। प्रेरिसतिहि जेहिं झुँठ कहावा॥ हिर इच्छा भावी बलवाना। हृद्यँ विचारत संभ्र सुजाना॥ सतीं कीन्ह सीता कर वेषा। सिव उर भयउ विषाद विसेषा॥ जौं अब करउँ सती सन प्रीती। मिटइ भगति पथु होइ अनीती॥

दो ० -परम पुनीत न जाइ तजि किएँ प्रेम बड़ पापु । प्रगटि न कहत महेसु कछु हृदयँ अधिक संतापु ॥ ५६ ॥

तब संकर प्रभु पद सिरु नावा । सुमिरत रामु हृद्यँ अस आवा ।। एहिं तन सतिहि भेट मोहि नाहीं। सिव संकल्पु कीन्ह मन माहीं।। अस बिचारि संकरु मतिधीरा । चले भवन सुमिरत रघुबीरा ।। चलत गगन मै गिरा सुहाई। जय महेस भिल भगति दढ़ाई।। अस पन तुम्ह बिजु करइ को आना। रामभगत समस्थ भगवाना।। सुनि नभगिरा सती उर सोचा। पूछा सिवहि समेत सकोचा।। कीन्ह कवन पन कहहु कृपाला। सत्यधाम प्रभु दीनदयाला।। जदिष सती पूछा बहु भाँती। तदिष न कहेउ त्रिपुर आराती।।

दो०—सर्ती हृद्यँ अनुमान किय सबु जानेउ सर्बग्य।
कीन्ह कपटु मैं संभु सन नारि सहज जड़ अग्य॥५७(क)॥
सो०—जलु पय सरिस बिकाइ देखहु प्रीति कि रीति भलि।

विलग होइ रसु जाइ कपट खटाई परत पुनि ॥५७(स)॥
हृदयँ सोचु समुझत निज करनी। चिंता अमित जाइ नहिं बरनी।।
कृपानिधु सिव परम अगाधा। प्रगट न कहेउ मोर अपराधा।।
संकर रुख अवलोकि भवानी। प्रभु मोहि तजेउ हृद्यँ अकुलानी।।
निज अघ ममु: झिन कलु कहि जाई। तपइ अवाँ इव उर अधिकाई।।
सतिहि ससोच जानि चृपकेत्। कहीं कथा सुंदर सुख हेत् ।।
बरनत पंथ विविध इतिहासा। विस्वनाथ पहुँचे कैलासा।।
तहँ पुनि संभु समुझि पन आपन। बेठे वट तर किर कमलासन।।
संकर सहज सकर्ष सम्हारा। लागि समाधि अखंड अपारा।।

दो ०—सती बसिंह कैलास तब अधिक सोचु मन माहिं।

मरम न कोऊ जान कछु जुग सम दिवस सिराहि ॥ ५८ ॥ नित नव सोचु सती उर भारा । कब जैहउँ दुख सागर पारा ॥ मैं जो कीन्द्र रघुपति अपमाना ।पुनि पति वचनु मृषा करि जाना ॥ सो फलु मोहि विधाताँ दीन्हा । जो कछ उचित रहा सोद्द कीन्द्रा॥

अब बिधि अस बृक्षिअ निहं तोही।संकर विग्रुख जिआवसि मोही।। किह न जाइ कछु हृद्य गलानी। मन महुँ रामिह सुमिर सयानी।। जौं प्रभु दीनद्यालु कहावा। आरति हरन बेद जसु गावा।। तौ मैं बिनय करउँ कर जोरी। छूटउ बेगि देह यह मोरी।। जौं मोरें सिव चरन सनेहू। मन क्रम बचन सत्य ब्रतु एहू।।

दो ० – तौ सबदरसी सुनिअ प्रमु कर उसो बेगि उपाइ। होइ मरनु जेहिं बिनहि श्रम दुसह बिपत्ति बिहाइ॥ ५९॥

एहि निधि दुखित प्रजेपकुमारी। अकथनीय दारुन दुखु भारी।।
नीतें संनत सहस सतासी। तजी समाधि संग्रु अनिनासी।।
राम नाम सिन सुमिरन लागे। जानेउ सतीं जगतपति जागे।।
जाइ संग्रु पद बंदनु कीन्हा। सनमुख मंकर आसनु दीन्हा।।
लगे कहन हरिकथा रसाला। दच्छ प्रजेस भए तेहि काला।।
देखा निधि निचारि सन लायक। दच्छिहि कीन्ह प्रजापति नायक।।
नड़ अधिकार दच्छ जन पाता। अति अभिमानु हृद्यँ तन आना।।
नहिं को उ अस जनमा जग माहीं। प्रभुता पाइ जाहि मद नाहीं।।

दो ०—दच्छ लिए मुनि बोलि सब करन लगे बड़ जाग । नेवते सादर सकल सुर जे पावत मख भाग ॥ ६०॥

किंनर नाग सिद्ध गंधर्ग । बघुन्ह समेत चले सुर सर्वा ।। बिष्नु विरंचि महेसु विहाई । चले सकल सुर जान बनाई ॥ सतीं बिलोके ब्योम बिमाना । जात चले सुंद्र विधि नाना ॥ सुर सुंद्री करहिं कल गाना ।सुनत श्रवन छूटहिं मुनि ध्याना॥ पुछेउ तब सिवँ कहेउ बखानी । पिता जम्य सुनि कछु हरषानी॥ जौं महेसु मोहि आयसु देहीं। कछु दिन जाइ रहीं मिस एहीं।। पति परित्याग हृदयँ दुखु भारी। कहइ न निज अपराध बिचारी।। बोली सती मनोहर बानी। भय संकोच प्रेम रस सानी।।

दो ०—पिता भवन उत्सव परम जौं प्रमु आयसु होइ । तौ मैं जाउँ कृपायतन सादर देखन सोइ ॥ ६१ ॥

कहेडु नीक मोरेहुँ मन भावा ।यह अनुचित नहिं नेवत पठावा।। दच्छ सकल निज सुता बोलाई । हमरें बयर तुम्हउ बिसराई ।। ब्रह्मसभाँ हम सन दुखु माना । तेहि तें अजहुँ करिं अपमाना ।। जों बिनु बोलें जाहु भवानी । रहइ न सील सनेहुन कानी ।। जदिष मित्र प्रभु पितु गुर गेहा । जाइअ बिनु बोलेहुँ न सँदेहा ।। तदिष बिरोध मान जहँ कोई। तहाँ गएँ कल्यानु न होई ।। भाँति अनेक संभु समुझावा । भावी बस न ग्यानु उर आवा।। कह प्रभु जाहु जो बिनिहं बोलाएँ। नहिं भिल बात हमारे भाएँ ।।

दो ०-किह देखा हर जतन बहु रहड़ न दच्छकुमारि । दिए मुख्य गन संग तब बिदा कीन्ह त्रिपुरारि ॥ ६२ ॥

पिता भवन जब गईं भवानी । दच्छत्रास काहुँ न सनमानी ।। सादर भलेहिं मिली एक माता । भिगनीं मिलीं बहुत मुसकाता।। दच्छ न कछु पूछी कुसलाता ।सतिहि बिलोकि जरे सब गाता।। सतीं जाइ देखेउ तब जागा । कतहुँ नदीख संभु कर भागा।। तब चित चढ़ेउ जो संकर कहेऊ ।प्रभु अपमानु समुक्षि उर दहेऊ।। पाछिल दुखु न हृद्यँ श्रस ब्यापा। जस यह भयउ महापरितापा।। जद्यपि जग दारुन दुख नाना । सब तें कठिन जाति अवमाना।।

## सम्रुझि सो सतिहि भयउ अतिक्रोधा।बहु बिधि जननी कीन्द्र प्रबोधा

दो ०—सिव अपमानु न जाइ सिह हृदयँ न होइ प्रबोध। सकल सभिह हठि हटिक तब वोलीं वचन सक्रोध।। ६३॥

सुनहु सभासद सकल मुनिंदा। कही सुनी जिन्ह संकर निंदा।।
सो फल तुरत लहब सब काहूँ। भली भाँति पछिताव पिताहूँ।।
संत संभु श्रीपति अपबादा। सुनिअ जहाँ तहँ असि मरजादा।।
काठिअ तासु जीभ जो बसाई। श्रवन मृदि न त चलिअ पराई।।
जगदातमा महेसु पुरागे। जगत जनक सब के हितकारी।।
पिता मंदमति निंदत तेही। दच्छ सुक्र संभव यह देही।।
तजिहउँ तुरत देह तेहि हेतू। उर धरि चंद्रमौलि चृषकेतू।।
अस कहि जोग अगिनि तनु जारा। भयन सकल मख हाइकारा।।

दो o—सती मरनु सुनि संभु गन लंग करन मख खीस। ं जग्य बिधंस बिलोकि भृगु रच्छा कीन्ह मुनीस॥ ६४॥

समाचार सब संकर पाए। बीरभद्ध किर कोप पठाए।। जग्य बिधंस जाइ तिन्ह कीन्हा। सकल सुरन्ह बिधिवत फलु दीन्हा मै जगबिदित दच्छ गति सोई। जिस कल्ल संभ्र बिग्रुख के होई।। यह इतिहास सकल जग जानी। ताते मैं संछेप बखानी।। सतीं मरत हिर सन बरु मागा।जनम जनम सिव पद अनुरागा।। तेहि कारन हिम्गिरि गृह जाई। जनमीं पारबती तनु पाई।। जब तें उमा सेल गृह जाई। सकल सिद्धि संपति तहुँ छाई।। जहाँ तहुँ मुनिन्ह सुआश्रम कीन्हे। उचित बास हिम भूधर दीन्हे।। दो ०—सदा सुमन फल सहित सब द्रुम नव नाना जाति। प्रगटीं सुंदर सैल पर मनि आकर बहु भाँति॥ ६५॥

सरिता सब पुनीत जलु बहहीं। खग मृग मधुप सुखी सब रहहीं।।
सहज बयरु सब जीवन्ह त्यागा।गिरि पर सकल करिं अनुरागा।।
सोह सेल गिरिजा गृह आएँ। जिमि जनु राम भगित के पाएँ।।
नित नृतन मंगल गृह तास । ब्रह्मादिक गाविं जसु जास ।।
नारद समाचार सब पाए। कौतुकहीं गिरि गेह सिधाए।।
सैलराज बड़ आदर कीन्हा। पद पखारि बर आसनु दीन्हा।।
नारि सहित मुनिपद सिरु नावा।चरन सलिल सबु भवन सिंचावा
निज सोभाग्य बहुत गिरि बरना। सुता बोलि मेली मुनि चरना।।

दो०—त्रिकालग्य सर्वग्य तुम्ह गति सर्वत्र तुम्हारि। कहहु सुता के दोप गुन मुनिवर हृदयँ बिचारि॥ ६६॥

कह मुनि विहसि गृह मृदु बानी। सुता तुम्हारि सकल गुनखानी।। सुंदर सहज सुसील सयानी। नाम उमा अंबिका भवानी।। सब लच्छन संपन्न कुमारी। हो इहि संतत पियहि पिआरी।। सदा अचल एड्डि कर अहिवाता। एहि तें जसु पहिंदि पितु माता।। हो इहि पूज्य सकल जग माहीं। एहि सेवत कछ दुर्लभ नाहीं।। एहि कर नाम्नु सुमिरि संसारा। त्रिय चिह्निहीं पित बत असिधारा सैल सुलच्छन सुता तुम्हारी। सुनहु जे अब अवगुन दुइ चारी।। अगुन अमान मातु पितु होना। उदासीन सब संसय छीना।। दो ०—जोगी जटिल अकाम मन नगन अमंगल बेष।

अस स्वामी एहि कहँ मिलिहि परी हस्त असि रेख ॥ ६७ ॥

सुनि सुनि गिरा सत्य जियँ जानी। दुख दंपतिहि उमा हरषानी।।
नारदहुँ यह भेद न जाना। दसा एक समुझब बिलगाना।।
मकल सखीं गिरिजा गिरि मेना। पुलक सरीर भरे जल नैना।।
होइ न मृषा देवरिषि भाषा। उमा सो बच उहुद यँ धरि राखा।।
उपजेउ सिव पद कमल सनेहू। मिलन कठिन मन भा संदेहू।।
जानि कु अवसरु प्रीति दुराई। सखी उछँग बैठी पुनि जाई।।
झुठि न होइ देवरिषि बानी। सोचहिं दंपति सखी सयानी।।
उर धरि धीर कहइ गिरिराऊ। कहहु नाथ का करिश्र उपाऊ।।

दो ०—ऋह मुनीस हिमवंत सुनु जो विधि लिखा लिलार।

देव दनुज नर नाग मुनि कोउ न मेटिनहार ॥ ६८ ॥
तदिष एक मैं कहउँ उपाई । होइ करें जों दैउ सहाई ॥
जस वरु मैं वरनेउँ तुम्ह पाहीं । मिलिहि उमिह तस संसय नाहीं॥
जे जे वर के दोष वखाने । ते सब सिव पिंह मैं अनुमाने ॥
जीं बिबाहु संकर सन होई । दोषउ गुन सम कह सब कोई ॥
जीं अहि सेज सयन हरि करहीं । बुध कछ तिन्ह कर दोषु न धरहीं
भानु कुसानु सर्व रस खाहीं । तिन्ह कहँ मंद कहत कोउ नाहीं॥
सुभ अरु असुभ सलिल सब बहई।सुरसरि कोउ अपुनीत न कहई॥
समस्थ कहुँ नहिं दोषु गोसाई । रिव पावक सुरसरि की नाई ॥

दो ०—जौं अस हिसिषा करहिं नर जड़ बिबेक अभिमान। परिहें कलप भरि नरक महुँ जीव कि ईस समान॥ ६९॥

सुरसरि जल कृत वारुनि जाना । कवहुँ न संत करहिं तेहि पाना।। सुरसरि मिलें सो पावन जैसें । ईस अनीसहि अंतरु तैसें ।। संभु सहज समस्थ भगवाना। एहि विवाहँ सब विधि कल्याना।।
दुराराध्य पे अहिं महेस्र। आसुतोष पुनि किएँ कलेस्र।।
जों तपु करें कुमारि तुम्हारी। भाविउ मेटि सकिं त्रिपुरारी।।
जधिप वर अनेक जग माहीं। एहि कहँ सिव तिजदूसर नाहीं।।
वर दायक प्रनतारित भंजन। कृपासिंधु सेवक मन रंजन।।
इच्छित फल विनु सिव अवराधें। लहिअ न कोटि जोग जप साधें।।

दो ०--अस कहि नारद सुमिरि हरि गिरिजहि दीन्हि असीस । होइहि यह कल्यान अत्र संसय तजहु गिरीस ॥ ७०॥

कहि अस ब्रह्मभवन मुनि गयऊ। आगिल चरित सुनहु जस भयऊ पतिहि एकांत पाइ कह मना। नाथ न मैं समुझे मुनि बैना।। जौं घरु वरु कुलु होइ अन्पा। करिअ विवाह सुता अनुरूपा।। न त कन्या वरु रहउ कुआरी। कंत उमा मम प्रान पिआरी।। जौं न भिलिहि वरुगिरिजहि जोगू।गिरिजड़ सहज कहिहि सबु लोगू सोइ विचारि पति करेहु विवाह्। जेहिं न वहोरि होइ उर दाह ।। अस कहि परी चरन धरि सीसा। बोले सहित सनेह गिरीसा।। वरु पावक प्रगटे सिस माहीं। नारद वचनु अन्यथा नाहीं।।

दो ः – प्रिया सांचुँ परिहरहु सबु सुमिरहु श्रीभगवान । परिवृतिहि निरमयउ विहिंसोइ करिहि कल्यान ॥ ७४॥

अव जौं तुम्हिह सुता पर नेहू । तौ अस जाइ सिखावनु देहू ।। करें सो तपु जेहिं मिलहिं महेस्र। आन उपायँ न मिटिहि कलेस्र ।। नारद बचन सगर्भ सहेत् । सुंदर सब गुन निधि खुपकेतु ।। अस विचारि तुम्ह तजहु असंका । सबहि भाँति संकरू अकलंका ।। सुनि पति बचन हर्षि मन माहीं। गई तुरत उठि गिरिजा पाहीं।! उमिंद बिलोकि नयन भरे बारी। सहित सनेह गोद बैठारी।! बारहिं बार लेति उर लाई। गद्रशद कंठ न कल्लकहि जाई।! जगत मातु सर्वस्य भवानी। मातु सुखद बोलीं पृदु बानी।!

दो ०—सुनिह मातु मैं दीख अस सपन सुनावंउ तोहि। सुंदर गौर सुविप्रवर अस उपदेसेउ मोहि॥ ७२॥

करिह जाइ तपु सैलकुमारी। नाग्द कहा सो सत्य विचारी।।
मातु पितिह पुनि यह मत भावा। तपु सुखप्रद दुख दोप नसावा।।
तपबल रचइ प्रपंचु विधाता। तपबल विष्नु सकल जगत्राता।।
तपबल संग्च करिहं संघारा। तपबल सेषु धरइ महिभारा।।
तप अधार सब सृष्टि भवानी। करिह जाइ तपु अस जियँ जानी।।
सुनत बचन विसमित महतारी। सपन सुनायउगिरिह हँकारी।।
मातु पितिह बहु विधि समुझाई। चलीं उमा तप हित हरषाई।।
प्रिय परिवार पिता अरु माता। भए विकल मुख आव न बाता।।

दों ०—बेदिसिरा मुनि आइ तब मबिह कहा समुझाइ। पारवती महिमा नृनत रहे श्रवोधिह पाड़ ॥ ७३ ॥

उर धरि उमा प्रानपित चरना। जाइ विपिन लागीं तपु करना।। अति सुकुमार न तनु तप जोगू। पित पद सुमिरि तजेउ सबु भोगू॥ नित नव चरन उपज अनुरागा। बियरी देह तपिह मनु लागा॥ संबत सहस मूल फल खाए। सागु खाइ सत बरष गवाँए॥ कळु दिन भो जनु बारि च्वासा। किए कठिन कळु दिन उपवासा॥ बेल पाती महि परइ सुखाई। तीनि सहस संबत सोइ खाई॥ पुनि परिहरे सुखानेउ परना । उमहि नामु तव भयउ अपरना।। देखि उमहि तप खीन सरीरा । ब्रह्मगिरा मैं गगन गभीरा।।

दो ०--भयउ मनोरथ सुफल तव सुनु गिरिराज कुमारि । परिहरु दुसह कलेस सब अब मिलिहिह त्रिपुरारि ॥ ७४ ॥

अस तपु काहुँ न कीन्ह भवानी । भए अनेक धीर मुनि ग्यानी ॥
अब उर धरहु ब्रह्म बर बानी । सत्य सदा संतत सुचि जानी ॥
आवै पिता बोलावन जबहीं । हठ परिहरि घर जाएहु तबहीं ॥
मिलहिं तुम्हिह जब सप्त रिषीसा । जानेहु तब प्रमान बागीसा ॥
सुनत गिरा बिधि गगन वखानी । पुलक गात गिरिजा हरषानी ॥
उमा चरित सुंदर में गावा । सुनहु संभ्र कर चरित सुहावा ॥
जब तें सतीं जाइ तनु न्यागा । तब तें सिव मन भयउ बिरागा ॥
जपहिं सदा रघुनायक नामा । जहाँ तहुँ सुनहिं राम गुन ग्रामा॥

दो ०-चिदानंद सुखधाम सिन विगत मोह मद काम। बिचरहिँ महि धरि हृदयँ हरि सकल लोक अभिराम॥ ७५॥

कतहुँ मुनिन्ह उपदेसहिं ग्याना। कनहुँ राम गुन करहिं बखाना।। जदिष अकाम तदृषि भगवाना। भगत विरह दुग्व दुखित सुजाना।। एहि बिधि गयउ कालु बहु बीती। नित नै होई राम पद प्रीती।। नेम्रु प्रेम्रु संकर कर देखा। अविचल हृद्यँ भगति कै रेखा।। प्रगटे राम्रु कृतग्य कृपाला। रूप सील निधि तेज बिमाला।। बहु प्रकार संकर्गह मराहा। तुम्ह बिनु अस ब्रतु का निरवाहा बहु बिधि राम सिवहि समुझावा। पारबती कर जन्म्रु सुनावा।। अ्ति पुनीत गिरिजा कै करनी। बिस्तर सहित कृपानिधि बरनी।। दो ०—अब बिनती मम सुनहु सिव जौ मो पर निज नेहु। जाइ बिबाहहु सैलजिह यह मोहि मार्गे देहु॥ ७६॥

कह सिव जदिए उचित अस नाहीं। नाथ बचन पुनि मेटि न जाहीं सिर धिर आयसु करिअ तुम्हारा। परमधरमु यह नाथ हमारा।। मातु पिता गुर प्रभु के बानी। बिनिह बिचार करिअ सुभ जानी तुम्ह सब भाँति परम हितकारी। अग्या सिर पर नाथ तुम्हारी।। प्रभु तोषेउ सुनि संकर बचना। भक्ति बिबेक धर्म जुत रचना।। कह प्रभु हर तुम्हार पन रहेऊ। अब उर राखेहु जो हम कहेऊ।। अंतरधान भए अस भाषी। संकर सोह मूरति उर राखी।। तबह सप्तरिष सिव पहिं आए। बोले प्रभु अति बचन सुहाए।।

दो ०—पारबती पहिं जाइ तुम्ह प्रेम परिच्छा लेहु। गिरिहि प्रेरि पठएहु भवन दूरि करेहु संदेहु॥ ७७॥

रिषिन्ह गौरि देग्वी तहँ कैसी। मूरतिमंत तपस्या जैसी।। बोले मुनि सुनु सैलकुमारी। करह कवन कारन तपुभारी।। केहि अवराधह का तुम्ह चहहू। हम सन सत्य मरमु किन कहहू।। कहत बचन मनु अति सकुचाई। हँसिहहु सुनिहमारि जड़ताई।। मनु हठ परा न सुनइ सिखावा। चहत बारि पर भीति उठावा।। नारद कहा सत्य सोइ जाना। बिनु पंखन्ह हम चहहिं उड़ांना।। देखहु मुनि अविवेक हमारा। चाहि असदा सिवहि भरतारा।।

दो०—सुनत बचन बिहसे रिषय गिरिसंभव तव देह। नारद कर उपदेसु सुनि कहहु बसेउ किसु गेह॥ ७८॥ दच्छसुतन्ह उपदेसेन्हि जाई। तिन्ह फिरि भवनु न देखा आई॥ चित्रकेतु कर घरु उन घाला । कनककसिपु कर पुनि अस हाला।।
नारद सिख जे सुनिह नर नारी।अवसि होहिं तिज भवनु भिखारी।।
मन कपटी तन सज्जन चीन्हा। आपु सिरस सबही चह कीन्हा।।
तेहि कें बचन मानि बिखासा। तुम्ह चाहहु पति सहज उदासा।।
निर्मुन निलंज कुबेष कपाली। अकुल अगेह दिगंबर ब्याली।।
कहहु कवन सुखु अस बरु पाएँ। भल भूलिहु ठग के बौराएँ।।
पंच कहें सिवँ सती बिबाही। पुनि अबडेरि मर।एन्हि ताही।।

दो ०—अब सुख सोवत सोचु नहिं भीख मागि भव खाहिं। महज एकाकिन्ह के भवन कबहुं कि नारि खटाहिं॥ ७९॥

अजहूँ मानहु कहा हमारा। हम तुम्ह कहुँ वरु नीक विचारा।। अति सुंदर सुचि सुखद सुमीला। गावहिं वेद जासु जस लीला।। दूवन रहित सकल गुन रासी। श्रीपित पुर बंकुंठ निवासी।। अस वरु तुम्हिह मिलाउब आनी। सुनत विहसि कह बचन भवानी सत्य कहेहु गिरिभव तनु एहा। हठ न छूट छूटै वरु देहा।। कनकउ पुनि पषान तें होई। जारेहुँ सहजु न परिहर सोई।। नारद बचन न मैं परिहरऊँ। बसउ भवनु उजरउ नहिं डरऊँ।। गुर कें बचन प्रतीवि न जेही। सपनेहुँ सुगम न सुख सिधितेही

दो ० - महादेव अवगुन भवन बिष्नु सकल गृन धाम।

जेहि कर मनु रम जाहि मन तेहि तेही सन काम ॥ ८०॥

जीं तुम्ह मिलतेहु प्रथम मुनीसा। सुनतिउँ मिख तुम्हारि धरि सीमा अब मैं जनमु संभु दित हारा। को गुन दूषन करै बिचारा।। जीं तुम्हरे हठ हृदयँ विसेषी। रहि न जाइ बिजु किएँ बरेषी।। तो कोतुकि अन्ह आलसु नाहीं। बर कन्या अनेक जग माहीं।। जन्म कोटि लगि रगर हमारी। बरउँ संग्रुन त रहउँ कुआरी।। तजउँ न नारद कर उपदेस्। आपु कहिंह सत बार महेस्।। मैं पा परउँ कहह जगदंबा। तुम्ह गृह गवनहु भयउ बिलंबा।। देखि प्रेम्र बोले मुनि ग्यानी। जय जय जगदंबिके भवानी।।

दो ०--तुम्ह माया भगवान सिव सकल जगत पितु मातु ।

नाइ चरन सिर मुनि चले पुनि पुनि हरषत गातु ॥ ८१ ॥

जाइ मुनिन्ह हिमवंतु पठाए। करि बिनती गिरजहिं गृह ल्याए बहुरि सप्तरिषि सिव पहिं जाई। कथा उमा के सकल सुनाई।। भए मगन सिव सुनत सनेहा। हरिष सप्तरिषि गवने गेहा।। मनु थिर करितव संभु सुजाना। लगे करन रघुनायक ध्याना।। तारकु असुर भयउ तेहि काला। भुज प्रताप बल तेज विसाला।। तेहिं सव लाक लोकपति जीते। भए देव सुख संपति रीते।। अजर अमर सो जीति न जाई। हारे सुर करि विविध लराई।। तब विरंचि सन जाइ पुकारे। देखे विधि सब देव दुखारे।।

रो ०-सब सन कहा बुझाइ बिधि दनुज निधन तब होइ।

संभु सुक संभूत सुत एहि जीतइ रन सोइ ॥ ८२ ॥

मोर कहा सुनि करहु उपाई । होइहि ईस्वर करिहि सहाई ॥

सतीं जो तजी दच्छ मख देहा । जनमी जाइ हिमाचल गेहा ॥

तेहिं तपु कीन्ह संभु पित लागो । सिव समाधि बैठे सबु त्यागी ॥

जदिष अहइ असमंजस भारी । तदिष बात एक सुनहु हमारी ॥

पठवहु काम्र जाइ सिव पाहीं । करें छोभ्र संकर मन माहीं ॥

तब हम जाइ सिवहि सिर नाई। करवाउव बिबाहु बरिआई।। एहि बिधि भलेहिं देवहित होई। मत अति नीक कहइ सबु कोई।। अस्तुति सुरन्ह कीन्हि अति हेतू। प्रगटेउ विषमवान झपकेतू।। दो ०—सुरन्ह कही निज विपति सब सुनि मन कीन्ह बिचार।

संभु बिरोध न कुसल मोहि बिहसि कहेउ अस मार ॥ ८३ ॥

तदिष करव में काज तुम्हारा । श्विति कह परम धरम उपकारा ॥
पर हित लागि तजइ जो देही । संतत संत प्रसंसिंह तेही ॥
अस कि चलेउ सबिह सिरु नाई। सुमन धनुष कर सिहत सहाई॥
चलत मार अस हृद्यँ विचारा । सिव विरोध श्विव मरनु हमारा ॥
तव आपन प्रभाउ विस्तारा । निज वसकीन्ह सकल संसारा ॥
कोपेउ जबिह वारिचरकेत् । छन महुँ मिटे सकल श्वित सेत्॥
ब्रह्मचर्ज बत संजम नाना । धीरज धरम ग्यान विग्याना ॥
सदाचार जप जाग विरागा । सभय विवेक कटकु सबु भागा॥

छं०—भागेउ बिबेकु सहाय सिहत सो सुभट संजुग मिह मुरे । सदयंथ पर्बत कंदरन्हि महुँ जाइ तेहि अवसर दुरे ॥ होनिहार का करतार को रखवार जग खरभरु परा । दुइ माथ केहि रैतिनाथ जेहि कहुँ कोपि कर धनु सरु घरा॥

दों ० — जे सजीव जग अचर चर नारि पुरुष अस नाम। ते निज निज मरजाद तिज भए सकल बस काम।। ८४॥

सब के हृदयँ मदन अभिलाषा । लता निहारि नवहिं तरु साखा।। नदीं उमगि अंबुधि कहुँ धाईँ । संगम करहिं तलाव तलाईँ ॥ जहुँ असि दसा जड़न्ह के बरनी। को कहि सकइ सचेतन करनी ॥ पसु पच्छी नभ जल थलचारी । भए कामबस समय बिसारी ॥
मदन अंध ब्याकुल सब लोका। निश्ति दिनु निहं अवलोकिहें कोका
देव दनुज नर किंनर ब्याला। येत पिसाच भूत बेताला ॥
इन्ह केंदसा न कहेउँ वखानी। सदा काम के चेरे जानी ॥
सिद्ध विरक्त महास्रुनि जागी। तेपि कामबस भए बियोगी॥

छं०-भए कामबस जोगीस तापस पावँरन्हि की को कहै।

देखिहिं चराचर नारिमय जे बद्धमय देखत रहे।। अबला बिलोकिहिं पुरुषमय जगु पुरुष सब अबलामयं। दुइ दंड भरि बद्धांड भीतर कामकृत कौतुक अयं॥ सो०—धरी न काहूँ धीर सब के मन मनसिज हरे।

जं राखे रघुवीर ते उबरे तेहि काल महुँ॥ ८५॥ उभय घरी अस कौतुक भयऊ। जो लगि कामुसंग्रु पहिं गयऊ॥ सिवहि विलोकि ससंकेड मारू। भयउ जथाथिति मबु संसारू॥ भए तुरत सब जीव सुखारे। जिमि मद उतिर गएँ मतबारे॥ रुद्रहि देखि मदन भय माना। दुराधरप दुर्गम भगवाना॥ फिरत लाज कल्ल किर तिहाँ जाई। मरन ठानि मन रचेसि उपाई॥ प्रगटेसि तुरत रुचिर रितुराजा। कुसुमित नव तरु राजि बिराजा॥ बन उपवन वापिका तड़ागा। परम सुभग सब दिसा बिभागा॥ जहँ तहँ जनु उमगत अनुरागा। देखि मुएहँ मन मनसिज जागा॥

छं०—जागइ मनोभव मुएहुँ मन बन सुभगता न परेँ कही। सीतल सुगंध सुमंद मारुत मदन अनल सखा सही॥ बिकसे सरन्हि बहु कंज गुंजत पुंज मंजुल मधुकरा। कलहंस पिक सुक सरस रव करि गान ना बहिं अपछरा॥ दो ०--सकल कला करि कोटि बिधि हारेउ सेन समेत। चली न अचल समाधि सिव कोपेउ हृदय निकेत॥ ८६॥

देखि रसाल बिटप बर साखा । तेहि पर चढ़ेउ मदनु मन माखा।।
सुमन चाप निज सर संधाने । अति रिस ताकि श्रवन लगि ताने
छाड़े विषम बिसिख उर लागे। छूटि समाधि संग्रु तव जागे ।।
भयउ ईस मन छोग्रु विसेषी । नयन उघारि सकल दिसि देखी।।
सौरभ पल्लव मदनु बिलोका । भयउ कांपु कंपेउ त्रैलोका ।।
तब सिवँ तीसर नयन उघारा । चितवत काग्रु भयउ जरि छारा।।
हाहाकार भयउ जग भारी । डरपे सुर भए असुर सुखारी।।
सम्रुझि काम सुखु सो चिहूं भोगी। भए अकंटक साधक जोगी ।।

छे०--जोगी अकंटक भए पित गित सुनत रित मुरुछित भई। रोदित बदित बहु भाँति करुना करित संकर पिहं गई।। अति प्रेम किर विनती बिविध बिधि जोरि कर सन्मुख रही। प्रभु आसुतोप कृपाल सिव अवला निरिख बोले सही।।

दोल-अव नें रित तव नाथ कर होइहि नामु अनंगु।

बिनु वपु व्यापिहि सबिह पुनि सुनु निज मिलन प्रसंगु॥ ८७॥
जब जदुवंस कृष्न अवतारा। होइहि हरन महा महिभारा॥
कृष्न तनय होइहि पित तोरा। बचनु अन्यथा होइ न मोरा॥
रित गवनी सुनि संकर वानी। कथा अपर अब कहउँ बखानी॥
देवन्ह समाचार सब पाए। ब्रह्मादिक बैकुंठ सिधाए॥
सब सुर विष्तु विरंचि समेता। गए जहाँ सिव कृपानिकेता॥
पृथक पृथक तिन्ह कीन्हि प्रसंसा। भए प्रसन्न चंद्र अवतंसा॥

बोले कुपासिंधु चृषकेत्। कहहु अमर आए केहि हेत् ॥ कह बिधितुम्ह प्रभु अंतरजामी। तद पि भगति बस बिनवउँ खामी दो०—सकल सुरन्ह के हृदयँ अस संकर परम उछाहु।

निज नयनिह देखा चहिं नाथ तुम्हार विवाह ॥ ८८ ॥
यह उत्सव देखिअ भिर लोचन । सोइ कछ करहु मदन मद मोचन
काम्र जारि रित कहुँ वरु दीन्हा । कुपासिधु यह अति भल कीन्हा ।।
सासित करि पुनि करिं पसाऊ । नाथ प्रभ्रन्ह कर सहज सुभाऊ।।
पारवतीं तपु कीन्ह अपारा । करहु तासु अव अंगीकारा ।।
सुनि विधि विनय समुझि प्रभु बानी । ऐसेइहोउ कहा सुखु मानी।।
तव देवन्ह दुंदुभीं बजाई । वरिष सुमन जय जय सुर साई ।।
अवसरु जानि सप्तरिषि आए। तुरतिह विधि गिरि भवन पठाए।।
प्रथम गए जहँ रहीं भवानी । बोले मधुर बचन छल सानी ।।

दो०—कहा हमार न सुनेहु तब नारद कें उपदेस। . अब भा झूठ तुम्हार पन जारेउ कामु महेस॥ ८९॥

## मासपारायण, तीसरा विश्राम

सुनि बोलीं ग्रुसुकाइ भवानी। उचित कहेहु ग्रुनिबर बिग्यानी।।
तुम्हरें जान कामु अबु जारा। अब लिंग संभु रहे सबिकारा.।।
हमरें जान सदा सिव जोगी। अज अनवद्य अकाम अभोगी।।
जों मैं सिव सेये अस जानी। प्रीति समेत कर्म मन बानी।।
तो हमार पन सुनहु ग्रुनीसा। करिहहिं सस्य कृपानिधि ईसा।।
तुम्ह जो कहा हर जारेउ मारा। सोइ अति बड़ अबिबेकु तुम्हारा।।
तात अनल कर सहज सुभाऊ। हिम तेहि निकट जाइ नहिं काऊ।।

गएँ सभीप सो अवसि नसाई। असि मन्मथ महेस की नाई॥

दो ०-हियँ हरषे मुनि बचन सुनि देखि प्रीति बिस्वास।

चले भवानिहि नाइ सिर गए हिमाचल पास ॥ ९०॥

सबु प्रसंगु गिरिपतिहि सुनावा । मदन दहन सुनि अति दुखु पावा बहुरि कहेउ रित कर बरदाना । सुनि हिमवंत बहुत सुखु माना ।। हृदयँ बिचारि संग्रु प्रभुताई । सादर ग्रुनिबर लिए बोलाई ।। सुदिनु सुनखतु सुघरी सोचाई । बेगि बेदबिधि लगन धराई ।। पत्री सप्तरिषिन्ह सोइ दीन्ही । गहि पद बिनय हिमाचल कीन्ही जाइ बिधिहि तिन्ह दीन्हि सो पाती । बाचत प्रीति न हृदयँ समाती लगन बाँचि अज सबिह सुनाई । हरषे ग्रुनि सब सुर सग्रुदाई ।। सुमन चृष्टि नभ बाजन बाजे । मंगल कलस दसहुँ दिसि साजे ।।

दो ०—लगे सँवारन सकल सुर बाहन बिबिध बिमान। होहिं सगुन मंगल सुभद करिंड अपछरा गान॥ ९१॥

सिवहि संभु गन करिहं सिंगारा । जटा मुकुट अहि मौरु सँवारा ।। कुंडल कंकन पिंद्वरे ब्याला । तन विभूति पट केहिर छाला ।। सिंस ललाट सुंदर सिर गंगा । नयन तीनि उपबीत भुजंगा ।। गरल कंठ उर नर सिर माला । असिव बेप सिवधाम कृपाला ।। कर त्रिस्रल अरु डमरु विर्राजा । चले वसहँ चिह्न बाजहिं बाजा ।। देखि सिवहि सुरत्रिय मुसुकाहीं । बर लायक दुलहिनि जग नाहीं ।। विष्तु विरंचि आदि सुरबाता । चिह्न चिह्न बाहन चले बराता ।। सुर समाज सब भाँति अनुपा । नहिं बरात दुलह अनुरूपा ।। दो ०--बिष्नु कहा अस बिहिस तब बोलि सकल दिसिराज।

बिलग बिलग होइ चलहु सब निज निज सहित समाज ॥९२॥
बर अनुहारि बरात न भाई। हँसी करैहहु पर पुर जाई।।
बिष्नु बचन सुनि सुर म्रुसुकाने। निज निज सेन सिहत बिलगाने।।
मनहीं मन महेसु म्रुसुकाहीं। हिर के बिग्य बचन निहं जाहीं।।
अति प्रिय बचन सुनत प्रिय केरे। मृंगिहि प्रेरि सकल गन टेरे।।
सिव अनुसासन सुनि सब आए। प्रभ्र पद जलज सीस तिन्ह नाए।।
नाना बाहन नाना बेषा। बिहसे सिव समाज निज देखा।।
कोउ मुखहीन बिपुल मुख काहू। बिनु पद कर कोउ बहु पद बाहू।।
बिपुल नयन कोउ नयन बिहीना। रिष्ट पुष्ट कोउ अति तनखीना।।

छं०—तन स्त्रीन कोड अति पीन पावन कोड अपावन गति घरें।
भूषन कराल कपाल कर सब सद्य सोनित तन भरें॥
स्वर स्वान सुअर सृकाल मुख गन बेष अगनित को गनै।
बहु जिनस प्रेत पिसाच जोगि जमात बरनत नहिं बनै॥
सों०—नाचहिं गावहिं गीत परम तरंगी भूत सब।

देखत अति बिपरीत बोलिहें बचन बिचित्र बिधि॥ ९३॥ जस दूलहु तिस बनी बराता। कौतुक बिबिध होहिं मग जाता।। इहाँ हिमाचल रचेउ बिताना। अति बिचित्र निहं जाइ बखाना।। सैल सकल जहँ लिग जग माहीं। लघु विसाल निहं बरनि सिराहीं।। बन सागर सब नदीं तलावा। हिमागिर सब कहुँ नेवत पठावा।। कामरूप सुंदर तन धारी। सहित समाज सहित बर नारी।। गए सकल तुहिनाचल गेहा। गाविहें मंगल सहित सनेहा।। प्रथमहिं गिरि बहु गृह सँबराए। जथाजोगु तहँ तहँ सब छाए।।

पुर सोभा अवलोकि सुहाई। लागइ लघु बिरंचि निपुनाई।। छं०—लघु लाग बिधि की निपुनता अवलोकि पुर सोभा सही। बन बाग कूप तड़ाग सरिता सुभग सब सक को कही।। मंगल बिपुल तोरन पताका केतु गृह गृह सोहहीं। बनिता पुरुष सुंदर चतुर छबि देखि मुनि मन मोहहीं॥ दो ०-जगदंबा जहँ अवतरी सो पुरु बरनि कि जाइ। रिद्धि सिद्धि संपत्ति सुख नित नूतन अधिकाइ॥ ९४॥ नगर निकट बरात सुनि आई। पुर खरभरु सोभा अधिकाई।। करि बनाव सजि बाहन नाना। चले लेन सादर अगवाना।। हियँ हरषे मुर सेन निहारी। हरिहि देखि अति भए मुखारी।। सिव समाज जब देखन लागे। बिडरि चले बाहन सब भागे।। धरि धीरजु तहँ रहे सयाने। बालक सब लैं जीव पराने।। गएँ भवन पूछिहं पितु माता । कहिं बचन भय कंपित गाता ॥ कहिअ काह कहि जाइन बाता। जम कर धार किथीं बरिआता।। बरु बौराह बसहँ असवारा। ब्याल कपाल विभूषन छारा।। छं०—तन छार ब्याल कपाल भूषन नगन जटिल भयंकरा। सँग भूत प्रेत पिसाच जोगिनि बिकट मुख रजनीचरा ॥ जो जिअत रहिहि बरात देखत पुन्य बड़ तेहि कर सही। देखिहि सो उमा बिबाहु घर घर बात असि लरिकन्ह कही ॥ दो ०-समुझि महेस समाज सब जननि जनक मुसुकाहिं। बाल बुझाए बिबिध विधि निडर होहु डरु नाहिं॥ ९५॥ रुँ अगवान बरातहि आए। दिए सबहि जनवास सुहाए II

मैनाँ सुभ आरती सँवारी। संग सुमंगल गावहिं नारी।।

कंचन थार सोह बर पानी। परिछन चली हरहि हरषानी।। बिकट बेष रुद्रहि जब देखा। अवलन्ह उर भय भयउ बिसेषा।। भागि भवन पैठीं अति त्रासा। गए महेसु जहाँ जनवासा।। मैना हृदयँ भयउ दुखु भारी। लीन्ही बोलि गिरीसकुमारी।। अधिक सनेहँ गोद बैठारी। स्थाम सरोज नयन भरे बारी।। जेहिं विधितुम्हहि रूपु अस दीन्हा। तेहिं जड़ बरु बाउर कस कीन्हा

छं०—कस कीन्ह बरु बौराह बिधि जेहिं तुम्हिह सुंदरता दई। जो फलु चिहअ सुरतरुहिं सो बरबस बबूरिहें लागई॥ तुम्ह सिहत गिरि तें गिरौं पायक जरौं जलनिधि महुँ परौं। घरु जाउ अपजसु होउ जग जीवत बिबाहुन हौं करौं॥

दो ०—भईँ बिकल अवला सकल दुखित देखि गिरिनारि। करि बिलापु रोदित बदित सुता सनेहु सँभारि॥९६॥

नारद कर मैं काह बिगारा। भवनु मोर जिन्ह बसत उजारा।! अस उपदेसु उमिह जिन्ह दीन्हा। बौरे बरिह लागि तपु कीन्हा।। साचेहुँ उन्ह कें मोह न माया। उदासीन धनु धाम्र न जाया।! पर घर घालक लाज न भीरा। बाँझ कि जान प्रसव के पीरा।! जननिहि बिकल बिलोकि भवानी। बोली जुत बिबेक मृदु बानी।! अस बिचारिसोचिह मित माता। सो न टरइ जो रचइ बिधाता।! करम लिखा जौं बाउर नाहू। तो कत दोसु लगाइअ काहू।! तुम्ह सन मिटहिं कि बिधि के अंका। मातु ब्यर्थ जिन लेहु कलंका।!

छं०—जिन लेहु मातु कलंकु करुना परिहरहु अवसर नहीं। दुखु सुखु जो लिखा लिलार हमरें जाब जहाँ पाउब तहीं॥ सुनि उमा बचन बिनीत कोमल सकल अबला सोचहीं। बहु भाँति बिधिहि लगाइ दूषन नयन बारि बिमोचहीं॥ दो ०—तेहि अवसर नारद सहित अरु रिषि सप्त समेत। समाचार सुनि तुहिनगिरि गवने तुरत निकेत॥९७॥

तव नारद सबही समुझावा। पूरुव कथा प्रसंगु सुनावा।।
मयना सत्य सुनहु मम बानी। जगदंबा तव सुता भवानी।।
अजा अनादि सक्ति अबिनासिनि।सदा संग्रु अरधंग निवासिनि।।
जग संभव पालन लय कारिनि। निज इच्छा लीलाबपु धारिनि।।
जनमीं प्रथम दच्छ गृह जाई। नामु सती सुंदर तनु पाई।।
तहँ हुँ सती संकरिह बिबाहीं। कथा प्रसिद्ध सकल जग माहीं।।
एक बार आवत सिव संगा। देखेउ रघुकुल कमल पतंगा।।
भयउ मोहु सिव कहान कीन्हा। भ्रम बस बेषु सीय कर लीन्हा।।

छं०—सिय बेषु सर्ती जो कीन्ह तेहिं अपराध संकर परिहरीं। हर बिरहँ जाइ बहोरि पितु कें जग्य जोगानल जरीं॥ अब जनमि तुम्हरे भवन निज पति लागि दारुन तप किया। अस जानि संसय तजहु गिरिजा सर्वदा संकर प्रिया॥

दो ०—सुनि नारद के बचन तब सब कर मिटा बिषाद। छन महुँ ब्यापेउ सकल पुर घर घर यह संबाद॥९८॥

तव मयना हिमवंतु अनंदे। पुनि पुनि पारवती पद बंदे।। नारि पुरुष सिसु जुवा सयाने। नगर लोग सब अति हरषाने।। लगे होन पुर मंगल गाना। सजे सबहिं हाटक घट नाना।। भाँति अनेक भई जेवनारा। स्रपसास्त्र जस कळु व्यवहारा।। सो जेवनार कि जाइ बखानी। बसहिं भवन जेहिं मातु भवानी।। सादर बोले सकल बराती। बिष्नु बिरंचि देव सब जाती।। बिबिधि पाँति बैठी जेवनारा। लागे परुसन निपुन सुआरा।। नारिबृंद सुर जेवँत जानी। लगीं देन गारीं मृदु बानी।।

छं०—गारीं मधुर स्वर देहिं सुंदिर बिंग्य बचन सुनावहीं। भोजनु करिंहं सुर अति बिलंबु बिनोदु सुनि सचु पावहीं॥ जेवँत जो बढ़्यो अनंदु सो मुख कोटिहूँ न परे कह्यो। अचवाँइ दीन्हे पान गवने बास जहँ जाको रह्यो॥

दो ०—बहुरि मुनिन्ह हिमवंत कहुँ लगन सुनाई आइ। समय बिलोकि विवाह कर पठए देव बोलाइ॥९९॥

बोलि सकल सुर सादर लीन्हे । सबिह जथोचित आसन दीन्हे ॥ बेदी बेद विधान सँगरी। सुभग सुमंगल गावहिं नारी॥ सिंघासनु अति दिव्य सुहावा। जाइ न बरिन बिरंचि बनावा॥ बैठे सिव बिप्रन्ह सिरु नाई। हृदयँ सुमिरि निज प्रश्च रघुराई॥ बहुरि श्वनीसन्ह उमा बोलाई। करि सिंगारु सखीं ले आई॥ देखत रूपु सकल सुर मोहे। बरने छिब अस जग किब को है॥ जगदंबिका जानि भव भामा। सुरन्ह मनहिं मन कीन्ह प्रनामा॥ सुंदरता मरजाद भवानी। जाइ न कोटिहुँ बदन बखानी॥

छं०—कोटिहुँ बदन निहं बनै बरनत जग जनिन सोभा महा । सकुचिहं कहत श्रुति सेष सारद मंदमित तुलसी कहा ॥ छिबेखानि मातु भवानि गवनीं मध्य मंडप सिव जहाँ । अवलोकि सकिहं न सकुचपित पद कमलमनु मधुकरु तहाँ॥ दो ०—मुनि अनुसासन गनपतिहि पूजेउ संभु भवानि । कोउ सुनि संसय करें जिन सुर अनादि जियँ जानि ॥१००॥

जिस विवाह के विधिश्विति गाई। महामुनिन्ह सो सब करवाई।।
गिहि गिरीस कुस कन्या पानी। भवित समरपीं जानि भवानी।।
पानिग्रहन जब कीन्ह महेसा। हियँ हरषे तब सकल सुरेसा।।
बेदमंत्र म्रुनिबर उच्चरहीं। जय जय संकर सुर करहीं।।
बाजिह बाजन विविध विधाना। सुमनवृष्टि नभ में विधिनाना।।
हर गिरिजा कर भयउ विवाह । सकल भ्रवन भिर रहा उछाह ।।
दासीं दास तुरग रथ नागा। धेनु बसन मिन बस्तु विभागा।।
अन्न कनक भाजन भिर जाना। दाइज दीन्ह न जाह बखाना॥

छं०—दाइज दियो बहु भाँति पुनि कर जोरि हिमभूधर कह्यो । का देउँ पूरनकाम संकर चरन पंकज गहि रह्यो ॥ सिवँ ऋपा सागर ससुर कर संतोषु सब भाँतिहिं कियो । पुनि गहे पद पाथोज मयना प्रेम परिपृरन हियो ॥

दो०—नाथ उमा मम प्रान सम गृहिक करेहु। छमेहु सकल अपराध अब होइ प्रसन्न बरु देहु॥१०१॥

बहु विधि संश्व सासु सग्नुझाई। गवनी भवन चरन सिरु नाई।। जननी उमाबोलि तब लीन्ही। लैं उछंग सुंदर सिख दीन्ही।। करेहु सदा संकर पद पूजा। नारिधरम्र पति देउ न दूजा।। बचन कहत भरे लोचन बारी। बहुरि लाइ उर लीन्हि कुमारी।। कत विधि सुजीं नारि जग माहीं। पराधीन सपने हुँ सुखु नाहीं।। भैं अति प्रेम विकल महतारी। धीरजु कीन्द्र कुसमय विचारी।। पुनि पुनि मिलति पर्रात गाँह चरना । परम प्रेमु कल्ल जाइ न बरना सब नारिन्ह मिलि भेटि भवानी । जाइ जननि उर पुनि लपटानी ।।

छं०-जननिहि बहुरि भिलि चली उचित असीस सब काहूँ दईँ। फिरिफिरि बिलोकति मातु तन तब सखीं ले सिव पहिँगईँ॥ जाचक सकल संतोषि संकरु उमा सहित भवन चले। सब अमर हरषे सुमन बरषि निसान नभ बाजे भले॥

दो ०—चले संग हिमवंतु तब पहुँचावन अति हेतु। बिबिध भाँति परितोषु करि बिदा कीन्ह वृषकेतु॥ १०२॥

तुरत भवन आए गिरिराई। सकल सैल सर लिए बोलाई।। आदर दान बिनय वहुमाना। सब कर बिदा कीन्ह हिमवाना।। जबहिं संग्रु कैलासहिं आए। सुर सब निज निज लोक सिधाए जगत मातु पितु संग्रु भवानी। तेहिं सिंगारु न कहउँ बखानी।। करहिं बिबिध बिधि भोग बिलासा। गनन्ह समेत बसहिं कैलासा।। हर गिरिजा बिहार नित नयऊ। एहि बिधि बिपुल काल चलि गयऊ तब जनमें उटबद्न कुमारा। तारकु असुरु समर जेहिं मारा।। आगम निगम प्रसिद्ध पुराना। षन्मुख जन्मु सकल जग जाना।।

छं०—जगु जान षन्मुख जन्मु कर्मु प्रतापु पुरुषारथु महा। तेहि हेतु मैं वृषकेतु सुत कर चरित संछेपहिं कहा॥ यह उमा संभु बिबाहु जे नर नारि कहिं जे गावहीं। कल्यान काज बिबाह मंगल सर्बदा सुखु पावहीं॥

दो ०—चरित सिंधु गिरिजा रमन बेद न पाविहें पारु । बरनै तुलसीदासु किमि अति मतिमंद गवाँरु ॥ १०३ ॥ संश्च चरित सुनि सरस सुहावा । भरद्वाज ग्रुनि अति सुखु पावा ॥
बहु लालसा कथा पर बाढ़ी । नयनिह नीरु रोमार्वाल ठाढ़ी ॥
प्रेम बिबस ग्रुख आव न बानी । दसा देखि हरषे ग्रुनि ग्यानी ॥
अहो धन्य तव जन्मु ग्रुनीसा । तुम्हिह प्रान सम प्रिय गौरीसा ॥
सिव पद कमल जिन्हिह रित नाहीं । रामिह ते सपनेहुँ न सोहाहीं॥
बिजु छल बिखनाथ पद नेहू । राम भगत कर लच्छन एहू ॥
सिव सम को रघुपति जतधारी । बिजु अघ तजी सती असि नारी॥
पजु किर रघुपति भगति देखाई । को सिव सम रामिह प्रिय भाई ॥

दो ०-प्रथमिह मैं किह सिव चरित बूझा मरमु तुम्हार । सुचि सेवक तुम्ह राम के रहित समस्त बिकार ॥ १०४॥

मैं जाना तुम्हार गुन सीला। कहउँ सुनहु अब रघुपति लीला।।
सुनु मुनि आज समागम तोरें। किह न जाई जस सुखु मन मोरें।।
राम चरित अति अमित मुनीसा। किह न सकहिं सत कोटि अहीसा
तदिष जथाश्रुत कहउँ बखानी। सुमिरि गिरापित प्रश्च धनु पानी।।
सारद दारुनारि सम खामी। राम्रु स्त्रधर अंतरजामी।।
जेहि पर कृपा करिंह जनु जानी। किब उर अजिर नचाविंह बानी।।
प्रनवउँ सोइ कृपाल रघुनाथा। बरनउँ बिसद तासु गुन गाथा।।
परम रम्य गिरिबरु कैलास्न। सदा जहाँ सिव उमा निवास्न।।

दो ०—सिद्ध तपोधन जोगिजन सुर किंनर मुनिवृंद। बसिहं तहाँ सुकृती सकल सेविहं सिव सुखकंद॥ १०५॥

हरि हर विश्वस्य धर्म रित नाहीं। ते नर तहँ सपनेहुँ निहं जाहीं।। तेहि गिरि पर वट विटप विसाला। नित नृतन सुंदर सब काला।। त्रिबिध समीर सुसीतिल छाया । सिव विश्राम विटप श्रुति गाया।।
एक बार तेहि तर प्रभु गयऊ । तरु बिलोकि उर अति सुखु भयऊ
निज कर डासि नागरिपु छाला । बैठे सहजहिं संभु कृपाला ।।
कुंद इंदु दर गौर सरीरा । भुज प्रलंब परिधन मुनि चीरा ।।
तरुन अरुन अंबुज सम चरना । नख दुति भगत हृदयतम हरना।।
भुजग भृति भृषन त्रिपुरारी । आननु सरद चंद छिब हारी ।।

दो ०—जटा मुकुट सुरसरित सिर लोचन नलिन बिसाल। नीलकंठ लावन्यनिधि सोह बालबिधु भाल॥ १०६॥

बैठे सोह कामरिपु कैसें। धरें सरीरु सांतरसु जैसें।। पारबती भल अवसरु जानी। गईं संभ्रु पिंह मातु भवानी।। जानि प्रिया आदरु अति कीन्द्रा। बाम भाग आसनु हर दीन्द्रा।। बैठीं सिव समीप हरषाई। पूरुव जन्म कथा चित आई।। पित हियँ हेतु अधिक अनुमानी। बिहसि उमा बोलीं प्रिय बानी।। कथा जो सकल लोक हितकारी। सोइ पूछन चह सैलकुमारी।। बिखनाथ मम नाथ पुरारी। त्रिभुवन महिमा बिदित तुम्हारी चर अरु अचर नाग नर देवा। सकल करहिं पद पंकज सेवा।।

दो ०—प्रभु समरथ सर्बग्य सिव सकल कला गुन घाम। जोग ग्यान बैराग्य निधि प्रनत कलपतरु नाम॥१०७॥

जों मो पर प्रसन्न सुखरासी। जानिअ सत्य मोहि निज दासी।। तो प्रश्च हरहु मोर अग्याना। कहि रघुनाथ कथा विधि नाना।। जासु भवनु सुरतरु तर होई। सहि कि दरिद्र जनित दुखु सोई।। ससिभूषन अस हृदयँ विचारी। हरहु नाथ मम मति भ्रम भारी।। प्रभु जे भ्रुनि परमारथवादी। कहिं राम कहुँ ब्रह्म अनादी।। सेस सारदा बेद पुराना। सकल करिं रघपति गुन गाना।। तुम्ह पुनि राम राम दिनु राती। सादर जपहु अनँग आराती।। राम्रुसो अवध नृपति सुत सोई। की अज अगुन अलख गति कोई।।

दो०—जौ नृप तनय त बहा किमि नारि बिरहँ मति भोरि। देखि चरित महिमा सुनत भ्रमति वुद्धि अति मोरि॥१०८॥

जौं अनीह ब्यापक विश्व कोऊ। कहहु बुझाइ नाथ मोहि सोऊ।। अग्य जानि रिस उर जनि धरहू। जेहि विधि मोह मिटै सोइ करहू।। मैं वन दीखि राम प्रश्चताई। अति भय बिकल न तुम्हिह सुनाई।। तदि मिलन मन बोधु न आवा। सो फल भली भाँति हम पावा।। अजहूँ कल्ल संसउ मन मोरें। करहु कृपा विनवउँ कर जोरें।। प्रश्चतब मोहि बहु भाँति प्रबोधा। नाथ सो सम्रुझि करहु जनि कोधा तब कर अस विमोह अब नाहीं। रामकथा पर रुचि मन माहीं।। कहहु पुनीत राम गुन गाथा। श्चजगराज भूषन सुरनाथा।।

दो ०-बंदउँ पद धरि धरनि सिरु बिनय करउँ कर जोरि । बरनहु रघुबुर बिसद जसु श्रुति सिद्धांत निचोरि ॥ १०९॥

जदिष जोषिता निहं अधिकारी । दासी मन क्रम बचन तुम्हारी ।।
गूढ़ उतन्त्व न साधु दुराविहं । आरत अधिकारी जहँ पाविहं ।।
अति आरति पूछउँ सुरराया । रघुपित कथा कहहु करिदाया ।।
प्रथम सो कारन कहहु बिचारी । निर्गुन ब्रह्म सगुन बपु धारी ।।
पुनि प्रभु कहहु राम अवतारा । बालचिरत पुनि कहहु उदारा ।।
कहहु जथा जानकी विवाहीं । राज तजा सो द्वन काहीं ।।

बन बसि कीन्हे चरित अपारा । कहहु नाथ जिमि रावन मारा॥ राज बैठि कीन्हीं बहु लीला । सकल कहहु संकर सुखसीला॥

दो ०—बहुरि कहहु करुनायतन कीन्ह जो अचरज राम । प्रजा सहित रघुवंसमनि किमि गवने निज धाम ॥११०॥

पुनि प्रश्च कहहु सो तन्त्र बखानी । जेहिं बिग्यान मगन ग्रुनि ग्यानी भगति ग्यान बिग्यान बिरागा । पुनि सब बरनहु सहित बिभागा।। औरउ राम रहस्य अनेका । कहहु नाथ अति बिमल बिबेका ।। जो प्रश्च में पूछा नहिं होई । सोउ दयाल राखहु जिन गोई ।। तुम्ह त्रिश्चवन गुर बेद बखाना । आन जीव पाँवर का जाना ।। प्रस्न उमा के सहज सुहाई । छल बिहीन सुनि सिव मन भाई।। हर हियँ रामचरित सब आए । प्रेम पुलक लोचन जल छाए ।। श्रीरघुनाथ रूप उर आवा । परमानंद अमित सुख पावा ।।

दो ०—मगन ध्यानरस दंड जुग पुनि मन बाहेर कीन्ह। रघुपति चरित महेस तब हरषित बरनै लीन्ह॥१११॥

झुठेउ सत्य जाहि बिनु जानें। जिमि भुजंग बिनु रजु पहिचानें।। जेहि जानें जग जाइ हेराई। जागें जथा सपन अम जाई।। बंदउँ बालरूप सोइ रामू। सब सिधि सुलभ जपत जिसु नामू।। मंगल भवन अमंगल हारी। द्रवउ सोदसरथ अजिर बिहागी।। करि प्रनाम रामहि त्रिपुरारी। हरिष सुधा सम गिरा उचारी।। धन्य धन्य गिरिराजकुमारी। तुम्ह समान नहिं कोउ उपकारी।। पुँछेहु रघुपति कथा प्रसंगा। सकल लोक जग पावनि गंगा।। सुम्ह रघुबीर चरन अनुरागी। कीन्हिहु प्रस्न जगत हित लागी।। दो ०-राम ऋपा तें पारबति सपनेहुँ तव मन माहिं। सोक मोह संदेह अम सम विचार कछु नाहिँ॥११२॥

तदिष असंका कीन्टिहु सोई। कहत सुनत सब कर हित होई। । जिन्ह हिर कथा सुनी निहें काना। अवन रंध्र अहिभवन समाना।। नयनिट्ट संत दरस निहें देखा। लोचन मोरपंख कर लेखा।। ते सिर कटु तुंबिर समत्ला। जेन नमतहिर गुर पद मूला।। जिन्ह हिर भगति हृदयँ निहें आनी। जीवत सब समान तेइ प्रानी।। जो निहें करई राम गुन गाना। जीह सो दादुर जीह समाना।। कुलिस कठोर निदुर सोई छाती। सुनिहरिचरित न जो हरषाती।।। गिरिजा सुनहु राम कै लीला। सुर हित दनुज बिमोहन सीला।।

दो ०—रामकथा सुरधेनु सम सेवत सब सुख दानि । सतसमाज सुरलोक सब को न सुनै अस जानि ॥११२॥

रामकथा सुंदर कर तारी। संसय विहग उड़ावनिहारी।।
रामकथा किल विटप कुठारी। सादर सुनु गिरिराजकुमारी।।
राम नाम गुन चरित सुहाए। जनम करम अगनित श्रुति गाए।।
जथा अनंत राम् भगवाना। तथा कथा कीरति गुन नाना।।
तद्िष जथा श्रुत जिस मित मोरी। किहिहउँ देखि प्रीति अति तोरी।।
उमा प्रस्न तव सहज सुहाई। सुखद संतसंमत मोहि भाई।।
एक बात निह मोहि सोहानी। जदिष मोहनस कहेहु भवानी।।
तुम्ह जो कहा राम कोउ आना। जिहि श्रुति गाव घरहिं सुनि ध्याना

दो ०--कहिं सुनिहं अस अधम नर ग्रसे जे मोह पिसाच । पाखंडी हिर पद विमुख जानिहं झूठ न साच ॥११४॥ अग्य अकोविद अंध अभागी। काई विषय मुक्तर मन लागी।। लंपट कपटी कुटिल विसेषी। सपनेहुँ संतसभा निहं देखी।। कहिं ते बेद असंमत बानी। जिन्ह कें सुझ लाभु निहं हानी।। मुक्तर मिलन अरु नयन विहीना। राम रूप देखिं किमि दीना।। जिन्ह कें अगुन न सगुन विवेका। जल्पिहं किल्पित बचन अनेका।। हिरमाया बस जगत अमाहीं। तिन्हिह कहत कछ अघटित नाहीं बातुल भूत विवस मतवारे। ते निहं बोलिंह बचन विचारे।। जिन्ह कृत महामोह मद पाना। तिन्ह कर कहा करिअ निहं काना

सो०—अस निज हृदयँ बिचारि तजु संसय भजु राम पद । सुनु गिरिराज कुमारि भ्रम तम रबि कर बचन मम ॥११५॥

सगुनहि अगुनहि नहिं कछु भेदा। गावहि ग्रुनि पुरान बुध बेदा।।
अगुन अरूप अलख अज जोई। भगत प्रेम बस सगुन सो होई।।
जो गुन रहित सगुन सोइ कैसें। जल हिम उपल बिलग नहिं जैसें
जामु नाम श्रम तिमिर पतंगा। तेहि किमि कहिअ बिमोह प्रसंगा
राम सचिदानंद दिनेसा। नहिं तहँ मोह निसा लवलेसा।।
सहज प्रकासरूप भगवाना। नहिं तहँ पुनि विग्यान बिहाना।।
हरष बिषाद ग्यान अग्याना। जीव धर्म अहमिति अभिमाना।।
राम ब्रह्स ब्यापक जग जाना। परमानंद परेस पुराना।।

दो ०—पुरुष प्रसिद्ध प्रकास निधि प्रगट परावर नाथ । रघुकुलमनि मम स्वामि सोइ किह सिवँ नायउ माथ ॥११६॥

निज श्रम नहिं समुझहिं अग्यानी । प्रभु पर मोह धरहिं जड़ प्रानी।। जथा गगन घन पटल निहारी । झाँपेउ भानु कहिं इविचारी ।। चितव जो लोचन अंगुलि लाएँ। प्रगट जुगल सिस तेहि के भाएँ उमा राम विवइक अस मोहा। नभ तम धूम धूरि जिमि सोहा।। विषय करन सुर जीव समेता। सकल एक तें एक सचेता।। सब कर परम प्रकासक जोई। राम अनादि अवधपति सोई।। जगत प्रकास प्रकासक रामू। मायाधीस ग्यान गुन धामू।। जासु सत्यता तें जड़ माया। भास सत्य इव मोह सहाया।।

दो ०—रजत सीप महुँ भास जिमि जथा भानु कर बारि। जदपि मृषा तिहुँ काल सोइ भ्रम न सकइ को उटारि॥११७॥

एहि बिधि जग हरि आश्रित रहई। जदिष असत्य देत दुख अहई।। जौं सपनें सिर काटें कोई। बिनु जागें न दूरि दुख होई।। जासु कृषाँ अस अम मिटि जाई। गिरिजा सोइ कृपाल रघुराई!! आदि अंत कोउ जासु न पाता। मित अनुमानि निगम अस गावा बिनु पद चलइ सुनइ बिनु काना। कर बिनु करम करइ बिधि नाना आनन रहित सकल रस भोगी। बिनु बानी बकता बड़ जोगी।। तन बिनु परस नयन बिनु देखा। ग्रहइ घान बिनु बास असेषा।। असि सब भाँति अलौकिक करनी।महिमा जासु जाइ नहिं बरनी।।

दो ०—जेहि इमि गांविहिं बेद बुध जाहि धरिहं मुनि ध्यान। सोइ दसरथ सुत भगत हित कोसलपित भगवान॥११८॥

कासीं मरत जंतु अवलोकी। जासु नाम बल करउँ विमोकी।। सोइ प्रभु मोर चराचर खामी। रघुवर सब उर अंतरजभी।। विवसहुँ जासु नाम नर कहहीं। जनम अनेक रचित अघ दहहीं।। सादर सुमिरन जे नर करहीं। भव बारिधि गोपद इव तरहीं।। राम सो परमातमा भवानी । तहँ श्रम अति अविहित तव बानी ।। अस संसय आनत उर माहीं । ग्यान बिराग सकल गुन जाहीं ।। सुनि सिव के श्रम भंजन बचना । मिटि गै सब कुतरक के रचना ।। भइ रघुपति पद प्रीति प्रतीती । दारुन असंभावना बीती ।। दो ०-पुनि पुनि प्रभु पद कमल गहि जोरि पंकरुह पानि । बोली गिरिजा बचन बर मनहुँ प्रेम रस सानि ॥११९॥

सिस कर सम सुनि गिरातुम्हारी। मिटा मोह सरदातप भारी। तुम्ह कृपाल सबु संसउहरेऊ। राम खरूप जानि मोहि परेऊ।। नाथ कृपाँ अब गयउ विषादा। सुखी भयउँ प्रश्च चरन प्रसादा।। अब मोहि आपनि किंकरि जानी। जदिप सहज जड़ नारि अयानी।। प्रथम जो मैं पूछा सोइ कहहू। जों मो पर प्रसन्न प्रश्च अहहू।। राम ब्रह्म चिनमय अविनासी। सर्व रहित सब उर पुर बासी।। नाथ धरेउ नरतनु केहि हेतू। मोहि सग्जुझाइ कहहु वृषकेतू।। उमा बचन सुनि परम बिनीता। रामकथा पर प्रीति पुनीता।। दो०-हियँ हरषे कामारि तब संकर सहज सुजान। बहु विधि उमहि प्रसंसि पुनी बोले कृपानिधान।। १२०(क)।।

## नवाह्मपारायण, पहला विश्राम मासपारायण, चौथा विश्राम

सो०—सुनु सुभ कथा भवानि रामचरितमानस बिमल । कहा भुसुंडि बखानि सुना बिहग नायक गरुड़ ॥१२०(ख)॥ सो संबाद उदार जेहि बिधि भा आगें कहब । सुनहु राम अवतार चरित परम सुंदर अनघ ॥१२०(ग)॥ हरि गुन नाम अपार कथा रूप अगनित अमित । मैं निज मित अनुसार कहउँ उमा सादर सुनहु ॥१२०(घ)॥

सुतु गिरिजा हरिचरित सुद्दाए । विपुल विसद निगमागम गाए।। हरि अवतार हेतु जेहि होई। इदमित्थं किह जाइ न सोई।। राम अतक्षे बुद्धि मन बानी। मत हमार अस सुनिह सयानी।। तद्पि संत सुनि बेद पुराना। जस कल्क कहिं स्वमित अनुमाना तस मैं सुमुखि सुनावउँ तोही। समुझि परइ जस कारन मोही।। जब जब होइ धरम कै हानी। बाढ़िह असुर अधम अभिमानी।। करिह अनीति जाइ निहं बरनी। सीदिहं विप्र धेनु सुर धरनी।। तब तब प्रभु धरि विविध सरीरा। हरिह कुपानिधि सजन पीरा।।

दो ०—असुर मारि थापहिं सुरन्ह राखिहं निज श्रुति सेतु । जग विस्तारिहं विसद जस राम जन्म कर हेतु ॥१२१॥

सोइ जस गाइ भगत भव तरहीं। कृपासिधु जन हित तनु धरहीं।।
राम जनम के हेतु अनेका। परम विचित्र एक तें एका।।
जनम एक दुइ कहउँ वखानी। सावधान सुनु सुमित भवानी।।
द्वारपाल हरि के प्रिय दोऊ। जय अरु विजय जान सब कोऊ।।
विप्र श्राप तें दूनउ भाई। तामस असुर देह तिन्ह पाई।।
कनककसिपु अरु हाटकलोचन। जगत विदित सुरपित मद मोचन
विजई समर वीर विख्याता। धिर वराह वषु एक निपाता।।
होइ नरहिर दूसर पुनि मारा। जन प्रहलाद सुजस विस्तारा।।

दो०—भए निसाचर जाइ तेइ महाबीर वलवान। कुंभकरन रावन सुभट सुर बिजई जग जान॥१२२॥ मुकुत न भए हते भगनाना । तीनि जनम द्विज बचन प्रवाना ॥
एक बार तिन्ह के हित लागी । धरेउ सरीर भगत अनुरागी ॥
कस्यप अदिति तहाँ पितु माता । दसरथ कौसल्या बिख्याता ॥
एक कलप एहि बिधि अनतारा । चिरत पित्र किए संसारा ॥
एक कलप सुर देखि दुखारे । समर जलंधर सन सब हारे ॥
संभ्र कीन्ह संग्राम अपारा । दनुज महाबल मरइ न मारा ॥
परम सती असुराधिप नारी । तेहिंबल ताहिन जितहिं पुरारी ॥

दो०—छल करि टारेउ तासु बत प्रभु सुर कारज कीन्ह। जब तेहिं जानेउ मरम तब श्राप कोप करि दीन्ह॥१२३॥

तासु श्राप हरि दीन्ह प्रमाना । कौतुकनिधि कृपाल भगवाना ॥
तहाँ जलंधर रावन भयऊ । रन हित राम परमपद दयऊ ॥
एक जनम कर कारन एहा । जेहि लिग राम धरी नरदेहा ॥
प्रति, अवतार कथा प्रभु केरी । सुनु मुनि बरनी किन्ह घनेरी ॥
नारद श्राप दीन्ह एक बारा । कलप एक तेहि लिग अवतारा ॥
गिरिजा चिकत भई सुनि बानी । नारद बिष्नु भगत पुनि ग्यानी ॥
कारन कवन श्राप मुनि दीन्हा । का अपराध रमापित कीन्हा ॥
यह प्रसंग मोहि कहहु पुरारी । मुनि मन मोह आचरज भारी ॥

दो ०—बोले बिहसि महेस तब ग्यानी मूढ् न कोइ। जेहि जस रघपति करहिं जब सो तस तेहि छन होइ॥१२४(क)॥

सो०—क्रहउँ राम गुन गाथ भरद्वीज सादर सुनहु । भव भंजन रघुनाथ भजु तुलसी तिज मान मद ॥१२४(ख)॥

हिमगिरि गुहा एक अति पावनि । वह समीप सुरसरी सुहावनि ॥

आश्रम परम पुनीत सुद्दांवा। देखि देवरिषि मन अति भावा।।
निरित्व सेल सिर विपिन विभागा। भयउ रमापित पद अनुरागा।।
सुमिरत हरिहि श्राप गित बाधी। सह ज विमल मन लागि समाधी।)
सुनि गित देखि सुरेस डेराना। कामिह बोलि कीन्ह सनमाना।।
सिहत सहाय जाहु मम हेतू। चलेउ हरिष हियँ जलचर केत्।।
सुनासीर मन महुँ असि त्रासा। चहत देवरिषि मम पुर बासा।।
जे कामी लोलुप जग माही। कुटिल काक इव सबहि डेराहीं।।

दो०—सूख हाड़ लें भाग सठ स्वान निरिष्व मृगराज। छीनि लेइ जनि जान जड़ तिमि सुरपतिहि न लाज॥१२५॥

तेहि आश्रमहिं मदन जब गयऊ । निज मायाँ बसंत निरमयऊ ।। कुसित बिबिध बिटप बहुरंगा । कुजिह कोकिल गुंजिह भृंगा ।। चली सहावनि त्रिबिध बयारी । काम कुसानु बढ़ावनिहारी ।। रंभादिक सुरनारि नबीना । सकल असमसर कला प्रबीना ।। करिह गान बहु तान तंगा । बहुविधि कीड़िह पानि पतंगा ।। देखि सहाय मदन हरषाना । कीन्हेसि पुनि प्रपंच विधि नाना काम कला कल्ल सुनिहि न ब्यापी। निज भयँ डरेड मनोभव पापी।। सीम कि चाँपि सकड़कोउ तास । बड़ रखवार रमापति जास ।।

दो०—सहित सहाय सभीत अति मानि हारि मन मैन। गहेसि जाइ मुनि चरन तब कहि सुठि आरत बैन ॥१२६॥

भयउ न नारद मन कछु रोषा। कहि प्रिय बचन काम परितोषा।। नाइ चरन सिरु आयसु पाई। गयउ मदन तब सहित सहाई।। मुनि सुसीलता आपनि करनी। सुरपति सभाँ जाइ सब बरनी।। सुनि सब कें मन अचरजु आवा । सुनिहि प्रसंसि हरिहि सिरु नावा तब नारद गवने सिव पाहीं । जिता काम अहमिति मन माहीं।। मार चरित संकरिह सुनाए । अतिप्रिय जानि महेस सिखाए।। बार बार बिनवउँ सुनि तोही । जिमि यह कथा सुनायहु मोही ।। विमि जनि हरिहि सुनावहु कबहूँ । चलेहुँ प्रसंग दुराएहु तबहूँ ।।

दो ०—संभु दीन्ह उपदेस हित निहं नारदिह सोहान। भरद्वाज कौतुक सुनहु हिर इच्छा बलवान॥१२७॥

राम कीन्ह चाहिंह सोइ होई। करें अन्यथा अस निहं कोई।।
संभ्र बचन ग्रुनि मन निहं भाए। तब बिरंचि के लोक सिधाए।।
एक बार करतल बर बीना। गावत हिर गुन गान प्रबीना।।
छीरसिंघु गवने ग्रुनिनाथा। जह बस श्रीनिवास श्रुतिमाथा।।
हरिष मिले उठि रमानिकेता। बेठे आसन रिषिहि समेता।।
बोले बिहसि चराचर राया। बहुते दिनन कीन्हि ग्रुनि दाया।।
कामचरित नारद सब भाषे। जद्यपि प्रथम बर्जि सिवँ राखे।।
अति प्रचंड रघुपति के माया। जेहिन मोह अस को जग जाया।।

दो ०—रूख बदन करि बचन मृदु बोले श्रीभगवान। तुम्हरे सुमिरन तें मिटहिं मोह मार मद मान॥१२८॥

सुनि मुनि मोह होइ मन ताकें। ग्यान बिराग हृदय नहिं जाकें।। ब्रह्मचरज बत रत मतिथीरा। तुम्हिह कि करइ मनोभव पीरा।। नारद कहेउ सिहत अभिमाना। कृपा तुम्हारि सकल भगवाना।। करनानिथि मन दीग्व विचारी। उर अंकुरेउ गरव तरु भारी।। वेगि सो में डारिहउँ उखारी। पन हमार सेवक हितकारी।।

मुनि कर हित मम कौतुक होई। अवसि उपाय करिब में सोई।। तब नारद हिर पद सिर नाई। चले हृदयँ अहमिति अधिकाई।। श्रीपति निज माया तब प्रेरी। सुनहु कठिन करनी तेहि केरी।।

दो ०-बिरचेउ मग महुँ नगर तेहिं सत जोजन बिस्तार। श्रीनिवासपुर तें अधिक रचना बिबिध प्रकार॥१२९॥

बसिंदं नगर सुंदर नर नारो । जनुबहु मनसिज रित तनु धारी।।
तेहिं पुर बसइसीलनिधि राजा । अगनित हय गय सेन समाजा ।।
सत सुरेस सम बिभव बिलासा । रूप तेज बल नीति निवासा ।।
विखमोहनी तासु कुमारी । श्री बिमोह जिसु रूपु निहारी ।।
सोइ हरिमाया सव गुन खानी । सोभा तासु कि जाइ बखानी ।।
करइ खयंबर सो नृपवाला । आए तहँ अगनित महिपाला ।।
सुनि कौतुकी नगर तेहिंगयऊ । पुरवासिन्ह सव पूछत भयऊ ।।
सुनि सब चरित भूप गृहँ आए । करि पूजा नृप सुनि बैठाए ।।

दो ०—आनि देखाई नारदिह भूपित राजकुमारि । कहहु नाथ गुन दोष सब एहि के हृदयँ विचारि ॥१३०॥

देखि रूप मुनि बिरित बिसारी। बड़ी बार लगि रहे निहारी।। लच्छन तासु बिलोकि भुलाने। हृद्यँ हरप निह प्रगट बखाने।। जो एहि बरइ अमर सोइ होई। समरभूमि तेहि जीत न कोई।। सेविह सकल चराचर ताही। बरइ सीलिनिध कन्या जाही।। लच्छन सब बिचारि उर राखे। कल्लुक वनाइ भूप सन भाषे।। सुता सुलच्छन कहि नृप पाहीं। नारद चले सोच मन माहीं।। करों जाइ सोइ जतन बिचारी। जेहि प्रकार मोहि बरें कुमारी।। जप तप कछु न होइ तेहि काला । हे विधि मिलइ कवन विधि बाला

दो०—एहि अवसर चाहिअ परम सोभा रूप बिसाल। जो बिलोकि रीझै कुअँरि तब मेलै जयमाल॥१३१॥

हिर सन मागों सुंदरताई। होइहि जात गहरु अति भाई।।
मोरें हित हिर सम निहं कोऊ। एहि अवसर सहाय सोइ होऊ।।
बहु बिधि बिनय कीन्हि तेहि काला। प्रगटेउ प्रश्च कौतुकी कृपाला।।
प्रश्च बिलोकि ग्रनि नयन जुड़ाने। होइहि काजु हिएँ हरषाने।।
अति आरित किह कथा सुनाई। करहु कृपा किर होहु सहाई।।
आपन रूप देहु प्रश्च मोही। आन भाँति निहं पानौं ओही।।
जेहि बिधि नाथ होइ हित मोरा। करहु सो बेगि दास मैं तोरा।।
निज माया बल देखि बिसाला। हियँ हाँस बोले दीनदयाला।।

दो ०-जेहि बिधि होइहि परम हित नारद सुनहु तुम्हार । सोइ हम करब न आन कछु बचन न मुषा हमार ॥१३२॥

कृपथ माग रुज ब्याकुल रोगी। बैंद न देइ सुनहु सुनि जोगी।।
एहि बिधि हित तुम्हार मैंठयऊ। किह अस अंतरहित प्रश्च भयऊ।।
माया विवस भए सुनि मूढ़ा। समुझी निहं हरि गिरा निग्हा।।
गवने तुरत तहाँ रिषिराई। जहाँ स्वयंवर भूमि बनाई।।
निज निज आसन बैठे राजा। बहु बनाव किर सहित समाजा।।
सुनि मन हरष रूप अति मोरें। मोहि तिज आनिह वरिहि न भोरें।।
सुनि हित कारन कुपानिधाना। दीन्ह कुरूप न जाइ बसाना।।
सो चिरत्र लिख काहुँ न पावा। नारद जानि सबिह सिर नावा।।

- **दो**०—रहे तहाँ दुइ रुद्र गन ते जानहिं सब मेउ। बिप्र बेष देखत फिरहिं परम कौतुकी तेउ॥१३३॥

जोहं समाज बैठे म्रुनि जाई। इदयँ रूप अहमिति अधिकाई।।
तहँ बैठे महेस गन दोऊ। बिप्रबेष गति लखइ न कोऊ।।
करिं कृटि नारदिह सुनाई। नीिक दीन्ह हिर सुंदरताई।।
रीक्षिहिराजकुअँरि छिब देखी। इन्हिह बरिहि हिर जानि बिसेषी।।
म्रुनिहि मोह मन हाथ पराएँ। हँसिहं संभ्रु गन अति सचु पाएँ।।
जदिष सुनिहं मुनि अटपिट बानी। सम्रुक्षि न परइ बुद्धि भ्रम सानी
काहुँ न लखा सो चरित बिसेषा। सो सरूप नृपकन्याँ देखा।
मर्कट बदन भयंकर देही। देखत हृदयँ क्रोध मा तेही।।

दो ०—सस्त्री संग ले कुअँरि तब चिल जनु राजमराल। देखत फिरइ महीप सब कर सरोज जयमाल॥१३४॥

जेहि दिसि बैठे नारद फूली। सो दिसि तेहिं न बिलोकी भूली।।
पुनि पुनि मुनि उकसिं अकुलाहीं। देखि दसा हरगन मुसुकाहीं।।
धरि नृपतनु तहँ गयउ कुपाला। कुअँरि हरिष मेलेउ जयमाला।।
दुलहिनि लें गे लुच्छिनिवासा। नृप समाज सब भयउ निरासा।।
मुनि अति बिकल मोहँ मित नाठी। मिन गिरि गई छूटि जनु गाँठी
तब हर गन बोले मुसुकाई। निज मुख मुकुर बिलोकहु जाई।।
अस कहि दोउ भागे भयँ भारी। बदन दीख मुनि बारि निहारी।।
बेम्रु बिलोकि कोध अति बादा। तिन्हहि सराप दीन्ह अति गादा।।

दो ०--होहु निसाचर जाइ तुम्ह कपटी पापी दोउ। 😙 - **हॅसेहु हमहि सो लेहु फल बहुरि हॅसेहु मु**नि कोउ॥१३५॥ पुनि जल दीख रूप निज पावा । तदिष हृदयँ संतोष न आवा ॥ फरकत अधर कोप मन माहीं । सपिद चले कमलापित पाहीं ॥ देहउँ आप कि मिरहउँ जाई । जगत मोरि उपहास कराई ॥ बीचिह पंथ मिले दनुजारी । संग रमा सोइ राजकुमारी ॥ बोले मधुर बचन सुरसाई । सुनि कहँ चले बिकल की नाई ॥ सुनत बचन उपजा अति कोधा । माया बस न रहा मन बोधा ॥ पर संपदा सकहु नहिं देखी । तुम्हरें इरिषा कपट बिसेषी ॥ मथत सिंधु रुद्रहि बौरायहु । सुरन्ह प्रेरि बिष पान करायहु ॥ दो ०—असुर सुरा बिष संकरिह आपु रमा मिन चार ।

स्वारथ साधक कुटिल तुम्ह सदा कपट ब्यवहारु ॥१२६॥

परम खतंत्र न सिर पर कोई। भावइ मनहि करहु तुम्ह सोई।।
भलेहि मंद मंदेहि भल करहू। विसमय हरप न हियँ कल्ल धरहू।।
डहिक डहिक परिचेहु सब काहू। अति असंक मन सदा उल्लाहु।।
करम सुभासुभ तुम्हिह न बाधा। अब लिग तुम्हिह न काहूँ साधा।।
भले भवन अब बायन दीन्हा। पावहुगे फल आपन कीन्हा।।
बंचेहु मोहि जवनि धरि देहा। सोइ तनु धरहु श्राप मम एहा।।
कपि आकृति तुम्ह कीन्हि हमारी। करिहृहिं कीस सहाय तुम्हारी।।
मम अपकार कीन्ह तुम्ह भारी। नारि बिरहँ तुम्ह होब दुखारी।।

दो ०-श्राप सीस धरि हरिष हियँ प्रभु बहु बिनती कीन्हि ।

निज माया कै प्रबलता करिष क्रपानिधि लीन्हि ॥ १२७॥ जब हरि माया द्रि निवारी। नहिं तहँ रमा न राजकुमारी।। तब मुनि अति सभीत हरि चरना। गहे पाहि प्रनतारित हरना।। मृषा होउ मम श्राप कृपाला । मम इच्छा कह दीनद्याला ।।
मैं दुर्वचन कहे बहुतेरे । कह मुनि पाप मिटिहिं किमि मेरे
जपहु जाइ संकर सत नामा । होइहि हृद्यँ तुरत बिश्रामा ।।
कोउ निहं सिव समान प्रिय मोरें । असि परतीति तजहु जिन भोरें।।
जेहि पर कृपा न करहिं पुरारी । सो न पाव मुनि भगति हमारी ।।
अस उरधिर महि बिचरहु जाई । अब न तुम्हृहि माया निअराई ।।

दो ०-बहुबिधि मुनिहि प्रबोधि प्रभु तब भए अंतरधान।

सत्यलोक नारद चले करत राम गुन गान ॥१३८॥

हर गन मुनिहि जात पथ देखी । बिगतमोह मन हरष बिसेषी ॥

अति सभीत नारद पिहं आए । गिह पद आरत बचन सुनाए ॥

हर गन हम न बिप्र मुनिराया । बड़ अपराध कीन्ह फल पाया ॥

श्राप अनुग्रह करहु कृपाला । बोले नारद दीनदयाला ॥

निस्चिर जाइ होहु तुम्ह दोऊ । बैभव बिपुल तेज बल होऊ ॥

ग्रुजबल बिख जितब तुम्ह जहिआ।धिरहिहं बिष्नु मनुज तनु तहिआ

समर मरन हिर हाथ तुम्हारा । होइहहु मुकुत न पुनि संसारा ॥

चले जुगल मुनि पद सिर नाई । भए निसाचर कालिह पाई ॥

दो ०-एक कलप एहि हेतु प्रमु लीन्ह मनुज अवतार ।

सुर रंजन सज्जन सुखद हिर भंजन भुवि भार ॥१३९॥ एहि विधि जनम करम हिर केरे । सुंदर सुखद विचित्र घनेरे ॥ कलप कलप प्रति प्रभु अवतरहीं । चारु चरित नाना विधि करहीं॥ तव तव कथा सुनीसन्ह गाई । परम पुनीत प्रबंध बनाई ॥ विविध प्रसंग अनुप बखाने । करहिन सुनि आचरज्ञ सयाने॥ हरि अनंत हरिकथा अनंता। कहिं सुनिहं बहुबिधि सब संता।। रामचंद्र के चरित सुहाए। कलप कोटि लगि जाहिं न गाए।। यह प्रसंग में कहा भवानी। हरिमायाँ मोहिंह सुनि ग्यानी।। प्रभु कौतुकी प्रनत हितकारी। सेवत सुलभ सकल दुख हारी।।

सो०-सुर नर मुनि कोउ नाहिं जेहि न मोह माया प्रवल।

अस बिचारि मन माहिं भजिअ महामाया पतिहि ॥१४०॥

अपर हेतु सुनु सैलक्कमारी। कहउँ बिचित्र कथा बिस्तारी।। जेहि कारन अज अगुन अरूपा। ब्रह्म भयउ कोसलपुर भूपा।। जो प्रश्न विधिन फिरत तुम्हदेखा। बंधु समेत धरें मुनिबेषा।। जासु चरित अवलोकि भवानी। सती सरीर रहिहु बौरानी।। अजहुँ न छाया मिटति तुम्हारी। तासु चरित सुनु भ्रम रूज हारी।। लीला कीन्हि जो तेहिं अवतारा। सो सब कहिहउँ मित अनुसारा।। भरद्वाज सुनि संकर बानी। सकुचि सप्रेम उमा म्रसुकानी।। लगे बहुरि बरने बृषकेतु। सो अवतार भयउ जेहि हेतु।।

दो ०-सो मैं तुम्ह सन कहउँ सबु सुनु मुनीस मन लाइ।

राम कथा कलि मल हरनि मंगल करनि सुहाइ ॥१४१॥

खायंभू मनु अरु सतरूपा। जिन्ह तें भै नरसृष्टि अनुपा।।
दंपति धरम आचरन नीका। अजहुँ गाव श्रुति जिन्ह के लीका।।
नृप उत्तानपाद सुत तास् । ध्रुव हिरभगत भयउ सुत जास्।।
लघु सुत नाम प्रियन्नत ताही। वेद पुरान प्रसंसिह जाही।।
देवहूति पुनि तासु कुमारी। जो सुनि कर्दम के प्रिय नारी।।
आ(ददेव प्रसु दीनद्याला। जठर धरेउ जेहिं कपिल कुपाला।।

सांख्य साम्र जिन्ह प्रगट बखाना। तत्त्व विचार निपुन भगवाना।। तेहिं मनु राज कीन्ह बहु काला। प्रभु आयसु सब्न विधि प्रतिपाला।।

सो ०-होइ न बिषय बिराग भवन बसत भा चौथपन ।

हृदयँ बहुत दुख लाग जनम गयउ हरिभगति बिनु ॥१४२॥

बरबस राज सुतिह तब दीन्हा। नारि समेत गवन बनकीन्हा। तीरथ बर नैमिष बिख्याता। अति पुनीत साधक सिधि दाता।। बसिंह तहाँ मुनि सिद्ध समाजा। तहाँ हियँ हरिष चलेउ मनु राजा।। पंथ जात सोहिंह ,मितिधीरा। ग्यान भगति जनु धरें सरीरा।। पहुँचे जाइ घेनुमित तीरा। हरिष नहाने निरमल नीरा।। आए मिलन सिद्ध मुनि ग्यानी। धरम धुरंधर नृपरिषि जानी।। जहाँ जहाँ तीरथ रहे सुहाए। मुनिन्ह सकल सादर करवाए।। कुस सरीर मुनिपट परिधाना। सत् समाज नित सुनिह पुराना।।

दो०-द्वादस अच्छर मंत्र पुनि जपहिं सहित अनुराग।

बासुदेव पद पंकरुह दंपित मन अति लाग ॥१४२॥

करिहं अहार साक फल कंदा। सुमिरिहं ब्रह्म सिचदानंदा।।
पुनि हिर हेतु करम तप लागे। बारि अधार मूल फल त्यागे।।
उर अभिलाप निरंतर होई। देखिअ नयन परम प्रभु सोई।।
अगुन अखंड अनंत अनादी। जेहि चिंतिहं परमारथबादी।।
नेति नेति जेहि बेद निरूपा। निजानंद निरुपाधि अनुपा।।
संभु विरंचि विष्नु भगवाना। उपजिहं जासु अंस तें नाना।।
ऐसेउ प्रभु सेवक बस अहुई। भगत हेतु लीलात्नु गहुई।।
जौं यह बचन सत्य श्रुति भाषा। तो हमार पूजिहि अभिलाषा।।

दो ०-एहि बिधि बीते बरष पट सहसं बारि आहार।

संबत सप्त सहस्र पुनि रहे समीर अधार ॥१४४॥

बरष सहस दस त्यागेउ सोऊ। ठाहे रहे एक पद दोऊ।।
बिधिहरि हर तप देखि अपारा। मनु समीप आए बहु बारा।।
मागहु बर बहु भाँति लोभाए। परमधीर निह चलहिं चलाए।।
अस्थिमात्र होइ रहे सरीरा। तदिप मनाग मनिह निह पीरा।।
प्रश्च सर्वग्य दास निज जानी। गित अनन्य तापस नृप रानी।।
मागु मागु बरु भे नभ बानी। परम गभीर कृपामृत सानी।।
मृतक जिआवनि गिरा सुहाई। अवन रंघ्र होइ उर जब आई।।
हृष्टपुष्ट तन भए सुहाए। मानहुँ अबहिं भवन ते आए।।

दो ७--श्रवन सुधा सम बचन सुनि पुलक प्रफुल्लित गात।

बोले मनु करि दंडवत प्रेम न हृदयँ समात ॥१४५॥

सुनु सेवक सुरतरु सुरधेन । विधि हरि हर बंदित पद रेन ।। सेवत सुलभ सकल सुखदायक । प्रनतपाल सचराचर नायक ।। जो अनाथ हित हम पर नेहू । तो प्रसन्न होइ यह वर देहू ।। जो सरूप वस सिव मन माहीं । जेहि कारन मुनि जतन कराहीं।। जो भ्रुसुंडि मन मानस हंसा । सगुन अगुन जेहि निगमप्रसंसा ।। देखिं हम सो रूप भिर लोचन । कृपा करहु प्रनतारित मोचन ।। दंपित बचन परम प्रिय लागे । मृदुल बिनीत प्रेम रस पागे ।। भगत बछल प्रभु कृपानिधाना । बिख्व बास प्रगटे भगवाना ।।

दो ०—नील सरोरुह नील मिन नील नीरघर स्थाम। लाजिह तम सोभा निरिख कोटि कोटि सत काम ॥१४६॥ सरद मयंक बदन छिव सींवा। चारु कपोल चिबुक दर ग्रीवा।। अधर अरुन रद सुंदर नासा। बिधु कर निकर बिनिंदक हासा।। नव अंबुज अंबक छिव नीकी। चितविन लिलित भावँती जी की।। भृकुटि मनोज चाप छिव हारी। तिलक ललाट पटल दुतिकारी।। कुंडल मकर मुकुट सिर आजा। कुटिल केस जनु मधुप समाजा।। उर श्रीवत्स रुचिर बनमाला। पिदक हार भूषन मनिजाला।। केहिर कंधर चारु जनेऊ। बाहु बिभूषन सुंदर तेऊ।। किर कर सरस सुभग भुजदंडा। किर निषंग कर सर कोदंडा।।

दो ०-तड़ित बिनिंदक पीत पट उदर रेख बर तीनि।

नाभि मनोहर लेति जनु जमुन भवँर छनि छीनि ॥१४७॥
पद राजीव बरिन निहं जाहीं । मुनि मन मधुप बसि जेन्ह माहीं।।
बाम भाग सोभित अनुकूला । आदिसक्ति छिबिनिधि जगमूला ।।
जासु अंस उपजिह गुनखानी । अगिनत लिच्छ उमा ब्रह्मानी ।।
भृकुटि बिलास जासु जगहोई । राम बाम दिसि सीता सोई ।।
छिबिसमुद्र हरि रूप बिलोकी । एकटक रहे नयन पट रोकी ।।
चितविह सादर रूप अनुपा । तृप्ति न मानिह मनु सतरूपा ।।
हरष बिबस तन दस्ना भुलानी । परे दंड इव गहि पद पानी ।।
सिर परसे प्रभु निजकर कंजा । तुरत उठाए करुनापुंजा ।।

मागहु बर जोइ भाव मन महादानि अनुमानि ॥१४८॥ सुनि प्रभु बचन जोरि जुग पानी । धरि धीरजु बोली मृदु वानी ॥ नाथ देखि पद कमल तुम्हारे । अब पूरे सब काम हमारे ॥

'दो०—बोले ऋपानिधान पुनि अति प्रसन्न मोहि जानि।

एक लालसा बिंड उर माहीं। सुगम अगम किंह जात सो नाहीं तुम्हिंह देत अति सुगम गोसाई। अगम लाग मोहि निज कृपनाई।। जथा दरिद्र विबुधतरु पाई। वहु संपति मागत सकुचाई।। तासु प्रभाउ जान नहिं सोई। तथा हृद्यँ मम संसय होई॥ सो तुम्ह जानहु अंतरजामी। पुरवहु भोर मनोरथ खामी॥ सकुच विहाइ मागु नृप मोही। मोरें नहिं अदेय कछु तोही॥

द्रो ०—दानि सिरोमनि ऋपानिधि नाथ कहउँ सतिभाउ । चाहउँ तुम्हिहि समान सुत प्रभु सन कवन दुराउ ॥१४९॥

देखि प्रीति सुनि बचन अमोले । एवमस्तु करुनानिधि बोले ॥ आपु सिरस खोजों कहँ जाई । नृप तव तनय होन में आई ॥ सतरूपिह बिलोकि कर जोरें । देबि मागु बरु जो रुचि तोरें ॥ जो बरु नाथ चतुर नृप मागा । सोइ कृपाल मोहि अति प्रिय लागा प्रभु परंतु सुठि होति दिटाई । जदिष भगत हित तुम्हिह सोहाई तुम्ह ब्रह्मादि जनक जगस्तामी । ब्रह्म सकल उर अंतरजामी ॥ अस समुझत मन संसय होई । कहा जो प्रभु प्रवान पुनि सोई ॥ जे निज भगत नाथ तव अहहीं । जो सुख पावहिं जो गित लहहीं॥

दो ०—सोइ सुख सोइ गित सोइ भगित सोइ निज चरन सनेहु । सोइ बिबेक सोइ रहनि प्रभु हमिह ऋपा करि देहु ॥१५०॥

सुनि मृदु गूढ़ रुचिर बर रचना । कृपासिंघु बोले मृदु बचना ॥ जो कळु रुचि तुम्हरे मन माहीं । मैं सो दीन्ह सब संसय नाहीं ॥ मातु बिबेक अलोकिक तोरें । कबहुँ न मिटिहि अनुग्रह मोरें ॥ बंदि चरन मनु कहेउ बहोरी । अवर एक बिनती प्रभु मोरी ॥ सुत विषइक तव पद रित होऊ । मो हि बड़ मूढ़ कहै किन कोऊ ।) मिन बिनु फिन जिमि जल बिनु मीना । मम जीवन तिमि तुम्हिह अधीना ॥ अस बरु मागि चरन गहि रहेऊ । एवमस्तु करुनानिधि कहेऊ ॥ अब तुम्ह मम अनुसासन मानी । बसहु जाइ सुरपित रजधानी ॥

सो०—तहँ करि भोग विसाल तात गएँ कछु काल पुनि। होइहहु अवध भुआल तब मैं होब तुम्हार सुत॥१५१॥

इच्छामय नरबेष सँवारें। होइहउँ प्रगट निकेत तुम्हारें।। अंसन्ह सहित देह धरि ताता। करिहउँ चरित भगत सुखदाता।। जे सुनि सादर नर बड़भागी। भव तरिहहिं ममता मद त्यागी।। आदि सक्ति जेहिं जग उपजाया। सोउ अवतरिहि मोरि यह माया पुरउब में अभिलाप तुम्हारा। सत्य सत्य पन सत्य हमारा।। पुनि पुनि अस कहि कृपानिधाना। अंतरधान भए भगवाना।। दंपति उर धरि भगत कृपाला। तेहिं आश्रम निवसे कछ काला।। समय पाइ तनु तजि अनयासा। जाइ कीन्ह अमरावति बासा।।

दो ०--यह इतिहास पुनीत अति उमहि कही वृषकेतु। भरद्वाज सुनु अपर पुनि राम जनम कर हेतु॥१५२॥

## मासपारायण, पाँचवाँ विश्राम

सुनु मुनि कथा पुनीत पुरानी। जो गिरिजा प्रति संभु बखानी।। बिख बिदित एक कैंकय देस्र। सत्यकेतु तहँ बसइ नरेस्र।। धरम धुरंधर नीति निधाना। तेज प्रताप सील बलवाना।। तेहि के भए जुगल सुत बीरा। सब गुन धाम महा रनधीरा।। राज धनी जो जेठ सुत आही। नाम प्रतापभानु अस ताही।। अपर सुतिह अरिमर्दन नामा। ग्रुजबल अतुल अचल संग्रामा।। भाइहि भाइहि परम समीती। सकल दोप छल वरजित प्रीती।। जेठे सुतिह राज नृप दीन्हा। हिर हित आपु गवन बन कीन्हा

दो०—जब प्रतापरिब भयउ नृप फिरी दोहाई देस। प्रजा पाल अति बेदिबिधि कतहुँ नहीं अघ लेस॥१५३॥

नृप हितकारक सचिव सयाना । नाम धरमरुचि सुक्र समाना ।।
सचिव सयान बंधु बलबीरा । आपु प्रतापपुंज रनधीरा ।।
सेन संग चतुरंग अपारा । अमित सुभट मब समर जुझारा ।।
सेन बिलोकि राउ हरपाना । अरु बाजे गहगहे निसाना ॥
बिजय हेतु कटकई बनाई । सुदिन साधि नृप चलेउ बजाई ॥
जहँ तहँ परीं अनेक लराई । जीते सकल भूप बरिआई ॥
सप्त दीप भुजबल बसकीन्हे । लै लै दंड छाड़ि नृप दीन्हे ॥
सकल अवनि मंडल तेहि काला । एक प्रतापभानु महिपाला ॥

दो ०—स्वबस बिस्व करि बाहुबल निज पुर कीन्ह प्रबेसु । अरथ घरम कामादि सुख सेवइ समयँ नरेसु ॥१५४॥ भूप प्रतापभानु बल पाई। कामधेनु भै भूमि सुहाई॥ सब दुख बरजिन प्रजा सुखारी। धरमसील सुंदर नर नारी॥

सब दुख बरजित प्रजा सुखारी । धरमसील सुंदर नर नारी ॥ सचिव धरमरुचि इरि पद प्रीती । नृप हित हेतु सिखव नित नीती गुर सुर संत पितर महिदेवा । करइ सदा नृप सब के सेवा ॥ भूप धरम जे बेद बखाने । सकल करइ सादर सुख माने ॥ दिन प्रति देइ विविध विधि दाना । सुनइ सास्त्र बर बेद पुराना ॥ नाना बापीं कूप तड़ागा। सुमन बाटिका सुंदर बागा।। विप्रभवन सुरभवन सुहाए। सब तीरथन्ह विचित्र बनाए।।

दो ०—जहँ लगि कहे पुरान श्रुति एक एक स**ब जाग।** वार सहस्र सहस्र नृप किए सहित अनुराग॥१५५॥

हृदयँ न कल्ल फल अनुसंधाना । भूप विवेकी परम सुजाना ।। करइ जे धरम करम मन बानी । बासुदेव अपिंत नृप ग्यानी ।। चिढ़ बर बाजि वार एक राजा । मृगया कर सब साजि समाजा ।। विध्याचल गभीर बन गयऊ । मृग पुनीत बहु मारत भयऊ ।। फिरत विपिन नृप दीख बराहू । जनु बन दुरेउ सिर्माह ग्रास राहू बड़ बिधु निहं समात ग्रुख माहीं । मनहुँ क्रोध बस उगिलत नाहीं।। कोल कराल दसन छवि गाई । तनु बिसाल पीवर अधिकाई ।। घुरुघुरात हम आरो पाएँ । चिकत विलोकत कान उठाएँ ।।

दो०—नील महीधर सिखर सम देखि बिसाल बराहु। चपरि चलेउ हय सुटुकि नृप हाँकि न होइ निवाहु॥१५६॥

आवत देखि अधिक रव वाजी । चलेउ बराह मरुत गति भाजी ।।
तुरत कीन्ह नृष् सर संधाना । मिह मिलि गयउ बिलोकत बाना
तिक तिक तीर महीस चलावा । किर छल सुअर सरीर बचावा ।।
प्रगटत दुरत जाइ मृग भागा । रिस वस भूप चलेउ सँग लागा।।
गयउ दूरि घन गहन वराहू । जहँ नाहिन गज बाजि निबाहू ।।
अति अकेल बन बिपुल कलेस । तदिष न मृग मग तजइ नरेस ।।
कोल बिलोकि भूप बड़ धीरा । भागि पैठ गिरिगुहाँ गभीरा ।।
अगम देखि नृष अति पछिताई । फिरेउ महाबन परेउ सुलाई ।।

दो ०—खेद खिन्न छुद्धित तृषित राजा बाजि समेत। खोजत ब्याकुल सरित सर जल बिनु भयउ अचेत॥१५७॥

फिरत विपिन आश्रम एक देखा। तहँ बस नृपति कपट मुनि बेषा जासु देस नृप लीन्ह छड़ाई। समर सेन तिज गयउ पराई।। समय प्रतापभानु कर जानी। आपन अति असमय अनुमानी।। गयउ न गृह मन बहुत गलानी। मिला न राजिह नृप अभिमानी।। रिस उर मारि रंक जिमि राजा। विपिन बसइ तापस कें साजा।। तासु सभीप गवन नृप कीन्हा। यह प्रतापैरवि तेहिं तव चीन्हा।। राउ तृषित नहिं सो पहिचाना। देखि सुबेप महामुनि जाना।। उत्तरि तुरग तें कीन्ह प्रनामा। परम चतुर न कहेउ निज नामा।।

दो ०—भूपित तृषित विलोकि तेहिं सरवरु दीन्ह देखाइ। मज्जन पान समेत हय कीन्ह नृपति हरषाइ॥१५८॥

गै श्रम सकल सुखी नृप भयऊ । निज आश्रम तापस लै गयऊ ।। श्रासन दीन्ह अस्त रिव जानी । पुनि तापस बोलेउ मृदु बानी ।। को तुम्ह कस बन फिरहु अकेलें । सुंदर जुबा जीव परहेलें ।। चक्रवर्ति के लच्छन तोरें । देखत दया लागि अति मोरें ।। नाम प्रतापभानु अवनीसा । तासु सचिव मैं सुनहु मुनीसा ।। फिरत अहेरें परेउँ भुलाई । बहें भाग देखेउँ पद आई ।। हम कहँ दुर्लभ दरस तुम्हारा । जानत हों कल्छ भल होनिहारा ।। कह मुनि तात भयउ अधिआरा । जोजन सत्तरि नगरु तुम्हारा ।।

दो ०-निसा घोर गंभीर बन पंथ न सुनहु सुजान। वसहु आजु अस जानि तुम्ह जाएहु होत बिहान॥१५९(क)॥ तुलसी जिस भवतब्यता तैसी मिलइ सहाइ। आपुनु आवइ ताहि पिहें ताहि तहाँ लै जाइ॥१५९(ख)॥

भलेहिं नाथ आयसु धिर सीसा । बाँधि तुरग तरु बैठ महीसा ॥
नृप बहु भाँति प्रसंसेउ ताही । चरन बंदि निज भाग्य सराही ॥
पुनि बालेउ मृदु गिरा सुहाई । जानि पिता प्रश्च करउँ दिठाई ॥
मोहि मुनीस सुत सेवक जानी । नाथ नाम निज कहहु बखानी ॥
तेहि न जान नृप नृपहि सो जाना । भूप सुहृद सो कपट सयाना ॥
बैरी पुनि छत्री पुनि राजा । छल बल कीन्ह चहइ निज काजा ॥
सम्रुद्धि राजसुख दुखित अराती । अवाँ अनल इव सुलगह छाती॥
सरल बचन नृप के सुनि काना । बयर सँभारि हृद्यँ हरपाना ॥

दो ०—कपट बोरि बानी मृदुल बोलेउ जुगुति समेत । नाम हमार भिखारि अब निर्धन रहित निकेत ॥१६०॥

कह नृप जे बिग्वान निधाना । तुम्ह सारिखे गलित अभिमाना।। सदा रहिं अपनपौ दुराएँ। सब विधि कुसल कुबेप बनाएँ।। तेहि तें कहिं संत श्रुति टेरें। परम अकिंचन प्रिय हिर केरें।। तुम्ह सम अधन भिखारि अगेहा। होत विरंचि सिविह संदेहा।। जोसि सोसितव चरन नमामी। मो पर कृपा करिअ अब स्वामी।। सहज प्रीति भूपति के देखी। आपु विषय विस्वास बिसेषी।। सव प्रकार राजिह अपनाई। बोलेउ अधिक सनेह जनाई।। सुनु सतिभाउ कहउँ महिपाला। इहाँ बसत वीते वहु काला।।

दो०-अब लिंग मोहि न मिलेउ कोउ मैं न जनावउँ काहु। लोकमान्यता अनल सम कर तप कानन दाहु॥१६१(क)॥ सो ०—तुलसी देखि सुबेषु भूलिहें मूढ़ न चतुर नर । सुंदर केकिहि पेखु बचन सुधा सम असन अहि ॥१६१(ख)॥

तातें गुपृत रहउँ जग माहीं। हरित जि किमपि प्रयोजन नाहीं।।
प्रश्च जानत सब बिनहि जन।एँ। कहहु कविन सिधि लोक रिझाएँ।।
तुम्ह सुचि सुमित परम प्रिय मोरें। प्रीति प्रतीति मोहि पर तारें।।
अब जीं त त दुरावउँ तोही। दारुन दोप घटइ अति मोही।।
जिमि जिमितापसु कथइ उदासा।तिमि तिमि नृपहि उपज विखासा
देखा खबस कर्म मन वानी। तब बोला तापस बगध्यानी।।
नाम हमार एकतनु भाई। सुनि नृप बोलेउ पुनि सिरु नाई।।
कहहु नाम कर अरथ बखानी। मोहि सेवक अति आपन जानी।।

दो ०—आदि सृष्टि उपजी जबहिं तब उतपति मै मोरि ।

नाम एकतन् हेत् तेहि देह न घरी बहोरि ॥१६२॥ जिन आचरज् करहु मन माहीं। स्त तप तें दुर्लभ कछ नाहीं।। तपबल तें जग सृजइ बिधाता। तपबल बिष्नु भए परित्राता।। तपबल संग्रु करहिं संघारा। तप तें अगम न कछ संमारा।। भण्ड नृपिह सुनि अति अनुरागा। कथा पुरातन कहें सो लागा।। करम धरम इतिहास अनेका। करइ निरूपन बिरति बिबेका।। उदभव पालन प्रलय कहानी। कहेसि अमित आचरज बखानी।। सुनि महीप तापस बस भयऊ। आपन नाम कहन तब लयऊ।। कह तापस नृप जानउँ तोही। कीन्हें हु कपट लाग भल मोही।।

सो०—सुनु महीस असि नीति जहँ तहँ नाम न कहिहैं नृप । मोहि तोहि पर अति प्रीति सोइ चतुरता बिचारि तव ॥१६२॥ नाम तुम्हार प्रताप दिनेसा। सत्यकेत तव पिता नरेसा।।
गुर प्रसाद सब जानिअ राजा। कहित्र न आपन जानि अकाजा।।
देखि तात तव सहज सुधाई। प्रीति प्रतीति नीति निषुनाई।।
उपजि परी ममता मन मोरें। कहउँ कथा निज पूछे तोरें।।
अब प्रसन्न में संसय नाहीं। मागु जो भूप भाव मन माहीं।।
सुनि सुबचन भूपित हरपाना। गहि पद बिनय की न्हि बिधि नाना
कृपासिंधु सुनि दरसन तोरें। चारि पदारथ करतल मोरें।।
प्रसुहि तथापि प्रसन्न बिलोकी। मागि अगम बर हो उँ असोकी।।

दो०-जरा मरन दुख रहित तनु समर जिते जिन कोउ ।

एकछत्र रिपुहीन महि राज कलप सत होउ ॥१६४॥

कह तापस नृप ऐसेड होऊ। कारन एक कठिन सुनु सोऊ।। कालउ तुअ पद नाइहि सीसा। एक विश्वकुल छाड़ि महीसा।। तपबल विश्व सदा बिरआरा। तिन्ह के कोप न को उरखवारा।। जौं विश्वन्ह वस करहु नरेसा। तो तुअ बस विधि बिष्नु महेसा।। चल न ब्रह्मकुल सन विश्वाई। सत्य कहउँ दोउ भ्रजा उठाई।। विश्व श्राप विनु सुनु महिपाला। तोर नास निर्ह कवने हुँ काला।। हरषेउ राउ वचने सुनि तास्न। नाथ न होइ मोर अब नास्न॥ तव श्रसाद श्रभु कृपानिधाना। मो कहुँ सर्व काल करूयाना।।

दो ०—एवमस्तु कहि कपट मुनि बोला कुटिल बहोारे। मिलब हमार मुलाब निज कहहु त हमहि न खोरि ॥१६५॥

तातें में तोहि ,वरजउँ राजा। कहें कथा तव परम अकाजा।। छठें श्रवन यह परत कहानी। नास तुम्हार सत्य भम बानी।। यह प्रगटें अथवा द्विजश्रापा। नास तोर सुनु भानुप्रतापा।। आन उपायँ निधन तव नाहीं। जौं हिर हर कोपिंह मन माहीं।। सत्य नाथ पद गिंह नृप भाषा। द्विज गुर कोप कहहु को राखा।। राखइ गुर जौं कोप विधाता। गुर विरोध निहं कोउ जग त्राता।। जौं न चलब हम कहे तुम्हारें। होउ नास निहं सोच हमारें।। एकहिं डर डरपत मन मोरा। प्रभु महिदेव श्राप अति घोरा।।

दो ०—होहिं बिप्र बस कवन विधि कहहु ऋपा करि सोउ । तुम्ह तजि दीनदयाल निज हितू न देखउँ कोउ ॥१६६॥

सुनु नृप विविध जतन जग माहीं। कष्ट साध्य पुनि होहिं कि नाहीं अहड़ एक अति सुगम उपाई। तहाँ परंतु एक कठिनाई।। मम आधीन जुगुति नृप सोई। मोर जाव तव नगर न होई।। आजु लगें अरु जब तें भयऊँ। काहू के गृह ग्राम न गयऊँ।। जों न जाउँ तव होड़ अकाजू। बना आइ असमंजस आजू।। सुनि महीस बोलेउ मृदु वानी। नाथ निगम असि नीति बखानी वड़े सनेह लघुन्ह पर करहीं। गिरि निज सिरनि सदा तृन धरहीं जलिध अगाध मौलि बह फेनु। संतत धरनि धरत सिर रेनु।।

दो०—अस कहि गहे नरेस पद स्वामी होहु ऋपाल। मोहि लागि दुख सहिअ प्रभु सज्जन दीनदयाल॥१६७॥

जानि नृपहि आपन आधीना। बोला तापस कपट प्रवीना।। सत्य कहउँ भूपति सुनु तोही। जग नाहिन दुर्लभ कछु मोही।। अविस काज मैं करिहउँ तोरा। मन तन बचन भगत तैं मोरा।। जोग जुगुति तप मंत्र प्रभाऊ। फलइ तबहिं जब करिअ दुराऊ।। जौं नरेस मैं करों रसोई। तुम्ह परुसहु मोहि जान न कोई।। अन्न सो जोइ जोइ भोजन करई। सोइ सोइ तव आयसु अनुसरई।। पुनि तिन्ह के गृह जेवँइ जोऊ। तव बस होइ भूप सुनु सोऊ।। जाइ उपाय रचहु नृप एहू। संबत भरि संकलप करेहू।।

दो ०—िनत नूनन द्विज सहस सत बरेहु सहित परिवार । मैं तुम्हरे संकलप लिंग दिनहिं करिब जेवनार ॥१६८॥

एहि विधि भूप कष्ट अति थोरें। होइहिंह सकल बिप्न बस तोरें।। किरहिंह विप्न होम मख सेवा। तेहिं प्रसंग सहजेहिं बस देवा।। और एक तोहि कहउँ लखाल। में एहिं बेष न आउब काल।। तुम्हरे उपरोहित कहुँ राया। हिर आनव में किर निज माया।। तपबल तेहि किर आपु समाना। रिखहउँ इहाँ बरप परवाना।। में धिर तासु बेषु सुनु राजा। सब विधि तोर सँवारव काजा।। मैं निमि बहुत सयन अब की जे। मोहि तोहि भूप मेंट दिन ती जे।। मैं तपबल तोहि तुरग समेता। पहुँचेहउँ सोबतहि निकेता।।

दो ०—मैं आउब सोइ वेपु धरि पहिचानेहु तब मोहि। जब एकांत बोलाइ सब कथा सुनावौं तोहि॥१६९॥

सयन कीन्ह नृप आयसु मानी । आसन जाइ वैठ छलग्यानी ।। श्रमित भूप निद्रा अति आई । सो किमि सोव सोच अधिकाई ।। कालकेतु निसिचर तहँ आवा । जेहिं सकर होइ नृपहि भुलावा ।। परम मित्र तापस नृप केरा । जानइ सो अति कपट घनेरा ।। तेहि के सत सुत अरु दस भाई । खल अति अजय देव दुखदाई ।। प्रथमहिं भूप समर सब मारे । बिन्न संत सुर देखि दुखारे ।। तेहिं खल पाछिल बयरु सँ भारा । तापस नृप मिलि मंत्र बिचारा ॥ जेहिं रिपु छय सोइ रचेन्हि उपाऊ । भावी बस न जान कछु राऊ ॥

दो ०—रिपु तेजसी अकेल अपि लघु करि गनिअ न ताहु। अजहुँ देत दुख रबि ससिहि सिर अवसेपित राहु॥१७०॥

तापस नृप निज सखिह निहारी। हरिष मिलेउ उठि भयउ सुखारी मित्रहि कि सब कथा सुनाई। जातुधान बोला सुख पाई।। अब साधेउँ रिपु सुनहु नरेसा। जों तुम्ह कीन्ह मोर उपदेसा।। परिहरि सोच रहहु तुम्ह सोई। बिनु औपध विआधि बिधि खोई।। कुल समेत रिपु मूल बिहाई। चोथें दिवस मिलब मैं आई।। तापस नृपहि बहुत परितोषी। चला महाकपटी अतिरोषी।। भानुप्रतापहि बाजि समेता। पहुँचाएसि छन माझ निकेता।। नृपहि नारि पहिं सयन कराई। हयगृहँ बाँधेसि बाजि बनाई।।

दो०—राजा के उपरोहितहि हरि लै गयउ बहोरि। लै राखेसि गिरि खोह महुँ मायाँ करि मित भोरि॥१७१॥

आपु विरचि उपरोहित रूपा। परेउ जाइ तेहि सेज अन्पा।। जागेउ नृप अनभएँ विहाना। देखि भवन अति अचरजु माना।। ग्रुनि महिमा मन महुँ अनुमानी। उठेउ गवँहिं जेहिं जान न रानी।। कानन गयउ बाजि चिह तेहीं। पुर नर नारि न जानेउ केहीं।। गएँ जाम जुग भूपति आवा। घर घर उत्सव बाज बधावा।। उपरोहितहि देख जब राजा। चिक्ति विलोक सुमिरि सोइकाजा जुग सम नृपहि गए दिन तीनी। कपटी ग्रुनि पद रह मित लीनी।। समय जानि उपरोहित आवा। नृपहि मते सब कहि समुझावा।। दो ०--नृप हरषेउ पहिचानि गुरु भ्रम बस रहा न चेत । बरे तुरत सत सहस बर बिप कुटुंब समेत ॥१७२॥

उपरोहित जेवनार बनाई। छरस चारि विधि जसि श्रुति गाई।।
मायामय तेहिं कीन्हि रसोई। बिंजन बहु गनि सकइन कोई।।
बिबिध मृगन्ह कर आमिप राँधा। तेहि महुँ बिप्र माँसु खल साँधा
भाजन कहुँ सब बिप्र बोलाए। पद पखारि सादर बैठाए।।
परुसन जबहिं लाग महिपाला। भै अकासबानी तेहि काला।।
बिप्रबृंद उठि उठि गृह जाहू। है बड़ि हानि अन्न जिन खाहू।।
भयउ रसोई भृसुर माँस्र। सब द्विज उठे मानि बिखास्र।।
भूप बिकल मित मोहँ भुलानी। भावी बस न आव मुख बानी।।

दो०—बोले विप्र सकोप तव नहिं कछु कीन्ह बिचार। जाइ निसाचर होहु नृप मृद् सहित परिवार॥१७३॥

छत्रबंधु तें विप्र बोलाई। घालै लिए सहित समुदाई।। ईस्वर राखा धरम हमारा। जैहिस तें समेत परिवारा।। संवत मध्य नास तव होऊ। जलदाता न रहिहि कुल कोऊ।। नृप सुनि श्राप विकर अति त्रासा। में बहोरि बर गिरा अकासा।। विप्रहुशाप विचारिन दीन्हा। निहं अपराध भूप कछ कीन्हा।। चिकत विप्र सब सुनि नभ वानी। भूप गयउ जह भोजन खानी।। तहँन असन निहं बिप्र सुआरा। फिरेउ राउ मन सोच अपारा।। सब प्रसंग महिसुरन्ह सुनाई। त्रसित परेउ अवनीं अकुलाई।।

दो ०—भूपति भावी मिटइ निहं जदिप न दूषन तोर । किएँ अन्यथा होइ निहं विप्रश्नाप अति घोर ॥१७४॥ अस किह सब मिंदिव सिधाए। समाचार पुरलोगन्ह पाए।।
सोचिंह दृषन देविह देहीं। विरचत हंस काग किय जेहीं।।
उपरोहितिह भवन पहुँचाई। असुर तापसिंह खबिर जनाई।।
तेहिं खल जहँ तहँ पत्र पठाए। साज सिज सेन भूप सब धाए।।
घेरेन्हि नगर निसान बजाई। विविध भाँति नित होइलराई।।
जूझे सकल सुभट किर करनी। बंधु समेत परेउ नृप धरनी।।
सत्यकेत कुल कोउ निहं बाँचा। विप्र श्राप किमि होइ असाँचा।।
रिप्र जिति सब नृप नगर बसाई। निज पुर गवने जय जसु पाई।।

दो ०—भरद्वाज सुनु जाहि जब होइ विधाता बाम। धूरि मेरुसम जनक जम ताहि च्याल सम दाम॥१७५॥

काल पाइ मुनि सुनु सोइ राजा। भयउ निसाचर सहित समाजा।।
दस सिर ताहि बीस भुजदंडा। रावन नाम बीर बरिबंडा।।
भूप अनुज अरिमर्दन नामा। भयउ सो कुंभकरन बलधामा।।
सचिव जो रहा धरमरुचि जास्न। भयउ विमात्र बंधु लघु तास्न।।
नाम बिभीषन जेहि जग जाना। बिष्नुभगत विग्यान निधाना।।
रहे जे सुत सेवक नृप करे। भए निसाचर घोर घनेरे।।
कामरूप खल जिनस अनेका। कुटिल भयंकर बिगत बिबंका।।
कृपा रहित हिंसक सब पापी। वरनिन जाहिं बिख परितापी।।

दो ०—उपज जदिप पुलस्त्यकुल पावन अमल अनूप। तदिप महीसुर श्राप वस भए सकल अघ रूप॥१७६॥ कीन्ह विविध तप तीनिहुँ भाई। परम उग्र निह बरनि सो जाई॥ गयउ निकट तप देखि विधाता। मागहु वर प्रसन्न में ताता॥ किर बिनती पद गहि दससीसा। बोलेउ बचन सुनहु जगदोसा।।
हम काहू के मरहिं न मारें। बानर मनुज जाति दुइ बारें।।
एवमग्तु तुम्ह बड़ तप कीन्हा। मैं ब्रह्माँ मिलि तेहि बर दीन्हा।।
पुनि प्रभु कुंभकरन पहिं गयऊ। तेहि बिलोकि मन बिसमय भयऊ
जौं एहिं खल नित करब अहारू। होइहि सब उजारि संसारू।।
सारद येरि तासु मित फेरी। मागेसि नीद मास षट केरी।।

दो ०—गए बिभीषन पास पुनि कहेउ पुत्र बर मागु। तेहिं मागेउ भगवंत पद कमल अमल अनुरागु॥१७७॥

तिन्हिह देइ वर ब्रह्म सिथाए। हरिषत ते अपने गृह आए।।
मय तनुजा मंदोदिर नामा। परम सुंदरी नारि ललामा।।
सोइ मयँ दीन्हि रावनिह आनी। होइ ि जातुथानपति जानी।।
हरिषत भयउ नारि भिल पाई। पुनि दोउ बंधु विश्वाहेसि जाई।।
गिरि त्रिक्ट एक सिंधु मझारी। बिधि निर्मित दुर्गम अति भारी।।
सोइ मय दानव बहुरि सँवारा। कनकरित मिन भवन अपारा।।
भोगावित जसि अहिकुल बासा। अमरावित जसि सक निवासा।।
तिन्ह तें अधिक रम्य अति बंका। जम विख्यात नाम तेहि लंका।।

दो०—खाईं सिंधु गर्भौर अति चारिहुँ दिसि फिरि आव। कनक कोट मनि खिनत दृढ़ बरिन न जाइ बनाव ॥१७८(क)॥ हरि प्रेरित जेहिं कलप जोइ जातुधान पति होइ। सूर प्रतापी अतुलबल दल समेत वस सोइ॥१७८(ख)॥

रहे तहाँ निसिचर भट भारे। ते सब सुरन्ह समर संघारे।। अब तहँ रहिंह सक्र के प्रेरे। रच्छक कोटि जच्छपति केरे।। दसम्रख कतहुँ खबरि असि पाई। सेन साजि गढ़ घेरेसि जाई।। देखि बिकट भट बिंड कटकाई। जच्छ जीव लै गए पराई।। फिरि सब नगर दसानन देखा। गयउ सोच सुख भयउ विसेषा सुंदर सहज अगम अनुमानी। कीन्हि तहाँ रावन रजधानी॥ जेहि जस जोग बाँटि गृह दीन्हे। सुखी सकल रजनीचर कीन्हे।। एक बार कुबेर पर धावा। पुष्पक जान जीति लै आवा॥

दो ०—कौतुकहीं कैलास पुनि लीन्हेसि जाइ उठाइ। मनहुँ तौलि निज बाहुबल चला बहुत सुख पाइ॥१७९॥

सुख संपति सुत सेन सहाई। जय प्रताप बल बुद्धि बड़ाई।।
नित नृतन सब बाढ़त जाई। जिमिप्रति लाभ लोभ अधिकाई।।
अतिबल कुंभकरन अस भ्राता। जेहि कहुँ नहिं प्रतिभट जग जाता
करइ पान सोवइ षट मासा। जागत हाइ तिहुँ पुर त्रासा।।
जौं दिन प्रति अहार कर सोई। बिस्व बेगि सब चौपट होई।।
समर धीर नहिं जाइ बखाना। तेहि सम अमित बीर बलवाना।।
बारिदनाद जेठ सुत तास्र। भट महुँ प्रथम लीक जग जास्र।।
जेहि न होइ रन सनमुख कोई। सुरपुर नितहिं परावन होई।।

दो ०—कुमुख अकंपन कुलिसरद धूमकेतु अतिकाय। एक एक जग जीति सक ऐसे सुभट निकाय॥१८०॥

कामरूप जानहिं सब माया। सपनेहुँ जिन्ह के धरम न दाया।। दसमुख बैठ सभाँ एक बारा। देखि अमित आपन परिवारा।। सुत समूह जन परिजन नाती। गर्ने को पार निसाचर जाती।। सेन बिलोकि सहज अभिमानी। बोला बचन कोध मद सानी।। सुनहु सकल रजनीचर जूथा। हमरे बैरी विबुध बरूथा।। ते सनमुख नहिं करहिं लराई। देखि सबल रिपु जाहिं पराई।। तेन्ह कर मरन एक विधि होई। कहउँ बुझाइ सुनहु अब सोई।। द्विज भोजन मख होम सराधा। सब कै जाइ करहु तुम्ह बाधा।।

दो ०—छुघा छीन बलहीन सुर सहजेहिं मिलिहिहं आइ। तब मारिहउँ कि छाड़िहउँ भली भाँति अपनाइ॥१८१॥

मेघनाद कहुँ पुनि हँकरावा । दीन्ही सिख बलु बयरु बढ़ावा ॥ जे सुर समर धीर बलवाना । जिन्ह केंलिरिबे कर अभिमाना ॥ तिन्हिह जीति रन आनेसु बाँधी । उठि सुत पितु अनुसासन काँधी एहि बिधि सबहीं अग्यादीन्ही । आपुनु चलेड गदा कर लीन्ही ॥ चलत दसानन डोलित अवनी । गर्जत गर्भ स्रविहं सुर रवनी ॥ रावन आवत सुनेउ सकोहा । देवन्ह तके मेरु गिरि खोहा ॥ दिगपालन्ह के लोक सुहाए । सुने सकल दसानन पाए ॥ पुनि पुनि सिंघनाद करि भारी । देइ देवतन्ह गारि पचारी ॥ रन मद मत्त फिरइ जग धावा । प्रतिभट खोजत कतहुँ न पावा॥ रिब सांस पवन बरुँन धनधारी । अगिनि काल जम सब अधिकारी किंनर सिद्ध मनुज सुर नागा । हिठ सबही के पंथिह लागा ॥ ब्रह्मसृष्टि जहँ लिग तनुधारी । दसग्रुख बसवर्ती नर नारी ॥ आयसु करहिं सकल भयभीता । नविहं आइ नित चरन बिनीता॥

दो०-भुजवल विस्व बस्य करि राखेसि कोउ न सुतंत्र । मंडलीक मनि रावन राज करइ निज मंत्र ॥१८२(क)॥ देव जच्छ गंधर्ब नर किंनर नाग कुमारि। जीति बरीं निज बाहुबल बहु सुंदर बर नारि ॥१८२(ख)॥

हंद्रजीत सन जो कछ कहे छ । सो सब जनु पहिलेहिं करि रहे छ ।।
प्रथमिं जिन्ह कहुँ आयसु दीन्हा। तिन्ह कर चिरत सुनहु जो कीन्हा
देखत भीमरूप सब पापी । निसिचर निकर देव परितापी ।।
करिं उपद्रव असुर निकाया । नाना रूप धरिं किर माया ।।
जेहि विधि होई धर्म निर्मूला । सो सब करिं बेद प्रतिक्रला ।।
जेहिं जेहिं देस धेनु द्विज पाविहें । नगर गाउँ पुर आगि लगाविहें
सुभ आचरन कतहुँ निहं होई । देव बिप्र गुरु मान न कोई ।।
निहं हरिभगति जम्य तप दाना । सपने हुँ सुनि अ न बेद पुराना।।

छं०—जप जोग बिरागा तप मखं भागा श्रवन सुनइ दससीसा । आपुनु उठि घावइ रहै न पावइ घरि सब घालइ खीसा ॥ अस भ्रष्ट अचारा भा संसारा धर्म सुनिअ नहिं काना । तेहि बहुविधि त्रासइ देस निकासइ जो कह बेद पुराना ॥ सो०—बरनि न जाइ अनीति घोर निसाचर जो करहिं । हिंसा पर अति ग्रीति तिन्ह के पापहि कवनि मिति ॥१८३॥

## मासपारायण, छठा विश्राम

बाढ़े खल बहु चोर जुआरा। जे लंपट परधन परदारा।। मानहिं मातु पिता नहिं देवा। साधुन्ह सन करवावहिं सेवा।। जिन्ह के यह आचरन भवानी। ते जानेहु निसिचर सब प्रानी।। अतिसय देखि धर्म के ग्लानी। परम सभीत धरा अकुलानी।। गिरिसरि सिंधुभार नहिं मोही। जस मोहिगरुअ एक परद्रोही।। सकल धर्म देखइ बिपरीता । किह न सकइ रावन भय भीता ॥ धेनु रूप धरि हृदयँ बिचारी । गई तहाँ जहँ सुर म्रुनि झारी ॥ निज संताप सुनाएसि रोई । काहू तें कछु काज न होई ॥

छं०—सुर मुनि गंधर्बा मिलि किर सर्बा गे विरंचि के लोका । सँग गो तनुधारी भूमि बिचारी परम बिकल भय सोका ॥ बह्याँ सब जाना मन अनुमाना मोर कछू न बसाई । जा किर तैं दासी सो अबिनासी हमरेउ तोर सहाई ॥

सो ०-धरिन धरिह मन धीर कह बिरंचि हरिपद सुमिरु । जानत जन की पीर प्रभु भंजिहि दारुन विपति ॥१८४॥

वैठे सुर सव करहिं विचारा। कहँ पाइअ प्रभु करिअ पुकारा।।
पुर बैकुंठ जान कह कोई। कोउ कह पयनिधि बस प्रभु सोई
जाके हृदयँ भगति जसि प्रीती। प्रभु तहँ प्रगट सदा तेहिं रीती।।
तेहिं समाज गिरिजा मैं रहेऊँ अवसर पाइ वचन एक कहेऊँ।।
हरि ब्यारक सर्वत्र समाना। प्रेम तें प्रगट होहिं मैं जाना।।
देस काल दिसि विदिसिहु माहीं। कहहु सो कहाँ जहाँ प्रभु नाहीं।।
अग जगमय सबरेहित विरागी। प्रेम तें प्रभु प्रगटड़ जिमि आगी।।
मोर बचन सब के मन माना। साधु साधु करि ब्रह्म बखाना।।

दो ०—सुनि विरंचि मन हरप तन पुलिक नयन वह नीर । अस्तुति करत जोरि कर सावधान मतिधीर ॥१८५॥ छं ०—जय जय सुरनायक जन सुखदायक प्रनतपाल भगवंता । गो द्विज हितकारी जय असुरारी सिंधुसुता प्रिय कंता ॥ पालन सुर घरनी अद्भुत करनी मरम न जानइ कोई । जो सहज ऋपाला दीनदयाला करउ अनुभ्रह सोई ॥ जय जय अविनासी सब घट वासी ब्यापक परमानंदा । अविगत गोतीतं चिरत पुनीतं मायारिहत मुकुंदा ॥ जेहि लागि बिरागी अति अनुरागी बिगतमोह मुनिशृंदा ॥ नेसि वासर ध्याविहें गुन गन गाविहें जयित सिचदानंदा ॥ जेहिं सृष्टि उपाई त्रिबिध बनाई संग सहाय न दूजा । सो करउ अघारी चिंत हमारी जानिअ भगित न पूजा ॥ जो भव भय भंजन मुनि मन रंजन गंजन बिपति बरूथा ॥ मन बच कम बानी छाड़ि सयानी सरन सकल सुरजूथा ॥ सारद श्रुति सेषा रिषय असेपा जा कहुँ कोउ निहं जाना । जेहि दीन पिआरे बेद पुकारे द्रवड सो श्रीभगवाना ॥ भव चारिधि मंदर सब विधि सुंदर गुनमंदिर सुखपुंजा । मुनि सिद्ध सकल सुर परम भयातुर नमत नाथपद कंजा ॥

दो ०—जानि सभय सुर भूमि सुनि वचन समेत सनेह।
गगनिरा गंभीर भइ हरनि सोक संदेह ॥१८६॥
जिन डरपहु ग्रुनि सिद्ध सुरेसा। तुम्हिह लागि धरिहउँ नर बेसा।।
अंसन्ह सिहत मनुज अवतारा। लेहउँ दिनकर बंस उदारा।।
कस्यप अदिति महातप कीन्हा। तिन्ह कहुँ में पूरव बर दीन्हा।।
ते दसरथ कीमल्या रूपा। कोसलपुरी प्रगट नरभूपा।।
तिन्ह कें गृह अवतरिहउँ जाई। रघुकुल तिलक सो चारिउ भाई।।
नारद बचन सत्य सब करिहउँ। परम सिक्त समेत अवतरिहउँ।।
हरिहउँ सकल भूमि गरुआई। निर्भय होहु देव सम्रुदाई।।

गगन ब्रह्मवानी सुनि काना। तुरत फिरे सुर हृदय जुड़ाना।। तव ब्रह्माँ धरनिहि सम्रझावा। अभय भई भरोस जियँ आवा।।

दो०—निज लोकहि बिरंचि गे देवन्ह इहइ सिखाइ। बानर तनु धरि धरि महि हरि पद सेवहु जाइ॥१८७॥

गए देव सब निज निज धामा । भूमि सहित मन कहुँ विश्रामा ॥ जो कछु आयसु ब्रह्माँ दीन्हा । हरषे देव विलंब न कीन्हा ॥ बनचर देह धरी छिति माहीं । अतुलित बल प्रताप तिन्ह पाहीं ॥ गिरि तरु नख आयुध सब बीरा । हिर मारग चितवहिं मतिधीरा॥ गिरि कानन जहँ तहँ भिर पूरी । रहे निज निज अनीक रचि रूरी॥ यह सब रुचिर चिरत मैं भाषा । अब सो सुनहु जो बीचिह राखा॥ अवधपुरीं रघुकुलमनि राऊ । बेद विदित तेहि दसरथ नाऊँ॥ धरम धुरंधर गुननिधि ग्यानी । हृद यँ भगति मति सारँगपानी ॥

दो ०—कौसल्यादि नारि प्रिय सब आचरन पुनीत। पति अनुकूल प्रेम दृढ़ हरि पद कमल बिनीत ॥१८८॥

एक बार भ्र्पति मन माहीं। मैं गलानि मोरें सुत नाहीं।।
गुर गृह गयंउ तुरत महिपाला। चरन लागि किर विनय विसाला
निज दुख सुख सब गुरिद सुनायंड।किह बिसष्ठ बहु बिधि समुझायंड
धरहु धीर होइहिं सुत चारी। त्रिभुवन विदित भगत भय हारी।।
सुंगी रिपिहि बसिष्ठ बोलावा। पुत्रकाम सुभ जग्य करावा।।
भगति सहित मुनि आहुति दीन्हें। प्रगटे अगिनि चरू कर लीन्हें।।
जो बिसष्ठ कछ हदयँ विचारा। सकल काज भा सिद्ध तुम्हारा।।
यह हिंब बाँटि देहु नृप जाई। जथा जोग जहि भाग बनाई।।

दो०—तब अदृस्य भए पावक सकल सभिह समुझाइ। परमानंद मगन नृप हरष न हृदयँ समाइ॥१८९॥

तबिंद रायँ प्रिय नारि बोलाईं। कीसल्यादि तहाँ चिल आई।। अर्थ भाग कीसल्यिह दीन्हा। उभय भाग आधे कर कीन्हा।। कैकेई कहँ नृप सो दयऊ। रह्यो सो उभय भाग पुनि भयऊ।। कौसल्या कैकेई हाथ धरि। दीन्ह सुमित्र हि मन प्रसन्न करि।। एहि बिधि गर्भ सिहत सब नारी। भई हृद्यँ हरिषत सुख भारी।। जा दिन तें हिर गर्भिह आए। सकल लोक सुख संपति छाए।। मंदिर महँ सब राजिह रानीं। सोभा सील तेज की खानीं।। सुख जुत कल्लक काल चिला गयऊ। जेहिं प्रश्च प्रगट सो अवसर भयऊ

दो ०—जोग लगन यह वार तिथि सकल भए अनुकूल। चर अरु अचर हर्षजुत राम जनम सुखमृल॥१९०॥

नौमी तिथि मधु मास पुनीता । सुकल पच्छ अभिजित हरि प्रीता।।
मध्य दिवस अति सीत न घामा । पावन काल लोक विश्रामा ।।
सीतल मंद सुरभि वह बाऊ । हरिषत सुर संतन मन चाऊ ।।
बन कुसुमित गिरिगन मनिआरा । स्रविहं सकल सरिताऽमृतधारा
सो अथसर विरंचि जब जाना । चले सकल सुर साजि बिमाना ।।
गगन विमल संकुल सुर जूथा । गावहिं गुन गंधर्व बरूथा ।।
बरषिं सुमन सुअंजुलि साजी । गहगहि गगन दुंदुभी बाजी ।।
अस्तुति करिंह नाग सुनि देवा । बहु विधि लावहिं निज निज सेवा

दो०—सुर समूह विनती करि पहुँचे निज निज घाम। जगनिवास प्रभु प्रगटे अखिल लोक बिश्राम॥१९१॥ छं०-भए प्रगट ऋपाला दीनदयाला कौसल्या हितकारी। हरषित महतारी मुनि मन हारी अद्भुत रूप बिचारी॥ लोचन अभिरामा तनु घनस्यामा निज आयुध भुज चारी। भूषन वनमाला नयन विसाला सोभासिंधु खरारी॥ कह दुइ कर जोरी अस्तुति तोरी केहि बिधि करौं अनंता । माया गुन ग्यानातीत अमाना वेद पुरान भनंता॥ करुना सुख सागर सब गुन आगर जेहि गावहिं श्रुति संता । सो मम हित लागी जन अनुरागी भयउ प्रगट श्रीकंता ॥ बह्मांड निकाया निर्मित माया रोम रोम प्रति बेद कहै। मम उर सो वासी यह उपहासी सुनत धीर मित थिर न रहे ॥ उपजा जब ग्याना प्रभु मुसुकाना चरित बहुत विधि कीन्ह चहे किह कथा सुहाई मातु बुझाई जेहि प्रकार सुत प्रेम एहें॥ माता पुनि बोली सो मित डोली तजहु तात यह रूपा। कीजै सिसुलीला अति वियसीला यह सुख परम अनूपा॥ सुनि बचन सुजाना रोदन ठाना होइ बालक सुरभूपा। यह चरित जे गावहिं हरि पद पावहिं ते न परहिं भवकूपा ॥

दो०—बिप्र धेनु भ्रुर संत हित लीन्ह मनुज अवतार। निज इच्छा निर्मित तनु माया गुन गोपार॥१९२॥

सुनि सिसु रुदन परम प्रिय बानी । संभ्रम चिल आई सब रानी ।। हरिषत जह तह धाई दासी । आनँद मगन सकल पुरबासी ।। दसरथ पुत्रजन्म सुनि काना । मानहुँ ब्रह्मानंद समाना ।। परम ग्रेम मन पुलक सरीरा । चाहत उठन करत मित धीरा ।। जाकर नाम सुनत सुभ होई । मोरें गृह आवा प्रभु सोई ।। परमानंद पूरि मन राजा। कहा बोलाइ बजावहु बाजा।। गुर बसिष्ठ कहँ गयउ हँकारा। आए द्विजन सहित नृप द्वारा।। अनुपम बालक देखेन्टि जाई। रूप रासि गुन कहि न सिराई।।

दो ०-नंदीमुख सराध करि जातकरम सब कीन्ह। हाटक धेनु बसन मनि नृप बिप्रन्ह कहँ दीन्ह॥१९३॥

ध्वज पताक तोरन पुर छावा। कहिन जाइ जेहि भाँति बनावा।।
सुमनचृष्टि अकास तें होई। ब्रह्मानंद मगन सब लोई।।
बृंद चृंद मिलि चलीं लोगाई। सहज सिंगार किएँ उठि धाई।।
कनक कलस मंगल भिर थारा। गावत पैठहिं भूप दुआरा।।
किर आरित नेवछाविर करहीं। बार बार सिसु चरनिह परहीं।।
मागध स्त बंदिगन गायक। पावन गुन गाविह रघुनायक।।
सर्वस दान दीन्ह सब काहू। जेहिं पावा राखा निहं ताहू।।
मृगमद चंदन कुंकुम कीचा। मची सकल बीथिन्ह बिच बीचा।।
दो०—गृह गृह बाज बधाव सुभ प्रगटे सुषमा कंद।

हरषवंत सब जहँ तहँ नगर नारि नर बृंद ॥१९४॥

कैकयसुता सुमित्रा दोऊ। सुंदर सुत जनमत मैं ओऊ।। वह सुख संपित समय समाजा। किह न सकई सारद अहिराजा।। अवधपुरी सोहई एहि भाँती। प्रभुहि मिलन आई जनु राती।। देखि भानु जनु मन सकुचानी। तदिप बनी संध्या अनुमानी।। अगर धूप बहु जनु अधिआरी। उड़ई अबीर मनहुँ अरुनारी।। मंदिर मिन समूह जनु तारा। नृप गृह कलस सो इंदु उदारा।। भवन बेद धुनि अति मृदु बानी। जनु खग मुखर समयँ जनु सानी

कौतुक देखि पतंग भुलाना। एक मास तेइँ जात न जाना।।

दो ०-मास दिवस कर दिवस भा मरम न जानइ कोइ। रथ समेत रिब थाकेउ निसा कवन बिधि होइ॥१९५॥

यह रहस्य काहूँ निहं जाना । दिनमिन चले करत गुन गाना ॥ देखि महोत्सव सुर सुनि नागा । चले भवन वरनत निज भागा ॥ औरउ एक कहउँ निज चोरी । सुनु गिरिजा अति दृढ़ मित तोरी काक सुसुं हि संग हम दोऊ । मनुजरूप जानइ निहं कोऊ ॥ परमानंद प्रेमसुख फूले । बीथिन्ह फिरहि मगन मन भूले ॥ यह सुभ चरित जान पे सोई । कृपा राम कै जापर होई ॥ तेहि अवसर जो जेहि बिध आवा । दीन्ह भूप जो जेहि मन भावा गज रथ तुरग हम गो हीरा । दीन्हे नृप नानाविध चीरा ॥

दो०—मन संतोष सवन्हि के जहँ तहँ देहिं असीस। सकल तनय चिर जीवहुँ तुलसिदास के ईस ॥१९६॥

कछुक दिवस बीते एहि भाँती । जात न जानिअ दिन अरु राती ।। नामकरन कर अवसरु जानी । भूप बोलि पठए म्रुनि ग्यानी ।। करि पूजा भूपति अस भाषा । धरिअ नाम जो म्रुनि गुनि राखा ।। इन्ह के नाम अनेक अन्पा । मैं नृप कहब खमित अनुरूपा ।। जो आनंद सिंधु सुखरासी । सीकर तें त्रैलोक सुपासी ।। सो सुख धाम राम अस नामा । अखिल लोक दायक बिश्रामा ।। बिख भरन पोषन कर जोई । ताकर नाम भरत अस होई ।। जाके सुमिरन तें रिपु नासा । नाम सन्नहन बेद प्रकासा ।। दो०—लच्छन धाम राम प्रिय सकल जगत आधार। गुरु बिसए तेहि राखा लिछमन नाम उदार॥१९७॥

धरे नाम गुर हृदयँ बिचारी। बेद तत्व नृप तव सुत चारी।।
सुनि धन जन सरबस सिव प्राना। बालकेलि रस तेहिं सुख माना।।
बारेहि ते निज हित पित जानी। लिछमन राम चरन रित मानी।।
भरत सञ्जहन दृनउ भाई। प्रसु सेवक जिस प्रीति बड़ाई।।
स्थाम गौर सुंदर दोउ जोरी। निरस्विहं छिब जननीं तृन तोरी।।
चारिउ सील रूप गुन धामा। तदिप अधिक सुखसागर रामा।।
हृदयँ अनुग्रह इंदु प्रकासा। सूचन किरन मनोहर हासा।।
कबहुँ उछंग कबहुँ बर पलना। मातु दुलारइ किह प्रिय ललना।।

दो ०—ब्यापक ब्रह्म निरंजन निर्गुन बिगत बिनोद। सो अज प्रेम भगति बस कौसल्या के गोद॥१९८॥

काम कोटि छिबि स्थाम सरीरा। नील कंज बारिद गंभीरा।।
अरुन चरन पंकज नख जोती। कमल दलिन्ह बैठे जनु मोती।।
रेख कुलिस ध्वज अंकुस सोहे। न पुर धुनि सुनि मुनि मन मोहे।।
किटि किंकिनी उदर त्रथ रेखा। नाभि गभीर जान जेहिं देखा।।
अज बिसाल भूषन जुत भूरी। हियँ हिर नख अति सोभा रूरी।।
उर मिनहार पिदक की सोभा। बिप्र चरन देखत मन लोभा।।
कंबु कंठ अति चिबुक सहाई। आनन अमित मदन छिब छाई।।
दुइ दुइ दसन अधर अरुनारे। नासा तिलक को बरने पारे।।
सुंदर अवन सुचारु कपोला। अति प्रिथ मधुर तोतरे बोला।।
चिक्कन कच कुंचित गभ्रुआरे। बहु प्रकार रिच मातु सँवारे।।

पीत झगुलिआ तनु पहिराई। जानुपानि विचरनि मोहि भाई।। रूप सकहिं नहिंकहि श्रुति सेपा। सो जानइ सपनेहुँ जेहिं देखा।।

दो ० — मुख संदोह मोहपर ग्यान गिरा गोतीत।
दंपति परम प्रेम बस कर सिसुचरित पुनीत ॥१९९॥
एहि बिधि राम जगत पितु माता। कोसलपुर वासिन्ह सुखदाता॥
जिन्ह रघुनाथ चरन रित मानी। निन्ह की यह गित प्रगट भवानी
रघुपति विम्रुख जतन कर कोगी। कवन सकई भव बंधन छोरी॥
जीव चराचर वस के राखे। सो माया प्रभु सों भय भाखे॥
भृकुटि बिलास नचावइ ताही। अस प्रभु छ। इ. भाज अ कहु काही
मन क्रम बचन छा इ. चतुराई। भजत कृपा करिहिंह रघुराई॥
एहि बिधि सिसु बिनोद प्रभु कीन्हा। सकल नगरवासिन्ह सुख दीन्हा
लै उछंग कवहुँक हलरावै। कवहुँ पालने घालि झुलावै॥

दो०—प्रेम मगन कौसल्या निसि दिन जात न जान। सुत सनेह बस माता बालचरित कर गान॥२००॥

एक बार जननीं अन्हवाए। किर सिंगार पलनाँ पौढ़ाए।।
निज कुल इष्टदेव भगवाना। पूजा हेतु कीन्ह अस्नाना।।
किर पूजा नैबेद्यं चढ़ावा। आपु गई जहँ पाक वनावा।।
बहुिर मातु तहवाँ चिल आई। भोजन करत देख सुत जाई।।
गै जननी सिसु पहिं भयभीता। देखा बाल तहाँ पुनि स्ता।।
बहुिर आइ देखा सुत सोई। हृद्यँ कंप मन धीर न होई।।
इहाँ उहाँ दुइ बालक देखा। मित अम मोर कि आन बिसेपा।।
देखि राम जननी अकुलानी। प्रसु हैंसि दीन्ह मधुर मुसुकानी।।

दो ०—देखरावा मातिह निज अद्भुत रूप अखंड। रोम रोम प्रति लागे कोटि कोटि बहांड॥२०१॥

अगनितरिवसिसिसिव चतुरानन। बहु गिरिसिरति सिंधु महिकानन काल कर्म गुन ग्यान सुभाऊ। सोउ देखा जो सुना न काऊ।। देखी माया सब बिधि गाढ़ी। अति सभीत जोरें कर ठाढ़ी।। देखा जीव नचावइ जाही। देखी भगति जो छोग्इ ताही।। तन पुलकित मुखबचन नआवा। नयन मृदि चरनि सिरु नावा बिसमयवंत देखि महतारी। भए बहुरि मिसुरूप खरारी।। अस्तुति करिन जाइ भय माना। जगत पिता में सुत करि जाना।। हरि जननी बहु विधि समुझाई। यह जिन कतहुँ कहिस सुनु माई।। दो०-बार वार कीसल्या विनय करइ कर जोरि।

अब जिन कबहूँ व्यापे प्रभु मोहि माया तोरि ॥२०२॥

बालचिरत हिर बहुबिधि कीन्हा । अति अनंद दासन्ह कहँ दीन्हा।। कछक काल बीतें सब भाई । बड़े भए परिजन सुखदाई ।। चूड़ाकरन कीन्ह गुरु जाई । बिप्रन्ह पुनि दिछना बहु पाई ।। परम मनोहर चिरत अपारा । करत फिरत चारिउ सुकुमारा ।। मन क्रम बचन अगोचर जोई । दसरथ अजिर बिचर प्रभु सोई ।। भोजन करत बोल जब राजा । निहं आवत तिज बाल समाजा ।। कौसल्या जब बोलन जाई । उम्रुकु उम्रुकु प्रभु चलहिं पराई ।। निगम नेति सिव अंत न पावा । ताहि धरै जननी हिठ धावा ।। धूसर धूरि भरें तनु आए । भूपति बिहिस गोद बैठाए ।।

दो०—भोजन करत चपल चित इत उत अवसरु पाइ। भाजि चले किलकत मुख दिध ओदन लपटाइ॥२०३॥

बालचरित अति सरल सुहाए । सारद सेष संभ्र श्विति गाए ॥ जिन्ह कर मन इन्ह सन निहं राता। ते जन बंचित किए विधाता ॥ भए कुमार जबिहं सब श्वाता । दीन्ह जनेऊ गुरु पितु माता ॥ गुरगृहँ गए पढ़न रघुराई । अलप काल विद्या सब आई ॥ जाकी सहज खास श्विति चारी । सो हिर पढ़ यह कौतुक भारी ॥ बिद्या बिनय निपुन गुन सीला । खेलिहं खेल सकल नृपलीला ॥ करतल बान धनुष अति सोहा । देखत रूप चराचर मोहा ॥ जिन्ह बीधिन्ह बिहरहिं सब भाई। थिकत होहिं सब लोग लुगाई ॥

दो०—कोसलपुर बासी नर नारि बृद्ध अरु बाल। प्रानहु ते प्रिय लागत सब कहुँ राम कृपाल॥२०४॥

बंधु सखा सँग लेहिं बोलाई। बन मृगया नित खेलहिं जाई।। पावन मृग मारहिं जियँ जानी। दिन प्रति नृपिह देखावहिं आनी जे मृग राम बान के मारे। ते तनु तिज सुरलोक सिधारे।। अनुज सखा सँग भोजन करहीं। मातु पिता अग्या अनुसरहीं।। जेहि बिधि सुखी होंहिं पुरलोगा। करहिं कृपानिधि सोइ संजोगा।। बेद पुरान सुनहिं मन लाई। आपु कहिं अनुजन्ह समुझाई।। प्रातकाल उठि के रघुनाथा। मातु पिता गुर नावहिं माथा।। आयसु मागि करहिं पुर काजा। देखि चरित हरषइ मन राजा।।

दो ०—ब्यापक अकल अनीह अज निर्गुन नाम न रूप। भगत हेतु नाना बिधि करत चरित्र अनूप॥२०५॥ यह सब चरित कहा मैं गाई। आगिलि कथा सुनहु मन लाई।। बिखामित्र महामुनि ग्यानी। बसहिं बिपिन सुभ आश्रम जानी।। जहँ जप जग्य जोग मुनि करहीं। अति मारीच सुबाहुहि डरहीं।। देखत जग्य निसाचर धावहिं। करहिं उपद्रव् मुनि दुख पावहिं।। गाधितनय मन चिंता ब्यापी। हरि बिनु मरहिं न निसिचर पापी तब मुनिबर मन कीन्ह बिचारा। प्रभु अवतरेउ हरन महि भारा।। एहूँ मिस देखों पद जाई। करि बिनती आनीं दोउ भाई।। ग्यान बिराग सकल गुन अयना। सो प्रभु मैं देखब भिर नयना।।

दो०—बहु बिधि करत मनोरथ जात लागि नहिं बार। करि मज्जन सरऊ जल गए भूप दरवार॥२०६॥

मुनि आगमन सुना जब राजा। मिलन गयउ लै बिप्र समाजा। किर दंडवत मुनिहि सनमानी। निज आसन बैठारेन्हि आनी।। चरन पखारि कीन्हि अति पूजा। मो सम आजु धन्य निह दूजा।। बिबिध भाँति भोजन करवावा। मुनिबर हृदयँ हरष अति पावा।। पुनि चरनिन मेले सुत चारी। राम देखि मुनि देह बिसारी।। भए मगन देखत मुख सोभा। जनु चकोर पूरन सिस लोभा।। तब मन हरिष बचन कह राऊ। मुनि अस कृपा न कीन्हिहु काऊ केहि कारन आगमन तुम्हारा। कहहु सो करत न लावउँ बारा।। असुर समृह सतावहिं मोही। मैं जाचन आयउँ नृप तोही।। अनुज समेत देहु रघुनाथा। निसिचर बध मैं होब सनाथा।।

दो ०-देहु भूप मन हरिषत तजहु मोह अग्यान। धर्म सुजस प्रभु तुम्ह कौं इन्ह कहुँ अति कल्यान॥२०७॥ सुनि राजा अति अप्रिय बानी। हृदय कंप मुख दुति कुमुलानी।।
चौथेंपन पायउँ सुत चारी। बिप्न बचन निहं कहेहु बिचारी।।
मागहु भूमि धेनु धन कोसा। सर्बम देउँ आजु सहरोसा।।
देह प्रान तें प्रिय कछु नाहीं। सोउ मुनि देउँ निमिष एक माहीं
सब सुत प्रिय मोहि प्रान कि नाईं। राम देत निहं बनइ गोसाईं।।
कहँ निसिचर अति घोर कठोरा। कहँ सुंदर सुत परम किसोरा।।
सुनि नृप गिरा प्रेम रस सानी। हृदयँ हरष माना मुनि ग्यानी।।
तव विसष्ट बहुविधि समुझावा। नृप संदेह नास कहँ पावा।।
अति आदर दोउ तनय बोलाए। हृदयँ लाइ बहु भाँति सिखाए।।
मेरे प्रान नाथ सुत दोऊ। तुम्ह मुनि पिता आन नहिं कोऊ

दो ०—सौंपे भृप रिषिहि सुत बहुबिधि देइ असीस । जननी भवन गए प्रभु चले नाइ पद सीस ॥२०८(क)॥ सो ०—पुरुषसिंह दो उ बीर हरिष चले मुनि भय हरन ।

क्रपासिंघु मतिधीर अखिल बिस्व कारन करन ॥२०८(ख)॥
अरुन नयन उर बाहु बिसाला । नील जलज तनु स्थाम तमाला ।।
किटि पट पीत कर्से ब्र भाथा । रुचिर चाप सायक दुहुँ हाथा ।।
स्थाम गौर सुंदर दोउ भाई । बिस्तामित्र महानिधि पाई ।।
प्रभु ब्रह्मन्य देव में जाना । मोहि निति पिता तजेउ भगवाना
चले जात मुनि दीन्हि देखाई । सुनि ताड़का क्रोध किर धाई ।।
एकिह बान प्रान हिर लीन्हा । दीन जानि तेहि निज पद दीन्हा
तब रिषि निज नाथिह जियँ चीन्ही । बिद्यानिधि कहुँ बिद्या दीन्ही
जाते लाग न छुधा पिपासा । अतुलित बल तनु तेज प्रकासा ।।

दो ०—आयुध सर्व समर्पि कै प्रभु निज आश्रम आनि । कंद मूल फल भोजन दीन्ह भगति हित जानि ॥२०९॥

प्रात कहा मुनि सन रघुराई। निर्भय जग्य करहु तुम्ह जाई।। होम करन लागे मुनि झारी। आपु रहे मख कीं रखवारी।। सुनि मारीच निसाचर क्रोही। लें सहाय धावा मुनिद्रोही।। बिज फर बान राम तेहि मारा। सत जोजन गा सागर पारा।। पावक सर सुबाहु पुनि मारा। अनुज निसाचर कटकु सँघारा।। मारि असुर द्विज निर्भयकारी। अस्तुतिकरहिं देव मुनि झारी।। तहँ पुनि कछुक दिवस रघुराया। रहे कीन्हि बिप्रन्ह पर दाया।। भगति हेतु बहु कथा पुराना। कहे बिप्र जद्यपि प्रभु जाना।। तब मुनि सादर कहा चुझाई। चिरत एक प्रभु देखिअ जाई।। धनुषजम्य सुनि रघुकुल नाथा। हरिष चले मुनिवर के साथा।। आश्रम एक दीख मग माहीं। खग मृग जीव जंतु तहँ नाहीं।। पूछा मुनिहि सिला प्रभु देखी। सकल कथा मुनि कहा विसेषी।।

दो ०—गौतम नारि श्राप वस उपल देह धरि धीर। चरन कमल रज चाहति ऋपा करहु रध्वीर॥२१०॥

छं०—परसत पद पावन सोक नसावन प्रगट भई तपपुंज सही। देखत रघुनायक जनसुखदायक सनमुख होइ कर जोरि रही॥ अति प्रेम अधीरा पुलक सरीरा मुख निहं आवइ बचन कही। अतिसय बड़भागी चरनिह लागी जुगल नयन जलधार बही॥ धीरजु मन कीन्हा प्रभु कहुँ चीन्हा रघुपित क्कपाँ भगति पाई। अति निर्मल वानी अस्तुति ठानी ग्यानगम्य जय रघुराई॥ मैं नारि अपावन प्रमु जग पावन रावन रिपु जन सुखदाई । राजीव बिलोचन भव भय मोचन पाहि पाहि सरनहिं आई ॥ मुनि श्राप जो दीन्हा अति भल कीन्हा परम अनुग्रह मैं माना । देखेउँ भिर लोचन हरि भवमोचन इहइ लाभ संकर जाना ॥ बिनती प्रमु मोरी मैं मित भोरी नाथ न मागउँ बर आना । पद कमल परागा रस अनुरागा मम मन मधुप करेँ पाना ॥ जेहिं पद सुरसरिता परम पुनीता प्रगट भई सित्र सीस घरी । सोई पद पंकज जेहि पूजत अज मम सिर घरेउ ऋपाल हरी ॥ एहि भाँति सिधारी गौतम नारी बार बार हिर चरन परी । जो अति मन भावा सो बरु पावा गै पितलोक अनंद भरी ॥

दो०—अस प्रमु दीनवंधु हरि कारन रहित दयाल। तुलसिदास सठं तेहि भजु छाड़ि कपट जंजाल॥२११॥ मासपारायण, सातवाँ विश्राम

चले राम लिखमन ग्रुनि संगा। गए जहाँ जग पाविन गंगा।।
गाधिस्र सव कथा सुनाई। जेहि प्रकार सुरसिर मिह आई।।
तव प्रभ्र रिषिन्ह समेत नहाए। विविध दान मिहदेविन्ह पाए।।
हरिष चले ग्रुनि चंद सहाया। वेगि विदेह नगर निअराया।।
पुर रम्यता राम जब देखी। हरिष अनुज समेत विसेषी।।
वापीं कूप सिरत सर नाना। सिलल सुधासम मिन सोपाना।।
गुंजत मंजु मत्त रस मृंगा। कूजत कल बहुबरन विहंगा।।
बरन बरन विकसे बनजाता। त्रिविध समीर सदा सुखदाता।।
दो०—सुमन वाटिका वाग वन विपुल विहंग निवास।

फूलत फलत सुपल्लवत सोहत पुर चहुँ पास ॥२१२॥

बनइ न बरनत नगर निकाई। जहाँ जाइ मन तहँइँ लोभाई।। चारु बजारु विचित्र अँबारी। मनिमय विधि जनु खकर सँवारी धनिक विनक बर धनद समाना। बैठे सकल बम्तु लैं नाना।। चौइट सुंदर गलीं सुद्दाई। संतत रहिंद्द सुगंध सिंचाई।। मंगलमय मंदिर सब केरें। चित्रित जनु रितनाथ चितेरें।। पुर नर नार्रि सुभग सुचि संता। धरमसील ग्यानी गुनवंता।। अति अनूप जहँ जनक निवास । विथकहिं बिबुध बिलोकि बिलास होत चिकत चित कोट बिलोकी। सकल सुवन सोभा जनु रोकी।।

दो ०—घवल घाम मान पुरट पट सुघटित नाना भाँति । सिय निवास सुंदर सदन सोभा किमि कहि जाति ॥२१३॥

सुभग द्वार सव कुलिस कपाटा। भूप भीर नट मागध भाटा।। बनी विसाल बाजि गज साला। हय गय रथ संकुल सव काला।। स्रा सचिव सेनप बहुतेरे। नृप गृह सिरस सदन सब केरे।। पुर बाहेर मर सिरत समीपा। उतरे जहँ तहँ बिपुल महीपा।। देखि अनुप एक अँवराई। सब सुपास सब भाँति सुहाई।। कौसिक कहेउ मोर मनु माना। इहाँ रिह अ रघुबीर सुजाना।। भलेहिं नाथ किह कृपा निकेता। उतरे तहँ सुनिशृंद समेता।। बिखामित्र महासुनि आए। समाचार मिथिलापित पाए।।

दो ०—संग सिचव सुचि भूरि भट भूसुर वर गुर ग्याति । चले मिलन मुनिनायकि मुदित राउ एहि भाँति ॥२१४॥ कीन्ह प्रनामु चरन धिर माथा । दीन्हि असीस मुदित मुनिनाथा॥ विप्रवृंद सब सादर वंदे। जानि भाग्य बड़ राड अनंदे॥ इसल प्रस्न किह बारहिं बारा। बिखामित्र नृपिह बैठारा। तेहि अवसर आए दोउ भाई। गए रहे देखन फुलवाई।। स्थाम गौर मृदु बयस किसोरा। लोचन सुखद बिख चित चोरा।। उठे सकल जब रघुपति आए। बिखामित्र निकट बैठाए।। भए सब सुखी देखि दोउ श्राता। बारि बिलोचन पुलकित गाता।। मूरति मधुर मनोहर देखी। भयउ बिदेहु बिदेहु बिसेवी।।

दो ०—प्रेम मगन मनु जानि नृपु करि बिवेकु घरि धीर। बोलेउ मुनि पद नाइ सिरु गदगद गिरा गभीर॥२१५॥

कहहु नाथ सुंदर दोउ वालक। म्रुनिकुल तिलक कि नृपकुलपालक ब्रह्म जो निगम नेति किह गावा। उभय वेष धिर की सोइ आवा।। सहज बिरागरूप मनु मोरा। थिकित होत जिमि चंद चकोरा।। ताते प्रभु पूछउँ सितभाऊ। कहहु नाथ जिन करहु दुराऊ।। इन्हिह बिलोकत अति अनुरागा। बरबस ब्रह्मसुखिह मन त्यागा कह मुनि विहिस कहेहु नृप नीका। बचन तुम्हार न होइ अलीका ए प्रिय सबिह जहाँ लिग प्रानी। मन मुसुकाहि राम्न सुनि वानी।। रघुकुल मिन दसस्थ के जाए। मम हित लागि नरेस पठाए।।

दो०—रामु लखनु दोउ बंधुबर रूप सील बल धाम। मख राखेउ सबु साखि जगु जिते असुर संघाम॥२१६॥

मुनि तव चरन देखि कह राऊ। किह न सकउँ निज पुन्य प्रभाऊ सुंदर स्थाम गौर दोउ श्राता। आनँदहू के आनँद दाता।। इन्ह के प्रीति परसपर पावनि। किह न जाइ मन भाव सुहावनि।। सुनहु नाथ कह मुदित बिदेहू। ब्रह्म जीव इव सहज सनेहू।। पुनि पुनि प्रभुहि चितव नरनाहु । पुलक गात उर अधिक उछाहू।।
सुनिहि प्रसंसि नाइ पद सीस् । चलेउ लवाइ नगर अवनीस् ।।
सुंदर सदन सुखद सब काला । तहाँ बासु लै दीन्ह भुआला ।।
करि पूजा सब बिधि सेवकाई । गयउ राउ गृह बिदा कराई ।।

दो ०—रिषय संग रघुबंम मनि करि भोजनु बिश्रामु । बैंठे प्रभु भ्राता सहित दिवसु रहा भरि जामु ॥२१७॥

लखन हृदयँ लालसा विसेषी। जाइ जनकपुर आइअ देखी।।
प्रश्च भय बहुरि मुनिहि सकुचाहीं। प्रगट न कहिं मनिहें मुसुकाहीं
राम अनुज मन की गित जानी। भगत बछलता हियँ हुलसानी।।
परम विनीत सकुचि मुसुकाई। बोले गुर अनुसासन पाई।।
नाथ लखनु पुरु देखन चहहीं। प्रश्च सकोच डर प्रगट न कहहीं।।
जौं राउर आयसु में पायौं। नगर देखाइ तुरत लें आवौं।।
सुनि मुनीसु कह बचन सप्रीती। कस न राम तुम्ह राखहु नीती।।
धरम सेतु पालक तुम्ह ताता। प्रेम विवस सेवक सुख दाता।।

दो ०—जाइ देखि आवहु नगरु सुख निधान दोउ भाइ। करहु सुफल सब के नयन सुंदर बदन देखाइ॥२१८॥

मुनि पद क्रमल बंदि दोउ श्राता। चले लोक लोचन सुख दाता। बालक बृंद देखि अति सोभा। लगे संग लोचन मनु लोभा।। पात बसन परिकर कटि भाथा। चारु चाप सर सोहत हाथा।। तन अनुहरत सुचंदन खोरी। स्थामल गौर मनोहर जोरी।। केहरि कंधर बाहु बिसाला। उर अति रुचिर नागमनि माला।। सुभग सोन सरसीरुह लोचन। बदन मयंक ठापत्रय मोचन।। कानन्हि कनक फ़ूल छिब देहीं। चितवत चितिह चोरि जनु लेहीं चितवनि चारु भृकुटि बर बाँकी। तिलक रेख सोभा जनु चाँकी।।

दो ०-रुचिर चौतनीं सुभग सिर मेचक कुंचित केस। नख सिख सुंदर बंध दोउ सोभा सकल सुदेस ॥२१९॥

देखन नगरु भूपसुत आए। समाचार पुरवासिन्ह पाए।।
धाए धाम काम सब त्यागी। मनहुँ रंक निधि छटन लागी।।
निरिष्त सहज सुंदरदोउ भाई। होहि सुखी लोचन फल पाई।।
जुबतीं भवन झरोखन्हि लागीं। निरिष्ति राम रूप अनुरागीं।।
कहिं परसपर बचन सप्रीती। सिख इन्ह कोटि काम छिब जीती
सुर नर असुर नाग सुनि माहीं। सोभा असि कहुँ सुनिअति नाहीं
विष्तु चारि भुज बिधि सुख चारी। विकट बेष सुख पंच पुरारी।।
अपर देउ अस कोउ न आही। यह छिब सखी पटतरिअ जाही।।

दो०—बय किसोर सुषमा सदन स्याम गौर सुख धाम । अंग अंग पर वारिअहिं कोटि कोटि सत काम ॥२२०॥

कहहु सखी अस को तनुधारी। जो न मोह यह रूप निहारी।। कोउ सप्रेम बोली मृदु बानी। जो मैं सुना सो सुनहु सयानी।। ए दोऊ दसरथ के ढोटा। बाल मरालिन्ह के कल जोटा।। सुनि कौसिक मख के रखवारे। जिन्ह रन अजिर निसाचर मारे।। स्थाम गात कल कंज बिलोचन। जो मारीच सुभुज मदु मोचन।। कौसल्या सुत सो सुख खानी। नामु रामु धनु सायक पानी।। गौर किसोर बेषु बर कार्छे। कर सर चाप राम के पार्छ।। लिछमनु नामु राम लघु श्राता। सुनु सिव तासु सुमित्रा माता।। दो०-बिम काजु करि बंधु दोउ मग मुनि बधू उधारि।

आए देखन चाप मख सुनि हरणीं सब नारि॥२२१॥
देखि राम छिब कोउ एक कहई। जोगु जानकिहि यह बरु अहई।।
जौं सिख इन्हिहिदेख नरनाहू। पन परिहरि हिठ करइ बिबाहू।।
कोउ कह ए भूपति पहिचाने। मुनि समेत सादर सनमाने।।
सिख परंतु पनु राउ न तर्जई। विधि बस हिठ अबिबेकिह भर्जई
कोउ कह जौं भल अहइ बिधाता। सब कहँ सुनिअ उचित फलदाता
तो जानकिहि मिलिहि बरु एहू। नाहिन आलि इहाँ संदेहू।।
जौं बिधि बस अस बनै सँजोगू। तो कृतकृत्य होइ सब लोगू।।
सिख इमरें आरति अति तातें। कवहुँक ए आवहिं एहि नातें।।

दो ०—नाहिं त हम कहुँ सुनहु सिख इन्ह कर दरसनु दूरि। यह संघटु तब होइ जब पुन्य पुराकृत भूरि॥२२२॥

बोली अपर कहेहु सिख नीका। एहिं विश्राह अति हित सबही का कोउ कह संकर चाप कठोरा। ए स्थामल मृदुगात किसोरा।। सबु असमंजस अहइ सयानी। यह सुनि अपर कहइ मृदु बानी।। सिख इन्ह कहँ कोउ कोउ अस कहहीं। बड़ प्रभाउ देखत लघु अहहीं परिस जासु पद पंकज धूरी। तरी अहल्या कृत अघ भूरी।। सो कि रहिहि बिनु सिब धनु तोरें। यह प्रतीति परिहरिअ न भोरें जेहिं बिरंचि रचि सीय सँबारी। तेहिं स्थामल बरु रचेउ बिचारी।। तासु बचन सुनि सब हरषानीं। ऐसेइ होउ कहिं मृदु बानीं।।

दो ०—हियँ हरषिं बरषिं सुमन सुमुखि सुलोचिन बृंद। जाहिं जहाँ जहँ बंधु दोउ तहँ तहँ परमानंद॥२२३॥ पुर पूरव दिमि गे दोउ भाई। जहँ धनुमल हित भूमि बनाई।। अति बिस्तार चारु गच ढागे। बिमल बेदिका रुचिर सँवारी।। चहुँ दिसि कंचन मंच बिसाला। रचे जहाँ बैठिंह महिपाला।। तेहि पाछें समीप चहुँ पासा। अपर मंच मंडली बिलासा।। कछुक ऊँचि सब भाँति सुहाई। बैठिंह नगर लोग जहँ जाई।। तिन्ह के निकट बिसाल सुहाए। धवल धाम बहु बरन बनाए।। जहँ बेठें देखिंह सब नारी। जथाजोगु निज कुल अनुहारी।। पुर वालक कि कि विह मुदु बचना। सादर प्रश्नुहि देखावहिं रचन।।।

दो ०—सब सिसु एहि मिस प्रेमबस परिस मनोहर गात। तन पुलकिहें अति हरषु हियँ देखि देखि दोउ भ्रात ॥२२४॥

सिसु सब राम प्रेम बस जाने । प्रीति समेत निकेत बखाने ॥
निज निज रुचि सब लेहिं बोलाई । सहित सनेह जाहिं दांउ भाई॥
राम देखावहिं अनुजहि रचना । कहि मृदु मधुर मनोहर बचना॥
लव निमेष महुँ भुवन निकाया । रचइ जासु अनुसासन माया ॥
भगति हेतु सोइ दीनद्याला । चितवत चिकतधनुष मखसाला
कौतुक देखि चले गुरु पाहीं । जानि बिलंबु त्रास मन माहीं ॥
जासु त्रास डर कहुँ डर होई । भजन प्रभाउ देखावत सोई ॥
कहि बातें मृदु मधुर सुहाईं । किए बिदा बालक बरिआई ॥

दो ०—सभय सप्रेम विनीत अति सकुच सहित दोउ भाइ। गुर पद पंक्रज नाइ सिर बैठे आयसु पाइ॥२२५॥

निसि प्रवेस मुनि आयसु दीन्हा । सबहीं संध्यावंदनु कीन्हा ॥ कहत कथा इतिहास पुरानी । रुचिर रजनि जुग जाम सिरानी ॥ मुनिबर सयन कीन्हि तब जाई। लगे चरन चापन दोउ भाई।। जिन्हि के चरन सरोरुह लागी। करत बिबिध जप जोग बिरागी।। तेइ दोउ बंधु प्रेम जनु जीते। गुर पद कमल पलोटत प्रीते।। बार बार मुनि अग्या दीन्ही। रघुबर जाइ सयन तब कीन्ही।। चापत चरन लखनु उर लाएँ। मभय सप्रेम परम सचु पाएँ।। पुनि पुनि प्रभु कह सोबहु ताता। पोढ़े धरि उर पद जलजाता।।

दो०—उठे लखनु निसि विगत मुनि अरुनसिखा घुनि कान।

गुर तें पाहलंहिं जगतपति जागे रामु सुजान ॥२२६॥
सकल सौच करि जाइ नहाए। नित्य निवाहि मुनिहि सिर नाए
समय जानि गुर आयसु पाई। लेन प्रसन चले दोउ भाई।।
भूप बागु बर देखेउ जाई। जहँ बसंत रितु रही लोभाई।।
लागे बिटप मनाहर नाना। बग्न बरन बर बेलि बिताना।।
नव पल्लव फल सुमन सुहाए। निज संपित सुर रूख लजाए।।
चातक कोकिल कीर चकारा। क्जत विहग नटत कल मोरा।।
मध्य बाग सरु सोह सुहावा। मिन सोपान बिचित्र बनावा।।
बिमल सलिख सरसिज बहुरंगा। जलखग क्जत गुंजत भूंगा।।

दो ०-बागु तड़ागु बिलोकि प्रभु हरषे बंघु समेत। परम रम्य आरामु यहु जो रामहि सुख देत॥२२७॥

चहुँ दिसि चितइ पूँछि मालीगन। लगे लेन दल फूल ग्रुदित मन॥ तेहि अवसर सीता तहँ आई। गिरिजा पूजन जननि पठाई॥ संग सखी सब सुभग सयानी। गावहिंगीत मनोहर बानी॥ सर समीप गिरिजा गृह सोहा। बरनि न जाइ देखि मनु मोहा॥ मञ्जनु किर सर सिवन्ह समेता। गई ग्रुदित मन गौरि निकेता।। पूजा कीन्हि अधिक अनुरागा। निज अनुरूप सुभग बरु मागा।। एक सस्वी सिय संगु बिहाई। गई रही देखन फुलवाई।। तेहिं दोउ बंधु बिलोके जाई। प्रेम बिबस सीता पहिं आई।।

दो ०—तासु दसा देखी सिखन्ह पुलक गात जलु नैन। कहु कारनु निज हरष कर पूछिह सब मृदु बैन। २२८॥

देखन बागु कुअँर दुइ आए। वय किसोर सब भाँति सुहाए।। स्थाम गौर किमि कहीं बखानी। गिरा अनयन नयन बिनु बानी।। सुनि हरषीं सब सखीं सयानी। सिय हियँ अति उतकंठा जानी।। एक कहइ नृप सुत तेइ आली। सुने जे सुनि सँग आए काली।। जिन्ह निज रूप मोहनी डारी। कीन्हे स्वबस नगर नर नारी।। बरनत छबि जहँतहँ सब लोगू। अवसि देखिअहिं देखन जोगू।। तासु बचन अति सियहि सोहाने। दरस लागि लोचन अकुलाने।। चली अग्र किर प्रिय सखि सोई। ग्रीति पुरातन लखह न कोई।।

दो ०—सुमिरि सीय नारद बचन उपजी प्रीति पुनीत। चिकत बिलोकेति सकल दिसि जनु सिसु मृगी सभीत ॥२२९॥

कंकन किंकिनि न् पुर धुनि सुनि।कहत लखन सन राम्र हृदयँ गुनि मानहुँ मदन दुंदुभी दीन्ही। मनसा बिख बिजय कहँ कीन्ही।। अस कहि फिरि चितए तेहि ओरा।सिय मुख मसि भए नयन चकोरा भए बिलोचन चारु अचंचल। मनहुँ सकुचि निमि तजे दिगंचल देखि सीय सोभा सुखु पाया। हृद्यँ सराहत बचनु न आवा।। जनु बिरंचि सब निज निपुनाई। बिरचि बिखकहँ प्रगटि देखाई।। सुंदरता कहुँ सुंदर करई। छिबगृहँ दीपसिखा जनु बरई।। सब उपमा कवि रहे जुठारी। केहिं पटतरौं बिदेहकुमारी।।

दो ०-सिय सोभा हियँ बरनि प्रभु आपनि दसा विचारि । बोले सुचि मन अनुज सन बचन समय अनुहारि ॥२३०॥

तात जनकतनया यह सोई। धनुषजम्य जेहि कारन होई।।
पूजन गौरि सर्खी लै आई। करत प्रकास फिरइ फुलवाई।।
जास विलोकि अलौकिक सोभा। सहज पुनीत मोर मनु छोभा।।
सो सबु कारन जान विधाता। फरकहिं सुभद अंग सुनु आता।।
रघुवंसिन्ह कर सहज सुभाऊ। मनु कुपंथ पगुधरइ न काऊ।।
मोहि अतिसय प्रतीति मन केरी। जेहिं सपनेहुँ परनारि न हेरी।।
जिन्ह कै लहिंह न रिपु रन पीठी। नहिं पावहिं परतिय मनु डीठी।।
मंगन लहिंह न जिन्ह कै नाहीं। ते नर बर थोरे जग माहीं।।

दो ०—करत बतकही अनुज सन मन सिय रूप लोभान। मुख सरोज मकरंद छिब करइ मधुप इव पान॥२३१॥

चितवित चिकत चहुँ दिसि सीता। कहँ गए नृप किसोर मनु चिंता जहँ बिलोक मृग मावक नैनी। जनु तहँ बिरस कमल सित श्रेनी।। लता ओट तब सिलन्ह लखाए। स्थामल गौर किसोर सुद्दाए।। देखि रूप लोचन ललचाने। हरषे जनु निज निधि पिहचाने।। थके नयन रघुपति छिब देखें। पलकन्हिहुँ पिरहरीं निमेषें।। अधिक सनेहँ देह में भोरी। सरद मसिहि जनु चितव चकोरी लोचन मग रामिह उर आनी। दीन्हे पलक कपाट सयानी।। जब सिय सिलन्ह प्रेम बस जानी। किहिन सकिहँ कछु मन सकुचानी दो०—लताभवन तें प्रगट भे तेहि अवसर दोउ भाइ। निकसे जनु जुग विमल बिधु जलद पटल बिलगाइ॥२३२॥

साभा सीवँ सुभग दोउ बीरा। नील पीत जलजाभ सरीरा।।
मोरपंख सिर सोहत नीके। गुच्छ बीच बिच कुसुम कली के।।
भाल तिलक अमबिंदु सुहाए। श्रवन सुभग भूपन छाँब छाए।।
बिकट भुकुटि कच घूघरवारे। नव सरोज लोचन रतनारे।।
चारु चिबुक नासिका कपोला। हास बिलास लेत मनु मोला।।
मुख्छिब कहिन जाइ मोहि पाहीं। जो बिलोकि बहु काम लजाहीं
उर मिन माल कंबु कल गीवा। काम कलभ कर भुज बल सींवा।।
सुमन समेत बाम कर दोना। सावँर कुअँर सखी सुठि लोना।।

दो ०—केहिरि कटि पट पीत घर सुषमा सील निधान। देखि भानुकुल भूषनिह बिसरा सखिन्ह अपान॥२३३॥

धिर धीरजु एक आलि संयानी । सीता सन बोली गहि पानी ॥ बहुरि गौरि कर ध्यान करेहू । भूपिकसोर देखि किन लेहू ॥ सकुचि सीयँ तब नयन उघारे । सनमुख दोउ रघुसिंघ निहारे ॥ नखि मिख देखि राम्न के सोभा । सुमिरि पिता पनु मनु अति छोभा प्रवस सखिनह लखी जब सीता । भयउ गहरु सब कहिं सभीता॥ पुनि आउव एहि वेरिशाँ काली । अस किह मन बिहसी एक आली गृह गिरा सुनि सिय सकुचानी । भयउ बिलंगु मातु भय मानी ॥ धिर बिड़ धीर राम्न उर आने । फिरी अपनपउ पितु बस जाने ॥

दो०—देखन मिस मृग बिहग तरु फिरइ बहोरि बहोरि। निरित्व निरित्व रघुबीर छिब बादइ प्रीति न थोरि॥२३४॥ जानि कठिन सिव चाप विख्रति । चर्ला राखि उर स्थामल मुरति ॥
प्रश्च जब जात जानकी जानी । सुख सनेह सोभा गुन खानी ॥
परम प्रेम मय मृदु मिस कीन्ही। चारु चित्त भीतीं लिखि लीन्ही॥
गई भवानी भवन बहोरी । बंदि चरन बोली कर जोरी ॥
जय जय गिरिवरराज किसोरी । जय महेस मुख चंद चकोरी ॥
जय गजबदन षडानन माता । जगत जननि दामिनि दुति गाता
नहिं तव आदि मध्य अवसाना । अमित प्रभाउ वेदु नहिं जाना ॥
भव भव विभव पराभव कारिनि । विस्व विमोहनि स्ववस विहारिनि

दो ०-पितदेवता सुतीय महुँ मातु प्रथम तव रेख। महिमा अमित न सक्तिं किह सहस सारदा सेप ॥ २३५॥

सेवत तोहि सुलभ फल चारी। बरदायनी पुरारि पिआरी।। देबि पूजि पद कमल तुम्हारे। सुर नर मुनि सब होहिं सुखारे।। मोर मनोरथु जानहु नीकें। बसहु सदा उर पुर सबही कें।। कीन्हेउँ प्रगट न कारन तेहीं। अस किह चरन गहे बैदेहीं।। विनय प्रेम बस भई भवानी। खसी माल मूरति मुसुकानी।। सादर सियँ प्रसाद सिर धरेऊ। बोली गीरि हरषु हियँ भरेऊ।। सुनु सिय सत्य असीस हमारी। पूजिहि मन कामना तुम्हारी।। नाग्द बचन सदा सुचि साचा। सो बरु मिलिहि जाहिं मनु राचा।।

छं०—मनु जाहिं राचेउ िमिलिहि सो यरु सहज सुंदर साँवरो । करुना निधान सुजान सीलु सनेहु जानत रावरो ॥ एहि माँति गौरि असीस सुनि सिय सहित हियँ हरषीं अली। तुलसी भवानिहि पूजि पुनि पुनि मुदित मन मंदिर चली ॥ सो ०-जानि गौरि अनुकूल सिय हिय हरषु न जाइ कहि।

मंजुल मंगल मूल बाम अंग फरकन लगे ॥ २३६॥ हृदयँ सराहत सीय लोनाई । गुर समीप गवने दोउ भाई ।। राम कहा सबु कौसिक पाहीं । सरल सुभाउ छुअत छल नाहीं ।। सुमन पाइ मुनि पूजा कीन्ही । पुनि असीस दुहु भाइन्ह दीन्ही ।। सुफल मनोरथ होहुँ तुम्हारे । राम्रु लखनु सुनि भए सुखारे ।। किर भोजनु मुनिबर बिग्यानी । लगे कहन कछु कथा पुरानी ।। बिगत दिवसु गुरु आयसु पाई । संघ्या करन चले दोउ भाई ।। प्राची दिसि सिस उयउ सुहावा। सिय मुख सिरस देखि सुखु पावा बहुरि विचारु कीन्ह मन माहीं । सीय बदन सम हिमकर नाहीं ।।

दो ०—जनमु सिंधु पुनि बंधु बिषु दिन मलीन सकलंक।

सिय मुख समता पाव किमि चंदु बापुरो रंक ॥ २३७॥ घटइ बढ़इ बिरिट्टिनि दुखदाई । ग्रसइ राहु निज संधिहिं पाई ॥ कोक सोकप्रद पंकज द्रोही । अवगुन बहुत चंद्रमा तोही ॥ बैदेही मुख पटतर दीन्हे । होइ दोषु बढ़ अनुचित कीन्हे ॥ सियमुख छिब बिधु ब्याज बखानी।गुर पिंह चले निसा बिड़ जानी किरि मुनि चरन सरोज प्रनामा । आयसु पाइ कीन्ह बिश्रामा ॥ बिगत निसा रघुनायक जागे । बंधु बिलोकि कहन अस लागे ॥ उयउ अरुन अवलोकहु ताता । पंकज कोक लोक सुखदाता ॥ बोले लखनु जोरि जुग पानी । प्रभु प्रभाउ सूचक मृदु बानी ॥ दो०—अरुनोदयँ सकुचे कुमुद उडगन जोति मलीन ।

जिमि तुम्हार आगमन सुनि भए नृपति बलहीन ॥ २३८ ॥

नृप सब नखत करहिं उजिआरी। टारि न सकहिं चाप तम भारी।। कमल कोक मधुकर खग नाना। हरषे सकल निसा अवसाना।। ऐसेहिं प्रभु सब भगत तुम्हारे। होइहिंह टूटें धनुष सुखारे।। उयउ भानु बिनु श्रम तम नासा। दुरे नखत जग तेजु प्रकासा।। रिबिनज उदय ब्याज रघुराया। प्रभु प्रतापु सब नृपन्ह दिखाया।। तब भुज बल महिमा उदघाटी। प्रगटी धनु विघटन परिपाटी।। बंधु बचन सुनि प्रभु सुसुकाने। होइ सुचि सहज पुनीत नहाने।। नित्यक्रिया करि गुरु पिहें आए। चरन सरोज सुभग सिर नाए।। सतानंदु तब जनक बोलाए। कोसिक सुनि पिहें तुरत पठाए।। जनक बिनय तिन्ह आइ सुनाई। हरषे बोलि लिए दोउ भाई।। दो०—सतानंद पद बंदि प्रभु बैठे गुर पिहें जाइ।

# मासपारायण, आठवाँ विश्राम

## नवाह्मपारायण, दूसरा विश्राम

सीय खयंबरु देखिअ जाई। ईसु काहि धौं देइ बड़ाई।। लखन कहा जस भाजनु सोई। नाथ कृपा तब जापर होई।। हर्षे ग्रुनि सब सुनिबर बानी। दीन्हि असीस सबहिं सुखु मानी।। पुनि ग्रुनिबृंद समेत कृपाला। देखन चले धनुपमल साला।। रंगभूमि आए दोउ भाई। असि सुधि सब पुरवासिन्ह पाई।। चले सकल गृह काज बिसारी। बाल जुबान जरठ नर नारी।। देखी जनक भीर मैं भारी। सुचि सेवक सब लिए हँकारी।।

तुरत सकल लोगन्ह पहिं जाहू। आसन उचित देहु सब काहू ।। दो ०—कहि मृदु बचन बिनीत तिन्ह बैठारे नर नारि।

उत्तम मध्यम नीच लघु निज निज थल अनुहारि ॥२४०॥

राजकु जँर तेहि अवसर आए। मनहुँ मनोहरता तन छाए।।
गुन सागर नागर बर बीरा। सुंदर स्थामल गौर सरीरा।।
राज समाज बिराजत रूरे। उडगन महुँ जनु जुग बिधु पूरे।।
जिन्ह कें रही भावना जैसी। प्रभु मूरति तिन्ह देखी तैसी।।
देखिंह रूप महा रनधीरा। मनहुँ बीर रसु धरें सरीरा।।
डरे कुटिल नृप प्रभुहि निहारी। मनहुँ भयानक मूरति भारी।।
रहे असुर छल छोनिप बेषा। तिन्ह प्रभु प्रगट काल सम देखा।।
पुरवासिन्ह देखे दोउ भाई। नरभूषन लोचन सुखदाई।।

दो ०-नारि विलोकिहं हरिष हियँ निज निज रुचि अनुरूप।

जनु सोहत सिंगार धरि मूरति परम अनूप ॥२४१॥

बिदुषन्ह प्रभु बिराटमय दीसा। बहु मुख कर पग लोचन सीसा।। जनक जाति अनेलोकहिं कैसें। सजन सगे प्रिय लागहिं जैसें।। सहित बिदेह बिलोकहिं रानी। सिसु सम प्रीति न जाति बखानी।। जोगिन्ह परम तत्त्वमय भासा। सांत सुद्ध सम सहज प्रकासा।। हिरिभगतन्ह देखे दोउ श्राता। इष्टदेव इव सब सुख दाता।। रामहि चितव भायँ जेहि सीया। सो सनेहु सुखु नहिं कथनीया।। उर अनुभवति न कहि सक सोऊ। कवन प्रकार कहै किब कोऊ।। एहि बिधि रहा जाहि जस भाऊ। तेहिं तस देखेड कोसलराऊ।।

दो०—राजत राज समाज महुँ कोसलराज किसोर। सुंदर स्यामल गौर तन बिस्व बिलोचन चोर॥२४२॥

सहज मनोहर मूरित दोऊ। कोटि काम उपमा लघु सोऊ।।
सरद चंद निंदक मुख नीके। नीरज नयन भावते जी के।।
चितविन चारु मार मनु हरनी। भावति हृदय जाति निहंबरनी।।
कल कपोल श्रुति कुंडल लोला। चिबुक अधर सुंदर मृदु बोला।।
कम्मदबंधु कर निंदक हाँसा। भृकुटी बिकट मनोहर नासा।।
भाल बिसाल तिलक झलकाहीं। कच बिलोकि अलि अवलि लजाहीं
पीत चौतनीं सिरिन्ह सुहाईं। कुसुम कलीं बिच बीच बनाईं।।
रेखें रुचिर कंबु कल गीवाँ। जनु त्रिभुवन सुषमा की सीवाँ।।

दो ०—कुंजर मिन कंठा कलित उरिन्ह तुलसिका माल। बृषभ कंघ केहरि ठवनि बल निधि बाहु विसाल।।२४३॥

किट त्नीर पीत पट बाँघें। कर सर धनुष बाम वर काँघें।। पीत जग्य उपबीत सुहाए। नख सिख मंजु महाछिब छाए।। देखि लोग सब भए सुखारे। एकटक लोचन चलत न तारे।। हरषे जनकु देखि दोउ भाई। मुनि पद कमल गहे तब जाई।। किरि बिनती निज कथा सुनाई। रंग अविन सब मुनिहि देखाई।। जहाँ जहुँ जाहिं कुआँर बर दोऊ। तहुँ तहुँ चिकत चितव सबु कोऊ निज निज रुख रामहि सबु देखा। कोउन जान कछु मरमु विसेषा भिल रचना मुनि नृप सन कहेऊ। राजाँ मुदित महासुख लहेऊ।।

दो०–सब मंचन्ह तें मंचु एक सुंदर विसद विसाल। मुनि समेत दोउ बंधु तहँ बैठारे महिपाल॥२४**४॥**  प्रश्वहि देखि सब नृप हियँ हारे। जनु राकेस उदय भएँ तारे।।
असि प्रतीति सब के मन माहीं। राम चाप तोरब सक नाहीं।।
बिनु मंजेहुँ भव धनुषु बिसाला। मेलिहि सीय राम उर माला।।
अस बिचारि गवनहु घर भाई। जसु प्रतापु बलु तेजु गवाँई।।
बिहसे अपर भूप सुनि बानी। जे अबिबेक अंध अभिमानी।।
तोरेहुँ धनुषु ब्याहु अवगाहा। बिनु तोरें को कुअँरि बिआहा।।
एक बार कालउ किन होऊ। सिय हित समर जितब हम सोऊ
यह सुनि अवर महिप ग्रुसुकाने। धरमसील हरिभगत सयाने।।

सो ०—सीय बिआहबि राम गरब दूरि करि नृपन्ह के। जीति को सक संघाम दसरथ के रन बाँकुरे ॥२४५॥

ब्यर्थ मरहु जिन गाल बजाई। मन मोदकिन्ह कि भ्र्व बुताई।। सिख हमारि सुनि परम पुनीता। जगदंबा जानहु जियँ सीता।। जगत पिता रघुपतिहि बिचारी। भिर लोचन छिब लेहु निहारी।। सुंदर सुखद सकल गुन रासी। ए दोउ बंधु संभ्रु उर बासी।। सुधा समुद्र समीप बिहाई। मृगजलु निरित्व मरहु कत धाई।। करहु जाइ जा कहुँ जोइ भावा। हम तो आजु जनम फलु पावा।। अस किह भले भूप अनुरागे। रूप अनूप बिलोकन लागे।। देखिह सुर नभ चढ़े विमाना। वरषह सुमन करहिं कल गाना।।

दो ०—जानि सुअवसर सीय तब पठई जनक बोलाइ। चत्र सखीं सुंदर सकल सादर चलीं लवाइ॥२४६॥

सिय सोभा नहिं जाइ बखानी । जगदंबिका रूप गुन खानी ।) उपमासकल मोहि लघु लागीं । प्राकृत नारि अंग अनुरागीं ।) सिय बरनिअ तेइ उपमा देई। कुकबि कहाइ अजसु को लेई।।
जी पटतिरअ तीय सम सीया। जग असि जुबित कहाँ कमनीया।।
गिरा मुखर तन अरध भवानी। रित अति दुखित अतनु पित जानी
बिष बारुनी बंधु प्रिय जेही। किह्अ रमा सम किमि बैदेही।।
जी छिब सुधा पयोनिधि होई। परम रूपमय कच्छपु सोई।।
सोभा रजु मंदरु सिंगारू। मथै पानि पंकज निज मारू।।

दो ०—एहि बिधि उपजै लच्छि जब सुंदरता सुख मूल। तदपि सकोच समेत कबि कहिंह सीय समतूल॥२४७॥

चलीं संग लैं सखीं सयानी। गावत गीत मनोहर बानी।।
सोह नवल तनु सुंदर सारी। जगत जनि अतुलित छिब भारी
भूषन सकल सुदेस सुहाए। अंग अंग रिच सिवन्ह बनाए।।
रंगभूमि जब सिय पगु धारी। देखि रूप मोहे नर नारी।।
हरिष सुरन्ह दुदुभीं बजाई। बरिष प्रस्न अपछरा गाई।।
पानि सरोज सोह जयमाला। अवचट चितए सकल भुआला।।
सीय चिकत चित रामिह चाहा। भए मोहबस सब नर नाहा।।
सुनि समीप देखे दोउ भाई। लगे ललकि लोचन निधि पाई।।

दो०—गुरजन लाज समाजु बड़ देखि सीय सकुचानि। लागि बिलोकन सखिन्ह तन रघुवीरहि उर आनि॥२४८॥

राम रूपु अरु सिथ छिब देखें। नर नारिन्ह परिहरीं निमेषें।। सोचिह सकल कहत सकुचाहीं। बिधि सन बिनय करिह मन माहीं हरु बिधि बेगि जनक जड़ताई। मित हमारि असि देहि सुहाई।। बिनु बिचार पनु तिज नरनाहू। सीय राम कर करें बिबाहू।। जगु भल किहि भाव सब काहू। हठ कीन्हें अंतहुँ उर दाहू।। एहिं लालसाँ मगन सब लोगू। वरु साँवरो जानकी जोगू॥ तब बंदीजन जनक बोलाए। बिरिदावली कहत चलि आए॥ कह नृषु जाइ कहहु पन मोरा। चले भाट हियँ हरषु न थोरा॥

दो ०—बोले बंदी वचन बर सुनहु सकल महिपाल। पन बिदेह कर कहिंह हम भुजा उठाइ बिसाल ॥२४९॥

नृप भ्रजबल बिधु सिवधनु राहू । गरुअ कठोर विदित सब काहू॥ रावनु बानु महाभट भारे । देखि सरासन गवँहिं सिधारे ॥ सोइ पुरारि कोदंडु कठोरा । राज समाज आजु जोइ तोरा ॥ त्रिभ्रवन जय समेत बैंदेही । बिनहिं बिचार बरइ हिंठ तेही ॥ सिन पन मकल भूप अभिलाषे । भटमानी अतिसय मन माखे ॥ परिकर बाँधि उठे अकुलाई। चले इष्टदेवन्ह सिर नाई॥ तमिक ताकि तकि सिवधनु धरहीं। उठइ न कोटि भाँति बलु करहीं जिन्ह के कलु बिचार मन माहीं। चाप समीप महीप न जाहीं॥

दो ०—तमिक घरिहं धनु मूढ़ नृप उठइ न चलिहें लजाइ। मनहुँ पाइ भूट बाहुबलु अधिकु अधिकु गरुआइ ॥२५०॥

भूप सहस दस एकिह बारा। लगे उठावन टरइ न टारा।। डगइ न संभु सरासनु केसें। कामी वचन सती मनु जैसें।। सब नृप भए जोगु उपहासी। जैसें विनु विराग संन्यासी।। कीरति विजय बीरता भारी। चले चाप कर बरबस हारी।। श्रीहत भए हारि हियँ राजा। बेठे निज निज जाइ समाजा।। नृपन्ह बिलोकि जनकु अकुलाने। बोले बचन रोष जनु साने।। दीप दीप के भूपित नाना । आए सुनि इम जो पनु ठाना ।। देव दनुज धिर मनु ज सरीरा। विपुल बीर आए रन धीरा ।। दो ०—कुअँरि मनोहर विजय बिड़ कीरित अति कमनीय ।

पावनिहार विरंचि जनु रचेउ न धनु दमनीय ॥२५१॥
कहहु काहि यहु लाभु न भावा । काहुँ न संकर चाप चढ़ावा ॥
रहउ चढ़ाउब तोरब भाई । तिलु भिर भूमि न सके छड़ाई॥
अब जिन कोउ मास्वै भट मानी । बीर विहीन मही मैं जानी ॥
तजहु आस निज निज गृह जाहू । लिखान विधि बैदेहि बिबाहू ॥
सुकृतु जाइ जौं पनु परिहरऊँ। कुअँरि कुआरि रहउ का करऊँ॥
जौं जनतेउँ विनु भट भुवि भाई। तौ पनु किर होतेउँ न हँसाई॥
जनक बचन सुनि सब नर नारी। देखि जानकिहि भए दुखारी॥
माखे लखनु कुटिल भइँ भौंहें। रदपट फरकत नयन रिसौंहें॥

दो०—कहि न सकत रघुवीर डर लगे बचन जनु बान।

नाइ राम पद कमल सिरु बोले गिरा प्रमान ॥२५२॥
रघुवंसिन्ह महुँ जहँ कोउ होई। तेहिं समाज अस कहइ न कोई॥
कही जनक जिस अनुचित बानी। विद्यमान रघुकुल मिन जानी॥
सुनहु भानुकुल पंकज भानू। कहउँ सुभाउन कल्ल अभिमानू॥
जौं तुम्हारि अनुसासन पानौं। कंदुक इव ब्रह्मांड उठानौं॥
काचे घट जिमि डारौं फोरी। सकउँ मेरु मूलक जिमि तोरी॥
तव प्रताप महिमा भगवाना। को बापुरो पिनाक पुराना॥
नाथ जानि अस आयस होऊ। कौतुकु करौं विलोकिअ सोऊ॥
कमल नाल जिमि चाप चढ़ानौं। जोजन सत प्रमान लै धानौं॥

दो०—तोरौं छत्रक दंड जिमि तव प्रताप बल नाथ।

जौं न करौं प्रभु पद सपथ कर न घरौं घनु भाथ ॥२५३॥ लखन सकोप बचन जे बोले । डगमगानि महि दिग्गज डोले ।। सकल लोग सब भूप डेराने । सिय हियँ हरषु जनकु सकुचाने ।। गुर रघुपति सब ग्रुनि मन माहीं। ग्रुदित भए पुनि पुनि पुलकाईी।। सयनहिं रघुपति लखनु नेवारे । प्रेम समेत निकट बैठारे ॥ बिखामित्र समय सुभ जानी । बोले अति सनेहमय बानी ।। उठहु राम भंजहु भव चापा । मेटहु तात जनक परितापा ।} सुनि गुरु बचन चरन सिरु नावा।हरषु बिषादु न कछु उर आवा ।। ठाढ़े भए उठि सहज सुभाएँ। ठवनि जुबा मृगराजु लजाएँ।।

दो ०—उदित उदयगिरि मंच पर रघुवर बाल पतंग।

बिकसे संत सरोज सब हरषे लोचन मुंग ॥२५४॥ नुपन्ह केरि आसा निसि नासी। बचन नखत अवली न प्रकासी। मानी महिप कुमुद सकुचाने । कपटी भूप उल्क लुकाने ॥ भए बिसोक कोक ग्रुनि देवा। बरिसहिं सुमन जनावहिं सेवा।। गुर पद बंदि सहिद्भ अनुरागा । राम ग्रुनिन्ह सन आयसु मागा ॥ सहजिह चले सकल जगस्वामी। मत्त मंजु बर कुंजर गामी।। चलत राम सब पुर नर नारी। पुलक पूरि तन भए सुखारी।। बंदि पितर सुर सुकृत सँभारे । जौं कछ पुन्य प्रभाउ हमारे।। तौ सिवधनु मृनाल की नाईं। तोरहुँ राम्रु गनेस गोसाईं।। दो ०-रामिह प्रेम समेत लिख सिखन्ह समीप बोलाइ।

सीता मातु सनेह बस बचन कहइ बिलखाइ ॥२५५॥

सिल सब कीतुकु देखनिहारे। जेउ कहावत हित् हमारे।।
कोउ न बुझाइ कहइ गुर पार्ही। ए बालक असि हठ भिल नार्ही।।
रावन बान छुआ निहं चापा। हारे सकल भूप किर दापा।।
सो धनु राजकुअँर कर देहीं। बाल मराल कि मंदर लेहीं।।
भूप सयानप सकल सिरानी। सिखि बिधि गित कछु जातिन जानी।।
बोली चतुर सखी मृदु बानी। तेजवंत लघु गनिअ न रानी।।
कहँ कुंभज कहँ सिंधु अपारा। सोषेउ सुजसु सकल संसारा।।
रिब मंडल देखत लघु लागा। उदयँ तासु तिश्चवन तम भागा।।

दो ०-मंत्र परम लघु जासु बस बिधि हरि हर सुर सर्वे।

महामत्त गजराज कहुँ बस कर अंकुस खर्ब ॥२५६॥

काम कुसुम धनु सायक लीन्हे। सकल भुवन अपनें बस कीन्हे।। देबि तिजिअ संसउ अस जानी। मंजब धनुषु राम सुनु रानी।। सखी बचन सुनि में परतीती। मिटा बिषादु बढ़ी अति प्रीती।। तब रामिह बिलोकि बैदेही। सभय हृद्यँ बिनवित जेहि तेही।। मनहीं मन मनाव अकुलानी। होहु प्रसन्न महेस भवानी।। करहु सफल आपिन सेवकाई। किर हितु हरहु चाप गरुआई।। गननायक बरदायक देवा। आजु लगें कीन्हिउँ तुअ सेवा।। बार बार बिनती सुनि मोरी। करहु चाप गुरुता अति थोरी।। दो०—देखि देखि रघुबीर तन सुर मनाव धिर धीर।

भरे बिलोचन प्रेम जल पुलकावली सरीर ॥२५७॥ नीकें निरित्व नयन भरि सोभा।पितु पनु सुमिरि बहुरि मनु छोभा अहह तात दारुनि हठ ठानी । समुझत नहिं कछु लाभु न हानी ॥ सचिव सभय सिख देइ न कोई। बुध समाज बड़ अनुचित होई।।
कहँ धनु कुलिसहु चाहि कठोरा। कहँ स्थामल मृदु गात किसोरा।।
बिधिकेहि भाँति धरौं उर धीरा। सिरम सुमन विच्न बेधि अहीरा
सकल सभा कै मित भै भोरी। अब मोहि संभ्र चाप गतितोरी।।
निज जड़ता लोगन्ह पर डारी। होहि हरू उप्पुपतिहि निहारी।।
अति परिताप सीय मन माहीं। लव निमेष जुग सय सम जाहीं।।

दो ०—प्रभुहि चितइ पुनि चितव महि राजत लोचन लोल ।

खेलत मनसिज मीन जुग जनु बिधु मंडल डोल ॥२५८॥

गिरा अलिनि मुख पंकज रोकी। प्रगट न लाज निसा अवलोकी।। लोचन जलु रह लोचन कोना। जैसें परम कृपन कर सोना।। सकुची ब्याकुलता विंड जानी। धिर धीरज प्रतीति उर आनी।। तन मन बचन मोर पनु साचा। रघुपति पद सरोज चितु राचा।। तौ भगवानु सकल उर बासी। किरिह मोहि रघुवर कै दासी।। जेहि कें जेहि पर सन्य सनेहू। सो तेहि मिलइ न कलु संदेहू।। प्रभु तन चितइ प्रेम तन ठाना। कृपानिधान राम सबु जाना।। सियहि बिलोकि बकें उधनु कैंसें। चितव गरुरु लघु ब्यालहि जैसें

दो०—लखन लखेउ रघुबंसमिन ताकेउ हर कोदंडु। पुलकि गात बोले बचन चरन चापि ब्रह्मांडु॥२५९॥

दिसिकुं जरहु कमठ अहि कोला । धरहु धरनि धरि धीर न डोला ॥ राम्र चहिं संकर धनु तोरा । होहु सजग सुनि आयसु मोरा ॥ चाप समीप राम्र जब आए । नर नारिन्ह सुर सुकृत मनाए॥ सब कर संसउ अरु अग्यान् । मंद महीपन्ह कर अभिमान् ॥ भृगुपित केरि गरव गरुआई। सुर म्रुनिबरन्ह केरि कदराई।। सिय कर सोचु जनक पछितावा। रानिन्ह कर दारुन दुख दावा।। संभुचाप बड़ बोहितु पाई। चढ़े जाइ सब संगु बनाई।। राम बाहुबल सिंधु अपारू। चहत पारु निर्ह कोउ कड़हारू।।

दो०—राम बिलोके लोग सब चित्र लिखे से देखि। चितई सीय क्रपायतन जानी बिकल बिसेषि॥२६०॥

देखी बिपुल बिकल बैदेही। निमिष बिहात कलप सम तेही।।
तृषित बारि बिनु जो तनु त्यागा। ग्रुएँ करइ का सुधा तड़ागा।।
का बरषा सब कृषी सुखानें। समय चुकें पुनि का पछितानें।।
अस जियँ जानि जानकी देखी। प्रश्च पुलके लखि प्रीति बिसेषी।।
गुरहिं प्रनाग्न मनहिं मन कीन्हा। अति लाघवँ उठाइ धनु लीन्हा।।
दमकें उदामिनि जिमि जब लयऊ। पुनि नभ धनु मंडल सम भयऊ
लेत चड़ावत खैंचत गाढ़ें। काहुँ न लखा देख सबु ठाढ़ें।।
तेहि छन राम मध्य धनु तोरा। भरे भ्रवन धुनि घोर कठोरा।।

छं०—भरे भुवन घोर कठोर रव रिव बाजि तिज मारगु चले। चिक्करिहं दिग्गज डोल मिह अहि कौल क्रूरुम कलमले॥ सुर असुर मुनि कर कान दीन्हें सकल बिकल बिचारहीं। कोदंड खंडेउ राम तुलसी जयति बचन उचारहीं॥

सो०—संकर चापु जहाजु सागरु रघुबर बाहुबलु। बूड़ सो सकल समाजु चढ़ा जो प्रथमहिं मोह बस ॥२६१॥

प्रभु दोउ चापखंड महि डारे। देखि लोग सब भए सुखारे॥ कौसिकरूप पयोनिधि पावन। प्रेम बारि अवगाहु सुद्दावन॥ रामरूप राकेसु निहारी। बढ़त बीचि पुलकाविल भारी।। बाजे नभ गहगहे निसाना। देवबधू नाचिहं किर गाना।। ब्रह्मादिक सुर सिद्ध सुनीसा। प्रसिद्ध प्रसंसिहं देहिं असीसा।। बिरसिहं सुमन रंग बहु माला। गाविहं किंनर गीत रसाला।। रही सुबन भिर जय जय बानी। धनुषभंग धुनि जात न जानी।। सुदित कहहिं जहँ तहँ नर नारी। भंजेउ राम संसुधनु भारी।।

दो ०—बंदी मागध सूतगन बिरुद बदहिं मतिधीर। करहिं निछावरि लोग सब हय गय धन मनि चीर ॥२६२॥

झाँझि मृदंग संख सहनाई। भेरि ढोल दुंदुभी सुहाई।। बाजिहं बहु बाजिन सुहाए। जहँ तहँ जुनितन्ह मंगल गाए।। सिवन्ह सिहत हरषी अति रानी। सुखत धान परा जनु पानी।। जनक लहेउ सुखु सोचु बिहाई। पैरत थकें थाह जनु पाई।। श्रीहत भए भूप धनु टूटे। जैसें दिवस दीप छिब छूटे।। सीय सुखिह बरनिअ केहि भाँती। जनु चातकी पाइ जलु खाती।। रामिह लखनु बिलोकत कैसें। सिसिह चकोर किसोरक जैसें।। सतानंद तब आयुसु दीन्हा। सीताँ गमनु राम पहिं कीन्हा।।

दो ०—संग सर्खी सुंदर चतुर गाविहं मंगलचार। गवनी बाल मराल गति सुषमा अंग अपार॥२६३॥

सखिन्ह मध्य सिय सोहति कैसें। छिबगन मध्य महाछिबि जैसें।। कर सरोज जयमाल सुहाई। बिख बिजय सोभा जेहिं छाई॥ तन सकोचु मन परम उडाहू। गृढ़ ग्रेम लिख परइ न काहू॥ जाइ समीप राम छिब देखी। रहि जनु कुअँरि चित्र अवरेखी॥ चतुर सर्खीं लिख कहा बुझाई। पिहरावहु जयमाल सुहाई।। सुनत जुगल कर माल उठाई। प्रेम विवस पिहराइ न जाई।। सोहत जनु जुग जलज सनाला। सिमिहि सभीत देत जयमाला।। गाविह छिब अवलोकि सहेली। सियँ जयमाल राम उर मेली।।

सो ०--रघुबर उर जयमाल देखि देव बरिसिहें सुमन। सकुचे सकल भुआल जनु बिलोकि रबि कुमुदगन॥२६४॥

पुर अरु ब्योम बाजने बाजे। खल भए मलिन साधु सब राजे॥
सुर किंनर नर नाग मुनीसा। जय जय जय किं है हैं असीसा॥
नाचिह गाविह बिबुध बधूटीं। बार बार कुसुमांजलि छूटीं॥
जह तह बिप्र बेद धुनि करहीं। बंदी बिरिदाविल उच्चरहीं॥
मिह पाताल नाक जसु ब्यापा। राम बरी सिय मंजेउ चापा॥
करहिं आरती पुर नर नारी। देहिं निछाविर बिच्च बिसारी॥
सोहित सीय राम के जोरी। छिब सिंगारु भनहुँ एक ठोरी॥
सखीं कहिंह प्रभ्रपद गहु सीता। करित न चरन परस अति भीता॥

दो ०—गौतम तिय गति सुरति करि निहं परसित पग पानि । मन बिहसे रघुबंसमिन प्रीति अलौकिक जानि ॥२६५॥

तब सिय देखि भूप अभिलाषे। क्रर कपूत मृह मन माखे।। उठि उठि पहिरि सनाह अभागे। जह तह गाल बजावन लागे।। लेहु छड़ाइ सीय कह कोऊ। धरि बाँधहु नृप बालक दोऊ।। तोरें धनुषु चाड़ नहिं सर्ग्द्र। जीवत हमिह कुअँरि को बर्ग्द्र।। जौं बिदेहु कछु करें सहाई। जीतहु समर सहित दोउ भाई।। साधु भूप बोले सुनि बानी। राजसमाजहि लाज लजानी।।

बल्छ प्रतापु बीरता बड़ाई। नाक पिनाकहि संग सिधाई।। सोइ सरता कि अब कहुँ पाई। असि बुधि तौ विधिग्रहँ मसि लाई

दो ०-देखहु रामहि नयन भरि तिज इरिया मदु कोहु।

ललन रोषु पावकु प्रबल जानि सलम जिन होहु ॥२६६॥
बैनतेय बिल जिमि चह कागू । जिमि ससु चहै नाग अरि भागू ।।
जिमि चह कुसल अकारन कोही । सब संपदा चहै सिवद्रोही ।।
लोभी लोलुप कल कीरति चहई । अकलंकता कि कामी लहई ।।
हिर पद विम्रुल परम गित चाहा । तस तुम्हार लालचु नरनाहा।।
कोलाहल सुनि सीय सकानी । सखीं लवाइ गइ जहँ रानी ।।
राम्रु सुभायँ चले गुरु पाहीं । सिय सनेहु बरनत मन माहीं ।।
रानिन्ह सहित सोचबस सीया । अब धौं विधिहि काह करनीया।।
भूप बचन सुनि इत उत तकहीं । लखनु राम डर बोलिन सकहीं।।

दो०—अरुन नयन भृकुटी कुटिल चितवत नृपन्ह सकोप। मनहुँ मत्त गजगन निरिष सिंघिकसोरिह चोप॥२६७॥

स्वरभरु देखि विकाल पुर नारीं । सब मिलि देहिं महीपन्ह गारीं ।।
तेहिं अवसर सुनि सिवधनु भंगा। आयउ भृगुकुल कमल पतंगा।।
देखि महीप सकल सकुचाने । बाज झपट जनु लवा लुकाने ।।
गौरि सरीर भृति भल भ्राजा। भाल बिसाल त्रिपुंड बिराजा।।
सीस जटा ससिबदनु सुहावा। रिस बस कल्लक अरुन होइ आवा।।
भृकुटी कुटिल नयन रिस राते। सहजहुँ चितवत मनहुँ रिसाते।।
मृष्क्य कंथ उर बाहु बिसाला। चारु जनेउ माल मृगलाला।।

#### कटि मुनिबसन तून दुइ बाँघें। धनु सर कर कुठारु कल काँघें।।

दो ०-सांत बेषु करनी कठिन बरनि न जाइ सरूप। धरि मुनि तनु जनु बीर रसु आयउ जहँ सब भूप॥२६८॥

देखत भृगुपित बेषु कराला। उठे सकल भय विकल भ्रुआला। । पितु समेत किंद किंदि निज नामा। लगे करन सब दंड प्रनामा।। जेहि सुभाय चितवहिं हितु जानी। सो जानइ जनु आइ खुटानी।। जनक बहोरि आइ सिरु नावा। सीय बोलाइ प्रनामु करावा।। आसिप दीन्हि सखीं हरषानीं। निज समाज लें गई सयानीं।। बिखामित्रु मिले पुनि आई। पद सरोज मेले दोउ भाई।। रामु लखनु दसरथ के ढोटा। दीन्हि असीस देखि भल जोटा।। रामहि चितइ रहे थिक लोचन। रूप अपार मार मद मोचन।।

दो ० – बहुरि बिलोकि बिदेह सन कहहु काह अति भीर। पूँछत जानि अजान जिमि ब्यापेउ कोपु सरीर॥२६९॥

समाचार किह जनक सुनाए। जेहि कारन महीप सब आए।।
सुनत बचन फिरि अनत निहारे। देखे चापखंड मिह डारे।।
अति रिस बोले बचन कठोरा। कहु जड़ जनक धनुष के तोरा।।
बेगि देखाउ मूढ़ न त आजू। उलटउँ मिह जहँ लहि तब राजू।।
अति डरु उतरु देत नृषु नाहीं। क्विटिल भूप हरषे मन माहीं।।
सुर मुनि नाग नगर नर नारी। सोचिह सकल त्रास उर भारी।।
मन पिलताति सीय महतारी। बिधि अब सँबरी बात बिगारी।।
भृगुपित कर सुभाउ सुनि सीता। अरध निमेष कलप सम बीता।।

दो ०—सभय बिलोके लोग सब जानि जानकी भीरु। हृदयँ न हरषु बिषादु कछु बोले श्रीरघुबीरु ॥२७०॥

#### मासपारायण, नवाँ विश्राम

नाथ संग्रुधनु मंजनिहारा । होइहि केउ एक दास तुम्हारा ॥ आयसु काह कहिअ किन मोही । सुनि रिसाइ बोले ग्रुनि कोही ॥ सेवकु सो जो करें सेवकाई । अरि करनी करि करिअ लराई ॥ सुनहु राम जेहिं सिवधनु तोरा । सहसबाहु सम सो रिप्र मोरा ॥ सो बिजगाउ बिहाइ समाजा । न त मारे जैहिंह सब राजा ॥ सुनि ग्रुनि बचन लखन ग्रुसुकाने । बोले परसुधरिह अपमाने ॥ बहु धनुहीं तोरीं लरिकाई । कबहुँ न असि रिस कीन्हि गोसाई ॥ एहि धनु पर ममता केहि हेतू । सुनि रिसाइ कह भृगुकुलकेत् ॥

दो०—रे नृप बालक काल बस बोलत तोहि न सँभार। धनुही सम तिपुरारि धनु बिदित सकल संसार॥२७१॥

लखन कहा हँसि हमरें जाना । सुनहु देव सब धनुष समाना ।। का छति लाग्न जून धनु तोरें । देखा राम नयन के भोरें ।। छुअत टूट रघुपतिहु न दोस् । मुनि बिनुकाज करिअ कत रोस्न।। बोले चित्र परसु की ओरा । रे सठ सुनेहि सुभाउ न मोरा ।। बालकु बोलि बधउँ नहिं तोही । केवल मुनि जड़ जानहि मोही ।। बाल ब्रह्मचारी अति कोही । बिस्व बिदित छित्रियकुल द्रोही ।। भुजबल भूमि भूप बिनु कीन्ही । बिपुल बार महिदेवन्ह दीन्ही ।। सहसबाहु भुज छेदनिहारा । परसु बिलोकु महीपकुमारा ।। दो ०—मातु पितिहि जिन सोचबस करिस महीसिकसोर। गर्भन्ह के अर्भक दलन परसु मोर अति घोर ॥२७२॥

बिहसि लखनु बोले मृदु बानी । अहो मुनीसु महा भटमानी ॥
पुनि पुनि मोहि देखाव कुठारू । चहत उड़ावन फूँकि पहारू ॥
इहाँ कुम्हड़बतिया कोउ नाहीं । जे तरजनी देखि मिर जाहीं ॥
देखि कुठारु सरासन बाना । मैंकछु कहा सहित अभिमाना॥
भृगुसुत सम्रुझ जनेउ बिलोकी । जो कछु कहहु सहउँ रिस रोकी॥
सुर महिसुर हरिजन अरु गाई । हमरें कुल इन्ह पर न सुराई ॥
बधें पापु अपकीरति हारें । मारतहूँ पा परिअ तुम्हारें ॥
कोटि कुलिस सम बचनु तुम्हारा । व्यर्थ धरहु धनु बान कुठारा ॥

दो ०—जो बिलोकि अनुचित कहेउँ छमहु महामुनि धीर। सुनि सरोष भृगुबंसमनि बोले गिरा गभीर॥२७३॥

कौसिक सुनहु मंद यहु बालकु। कुटिल कालबस निज कुल घालकु।।
भाजु बंस राकेस कलंकू। निपट निरंकुस अबुध असंकू।।
काल कवलु होइहि छन माहीं। कहउँ पुकारि खोरि मोहि नाहीं।।
तुम्ह हटकहु जौं चहहु उबारा। किह प्रतापु बलु रोषु हमारा।।
लखन कहेउ मुनि सुजसु तुम्हारा। तुम्हि अछत को बरनै पारा।।
अपने गुँह तुम्ह आपनि करनी। बार अनेक भाँति बहु बरनी।।
निहं संतोषु त पुनि कल्ल कहहू। जिन रिस रोकि दुसह दुल सहहू।।
बीरब्रती तुम्ह धीर अछोभा। गारी देत न पावहु सोभा।।

दो०-सूर समर करनी करहिं कहि न जनावहिं आपु। बिद्यमान रन पाइ रिपु कायर कथिहैं प्रतापु॥२७४॥ तुम्ह तो काल हाँक जनु लावा। बार बार मोहि लागि बोलावा।।
सुनत लखन के बचन कठोरा। परसु सुधारि धरेउ कर घोरा।।
अब जिन देइ दोसु मोहि लोगू। कड़बादी बालकु बध जोगू।।
बाल बिलोकि बहुत मैं बाँचा। अब यहु मरिनहार भा साँचा।।
कौसिक कहा छिमिअ अपराधू। बाल दोष गुन गनिहान साधू।।
स्वर कुठार मैं अकरुन कोही। आगें अपराधी गुरुद्रोही।।
उत्तर देत छोड़उँ बिनु मारें। केवल कौसिक सील तुम्हारें।।
न त एहि काटि कुठार कठोरें। गुरहि उरिन होतेउँ अम थोरें।।

दो ०—गाधिसूनु कह हृदयँ हँसि मुनिहि हरिअरइ सूझ। अयमय खाँड़ न ऊखमय अजहुँ न बूझ अबूझ ॥२७५॥

कहेउ लखन मुनि सील तुम्हारा। को नहिं जान विदित संसारा।।
माता पितहि उरिन भए नीकें। गुर रिनु रहा सोचु बड़ जीकें।।
सो जनु हमरेहि माथे काढ़ा। दिन चलि गए ब्याज बड़ बाढ़ा।।
अब आनिअ ब्यवहरिआ बोली। तुरत देउँ मैं थैली खोली।।
सुनि कडु बचन कुठार सुधारा। हाय हाय सब सभा पुकारा।।
भृगुवर परसु देखावहु मोही। विप्र विचारि बचउँ नृपद्रोही।।
मिले न कवहुँ सुंभट रन गाड़े। दिज देवता घरहि के बाढ़े।।
अनुचित कहि सब लोग पुकारे। रघुपति सयनहिंलखनु नेवारे।।

दो०—लखन उतर आहुति सरिस भृगुबर कोपु क्रसानु । बढ़त देखि जल सम बचन बोले रघुकुल भानु ॥२७६॥

नाथ करहु बालक पर छोहू। स्रथ द्धमुख करिश्र न कोहू।। जौं पै प्रभु प्रभाउ कछु जाना। तौ कि बराबरि करत अयाना।। जौं लिरका कछु अचगिर करहीं। गुर पितु मातु मोद मन भरहीं। किर अ कृपा सिसु सेवक जानी। तुम्ह सम सील धीर मुनिग्यानी।। राम बचन सुनि कछुक जुड़ाने। किह कछु लखनु बहुरि मुसुकाने हँसत देखि नख सिख रिस ब्यापी। राम तोर आता बड़ पापी।। गौर सरीर स्थाम मन माहीं। कालकूटमुख पयमुख नाहीं।। सहज टेड़ अनुहरइ न तोही। नीचु मीचु सम देख न मोही।। दो०—लखन कहेउ हँसि सुनहु मुनि कोषु पाप कर मूल।

जेहि बस जन अनुचित करहिं चरहिं बिस्व प्रतिक्ल ॥२७७॥
मैं तुम्हार अनुचर मुनिराया। परिहरिकोषु करि अ अब दाया।।
टूट चाप निहं जुरिहि रिसाने। बैठिअ होइहिं पाय पिराने।।
जों अति प्रियतो करिअ उपाई। जोरिअ कोउ बड़ गुनी बोलाई॥
बोलत लखनहिं जनकु डेराहीं। मष्ट करहु अनुचित भल नाहीं॥
थर थर काँपहिं पुर नर नारी। छोट कुमार खोट बड़ भारी।।
मृगुपित सुनि सुनि निर्भय बानी। रिस तन जरइ होइ बल हानी।।
बोले रामहि देइ निहोरा। बचउँ बिचारि बंघु लघु तोरा।।
मनु मलीन तनु सुंदर कैसें। बिष रस भरा कनक घटु जेसें।।
दो०—सुनि लिछमन बिहसे बहुरि नयन तरेरे राम।

गुर समीप गवने सकुचि परिहरि बानी बाम ॥ २७८॥ अति बिनीत मृदु सीतल बानी । बोले रामु जोरि जुग पानी ।। सुनहु नाथ तुम्ह सहज सुजाना। बालक बचनु करिअ नहिं काना।। बररे बालकु एकु सुभाऊ । इन्हहि न संत बिद्षहिं काऊ ।। तेहिं नाहीं कल्ल काज बिगारा। अपराधी मैं नाथ तुम्हारा ।।

कृपा कोषु बघु बँधव गोसाई। मो पर किराअ दास की नाई।। किहिअ बेगि जेहि विधि रिस जाई। मुनिनायक सोइ करौं उपाई।। कह मुनि राम जाइ रिस कैसें। अजहुँ अनुज तब चितव अनैसें।। एहि कें कंठ कुठारु न दीन्हा। तो मैं काह कोषु किर कीन्हा।। दो०—गर्भ स्रविहं अवनिप रविन सुनि कुठार गति घोर।

परसु अछत देखउँ जिअत बैरी भूपिकसोर ॥ २७९॥

बहइ न हाथु दहइ रिस छाती। भा कुठारु कुंठित नृपघाती। भ भयउ वाम विधि फिरेउसुभाऊ। मोरे हृद्यँ कृपा किस काऊ। भ आजु दया दुखु दुसह सहावा। सुनि सौमित्रि बिहसि सिरु नावा बाउ कृपा मूरति अनुकूला। बोलत बचन झरत जनु फूला। भ जौं पे कृपाँ जरिहिं सुनि गाता। क्रोध भएँ तनु राख विधाता। । देखु जनक हिठ वालकु एहू। कीन्ह चहत जड़ जमपुर गेहू।। बेगि करहु किन आँखिन्ह ओटा। देखत छोट खोट नृप ढोटा।। बिहसे लखनु कहा मन माहीं। मूदें आँखि कतहुँ कोउ नाहीं।।

दो०-परसुरामु तब राम प्रति बोले उर अति कोघु।

संभु सरासनु तोरि सठ करिस हमार प्रवोधु ॥ २८०॥

बंधु कहइ कटु संमत तोरें। तू छल बिनय करिस कर जोरें।। करु परितोषु मोर संग्रामा। नाहिंत छाड़ कहाउब रामा।। छलु तिज करिह समरु सिवद्रोही। बंधु सहित न त मारउँ तोही।। भगुपति बकिं कुठार उठाएँ। मन ग्रुसुकािंह राग्नु सिर नाएँ॥ गुनह लखन कर हम पर रोष्ट्र। कतहुँ सुधाइहु ते बड़ दोष्ट्र।। टेढ़ जानि सब बंदइ काहू। बक्र चंद्रमहि ग्रसइ न राहू।। राम कहेउ रिस तजिअ मुनीसा । कर कुठारु आगें यह सीसा ॥ जेहिं रिस जाइ करिअ सोइ खामी। मोहि जानिअ आपन अनुगामी दो ०-प्रमुहि सेवकहि समरु कस तजहु विप्रवर रोसु ।

बेषु बिलोकें कहेसि कछु बालकह निहं दोसु ॥२८१॥
देखि कुठार बान धनु धारी। में लिरकहि रिस बीरु बिचारी।।
नामु जान पे तुम्हि न चीन्हा। बंस सुभायँ उत्तरु तेहिं दीन्हा।।
जौं तुम्ह औते हु मुनि की नाई। पद र ज सिर सिसु धरत गोमाई।।
छमहु चूक अनजानत केरी। चिहुअ बिप्र उर कृपा घनेरी।।
हमिह तुम्हि सिरबिर किस नाथा। कहहु न कहाँ चरन कहँ माथा।।
राम मात्र लघु नाम हमारा। परसु सिहत बड़ नाम तोहारा।।
देव एकु गुनु धनुष हमारें। नव गुन परम पुनीत तुम्हारें।।
सब प्रकार हम तुम्ह सन हारे। छमहु बिप्र अपराध हमारे।।
दो ०-बार बार मुनि बिप्र बर कहा राम सन राम।

बोले भृगुपित सरुष हिस तहूँ बंधु सम बाम ॥ २८२॥ निपटिह द्विज किर जानिह मोही। मैं जस बिप्र सुनावउँ तोही।। चाप स्वा सर आहुति जानु। कोषु मोर अति घोर कुसानु॥ सिमिधि सेन चतुरंग सुहाई। महा महीप भए पसु आई॥ मैंएहिं परसु काटि बलि दीन्हे। समर जग्य जप कोटिन्ह कीन्हे।। मोर प्रभाउ विदित निहं तोरें। बोलिस निदिर बिप्र के भोरें।। मंजेउ चाषु दाषु बड़ बाढ़ा। अहमिति मनहुँ जीति जगुठाढ़ा राम कहा सुनि कहहु विचारी। रिस अति बड़ि लघु चूक हमारी।। छुअतिह टूट पिनाक पुराना। मैं केहि हेतु करीं अभिमाना।।

दो ०--जौ हम निदरिह बिप्र बिद सत्य सुनहु भृगुनाथ।

तौ अस को जग सुभटु जेहि भय बस नाविह माथ ॥ २८३॥ देव दनुज भूपित भट नाना। समबल अधिक होउ बलवाना।। जौं रन हमिह पचार कोऊ। लरिह सुखेन काल िकन होऊ।। छित्र अ तनु धिर समर सकाना। कुल कलंक तेहि पावँर आना।। कहउँ सुभाउन कुलिह प्रसंसी। कालहु डरिह न रन रघुवंसी।। बिप्र बंस के असि प्रभुताई। अभय होइ जो तुम्हिह डेराई।। सुनि मृदु गृह बचन रघुपित के। उघरे पटल परसुधर मित के।। राम रमापित कर धनु लेहू। सैंचहु मिटे मोर संदेहू।। देत चापु आपुहिं चिल गयऊ। परसुराम मन विसमय भयऊ।।

दो०—जाना राम प्रभाउ तब पुलक प्रफुल्लित गात। जोरि पानि बोले बचन हृदयँ न प्रेम् अमात॥२८४॥

जय रघुवंस बनज बन भान् । गहन दनुज कुल दहन कुसान् ॥ जय सुर बिप्र घेनु हितकारी । जय मद मोह कोह भ्रम हारी ॥ बिनय सील करुना गुन सागर।जयित बचन रचना अति नागर॥ सेवक सुखद सुभूग सब अंगा । जय सरीर छिब कोटि अनंगा ॥ करौं काह मुख एक प्रसंसा। जय महेस मन मानस हंसा ॥ अनुचित बहुत कहेउँ अग्याता। छमहु छमामंदिर दोउ भ्राता ॥ कहि जय जय रघुकुलकेत् । भृगुपति गए बनहि तप हेत् ॥ अपभयँ कुटिल महीप डेराने। जह तह कायर गवँहि पराने ॥

दो ०—देवन्ह दीन्हीं दुंदुभी प्रभु पर बरषिहें फूल ।

· हरषे पुर नर नारि सब मिटी मोहमय सूल ॥ २८५॥

अति गहगहे नाजने नाजे। सन्दिं मनोहर मंगल साजे।। ज्रथ ज्रथ मिलि सुमृश्वि सुनयनीं। करिं गान कल को किलनयनीं।। सुखु बिदेह कर वरिन न जाई। जन्म दिरद्र मनहुँ निधि पाई।। बिगत त्रास भई सीय सुलारी। जनु विधु उद्यँ चकोरकुमारी।। जनक कीन्ह कौ सिकिह प्रनामा। प्रभु प्रसाद धनु मंजेउ रामा।। मोहि कृतकृत्य कीन्ह दुहुँ भाई। अन जो उचित सो किह अगोसाई कह मुनि सुनु नरनाथ प्रनीना। रहा निवाह चाप आधीना।। टूटतहीं धनु भयउ निवाह । सुर नर नाग निदित सन काहू।।

दो ०—तदपि जाइ तुम्ह करहु अब जथा बंस ब्यवहारु । बूझि बिप्र कुलवृद्ध गुर बेद बिदित आचारु ॥२८६॥

द्त अवधपुर पठवहु जाई। आनिह नृपदसरथिह बोलाई।।
मुदित राउ कि भलेहिं कृपाला। पठए द्त बोलि तेहि काला।।
बहुरि महाजन सकल बोलाए। आइसबन्हि सादरिसर नाए।।
हाट बाट मंदिर सुरवासा। नगरु सँवारहु चारिहुँ पासा।।
हरिष चले निज निज गृह आए। पुनि परिचारक बोलि पठाए।।
रचहु विचित्र वितान बनाई। सिरधिर बचन चले सचु पाई।।
पठए बोलि गुनी तिन्ह नाना। जे बितान विधि कुसल सुजाना।।
विधिह बंदि तिन्ह कीन्ह अरंभा। बिरचे कनक कदिल के खंभा।।

दो ०-हरित मनिन्ह के पत्र फल पदुम राग के फूल।
रचना देखि बिचित्र अति मनु बिरंचि कर भूल॥२८७॥
बेनु हरित मनिमय सब कीन्हे। सरल सपरब परहिं नहिं चीन्हे॥
कनक कलित अहिबेलि बनाई। लखि नहिं परइ सपरन सुहाई॥

तेहिं के रिच पिच बंध बनाए। बिच बिच मुकुता दाम सुहाए।। मानिक मरकत कुलिस पिरोजा। चीरि कारि पिच रचे सरोजा।। किए भृंग बहुरंग बिहंगा। गुंजिहिं कूजिहं पवन प्रसंगा।। सुर प्रतिमा खंभन गढ़ि काढ़ीं। मंगल द्रब्य लिए सब ठाढ़ीं।। चौकें भाँति अनेक पुराईं। सिंधुर मनिमय सहज सुहाईं।।

दो०—सौरभ पल्लव सुभग सुठि किए नीलमिन कोरि। हेम बौर मरकत घवरि लसत पाटमय डोरि॥२८८॥

रचे रुचिर बर बंदनिवारे। मनहुँ मनोभवँ फंद सँवारे।।
मंगल कलस अनेक बनाए। घ्वज पताक पट चमर सुहाए।।
दीप मनोहर मनिमय नाना। जाइ न बरिन बिचित्र विताना।।
जेहिं मंडप दुलहिनि बंदेही। सो बरने असि मित किब केही।।
दूलहु राम्र रूप गुन सागर। सो बितानु तिहुँ लोक उजागर।।
जनक भवन के सोभा जंसी। गृह गृह प्रतिपुर देखि अतेसी।।
जेहिं तेरहुति तेहि समय निहारी। तेहि लघु लगहिं भ्रवन दस चारी
जो संपदा नीच गृह सोहा। सो विलोकि मुरनायक मोहा।।

दो ०—बसइ नक्स जहिं लच्छि करि कपट नारि वर वेषु । तेहि पुर कै सोमा कहत सक्चिहं सारद सेषु ॥२८९॥

पहुँचे द्त राम पुर पावन । हरषे नगर विलोकि सुहावन ।। भूप द्वार तिन्ह खबरि जनाई । दसरथ नृपसुनि लिए बोलाई ॥ करिप्रनामु तिन्ह पाती दीन्दी । मुदित महीप आपु उठि लीन्ही ॥ बारि विलोचन वाँचत पाती । पुलक गात आई भरि छाती ॥ रामु लखनु उर कर बर चीठी । रहि गए कहत न खाटी मीठी ॥ पुनि धरि धीर पत्रिका बाँची । हरषी सभा बात सुनि साँची ॥ खेळत रहे तहाँ सुधि पाई । आए भरतु सहित हित भाई ॥ पूछत अति सनेहँ सकुचाई । तात कहाँ तें पाती आई ॥

दो ० — कुसल प्रान प्रिय वंधु दो उ अहिं कहि केहि देस ।
सुनि सनेह साने वचन वाची बहुरि नरेस ॥ २९०॥
सुनि पाती पुलके दो उभ्राता । अधिक सनेहु समात न गाता ॥
प्रीति पुनीत भरत के देखी । सकल सभाँ सुखु लहे उ विसेषी॥
तब नृप दृत निकट बैठारे । मधुर मनोहर वचन उचारे ॥
मैं आ कहहु कुसल दो उ वारे । तुम्ह नीकें निज नयन निहारे ॥
स्थामल गौर धरें धनु भाथा । वयकिसोर कौसिक मुनिसाथा॥

जा दिन तें मुनि गए लगई। तब तें आज साँचि सुधि पाई।। कहहु विदेह कत्रन बिधि जाने। सुनि प्रिय बचन दूत मुसुकाने।। दो ०—सुनहु महीपित मुकुट मिन तुम्ह सम धन्य न कोउ। रामु लखनु जिन्ह के तनय बिस्व बिमूषन दोउ॥२९१॥

पहिचानहु तुम्ह कहहु सुभाऊ । प्रेम विवस पुनि पुनि कह राऊ ॥

पूछन जोगु न तनय तुम्हारे । पुरुषसिंघ तिहु पुर उजिआरे ।। जिन्ह के जस प्रताप कें आगे । सिस मलीन रिव सीतल लागे ।। तिन्ह कहँ किह अ नाथ किमि चीन्हे।देखिअ रिव कि दीप कर लीन्हे सीय खयंबर भूप अनेका । सिमटे सुभट एक तें एका ।। संधु सरासनु काहुँ न टारा । हारे सकल बीर बरिआरा ।। तीनि लोक महँ जे भटमानी । सभ के सकित संधुधनु भानी ।। सकह उठाइ सरासुर मेक । सोउ हियँ हारि गयउ किर फेक ।।

# जेहिं कौतुक सिव सैंख उठावा । सोउ तेहि सभाँ पराभउ पावा ॥

दोo—तहाँ राम रघुबंस मिन सुनिअ महा मिहपाल । भंजेउ चाप प्रयास बिनु जिमि गज पंकज नाल ॥२९२॥

सुनि सरोष भृगुनायक आए। बहुत भाँति तिन्ह आँति देखाए।। देखि राम बलु निज धनु दीन्हा। किर बहु बिनय गवनु बन कीन्हा राजन राम्रु अतुलबल जंसें। तेज निधान लखनु पुनि तैसें।। कंपिहें भूप बिलोकत जाकें। जिमि गज हिर किसोर केताकें।। देव देखि तव बालक दोऊ। अब न आँखि तर आवत कोऊ।। दृत बचन रचना प्रिय लागी। प्रेम प्रताप बीर रस पागी।। सभा समेत राउ अनुरागे। दृतन्ह देन निछाविर लागे।। कहि अनीति ते मृदहिं काना। धरम्र बिचारि सबहिं सुखु माना।।

दो ०—तब उठि भूप बसिष्ट कहुँ दीन्हि पत्रिका जाइ। कथा सुनाई गुरहि सब सादर दूत बोलाइ॥२९३॥

सुनि बोले गुर अति सुखु पाई । पुन्य पुरुष कहुँ महि सुख छाई ।। जिम सरिता सामार महुँ जाहीं । जद्यपि ताहि कामना नाहीं ।। तिमि सुख संपति बिनहिं बोलाएँ। धरमसील पहिं जाहिं सुभाएँ ।। तुम्ह गुर बिप्र धेनु सुर सेवी । तिस पुनीत कौसल्या देवी ।। सुकृती तुम्ह समान जग माहीं । भयउ न है कोउ होने उनाहीं ।। तुम्ह ते अधिक पुन्य बड़ कार्के । राजन राम सरिस सुत जाकें ।। बीर बिनीत धरम ब्रत धारी । गुन सागर बर बालक चारी ।। तुम्ह कहुँ सर्ब काल कल्याना । सजहु बरात बजाइ निसाना ।।

दो ०-चलहु बेगि सुनि गुर बचन भलेहिं नाथ सिरु नाइ ।

भूपित गवने भवन तब दूतन्ह बासु देवाइ ॥ २९४॥ राजा सबु रिनवास बोलाई। जनक पित्रका बाचि सुनाई।। सुनि संदेसु सकल हरषानीं। अपर कथा सब भूप बखानीं।। प्रेम प्रफुल्लित राजिह रानी। मनहुँ सिखिनि सुनि बारिद बानी सुदित असीस देहिं गुर नारीं। अति आनंद मगन महतारीं।। लेहिं परस्पर अति प्रिय पाती। हृदयँ लगाइ जुड़ाविहं छाती।। राम लखन के कीरित करनी। बारिहं बार भूप बर बरनी।। सुनि प्रसाद कहि द्वार सिधाए। रानिन्ह तब महिदेव बोलाए।। दिए दान आनंद समेता। चले विप्रबर आसिष देता।। सो ०—जाचक लिए हँकारि दीन्ह निछावरि कोटि विधि।

चिरु जीवहुँ सुत चारि चकवित दसरत्थ के ॥२९५॥ कहत चले पहिरें पट नाना । हरिष हने गहगहे निसाना ॥ समाचार सब लोगन्ह पाए । लागे घर घर होन बधाए ॥ सुवन चारि दस भरा उछाहू । जनकसुता रघुवीर विअाहू ॥ सुनि सुभ कथा लोग अनुरागे । मग गृह गलीं सँवारन लागे ॥ जद्यपि अवध सदैव सुहाविन । राम पुरी मंगलमय पाविन ॥ तदिपि प्रीति के प्रीति सुहाई । मंगल रचना रची बनाई ॥ ध्वज पताक पट चामर चारू । छावा परम विचित्र बजारू ॥ कनक कलस तोरन मनि जाला। हरद द्व दिध अच्छत माला!।

दो ०—मंगलमय निज निज भवन लोगन्ह रचे बनाइ । बीथीं सींचीं चतुरसम चौकें चारु पुराइ ॥ २९६ ॥ जहँ तहँ ज्रथ ज्रथ मिलि भामिनि।सिज नव सप्त सकल दुति दामिनि बिधुबदनीं मृग सावक लोचिनि। निज सरूप रित मानु बिमोचिनि गाविहं मंगल मंजुल बानीं। सुनि कलरव कलकंठि लजानीं भूप भवन किमि जाइ बखाना। बिख बिमोहन रचेउ बिताना।। मंगल द्रब्य मनोहर नाना। राजत बाजत बिपुल निसाना।। कतहुँ बिरिद बंदी उच्चरहीं। कतहुँ बेद धुनि भूसुर करहीं।। गाविहं सुंदिर मंगल गीता। लै लै नामु रामु अरु सीता।। बहुत उछाहु भवनु अतिथोरा। मानहुँ उमिग चला चहु ओरा।।

दो ०-सोभा दसरथ भवन कइ को कबि बरनै पार ।

जहाँ सकल सुर सीस मिन राम लीन्ह अवतार ॥ २९७॥
भूप भरत पुनि लिए बोलाई । हथ गय स्यंदन साजहु जाई ॥
चलहु बेगि रघुवीर बराता । सुनत पुलकपूरे दोउ भ्राता ॥
भरत सकल साहनी बोलाए । आयसु दीन्ह मुदित उठिधाए॥
रचि रुचिजीन तुरग तिन्ह साजे। बरन वरन बर बाजि बिराजे ॥
सुभग सकल सुठि चंचल करनी। अय इव जरत धरत पग धरनी॥
नाना जाति न जार्हि बखाने । निद्रि पवनु जनु चहत उड़ाने॥
तिन्ह सब छयल भए असवारा। भरत सरिस बय राजकुमारा ॥
सब सुंदर सब भूषन धारी । कर सर चाप तून किट भारी ॥
दो ०-छरे छवीले छयल सव सूर सुजान नवीन ।

जुग पदचर असवार प्रति जे असिकला प्रवीन ॥ २९८॥ बाँधें विरद बीर रन गाढ़े। निकसि भए पुर वाहेर ठाढ़े॥ फेरहिं चतुर तुरग गति नाना। हरपहिं सुनि सुनि पनव निसाना॥ रथ सारथिन्ह विचित्र बनाए । ध्वज पताक मिन भूषन लाए ।। चँवर चारु किंकिनि धुनि करहीं। भानु जान सोभा अपहरहीं ।। सावँकरन अगनित हय होते । ते तिन्ह रथन्ह सारथिन्ह जोते।। सुंदर सकल अलंकृत सोहे । जिन्हिह बिलोकत मुनि मन मोहे जे जल चलहिं थलहि की नाई । टाप न वृड़ बेग अधिकाई ।। अस्र सस्र सबु साजु बनाई । रथी सारथिन्ह लिए बोलाई ।। दो ० —चिं चिं रथ याहेर नगर लागी जुरन बरात ।

होत सगुन सुंदर सविह जो जेहि कारज जात ॥ २९९ ॥ किलत करिवरिन्ह परीं अँबारीं। किहिन जािंह जेहि भाँति सँवारीं चल्छे मत्त गज घंट विराजी। मनहुँ सुभग सावन घन राजी।। बाहन अपर अनेक विधाना। सिविका सुभग सुखासन जाना तिन्ह चिह चले विप्रवर चंदा। जन्न तनु धरें सकल श्रुति छंदा।। मागध स्त बंदि गुन गायक। चले जान चिह जो जेहि लायक।। वेसर ऊँट चृषभ बहु जाती। चले बस्तु भिर अगिनत भाँती।। कोिटिन्ह काँविर चले कहारा। विविध वस्तु को बरने पारा।। चले सकल सेवक समुदाई। निज निज साज समाज बनाई।। दो०-सब कें उर निर्भर हरपु पूरित पुलक सरीर।

कविं देखिये नयन भिर रामु लखनु दोउ बीर ॥ ३००॥ गरजिं गज घंटा धुनि घोरा। रथ रव बाजि हिंस चहु ओरा।। निदिर घनिह घुम्मेरहिं निसाना। निज पराइक छु सुनिअ न काना महा भीर भूपति के द्वारें। रज होइ जाइ पषान पवारें।। चढ़ी अटारिन्ह देखिं नारीं। लिएँ आरती मंगल थारीं।। गाविह गीत मनोहर नाना । अति आनंद न जाइ बखाना ।। तब सुमंत्र दुइ स्यंदन साजी । जोते रिव इय निंदक बाजी ।। दोउरथ रुचिर भूप पिह आने । निह सारद पिह जाहि बखाने ।। राज समाजु एक रथ साजा । दूसर तेज पुंज अति भ्राजा ।।

दो ०-तेहिं रथ रुचिर वसिष्ठ कहुँ हरिष चढ़ाइ नरेसु ।

आपु चढ़ेउ स्यंदन सुमिरि हर गुर गौरि गनेसु ॥ ३०१॥ सिहत बिसष्ठ सोह नृप कैसें । सुर गुर संग पुरंदर जैसें ।। किरिकुल रीति बेद बिधि राऊ । देखि सबिह सब भाँति बनाऊ ।। सुमिरि राम्र गुर आयसु पाई । चले महीपति संख बजाई ।। हरषे बिबुध बिलोकि बराता । बरषिहं सुमन सुमंगल दाता ।। भयउ कोलाहल हय गय गाजे । ब्योम बरात बाजने बाजे ।। सुर नर नारि सुमंगल गाईं । सरम राग बाजिहं सहनाईं ।। घंट घंटिधुनि बरनि न जाहीं । सरव करिंद पाइक फहराहीं ।। करिंह बिद्षक कीतुक नाना । हास कुसल कल गान सुजाना ।।

दो ०—तुरग नचावहिं कुअँर बर अकनि मृदंग निसान ।

नागर नट चितवहिं चितित डगिह न ताल वैधान ॥ २०२॥ वनइ न वरनत बनी बराता। हो दिं सगुन सुंदर सुभदाता।। चारा चाषु वाम दिसि लेई। मनहुँ सकल मंगल कि देई॥ दाहिन काग सुखेत सुहावा। नकुल दरसु सब का हूँ पावा।। सानुकुल वह त्रिविध वयारी। सघट सवाल आव वर नारी॥ लोवा फिरिफिरि दरसु देखावा। सुरभी सनप्रुग्व सिसुहि पिआवा सुगमाला फिरि दाहिनि आई। मंगल गन जनु दीन्हि देखाई॥

छेमकरी कह छेम बिसेषी। स्थामा बाम सुतरु पर देखी।। सनम्रुख आयउ दिध अरु मीना। कर पुस्तक दुइ बिप्र प्रबीना।।

दो०-मंगलमय कल्यानमय अभिमत फल दातार।

जनु सब साचे होन हित भए सगुन एक बार ॥ ३०३॥
मंगल सगुन सुगम सब ताकें। सगुन ब्रह्म सुंदर सुत जाकें।।
राम सिरस बरु दुलहिनि सीता। समधी दसरथु जनकु पुनीता।।
सुनि अस ब्याहु सगुन सब नाचे। अब कीन्हे बिरंचि हम साँचे।।
एहि बिधि कीन्ह बरात पयाना। हय गय गाजहिं हने निसाना।।
आवत जानि भानुकुल केतू। सिरतिन्ह जनक बँधाए सेतू।।
बीच बीच बर बास बनाए। सुरपुर सिरस संपदा छाए।।
असन सयन बर बसन सुहाए। पावहिं सब निज निज मन भाए।।
नित नृतन सुखलिव अनुकूले। सकल बरातिन्ह मंदिर भूले।।

दो ०—आवत जानि वरात वर सुनि गहगहे निसान । सुजि गज रथ पदचर तुरग लेन चले अगवान ॥ ३०४॥

### मासपारायण, दसवाँ विश्राम

कनक कलस भिर कोपर थारा। भाजन लिलत अनेक प्रकारा।।
भरे सुधासम सब पकवाने। नाना भाँति न जाहिं बखाने।।
फल अनेक बर बस्तु सुहाई। हरिष भेंट हित भूप पठाई।।
भूषन बसन महामिन नाना। खग मृग हय गय बहुबिधि जाना
मंगल सगुन सुगंध सुहाए। बहुत भाँति महिपाल पठाए।।
दिधि चिउरा उपहार अपारा। भिर भिर काँविर चले कहारा।।

अगवानन्ह जब दीखि बराता। उर आनंदु पुलक भर गाता।। देखि बनाव सहित अगवाना। मुदित बरातिन्ह हने निसाना।।

दो ०—हरिष परसपर मिलन हित कछुक चले बगमेल ।

जनु आनंद समुद्र दुइ मिलत बिहाइ सुबेल ॥ २०५॥ बरिष सुमन सुर सुंदिर गाविहें। सुदित देव दुदुंभीं बजाविहें।। बस्तु सकल राखीं नृप आगें। बिनय कीन्हि तिन्ह अति अनुरागें प्रेम समेत रायँ सबु लीन्हा। भै बकसीस जाचकिन्ह दीन्हा।। किर पूजा मान्यता बड़ाई। जनवासे कहुँ चले लवाई।। बसन बिचित्र पाँवड़े परहीं। देखि धनदु धन मदुपरिहरहीं।। अति सुंदर दीन्हेउ जनवासा। जहँ सब कहुँ सब भाँति सुपासा।। जानी सियँ बरात पुर आई। कल्ल निज महिमा प्रगटि जनाई।। हृदयँ सुमिरि सब सिद्धि बोलाई। भूप पहुनई करन पठाई।।

दो ०-सिधि सब सिय आयसु अक्तनि गईं जहाँ जनवास ।

लिएँ संपदा सकल सुल सुरपुर भोग विलास ॥ २०६॥ निज निज वास बि्लोकि बराती। सुरसुख सकल सुलभ सब भाँती बिभव भेद कछ कोउ न जाना । सकल जनक कर करिं बखाना॥ सिय महिमा रघुनायक जानी । हरषे हदयँ हेतु पिहचानी ॥ पितु आगमज सुनत दोउ भाई । हदयँ न अति आनंदु अमाई ॥ सकुचन्ह कि न सकत गुरुपाहीं। पितु दरसन लालचु मन माहीं॥ बिखामित्र बिनय विड़ देखी । उपजा उर संतोषु विसेषी ॥ हरिष बंधु दोउ हदयँ लगाए । पुलक अंग अंबक जल छाए ॥ चले जहाँ दसरथु जनवासे । मनहुँ सरोबर तकेउ पिआसे ॥

दो ०-भूप बिलोके जबहिं मुनि आवत सुतन्ह समेत ।

उठे हरिष सुलसिंधु महुँ चले थाह सी लेत ॥ ३००॥

मुनिहि दंडवत कीन्ह महीसा। बार बार पद रज धिर सीसा ।।
कौसिक राउ लिए उर लाई। किह असीस पूछी कुसलाई।।
पुनि दंडवत करत दोउ भाई। देखिनृपित उर सुखुन समाई।।
सुत हियँ लाइ दुसह दुख मेटे। मृतक सरीर प्रान जनु मेंटे।।
पुनि बसिष्ठ पद सिर तिन्ह नाए।प्रेम मुदित मुनिबर उर लाए।।
बिप्र बृंद बंदे दुहुँ भाई। मनभावती असीसें पाई।।
भरत सहानुज कीन्ह प्रनामा। लिए उठाइ लाइ उर रामा।।
हरषे लखन देखि दोउ श्राता। मिले प्रेम परिपूरित गाता।।
दो०-पुरजन परिजन जातिजन जाचक मंत्री मीत।

मिले जथाविधि सबिह प्रमु परम कृपाल बिनीत ॥ ३०८॥ रामिह देखि बरात जुड़ानी । प्रीति कि रीति न जाति बखानी॥ नृप समीप सोहिंह सुत चारी । जनु धन धरमादिक तनुधारी ॥ सुतन्ह समेत दसरथिह देखी । दित नगर नर नारिबिसेषी ॥ सुमन बरिसि सुर हनिहं निसाना। नाकनटीं नाचिहं करि गाना ॥ सतानंद अरु बिप्र सचिव गन । मागध सत बिदुष बंदीजन ॥ सिहत बरात राउ सनमाना । आयसु मागि किरे अगवाना ॥ प्रथम बरात लगन तें आई । तातें पुर प्रमोदु अधिकाई ॥ ब्रह्मानंदु लोग सब लहहीं। बढ़हुँ दिवस निसि बिधि सनकहहीं दो० – रामु सीय सोभा अविध सुकृत अविध दोउ राज ।

बहँ तहँ पुरजन कहिहं अस मिलि नर नारि समाज ॥ ३०९॥

जनक सुकृत मूरित बेंदेही। दसरथ सुकृत राम्रु धरें देही।।
इन्ह समकाउँ न सिव अवराधे। काहुँ न इन्ह समान फल लाघे।।
इन्ह समकाउ न भयउ जग माहीं। हे नहिं कतहूँ होनेउ नाहीं।।
हम सब सकल सुकृत के रासी। भए जग जनिम जनकपुर बासी।।
जिन्ह जानकी रामछिब देखी। को सुकृती हम सिरस बिसेषी।।
पुनि देखब रघुबीर बिआहू। लेब भली बिधि लोचन लाहू।।
कहिं परसपर कोकिलबयनीं। एहि बिआहँ बढ़ लाग्नु सुनयनीं।।
बढ़ें भाग बिधि बात बनाई। नयन अतिथि होइहिं दोउ भाई।।
दो०-बारिं वार सनेह बस जनक बोलाउब सीय।

लेन आइहिं बंधु दोउ कोटि काम कमनीय ॥ ३१०॥ विविध भाँति होइहि पहुनाई। प्रिय न काहि अस सासुर माई ॥ तबतवराम लखनहि निहारी। होइहिं सब पुर लोग सुखारी ॥ सिख जस राम लखन कर जोटा। तैसेइ भूप संग दुइ ढोटा ॥ साम गौर सब अंग सुहाए। ते सब कहिं देखि जे आए ॥ कहा एक मैं आजु निहारे। जनु विरंचि निज हाथ सँवारे॥ भरतु रामही की अनुहारी। सहसा लखिन सकिहं नर नारी॥ लखनु सनुसदनु एकरूपा। नखिसख ते सब अंग अनुपा। मन भावहिं सुख वरनि न जाहीं। उपमा कहुँ त्रिभुवन को नाहीं॥

छं०—उपमा न कोउ कह दास तुलसी कतहुँ किव कोबिद कहैं । बल बिनय बिद्या सील सोभा सिंधु इन्ह से एइ अहैं ॥ पुर नारि सकल पसारि अंचल बिधिहि बचन सुनावहीं । ब्याह्अहुँ चारिउ भाइ एहिं पुर हम सुमंगल गावहीं ॥ सो०—कहिं परस्पर नारि बारि बिलोचन पुलक तन।

सिव सबु करव पुरारि पुन्य पयोनिधि भूप दोउ ॥३११॥
एहि विधि सकल मनोरथ करहीं। आनँद उमिग उमिग उर भरहीं।।
जे नृप सीय ख्यंबर आए। देखि बंधु सब तिन्ह सुखपाए।।
कहत राम जसु विसद बिसाला। निज निज भवन गए महिपाला।।
गए बीति कछु दिन एहि भाँती। प्रमुदित पुरजन सकल बराती।।
मंगल मूल लगन दिनु आवा। हिम रितु अगहनु मासु सुहावा।।
ग्रह तिथि नखतु जोगु बर बारू।लगन सोधि विधि कीन्ह विचारू।।
पठे दीन्हि नारद सन सोई। गनी जनक के गनकन्ह जोई।।
सुनी सकल लोगन्ह यह बाता। कहिं जोतिषी आहिं विधाता।।
दो ०—धेनुधूरि बेला बिमल सकल सुमंगल मूल।

विश्रन्ह कहेउ विदेह सन जानि सगुन अनुकूल ॥३१२॥

उपरोहितहि कहेउ नरनाहा । अब विलंब कर कारनु काहा ।।
सतानंद तब सचिव बोलाए । मंगल सकल साजि सब ल्याए ।।
संख निसान पनव बहु बाजे । मंगल कलस सगुन सुभ साजे ।।
सुभग सुआसिनि गावहिं गीता। करिं बेद धुनि विष्र पुनीता ।।
लेन चले सादर एहि भाँती । गए जहाँ जनवास बराती ।।
कोसलपति कर देखि समाजू । अति लघु लाग तिन्हिह सुरराजू॥
भयउ समउ अब धारिअ पाऊ । यह सुनि परा निसानिहं घाऊ ॥
गुरहि पूछि करि कुल विधि राजा। चले संग मुनि साधु समाजा ॥
दो ०-भाग्य विभव अवधेस कर देखि देव बहादि ।

लगे सराहन सहस मुख जानि जनम निज बादि ॥३१३॥

सुरन्ह सुमंगल अवसरु जाना। बरपिं सुमन बजाइ निसाना।।
सिव ब्रह्मादिक विबुध वरूथा। चढ़े विमानिन्ह नाना जूथा।।
प्रेम पुलक तन हृद्यँ उछाहू। चले विलोकन राम विआहू।।
देखि जनकपुरु सुर अनुरागे। निज निज लोक सवहिं लघु लागे।।
चितवहिं चिकत विचित्र विताना। रचना सकल अलीकिक नाना।।
नगर नारि नर रूप निधाना। सुघर सुधरम सुसील सुजाना।।
तिन्हहि देखि सब सुर सुरनारीं। भए नखत जनु विघु उजिआरीं।।
विधिहि भयउ आचरजु विसेषी। निज करनी कछु कतहुँ न देखी।।

दो ०—सिवँ समुझाए देव सब जिन आचरज भुलाहु ।

हदयँ विचारह धीर धिर सिय रघुबीर विआह ॥३१४॥
जिन्ह कर नामुलेत जग माहीं। सकल अमंगल मूल नसाहीं।।
करतल होहिं पदारथ चारी। तेइ सिय रामु कहेउ कामारी।।
एहि विधि संग्रु सुरन्ह समुझावा।पुनि आगें बर वसह चलावा।।
देवन्ह देखे दसरथु जाता। महामोद मन पुलकित गाता।।
साधु समाज संग महिदेवा। जनु तनु धरें करिहं सुखसेवा।।
सोहत साथ सुभग सुत चारी। जनु अपवरग सकल तनुधारी।।
मरकत कनक वरन कर जोरी। देखि सुरन्ह भे प्रीति न थोरी।।
पुनि रामहि विलोकि हियँहरषे। नृपहि सराहि सुमन तिन्ह बरषे।।

दो ०-राम रूपु नख सिख सुभग बारिहं बार निहारि ।

पुलक गात लोचन सजल उमा समेत पुरारि ॥३१५॥
केकि कंठ दुति स्थामल अंगा । तिड़त बिनिंदक बसन सुरंगा ॥

ब्याह विभूषन बिविध बनाए। मंगल सब सब भाँति सुद्दाए ॥

सरद विमल विधु वदनु सुहावन । नयन नवल राजीव लजावन ॥
सकल अलौकिक सुंदरताई । किह न जाइ मनहीं मन भाई ॥
बंधु मनोहर सोहिंहं संगा । जात नचावत चपल तुरंगा ॥
राजकुअँर वर वाजि देखाविंहं । बंस प्रसंसक विरिद सुनाविंहं ॥
जेहि तुरंग पर राम्र विराजे। गित विलोकि खगनायकु लाजे॥
कहिन जाइ सब भाँति सुहावा। वाजि वेषु जनु काम बनावा ॥

छं०—जनु वाजि बेषु वनाइ मनसिजु राम हित अति सोहई । आपनें वय बल रूप गुन गति सकल भुवन विमोहई ॥ जगमगत जीनु जराव जोति सुमोति मनि मानिक लगे। क्रिंकिनि ललाम लगामु ललित बिलोकि सुर नर मुनि ठगे॥

दो ०—प्रमु मनसिहं लयलीन मनु चलत बाजि छिब पाव ।

भूषित उड़गन तिड़त घनु जनु बर बरिह नचाव ॥३१६॥ जेहिं बर बाजि राम्र असवारा । तेहि सारदं न बरने पारा ।। संकरु राम रूप अनुरागे । नयन पंचदस अति प्रियलागे ।। हिर हित सहित राम्र जब जोहे । रमा समेत रमापित मोहे ।। निरित्व राम छिवि विधि हरषाने । आठइ नयन जानि पछिताने ।। सुर सेनप उर बहुत उछाहू । विधि ते डेवड़ लोचन लाहू ।। रामिह चितव सुरेस सुजाना । गौतम श्रापु परम हित माना ।। देव सकल सुरपतिहि सिहाहीं । आजु पुरंदर सम कोउ नाहीं ।। मुदित देवगन रामिह देखी । नृपसमाज दुहुँ हरषु विसेषी ।!

छं ०—अति हरषु राजसमाज दुहु दिसि दुंदुभी बाजिहं घनी । वरषिहं सुमन सुर हरिष कहि जय जयित जय रघुकुलमनी॥ एहि भाँति जानि वरात आवत बाजने बहु बाजहीं ।
रानी सुआसिनि बोलि परिछनि हेतु मंगल साजहीं ॥
दो ०—सिज आरती अनेक बिधि मंगल सकल सँवारि ।
चलीं मुदित परिछिनि करन गजगामिनि वर नारि ॥३१७॥
विधुवदनीं सब सब मृगलोचिनि। सब निज तन छिब रित मदु मोचिन
पहिरें बरन बरन बर चीरा। सकल बिभूषन सर्जें सरीरा॥

सकल सुमंगल अंग बनाएँ। करहिंगान कलकंठि लजाएँ।। कंकन किंकिनि न्पूर बाजिहें। चालि बिलोकि काम गजलाजिहें।। बाजिहें बाजने बिबिध प्रकारा। नभ अरु नगर सुमंगलचारा।। सची सारदा रमा भवानी। जे सुरतिय सुचि सहज सयानी।। कपट नारि वर बेष बनाई। मिलीं सकल रनिवासिह जाई।। करहिंगान कल मंगल बानीं। हरष बिबस सब काहुँ न जानीं।।

छं०—को जान केहि आनंद वस सब बह्यु बर परिछन चली । कल गान मधुर निसान बरषिंह सुमन सुर सोभा भली ॥ आनंदकंदु बिलोकि दूलहु सकल हियँ हरषित भई । अंभोज अंवक अंवु उमगि सुअंग पुलकाविल छई ॥ दो०—जो सुखु भा सिय मातु मन देखि राम बर वेपु ।

सो न सकिह कि कलप सत सहस सारदा सेपु ॥३१८॥ नयन नोरु हिट मंगल जानी । परिछिनि करिह मुदित मन रानी॥ बेद बिहित अरु कुल आचारू। कीन्ह भली विधि सब ब्यवहारू॥ पंच सबद धुनि मंगल गाना। पट पाँबड़े परिह बिधि नाना॥ किर आरती अरघु तिन्ह दीन्हा। राम गमनु मंडप तब कीन्हा॥ दसरथु सहित समाज विराजे । विभव वि ओकि लोकपति लाजे ॥ समयँ समयँ सुर वरपिंह फूला । मांति पदृहिं महिसुर अनुकूला ॥ नभ अरु नगर कोलाइल होई । आपिन पर कछु सुनइ न कोई ॥ एहि विधि राम्रु मंडपिंह आए । अरघु देह आसन बैठाए ॥

छं०—बैठारि आसन आरती करि निरित्त बरु सुखु पावहीं। मिन बसन भूषन भूरि वारिहं नारि मंगल गावहीं॥ ब्रह्मादि सुरबर बिप्न बेप बनाइ कौतुक देखहीं। अवलोकि रघुकुल कमल रिब छिब सुफल जीवन लेखहीं॥

दो०—नाऊ बारी भाट नट राम निछावरि पाइ। मुदित असीसिहं नाइ सिर हरषु न हृदयँ समाइ॥३१९॥

मिले जनकु दमरथु अति प्रीतीं। किर वैदिक लाकिक सब रीतीं।।
मिलत महा दोउ राज विराजे। उपमा खोजि खांजिक विलाजे।।
लही न कतहुँ हारि हियँ मानी। इन्ह सम एइ उपमा उर आनी।।
सामध देखि देव अनुरागे। सुमन बर्राष जसु गावन लागे।।
जगु विरंचि उपजावा जब तें। देखे सुने व्याह बहु तब तें।।
सकल भाँति सम साजु ममाजू। सम समनी देखे हम आजू।।
देव गिरा सुनि सुंदर साँची। प्रीति अलौकिक दृहृदिसि माची॥
देत पाँवड़े अरघु सुहाए। सादर जनकु मंडपहिं ल्याए।।

छं०—मंडपु विलोकि बिचित्र रचनाँ रुचिरताँ मुनि मन हरे । निज पानि जनक सुजान सब कहुँ आनि सिंघासन घरे ॥ कुल इष्ट सरिस बसिष्ट पूजे बिनय करि आसिष लही । कौसिकहि पूजत परम पीति कि रीति तौन परे कही ॥ रा॰ मू॰ १२दो०—वामदेव आदिक रिषय पूजे मुदित महीस। दिए दिन्य आसन सबहि सब सन लही असीस॥३२०॥

बहुरिकीन्द्रिकोसलपित पूजा। जानि ईस सम भाउ न दूजा।। कीन्द्रिजोरिकर विनय बड़ाई। किह निज भाग्य विभव बहुताई।। पूजे भूपित सकल बराती। समधी सम सादर सब भाँती।। आसन उचित दिए सबकाहू। कहौं काह मुख एक उछाहू।। सकल बरात जनक सनमानी। दान मान विनती बर बानी।। बिधिहरिहरु दिसिपित दिनराऊ। जे जानिह रघुबीर प्रभाऊ।। कपट विप्र वर वेष बनाएँ। कौतुक देखहिं अति सचुपाएँ।। पूजे जनक देव सम जानें। दिए सुआसन बिनु पहिचानें।।

छं०—ंपिहचान को केहि जान सबिह अपान सुधि भोरी भई । आनंदकंदु विलोकि दूलहु उभय दिसि आनँदमई ॥ सुर लखे राम सुजान पूजे मानसिक आसन दए। अक्लोकि सीलुसुभाउ प्रभु को विबुध मन प्रमुदित भए॥

दो०—रामचंद्र मुख चंद्र छबि लोचन चारु चकोर। करत प्राृन सादर सकल प्रेमु प्रमोदु न थोर ॥३२१॥

समउ विलोकि विसष्ट बोलाए । सादर सतानंदु सुनि आए ।। बेगि कुअँरि अब आनहु जाई । चले मुदित मुनि आयसु पाई ॥ रानी सुनि उपरोहित बानी । प्रमुदित सिवन्ह समेत सयानी ॥ बिप्र बधू कुलबुद्ध बोलाई । किर कुल रीति सुमंगल गाई ॥ नारि बेप जे सुर बर बामा । सकल सुभाय सुंद्री स्थामा ॥ तिन्हहि देखि सुसु पावहिं नारीं। बिनु पहिचानि प्रानहु ते प्यारीं। बार बार सनमानहिं रानी। उमा रमा सारद सम जानी।। सीय सँवारि समाजु बनाई। मुदित मंडपहिं चलीं लवाई।।

छं०—चिल त्याइ सीतिहि सर्खीं सादर सिज सुमंगलभामिनीं । नव सप्त सार्जें सुंदरीं सब मत्त कुंजर गामिनीं ॥ कलगान सुनि मुनि ध्यान त्यागिहें काम कोकिल लाजहीं। मंजीर नूपुर कलित कंकन ताल गित बर बाजहीं॥

दो०—सोहित बिनता बृंद महुँ सहज सुहाविन सीय। छिब ललना गन मध्य जनु सुपमा तिय कमनीय॥३२२॥

सिय सुंदरता बरिन न जाई। लघु मित वहुत मनोहरताई।। आवत दीखि बरातिन्ह सीता। रूप रासि सव भाँति पुनीता।। सबिह मनिह मनिकए प्रनामा। देखि राम भए प्रनकामा।। हरषे दसरथ सुतन्ह समेता। किह न जाइ उर आनँदु जेता।। सुर प्रनाम्न करि बरिसिह फूला। मुनि असीस धुनि मंगल मूला।। गान निसान कोलाइल भारी। प्रेम प्रमोद मगन नर नारी।। एहि बिधि सीय मंडपिह आई। प्रमुदित सांति पढ़िह मुनिराई।। तेहि अवसर कर बिधि व्यवहारू। दुहुँ कुलगुर सब कीन्ह अचारू।।

छं०—आचारु करि गुर गौरि गनपित मुदित बिप्र पुजावहीं । सुर प्रगिट पूजा लेहिं देहिं असीस अति सुखु पावहीं ॥ मधुपर्क मंगल द्रब्य जो जेहि समय मुनि मन महुँ चहैं । भरे कनक कोपर कलस सो तब लिएहिं परिचारक रहैं ॥ १ ॥ कुल रीति प्रीति समेत रिब कहि देत सबु सादर कियो । एहि भाँति देव पुजाइ सीतिह सुभग सिंघासनु दियो ॥ सिय राम अवलोकिन परसपर प्रेमु काहु न लिख परै । मन बुद्धि बर बानी अगोचर प्रगट किब कैसें करै ॥ २ ॥

दो ०—होम समय तनु घरि अनलु अति सुख आहुति लेहिं। बिप्र बेप घरि बेद सव ऋहि विबाह विधि देहिं॥३२३॥

जनक पाटमहिषी जग जानी। सीय मातु किमि जाइ बखानी। सुजसु सुकृत सुख सुंद्रताई। सब समेटि बिधि रची बनाई।। समउ जानि मुनिबरन्द बोलाई। सुनत सुआसिनि सादर ल्याई।। जनक बाम दिक्षि सोह सुनयना। हिमगिरि संग बनी जन्न मयना।। कनक कलस मनि कोपर रूरे। सुचि सुगंध मंगल जल पूरे।। निज कर मुदित रायँ अरुरानी। धरे राम के आगें आनी।। पढ़िंहें बेद मुनि मंगल बानी। गगन सुमन झिर अबसरु जानी।। बरु बिलोक दंपति अनुरागे। पाय पुनीत पखारन लागे।।

छं०—लागे पखारन पाय पंकज प्रेम तन पुलकावली।

नभ नगर गान निसान जय धुनि उमिग जनु चहुँ दिसि चली॥

जे पद सरोज मनोज अरि उर सर सदैव विराजहीँ।

जे सक्वत श्रुमिरत विमलता मन सकल किल मल भाजहीं॥ १॥

जे परिस मुनिवनिता लही गित रही जो पातकमई।

मकरंदु जिन्ह को संभु सिर सुचिता अवधि सुर बरर्नई॥

किरि मधुप मन मुनि जोगिजन जे सेइ अभिमत गित लहैँ।

ते पद पखारत भाग्य भाजनु जनकु जय जय सब कहैँ॥ २॥

वर कुअँरि करतल जोरि साखोचारु दोउ कुलगुर करेँ।

भयो पानि गहनु विलोकि विधि सुर मनुज मुनि आनँद भरेँ॥

सुलमूल दुलहु देखि दंपित पुलक तन हुलस्यो हियो। करि लोक बेद बिधानु कन्यादानु नृपभूषन कियो॥ ३॥ हिमवंत जिमि गिरिजा महेसिह हरिहि श्री सागर दई। तिमि जनक रामिह सिय समरपी विस्व कल कीरित नई॥ क्यों करें विनय बिदेहु कियो बिदेहु मूरित सावँरीं। करि होमु विधिवत गाँठि जोरी होन लागीं भावँरीं॥ ४॥

दो ०—जय धुनि बंदी बेद धुनि मंगल गान निसान। सुनि हरषहिं बरपिहें विबुध मुरतरु मुमन सुजान॥३२४॥

कुअँह कुअँहि कल भावँहि देहीं। नयन लाग्न सब सादर लेहीं।। जाइ न बरिन मनोहर जोरी। जो उपमा कल्ल कहाँ सो थोरी।। राम सीय सुंदर प्रतिलाहीं। जगमगात मिन खंभन माहीं।। मनहुँ मदन रित धिर बहु रूपा। देखत राम विआहु अनुपा।। दरस लालसा सकुच न थोरी। प्रगटत दूरत बहोरि बहोरी।। भए मगन सब देखिनहारे। जनक समान अपान विमारे॥ प्रग्नुदित ग्रुनिन्ह भावँही फेरीं। नेग सिहत सब रीति निबेरीं।। राम सीय सिर सेंदुर देहीं। मोभा कहि न जाति बिधि केहीं।। अरुन पराग जलजु भिर नीकें। सिसिह भृष शहि लोभ अमी कें।। बहुरि बसिष्ठ दीन्हि अनुसासन। वरु दुलहिनि बैठे एक शासन।।

छं०—बैठे बरासन रामु जानिक मुदित मन दसरथु भए। तनु पुलक पुनि पुनि देखि अपनें सुकृत सुरतरु फलनए॥ भरि भुवन रहा उछाहु राम विवाहु भा सवहीं कहा। केहि भाँति बरनि सिरात रसना एक यहु मंगलु महा॥ १॥ तब जनक पाइ बिसष्ठ आयसु ब्याह साज सँगारि के ।
मांडवी श्रुतकीरित उरिमला कुअँरि लईं हँकारि के ॥
कुसकेतु कन्या प्रथम जो गुन सील सुख सोभामई ।
सब रीति प्रीति समेत किर सो ब्याहि नृप भरतिह दई ॥ २ ॥
जानकी लघु भिगनी सकल सुंदिर सिरोमिन जानि के ।
सो तनयदीन्ही ब्याहि लखनिह सकल बिधि सनमानि के ॥
जेहि नामु श्रुतकीरित सुलोचिन सुमुखि सब गुन आगरी ।
सो दई रिपुसूदनिह भूगित रूप सील उजागरी ॥ ३ ॥
अनुरूप वर दुलहिनि परस्पर लिख सकुच हियँ हरषहीं ।
सब मुदित सुंदरता सराहिं सुमन सुरगन बरषहीं ॥
सुंदरीं सुंदर वरन्ह सह सब एक मंडप राजहीं ।
जनु जीय उर चारिउ अवस्था विभुन सिहत विराजहीं ॥ ४ ॥

दो०—मुदित अवधपति सकल सुत बधुन्ह समेत निहारि। जनु पाए महिपाल मनि क्रियन्ह सहित फल चारि॥३२५॥

जिस रघुबीर ब्याह विधि वरनी। सकल कु अँर ब्याहे तेहिं करनी।। किह न जाइ ककु दाइज भूरी। रहा कनक मिन मंडपु पूरी।। कंवल वसन विचित्र पटोरे। भाँति भाँति बहु मोल न थोरे।। गज रथ तुरग दास अरुदासी। धेनु अलंकृत कामदृहा सी।। वस्तु अनेक करिअ किमि लेखा कहि न जाइ जानहिं जिन्ह देखा।। लोकपाल अवलोकि सिहाने। लीन्ह अवधपित सबु सुखु माने।। दीन्ह जाचकिन्ह जो जेहि भावा। उवरा सो जनवासेहिं आवा।। तब कर जोरि जनकु मृदु वानी। बोले सब बरात सनमानी।।

छं०—सनमानि सकल बरात आदर दान विनय बड़ाइ कै। प्रमुदित महा मुनि बुंद बंदे पूजि प्रेम लड़ाइ कै॥ सिरु नाइ देव मनाइ सब सन कहत कर संपुट किएँ। मुर साधु चाहत भाउ सिंधु कि तोष जल अंजलि दिएँ ॥ १ ॥ कर जोरि जनकु बहोरि बंधु समेत कोसलराय सों। बोले मनोहर बयन सानि सनेह सील सुभाय सों॥ संबंध राजन रावरें हम बड़े अब सब विधि भए। एहि राज साज समेत सेवक जानिबे विनु गथ लए ॥ २ ॥ ए दारिका परिचारिका करि पालिबीं करुना नई। अपराधु छमिवो वोलि पठए बहुत हौं ढीट्यो कई॥ पुनि भानुकुल भूषन सकल सनमान निधि समधी किए। कहि जाति नहिं चिनती परस्पर प्रेम परिपूरन हिए ॥ ३ ॥ वृंदारका गन सुमन वरिसिहं राउ जनवासेहि चले। दुंदुभी जय धुनि बेद धुनि नभ नगर कौतूहल भले॥ तब सर्खीं मंगल गान करत मुनीस आयसु पाइ कै। दूलह दुलहिनिन्ह सहित सुंदरि चलीं कोहबर ल्याइ के ॥ ४ ॥

दो ०—पुनि पुनि रामहि चितव सिय सकुचित मनु सकुचै न । हरत मनोहर मीन छवि प्रेम पिआसे नैन ॥३२६॥

# मासपारायण, ग्यारहवाँ विश्राम

स्थाम सरीरु सुभायँ सुहावन । सोभा कोटि मनोज लजावन ॥ जावक जुत पद कमल सुहाए । मुनि मन मधुप रहत जिन्ह छाए॥ पीत पुनीत मनोहर धोती । हरति बाल रबि दामिनि जोती ॥ कल किंकिनि किंट सत्र मनोहर। बाहु बिसाल बिभूषन सुंदर। पीत जने उ महाछिब देई। कर मुद्रिका चोरि चितु लेई।। सोहत ब्याह साज सब साजे। उर आयत उर भूषन राजे।। पिअर उपरना काखा सोती। दुहुँ आँचरन्हिलो मनि मोती।। नयन कमल कल कुंडल काना। बदनु सकल सौंदर्ज निधाना।। सुंदर भृकुटि मनोहर नासा। भाल तिलकु रुचिरता निवासा।। सोहत मौरु मनोहर माथे। मंगलमय मुकुता मनि गाथे।।

छं०-गाथे महामिन मौर मंजुल अंग सच चित चोरहीं। पुर नारि सुर सुंदरीं बरहि बिलोकि सब तिन तोरहीं ॥ मिन वसन भूपन वारि आरित करिहं मंगल गावहीं। सुर सुमन बरिसिहैं सूत मागध वंदि सृजमु सुनावहीं ॥ १ ॥ कोहवरहिं आने कुअँर कुअँरि सुआसिनिन्ह सुख पाइ कें। अति प्रीति लौकिक रीति लागीं करन मंगल गाइ कै॥ लहकोरि गोरि सिखाव रामहि सीय सन सारद कहैं। रनिवासु हास विखास रस बस जन्म को पत्लु सब लहैं ॥ २ ॥ निज पानि मनि महुँ देखिअति मूरति सुरूपनिधान की । चालति न भुँचवल्ली विलोकनि विरह भय बस जानकी॥ कौतुक विनोद प्रमोदु प्रेम न जाइ कहि जानहिं अलीं । बर कुअँरि मुंदर सकल सखीं लवाइ जनवासेहि चलीं॥ ३॥ तेहि समय म्नि अ असीस जहँ तहँ नगर नभ आनँदु महा । चिरु जिअहुँ जोरीं चारु चारचो मुदित मन सबहीं कहा ॥ ोगींद्र सिद्ध मुनीस देव विलोकि प्रभु दुंदुभि हनी। चले हरपि वरपि प्रसून निज निज लोक जय जय जय भनी ॥ ४ ॥

दो०—सहित बधूटिन्ह कुअँर सब तब आए पितु पास। सोभा मंगल मोद भरि उमगेउ जनु जनवास॥३२७॥

पुनि जेवनार भई बहु भाँती। पठए जनक बोलाइ बराती।। परत पाँवड़े बसन अनुपा। सुतन्द समेत गवन कियो भूपा।। सादर सब के पाय परवारे। जथाजोगु पीइन्ह बैठारे।। धोए जनक अवधपति चरना। सील सनेहु जाइ निहं बरना।। बहुरि राम पद पंकज धोए। जे हर हृदय कमल महुँ गोए।। तीनिउ भाइ राम सम जानी। धोए चरन जनक निज पानी।। आसन उचित सबिह नृप दीन्हे। बोलि सुपकारी सब लीन्हे।। सादर लगे परन पनवारे। कनक कील भनि पान सँवारे।।

दो ० – सूपोदन सुरभी सरपि सुंदर स्वाद्व पुनीत । छन महुँ सब कें परुसि गे चतुर सुआर बिनीत ॥३२८॥

पंच कवल किर जेवन लागे । गारि गान सुनि अति अनुरागे ॥
भाँति अनेक परे पकवाने । सुधा सिरस निहं जाहिं बखाने ॥
परुसन लगे सुआर सुजाना । बिंजन बिविध नाम को जाना ॥
चारि भाँति भोजन विधि गाई । एक एक बिधि वर्रान न जाई ॥
छरस रुचिर बिंजन बहु जाती । एक एक रस अगनित भाँती ॥
जेवँत देहिं मधुर धुनि गारी । लें लें नाम पुरुष अरु नारी ॥
समय सुहार्वान गारि बिराजा । हँसत राउ सुनि सहित समाजा ॥
एहि विधि सबहीं भोजनु कीन्हा । आदर सहित आचमनु दीन्हा॥

दो ०—देइ पान पूजे जनक दसरथु सहित समाज। जनवासेहि गवने मुदित सऋल भूप सिरताज॥३२९॥ नित न्त्तन मंगल पुर माहीं। निमिष सिरस दिन जामिनि जाहीं बड़े भोर भूपित मिन जागे। जाचक गुन गन गावन लागे।। देखि कु अँर बर बघुन्ह समेता। किमि किह जात मोदु मन जेता।। प्रातिकया किर गे गुरु पाहीं। महाप्रमोदु प्रेग्रु मन माहीं।। किर प्रनाग्रु पूजा कर जोरी। बोले गिरा अमिअँ जनु बोरी।। तुम्हरी कृपाँ सुनहु ग्रुनिराजा। भयउँ आजु मैं पूरनकाजा।। अब सब बिप्र बोलाइ गोसाईं। देहु धेनु सब भाँति बनाईं।। सुनि गुर किर महिपाल बड़ाई। पुनि पठए ग्रुनि बृंद बोलाई।।

दो ०—बामदेउ अरु देवरिषि बालमीकि जाबालि। आए मुनिबर निकर तब कौसिकादि तपसालि॥३३०॥

दंड प्रनाम सबिह नृप कीन्हे। पूजि सप्रेम बरासन दीन्हे।। चारि लच्छ बर धेतु मगाई। कामसुरिम सम सील सुहाई।। सब बिधिसकल अलंकृत कीन्हीं। मुद्ति महिपमहिदेवन्ह दीन्हीं करत बिनय बहु बिधि नरनाहू। लहेउँ शाजु जग जीयन लाहू।। पाइ असीस महीसु अनंदा। लिए बोलि पुनि जाचक बृंदा।। कनक बसन मनिह्य गय स्यंदन। दिए बृझि रुचि रिबकुल नंदन।। चले पढ़त गावंत गुन गाथा। जय जय जय दिनकर कुल नाथा एहि बिधि राम बिक्षाह उछाहू। सकइ न बरनि सहस मुख जाहू।।

दो ०—बार बार कौसिक चरन सीसु नाइ कह राउ। यह सबु सुखु मुनिराज तव ऋपा कटाच्छ पसाउ॥३३१॥

जनक सनेहु सीलु करतूती । नृपु सब भाँति सराह बिभृती ।। दिन उठि बिदा अवधपति मागा । राखहिं जनकु सहित अनुरागा।। नित नृतन आदरु अधिकाई। दिन प्रति सहस भाँति पहुनाई।। नित नव नगर अनंद उछाहू। दसरथ गवनु सोहाइ न काहू।। बहुत दिवस बीते एहि भाँती। जनु सनेह रजु बँधे बराती।। कौसिक सतानंद तब जाई। कहा बिदेह नृपहि सम्रुझाई।। अब दसरथ कहँ आयसु देहू। जद्यपि छाड़िन सकहु सनेहू।। भलेहिंनाथ कहिंसचिव बोलाए। कहि जय जीव सीस तिन्हनाए

दो०—अवधनाथु चाहत चलन भीतर करहु जनाउ। भए प्रेमबस सचिव सुनि बिप्र सभासद राउ॥३३२॥

पुरवासी स्नि चिलिहि बराता। बृझत विकल परस्पर वाता।।
सत्य गवनु सुनि सव बिलखाने। मनहुँ साँझ सरसिज सकुचाने।।
जहुँ जहुँ आवत वसे बराती। तहुँ तहुँ सिद्ध चला बहु भाँती।।
बिबिध भाँति मेवा पकवाना। भोजन साज न जाइ बखाना।।
भिर भिर वसहुँ अपार कहारा। पठई जनक अनेक सुसारा।।
तुरग लाख रथ सहस पचीसा। सकल सँवारे नख अरु सीसा।।
मत्त सहस दस सिंधुर साजे। जिन्हिह देखि दिसि कुंजर लाजे
कनक बसन मनि भिर भिर जाना। महिषीं धेनु बस्तु विधि नाना।।

दो ०—दाइज अमित न सिकअ किह दीन्ह विदेहँ वहोरि । जो अवलोकत लोकपित लोक संपदा थोरि ॥३३३॥

सबु समाजु एहि भाँति बनाई। जनक अवधपुर दीन्ह पठाई।। चित्रहि बरात सुनत सब रानीं। विकल मीनगन जनु लघु पानीं।। पुनि पुनि सीय गोद करि लेहीं। देइ असीस सिखावनु देहीं।। होएहु संतत पियहि पिआरी। चिरु अहिबात असीस हमारी।। सासु ससुर गुर सेवा करेहू । पित रुख लिख आयसु अनुसरेहू।। अति सनेह बस सर्खीं सयानी । नारि धरम सिखविह मृदु बानी ।। सादर सकल कुआँरि समुझाई । रानिन्ह बार बार उर लाई ।। बहुरि बहुरि भेटहिं महतारीं । कहिंह बिरंचि रचीं कत नारीं ।।

दो ०-तेहि अवसर भाइन्ह सहित रामु भानु कुल केतु।

चले जनक मंदिर मुदित बिदा करावन हेतु ॥२३४॥ चारिउ भाइ सुभायँ सुहाए। नगर नारि नर देखन धाए।। कोउ कह चलन चहत हिं आजू। कीन्ह बिदेह बिदा कर साजू।। लेहु नयन भरि रूप निहारी। प्रिय पाहुने भूप सुत चारी।। को जाने केहिं सुकृत सयानी। नयन अतिथिकीन्हे बिधि आनी मरनसीलु जिमि पाव पिऊषा। सुरतरु लहे जनम कर भूखा।। पाव नारकी हरिपदु जैसें। इन्ह कर दरसनु हम कहँ तैसें।। निरित्व राम सोभा उर धरहू। निज मन फिन मूरित मिन करहू।। एहि विधि सर्वाह नयन फलु देता। गए कुअँर सब राज निकेता।।

दो ०—रूप सिंघु सब बंघु लखि हरिप उठा रनिवासु। करिहें निछा**श्व**रि आरती महा मुदित मन सासु॥३३५॥

देखिराम छवि अति अनुरागीं। प्रेमिविवस पुनि पुनि पद लागीं।।
रही न लाज प्रीति उर छाई। सहज सनेहु वर्रान किम जाई।।
भाइन्ह सहित उबिट अन्हवाए। छरस असन अति हेतु जेवाँए।।
बोले रामु सुअवसरु जानी। सील सनेह सकुचमय बानी।।
राउ अवधपुर चहत सिधाए। बिटा होन हम इहाँ पठाए।।
मातु मुदित मन आयसु देहू। बालक जानि करब नित नेहू।।

सुनत बचन बिलखेउ रनिवास् । बोलिन सकहि प्रेमवस सास् !! हृद्यैलगाइ कुअँरि सब लीन्ही । पतिन्ह सौंपि बिनती अति कीन्ही

छं०-करि बिनय सिय रामिह समरपी जोरि कर पुनि पुनि कहै । बिल जाउँ तात सुजान तुम्ह कहुँ बिदित गित सब की अहे॥ परिवार पुरजन मोहि राजिह प्रानिषय सिय जानिबी। तुलसीस सीलु सनेहु लिख निज किंकरी करि मानिबी॥

सो ०—तुम्ह परिपूरन काम जान सिरोमनि भाविश्य। जन गुन गाहक राम दोष दलन करुनायतन॥३३६॥

अस किह रही चरन गिह रानी । प्रेम पंक जनु गिरा समानी ॥
सुनि सनेह सानी वर बानी । बहुविधिरामसासु सनमानी ॥
राम बिदा मागत कर जोरी । कीन्ह प्रनाम्न वहोरि वहोरी ॥
पाइ असीस बहुरि सिरु नाई । भाइन्ह सहित चले रघुराई ॥
मंजु मधुर मूरति उर आनी । भई सनेह सिथिल सब रानी ॥
पुनि धीरजु धिर कु अँरि हँकारीं । बार वार भेटहिं महतारीं ॥
पहुँचावहिं किरि मिलहिं वहोरी । बढ़ी परस्पर भीति न थोरी ॥
पुनि पुनि निलत सिखन्द बिलगाई । बाल बच्छ जिमि घेनु लवाई।

दो ०-प्रेमबिबस नर नारि सब सखिन्ह सहित रनिवासु ।

मानहुँ कीन्ह बिदेह पुर करुनाँ विरहँ निवासु ॥२३७॥
सुक सारिका जानकी ज्याए। कनक पिंजरन्हि राखि पढ़ाए।।
ब्याकुल कहिं कहाँ बेदेही। सुनि धीरजु परिहरइ न केही।।
भए बिकल खग मृग एहि भाँती। मनुज दसा कैसें किह जानी।।
बंधु समेत जनकु तब आए। प्रेम उमिंग लोचन जल छाए।।

सीय बिलोकि धीरता भागी। रहे कहावत परम बिरागी।। लीन्हि रायँ उर लाइ जानकी। मिटो महामरजाद ग्यान की।। सम्रुझावत सब सचिव सथाने। कीन्ह बिचारु न अवसर जाने।। बारहिं बार सुता उर लाईं। सजि सुंदर पालकीं मगाईं।।

दो ०—प्रेमबिबस परिवारु सबु जानि सुलगन नरेस। कुअँरि चढ़ाईँ पालकिन्ह सुमिरे सिद्धि गनेस॥३३८॥

वहुविधि भूप सुता समुझाई । नारिधरमु कुलरीति सिखाई ॥
दासीं दास दिए बहुतेरे । सुचि सेवक जे प्रिय सिय केरे ॥
सीय चलत ब्याकुल पुरवासी । होहिं सगुन सुभ मंगल रासी ॥
भूसुर सचिव समेत समाजा । संग चले पहुँचावन राजा ॥
समय विलोकि वाजने वाजे । रथ गज वाजि वरातिन्ह साजे ॥
दसरथ विष्र बोलि सब लीन्हे । दान मान परिपूरन कीन्हे ॥
चरन सरोज धूरि धिर सीसा । मुदित महीपति पाइ असीसा ॥
सुमिरि गजाननु कीन्ह पयाना । मंगलमूल सगुन भए नाना ॥

दो ०—सुर प्रसून बरषि हरिष करिहें अपछरा गान। चले अवधप्रित अवधप्र मुदित बजाइ निसान॥३३९॥

नृप करि विनय महाजन फेरे। सादर सकल मागने टेरे।।
भूषन बसन वाजि गज दीन्हे। प्रेम पोषि ठाढ़े सब कीन्हे।।
बार वार बिरिदावलि भाषी। फिरे सकल रामहि उर राखी।।
बहुरि वहुरि कोसलपित कहहीं। जनकु प्रेमवस फिरेन चहहीं।।
पुनि कह भूपित बचन सुहाए। फिरिअ महीस द्रि बिड़ आए।।
राउ बहोरि उत्तरि भए ठाढ़े। प्रेम प्रवाह बिलोचन बाढ़े।।

तब बिदेह बोले कर जोरी। बचन सनेह सुधाँ जनु बोरी।। करौं कवन बिधि बिनय बनाई। महाराज मोहि दीन्हि बड़ाई।। दो०—कोसलपित समधी सजन सनमाने सब भाँति।

मिलिन परसपर बिनय अति प्रीति न हृदयँ समाति ॥३४०॥ स्रुनि मंडिलिहि जनक सिरु नावा । आसिरबादु सबिह सन पावा ॥ सादर प्रुनि भेंटे जामाता । रूप सील गुन निधि सब भ्राता ॥ जोरि पंकरुह पानि सुहाए । बोले बचन प्रेम जनु जाए ॥ राम करौं केहि भाँति प्रसंसा । सुनि महेस मन मानस हंसा ॥ करिह जोग जोगी जेहिलागी । कोहु मोहु ममता मदु त्यागी ॥ ब्यापकु ब्रह्मु अलखु अविनासी। चिदानंदु निरगुन गुनरासी ॥ मन समेत जेहि जान नवानी । तरिक नसकिह सकल अनुमानी महिमा निगम्र नेति किह कहई। जो तिहुँ काल एकरस रहई॥

दी०—नयन बिषय मो कहुँ भयउ सो समस्त सुख मूल। सबइ लामु जग जीव कहुँ भएँ ईसु अनुकूल॥३४१॥

सविह भाँति मोहि दीन्हि बड़ाई। निज जन जानि लीन्ह अपनाई।। होहिं सहस दस सारद सेषा। करिं कलप कोटिक भिर लेखा।। मोर भाग्य राउर गुन गाथा। किह नि सिराहिं सुनहु रघुनाथा।। मैं कछ कहउँ एक बल मोरें। तुम्ह रीझहु सनेह सुिंठ थोरें।। बार बार मागउँ कर जोरें। मनु पिरहरै चरन जिन भोरें।। सुनि बर बचन प्रेम जनु पोषे। पूरनकाम राम्न परितोषे अ किर बर बिनय ससुर सनमाने। पितु कौसिक बसिष्ठ सम जाने।। बिनती बहुरि भरत सन कीन्ही। मिलि सप्रेम्न पुनि आसिष दीन्ही।। दो ०—िमले लखन रिपुसूदनिह दीन्हि असीस महीस । भए परसपर ग्रेमबस फिरि फिरि नाविह कीस ॥३४२॥

वार बार करि विनय बड़ाई। रघुपित चले संग सब भाई।। जनक गहे कोसिक पद जाई। चरन रेनु सिर नयनन्ह लाई।। सुनु सुनीस बर दरसन तोरें। अगसुन कल्ल प्रतीति मन मोरें।। जो सुनु सुजसु लोकपित चहहीं। करत मनोरथ सकुचत अहहीं।। जो सुनु सुजसु सुलभ मोहि स्वामी।सब सिधि तब दरसन अनुगामी कीन्हि बिनय पुनि पुनि सिरु नाई। फिरे महीसु आसिषा पाई।। चली बरात निसान बजाई। सुदित छोट बड़ सब ससुदाई।। रामहि निरस्व प्राम नर नारी। पाइ नयन फलु होहिं सुखारी।।

दो ०—बीच बीच बर बास करि मग लोगन्ह सुख देत । अवध समीप पुनीत दिन पहुँची आइ जनेत ॥३४३॥

हने निसान पनव बर बाजे। भेरि संखधुनि हय गय गाजे।। झाँझि विरव डिडिमीं सुहाई। सरस राग बाजिह सहनाई।। पुर जन आवत अकिन बराता। मुदित सकल पुलकाविल गाता।। निज निज सुंदर् सदन सँवारे। हाट बाट चौहट पुर द्वारे।। गलीं सकल अरगजाँ सिंचाई। जहँ तहँ चौकें चारु पुराई।। बना बजारु न जाइ बखाना। तोरन केतु पताक बिताना।। सफल प्राफल कदलि रसाला। रोपे बक्कल कदंब तमाला।। लगे सुभग तरु परसत धरनी। मनिमय आलबाल कल करनी।।

दो ०—बिबिघ भाँति मंगल कलस ग्रह ग्रह रचे सँवारि । सुर ब्रह्मादि सिहाहिं सब रघुबर पुरी निहारि ॥३४४॥ भूप भवनु तेहि अवसर सोहा। रचना देखि मदन मनु मोहा।।
मंगल सगुन मनोहरताई। रिभि सिभि सुख संपदा मुहाई।।
जनु उछाह सब सहज सुहाए। तनु भिर धरि दसरथ गृहँ छाए।।
देखन हेतु राम बैंदेही। कहहु लाल सा होहि न केही।।
जूथ जूथ मिलि चलीं सुआसिनि। निज छिब निदरिह मदन बिलासिनि
सकल सुमंगल सजें आरती। गावहिं जनु बहु बेप भारती।।
भूपित भवन कोलाहलु होई। जाइ न बरिन समल सुखु मोई।।
कोसल्यादि राम महतारीं। प्रेमिबबस तन दसा बिसारीं।।
दो०-दिए दान विप्रन्ह बिपुल पूजि गनेस पुरारि।
प्रमुदित परम दरिद्र जनु पाइ पदारथ चारि।।३४५॥

मोद प्रमोद बिबस सब माता। चलहिं न चरन सिथिल भए गाता राम दरस हित अति अनुरागीं। परिछनि साज सजन सब लागीं।। विबिध विधान बाजने बाजे। मंगल मुदित सुमित्राँ साजे।। हरद द्व दिध पल्लव फूला। पान प्राफल मंगल मूला।। अच्छत अंकुर लोचन लाजा। मंजुल मंजिर तुलसि विराजा।। छहे पुरट घट सहज सुहाए। मदन सकुन जनु नीड़ बनाए।। सगुन सुगंध न जाहिं बखानी। मंगल सकल सजिहं सब रानी।। रचीं आरतीं बहुत विधाना। मुदित करहिं कल मंगल गाना।।

दो ०—कनक थार भरि मंगलिन्ह कमल करिन्ह लिएँ मात। चलीं मुदिन परिछिनि करन पुलक पल्लिवित गात॥३४६॥

ध्प भूम नभु मेचक भयऊ। सावन घन घमंडु जनु ठयऊ।। सुरतरु सुमन माल सुर बरषहिं।मनहुँ बलाक अवलि मनु करषहिं।। मंजुरु मनिमय बंदनिवारे । मनहुँ पाकरिषु चाप सँवारे ॥
प्रगटिह दुरिह अटन्ह पर भामिनि।चारु चपल जनु दमकिह दामिनि
दुंदुभि घुनि घन गरजिन घोरा । जाचक चातक दादुर मोरा ॥
सुर सुगंध सुचि बरषिह बारी । सुखी सकल सिस पुर नर नारी॥
समउ जानि गुर आयसु दीन्हा । पुर प्रबेस रघुकुल मनि कीन्हा ॥
सुमिरि संसु गिरिजा गनराजा । सुदित महीपित सहित समाजा ॥

दो०—होहिं सगुन बरषिं सुमन सुर दुंदुभीं बजाइ। बिबुध बधू नाचिंहं मुदित मंजुल मंगल गाइ॥३४७॥

मागध स्त बंदि नट नागर। गावहिं जस तिहु लोक उजागर।। जय घुनि बिमल बेद बर बानी। दस दिसि सुनि असुमंगल सानी।। बिपुल बाजने बाजन लागे। नभ सुर नगर लोग अनुरागे।। बने बराती बरनि न जाहीं। महा मुदित मन सुख न समाहीं।। पुरबासिन्ह तब राय जोहारे। देखत रामहि भए सुखारे।। करहिं निछावरि मनिगन चीरा। बारि बिलोचन पुलक सरीरा।। आरति करहिं मुदित पुर नारी। हरषिं निरित्व कुअँर बर चारी।। सिविका सुभग्न ओहार उघारी। देखि दुलहिनिन्ह होहिं सुखारी।। दो०—एहि विधि सबही देत सुखु आए राजदुआर।

मुदित मातु परिछनि करहिं बधुन्ह समेत कुमार ॥३४८॥

करिं आरती बारिं बारा। प्रेम प्रमोदु कहै को पारा।। भृषन मनि पट नाना जाती। करिं निछाविर अगनित भाँती।। बधुन्ह समेत देखि सुत चारी। परमानंद मगन महतारी।। पुनि पुनि सीय राम छवि देखी। मुदित सफल जगजीवन लेखी।। सर्खीं सीय मुख पुनि पुनि चाही। गान करहिं निज सुकृत सराही।। बरषिं सुमन छनिं छन देवा। नाचिं गाविं लाविं लेवा । देखि मनोहर चारिउ जोरीं। सारद उपमा सकल ढँढोरीं।। देत न बनिं निपट लघु लागीं। एकटक रहीं रूप अनुरागीं।। दो०-निगम नीति कुल रीति किए अरघ पाँवड़ं देत।

१०—१नगम नात कुल सात कार अस्य पावह दत ।

बधुन्ह सहित सुन परिछि सब चलीं लवाइ निकेत ॥३४९॥

चारि सिंघासन सहज सुद्दाए । जनु मनोज निज हाथ बनाए ॥
तिन्ह पर कुअँरि कुअँर बैठारे । सादर पाय पुनीत पखारे ॥
धूप दीप नैबेद बेद बिधि। पूजे बर दुलहिनि मंगलनिधि॥
बारिह बार आग्ती करहीं। ब्यजन चारु चामर सिर दरहीं॥
बम्तु अनेक निछाविर होहीं। भरीं प्रमोद मातु सब सोहीं॥
पावा परम तत्व जनु जोगीं। अमृतु लहेउ जनु संतत रोगीं॥
जनम रंक जनु पारस पावा। अंधिह लोचन लाभु सुहावा॥
मूक बदन जनु सारद छाई। मानहुँ समर सूर जय पाई॥

दो ०—एहि सुख ते सत कोटि गुन पाविह मातु अनंदु। भाइन्ह सिहत बिआहि घर आए रघुकुलचंदु ॥३५०(क)॥ लोक रीति जननीं करिहं बर दुलिहिनि सकुचािहें। मोदु बिनोदु बिलोिक वड़ रामु मनिहें मुसुकािहें॥३५०(ख)॥

देव पितर पूजे विधि नीकी । पूजीं सकल बासना जी की ॥
सविह बंदि मागिह बरदाना । भाइन्ह सिहत राम कल्याना ॥
अंतरिहत सुर आसिष देहीं । सुदित मातु अंचल भिर लेहीं ॥
भूपित बोलि बराती लीन्हे । जान बसन मिन भूषनदीन्हे ॥

आयसु पाइ राखि उर रामिह । मुदित गए सब निज निज धामिह।। पुर नर नारि सकल पिंडराए । घर घर बाजन लगे बधाए ॥ जाबक जन जाचिहें जोइ जोई। प्रमुदित राउ देहिं सोइ सोई॥ सेवक सकल बजनिआ नाना। पूरन किए दान सनमाना॥

दो०-देहिं असीस जोहारि सब गाविहं गुन गन गाथ। तब गुर भूसुर सहित ग्रहँ गवनु कीन्ह नरनाथ॥३५१॥

जो बसिष्ट अनुसासन दीन्ही । लोक बेद विधि सादर कीन्ही ।।
भूसुर भीर देखि सब रानी । सादर उठीं भाग्य बड़ जानी ।।
पाय पखारि सकल अन्हवाए । पूजि भली विधि भूप जेवाँए ।।
आदर दान प्रेम परितोषे । देत असीस चले मन ताषे ।।
बहु बिधि कीन्हि गाधिसुत पूजा । नाथ मोहि सम धन्य न द्जा।।
कीन्हि प्रसंसा भूपति भूरी । रानिन्ह सहित लीन्हि पग धूरी।।
भीतर भवन दीन्ह बर बास । मन जोगवत रह नृपु रनिवास ।।
पूजे गुर पद कमल बहोरी । कीन्हि बिनय उर प्रीति न थोरी।।
दो०-वधुन्ह समेत कुमार सब रानिन्ह सहित महीस ।

पुनि पुन् बंदत गुर चरन देत असीस मुनीसु ॥३५२॥

विनय कीन्द्रि उर अति अनुरागें। सुत संपदा राखि सब आगें।।
नेगु मागि मुनिनायक लीन्हा। आसिरबादु बहुत विधि दीन्हा॥
उर धिर रामिद्द सीय समेता। हरिष कीन्द्र गुर गवनु निकेता॥
विप्रबिष् सब भूप बोलाई। चैल चारु भूषन पहिराई॥
बहुरि बोलाइ सुआमिनि लीन्हीं। रुचि बिचारि पहिरावनि दीन्हीं॥
नेगी नेग जोग सब लेहीं। रुचि अनुरूप भूपर्मान देहीं॥

प्रिय पाहुने पूज्य जे जाने । भृपति भली भाँति सनमाने ॥ देव देखि रघुबीर विवाह । बरिष प्रस्न प्रसंसि उछाहू ॥

दो ०—चले निसान बजाइ सुर निज निज पुर सुख पाइ। कहत परसपर राम जसु प्रेम न हृदयँ समाइ॥३५३॥

सब बिधि सबिह समिद नरनाहू । रहा हृदयँ भिर पूरि उछाहू ॥ जहाँ रिनवानु तहाँ पगु धारे । सिहत बहूटिन्ह कुअँर निहारे ॥ छिए गोद किर मोद समेता । को किह सकई भयउ सुखु जेता॥ बधू सप्रेम गोद बैठ.रीं । बार बार हियँ हरिष दुलारीं ॥ देखि समाजु सुदित रिनवास । सब कें उर अनंद कियो बास ॥ कहेउ भूप जिमि भयउ विबाह । सुनि सुनि हरिष होत सब काहू॥ जनक राज गुन सीछ बड़ाई । ग्रीति रीति संपदा सुहाई ॥ बहुविधि भूप भाट जिमि बरनी । रानीं सब प्रमुदित सुनि करनी॥

दो ०—सुतन्ह समेत नहाइ नृप बालि विष्र गुर ग्याति । भोजन कीन्ह अनेक विधि घरी पंच गइ राति ॥३५४॥

मंगठगान करहिं बर भामिनि। भै सुखमूल मनोहर जामिनि॥
जैवह पान सब काहूँ पाए। सग सुगंध भूषित छिब छाए॥
रामिह देखि रजायमु पाई। निज निज भवन चले सिर नाई॥
प्रेम्न प्रमोद बिनोद बड़ाई। समउ समाज मनोहरताई॥
किह न सकिह सत सारद सेख। बेद बिरंचि महेस गनेस ॥
सो मैं कहीं कवन विधि बरनी। भूमिनागु सिर धरह कि धरनी॥
नृष सब भाँति सबिह सनमानी। किह मृदु बचन बोलाई रानी॥
वधु लरिकनी पर घर आई। राखेदु नयन पलक की नाई॥

दो०—लरिका श्रमित उनीद बस सयन करावहु जाइ। अस कहि गे बिश्रामग्रहें राम चरन चितु लाइ॥३५५॥

भूप बचन सुनि सहज सुहाए। जरित कनक मनि पलँग डमाए।।
सुभग सुरभि पय फेन समाना। कोमल कलित सुपेतीं नाना।।
उपबरहन बर बरनि न जाहीं। स्नग सुगंध मनि मंदिर माहीं।।
रतनदीप सुठि चारु चँदोवा। कहत न बनइ जान जेहिं जोवा।।
सेज रुचिर रचि राम्र उठाए। प्रेम समेत पलँग पौढ़ाए।।
अग्या पुनि पुनि भाइन्ह दीन्ही। निज निज सेज सयन तिन्ह कीन्ही
देखि स्थाम मृदु मंजुल गाता। कहिं सप्रेम बचन सब माता।।
मारग जात भयावनि भारी। केहि विधि तात ताड़का मारी।।

दोo—घोर निसाचर बिकट भट समर गनिह निह काहु। मारे सिहत सहाय किमि खल मारीच सुवाहु॥३५६॥

मुनि प्रसाद बिल तात तुम्हारी। ईस अनेक करवरें टारी।।
मख रखवारी किर दुहुँ भाईं। गुरु प्रसाद सब बिद्या पाईं।।
मुनितिय तरी लगत पग धूरी। कीरति रही खुवन भिर पूरी।।
कमठ पीठि पिब केंट कठोरा। नृप समाज महँ सिव धनु तोरा।।
बिख बिजय जसु जानिक पाई। आए भवन ब्याहि सब भाई।।
सकल अमानुप करम तुम्हारे। केवल कौसिक कृपाँ सुधारे।।
आजु सुफल जग जनमु हमारा। देखि तात बिधुवदन तुम्हारा।।
जे दिन गए तुम्हहि बिनु देखें। ते बिरंचि जनि पारहिं लेखें।।

दो०—राम प्रतोषीं मातु सब कहि बिनीत बर यैन। सुमिरि संभु गुर बिप्र पद किए नीदबस नैन॥३५७॥ नीदउँबदन सोह सुठि लोना। मनहुँ साँझ सरसीरुह सोना।।
घर घर करहिं जागरन नारीं। देहिं परसपर मंगल गारीं।।
पुरी बिराजित राजित रजनी। रानीं कहिं बिलोकहु सजनी।।
सुंदर बधुन्ह सासु लें सोई। फिनिकन्ह जनु सिरमिन उर गोईं
प्रात पुनीत काल प्रभु जागे। अरुनचूड़ बर बोलन लागे॥
बंदि मागधन्हि गुन गन गाए। पुरजन द्वार जोहारन आए॥
बंदि बिप्र सुर गुर पितु माता। पाइ असीस मुदित सब भ्राता॥
जननिन्ह सादर बदन निहारे। भूपित संग द्वार पगु धारे॥

दो०—कीन्हि सौच सब सहज सुचि सरित पुनीत नहाइ। प्रातिकया करि तात पहिं आए चारिउ भाइ॥३५८॥

# नवाह्नपारायण, तीसरा विश्राम

भूप बिलोकि लिए उर लाई। बैठे हरिष रजायसु पाई।। देखि राम्र सब सभा जुड़ानी। लोचन लाभ अवधि अनुमानी।। पुनि बसिष्टु मुनि कौसिकु आए। सुभग आसनिन्ह मुनि बैठाए।। सुतन्ह समेत पूजि पद लागे। निरिख राम्र दोउ गुर अनुरागे।। कहिँ वसिष्टु धरम इतिहासा। सुनिहं महीसु सहित रिनवासा।। मुनि मन अगम गाधिसुत करनी। मुदित बसिष्ट विपुल विधि वरनी वोले बामदेउ सब साँची। कीरित कलित लोक तिहुँ माची।। सुनि आनंदु भयउ सब काहू। राम लखन उर अधिक उछाहू।।


दो o-मंगल मोद उछाह नित जाहिं दिवस एहि भाँति। उमगी अवध अनंद भरि अधिक अधिक अधिकाति॥३५९॥ सुदिन सोधि कल कंकन छोरे। मंगल मोद बिनोद न थोरे।।
नित नव सुखु सुर देखि सिहाहीं। अवध जनम जाचिहें बिधि पाहीं
बिखामित्र चलन नित चहहीं। राम सप्रेम बिनय बस रहहीं।।
दिन दिन सयगुन भूपति भाऊ। देखि सराह महामुनिराऊ।।
मागत बिदा राउ अनुरागे। सुतन्ह समेत ठाढ़ में आगे।।
नाथ सकल संपदा तुम्हारी। मैं सेवकु समेत सुत नारी।।
करव सदा लरिकन्ह पर छोहू। दरसनु देत रहव मुनि मोहू।।
अस किह राउ सहित सुत रानी। परेउ चरन मुख आव न बानी।।
दीन्हि असीस बिप्न बहु भाँती। चले न प्रीति रीति कहि जाती।।
रामु सप्रेम संग सब भाई। आयसु पाइ फिरे पहुँचाई।।

दो०–रामु रूपु भूपित भगित भ्याहु उछाहु अनंदु। जात सराहत मनिहं मन मुदित गाधिकुल चंदु॥३६०॥

बामदेव रघुकुल गुर ग्यानी । बहुरि गाधिसत कथा बखानी ।।
सुनि मुनि सुजस मनिंदें मन राऊ । बरनत आपन पुन्य प्रभाऊ ।।
बहुरे लोग रजायसु भयऊ । सुतन्द समेत नृपति गृहँ गयऊ।।
जहँ तहँ राम ब्याहुश्व जावा । सुजसु पुनीत लोक तिहुँ छावा ॥
आए ब्याहि रामु घर जब तें । बसइ अनंद अवध सब तब तें ॥
प्रभु बिबाहँ जब भयउ उछाहू । सक्रिंद बरनि गिरा अहिनाहू॥
किविकुल जीवनु पावन जानी । राम सीय जसु मंगल खानी ॥
तेहि ते मैं कछु कहा बलानी । करन पुनीत हेतु निज बानी ॥

छं०—निज गिरा पावनि करन कारन राम जसु तुलसीं कह्यो । रधुवीर चरित अपार चारिभि पारु कवि कौनें लह्यो ॥ उपबीत ब्याह उछाह मंगल सुनि ने सादर गावहीं। बैदेहि राम प्रसाद ते जन सर्वदा सुखु पावहीं॥ सो०—सिय रघुबीर विवाहु ने सप्रेम गाविहें सुनिहें। तिन्ह कहुँ सदा उछाहु मंगलायतन राम जसु॥३६१॥

# मासपारायण, बारहवाँ विश्राम



( बालकाण्ड समाप्त )



### राम-भरत-मिलन



बरबस लिए उठाइ उर लाए कृपानिधान। भरत राम की मिलनि लिख विसरे सबहि अपान।।

#### श्रीगणेशाय नमः

श्रीजानकीवहलभो विजयते

# श्रीरामचरितमानस

# द्वितीय सोपान (अयोध्याकाण्ड)

# श्लोक

यसाङ्के च विभाति भूथरसुता देवापगा मस्तके
भाले बालविधुर्गले च गरलं यस्योरसि व्यालराट्।
सोऽयं भूतिविभूषणः सुरवरः सर्वाधिपः सर्वदा
भ्रवीः सर्वगतः शिवः शिश्विनभः श्रीशङ्करः पातु माम्।।१।।
प्रसन्नतां या न गताभिषेकतस्तथा न मम्ले वनवासदुःखतः।
मुखाम्बुजश्री रघुनन्दनस्य मे सदास्तु सा मञ्जलमङ्गलप्रदा।।२।।
नीलाम्बुजश्यामलकोमलाङ्गं सीतासमारोपितवामभागम्।
पाणौ महासायकचारुचापं नमामि रामं रघुवंभ्वनाथम्।।३।।

दो०—श्रीगुरु चरन सरोज रज निज मनु मुकुरु सुधारि। बरनउँ रघुबर बिमल जसु जो दायकु फल चारि॥

जब तें राम्र ब्याहि घर आए । नित नव मंगल मोद बधाए ॥ भ्रुवन चारिदस भूधर भारी । सुकृत मेघ बरषहिं सुख बारी ॥ रिधि सिधि संपति नदीं सुहाई। उमिग अवध अंबुधि कहुँ आई।।
मनिगन पुर नर नारि सुजाती। सुचि अमोल सुंदर सब भाँती।।
कहिन जाइ कछ नगर विभूती। जनु एतिनअ विरंचि करत्ती।।
सब विधि सब पुर लोग सुखारी। रामचंद ग्रुख चंदु निहारी।।
ग्रुदित मातु सब सखीं सहेली। फलित बिलोकि मनोरथ बेली।।
राम रूपु गुन सीछ सुभाऊ। प्रग्रुदित होइ देखि सुनिराऊ।।

दो ०—सब कें उर अभिलाषु अस कहिंह मनाइ महेसु।

आप अछत जुबराज पद रामहि देउ नरेसु॥ **?**॥

एक समय सब सहित समाजा। राजसभाँ रघुराजु विराजा।।
सकल सुकृत मृरित नरनाहू। राम सुजसु सुनि अतिहि उछाहू।।
नृप सब रहिं कृपा अभिजाषें। लोकप करिं प्रीति रुख राखें॥
तिभ्रवन तीनि काल जग माहीं। भूरिभाग दसरथ सम नाहीं॥
मंगलमूल राम्र सुत जास्र। जो कल्ल कहिं अथोर सबु तास्र।।
रायँ सुभायँ मुकुरु कर लीन्हा। बदनु बिलोकि मुकुदु सम कीन्हा
अवन सभीप भए सित केसा। मनहुँ जरठपनु अस उपदेसा॥
नृप जुबराजु रामश्कहुँ देहू। जीवन जनम लाहु किन लेहू॥

दोo—यह विचारु उर आनि नृप सुदिनु सुअवसरु पाइ। प्रेम पुलकि तन मुदित मन गुरिह सुनायउ जाइ॥ २॥

कहर् भुआलु सुनिअ मुनिनायक। भएराम सब विधि सब लायक।। सेवक सचिव सकल पुरवासी। जे हमारे अरि मित्र उदासी।। सबहि राम्र त्रिय जेहि विधि मोही। त्रभु असीस जनु तनु धिर सोही।। वित्र सहित परिवार गोसाई। करहिं छोह सब रौरिहि नाई।। जे गुर चरन रेनु सिर धरहीं। तेजनसकल बिभव बस करहीं।। मोहिसम यहु अनुभयउन दृजें। सबु पायउँ रज पावनि पूजें।। अब अभिलाषु एकु मन मोरें। पूजिहि नाथ अनुग्रह तोरें।। म्रुनि प्रसन्न लखिसहज सनेहूं। कहेउ नरेस रजायसु देहूं।।

दो०-राजन राउर नामु जसु सब अभिमत दातार।

फल अनुगामी महिप मनि मन अभिलापु तुम्हार ॥ ३ ॥

सब विधि गुरु प्रसन्न जियँ जानी। बोलेउराउ रहँसि मृदु बानी।।
नाथ राम्र करिअहिं जुबराज् । कहिअ कृपा किर किर असमाज्।।
मोहि अछत यहु होइ उछाहू। लहिं लोग सब लोचन लाहू।।
प्रभ्र प्रसाद सिव सबइ निबाहीं। यह लालसा एक मन माहीं।।
पुनि न सोच तनु रहउ कि जाऊ। जेहिं न होइ पाछें पछिताऊ।।
सुनि मुनि दसरथ बचन सुहाए। मंगल मोद मूल मन भाए।।
सुन नृप जासु बिमुख पछिताहीं। जासु भजन बिनु जरिन न जाहीं
भयउ तुम्हार तनय सोइ खामी। राम्र पुनीत प्रेम अनुगामी।।

दो ०—बेगि बिलंबु न करिअ नृप साजिअ सबुइ समाजु । सुदिन सुमंगलु तबहिं जब रामु होहिं जुबराजु ॥ ४ ॥

मुदित महीपति मंदिर आए । सेवक सचिव सुमंत्रु बोलाए ।। कहि जय जीव सीस तिन्ह नाए । भूप सुमंगल बचन सुनाए ।। जौं पाँचहि मत लागे नीका । करहु हरिष हियँ रामहि टीका ।। मंत्री मुदित सुनत प्रिय बानी । अभिमत बिरवँ परेउ जनु पानी।। बिनती सचिव करहिं कर जोरी । जिअहु जगतपति बरिस करोरी।। जग मंगल भल काजु बिचारा । बेगिअ नाथ न लाइअ बारा ।।

# नृपहि मोदु सुनि सचिव सुभाषा । बढ़त बौंड़ जनु लही सुसाखा।।

दो ० – कहे उभूप मुनिराज कर जोइ जोइ आयसु होइ। राम राज अभिषेक हित बेगि करहु सोइ सोइ॥ ५॥

हरिष मुनीस कहेउ मृदु बानी । आनहु सकल सुतीरथ पानी ॥ औषध मृल फूल फल पाना । कहे नाम गिन मंगल नाना ॥ चामर चरम बसन बहु भाँती । रोमपाट पट अगनित जाती ॥ मिनगन मंगल बस्तु अनेका । जो जग जोगु भूप अभिषेका ॥ बेद बिदित कहि सकल विधाना। कहेउ रचहु पुर बिबिध बिताना॥ सफ उरसाल पूगफल केरा । रोपहु बीधिन्ह पुर चहुँ फेग ॥ रचहु मंजु मिन चौकें चारू । कहहु बनावन बेगि बजारू ॥ पूजहु गनपति गुर कुल देवा । सब बिधि करहु भूमिसुर सेवा॥

दो ०—ध्वज पताक तोरन कलस सजहु तुरग रथ नाग। सिर धरि मुनिवर वचन सबु निज निज काजिहें लाग॥ ६॥

जो मुनीस जेहि आयसु दीन्हा। सो तेहि काजु प्रथम जनु कीन्हा।।
बित्र साधु सुर पूज्जत राजा। करत राम हित मंगल काजा।।
सुनत राम अभिषेक सुहावा। बाज गहागह अवध बधावा।।
राम सीय तन सगुन जनाए। फरकहिं मंगल अंग सुहाए।।
पुलकि सप्रेम परसपर कहहीं। भरत आगमनु स्चक अहहीं।।
भए बहुत दिन अति अवसेरी। सगुन प्रतीति भेंट प्रिय केरी।।
भरत सिस प्रियको जग माहीं। इहह सगुन फलु द्सर नाहीं।।
रामहि बंधु सोच दिन राती। अंडिन्ह कमठ हृद् उजेहि भाँती।।

दो ०-एहि अवसर मंगलु परम सुनि रहँसेउ रिनवासु ।
सोभत लिख बिघु बदत जनु बारिधि बीचि बिलासु ॥ ७ ॥
प्रथम जाइ जिन्ह बचन सुनाए । भूषन बसन भूरि तिन्ह पाए ॥
प्रेम पुलिक तन मन अनुरागीं । मंगल कलस सजन सब लागीं ॥
चौकें चारु सुमित्राँ पूरी । मनिमय बिबिध भाँति अति रूरी
आनँद मगन राम महतारी । दिए दान बहु बिप्र हँकारी ॥
पूजीं ग्रामदेबि सुर नागा । कहेउ बहोरि देन बलिभागा ॥
जेहि बिधि होइ राम कल्यानु । देहु दया करि सो बरदानु ॥
गावहिं मंगल को किल बयनीं । बिधुबदनीं मृगसावकनयनीं ॥

दो ०-राम राज अभिषेकु सुनि हियँ हरषे नर नारि।

तमे सुमंगल सजन सब बिधि अनुकूल बिचारि॥ ८॥
तब नरनाँद बसिष्ठु बोलाए। रामधाम सिख देन पठाए॥
गुर आगमनु सुनत रघुनाथा। द्वार आइ पद नायउ माथा॥
सादर अरघ देइ घर आने। सोरह भाँति पूजि सनमाने॥
गहे चरन सिय सहित बहोरी। बोले रामु कमल कर जोरी।
सेवक सदन स्वामि आगमनु। मंगल मूल अमंगल दमनु॥
तदिप उचित जनु बोलि सप्रीती। पठइअ काज नाथ असि नीती॥
प्रभुता तिज प्रभु कीन्ह सनेहू। भयउ पुनीत आजु यहु गेहू॥
आयसु होइ सो करों गोसाई। सेवक लहइ स्वामि सेवकाई॥

दो ० — सुनि सनेह साने बचन मुनि रघुचरहि प्रसंस । राम कस न तुम्ह कहहु अस हंस बंस अवतंस ॥ ९ ॥ वरनि राम गुन सील सुभाऊ । बोले प्रेम पुलकि मुनिराऊ ॥ भूप सजेउ अभिषेक समाज् । चाहत देन तुम्हिह जुबराज् ॥ राम करहु सब संजम आज् । जो बिधि कुसल निवाह काज् ॥ गुरु सिख देइ राय पिंह गयऊ । राम हृद्य अस बिसमय भयऊ॥ जनमे एक संग सब भाई । भोजन सयन केलि लिरकाई ॥ करनवेध उपबीत बिआहा । संग संग सब भए उछाहा ॥ बिमल बंस यह अजुचित एकू । बंधु बिहाइ बड़ेहि अभिषेकू ॥ प्रश्व सप्रेम पछितानि सुहाई । हरउ भगत मन कै कुटिलाई ॥

दो०—तेहि अवसर आए लखन मगन प्रेम आनंद।

सनमाने प्रिय बचन किह रघुकुल कैरव चंद ॥ १०॥ बाजिह बाजिन विविध विधाना। पुर प्रमोदु निह जाइ बखाना।। भरत आगमनु सकल मनाविह । आवहुँ बेिग नयन फलु पाविह ।। हाट बाट घर गलीं अथाई । कहि एरसपर लोग लोगाई।। कालि लगन भिल केतिक बारा। पुजिहि विधि अभिलाषु हमारा।। कनक सिंघासन सीय समेता। बैठिह राम्च होइ चित चेता।। सकल कहि कब होइहि काली। बिधन मनाविह देव कुचाली।। तिन्हि सोहाइ न अवध बधावा। चोरिह चंदिनि राति न भावा।। सारद बोलि विनेष सुर करहीं। बारिह बार पाय ले परहीं।।

दो०—बिपति हमारि चिलोकि चिड़ मातु करिअ सोइ आजु ।

रामु जाहि वन राजु तिज होइ सकल सुरकाजु॥ ११॥
सुनि सुर बिनय ठाढ़ि पछिताती। भइउँ सरोज बिपिन हिमराती।।
देख देव पुनि कहिं निहोरी। मातु तोहि नहिं थोरिउ खोरी।।
बिसमय इरष रहित रघुराऊ। तुम्ह जानहु सब राम प्रभाऊ।।

जीव करम बस सुख दुख भागी। जाइ अ अवध देव हित लागी।। बार बार गिंद चरन सँकोची। चली विचारि विबुध मित पोची ऊँच निवासु नीचि करत्ती। देखिन सकहिं पराइ बिभ्ती।। आगिल काजु विचारि बहोरी। करिहहिं चाह कुसल कवि मोरी।। हरिष हृदयँ दसरथ पुर आई। जनु ग्रह दसा दुसह दुखदाई।।

दोo—नामु मंथरा मंदमति चेरी कैंकड़ केरि। अजस पेटारी ताहि करि गई गिरा मति फेरि॥१२॥

दीख मंथरा नगर वनावा । मंजुल मंगल वाज बधावा ।।
पूछेसि लोगन्ह काह उछाहू । राम तिलकु सुनि भा उर दाहू ।।
करइ बिचार कुबुद्धि कुजाती । होइ अकाजु कवनि विधि राती॥
देखि लागि मधु कुटिल किराती । जिमि गवँ तकइ लेउँ केहि भाँती
भरत मातु पहिंगइ बिलखानी । का अनमनि हसि कह हँसि रानी
ऊतरु देइ न लेइ उसास । नारि चरित करि ढारइ आँस ।।
हँसि कह रानि गालु बड़ तोरें। दीन्ह लखन सिख अस मन मोरें
तबहुँ न बोल चेरिबड़ि पापिनि । छ।ड़इ खास कारि जनु साँपिनि॥

दो ०—सभय रानि कह कहिस किन कुसल रामु महिपालु । लखनु भरतु रिपुदमनु सुनि भा कुबरी उर सालु ॥ १३॥

कत सिख देइ हमहि कोउ माई। गालु करब केहि कर बलु पाई।। रामहि छाड़ि कुसल केहि आजू। जेहि जनेसु देइ जुबराजू।। भयउ कौसिलहि बिधि अति दाहिन। देखत गरब रहत उर नाहिन देखहु कस न जाइ सब सोभा। जो अबलोकि मोर मनु छोभा।। पुतु बिदेस न सोचु तुम्हारें। जानति हहु बस नाहु हमारें।। नीद बहुत त्रिय सेज तुराई। लखहु न भूप कपट चतुराई।। सुनि त्रिय बचन मलिन मनु जानी। बुकी रानि अब रहु अरगानी।। पुनि अस कबहुँ कहसि घरफोरी। तब धरि जीभ कड़ावउँ तोरी।।

दो०-काने खोरे कूबरे कुटिल कुचाली जानि। तिय बिसेपि पुनि चेरि कहि भरतमातु मुसुकानि॥१४॥

प्रियवादिनि सिखदीन्हिउँ तोही। सपनेहुँ तो पर कोषु न मोही।।
सुदिनु सुमंगल दायक सोई। तोर कहा फुर जेहि दिन होई।।
जेठ खामि सेवक लघु भाई। यह दिनकर कुल रीति सुहाई।।
राम तिलक्क जीं साँचेहुँ काली। देउँ मागु मन भावत आली।।
कौसल्या सम सब महतारी। रामहि सहज सुभायँ पिआरी।।
मो पर करहिं सनेहु विसेषी। मैं करि प्रीति परीछा देखी।।
जौं विधि जनसुदेइ करि छोहू। होहुँ राम सिय पूत पुतोहू।।
प्रान तें अधिक रासु प्रिय मोरें। तिन्ह कें तिलक छोसु कस तारें।।

दो०—भरत सपथ तोहि सत्य कहु परिहरि कपट हुराउ।

हरप समय विसम उकरिस कारन मोहि सुनाउ॥ १५॥ एकिह बार आस सब पूजी। अब कछ कहब जीभ किर दूजी॥ फोरें जोगु कपारु अभागा। भलें उकहत दुख रउरेहि लागा॥ कहिं हुि कुरि बात बनाई। ते प्रिय तुम्हिह करुई में माई॥ हमहुँ कहिंव अब ठकुरसोहाती। नाहिंत मोन रहव दिनु राती॥ किरि कुरूप बिधि परवस कीन्हा। बवा सो छिन अ लहिंअ जो दीन्हा को उन्पृ हों उहमहि का हाना। चेरि छाड़ि अब होंब कि रानी।। जारें जोगु सुभाउ हमारा। अनभल देखिन जाइ तुम्हारा।।

तातें कछुक बात अनुसारी । छमिअ देवि बड़ि चूक हमारी ।।

दो०—गूढ़ कपट प्रिय बचन सुनि तीय अधरबुधि रानि । सुरमाया बस बैरिनिहि सुहृद जानि पतिआनि ॥ १६॥

सादर पुनि पुनि पूँछिति ओही। सबरी गान मृगी जनु मोही।। तिस मित फिरी अहइ जिस भाबी। रहसी चेरि घात जनु फाबी।। तुम्ह पूँछहु में कहत डेराऊँ। धरेहु मोर घरफोरी नाऊँ॥ सिज प्रतीति बहुबिधि गिढ़ छोली। अबध साइसाती तब बोली।। प्रिय सिय राम्र कहा तुम्ह रानी। रामिह तुम्ह प्रिय सो फुरि बानी।। रहा प्रथम अब ते दिन बीते। सम्ब फिरें रिप्र होहिं पिरीते।। भानु कमल कुल पोपनिहारा। बिनु जल जारि करइ सोइ छारा।। जिर तुम्हारि चह सबति उखारी। हुँधहु किर उपाउ बर बारी

दो ०—तुम्हिह न सोचु सोहाग बल निज बस जानहु राउ। मन मलीन मुह मीठ नृपु राउर सरल सुभाउ॥ १७॥

चतुर गँभीर राम महतारी। बीचु पाइ निज बात सँवारी।।
पठए भरतु भूप निअउरें। राम मातु मत जानब रउरें।।
सेवहिं सकल सबति मोहि नीकें। गरिवत भरत मातु बल पीकें।।
साल तुम्हार कौसिलहि माई। कपट चतुर निहं होइ जनाई
राजिह तुम्ह पर प्रेम्न बिसेषी। सबति सुभाउ सकइ निहं देखी
रिच प्रपंचु भूपिह अपनाई। राम तिलक हित लगनधराई।।
यह कुल उचित राम कहुँ टीका। सबिह सोहाइ मोहि सुठिनीका।।
आगिल बात सम्रुझि डरु मोही। देउ देउ फिरि सो फलु ओही।।

दो० - रचि पचि कोटिक कुटिलपन कीन्हेंसि कपट प्रवोधु । कहिसि कथा सत सवित कै जेहि विधि बाढ़ बिरोधु ॥ १८॥

भावी बस प्रतीति उर आई। पूँछ रानि पुनि सपथ देवाई।।
का पूँछहु तुम्ह अबहुँ न जाना। निज हित अनहित पस पि विचाना
भयउपाखु दिन सजत समाजू। तुम्ह पाई सुधि मोहि सन आजू।।
खाइअ पहिरिअ राज तुम्हारें। सत्य कहें निहं दोषु हमारें।।
जीं असत्य कछु कहब वनाई। तो विधि देइहि हमिहि सजाई।।
रामिह तिलक कालि जीं भयऊ। तुम्ह कहुँ बिपति बीज विधि बयऊ
रेख खँचाइ कहुँ बछु भाषी। भामिनि भइहु द्ध कह माखी।।
जीं सुत सहित करहु सेवकाई। तो घर रहहु न आन उपाई।।

दो०-कडूँ विनतिह दीन्ह दुग्नु तुम्हिह कीसिलाँ देव। भरतु वंदिग्रह सेइहिहं लखनु राम के नेव॥१९॥

कैकयसुता सुनत कडु वानी। कहिन सकइ कछु सहिम सुखानी तन पसेउ कदली जिमि काँगी। कुबरीं दसन जीभ तब चाँगी।। कहि कि कोटिक कपट कहानी। धीरज धरहु प्रवोधिस रानी।। फिरा करमु प्रिय लागि कुचाली। बिकिहिसराहइ मानि मराली।। सुनु मंथरा बात फुरि तोरी। दहिनि आँखि नित फरकइ मोरी दिन प्रति देखउँ राति कुसपने। कहउँन तोहि मोह बस अपने।। काह करीं सिव सूध सुभाऊ। दाहिन वाम न जानउँ काऊ।।

दो०—अपने चलत न आजु लगि अनभल काहुक कीन्ह। केहिं अघ एकहि बार मोहि देअँ दुसह दुख़ दीन्ह॥ २०॥

नेंहर जनमु भरब वरु जाई । जिअत न करवि सवति सेवकाई।।

अरि बस देंउ जिआवत जाही। मरनु नीक तेहि जीवन चाही।। दीन बचन कह बहु विधि रानी। सुनि कुबरीं तियमाया ठानी।। अस कस कहहु मानि मन ऊना। सुखु सोहागु तुम्ह कहुँ दिन दूना जेहिं राउर अति अनभल ताका। सोई पाइहि यहु फलु परिपाका।। जब तें कुमत सुना में खामिनि। भूख न बासर नीद न जामिनि।। पूँछेउँ गुनिन्ह रेख तिन्ह खाँची। भरत भुआल होहिं यह साँची।। भामिनि करहु त कहीं उपाऊ। है तुम्हरीं सेव। बस गऊ।।

दो ० - परउँ कूप तुअ वचन पर सकउँ पूत पति त्यागि । कहिस मोर दुखु देखि बड़ कस न करब हित लागि ॥२१॥

कुबरीं करि कचुली कैंकेई। कपट छुरी उर पाहन टेई।। लखड़ न रानि निकट दुखु कैमें। चरइ हरित तिन यलिपसु जैसें।। सुनत बान सृदु अंत कटोरी। देति मनहुँ मधु माहुर घोरी।। कहड़ चेरिस्धि अहड़ कि नाहीं। स्वामिनि कहिंदु कथा मोहि पाहीं दुइ वरदान भूप सन थाती। मागहु आजु जुड़ावहु छाती।। सुतहि राजु रामहि बनबास्। देहु लेहु सब सवति हुलास्।। भूपति राम सपथ जब करई। तब मागेहु जेहिं बचनु न टरई।। होइ अकाजु आजु निसि बीतें। बचनु मोर प्रिय मानेहु जीतें।।

दो०—बड़ कुघातु करि पातिकिनि कहेसि कोपग्रहँ जाहु। काजु सँवारेहु सजग सवृ सहसा जनि पितआहु॥२२॥

कुबरिहि रानि प्रानिप्रय जानी। बार बार बिंड बुद्धि बखानी।। तोहि सम हित न मोर संसारा। बहे जात कइ भइसि अधारा॥ जौं बिधि पुरब मनोरथु काली। करौं तोहि चखपूतरि आली॥ बहुविधि चेरिहि आदरु देई। कोपभवन गवनी कैंकेई।। विपति बीज बरपा रितु चेरी। भुइँ भइ कुमति कैंकई केरी।। पाइ कपट जलु अंकुर जामा। वर दोउ दल दुख फल परिनामा।। कोप समाज साजि सबु सोई। राज करत निज कुमति विगोई।। राउर नगर कोलाइलु होई। यह कुचालि कलु जान न कोई।।

दो०--प्रमुदित पुर नर नारि सब सजिहें सुमंगलचार। एक प्रबिसिहें एक निर्गमिहें भीर भूप दरवार॥२३॥

बाल सखा सुनि हियँ हरषाहीं । मिलि दस पाँच राम पहिं जाहीं।।
प्रभु आदरहिं प्रेमु पहिचानी । प्रूँछिह कुसल खेम सृदु बानी ।।
फिरिह भवन प्रिय आयसु पाई । करत परसपर राम बड़ाई ॥
को रघुबीर सिरस संसारा । सीलु सनेहु निबाह निहारा ॥
जेहिं जेहिं जोनि करम बस भ्रमहीं । तहँ तहँ ईसु देउ यह हमहीं ॥
सेवक हम खामी सियनाहू । होउ नात यह और निबाहू ॥
अस अभिलाषु नगर सब काहू । कैकयसुता हृदयँ अति दाहू ॥
को न कुसंगति पाइ नसाई । रहड न नीच मतें चतुराई ॥

दो ० – साँझ समय<sup>र</sup> सानंद नृपु गयउ कैंकई गेहँ। गवनु निटुरता निकट किय जनु धरि देह सनेहँ॥२४॥

कोप भवन सुनि सकुचेउ राऊ। भय वस अगहुड़ परइ न पाऊ॥ सुरपति वसइ वाहँवल जाकें। नरपति सकल रहिंह रूख ताकें॥ सो सुनि तिय रिस गयउ सुखाई। देखहु काम प्रताप वड़ाई॥ स्रूल कुलिस असि अँगवनिहारे। ते रितनाथ सुमन सर मारे॥ सभय नरेसु प्रिया पिंह गयऊ। देखि दसा दुखु दारून भवऊ॥ भूमि सयन पदु मोट पुराना । दिए डारि तन भूषन नाना ॥ कुमतिहि कसि कुबेषता फाबी । अनअहिवात सच जनु भाबी ॥ जाइ निकट नृषु कह मृदु वानी । प्रानिप्रया केहि हेतु रिसानी ॥

छं०—केहि हेतु रानि रिसानि परसत पानि पतिहि नेवारई । मानहुँ सरोप भुअंग भामिनि विषय भाँति निहारई ॥ दोउ बासना रसना दसन वर मरम टाहरु देखई । तुलसी नृपति भवत•यता बस काम कौतुक लेखई ॥

सो •—बार बार कह राउ सुमुखि सुलोचिन पिकवचिन । कारन मोहि सुनाउ गजगामिनि निज कोप कर ॥२५॥

अनहित तोर प्रिया के इँ कीन्हा। के हि दुइ सिर के हि जम्र चह लीन्हा कहु के हि रंक हि करों नरेखा। कहु के हि नृपहि निकासों देखा। सकउँ तोर अरि अमरउ मारी। काह की ट वपुरे नर नारी।। जानसि मोर सुभाउ बरोरू। मनु तव आनन चंद चकोरू।। प्रिया प्रान सुत सरवसु मोरें। परिजन प्रजा सकल वम तोरें।। जों कलु कहीं कप इकरि तो ही। भाभिनि राम सपथ सत मो ही।। विहसि मागु मनभावति बाता। भूपन सजहि मनो हर गाता।। घरी कुघरी समुक्षि जियँ देखू। बेगि प्रिया परिहरहि कुवेषू।।

दो ०—यह सुनि मन गुनि सपथ बड़ि बिहसि उठी मतिमंद। भूपन सजति विलोकि मृगु मनहुं किरातिनि फंद ॥२६॥

पुनि कह राउ सुद्दद जियँ जानी । प्रेम पुलकि सृदु मंजल बानी ।। भामिनि भयउ तोर मनभावा । घर घर नगर अनंद बधावा ॥ रामिद देउँ कालि जुबराज् । सजिह सुलोचनि मंगल साजू॥ दलिक उठेउ सुनिहृद उकठोरू। जनु छुइ गयउ पाक बरतोरू।। ऐसिउ पीर बिहसि तेहिंगोई। चोर नारि जिमि प्रगटि नरोई॥ लखिंद न भूप कपट चतुराई। कोटि कुटिल मनि गुरू पढ़ाई॥ जद्यपि नीति निपुन नरनाहू। नारिचरित जलनिधि अवगाहू॥ कपट सनेहु बढ़ाइ बढ़ोरी। बोली बिहसि नयन गुहु मोरी॥

दो०—मागु मागु पे कहहु पिय कबहुँ न देहु न लेहु। देन कहेहु बरदान दुइ तेउ पावत संदेहु॥२७॥

जाने उँ मरमु राउ हँसि कहई । तुम्हिह को हाब परम प्रिय अहई।। थाती राखि न मागिहु काऊ । बिसरि गयउ मोहि भोर सुभाऊ।। अरेडे हुँ हमिह दोषु जिन देहू । दुइ के चारि मागि मकु लेहू ।। रघुकुल रीति मदा चिल आई। प्रान जाहुँ वरु वचनु न जाई।। निहं असत्य सम पातक पुंजा। गिरिसम हो हिं कि को टिक गुंजा सत्यमूल सब सुकृत सुहाए। वेद पुरान बिदित मनुगाए।। तेहि पर राम सपथ किर आई। सुकृत सनेह अविध रघुराई।। वात दृहाइ कुमित हँसि बोली। कुमत कुबिहग कुलह जनु खोली।।

दो०-भूप मनोरथभ्सुभग वनु सुख सुबिहंग समाजु। भिल्लिनि जिमि छाड़न चहति वचनु भयंकरु बाजु॥२८॥

## मासपारायण, तेरहवाँ विश्राम

सुनहु प्रानिषय भावत जी का। देहु एक वर भरतिह टीका।। मागउँ दूसर वर कर जोरी। पुरवहु नाथ मनोरथ मोरी।। तापस वेष विसेषि उदासी। चौदह बरिस राम्र बनवासी।। सुनि मृदु ब वन भूप हियँ सोक् । सिस कर छुअत विकल जिमि कोक् गयउ सहिम निर्हे कछु कि आवा। जनु सचान वन झपटेउ लावा विवरन भयउ निपट नरपाल् । दामिनि हने उमनहुँ तरु ताल् ।। माथें हाथ मूदि दोउ लोचन । तनु धिर सोचु लाग जनु मोचन।। मोर मनोरथु सुरतरु फूला । फरत किरिनि जिमि हने उसमूला।। अवध उजारि कीन्हि कैकेईं। दीन्हिम अचल विपति के नेईं।। दो०-कवने अवसर का भयउ गयउँ नारि विस्वास। जोग सिद्धि फल समय जिमि जितिहि अविद्या नास ॥ २९॥

एहि बिधि राउ मनहिं मन झाँखा। देखि कु भाँति कु मित मन माखा भरत कि राउर पूत न होंही । आने हु मोल बेसाहि कि मोही ॥ जो सुनि सरु अस लाग तुम्हारें। काहेन बोल हु बचनु सँभारें ॥ देहु उतरु अनु करहु कि नाहीं। सत्यसंघ तुम्ह रघुकुल माहीं ॥ देन कहे हु अब जिन बरु देहू। तजहु सत्य जग अपजसु ले हु ॥ सत्य सराहि कहे हु बरु देना। जाने हु ले हिहि मागि चवेना ॥ सिवि दधीचि बलि जो कछु भाषा। तनु धनु तजे उ बचन पनु राखा अति कडु बचन कहति कै के ई। मान हुँ लोन जरे पर देई॥

दो ०-घरम धुरंधर धीर धरि नयन उघारे रायें।

सिरु धुनि लीन्हि उसास असि मारेसि मोहि कुटायँ ॥ २०॥

आगें दीखि जरत रिस भारी। मनहुँ रोष तरवारि उघारी।।
मूठि कुबुद्धि धार निउराई। धरी क्वरीं सान बनाई।।
लखी महीप कराल कठोरा। सत्य कि जीवनु लेहिह मोरा।।
बोले राउकठिन करि छाती। बानी सबिनय तासु सोहाती।।

त्रिया वचन कस कहिस कुभाँती । भीर त्रतीति त्रीति करि हाँती ॥ मोरें भरत् राम्र दुइ आँखी । सत्य कहउँ किर संकरु साखी ॥ त्रवसि द्तु में पटहव त्राता । ऐहिहें बेगि सुनत दोउ त्राता ॥ सुदिन सोधि सबु साजु सजाई । देउँ भरत कहुँ राजु बजाई ॥

दो०-लोभु न रामिह राजु कर बहुत भरत पर प्रीति। में बड़ छोट विचारि जियँ करत रहेउँ नृपनीति॥३१॥

राम सपथ सत कहउँ सुभाऊ। राममातु कछ कहेउ न काऊ।।
मैं सबु कीन्ह तोहि बिनु पूँछें। तेहि तें परेउ मनोरथु छूछें।।
रिस परिहरु अब मंगल साजू। कछु दिन गएँ भरत जुबराजू।।
एकहि बात मोहि दुखु लागा। बर दूसर असमंजस मागा।।
अनहुँ हृद उ जरत तेहि आँचा।रिस परिहास कि साँचेहुँ साँचा।।
कहु तिज रोषु राम अपराधू। सबु को उ कहइ राम्रु सुठि साधू।।
तुहुँ सराहिस करिस सनेहू। अब सुनि मोहि भयउ संदेहू।।
जासु सुभाउ अरिहि अनुकूला।सो किमि करिहि मातु प्रतिकुला

दो ०--प्रिया हास रिस परिहरहि मागु त्रिचारि विवेकु । जेहिं देखें अत्र नयन भरि भरत राज अभिषेकु ॥ ३२ ॥

जिए मीन बरु वारि विहीना। मिन बिनु फिनिकु जिए दुख दीना कहउँ सुभाउन छछ मन माहीं। जीवनु मोर राम विनु नाहीं।। समृक्षि देखु जियँ प्रिया प्रवीना। जीवनु राम दरस आधीना।। सुनि मृदु बचन कुमित अति जरई। मनहुँ अनल आहुति घृत परई।। कहइ करहु किन कोटि उपाया। इहाँ न लागिहि राउरि माया।। देहु कि लेहु अनसु करि नाहीं। मोहिन बहुत प्रपंच सोहाहीं।। राम्र साधु तुम्ह साधु सयाने । राममातु भिल मब पहिचाने ।। जस कौसिलाँ मोर भल ताका। तस फल्र उन्हिह देउँ करिसाका।।

दो ० - होत प्रातु मुनिवेष धरि जौ न रामु बन जाहिं।

मोर मरनु राउर अजस नृप समुक्षिअ मन माहि॥ ३३॥ अस कि कुटिल भई उठि ठाड़ी। मानहुँ गेष तर्गगिनि बाड़ी।। पाप पहार प्रगट भइ सोई। भरी क्रोध जल जाड़ न जोई।। दोउ वर कूल कठिन हठ धारा। भवेर कूबरी बचन प्रचारा।। ढाहत भूपरूप तरु मूला। चली बिपति बारिधि अनुकूला।। लखी नरेस बात फुरि साँची। तिय मिस मीचु सीस पर नाची।। गिह पद विनय कीन्ह बैंटारी। जिन दिनकर कुल होसि कुठारी।। मागु माथ अवहीं देउँ तोही। राम बिरहँ जिन मारिम मोही।। राखु राम कहुँ जेहि तेहि भाँती। नाहिं त जिरहि जनम भिर छाती।। दो०-देखी ब्याधि असाध नृपु परेज धरनि धुनि माथ।

कहत परम आरत बचन राम राम रघुनाथ ॥ ३४ ॥

व्याकुल राउसिथिल सब गाता। करिनि कलपतरु मनहुँ निपाता।। कंड सूख मुख आव न बानी। जनु पाठीनु दीन बिनु पानी।। पुनि कह कड़ कठोर कैंकेई। मनहुँ घाय महुँ माहुर देई।। जीं अंतहुँ अस करतनु रहेऊ। मागु मागु तुम्ह केहिं बल कहेऊ।। दुइ कि होइ एक समय भुआला। हँसब ठठाइ फुलाउब गाला।। दानि कहाउब अरु कुपनाई। होइ कि खेम कुसल रौताई।। छाड़ हु बचनु कि धीरजु धरहू। जनि अबला जिमि करुना करहू।। तनु तियतनय धामु धनु धरनी। सत्यसंध कहुँ तुन सम बरनी।। दो ०—मरम वचन सुनि राउ कह कहु कछु दोषु न तौर। लागेउ तोहि पिसाच जिमि कालु कहावत मोर॥ ३५॥

चहत न भरत भूपतिह भोरें। विधि बस कुमित बसी जिय तोरें।। सो सबु मोर पाप परिनाम् । भयउ कुठाहर जेहिं विधि बाम् ।। सुवस बसि हि फिरि अवध सुहाई। सब गुन धाम राम प्रस्ताई ।। करिहिंह भाइ सकल सेवकाई। होइहि तिहुँ पुर राम बड़ाई ।। तोर कलंकु मोर पछिताऊ। मुएहुँ न मिटिहि न जाइहि काऊ।। अब तोहि नीक लाग करु सोई। लोचन ओट बैंठु मुहु गोई ।। जब लिग जिऔं कहउँ कर जोरी। तब लिग जिन कळु कहिस बहोरी फिरि पछितेहस अंत अभागी। मारसि गाइ नहारू लागी ।।

दो ०-परे उरा उ किह कोटि विधि काहे करिस निदानु । कपट संयानि न कहन किछु जागिन मनहुँ मसानु ॥ ३६॥

राम राम रट विकल अअ।ल् । जनु विनुपंस विहंग बेहाल् ॥ हृदयँ मनाव भोरु जिन होई । रामिह जाइ कहै जिन कोई ॥ उद्देश करह जिन रिव रघुकुल गुर । अवध विलोक सल होइहि उर॥ भूप प्रीति कैंकेइ कठिनाई । उभय अवधि विधि रची वनाई ॥ विलपत नृपिह भयउभिनुसारा। वीना बेनु संख धुनि द्वारा ॥ पढ़िंह भाट गुन गावहिं गायक । सुनत नृपिह जनुलागहिं सायक॥ मंगल सकल सोहाहिंन कैसें । सहगामिनिहि विभूपन जैसें ॥ तेहि निसि नीद परी नहिंकाहु । राम दरस लालसा उछाहु ॥

दो ०—द्वार भीर सेवक सचिव कहिं उदित रिब देखि। जागेउ अजहुँ न अवधपति कारनु कवनु बिसेषि॥ ३७॥ पिछले पहर भूपु नित जागा। आज हमिह बड़ अचरज लागा।। जाहु सुमंत्र जगावहु जाई। कीजिअ काज रजायसु पाई।। गए सुमंत्र तव राउर माहीं। देखि भयावन जात डेराहीं।। धाइ खाइ जनु जाइ न हेरा। मानहुँ विपति बिपाद वसेरा।। पूछें कोउ न ऊतरु देई। गए जेहिं भवन भूप कंकेई।। कहि जय जीव वैठ सिरु नाई। देखि भूप गित गयउ सुखाई।। सोच विकल बिवरन महि परेऊ। मानहु कमल मृल परिहरेऊ।। सचिउ मभीत मकइ नहिं पूँळी। बोली असुभ भरी सुभ छूछी।।

दो ०-परी न राजिह नीद निसि हेतु जान जगदीसु ।

रामु रामु रिट भोरु किय कहइ न मरमु महीसु ॥ ३८॥

आनद्दु रामित बेगि योलाई। समाचार तव पूँछेहु आई।। चलेउ सुमंत्र राय रुख जानी। लखी कुवालिकीन्ति कछ रानी सोच विकल मग परइन पाऊ। रामित बोलि कितित मनु मारें।। उर धिर धीरज गयउ दुआरें। पूँछित सकल देखि मनु मारें।। समाधानु करियो सबती का। गयउ जहाँ दिनकर कुल टीका।। राम सुमंत्रित आवत देखा। आदरु कीन्त्र पिता सम लेखा।। निरित्व बद्नु किह भूप रजाई। रघुकुलदीपित चलेउ लेवाई।। राम्र कुभाँति सचिव सँग जातीं। देखि लोग जह तह बिलखाहीं।। दोल-जाइ दीख रघुवंसमिन नरपित निपट कसाज।

सहिम परेउ लिख सिंधिनिहि मनहुँ वृद्ध गजराजु ॥ ३९॥

स्त्वहिं अधर जरइ सबु अंगू। मनहुँ दीन मनिहीन सुअंगू।। सरुष समीप दीखि कैंकेई। मानहुँ मीच घरीं गनि लेई।। करुनामय मृदु राम सुभाऊ । प्रथम दीख दुखु सुना न काऊ ॥
तदिप धीर धारे समउ विचारी । पूँछी मधुर बचन महतारी ॥
मोहि कहु मातुतात दुख कारन। करिअ जतन जेहिं हो हिनवारन।।
सुनहु राम सबु कारनु एहू । राजिह तुम्ह पर बहुत सनेहू ॥
देन कहेन्हि मोहि दुइ बरदाना । मागेउँ जो कछु मोहि सोहाना ॥
सो सुनि भयउ भूप उर सोचू । छाड़िन सकहिं तुम्हार सँकोचू ॥

दो०—सुत सनेहु इत बचनु उत संकट परेउ नरेसु। सकहु त आयसु घरहु सिर मेटहु कठिन कलेसु॥४०॥

निधरक बैठि कहइ कटु वानी । सुनत कठिनता अति अकुलानी।। जीभ कमान बचन सर नाना । मनहुँ महिप मृदु लच्छ समाना।। जनु कठोरपन धरें सरीरू । सिखइ धनुपिबद्या वर वीरू ॥ सबु प्रसंगु रघुपितिह सुनाई । बैठि मनहुँ तनु धिर निष्ठराई ॥ मन सुमुकाइ भानुकुल भानू । राम सहज आनंद निधानू ॥ बोले बचन विगत सब द्षन । मृदु मंजुल जनु वाग विभूपन ॥ सुनु जननी सोइ सुतु बड़ भागी । जो पितु मातु बचन अनुरागी।। तनय मातु पितु तोषनिहारा । दुर्लभ जननि सकल संक्षारा ॥

दो ०—मुनिगन मिलनु विसेपि बन सबिह भाँति हित मोर । तेहि महँ पितु आयसु बहुरि संमत जननी तोर ॥ ४१॥

भरत प्रानिषय पावहिं राज् । विधि सब विधि मोहि सनग्रुख आज् ॥ जों न जाउँ बन ऐसेहु काजा । प्रथम गनिय मोहि मूढ़ समाजाः। सेवहिं अरँड कलपतरु त्यागी । परिहरि अमृत लेहिं विषु मागी॥ तेउ न पाइ अस समउ चुकाहीं । देखु बिचारि मातु मन माहीं ॥ अंब एक दुखु मोहि बिसेषी । निपट बिकल नरनायकु देग्वी।। थोरिहिं बात पितहि दुख भारी। होति प्रतीति न मोहि महतारी ।। राउ धीर गुन उद्धि अगाधू। भा मोहि तें कल्ल बड़ अपराधू।। जातें मोहि न कहत कल्ल राऊ। मोरि सपथ तोहि कहु सितभाऊ!।

दो०—सहज सरल रघुवर वचन कुमति कुटिल करि जान। चलइ जौक जल वक्रगति जद्यपि सलिलु समान॥ ४२॥

रहसी रानि राम रुख पाई। बोली कपट सने हु जनाई।।
सपथ तुम्हार भरत के आना। हेतु न दूसर में कल्ल जाना।।
तुम्ह अपराध जोगु निहं ताता। जननी जनक बंधु सुखदाता।।
राम सत्य सबु जो कल्ल कहहू। तुम्ह पितु मातु बचन रत अहहू॥
पितिह बुझाइ कहहु बिल सोई। चौथेंपन जेहिं अजसु न होई।।
तुम्ह सम सुअन सुकृत जेहिं दीन्हे। उचित न तासु निराद रुकीन्हे
लागहिं कुमुख बचन सुभ केसे। मगहँ गयादिक तीरथ जैसे।।
रामहि मातु बचन सब भाए। जिमि सुरसरि गत सलिल सुहाए

दो०—गइ मुरुछा रामहि सुमिरि नृप फिरि करवट छीन्ह। सचिव राम आगमन कहि विनय समय सम कीन्ह॥ ४३॥

अवनिप अकिन राम्रुपगुधारे । धिर धीरजु तब नयन उघारे !! सचित्रँ सँभारि राउ बैठारे । चरन परत नृप राम्रु निहारे !! लिए सनेह बिकल उर लाई । गैं मिन मनहुँ फिनिक फिरिपाई॥ रामित्र चितइ रहेउ नरनाहू । चला बिलोचन बारि प्रबाहू ॥ सोक बिबस कल्ल कहै न पारा । हृद्यँ लगावत बारहिं वारा ॥ बिधिह्रि मनावराउ मन माहीं । जेहिं रघुनाथ न कानन जाहीं॥ सुभिरि महेसहि कहड् निहोरी । विनती सुनद्व सदासिव मोरी।। आसुतोप तुम्ह अवढर दानी । आरति हरद्वुदीन जनु जानी ॥

दो०-तुम्ह प्रेरक सब के हृदयँ सो मित रामिह देहु।
वचनु मोर तिज रहिं घर परिहरि सीलु सनेहु॥ ४४॥
अजसु होउ जग सुजसु नसाऊ। नरक परीं बरु सुरपुरु जाऊ॥
सब दुख दुसह सहाबहु मोही। लोचन औट रामु जिन होंही॥
अस मन गुनइराउ निहं बोला। पीपर पात सरिस मनु डोला॥
रघुपति पितिह प्रेमवस जानी। पुनि कलु कहिहि मातु अनुमानी
देस काल अवसर अनुसारी। बोले बचन विनीत बिचारी॥
तात कहउँकलु करउँ दिठाई। अनुचितु छमब जानि लरिकाई॥
अति लघु बात लागि दुखु पावा। काहुँ न मोहि कहि प्रथम जनावा
देखि गोसाइँहि पूँ छिउँ माता। सुनि प्रसंगु भए सीतल गाता॥

दो०—मंगल समय सनेह वस सोच परिहरिअ तात। आयसु देइअ हरिप हियाँ कहि पुलके प्रभु गात॥ ४५॥

धन्य जनमु ज्गतीतल तास । पितिह प्रमोद चिन्त सुनि जास चारि पदारथ करतल ताकें । प्रिय पितु मातु प्रान सम जाकें ॥ आयम पालि जनम फलु पाई । ऐहउँ बेगिहिं हो उर्जाई ॥ विदा मातु सन आवउँ मागी । चलिहउँ बनिह बहुरि पग लागी अस कहि राम गवनु तब कीन्हा । भूप सोक बस उत्तरु न दीन्हा॥ नगर व्यापि गइ बात सुतीली । लु अत चढ़ी जनु सब तन बीली॥ सुनि भए विकल सकल नरनारी। बेलि बिटप जिमि देखि द्वारी॥ जो जहँ सुनइ धुनइ सिरु सोई । बड़ बिषादु नहिंधीरजु होई ॥ दो ०—मुल सुलाहि लोचन स्रवहिं सोकु न हृद्यँ समाइ।

मनहुँ करुन रस कटकई उतरी अवध बजाइ॥ ४६॥

मिलेहि माझ विधिवात बेगारी। जहुँ तहुँ देहिं कै कहि गारी।।

एहि पापिनिहि बूझि का परेऊ। छाइ भवन पर पावकु धरेऊ।।

निज कर नयन काढ़ि चह दीखा। डारि सुधा विषु चाहत चीखा।।

कुटिल कठोर कुबुद्धि अभागी। भइ रघुवंस बेनु बन आगी।।

पालव बैठि पेड़ एहिं काटा। सुख महुँ सोक ठाडु धरि ठाटा।।

सदा राम्च एहि प्रान समाना। कारन कवन कुटिलपनु ठाना।।

सत्य कहिं कि नारि सुभाऊ। सब विधि अगहु अगाध दुराऊ।।

निज प्रतिविंब बरुक गहि जाई। जानि न जाइ नारि गति भाई।।

दो०—काह न पावकु जारि सक का न समुद्र समाइ। का न करें अबला प्रबल केहि जग कालु न खाइ॥ ४७॥

का सुनाइ विधि काह सुनावा । का देखाइ चह काह देखावा ।।
एक कहिंह भल भूप न कीन्हा । बरु बिचारि निंह कुमतिहि दीन्हा
जो हिंठ भयउ सकल दुख भाजनु। अवला बिवस ग्यानु गुनु गा जनु
एक धरम परमिति पहिचाने । नृपिह दोसु निंह देहिंसयाने ।।
सिबि दधीचि हिरचेंद कहानी । एक एक सन कहिंद बखानी ।।
एक भरत कर संमत कहिं। एक उदास भाय सुनि रहिं।।
कान मूदि कर रद गहि जीहा । एक कहिंद यह बात अलीहा।।
सुकृत जाहिं अस कहत तुम्हारे । रासु भरत कहुँ प्रानिपआरे।।

दो ० –चंदु चवे बरु अनल कन सुधा होइ विपत्ल । सपनेहुँ कबहुँ न करिहं किछु भरतु राम प्रतिकूल ॥ ४८ ॥ एक विधातिह द्वनु देहीं। सुधा देखाइ दीन्ह विषु जेहीं।। खरमरु नगर सोचु सब काहू। दुसह दाहु उर मिटा उछाहू।। विप्रवधू कुलमान्य जठेरी। जे प्रिय परम कैकई केरी।। लगीं देन सिख सीछ सराही। बचन बानसम लागिह ताही।। भरत न मोहि प्रिय राम समाना। सदा कहहु यहु सबु जगु जाना।। करहु राम पर सहज सनेहू। केहिं अपराध आज बनु देहू।। कबहुँ न कियहु सवि आरेख्र। प्रीति प्रतीति जान सबु देख्र।। कीसल्याँ अब काह बिगारा। तुम्ह जेहि लागि बज पुरपारा।।

दो ०-सीय कि पिय सँगु परिहरिहि छखनु कि रहिहहिं धाम । राजु कि भूँजब भरत पुर नृषु कि जिइहि बिनु राम ॥ ४९॥

अस विचारि उर छाड़हु कोहू । सोक कलंक कोठि जिन होहू ।।
भरतिह अवसि देहु ज़बराजू । कानन काह राम कर काजू ।।
नाहिन राम्र राज के भूखे । धरम धुरीन विषय रस रूखे ।।
गुर गृह बमहुँ राम्र तिज गेहू । नृप सन अस बरु दूसर लेहू ।।
जौ निहं लगिहहु कहें हमारे । निहं लागिहि बछु हाथ तुम्हारे।।
जौ परिहास कीनिह बछु होई । तो किह प्रगट जनावहु सोई ।।
राम सिन सुत कानन जोगू । काह किहिह सुनि तुम्ह कहुँ लोगू
उठहु बेगि सोइ करहु उपाई । जेहि विधि सोकु कलंकु नमाई।।

छं ०—जेहि भाँति सोकु कलंकु जाइ उपाय करि कुल पालही । हठि फेरु रामहि जात बन जिन वात दूसरि चालही ॥ जिमि भानु विनु दिनु प्रान बिनु तनु चंद बिनु जिमि जामिनी; तिमि अवध तुलसीदास प्रमु बिनु समुझि धौं जियँ भामिनी॥ सो ०—सखिन्ह सिखावनु दीन्ह सुनत मधुर परिनाम हित । तेइँ कछु कान न कीन्ह कुटिल प्रबोधी क्वरी ॥ ५०॥

उत्तरु न देइ दुसह रिस रूखी । मृगिन्ह चितव जनु बाघिन भ्र्वी ब्याधि असाधि जानि तिन्ह त्यागी । चलीं कहत मितमंद अभागी राजु करत यह दें अँ विगोई । कीन्हेसि अस जस करइ न कोई।। एहि विधि विलपहिं पुर नर नारीं । देहिं कुचालिहि कोटिक गारीं।। जरहिं विषम जर लेहिं उसासा । कविन राम बिनु जीवन आसा।। विपुल वियोग प्रजा अकुलानी । जनु जलचर गन स्खत पानी ।। अति विपाद बस लोग लोगाईं। गण् भातु पहिं रामु गोसाईं।। मुख प्रसन्न चित चौगुन चाऊ । मिटा सोचु जनि राखे राऊ ।।

दो०-नव गयंदु रत्रुवीर मनु राजु अलान समान। कृट जानि बन गवनु सुनि उर अनंदु अधिकान॥ ५१॥

रघुकुलतिलक जोरि दोउ हाथा। मुदित मातु पद नायउ माथा।। दीन्हि असीस लाइ उर लीन्हे। भूपन बसन निछाबरि कीन्हे।। बार बार मुख्य चुंबति माता। नयन नेह जलु पुलकित गाता।। गोद राग्वि पुनि हृद्यँ लगाए। स्नवत प्रेमरस पयद सुहाए।। प्रेम्प प्रमोद न कलु कहि जाई। रंक धनद पदबी जनु पाई।। सादर सुंदर बद्दु निहारी। बोली मधुर बचन महतारी।। कहहु तात जननी बलिहारी। कबिं लगन मुद मंगलकारी।। सुकृत सील सुख सीवँ सुहाई। जनम लाभ कइ अवधि अधाई।।

दं ०-जेहि चाहत नर नारि सय अति आरत एहि भाँति । जिमि चातक चातकि तृषित बृष्टि सरद रितु स्वाति ॥ ५२ ॥ तात जाउँ विल वेगि नहाहू । जो मन भाव मधुर कल्ल खाहू ।।
पित समीप तव जाएहु भेशा । भइविड वार जाइविल मेशा ।।
मात्वचन सुनि अति अनुक्ला । जनु सनेह सुरतरु के फूला ।।
सुल मकरंद भरे श्रियमूला । निरिख राम मनु भवँ रु न भूला।।
भरम धुरीन धरम गित जानी । कहेउ मातु सन अति मृदु वानी।।
पिताँ दीन्ह मोहि कानन राजू । जहँ सब भाँति मोर बड़ काजू ।।
बायसु देहि सुदित मन माता । जेहिं सुद मंगल कानन जाता।।
बिन सनेह बस डरपिस भोरें। आनँदु अंब अनुग्रह तोरें।।

दो ०-वरष चारिदस बिपिन बिस कारि पितु बचन प्रमान । बाइ पाय पुनि देखिहउँ मनु जिन करिस मलान ॥ ५३ ॥

बचन विनीत मधुर रघुवर के । सर सम लगे मातु उर करके ।। सहिम स्रित्व सुनि सीतिल वानी । जिमि जवास परें पावस पानी।। किह न जाइ कल्ल हृदय विपाद् । मनहुँ मृगी सुनि केहिर नाद् ।। नयन सजल तन थर थर काँपी । माजिह खाइ मीन जनु मापी ।। धिर धीरजु सुत वदनु निहारी । गदगद बचन कहित महतारी ।। सात पितिह तुम्हू प्रानिप आरे । देखि सुदित नित चरित तुम्हारे॥ राजु देन कहुँ सुभ दिन साधा । कहेउ जान वन केहिं अपराधा।। तात सुनावहु मोहि निदान् । को दिनकर कुल भयउ कुसान्।।

दो•-निरित्तः राम रुख सिचिव सुत कारनु कहेउ वुझाइ। सुनि प्रसंगु रिह मूक जिमि दसा वरनि निहें जाइ॥ ५४॥

राश्वि न सकई न किह सक जाहू। दुहूँ भाँति उर दारुन दाहू।। किश्वित सुधाकर गा लिखि राहू। विधि गति वाम सदा सब काहू।। धरम सनेह उंभयँ मित घेरी । भइ गित साँप छुछुंदिर केरी ॥
राखउँ सुतिह करउँ अनुरोधू । धरमु जाइ अरु बंधु विरोधू ॥
कहउँ जान बन तो बिह हानी । संकट सोच विवस भइ रानी ॥
बहुरि समुझि तियधरमुसयानी । रामु भरतु दोउ सुत सम जानी॥
सरल सुभाउ राम महतारी । बोली बचन धीर धिर भारी ॥
तात जाउँ बिल कीन्हेहु नीका । पितु आयसु सब धरमक टीका॥

दो०—राजु देन कहि दीन्ह यनु मोहि न सो दुख लेसु। तुम्ह बिनु भरतिह भूपतिहि प्रजिह प्रचंड कलेसु॥ ५५ ॥

जों केवल पितु आयसु ताता। तो जिन जाहु जानि बिह माता॥ जों पितु मातु कहेउ बन जाना। तो कानन सत अवध समाना ॥ पितु बनदेव मातु बनदेवी। खग मृग चरन सरोरह सेवी॥ अंतहुँ उचित नृपिह बनवास् । वय विलोकि हियँ होइ हराँस् ॥ बड़भागी वनु अवध अभागी। जो रघुवंस तिलक तुम्हत्यागी॥ जों सुत कहीं संग मोहि लेहू। तुम्हरे हृदगँ होइ संदेहू॥ पूत परम प्रिय तुम्ह सबही के। प्रान प्रान के जीवन जी के॥ ते तुम्ह कहहु मातु बन जाऊँ। में सुनि बचन बैठि पछिताऊँ॥

दो ० – यह बिचारि नहिं करउँ हठ झूठ सनेहु बदाइ। मानि मातु कर नात यिल सुरति विसरि जिन जाइ॥ ५६ ॥

देन पितर सन तुम्हिह गोसाईं। राखहुँ पलक नयन की नाईं॥ अविध अंबु प्रिय परिजन मीना। तुम्ह करुनाकर धरम धुरीना॥ अस निचारि सोइ करहु उपाई। सनिह जिअत नेहिं मेंटहु आई॥ जाहु सुखेन बनिह बिल जाऊँ। करि अनाथ जन परिजन गाऊँ॥ सब कर आजु सुकृत फल बीता । भयउ कराल कालु बिपरीता।। बहु बिधि बिलिप चरन लपटानी। परम अभागिनि आपुहि जानी।। दारुन दुसह दाहु उर ब्यापा । बरनि न जाहि बिलाप कलापा।। राम उठाइ मातु उर लाई। कहि मुदु बचन बहुरि समुझाई।।

दो•—समाचार तेहि समय सुनि सीय उठी अकुलाइ। जाइ सासु पद कमल जुग यंदि वैटि सिरु नाइ॥ ५७॥

दोन्हि असीस सासु मृदु बानी । अति सुकुमारि देखि अकुलानी।। बेठि निमत्रसुख सोचित सीता । रूप रासि पित प्रेम पुनीता ।। चलन चहत बन जीवननाथू । केहि सुकृती सन होइहि साथू ।। कीतनु प्रान कि केवल प्राना । विधि करतवु कलु जाइ न जाना।। चारु चरन नख लेखित धरनी । नू पुर सुखर मधुर किव बरनी।। मनहुँ प्रेम बस विनती करहीं । हमहि सीय पद जिन परिहरहीं।। मंजु विलोचन मोचित बारी । बोली देखि राम महतारी ।। तात सुनहु सिय अति सुकुमारी। सास ससुर परिजनहि पिशारी।।

दो ०--पिता जनक भूपाल मिन समुर भानुकुल भानु । पित रिबकुल कैरव विपिन विधु गुन रूप निधानु ॥ ५८॥

में पुनि पुत्रवध् प्रिय पाई। रूप रामि गुन सील सुहाई।। नयन पुतरि करि प्रीति वढ़ाई। राग्वेउँ प्रान जानकिहिं लाई।। कलपबेलि जिमि बहु विधि लाली। सींचि सनेह सलिल प्रतिपाली फूलत फलत भयउ विधि बामा। जानि न जाड़ काह परिनामा।। पलँग पीठ तजि गोद हिंडोरा। सियँ न दीन्ह पगु अवनि कठोरा जिअन मूरि जिमि जोगवत रहऊँ। दीप बाति नहिंटारन कहऊँ।। सोइ सिय चलन चहति बन साथा । आयसु काह होइ रघुनाथा।। चंद किरन रस रसिक चकोरी । रबि रुख नयन सकइ किमि जोरी

दो ०—करि केहरि निसिचर चरिहं दुष्ट जंतु बन भूरि । विष बाटिकाँ कि सोह सुत सुभग सजीविन मूरि॥ ५९॥

बन हित कोल किरात किसोरी। रचीं बिरंचि बिषय सुख भोरी।।
पाहन कृमि जिमि कठिन सुभाऊ।तिन्हिह कलेसु न कानन काऊ।।
कै तापस तिय कानन जोगू। जिन्ह तप हेतु तजा सब भोगू।।
सिय बन बसिहि तात केहि भाँती। चित्रलिखित किप देखि डेराती
सुरसर सुभग बनज बन चारी। डाबर जोगु कि हंसकुमारी।।
अम बिचारि जस आयसु होई। मैं सिख देउँ जानकिहि सोई।।
जों सिय भवन रहे कह अंबा। मोदि कहँ होइ बहुत अवलंबा।।
सुनि रघुबीर मातु थिय बानी। सील सनेह सुधाँ जनु सानी।।

दो ०—कहि प्रिय वचन विवेकमय कीन्हि मातु परितोष। लगे प्रबोधन जानकिहि प्रगटि विपिन गुन दोप॥६०॥

## मासपारायण, चोदहवाँ विश्राम

मातु समीप कहत सकुचाहीं । बोले समउ समुझि मन माहीं ।। राजकुमारि सिखावनु सुनहू । आन भाँति जियँ जिन कलु गुनहू आपन मोर नीक जों चहहू । बचनु हमार मानि गृह रहहू ।। आयसु मोर सासु सेत्रकाई । सब विधि भामिनि भवन भलाई।। एहि ते अधिक धरमु नहिं दृजा। सादर सासु ससुर पद पूजा।। जब जब मातु करिहि सुधि मोरी। होइहि प्रेम विकल मति भोरी ।। तन तन तुम्ह किह कथा पुरानी। सुंदिर समुझाएहु मृदु वानी।। कहउँ सुभायँ सपथ सत मोही। सुमुखि मातु हित राखउँ तोही।। दो ० – गुर श्रृति संमत धरम फलु पाइअ बिनहिं कलेस। हठ बस सब संकट सहे गालव नहुष नरेस॥ ६१॥

में पुनि करि प्रवान पितु वानी । बेगि फिरब सुनु सुमुखि सयानी दिवस जात नहिं लागिहि बारा । सुंदरि सि खवनु सुनहु हमारा।। जों हठ करहु प्रेम बस बामा । तो तुम्ह दुखु पाउब परिनामा।। काननु कठिन भयंकरु भारी । घोर घामु हिम बारि बयारी ॥ कुस कंटक मग काँकर नाना । चलब पयादेहिं बिनु पदत्राना।। चरन कमल मृदु मंजु तुम्हारे । मारग अगम भूमि धर भारे॥ कंदर खोह नदीं नद नारे । अगम अगाध न जाहिं निहारे॥ भालु बाघ चुक केहरि नागा । करहिं नाद सुनि धीरजुभागा।।

दो०—भूमि सयन बलकल बसन असनु कंद फल मूल। ते कि सदा सब दिन मिलहिं सबुइ समय अनुकूल॥ ६२॥

नर अहार रजनीचर चरहीं। कपट वेष विधि कोटिक करहीं॥ लागइ अति पहारें कर पानी। विपिन विपति नहिं जाइ बखानी॥ ब्याल कराल विहग बन घोरा। निसिचर निकर नारि नर चोरा॥ डरपिं धीर गहन सुधि आएँ। मृगलोचिन तुम्ह भीरु सुभाएँ॥ हंसगवनि तुम्ह नहिंबन जोगू। सुनिअपजसु मोहि देइहिलोगू॥ मानस सलिल सुधाँ प्रतिपाली। जिअइ कि लवन पयोधि मराली॥ नव रसाल बन विहरनसीला। सोह कि कोकिल विपिन करीला॥ रहहु भवन अस हृद्यँ विचारी। चंदबदनि दुखु कानन भारी॥ दो०-सहज सुहृद गुर स्वामि सिख जो न करइ सिर मानि ।

सो पिछताइ अघाइ उर अविस होइ हित हानि ॥ ६३ ॥ सुनिमृदु बचन मनोहर पिय के । लोचन लिलत भरे जल सिय के।। सीतल सिख दाहक भइ केंसें । चक्रइहि सरद चंद निसि जैसें ।। उत्तरु न आव बिकल बैंदेही । तजन चहत सुचि खामि सनेही ।। बरबस रोकि बिलोचन बारी। धिर धीरजु उर अवनिकुमारी ।। लागि सासु पग कह कर जोरी। छमिब देबि बिड़ अबिनय मोरी।। दीन्हि प्रानपित मोहि सिख सोई। जेहि बिधि मोर परम हित होई।। मैं पुनि समुझि दीखि मन माहीं । पिय बियोग सम दुखु जग नाहीं

दो ०-प्राननाथ करुनायतन सुंदर सुखद सुजान।

तुम्ह बिनु रघुकुल कुमुद विधु सुरपुर नरक समान ॥ ६४ ॥ मातु पिता भिगनी प्रिय भाई । प्रिय पिरवारु सुहृद समुदाई ॥ सासु ससुर गुर सजन सहाई । सुत सुंदर सुसील सुखदाई ॥ जहँ लगि नाथ नेह अरु नाते । पिय बिनु तियहि तरिन हु ते ताते तनु धनु धाम धरिन पुर राजू । पित बिहीन सबु सोक समाजू ॥ भोग रोगसम भूषन भारू । जम जातना सिरस संसारू ॥ प्राननाथ तुम्ह बिनु जग माहीं । मो कहुँ सुखद कतहुँ कछु नाहीं॥ जिय बिनु देह नदी बिनु बारी। तैसिअ नाथ पुरुष बिनु नारी ॥ नाथ सकल सुख साथ तुम्हारें । सरद बिमल विधु बदनु निहारें॥

दो०—खग मृग परिजन नगरु बनु बलकल बिमल दुक्ल।

नाथ साथ सुरसदन सम परनसाल सुख मूल ॥ ६५ ॥ वनदेवीं वनदेव उदारा । करिहहिं सासु ससुर सम सारा कुस किसलय साथरी सुहाई। प्रभु सँग मंजु मनोज तुराई।। बंद मूल फल अमिअ अहारू। अवध सीध सत सरिस पहारू।। छिनु छिनु प्रभु पद कमल बिलोकी। रहिहउँ मुदित दिवस जिमि कोकी बन दुख नाथ कहे बहुतेरे। भय बिपाद परिताप धनेरे।। प्रभु बियोग लबलेस समाना। सब मिलिहोहिं न कृपानिधाना अस जियँ जानि सुजान सिरोमनि। लेइअ संग मोहि छाड़िअ जिन विनती बहुत करीं का स्वामी। करुनामय उर अंतरजामी।।

दो०-राखिअ अवध जो अवधि लगि रहत न जनिअहिं प्रान।

दोनचंषु संदर सुखद सील सनेह निधान ॥ ६६ ॥
मोहि मग चलत न होइहि हारी । छिनु छिनु चरन सरोज निहारी॥
सबिह भाँति पिय सेवा करिहाँ । मारग जनित सकल श्रम हिरहाँ॥
पाय पत्थारि बैठि तरु छाहीं । करिहउँ बाउ मुदित मन माहीं॥
श्रम कन सिहत स्थाम तन देखें । कहँ दुख समउ प्रावपित पेखें ॥
सम महि तुन तरुपल्लय डासी। पाय पलोटिहि सब निसि दासी॥
बार बार मृदु मूरित जोही । लाभिहि तात बयारि न मोही॥
को प्रभुसँग म्येहि चितवनिहारा। सिंघबधुहि जिमि ससक सिआरा
मैं सुकुमारि नाथ बन जोगू। तुम्हिह उचित तप मो कहुँ भोगू
दो ०-ऐसेड वचन कडोर सुनि जौं न हृदउ विलगान।

तौ प्रमु विषम वियोग दुख सिहहिं पावँर प्रान ॥ ६७ ॥ अस किह सीय विकल भई भारी। बचन वियोगु न सकी सँभारी॥ देखि दसा रघुपति जियँ जाना। हिठ राखें निह्नं राखिहि प्राना॥ कहेउ कृपाल भानुकुलनाथा। परिहरि सोचु चलहु बन साथा॥ नहिं बिपाद कर अवसरु आजू। बेगि करहु बन गवन समाजू।। किह प्रिय वचन प्रिया समुझाई। लगे मातु पद आसिप पाई!। बेगि प्रजा दुख मेठव आई। जननी निठुर विसरि जनि जाई॥ फिरिहि दसा विधि बहुरि कि मोरी देखिहउँ नयन मनोहर जोरी॥ सुदिन सुघरी तात कब होइहि। जननी जिअत बदन विधु जोइहि॥

दो•∸यहुरि वच्छ कहि लालु कहि रयुपति रयुवर तात। कविहें बोलाइ लगाइ हियँ हरिप निरक्षिहउँ गात॥ ६८॥

लिख सनेह कातिर महतारी । बच्चु न आव विकल भइ भारी ॥
राम प्रवोधु कीन्ह विधि नाना। समउ सनेहु न जाइ बखाना ॥
तब जानकी सासु पग लागी । सुनि अ भाग में परम अभागी ॥
सेवा समय देश वनु दीन्हा । मोर मनोरधु तक्तल न कीन्हा ॥
तजब छोसु जिन छाड़िअ छोहू । करमु कठिन कलु दोसु न मोहू ॥
सुनि सिय बचन सासु अकुलानी । दमा कविन विधि कहीं बखानी॥
बारिंद वार लाइ उर लोन्ही । धिर धोरजु सिख आसिष दीन्ही
अचल होउ अहिवातु सुम्हारा। जवलिंग गंग जमुन जल धारा॥

दो ॰—सीतिहि सासु असोस सिख दंग्निह अनेक प्रकार। चली नाइ पद पदुम सिरु अति हित बारिहें बार ॥ ६९ ॥

समाचार जब लिहिमन पाए। व्याकुल बिलख बदन उठि धाए।। कंप पुलक तन नयन सतीरा। गहं चरन अति प्रेम अधीरा।। कहिन सकत कल्ल चितवत ठाढ़े। मानु दीन जनु जल तें काढ़े।। सोचुहृद्यँ बिधि का होनिहारा। सबु सुखु सुकृतु सिरान हमारा।। मोकहुँ काह कहब रघुनाथा। रखिहहिं भवन कि लेहिंह साथा।। राम बिलोकि बंधु कर जोरें। देह गेह सब सन तृनु तोरें।। बोले बचनु राम नय नागर।सील सनेह सरल सुख सागर॥ तात प्रेम बस जनि कदराहू। सम्रुझिहृदयँपरिनाम उछाहू॥

दो ०-मातु पिता गुरु स्वामि सिख सिर घरि करहिं सुभायँ ।

हहेउ हामु तिन्ह जनम कर नतरु जनमु जग जायँ ॥ ७० ॥

अस जियँ जानि सुनहु सिख भाई। करहु मातु पितु पद सेनकाई।। भवन भरतु रिपुद्धदनु नाहीं। राउ बृद्ध मम दुखु मन माहीं।। मैं वन जाउँ तुम्हिह लेंद्र साथा। होइ सबिह विधि अवध अनाथा।। गुरु पितु मातु प्रजा परिवारू। सब कहुँ परइ दुसह दुख भाह ।। रहहु करहु सब कर परितोषु। नतरु तात होइहि बड़ दोषु।। जासु राज प्रिय प्रजा दुखारी। सो नृषु अवसि नरक अधिकारी।। रहहु तात असि नीति विचारी। सुनत लखनु भए ब्याकुल भारी।। सिअरें बचन द्धिख गए कैसें। परसत तुहिन तामरसु जैसें।।

दो०—उतरु न आवत प्रेम बस गहे चरन अकुलाइ।

नाथ दासु मैं स्वामि तुम्ह तजह त काह बसाइ ॥ ७१ ॥ दीन्हि मोहि सिंख नीकि गोसाई । लागि अगम अपनी कदराई ॥ नरबर धीर धरम धुर धारी । निगम नीति कहुँ ते अधिकारी॥ मैं सिसु प्रभु सनेहँ प्रतिपाला । मंदरु मेरु कि लेहिं मराला ॥ गुर पितु मातु न जानउँ काहू । कहउँ सुभाउ नाथ पतिआहू॥ जहँ लगि जगत सनेह सगाई। प्रीति प्रतीति निगम निजु गाई॥ मोरें सबइ एक तुम्ह स्वामी। दीनबंधु उर अंतरजामी ॥ धरम नीति उपदेसिअ ताही। कीरति भृति सुगति प्रिय जाही॥

मन क्रम बचन चरन रत होई। कुपासिंघु परिहरिअ कि सोई।।

दो ०—करुनासिंघु सुबंघु के सुनि मृदु वचन विनीत । समुझाए उर लाइ प्रभु जानि सनेहँ सभीत ॥ ७२॥

मागहु विदा मातु सन जाई। आवहु बेगि चलहु बन भाई।।
मुदित भए सुनिरघुवर बानी। भयउ लाभ बहु गइ विड हानी।।
हरित हदयँ मातु पिह आए। मनहुँ अंध फिरि लोचन पाए।।
जाइ जननि पग नायउ माथा। मनु रघुनंदन जानिक साथा।।
पूँछे मातु मिलन मन देखी। लखन कही सब कथा विसेषी॥
गई सहिम सुनि वचन कठोरा। मृगी देखि दव जनु चहु ओरा॥
लखन लखेउ भा अनरथ आजू। एहिं सनेह बस करब अकाजू॥
मागत बिदा सभय सकु वाहीं। जाइ संग विधि कहिहि कि नाहीं॥

दो ०—समुझि सुमित्राँ राम सिय रूप सुसीलु सुभाउ। नृप सनेहु लखि धुनेउ सिरु पापिनि दीन्ह कुदाउ॥ ७३॥

धीरज धरेउ कु अवसर जानी । सहज सहृद बोली सृदु बानी ॥
तात तुम्हारि मातु बैदेही । पिता राष्ट्र सब भाँति सनेही ॥
अवध तहाँ जहाँ राम निवास । तहाँ दिवस जहाँ मानु प्रकास ॥
जो पै सीय राष्ट्र बन जाहीं । अवधतुम्हार काज कल नाहीं ॥
गुर पितु मातु बंधु सुर साई । सेइ ब्रहिं सकल प्रान की नाई ॥
राष्ट्र प्रानिप्रय जोवन जी के । खारथ रहित सखा सबही के ॥
प्रानीय प्रिय परम जहाँ तें । सब मानि ब्रहिं राम के नातें ॥
अस जियँ जानि संग बन जाहू । लेहु तात जग जीवन लाहू ॥

दो०-भूरि भाग भाजनु भयह मोहि समेत बिल जाउँ।
जौं तुम्हरें मन छाड़ि छलु कीन्ह राम पद ठाउँ॥ ७४॥
पुत्रवती ज्वती जग सोई। रघुपित भगतु जासु सुतु होई॥
नतरु बाँझ भिल बादि बिआनी। राम बिम्रुख सुत तें हित जानी।।
तुम्हरेहिं भाग राम्रु बन जाहीं। दूसर हेतु तात कछु नाहीं।।
सकल सुकृत कर बड़ फल एहू। राम सीय पद सहज सनेहू॥
रागु रोपु इरिषा मदु मोहू। जिन सपनेहुँ इन्ह के बस होहू॥
सकल प्रकार विकार विहाई। मन क्रम बचन करेहु सेवकाई॥
तुम्ह कहुँ बन सब भाँति सुरासू। सँग पितु मातु राम्रु भिय जासू॥
जेहिं न राम्रु बन लहहिं बलेस । सुत सोइ करेहु इहु उपदेस॥

छं०-उपदेसु यहु जेहिं तात नुम्हरे राम सिय सुख पावहीं। पितु मानु प्रिय परिवार पुर सुख सुरित बन विसरावहीं॥ नुलसी प्रभुहि भिख देइ आयसु दीन्ह पुनि आसिप दई। रित होउ अविरल अमल सिय रवृवीर पद नित नित नई॥

मो ०-मातु चरन सिरु नाइ चले तुरत संकित हृदयँ। बागुर विषम तोराइ मनहुँ भाग मृगु भाग वस ॥ ७५ ॥

गए लखनु जहँ जानिकनाथू । भे मन मुदित पाइ प्रिय साथू ॥ वंदि राम सिय चरन सुहाए । चले संग नृप मंदिर आए ॥ कहिंह परसपर पुर नर नागी । भिल बनाइ विधि बात विगारी॥ तन कुस मन दुखु वदन मलीने । विकल मनहुँ माखी मधु छीने ॥ कर मीजिंह सिरु धुनि पछिताहीं। जनु विनु पंख बिहग अकुलाहीं॥ भइ बढ़ि भीर भूप दरबारा । बरनि न जाह बिषादु अपारा ॥ सचिवँ उठाइ राउ वैठारे । कहि प्रिय बचन राम्र पगु धारे॥ सिय समेत दोउ तनय निहारी । ब्याकुल भयउ भूमिपति भारी ॥

दो•—सीय सहित सुत सुभग दोउ देखि देखि अकुलाइ। बारिहें बार सनेह यस राउ लेइ उर लाइ॥७६॥

सकइ न बोलि बिकल नरनाहू। सोक जनित उर दारुन दाहू।।
नाइ सीसु पद अति अनुरागा। उठि रघुबीर बिदा तब मागा।।
पितु असीस आयसु मोहि दीजें। हरभ समय विसमउ कत कीजें।।
तात किएँ प्रिय प्रेम प्रमाद्। जसु जग जाइ होइ अपबादू॥
सुनि सनेह बस उठि नरनाहाँ। बैठारे रघुपति गहि वाहाँ॥
सुनहु तात तुम्ह कहुँ मुनि कहहीं। राम्र चराचर नायक अहहीं॥
सुभ अरु असुभ करम अनुहारी। ईसु देइ फलु हृदयँ बिचारी॥
करइ जो करम पाव फल सोई। निगम नीति असि कह सबु कोई॥

दो**०-और** करें अपराधु कोड और पाव फल भोगु। अति बिचित्र भगवंत गति को जग जानै जोगु॥ ७७॥

रायँ राम राखन हित लागी । बहुत उपाय किए छछ त्यागी ।। लखी राम रुख रहत न जाने । धरम धुरंधर धीर सयाने ।। तब नृप सीय लाइ उर लीन्ही । अति हित बहुत भाँति सिख दीन्ही कहि बन के दुख दुसह सुनाए । मासु ससुर पितु सुख समुझाए ।। सिय मनु राम चरन अनुरागा । घरु न सुगमु बनु विपमु न लागा।। और उसवहिं सीय समुझाई । कहि कहि विपिन विपति अधिकाई सचिव नारि गुर नारि सयानी । सहित सनेह कहिं सदुर बानी ।। तुम्ह कहुँ तो न दीन्ह बनवासु । करहु जो कहिं ससुर गुर सास्न।। दो०--सिख सीतिल हित मधुर मृदु सुनि सीतिहि न सोहािन । सरद चंद चंदिनि लगत जनु चकई अकुलािन ॥ ७८॥

सीय सकुच वस उत्तरु न देई। सो सुनि तमिक उठी कैंकेई। ।
सुनि पट भूषन भाजन आनी। आगें धिर बोली मृदु बानी।।
नुपहि प्रानिप्रय तुम्ह रघुबीरा। सील सनेह न छाड़िहि भीरा।।
सुकृतु सुजसु परलोकु नसाऊ। तुम्हिह जानबन कहिहि नकाऊ।।
अस विचारि सोइ करहु जो भावा। राम जननि सिख सुनि सुखु पावा
भूषिह बचन बान सम लागे। करिह न प्रान प्यान अभागे।।
लोग विकल सुरुछित नरनाहु। काह करिअ कलु सुझ न काहू।।
रासु तुरत सुनि बेषु बनाई। चले जनक जननिहि सिरुनाई।।

**रो**०—सजि बन साजु समाजु सवु बनिता बंधु समेत । बंदि बिप्र गुर चरन प्रभु चले करि सबहि अचेत ॥ ७९ ॥

निकित बिसिष्ठ द्वार भए ठाड़े। देखे लोग विरह दव दाहे।। किहि त्रिय वचन सकल समुझाए। विष्र चृंद रघुवीर बोलाए।। गुर सन किह वरपासन दीन्हे। आदर दान विनय बस कीन्हे।। जाचक दान भान संतोषे। मीत पुनीत प्रेम परितोषे।। दासीं दास बोलाइ वहोरी। गुरहि सौंपि बोले कर जोरी।। सब के सार सँभार गोसाईं। करिब जनक जननी की नाई।। बारिह वार जोरि जुग पानी। कहत राम्र सब सन मृदु बानी।। सोइ सब भाँति मोर हितकारी। जेहि तें रहे भुआल सुखारी।।

दो ः—मातु सकल मोरे विरहँ जेहिं न होहिं दुख दीन। सोइ उपाउ तुम्ह करेहु सब पुर जन परम प्रबीन ॥ ८०॥ एहि विधि राम सबिह सम्रुझावा। गुर पद पदुम हरिष सिरु नावा।।
गनपित गौरि गिरीसु मनाई। चले असीस पाइ रघुराई।।
राम चलत अति भयउ बिषाद्। सुनि न जाइ पुर आरत नाद्।।
कुसगुन लंक अवध अति सोक् । हरिष बिषाद बिबस सुरलोक्क ।।
गइ मुरुला तब भृपति जागे। बोलि सुमंत्रु कहन अस लागे।।
राम्च चले बन प्रान न जाहीं। केहि सुख लागि रहत तन माहीं।।
एहि तें कवन ब्यथा बलवाना। जो दुखु पाइ तजहिं तनु प्राना।।
पुनि धरि धीर कहइ नरनाहू। लै रथु संग सखा तुम्ह जाहू।।

दो०–सुठि सुकुमार कुमार दोउ जनकपुना सुकुमारि रथ चढ़ाइ देखराइ बनु फिरेहु गएँ दिन चारि॥८१॥

जौं नहिं फिरहिं धीर दोउ भाई । सत्यसंघ हड़त्रत रघुराई ॥ तो तुम्ह बिनय करेहु कर जोरी। फेरिअ प्रभु मिथिलेम किमोगी॥ जब सिय कानन देखि डेराई । कहेहु मोरि सिख अवसरु वाई ॥ सासु ससुर अम कहेउ सँदेस् । पुत्रि फिरिअ बन बहुत कलेस् ॥ पितुगृह कबहुँ कबहुँ ससुरारी। रहेहु जहाँ रुचि होइ तुम्हारी॥ एहि बिधि करेहु उपाय कदंबा। फिरइ त होई प्रान अवलंबा॥ नाहिं त मोर मरनु परिनामा। कछु न बमाइ भएँ बिधि बामा॥ अस कहि मुरुछि परा महि राऊ। रामु लखनु सिय आनि देखाऊ॥

दो ०--पाइ रजायसु नाइ सिरु रथु अति बेग वनाइ। गयउ जहाँ बाहेर नगर सीय सहित दोउ भाइ॥ ८२॥

तब सुमंत्र नृप बचन सुनाए । करि बिनती रथ राम्रु चढ़ाए ॥ चढ़ि रथ सीय सहित दोउ भाई। चले हृदयँ अवधहि सिरु नाई॥ चलत रामु लिख अवध अनाथा । विकल लोग सब लागे साथा ।। कुपासिधु बहुविधि समुझावहिं। फिरहिं प्रेम बस पुनि फिरि आविंहिं लागित अवध भयाविन भारी । मानहुँ कालराति अधिआरी ।। घोर जंतु सम पुर नर नारी । डरपिंह एकहि एक निहारी ॥ घर मसान परिजन जनु भूता । सुत हित मीत मनहुँ जमदृता ॥ बागन्ह निटप बेलि कुम्हिलाहीं । सरित सरोवर देखिन जाहीं ॥

दो०—हय गय कोटिन्ह केलि मृग पुरपसु चातक मोर। पिक रथांग सुक सारिका सारस हंस चकोर॥ ८३॥

राम वियोग विकल सब ठाइ । जहँ तहँ मनहुँ चित्र लिखिकाइ।।
नगरु सफल बनु गहबर भारी । खग मृग विपुल सकल नर नारी।।
विधि केंकई किरातिनि कीन्ही। जेहिं दव दुसह दसहुँ दिसि दीन्ही सिह न सके रघुवर विरहागी । चले लोग सब ब्याकुल भागी ।।
सबहिं विचारु कीन्ह मन माहीं। राम लखन सिय बिनु सुखु नाहीं।।
जहाँ रामु तहँ सबुइ समाजू । विनु रघुवीर अवध नहिं काजू ।।
चले साथ अस मंत्रु दहाई। सुर दुर्लभ सुख सदन विहाई।।
राम चरन पंकजु प्रिय जिन्हही। विषय भोग वस करहिं कि तिन्हही

दो ०—ञालक बृद्ध विहाइ ग्रहेँ लगे लोग सब साथ। तमसा तोर निवासु किय प्रथम दिवस रघुनाथ॥ ८४॥

रघुपित प्रजा प्रेम वस देखी । सदय हृदयँ दुखु भयउ विसेषी ॥ करुनामय रघुनाथ गांसाँई । बेगि पाइअहिं पीर पराई ॥ किंद्र सप्रेम सुदु बच्चन सुहाए । बहुविधि राम लोग सम्रुझाए ॥ किए धरम उपदेस घनेरे । लोग प्रेम बस फिरहिं न फेरे ॥ सील सनेहु छाड़ि नहिं जाई। असमंजस बस मे रघुराई।। लोग सोग श्रम बस गए सोई। कछुक देवमायाँ मित मोई।। जबहिं जाम जुग जामिनि बीती। राम सचिव सन कहेउ सप्रीती।। खोज मारि रथु हाँकहु ताता। आन उपायँ बनिहि नहिं बाता।।

दो०—राम लखन सिय जान चिंद संभु चरन सिरु नाइ। सचिव चलायउ तुरत रथु इत उत खोज दुराइ॥ ८५॥

जागे सकल लोग भएँ भोरू। गे रघुनाथ भयउ अति सोरू।।
रथ कर खोज कतहुँ नहिं पावहिं। राम राम कि चहुँ दिसि धावहिं।।
मनहुँ बारिनिधि बूड़ जहाजू । भयउ विकल बड़ बनिक समाजू।।
एकहि एक देहिं उपदेख्न । तजे राम हम जानि कलेख्न ।।
निद्दिं आपु सराहहिं मीना। धिग जीवनु रघुबीर विहीना।।
जौं पैप्रिय वियोगु बिधि कीन्हा। तो कस मरनु न मागें दीन्हा।।
एहि विधि करत प्रलाप कलापा। आए अवध भरे परितापा।।
विषम वियोगु न जाइ बखाना। अविध आस सब राखिं प्राना।।

दो ०—राम दरस हित नेम वत लगे करन नर नारि। मनहुँ कोक कोकी कमल दीन बिहीन तमारि॥ ८६॥

सीता सचिव सहित दोउ भाई । सुंगवेरपुर पहुँचे जाई ॥ उतरे राम देवसरि देखी । कीन्ह दंडवत हरषु विसेषी ॥ लखन सचिवँ सियँ किए प्रनामा । सबिह सिहत सुखु पायउ रामा॥ गंग सकल सुद मंगल मूला । सब सुख करिन हरिन सब सला ॥ किह किह कोटिक कथा प्रसंगा । रासु विलोकिह गंग तरंगा ॥ सचिवहि अनुजहि प्रियहि सुनाई । विबुध नदी महिमा अधिकाई॥ मजजु कीन्ह पंथ श्रम गयऊ । सुचि जलु पिअत मुदित मन भयऊ सुमिरत जाहि मिटइ श्रम भारू । तेहि श्रम यह लौकिक ब्यवहारू।।

दो ०—सुद्ध सचिदानंदमय कंद भानुकुल केतु। चरित करत नर अनुहरत संस्रृति सागर सेतु॥ ८७॥

यह सुधि गुहँ निषाद जब पाई। मुदित लिए प्रिय बंधु बोलाई।। लिए फल मूल मेंट भिर भारा । मिलन चलेउ हियँ हरषु अपारा।। किर दंडवत भेंट धिर आगें। प्रभुहि बिलोकत अति अनुरागें।। सहज सनह बिबस रघुराई। पूँछी कुसल निकट बैठाई।। नाथ कुमल पद पंकज देखें। भयउँ भागभाजन जन लेखें।। देव धरनिधनु धाम्र तुम्हारा। मैं जनु नीचु सहित परिवारा।। कुपा करिअ पुरधारिअ पाऊ। थापिय जनु मबु लोगु सिहाऊ।। कहेहु सत्य सबु तखा सुजाना। मोहि दीन्ह पितु आयसु आना।।

दो ०—बरष चारिदस बासु वन मु!ने बत वेषु अहारु । याम बासु नहिं उचित सुनि गुहृहि भयउ दुखु भारु ॥ ८८ ॥

राम लखन सिय रूप निहारी। कहिंह सप्रेम ग्राम नर नारी।।
ते पितु मातु कहिंहु सेखि कैसे। जिन्ह पठए बन बालक ऐसे।।
एक कहिंहें भल भूपित कीन्हा। लोयन लाहु हमिह विधि दीन्हा।।
तब निषादपित उर अनुमाना। तरु सिंसुपा मनोहर जाना।।
लै रघुनाथिह ठाउँ देखावा। कहेउ राम सब भाँति सुहावा।।
पुरजन करि जोहारु घर आए। रघुबर संघ्या करन सिधाए।।
गुहँ सँवारि साँथरी उसाई। कुस किसलयमय मृदुल सुहाई।।
सुचि फल मृल मधुर मृदु जानी। दोना भिर भिर राखेसि पानी।।

दो०—सिय सुमंत्र भ्राता सहित कंद्र मूल फल खाइ। सयन कीन्ह रघुबंसमिन पाय पलोटत भाइ॥ ८९॥

उठे लखनु प्रभ्र सोवत जानी। किह सचिवहि सोवन मृदु बानी॥ किछुक द्रिसिज बान सरासन। जागन लगे बैठि बीरासन॥ गुहँ बोलाइ पाहरू प्रतीती। ठावँ ठावँ राखे अति प्रीती॥ आपु लखन पिंह बैठेउ जाई। किटि भाथी सर चाप चढ़ाई॥ सोवत प्रभ्रहि निहारि निषाद्। भयउ प्रेम बस हृद्यँ विषाद्॥ तनु पुलकित जलु लोचन बहई। वचन सप्रेम लखन सन कहई॥ भूपति भवन सुभायँ सुहावा। सुरपित सदनु न पटतर पावा॥ मनिमय रचित चारु चौबारे। जनु रितपित निज हाथ सँवारे॥

दो ०–सुचि सुबिचित्र सुभोगमय सुमन सुगंध सुबास। पलँग मंजु मनिदीप जहँ सब बिधि सकल सुपास॥ ९०॥

बिबिध बसन उपधान तुराईं। छीर फेन मृदु बिसद सुहाईं।।
तहँ सिय राम्र सयन निसि करहीं। निज छिब रित मनोज मदु हरहीं
ते सिय राम्र साथरीं सोए। श्रमित बसन बिजु जाहिंन जोए।।
मातु पिता परिजन पुरबासी। सखा सुसील दास अरु दासी।।
जोगवहिं जिन्हिह प्रान की नाईं। मिह सोवत तेइ राम गांसाईं।।
पिता जनक जग बिदित प्रभाऊ। ससुर सुरेस सखा रघुराऊ।।
रामचंदु पित सो बैदेही। सोवत मिह बिधि बाम न केही।।
सिय रघुबीर कि कानन जोगू। करम प्रधान सत्य कह लोगू।।

दो ०—कैकयनंदिनि मंदमति कठिन कुटिलपनु कीन्ह। जेहिं रघुनंदन जानिकहि सुख अवसर दुखु दीन्ह॥ ९१॥ भइ दिनकर कुल विटप कुठारी । कुमित कीन्ह सब विख दुखारी॥
भयउ विषाद निषादिह भारी । राम सीय मिह सयन निहारी॥
बोले लखन मधुर मृदु बानी । ग्यान विराग भगित रस सानी॥
काहुन कोउ सुख दुख कर दाता। निज कुत करम भोग सबु आता
जोग वियोग भोग भल मंदा। हित अनहित मध्यम अमफंदा॥
जनम्र मरनु जहँ लगि जग जाल् । संपति विपति करम्र अरु काल्॥
धरनि धाम्र धनु पुर परिवाक् । सरगु नरकु जहँ लगि ब्यवहाक्॥
देखि सुनि अ गुनि अमन माहीं। मोह मुल परमारथु नाहीं॥

दो ०—सपनें होइ भिखारि नृपु रंकु नाकपित होइ। जागें लाभु न हानि कछु तिमि प्रपंच जियँ जोइ॥ ९२॥

अस बिचारि निहं की जिअ रोस । काहुहि बादि न देइअ दोस ।।
मोह निसाँ सबु सोवनिहारा । देखिअ सपन अनेक प्रकारा।।
एहिं जग जामिनि जागिहें जोगी । परमारथी प्रपंच बियोगी ।।
जानिअ तबिं जीव जग जागा । जब सब बिषय बिलास बिरागा।।
होइ बिबेकु मोह अम भागा । तब रघुनाथ चरन अनुरागा ।।
सखा परम परमारथ एहू । मन कम बचन राम पद नेहू ।।
राम ब्रह्म परमारथ रूपा । अबिगत अलख अनादि अनुपा।।
सकल बिकार रहित गतभेदा । किहि नित नेति निरूपिं बेदा।।

दो ०—भगत भूमि भूसुर सुरिभ सुर हित लागि क्वपाल। करत चरित घरि मनुज तनु सुनत मिटहिं जग जाल।। ९३॥

मासपारायण, पन्द्रहवाँ विश्राम

सखा समुझ अस परिहरि मोहू । सिय रघुवीर चरन रत होहू ॥ कहत राम गुन भा भिनुसारा । जागे जग मंगल सुखदारा ॥ सकल सौच करि राम नहावा । सुचि सुजान बट छीर मगावा॥ अनुज सहित सिर जटा बनाए । देखि सुमंत्र नयन जल छाए ॥ हृद्यँ दाहु अति बदन मलीना । कह कर जोरि बचन अति दीना॥ नाथ कहेउ अस कोसलनाथा । लै रथु जाहु राम कें साथा ॥ बनु देखाइ सुरसरि अन्हवाई । आनेहु फेरि बेगि दोउ भाई ॥ लखनु रामु सिय आनेहु फेरी । संसय सकल सँकोच निवेरी ॥

दो०—नृप अस कहेउ गोसाइँ जस कहइ करौँ बिल सोइ। किर बिनती पायन्ह परेउ दीन्ह बाल जिमि रोइ॥ ९४॥

तात कृपा किर कीजिअ सोई। जातें अवध अनाथ न होई।।
मंत्रिहि राम उठाइ प्रबोधा। तात धरम मतु तुम्ह सबु सोधा।।
सिबि दधीच हरिचंद नरेसा। सहे धरम हित कोटि कलेसा।।
रंतिदेव बिल भूप सुजाना। धरमु धरेउ सिह संकट नाना।।
धरमु न दूसर सत्य समाना। आगम निगम पुरान बखाना।।
मैं सोइ धरमु सुलभ किर पावा। तर्जे तिहुँ पुर अपजसु छावा।।
संभावित कहुँ अपजस लाहू। मरन कोटि सम दारुन दाहू।।
तुम्ह सन तात बहुत का कहुँ। दिएँ उत्तरु फिरि पातकु लहुऊँ॥

दो०—पितु पद गहि कहि कोटि नित बिनय करब कर जोरि। चिंता कवनिहु बात के तात करिअ जनि मोरि॥ ९५॥

तुम्ह पुनि पितु सम अति हित मोरें। विनती करउँ तात कर जोरें।। सब विधि सोइ करतव्य तुम्हारें। दुख न पाव पितु सोच हमारें।। सुनि रघुनाथ सचिव संबाद् । भयउ सपरिजन बिकल निषाद्।। पुनि कल्ल लखन कही कटुबानी । प्रभु बरजे बड़ अनुचित जानी।। सकुचि राम निज सपथ देवाई । लखन सँदेसु कहिअ जिन जाई।। कह सुमंत्रु पुनि भूप सँदेस् । सहिन सिकहि सिय बिपिन कलेस् जेहि बिधि अवध अ।व फिरि सीया। सोइ रघुबरहि तुम्हिह करनीया नतरु निपट अवलंब बिहीना । मैं न जिअब जिमि जल बिनु मीना

दो ०—मइकें ससुरें सकल सुख जबहिं जहाँ मनु मान । तहँ तब रहिहि सुखेन सिय जब लगि बिपति बिहान ॥ ९६ ॥

बिनती भूप कीन्द्र जेद्दि भाँती। आरित प्रीति न सो किह जाती।।
पितु मँदेसु सुनि कृपानिधाना। सियहि दीन्द्द सिख कोटि बिधाना
सासु ससुर गुर प्रिय परिवारू। फिरहुत सब कर मिटै खभारू।।
सुनि पित बचन कहित बैदेही। सुनहु प्रानपित परम सनेही।।
प्रभु करुनामय परम विबेकी। तनु तिज रहित छाँह किमि छेंकी।।
प्रभा जाइ कहँ भानु बिहाई। कहँ चंद्रिका चंदु तिज जाई।।
पितिहि प्रेममय बिनय सुनाई। कहित सचिव सन गिरा सुहाई।।
तुम्ह पितु ससुर स्रिस हितकारी। उत्तरु देउँ फिरि अनुचित भारी

दो०—आरित वस सनमुख भइउँ बिलगु न मानव तात। आरजसुत पद कमल बिनु बादि जहाँ लगि नात॥ ९७॥

पितु बैभव विलास मैं डीठा । नृप मिन मुकुट मिलित पद पीठा सुखिनधान अस पितु गृह मोरें। पिय बिहीन मन भाव न भोरें।। ससुर चक्कवइ कोसलराऊ । भ्रुवन चारिदस प्रगट प्रभाऊ ।। आगें होह जेहि सुरपित लेहें। अरध सिंघ।सन आसनु देई।।

ससुरु एताद्दस अवध निवास् । प्रिय परिवारु मातु सम सास् ॥ बिनु रघुपति पद पदुम परागा । मोहि केउ सपनेहुँ सुखद न लागा अगम पंथ बनभूमि पहारा । करिकेहरि सर सरित अपारा॥ कोल किरात द्वरंग बिहंगा । मोहि सब सुखद प्रानपति संगा॥

दो ०—सासु ससुर सन मोरि हुँति विनय करिब परि पायँ । मोर सोचु जिन करिअ कछु मैं बन सुखी सुभायँ ॥ ९८॥

प्राननाथ प्रिय देवर साथा। बीर घुरीन धरें धनु भाथा। निहं मग श्रमु श्रमु दुखमन मोरें। मोहि लिंग सोचु करिश्र जिन भोरें सुनि सुमंत्रु सिय सीतिल बानी। भयउ बिकल जनु फिन मिन हानी नयन स्म निहं सुनइ न काना। किह न सकइ कछु अति अकुलाना राम प्रबोधु कीन्ह बहु भाँती। तदिष होति निहं सीतिल छाती।। जतन अनेक साथ हित कीन्हे। उचित उतर रघुनंदन दीन्हे।। मेटि जाइ निहं राम रजाई। कठिन करम गित कछु न बसाई।। राम लखन सिय पद सिरु नाई। फिरेउ बनिक जिमि मूर गवाँई।

दोo-रथु हाँकेउ हय राम तन हेरि हेरि हिहिनाहिं। देखि निषाद बिषादबस धुनहिं सीस पछिताहिं॥ ९९॥

जासु वियोग विकल पसु ऐसें । प्रजा मातु पितु जिइहहिं कैसें ।। बरबस राम सुमंत्रु पठाए । सुरसरि तीर आपु तब आए ।। मागी नाव न केवटु आना । कहइ तुम्हार मरमु मैं जाना ।। चरन कमल रज कहुँ सबु कहई। मानुष करिन मृरि कल्लु अहई ।। लुश्रत सिला भइ नारि सुहाई। पाइन तें न काठ कठिनाई ॥ तरनिउ मुनि घरिनी होइ जाई। बाट परइ मोरि नाव उड़ाई ॥ एहिं प्रतिपालउँ सबु परिवारू । नहिं जानउँ कछु अटर कबारू ॥ जौं प्रभु पार अवसि गा चहहू । मोहि पद पदुम पस्वारन कहहू ॥

छं०—पद कमल घोइ चढ़ाइ नाव न नाथ उतराई चहौं। मोहि राम राउरि आन दसरथ सपथ सब साची कहौं॥ बरु तीर मारहुँ लखनु पे जब लगि न पाय पखारिहौं। तब लगि न तुलसीदास नाथ कृपाल पारु उतारिहौं॥

सो०—सुनि केवट के बैन प्रेम लपेटे अटपटे। बिहसे करुनाऐन चितइ जानकी लखन तन॥१००॥

कुपासिंघु बोले ग्रुसुकाई। सोइ करु जेहिं तव नाव न जाई।। बेगि आनु जल पाय पखारू। होत बिलंबु उतारिह पारू।। जासु नाम सुमिरत एक बारा। उतरिह नर भव सिंघु अपारा।। सोइ कुपालु केवटिह निहोरा। जेहिं जगु किय तिहु पगहु ते थोरा पद नल निरित्व देवसिर हरेषा। सुनि प्रभु बचन मोहँ मित करेषा।। केवट राम रजायसु पावा। पानि कठवता भिर लेह आवा।। अति आनंद उमिंग अनुरागा। चरन सरोज पखारन लागा।। बरिष सुमन सुर सक्ल सिहाहीं। एहि सम पुन्य पुंज कोउ नाहीं।।

दो०—पद पखारि जलु पान करि आपु सहित परिवार । पितर पारु करि प्रभुहि पुनि मुदित गयउ लेइ पार ॥१०१॥

उतिर ठाढ़ भए सुरसिर रेता। सीय राम्र गुह लखन समेता।। केवट उतिर दंडवत कीन्हा। प्रभुहि सकुच एहि निह कछुदीन्हा॥ पिय हिय की सिय जाननिहारी। मनि ग्रुद्री मन ग्रुद्तित उतारी॥ कहेउ कुपाल लेहि उतराई। केवट चरन गहे बकुलाई॥ नाथ आजु मैं काह न पावा । मिटे दोष दुख दारिद दावा ।। बहुत काल मैं कीन्हि मजूरी । आजु दीन्हि बिधि बनि भिल भूरी।। अब कछु नाथ न चाहिश्र मोरें । दीनदयाल अनुग्रह तोरें ।। फिरती बार मोहि जो देवा । सो प्रसादु मैं सिर धरि लेवा ।।

दो ०—बहुत कीन्ह प्रभु लखन सियँ नहिं कछु केवटु लेइ। बिदा कीन्ह करुनायतन भगति बिमल बरु देइ॥१०२॥

तब मज्जनु करि रघुकुलनाथा। पूजि पारथिव नायउ माथा। सियँ सुरसरिहि कहेउ कर जोरी। मातु मनोरथ पुरउबि मोरी।। पित देवर सँग कुसल बहोरी। आइ करीं जेहिं पूजा तोरी।। सिन सिय बिनय प्रेम रस सानी। भइ तब बिमल बारिबर बानी।। सुनु रघुबीर प्रिया बैंदेही। तव प्रभाउ जग बिदित न केही।। लोकप होहिं बिलोकत तोरें। तोहि सेवहिं सब सिधि कर जोरें।। तुम्ह जो हमहि बड़ि बिनय सुनाई। कुपा कीन्हि मोहि दीन्हि बड़ाई तदिप देवि में देवि असीसा। सफल होन हित निज बागीसा।।

दो ०—प्राननाथ देवर सहित कुसल कोसला आइ। पूजिहि सब मनकामना सुजसु रहिहि जग छाइ॥१०२॥

गंग बचन सुनि मंगल मूला । मुदित सीय सुरसरि अनुकूला ।। तब प्रभु गृहहि कहेउ घर जाहू । सुनत सूल मुखु भा उर दाहू ॥ दीन बचन गृह कह कर जोरी । बिनय सुनहु रघुकुल मिन मोरी॥ नाथ साथ रहि पंथु देखाई । किर दिन चारि चरन सेवकाई ॥ जेहिं बन जाइ रहब रघुराई । परनकुटी में करबि सुहाई ॥ तब मोहि कहँ जसि देव रजाई । सोह करिहुउँ रघुवीर दोहाई ॥ सहज सनेह राम लखि तास् । संग लीन्ह गुह हृद्यँ हुलास् ॥ पुनि गुहँ ग्याति बोलि सब लीन्हे । करि परितोषु बिदा तब कीन्हे।।

दो०-तब गनपति सिव सुमिरि प्रभु नाइ सुरसरिहि माथ । सखा अनुज सिय सहित बन गवनु कीन्ह रघुनाथ ॥१०४॥

तेहि दिन भयउ बिटप तर बास् । लखन सखाँ सब कीन्ह सुपास्।।
प्रात प्रातकृत करि रघुराई। तीरथराजु दीख प्रभु जाई।।
सचिव सत्य श्रद्धा प्रिय नारी। माधन सरिस मीतु हितकारी।।
चारि पदारथ भरा भँडारू। पुन्य प्रदेस देस अति चारू।।
छेत्र अगम गढु गाढ़ सुहावा। सपने हुँ नहिं प्रतिपच्छिन्ह पावा।।
सेन सकल तीरथ वर बीरा। कलुग अनीक दलन रनधीरा।।
संगसु सिंहासनु सुठि सोहा। छत्रु अख्यबदु सुनि मनु मोहा।।
चवँर जसुन अरु गंग तरंगा। देखि होहिं दुख दारिद भंगा।।

दो०—सेविहं सुक्वती साधु सुचि पाविहं सब मनकाम। बंदी बेद पुरान गन कहिहं बिमल गुन घाम॥१०५॥

को किह सकइ प्रयाग प्रभाऊ । कलुष पुंज कुंजर मृगराऊ ॥ अस तीरथपित देखि सुहाना । सुख सागर रघुनर सुखु पावा ॥ किह सिय लखनिह सखिह सुनाई । श्रीमुख तीरथराज बड़ाई ॥ किर प्रनामु देखत बन बागा । कहत महातम अति अनुगगा ॥ एहि विधि आह विलोकी बेनी । सुमिरत सकल सुमंगल देनी ॥ मुदित नहाइ कीन्हि सिव सेवा । पूजि जथाविधि तीरथ देवा ॥ तब प्रभु भरद्वाज पहिं आए । करत दंडनत मुनि उर लाए ॥ मृनि मन मोद न कलु किह जाई । ब्रह्मानंद रासि जनु पाई ॥

दो०—दीन्हि असीस मुनीस उर अति अनंदु अस जानि । लोचन गोचर सुकृत फल मनहुँ किए बिधि आनि ॥१०६॥

कुसल प्रस्न करि आसन दीन्हे । पूजि प्रेम परिपूरन कीन्हे ॥ कंद मूल फल अंकुर नीके । दिए आनि मुनि मनहुँ अभी के॥ सीय लखन जन सहित सुहाए । अति रुचि राम मूल फल खाए॥ भए बिगतश्रम राम्न सुखारे । भरद्वाज मृदु बचन उचारे ॥ आज सुफल तपु तीरथ त्यागू । आज सुफल जप जोग बिरागू॥ सफल सकल सुभ सांधन साजू । राम तुम्हहि अवलोकत आजू॥ लाभ अविध सुख अविध न द्जी। तुम्हरें दरस आस सब पूजी॥ अब करि कुपा देहु वर एहु। निज पद सरसिज सहज सनेहू॥

दो ०—करम बचन मन छाड़ि छलु जब लिंग जनु न तुम्हार । तब लिंग सुखु सपनेहुँ नहीं किएँ कोटि उपचार ॥ १०७॥

सुनि मुनि बचन रामु सक्कुचाने । भाव भगित आनंद अघाने ॥
तब रघुवर मुनि सजसु सुहावा । काटि भाँति किह सबिह सुनावा
सो बड़ सो सब गुन गन गेहू । जेहि मुनीस तुम्ह आदर देहू ॥
मुनि रघुवीर परसपर नवहीं । बचन अगोचर सुखु अनुभवहीं ॥
यह सुधि पाइ प्रयाग निवासी । बडु तापस मुनि सिद्ध उदासी ॥
भरद्वाज आश्रम सब आए । देखन दसरथ सुअन सुहाए ॥
राम प्रनाम कीन्ह सब काहू । मुदित भए लहि लोयन लाहू ॥
देहिं असीस परम सुखु पाई । फिरे सगहत सुंदरताई ॥

दो ०—राम कीन्ह बिश्राम निसि प्रात प्रयाग नहाइ। चले सहित सिय लखन जन मुदित मुनिहि सिरु नाइ॥१०८॥ राम सप्रेम कहेउ सुनि पाहीं । नाथ कहिअ हम केहि मग जाहीं।
सुनि मन बिहिस राम सन कहहीं।सुगम सकल मग तुम्ह कहुँ अहहीं
साथ लागि सुनि सिष्य बोलाए । सुनि मन सुदित पचासक आए।।
सबन्हि राम पर प्रेम अपारा । सकल कहि मगु दीख हमारा।।
सुनि बहु चारि संग तब दीन्हे । जिन्ह बहु जनम सुकृत सब कीन्हे
किर प्रनासु रिषि आयसु पाई । प्रसुदित हृद्यँ चले रघुराई ।।
प्राम निकट जब निकसहिं जाई । देखहिं दरसु नारि नर धाई।।
होहिं सनाथ जनम फलु पाई । फिरहिं दुखित मनु संग पठाई।।

दो०—िबदा किए बटु बिनय किर फिरे पाइ मन काम। उत्तरि नहाए जमुन जल जो सरीर सम स्थाम॥१०९॥

सुनत तीरबासी नर नारी। धाए निज निज काज विसारी।।
लखन राम सिय सुंदरताई। देखि करहिं निज भाग्य बहाई।।
अति लालसा बसहिं मन माहीं। नाउँ गाउँ बृझत सकुचाहीं।।
जे तिन्ह महुँ बय बिरिध सयाने। तिन्ह करि जुगुति राम्र पहिचाने।।
सकल कथा तिन्ह सबहि सुनाई। बनहि चले पितु आयसु पाई।।
सुनि सबिपाद सकल् पछिताहीं। रानी रायँ कीन्ह भल नाहीं।।
तेहि अवसर एक तापसु आवा। तेजपुंज लघुबयम सुहावा।।
किब अलखित गति बेषु बिरागी। मनकम बचन राम अनुरागी।।

दो०—सजल नयन तन पुलिक निज इष्टदेउ पहिचानि । परेउ दंड जिमि धरनितल दसा न जाइ बखानि ॥ ११०॥

राम सप्रेम पुलकि उर लावा । परम रंक जनु पारसु पावा ॥ मनहुँ प्रेमु परमारथु दोऊ ! मिलत धरें तन कह सबु कोऊ॥ बहुरि लखन पायन्ह सोइ लागा। लीन्ह उठाइ उमिग अनुरागा। पुनि सिय चरन धूरि धिर सीसा। जननि जानि सिसु दीन्हि असीसा कीन्ह निषाद दंडवत तेही। मिलेउ मुदित लखि राम सनेही।। पिअत नयन पुट रूपु पियूषा। मुदित सुअमनु पाइ जिमि भूखा ते पितु मातु कहहु सिव कैसे। जिन्ह पठए बन बालक ऐसे।। राम लखन सिय रूपु निहारी। होहिं सनेह विकल नर नारी।।

दो ०-तब रघुवीर अनेक विधि सखिह सिखावनु दीन्ह ।

राम रजायसु सीस धरि भवन गवनु तेइँ कीन्ह ॥ १११॥

पुनि नियँ राम लखन कर जोरी। जमुनहि कीन्ह प्रनामु बहोरी।। चले ससीय मुदित दोउ भाई। रिवतनुजा कह करत बड़ाई।। पथिक अनेक मिलहिंमग जाता। कहिं सप्रेम देखि दोउ भ्राता।। राज लखन सब अंग तुम्हारें। देखि सोचु अति हृद्य हमारें।। मारग चलहु प्यादेहि पाएँ। ज्योतिषु झुठ हमारें भाएँ॥ अगमु पंथु गिरि कानन भारी। तेहि महँ साथ नारि सुकुमारी॥ करि केहरि बन जाइ न जोई। हम सँग चलहिं जो आयसु होई।। जाब जहाँ लगि तहँ पहुँचाई। फिरव बहोरि तुम्हहि सिरु नाई॥

दो ०-एहि विधि पूँछिहि प्रेम बस पुलक गात जलु नैन।

क्रपासिंधु फेरहिं तिन्हहि कहि बिनोत मृदु बैन ॥ ११२॥

जे पुर गाँव वमहिं मग माहीं । तिन्हिह नाग सुर नगर सिहाहीं।। केहि सुकृतीं केहि घरीं बसाए । धन्य पुन्यमय परम सुहाए ।। जहँ जहँ राम चरन चिल जाहीं । तिन्ह ममान अमरावति नाहीं।। पुन्यपुंज मग निकट निवासी । तिन्हिह सराहिह सुरपुरवासी ।। जे भरि नयन बिलोकिहें रामिह। सीता लखन सहित घनस्यामिह।। जे सर सरित राम अवगाहिहें । तिन्हिह देव सर सरित सराहिहें।। जेहि तरु तर प्रभु बैठिहें जाई । करिहें कलपतरु तासु बड़ाई ।। परिस राम पद पदुम परागा । मानित भूमि भूरि निज भागा।।

दो ०-छाँह करहिं घन बिबुधगन बरषहिं सुमन सिहाहिं ।

देखत गिरि बन बिहग मृग रामु चले मग जाहिं॥ ११३॥

सीता लखन सहित रघुराई। गाँव निकट जब निकसहिं जाई।।
सुनि मब बाल बृद्ध नर नारी। चलहिं तुरत गृहकाजु विसारी।।
राम लखन मिय रूप निहारी। पाइ नयनफलु होहिं सुखारी।।
सजल बिलोचन पुलक सरीरा। सब भए मगन देखि दोउ बीरा।।
वरनि न जाइ दमा तिन्ह केरी। लिह जनु रंकन्ह सुरमनि ढेरी।।
एकन्ह एक बोलि सिख देहीं। लोचन लाहु लेहु छन एहीं।।
रामहि देखि एक अनुरागे। चितवत चले जाहिं सँग लागे।।
एक नयन मग छिंव उर आनी। होहिं सिथिल तन मन बर बानी।।

दो०-एक देखि बट छाँह भिल डासि मृदुल तृन पात।

कहिंह गवाँइअ छिनुकु श्रमु गवनच अबिह कि प्रात ॥ ११४॥

एक कलस भिर आनहिं पानी । अँचइअ नाथ कहिं सृदु बानी॥
सुनि प्रिय बचन प्रीति अति देखी । राम कृपाल सुसील बिसेषी॥
जानी श्रमित सीय मन माहीं । घरिक बिलंबु कीन्ह बट छाहीं॥
सुदित नारि नर देखिं मोभा । रूप अनूप नयन मनु लोभा॥
एकटक सब सोहिं चहुँ ओरा । रामचंद्र सुख चंद चकोरा॥
तरुन तमाल बरन तनु सोहा । देखत कोटि मदन मनु मोहा॥

दामिनि बरन लखन सुठि नीके। नख सिख सुभग भावते जीके।। मुनिपट कटिन्ह कसें तूनीरा । सोहहिं कर कमलनि धनु तीरा।।

दो ०—जटा मुकुट सीसनि सुभग उर भुज नयन विसाल। सरद परब बिघु बदन बर लसत स्वेद कन जाल॥११५॥

बरिन न जाइ मनोहर जोरी । सोभा बहुत थोरि मित मोरी ।। राम छलन सिय सुंदरताई । सब चितविह चित मन मित लाई थके नारि नर प्रेम पिआसे । मनहुँ मृगी मृग देखि दिआसे ।। सीय सभीप ग्रामितय जाहीं । पूँछत अति सनेहँ सकुचाहीं ।। बार बार सब लागिह पाएँ। कहिं चचन मृदु सरल सुभाएँ।। राजकुमारि विनय हम करहीं । तियसुभायँ कछु पूँछत डरहीं।। स्वामिनि अबिनय छमिब हमारी। बिलगु न मानब जािन गवाँरी।। राजकुअँर दोड सहज सलोने। इन्ह तें लही दुति मरकत सोने।।

दो०-स्यामल गौर किसोर वर सुंदर सुपमा ऐन। सरद सर्वरीनाथ मुखु सरद सरोरुह नैन॥११६॥

> मासपारायण, सोलहबाँ विश्राम नवाह्वपारायण, चौथा विश्राम

कोटि मनोज लजावनिहारे । सुमुखि कहहुको अहिं तुम्हारे ॥ सुनि सनेहमय मंजुल बानी।सकुची सिय मन महुँ मुसुकानी ॥ तिन्हिह बिलोकि बिलोकिति धरनी।दुहुँ सकोच सकुचित बरबरनी सकुचि सप्रेमबाल मृग नयनी। बोली मधुर बचन पिकवयनी॥ सहज सुभाय सुभग तनगोरे। नामु लखनु लघु देवर मोरे॥ बहुरि बद नु बिघु अंचल ढाँकी । पिय तन चितइ भौंह करि बाँकी।। खंजन मंजु तिरीछे नयननि । निज पित कहेउ तिन्हि हि सियँ सयननि भई मुदित सब ग्रामबध्टीं । रंकन्ह राय रासि जनु लूटीं ।। दो०—अति सप्रेम सिय पायँ पिर बहुबिधि देहिं असीस ।

सदा सोहागिनि होहु तुम्ह जब लगि महि अहि सीस ॥११७॥

पारबती सम पितित्रिय होहू। देबि न हम पर छाड़व छोहू।।
पुनि पुनि बिनय करिअ कर जोरी। जौं एहि मारग फिरिअ बहोरी।।
दरसनु देव जानि निज दासी। लखीं सीयँ सब प्रेम पित्रासी।।
मधुर बचन कहि कहि पिरतोषीं। जनु कुमुदिनीं कौमुदीं पोषीं।।
तबहिं लखन रघुवर रुख जानी। पूँछेउ मगुलोगिन्ह मृदु बानी।।
सुनत नारि नर भए दुखारी। पुलकित गात बिलोचन बारी।।
मिटा मोदु मन भए मलीने। बिधि निधि दीन्ह लेत जनु छीने
समुद्धि करमगति धीरजु कीन्हा।सोधि सुगम भगु तिन्ह कहि दीन्हा

दो ० – लखन जानकी सहित तब गवनु कीन्ह रघुनाथ।

फेरे सब प्रिय बचन काह लिए लाइ मन साथ ॥११८॥

फिरत नारि नर अति पछिताहीं। दैं अहि दोषु देहिं मन माहीं।। सहित बिषाद परसपर कहहीं। विधि करतव उलटे सब अहहीं।। निपट निरंकुस निउर निसंक् । जेहिं सिस कोन्ह सरुज सकलंकु रूख कलपतरु सागरु खारा। तेहिं पठए बन राजकुमारा।। जौं पै इन्हिह दीन्ह बनबास् । कीन्ह बादि विधि भोग विलास्।। ए बिचरहिं मग बिनु पदत्राना। रचे बादि विधि बाहन नाना।। ए महि परहिं डासिकुस पाता। सुभग सेज कत सुजत विधाता।।

## तरुवर वास इन्हिह विधि दीन्हा । भवलधाम रचि रचि श्रम् कीन्हा

दो ०—जौं ए मुनि पट घर जटिल सुंदर सुठि सुकुमार। बिबिध भाँति भूषन बसन बादि किए करतार॥११९॥

जौं ए कंद मूल फल खाहीं। बादि सुधादि असन जग माहीं।। एक कहिं ए सहज सुहाए। आपु प्रगट भए विधि न बनाए।। जहँ लगि बेद कही विधि करनी। अवन नयन मन गोचर बरनी।। देखहु खोजि अअन दस चारी। कहँ अस पुरुष कहाँ असि नारी।। इन्हिंह देखि विधि मनु अनुरागा। पटतर जोग बनावै लागा।। कीन्ह बहुत अम ऐक न अ।ए। तेहिं इरिषा बन आनि दुराए।। एक कहिंहम बहुत न जानिहं। आपुहि परम धन्य किर मानिहं।। ते पुनि पुन्यपुंज हम लेखे। जो देखिंह देखिहिंह जिन्ह देखे।।

दो ०-एहि बिधि कहि कहि बचन प्रिय लेहिं नयन भरि नीर । किमि चलिहहिं मारग अगम सुठि सुकुमार सरीर ॥१२०॥

नारि सनेह विकल वस होहीं। चकई साँझ समय जनु सोहीं। मृदु पद कमल कठिन मगु जानी। गहवरि हृदयँ कहिं बर बानी।। परसत मृदुल चरन अरुनारे। सकुचित मिह जिमि हृदय हमारे जौं जगदीस इन्हिह बनु दीन्हा। कस न सुमनमय मारगु कीन्हा।। जौं मागा पाइअ विधि पाहीं। ए रखिअहिं सखि आँखिन्ह माहीं जे नर नारि न अवसर आए। तिन्ह निय राम्रु न देखन पाए।। सुनि सुरूषु बूझिं अकुलाई। अब लिंग गए कहाँ लिंग भाई।। समस्थ धाइ बिलांकहिं जाई। प्रमुदित फिरहिं जनमफलु पाई।। दो ०-अवला बालक बुद्ध जन कर मीजिह पिछिताहिं।

होहि प्रेमबस लोग इमि रामु जहाँ जहँ जाहि ॥१२१॥
गावँ गावँ अस होइ अनंद्। देखि भानुकुल कैरव चंद्।।
जे कछ समाचार सुनि पावहिं। ते नृप रानिहि दोसु लगाविं।।
कहिं एक अति भल नरनाहू। दीन्ह हमिह जोइ लोचन लाहू।।
कहिं परसपर लोग लोगाई। बातें सरल सनेह सुहाई।।
ते पितु मातु धन्य जिन्ह जाए। धन्य सो नगरु जहाँ तें आए।।
धन्य सो देसु सेलु बन गाऊँ। जहँ जहँ जाहिं धन्य सोइ ठाऊँ।।
सुखु पायउ विरंचि रचि तेही। ए जेहि के सब भाँति सनेही।।
राम लखन पथि कथा सुहाई। रही सकल मग कानन छाई।।

दो•–एहि विधि रघुकुल कमल रिब मग लोगन्ह सुख देत।

जाहिं चले देखत बिपिन सिय सौमित्रि समेत ॥१२२॥

आगें राम्र लखनु वने पाछें। तापस बेप विराजत काछें।। उभय बीच सिय सोहति कैसें। ब्रह्म जीव विच माया जैसें।। बहुरि कहउँ छिव जिस मन वसई। जनु मधु मदन मध्यरित लर्सई।। उपमा बहुरि कहउँ जियँ जोही। जनु बुध विधु बिच रोहिनि सोही प्रश्च पद रेख वीच बिच सीता। धरित चरन मग चलति सभीता।। सीय राम पद अंक बराएँ। लखन चलहिं मगु दाहिन लाएँ।। राम लखन सिय प्रीति सुहाई। बचन अगोचर किमि कहि जाई।। खग सग सग ने देखि छिव होहीं। लिए चोरि चित राम बटोहीं।।

दो ०-जिन्ह जिन्ह देखे पथिक प्रिय सिय समेत दोउ भाइ। भव मगु अगमु अनंदु तेइ बिनु श्रम रहे सिराइ॥१२३॥ अजहुँ जास उर सपनेहुँ काऊ । बसहुँ लखनु सिय राम्र बटाऊ।।
राम धाम पथ पाइहि सोई । जो पथ पाव कबहुँ मुनि कोई !।
तब रघुबीर श्रमित सिय जानी । देखि निकट बटु सीतल पानी ।।
तहँ बसि कंद मूल फल खाई । प्रात नहाइ चले रघुराई ।।
देखत बन सर सेल सुहाए । बालमीकि आश्रम प्रभु आए ।।
राम दीख मुनि बास सुहावन । सुंदर गिरि काननु जल पावन ।।
सरनि सरोज बिटप बन फूले । गुंजत मंजु मधुप रस भूले ।।
खग मृग बिपुल कोलाहल करहीं। बिरहित बैर मुदित मन चरहीं।)

दो ०–सुचि सुंदर आश्रमु निरित्व हरषे राजिवनेन। सुनि रघुवर आगमनु मुनि आगें आयउ लेन॥१२४॥

मुनि कहुँ राम दंडवत कीन्हा । आसिरबाद विप्रवर दीन्हा ॥ देखि राम छिब नयन जुड़ाने । किर सनमानु आश्रमिह आने ॥ मुनिवर अतिथि प्रानिप्रय पाए । कंद मूल फल मधुर मगाए ॥ सिय सौमित्रि राम फल खाए । तब मुनि आश्रम दिए सुहाए ॥ बालमीकि मन आनँदु भारी । मंगल मृगति नयन निहारी ॥ तब कर कमल जोरि रघुराई । बोले बचन श्रवन सुखदाई ॥ तुम्ह त्रिकाल दरसी मुनिनाथा। विस्व वद्र जिमि तुम्हरें हाथा ॥ अम किह प्रभ्न सब कथा वखानी । जेहि जेहि भाँति दीन्ह बनु रानी

दो ०-तात बचन पुनि मातु हित भाइ भरत अस राउ।

मो कहुँ दरस तुम्हार प्रभु सबु मम पुन्य प्रभाउ ॥ १२५॥ देखि पाय मुनिराय तुम्हारे । भए सुकृत सब सुफल हमारे ॥ अब जहुँ राउर आयसु होई । मुनि उदबेगु न पावै कोई ॥ म्रुनि तापस जिन्ह तें दुखु लहहीं। ते नरेस बिनु पावक दहहीं।।
मंगल मूल बिप्र परितोष्ट्र । दहइ कोटि कुल भूसुर रोष्ट्र ।!
अस जियँ जानि कहिअ सोइ ठाऊँ।सिय सौमित्रि सहित जहँ जाऊँ।।
तहँ रचि रुचिर परन तृन साला। बासु करौं कछु काल कृपाला।।
सहज सरल सुनि रघुबर बानी। साधु साधु बोले मुनि ग्यानी।।
कस न कहहु अस रघुकुल केत्। तुम्ह पालक संतत श्रुति सेत्।।

छं•—श्रुति सेतु पालक राम तुम्ह जगदीस माया जानकी । जो सृनति जगु पालित हरित रुख पाइ क्रपानिधान की ॥ जो सहससीसु अहीसु महिधरु लखनु सचराचर धनी । सुर काज धरि नरराज तनु चले दलन खल निसिचर अनी ॥

स्तो•—राम सरूप तुम्हार बचन अगोचर बुद्धिपर। अबिगत अऋथ अपार नेति नेति नित निगम कह ॥१२६॥

जगु पेखन तुम्ह देखनिहारे । बिधि हिर संश्व नचावनिहारे ॥
तेउ न जानिह मरमु तुम्हारा । औरु तुम्हिह को जानिन्हारा ॥
सोइ जानइ जेहि देहु जनाई । जानत तुम्हिह तुम्हइ होइ जाई॥
तुम्हिरिह कृपाँ तुम्हिह रघुनंदन । जानिह भगत भगत उर चंदन ॥
विदानंदमय देह तुम्हारी । बिगत बिकार जान अधिकारी ॥
नर तनु धरेहु संत सुर काजा । कहहु कम्हु जस प्राकृत राजा ॥
राम देखि सुनि चरित तुम्हारे । जड़ मोहिह बुध होहि सुखारे ॥
तुम्ह जो कहहु कम्हु सबु साँचा। जस काछिअ तस चाहिअ नाचा

दो ० – पूँछेहु भोहि कि रहौं कहँ मैं पूँछत सकुचाउँ। जहँ न होहु तहँ देहु किह तुम्हिह देखावौँ ठाउँ॥ १२७॥ सुनि सुनि बचन प्रेम रस साने । सकुचि राम मन महुँ सुसुकाने ।। बालमीकि हँसि कहिँ बहोरी । बानी मधुर अमिअ रस बोरी ।। सुनहु राम अब कहउँ निकेता । जहाँ बसहु सिय लखन समेता।। जिन्ह के श्रवन समुद्र समाना । कथा तुम्हारि सुभग सिर नाना।। भरिंह निरंतर होिंह न पूरे । तिन्ह के हिय तुम्ह कहुँ गृह रूरे।। लोचन चातक जिन्ह किर राखे। रहिंह दरस जलधर अभिलाषे।। निदरिंह सिरित सिंधु सर भारी । रूप बिंदु जल होिंह सुखारी।। तिन्ह के हृदय सदन सुखदायक। बसहु बंधु सिय सह रघुनायक।।

दो ०—जसु तुम्हार मानस बिमल हंसिनि जीहा जासु। मुकताहल गुन गन चुनइ राम बसहु हियँ तासु ॥१२८॥

प्रभु प्रसाद सुचि सुभग सुबासा। सादर जासु लहइ नित नासा।।
तुम्हिह निबेदित भोजन करहीं। प्रभु प्रसाद पट भूषन धरहीं।।
सीस नविं सुर गुरु द्विज देखी। प्रीति सिहत किर बिनय विसेषी
कर नित करिं राम पद पूजा। राम भरोस हृदयँ निहं दूजा।।
चरन राम तीरथ चिल जाहीं। राम बसहु तिन्ह के मन माहीं।।
मंत्रराजु नित जपिं तुम्हारा। पूजिं तुम्हिह सिहत परिवारा।।
तरपन होम करिं विधि नाना। बिप्र जेवाँइ देहिं बहु दाना।।
तुम्ह तें अधिक गुरिह जियँ जानी। सकल भायँ सेविंह सनमानी।।

दो०-सबु करि मागहिं एक फलु राम चरन रित होउ । तिन्ह कें मन मंदिर बसहु सिय रघुनंदन दोउ ॥१२९॥

काम कोइ मद मान न मोहा । लोभ न छोभ न राग न द्रोहा ॥ जिन्ह कें कपट दंभ नहिं माया। तिन्ह कें हृदय बसहु रघुराया॥ सब के प्रिय सब के हितकारी। दुख सुख सरिस प्रसंसा गारी।। कहिं सत्य प्रिय बचन बिचारी। जागत सोवत सरन तुम्हारी।। तुम्हिंह छाड़ि गति द्सरि नाहीं। राम बसहु तिन्ह के मन माहीं।। जननी सम जानिहें परनारी। धनु पराव बिष तें बिप भारी।। जे हरषिं पर संपति देखी। दुखित होहिं पर बिपति बिसेषी।। जिन्हिंह राम तुम्ह प्रान पिआरे। तिन्ह के मन सुभ सदन तुम्हारे।।

दो ०—स्वामि सखा पितु मातु गुर जिन्ह के सब तुम्ह तात । मन मंदिर तिन्ह कें बसहु सीय सहित दोउ भ्रात ॥१३०॥

अवगुन ति सब के गुन गहहीं । बिप्र घेनु हित संकट सहहीं ।। नीति निपुन जिन्ह कई जग लीका।घर तुम्हार तिन्ह कर मनु नीका गुन तुम्हार समुझई निज दोसा । जेहि सब भाँति तुम्हार भरोसा।। राम भगत प्रिय लागहिं जेही । तेहि उर बसहु सहित बैंदेही।। जाति पाँति धनु धरमु बड़ाई । प्रिय परिवार सदन सुखदाई।। सब तिज तुम्हिह रहइ उर लाई । तेहि के हृदयँ रहहु रघुराई।। सरगु नरकु अपवरगु समाना। जहँ तहुँ देख धरें धनु बाना।। करम बचन मन राउर चेरा। राम करहु तेहि के उर हेरा।!

दो ०—जाहि न चाहिअ कबहुँ कछु तुम्ह सन सहज सनेहु । वसह निरंतर तासु मन सो राउर निज गेहु ॥१३१॥

एहि बिधि मुनिवर भवन देखाए । बचन सप्रेम राम मन भाए ।। कह मुनि सुनहु भानुकुलनायक। आश्रम कहउँ समय सुखदायक।। चित्रकुट गिरि करहु निवास । तहँ तुम्हार सब भाँति सुपास ।। सैंळ सुहावन कानन चारू । करि केहरि मृग बिहग बिहारू।। नदी पुनीत पुरान बखानी । अत्रिप्रिया निज तप्बल आनी ॥ सुरसरि धार नाउँ मंदािकिनि । जो सब पातकपोतक डािकिनि ॥ अत्रि आदि सुनिबर बहु बसहीं । करिंह जोग जप तप तन कसहीं॥ चलहु सफल श्रम सब कर करहू । राम देहु गौरव गिरिबरहू ॥

दो ०-चित्रकूट महिमा अमित कही महामुनि गाइ।

आइ नहाए सरित बर सिय समेत दोउ भाइ ॥ १३२॥

रघुबर कहेउ लखन भल घाटू। करहु कतहुँ अब ठाहर ठाटू।।
लखन दीख पय उतर करारा। चहुँ दिसि फिरेउ धनुष जिमि नारा
नदी पनच सर सम दम दाना। सकल कल्लष किर साउज नाना।।
चित्रक्रट जनु अचल अहेरी। चुकइ न घात मार मुठभेरी।।
अस किह लखन ठाउँ देखरावा। थलु बिलोकि रघुबर सुखु पावा।।
रमेउ राम मनु देवन्ह जाना। चले सहित सुर थपित प्रधाना।।
कोल किरात बेप सब आए। रचे परन तुन सदन सुहाए।।
बरनि न जाहिं मंजु दुइ साला। एक लित लघु एक बिसाला।।

दो ०—लखन जानर्जी सहित प्रभु राजत रुचिर निकेत । सोह मदनु मुनि बेष जनु रति रितुराज समेत ॥ १३३ ॥

## मासपारायण, सत्रहवाँ विश्राम

अमर नाग किंतर दिसिपाला । चित्रक्ट आए तेहि काला ।। राम प्रनामु कीन्ह सब काहू । मुदित देव लहि लोचन लाहू ।। बरिष सुमन कह देव समाजू । नाथ सनाथ भए हम आजू ।। करि बिनती दुख दुसह सुनाए । हरिषत निजनिजसदन सिधाए चित्रक्रूट रघुनंदनु छाए । समाचार सुनि सुनि सुनि आए ॥ आवत देखि सुदित सुनिबंदा । कीन्ह दंडवत रघुकुल चंदा ॥ सुनि रघुवरहि लाइ उर लेहीं । सुफल होन हित आसिष देहीं ॥ सिय सौमित्रि राम छिब देखिंहैं।साधन सकल सफल करि लेखिंहें

दो०-जथाजोग सनमानि प्रभु बिदा किए मुनिवृंद। करहिं जोग जप जाग तप निज आश्रमन्हि सुछंद॥१३४॥

यह सुधि कोल किरातन्ह पाई। हरषे जनु नव निधि घर आई।। कंद मूल फल भिर भिर दोना। चले रंक जनु लूटन मोना।। तिन्ह महँ जिन्ह देखे दोउ श्राता। अपर तिन्हिह पूछि मगु जाता कहत सुनत रघुबीर निकाई। आइ सबिह देखे रघुराई।। करिह जाहारु मेंट धिर आगे। प्रश्चित विजेकिह अति अनुरागे चित्र लिखे जनु जहँ तहँ ठ। है। पुलक सरीर नयन जल बाहे।। राम सनेह मगन सब जाने। किहि पिय बचन सकल सनमाने।। प्रश्चित जोहारि बहोरि बहोरी। वचन बिनीत कहि हैं कर जोरी।।

दो०-अव हम नाथ सनाथ सब भए देखि प्रभु पाय । भाग हमोरें आगमन् राउर कोसलराय ॥ १३५॥

धन्य भूमि वन पंथ पहारा ! जहँ तहँ नाथ पाउ तुम्ह धारा ॥ धन्य विहग मृग कानन चारी । सफल जनम भए तुम्हिह निहारी॥ हम सब धन्य सहित परिवारा । दीख दरसु भरि नय न म्हारा॥ कीन्ह बासु भल ठाउँ विचारी । इहाँ सकल रितु रहब सुखारी ॥ हम सब भाँति करब सेवकाई । करि केहिर अहि बाघ बराई ॥ बन बेहद् गिरि कंदर खोहा। सब हमार प्रभु पग पग जोहा ॥ तहँ तहँ तुम्हिह अहेर खेलाउन । सर निरझर जल ठाउँ देखाउन।। हम सेनक परिवार समेता । नाथ न सकुचन आयसु देता ।।

दो ०—बेद बचन मुनि मन अगम ते प्रभु करुना ऐन । बचन किरातन्ह के सुनत जिमि पितु बालक बैन ॥ १३६॥

रामहि केवल प्रेमु पिआरा । जानि लेउ जो जाननिहारा ॥
राम सकल बनचर तव तोषे । किह मृदु वचन प्रेम परिपोषे ॥
बिदा किए सिर नाइ सिधाए। प्रभु गुन कहत सुनत घर आए॥
एहि बिधि सिय समेत दोउ भाई । बपिह बिपिन सुर मुनि सुखदाई
जब तें आह रहे रघुनायकु । तब तें भयउ बनु मंगलदायकु ॥
फूलहिं फलहिं बिटप बिधि नाना। मंजु बलित वर बेलि बिताना॥
सुरतरु मरिस सुभायँ सुहाए । मनहु बिनुध बन परिहरि आए ॥
गुंज मंजुनर मधुकर श्रेनी । त्रिबिध बय।रि बहइ सुख देनी ॥

दो o—नीलकंड कलकंड सुक चातक चक चकोर। भाँति भाँति बोलहिं विहग श्रवन सुखद चित चोर॥ १३७॥

करि केहिर किप कोल कुरंगा । विगतवैर विचरहिं सब संगा ॥
फिरत अहेर राम छिब देखी । होिंह मुदित मृगवृंद विसेषी ॥
विज्ञुध विपिन जहँ लिग जग माहीं । देखि रामवनु सकल सिहाहीं
सुरसिर सरसइ दिनकर कन्या । मेकलसुता गोदाविर धन्या ॥
सब सर सिंधु नदीं नद नाना । मंदािकिनि कर करिंह बखाना ॥
उदय अस्त गिरि अरु कैलास । मंदर मेरु सकल सुरवास ॥
सैल हिमाचल आदिक जेते । चित्रकूट जसु गाविंह तेते ॥
विधि सुदित मन सुखु न समाई । अम विनु विपुल बड़ाई पाई ॥

दो०—चित्रकूट के बिहग मृग बेलि बिटप तृन जाति। पुन्य पुंज सब धन्य अस कहिं देव दिन राति ॥ १३८॥

नयनवंत रघुबरिह बिलोकी। पाइ जनम फल होहिं बिसोकी।। परिस चरन रज अचर सुखारी। भए परम पद के अधिकारी।। सो बनु सेंलु सुभाय सुहावन। मंगलमय अति पावन पावन।। महिमा कहिअ कविन बिधि तास्न। सुखसागर जह कीन्ह निवास्न। पय पयोधि तिज अवध बिहाई। जह सिय लखनु राम्नु रहे आहे।। किह न सकिहं सुषमा जिस कानन। जौं सत सहस होहिं सहसानन सो मैं बरिन कहीं बिधि केहीं। डावर कमठ कि मंदर लेहीं।। सेवह लखनु करम मन बानी। जाइ न सीलु सनेहु बखानी।।

दो ०—छिनु छिनु लिख सिय राम पद जानि आपु पर नेहु । करत न सपनेहुँ लखनु चितु बंधु मातु पितु गेहु ॥ १३९॥

राम संग सिय रहित सुखारी । पुर परिजन गृह सुरित बिसारी।। छिनु छिनु पिय बिघु बदनु निहारी । प्रश्नुदित मनहुँ चकोरकुमारी नाह नेहु नित बढ़न बिलोकी। हरिषत रहित दिवस जिमि कोकी।। सिय मनु राम चरन अनुरागा। अवध सहस सम बन प्रिय लागा परनकुटी प्रिय प्रियतम संगा। प्रिय परिवाह कुरंग बिहंगा।। सासु ससुर सम ग्रुनितिय ग्रुनिवर। असनु अमिअ सम कंद मूल फर नाथ साथ साँथरी सुहाई। मयन सयन सय सम सुखदाई।। लोकप होहिं बिलोकत जास् । तेहि कि मोहि सक विषय बिलास्।।

दो०—सुमिरत रामहि तजिहें जन तृन समिबिषय बिलासु । रामप्रिया जग जनि सिय कछु न आचरजु तासु ॥ १४०॥ सीय लखन जेहि विधि सुखु लहहीं। सोइ रघुनाथ करहिं सोइ कहहीं कहिं पुरातन कथा कहानी। सुनिहं लखनु सिय अति सुखु मानी जब जब रामु अवध सुधि करहीं। तब तब बारि बिलोचन भरहीं।। सुमिरि मातु पितु परिजन भाई। भरत सनेहु सीलु सेवकाई।। कुपासिंधु प्रभु होहिं दुखारी। धीरजु धरहिं कुसमउ विचारी।। लखि सिय लखनु विकलहोइ जाहीं। जिमि पुरुषिह अनुसर परिछाहीं प्रिया बंधु गति लखिरघुनंदनु। धीर कुपाल भगत उर चंदनु।। लगे कहन कल्ल कथा पुनीता। सुनि सुखु लहिं लखनु अरु सीता

दो ०—रामु लखन सीता सहित सोहत परन निकेत। जिमि बासव बस अमरपुर सची जयंत समेत॥१४१॥

जोगवहिं प्रश्व सिय लखनहि कैसें। पलक बिलोचन गोलक जैसें।। सेवहिं लखनु सीय रघुबीरहि। जिमि अबिबेकी पुरुष सरीरहि।। एहि बिधि प्रश्व बन बसहिं सुखारी। खग मृग सुर तापस हितकारी कहेउँ राम बन गवनु सुहावा। सुनहु सुमंत्र अवध जिमि आवा।। फिरेउ निषादु प्रश्वहि पहुँचाई। सचिव सहित रथ देखेसि आई।। मंत्री बिकल बिलोकि निषाद्। कहिन जाइ जस भयउ बिषाद्।। राम राम सिय लखन पुकारी। परेउ धरनितल ब्याकुल भारी।। देखि दिखन दिसि हय हिहिनाहीं। जनु बिनु पंख बिहग अकुलाहीं

दो०-नहिं तृन चरहिं न पिअहिं जलु मोचिहं लोचन बारि। ब्याकुल भए निषाद सब रघुबर बाजि निहारि॥१४२॥

भरि धीरजु तब कहइ निषाद् । अब सुमंत्र परिदरहु विषाद् ॥ तुम्ह पंडित परमारथ ग्याता । भरहु भीर लखि बिग्रुख विधाता॥ विविधि कथा कि कि मृदु बानी । रथ बैठारेड बरबस आनी ।। सोक सिथिल रथु सकइ न हाँकी । रघुबर बिरह पीर उर बाँकी ।। चरफर।हिं मग चलहिं न घोरे । बन मृग मनहु आनि रथ जोरे ।। अदुकि परहिं फिरि हेरहिं पीछें। राम बियोगि बिकल दुख तीछें।। जो कह राम्रु लखनु बेंदेही । हिंकरि हिंकरि हित हेरहिं तेही ॥ बाजि बिरह गति कहि किमि जाती । बिनु मिन फनिक बिकल जेहि भौती॥

दो०—भयउ निषादु बिषादबस देखत सचिव तुरंग। बोलि सुसेवक चारि तब दिए सारथी संग॥१४३॥

गुह सारथिहि फिरेउ पहुँचाई। बिरहु बिषादु बरनि नहिं जाई।। चले अवध लेइ रथिह निषादा। होहिं छनहिं छन मगन बिषादा।। सोच सुमंत्र बिकल दुख दीना। धिग जीवन रघुबीर बिहीना।। रहिहि न अंतहुँ अधम सरीरू। जसुन लहेउ बिछुरत रघुबीरू।। भए अजस अघ भाजन प्राना। कवन हेतु नहिं करत पयाना।। अहह मंद मनु अवसर चूका। अजहुँ न हृदय होत दुइ टूका।। मीजि हाथ सिरु घुनि पछिताई। मनहुँ कुपन धन रासि गवाँई।। बिरिद बाँधि बर् बीरु कहाई। चलेउ समर जनु सुभट पराई।।

दो०-बिप्र बिवेको बेदबिद संमत साधु सुजाति। जिमि घोर्खे मदपान कर सचिव सोच तेहि भाँति॥१४४॥

जिमि कुलीन तिय साधु सयानी। पितदेवता करम मन बानी।। रहे करम बस पिरहिर नाहू।सचित्र हृद्यँ तिमिदारुन दाहू।। लोचन सजल डीठि भइ थारी। सुनइ न श्रवन विकल मित भोरी।। सुखहिं अधर लागि मुहँ लाटी। जिउन जाइ उर अवधि कपाटी।। बिबरन भयउ न जाइ निहारी । मारेसि मनहुँ पिता महतारी ।। हानि गलानि बिपुल मन ब्यापी। जमपुर पंथ सोच जिमिपापी ।। बचनु न आव हृद्यँ पछिताई । अवध काह मैं देखब जाई ।। राम रहित रथ देखिहि जोई । सकुचिहि मोहि बिलोकत सोई ।।

दो०—घाइ पूँछिहिहि मोहि जब बिकल नगर नर नारि। उतरु देव मैं सबिह तब हृदयँ बज्जु बैटारि॥१४५॥

पुछिहहिंदीन दुखित सब माता। कहब काह मैं तिन्हिह विधाता।।
पूछिहि जबहि लखन महतारी। किहिहट कवन सँदेस सुखारी।।
राम जननि जब आइहि धाई। सुमिरि बच्छु जिमि घेनु लवाई।।
पूँछत उत्तरु देव मैं तेही। मे बनु राम लखनु वेदेही।।
जोइ पूछिहि तेहि उत्तरु देवा। जाइ अवध अब यहु सुखु लेवा।।
पूँछिहि जबहिं राउ दुख दीना। जिवनु जासु रघुनाथ अधीना।।
देहउँ उत्तरु कौनु सुहु लाई। आयउँ दुसल कुअँर पहुँचाई।।
सुनत लखन सिय राम सँदेस्न। तुन जिमितनु परिहरिहि नरेस्न।।

दो ०—हृदउ न बिदरेउ पंक जिमि बिछुरत प्रीतमु नीरु।

जानत हों मोहि दीन्ह बिधि यहु जातना सरीरु ॥१४६॥

एहि बिधि करत पंथ पछितावा । तमसा तीर तुरत रथु आवा ।। बिदा किए करि बिनय निषादा । फिरे पायँ परि विकल बिषादा।। पैठत नगर सचिव सक्कचाई । जनु मारेसि गुर बाँभन गाई।। बैठि बिटप तर दिवसु गवाँवा । साँझ समय तब अवसरु पावा ।। अवध प्रबेसु कीन्ह अँधिआरें । पैठ भवन रथु राखि दुआरें ।। जिन्ह जिन्ह समाचार सुनि पाए। भूप द्वार रथु देखन आए ।। रथु पहिचानि विकल लखि घोरे। गरहिं गात जिमि आतप औरे।। नगर नारि नर ब्याकुल कैसें। निघटत नीर मीनगन जैसें।।

दो ०—सचिव आगमनु सुनत सबु बिकल भयउ रनिवासु । भवनु भयंकरु लाग तेहि मानहुँ प्रेत निवासु ॥१४७॥

अति आरित सन्पूँछिहिं रानी । उत्तरु न आव विकल भइ नानी।।
सुनइ न भवन नयन निहं सुझा। कहहु कहाँ नृपु तेहि तेहि बुझा।।
दासिन्ह दीख सचिव विकलाई। कौसल्या गृहँ गईं लवाई।।
जाइ सुमंत्र दीख कस राजा। अमिश्ररहित जनु चंदु निराजा।।
आसन सयन विभूषन हीना। परेउ भूमितल निपट मलीना।।
लेइ उसासु सोच एहि भाँती। सुरपुर तें जनु खँसेउ जजाती।।
लेत सोच भिर छिनु छिनु छाती। जनु जिर पंख परेउ संपाती।।
राम राम कह राम सनेही। पुनि कह राम लखन नैदेही।।

दो ०-देखि सचिवँ जय जीव किह कीन्हेउ दंड प्रनामु । सुनत उठेउ ब्याकुल नृपति कहु सुमंत्र कहँ रामु ॥१४८॥

भूप सुमंत्रु लीन्ह उर लाई। ब्रुड़त कछु अधार जनु पाई।।
सिंहत सनेह निकट बैठारी। प्रूंछत राउ नयन भिर बारी।।
राम कुसल कहु सखा सनेही। कहँ रघुनाथु लखनु बैदेही।।
आने फेरि कि बनहि सिधाए। सुनत सिचव लोचन जल छाए।।
सोक बिकल पुनि पूँछ नरेस्र। कहु सिय राम लखन संदेस्र।।
राम रूप गुन सील सुभाऊ। सुमिरि सुमिरि उर सोचत राऊ।।
राउ सुनाइ दीन्ह बनबास्र। सुनि मन भयउन हरषु हराँस्र।।
सो सुत बिछुरत गएन प्राना। को पापी बड़ मोहि समाना।।

दो०—सस्ता रामु सिय लखनु जहँ तहाँ मोहि पहुँचाउ। नाहिं त चाहत चलन अब प्रान कहउँ सतिभाउ॥१४९॥

पुनि पुनि पूँछत मंत्रिहि राऊ। त्रियतम सुअनसँदेस सुनाऊ।। करिह सखा सोइ बेगि उपाऊ। राम्रु लखनु सिय नयन देखाऊ॥ सचिव धीर धिर कह मृदु बानी। महाराज तुम्ह पंडित ग्यानी।। बीर सुधीर धुरंधर देवा। साधु समाज सदा तुम्ह सेवा॥ जनम मरन सब दुख सुख भोगा। हानि लाभ्रु त्रिय मिलन बियोगा काल करम बस होहिं गोसाई। बरबस राति दिवस की नाई॥ सुख हरषिं जड़ दुख बिलखाहीं। दोउ सम धीर धरिहं मन माहीं॥ धीरज धरहु विवेकु विचारी। छाड़िअ सोच सकल हितकारी॥

दो ०—प्रथम बासु तमसा भयउ दूसर सुरसरि तीर। न्हाइ रहे जलपानु करि मिय समेत दोउ बीर ॥१५०॥

केवट कीन्हि बहुत सेवकाई । सो जामिनि सिंगरौर गवाँई ।। होत प्रात बट छीरु मगावा । जटा मुकुट निज सीस बनावा ॥ राम सखाँ तब नाव मगाई । प्रिया चढ़ाइ चढ़े रघुराई ॥ लखन बान धनु धरे बनाई । आपु चढ़े प्रभु आयसु पाई ॥ बिकल बिलोकि मोहि रघुबीरा । बोले मधुर बचन धिर धीरा ॥ तात प्रनाम्र तात सन कहेहू । बार बार पद पंकज गहेहू ॥ करबि पायँ परि बिनय बहोरी । तात करिअ जनि चिंता मोरी ॥ बन मग मंगल कुसल हमारें । कुपा अनुग्रह पुन्य तुम्हारें ॥

छं०—तुम्हरें अनुमह तात कानन जात सब सुखु पाइहौं। प्रतिपालि आयसु कुसल देखन पाय पुनि फिरि आइहौं॥ रा॰ मृ॰ १८जननीं सकल परितोषि परि परि पायँ करि बिनती घनी । तुलसी करेहु सोइ जतनु जेहिं कुसली रहिं कोसलधनी ॥

सो ०—गुर सन कहब सँदेसु बार बार पद पदुम गहि। करब सोइ उपदेसु जेहिं न सोच मोहि अवधपति ॥१५१॥

पुरजन परिजन सकल निहोरी। तात सुनाएहु बिनती मोरी।।
सोइ सब भाँति मोर हितकारी। जातें रह नरनाहु सुखारी।।
कहब सँदेसु भरत के अएँ। नीतिन तिज अराजपढु पाएँ।।
पालेडु प्रजिह करममन बानी। सेएडु मातु सकल समजानी।।
ओर निबाहेहु भायप भाई। किर पितु मातु सुजन सेवकाई।।
तात भाँति तेहि राखब राऊ। सोच मोर जेहिं करें न काऊ।।
लखन कहे कल्ल बचन कठोरा। बरजि राम पुनि मोहि निहोरा।।
बार बार निज सपथ देवाई। कहबिन तात लखन लरिकाई।।

दो ०—किह प्रनामु कछु कहन लिय सिय भइ सिथिल सनेह ।

थिकत बचन लोचन सजल पुलक पल्लिवत देह ॥१५२॥
तेहि अवसर रघुबर रख पाई । केवट पारिह नाव चलाई ॥
रघुकुलांतलक चेले एहि भाँती । देखउँठाढ़ कुलिस धिर छाती ॥
मैं आपन किमि कहाँ कलेस । जिअत फिरेउँ लेइ राम सँदेस ॥
अस किह सचिव बचन रहि गयऊ। हानि गलानि सोच बस भयऊ
सत वचन सुनतिह नरनाहू । परेउ धरिन उर दारुन दाहू ॥
तलफत बिषम मोह मन मापा । माजा मनहुँ मीन कहुँ व्यापा ॥
किरि बिलाप सब रोवहिं रानी । महा बिपति किमि जाइ बखानी॥
सुनि बिलाप दुखहू दुखुलागा । धीरजहू कर धीरज भागा ॥

दो०—भयउ कोलाहलु अवध अति सुनि नृप राउर सोरु। बिपुल बिहग बन परेउ निसि मानहुँ कुलिस कठोरु ॥१५३॥

प्रान कंठगत भयउ भुआल । मिन विहीन जनु ब्याकुल ब्याख्र इंद्रीं सकल विकल भइँ भारी । जनु सर सरसिज बनु बिनु बारी।। कोसल्याँ नृषु दीख मलाना । रिवकुल रिव अथयउ जियँ जाना उर धिर धीर राम महतारी । बोली बचन समय अनुसारी ।। नाथ समुझि मन करिअ बिचार । राम वियोग पयोधि अपार ।। करनधार तुम्ह अवध जहाजू । चढ़ेउ सकल प्रिय पथिक समाजू धीरजु धिरअ त पाइअ पार । नाहिं त ब् इिहि सबु परिवार ।। जौं जियँ धिरअ बिनय पिय मोरी । रामु लखनु सियमिलहिं बहोरी

दो०-प्रिया बचन मृदु सुनत नृपु चितयउ आँखि उघारि। तलफत मीन मलीन जन् सींचत सीतल बारि॥१५४॥

धिर धीरजु उठि वैठ भुआल् । कहु सुमंत्र कहँ राम कृपाल् ।। कहाँ लखनु कहँ राम्र सनेही । कहँ विय पुत्रवधू वैदेही ।। बिलपत राउ बिकल बहु भाँती । भइ जुग सिरस सिराति न राती।। तापस अंध साप सुधि आई । कौसल्यहि सब कथा सुनाई ।। भयउ बिकल बरनत इतिहासा । राम रहित धिग जीवन आसा ।। सो तनु राखि करब मैं काहा । जेहि न प्रेम पनु मोर निवाहा ।। हा रघुनंदन प्रान पिरीते ! तुम्ह बिनु जिअत बहुत दिन बीते हा जानकी लखन हा रघुवर । हा पितु हित चित चातक जलधर

दो०-राम राम किह राम किह राम राम किह राम। तनु परिहरि रघुबर बिरहँ राउ गयउ सुरधाम॥१५५॥ जिअन मरन फल्ड दसरथ पावा । अंड अनेक अमल जसु छावा ॥
जिअत राम विधु बद नु निहारा । राम विरह किर मरनु सँवारा ॥
सोक विकल सब रोवहिं रानी । रूप सीलु बलु तेजु बखानी ॥
करिं विलाप अनेक प्रकारा । परिं भूमितल बारिं बारा ॥
विलपिं विकल दास अरु दासी । घर घर रुद नु करिं पुरवासी ॥
अथयउ आजु भानुकुल भानू । धरम अविध गुन रूप निधानू ॥
गारी सकल कैकइहि देहीं । नयन विहीन कीन्ह जग जेहीं ॥
एहि विधि विलपत रैनि विहानी । आए सकल महामुनि ग्यानी ॥

दो ०-तच वसिष्ठ मुनि समय सम किह अनेक इतिहास । सोक नेवारेउ सबिह कर निज बिग्यान प्रकास ॥१५६॥

तेल नावें भरि नृप तनु राखा । द्त बोलाइ बहुरि अस भाषा ॥ धावहु बेगि भरत पहिं जाहू । नृप सुधि कतहुँ कहहु जिन काहू एतनेइ कहेहु भरत सन जाई । गुर बोलाइ पठयउ दोउ भाई ॥ सुनि मुनि आयसु धावन धाए । चले बेग बर बाजि लजाए ॥ अनरथु अवध अरंभेउ जब तें । कुसगुन होहिं भरत कहुँ तब तें ॥ देखहिं राति भ्यानक सपना । जागि करहिं कटु कोटि कलपना बिप्र जेवाँइ देहिं दिन दाना । सिव अभिषेक करहिं बिधि नाना मागहिं हृदयँ महेस मनाई । कुसल मातु पितु परिजन भाई ॥

दो ०--एहि बिधि सोचत भरत मन धावन पहुँचे आइ।

गुर अनुसासन श्रवन सुनि चले गनेसु मनाइ ॥१५७॥ चले समीर बेग हय हाँके। नाघत सरित सैल बन बाँके।। हृदयँ सोचु बड़ कछु न सोहाई। अस जानहि जियँ बाउँ उड़ाई।। एक निमेष बरष सम जाई। एहि बिधि भरत नगर निअराई।। असगुन होहिं नगर पैठारा। रटिंहं कुभाँति कुखेत करारा।। खर सिआर बोलिंहें प्रतिक्ला। सुनि सुनि होइ भरत मन सूला।। श्रीहत सर सरिता बन बागा। नगरु बिसेषि भयावनु लागा।। खग मृग हय गय जाहिं न जोए। राम बियोग कुरोग बिगोए।। नगर नारि नर निपट दुखारी। मनहुँ सबन्हि सब संपति हारी।।

दो ० – पुरजन मिलहिं न कहिं कछु गवँहिं जोहारिहं जाहिं। भरत कुसल पूँछि न सकिहें भय बिषाद मन माहिं॥१५८॥

हाट बाट निहं जाइ निहारी । जनु पुर दहँ दिसि लागि दवारी ॥ आवत सुत सुनि कैक्यनंदिनि । हरषी रिबकुल जलकृह चंदिनि॥ सिज आरती सुदित उठि धाई । द्वारेहिं भेंटि भवन लेइ आई ॥ भरत दुखित परिवारु निहारा । मानहुँ तुहिन बनज बनु मारा ॥ कैंकेई हरषित एहि भाँती । मनहुँ सुदित दव लाइ किराती॥ सुतहि ससोच देखि मनु मारें । पूँछिति नैहर कुसल हमारें ॥ सकल कुमल किह भरत सुनाई । पूँछी निज कुल कुसल भलाई॥ कहु कहँ तात कहाँ सब माता । कहँ सिय राम लखन प्रिय आता॥

दो०—सुनि सुत बचन सनेहमय कपट नीर भरि नैन। भरत श्रवन मन सूल सम पापिनि बोली बैन॥१५९॥

तात बात मैं सकल सँवारी । भैं मंथरा सहाय बिचारी ॥ कळुक काज बिधि बीच बिगारेउ। भूपति सुरपति पुर पगु धारेउ॥ सुनत भरतु भए बिबस विषादा। जनु सहमेउ करि केहरि नादा॥ तात तात हा तात पुकारी। परे भूमितल ब्याकुल भारी॥ चलत न देखन पायउँ तोही। तात न रामिह सौंपेहु मोही।। बहुरि धीर धरि उठे सँभारी। कहु पितु मरन हेतु महतारी।। सुनि सुत बचन कहित कैंकेई। मरम्र पाँछि जनु माहुर देई॥ आदिहु तें सब आपिन करनी। कुटिल कठोर मुदित मन बरनी।।

दो ०—भरतिह विसरेउ पितु मरन सुनत राम बन गौनु । हेतु अपनपउ जानि जियँ थिकत रहे घरि मौनु ॥१६०॥

विकल विलोकि सुति समुझावति । मनहुँ जरे पर लोनु लगाविति तात राउ निहं सोचै जांगू । विदृह सुकृत जमु की न्हेउ भोगू ॥ जीवत सकल जनम फल पाए । अंत अमरपित सदन सिधाए ॥ अस अनुमानि सोच पिरहरहू । सिहत समाज राज पुर करहू ॥ सुनि सुठि सहमेउ राजकुमारू । पार्के छत जनु लाग अँगारू ॥ धीरज धिर भिर लेहिं उमासा। पापिनि मबहि भाँति कुरु नामा॥ जौं पै कुरुचि रही अति तो ही । जनमत का हे न मारे माही ॥ पेड़ का टि तैं पालउ सीं ना। मीन जिअन निति बारि उलाचा॥

दो ०—हंसवंसु दसरथु जनकु राम लखन से भाइ। जननी तू<sup>र</sup> जननी भई बिधि सन कछु न बयाइ॥१६१॥

जब तैं कुमित कुमत जियँ ठयऊ। खंडखंड होइ हर उन गय ऊ।। बर मागत मन भइ नाहं पीरा। गिर न जीह मुहँ । रेउ न कारा।। भूपँ प्रतीति तोरि किनि कीन्ही। मरन काल बिधि मात हिर लीन्ही बिधिहुँ न नारि हृदय गात जानी। सक र कपट अब अरगुन खानी सरल सुसील धरम रत राऊ। सो किमि जाने तीय सुमाऊ।। अस को जीव जंतु जग माहा। जेहि रघुनाथ प्रानिषय नाहां।। मे अति अहित राम्रु तेउ तोही। को तू अहिम सत्य कहु मोही।। जो हिस सो हिस मुहँ मिस लाई। आँखि ओट उठि बैठिह जाई।।

दो०-राम बिरोधी हृदय तें प्रगट कीन्ह बिधि मोहि। मो समान को पातकी बादि कहउँ कछु तोहि॥१६२॥

सुनि सत्रुघुन मातु कुटिलाई। जग्हें गात रिस कल्ल न बसाई।।
तेहि अवसर कुबरी तहँ आई। वसन विभूषन बिबिध बनाई।।
लिख रिस भरेउ लखन लघु भाई। बग्त अनल घृत आद्दृति पाई।।
हुमगि लात तिक कूबर मारा। परि मुह भर मिंह करत पुकारा।।
कूबर टूटेंड फूट कपारू। दलित दसन मुख रुधिर प्रचारू।।
आह दइअ मैं काह नसाव।। करत नीक फल्ल अनइस पावा।।
सुनि रिपुहन लिख नख सिख। खोटी लगे घसीटन धिर धिर झोंटी
भरत दयानिधि दीन्हि छड़ाई। कोसल्या पिह गे दोउ भाई।।

दो ०—मिलन बसन विबरन विकल क्रम सरीर दुख भार । कनक कलप वर बेलि बन मानहुँ हनी तुसार ॥१६३॥

भरतिह देखि मातु उठि धाई। मुरुछित अवनि परी झईँ आई॥ देखत भरतु विकल भए भागे। पर चरन तन दसा विसारी ॥ मातु तात कहँ देहि देखाई। कहँ सियरामुलखनु दोउभाई॥ कैकड़ कत जनभी जग माझा। जो जनिमत भड़ काहेन बाँझा॥ कुल कलंकु जेहिं जनमेउ माही। अप जम भाजन प्रियजन द्रोही॥ को तिभुवन मोहि सिन्स अभागी। गति अमि तोरि मातु जेहि लागी पितु सुरपुर बन रघुवर केतु। मैं केवल सब अनस्थ हेतु॥ धिग मोहि भयउँ बेनु बन आगी। दुसह दाह दुख दुषन भागी॥

दो०—मातु भरत के बचन मृदु सुनि पुनि उठी सँभारि।
तिए उठाइ लगाइ उर लोचन मोचित बारि॥१६४॥
सरल सुभाय मायँ हियँ लाए। अति हित मनहुँ राम फिरि आए
भेंटेउ बहुरि लखन लघु भाई। सोकु सनेहु न हृद्यँ समाई।।
देखि सुभाउ कहत सबु कोई। राम मातु अस काहे न होई।।
माताँ भरतु गोद बैठारे। आँसु पोंछि मृदु बचन उचारे।।
अजहुँ बच्छ बलिधीरज धरहू। कुसमउ समुझि सोक परिहरहू।।
जनि मानहु हियँ हानि गलानी। काल करम गित अघटित जानी
काहुहि दोसु देहु जनि ताता। भा मोहि सब बिध बाम विधाता

दो ०—पितु आयस भूषन बसन तात तजे रघुबीर। बिसमउ हरषु न हृदयँ कछु पहिरे बलकल चीर ॥१६५॥

जो एतेहुँ दुख मोहि जिआवा। अजहुँ को जानइ का तेहि भावा।।

मुख प्रसन्न मन रंग न रोषू । सबकर सब विधि करि परितोषू ॥ चले बिपिन सुनि सिय सँग लागी । रहइ न राम चर्न अनुरागी ॥ सुनति हैं लखनु चले उठि साथा । रहिं न जतन किए रघुनाथा ॥ तब रघुपति सबझी सिरु नाई । चले संग सिय अरु लघु भाई ॥ रामुलखनु मिय बनिह सिधाए । गइउँ न संग न प्रान पठाए॥ यहु मबु भा इन्ह आँग्विन्ह आगें। तउन तजा तनु जीव अभागें॥ मोहि न लाज निज नेहु निहारी। राम सरिस सुत मैं महतारी॥ जिऐ मरें भल भूपति जाना । मोर हृदय सत कुलिस समाना॥

दो ०—कौसल्या के बचन सुनि भरत स<sup>-</sup>हिन रनिवास। ब्याकुल बिलपत राजग्रह मानहुँ सोक नेवासु॥१६६॥ बिलपिंदं बिकल भरत दोउ भाई । कौसल्याँ लिए हृद्यँ लगाई ।। भाँति अनेक भरतु समुझाए। किंद्र बिबेकमय बचन सुनाए ।। भरतहुँ मातु सकल समुझाई । किंद्र पुरान श्रुति कथा सुद्दाई ।। छल बिद्दीन सुचि सरल सुबानी। बोले भरत जोरि जुग पानी ।। जे अघ मातु पिता सुत मारें । गाइ गोठ मिद्देसुर पुर जारें ।। जे अघ तिय बालक बभ कीन्हें। मीत महीपित माहुर दीन्हें।। जे पातक उपपातक अहहीं। करम बचन मन भव किंव कहहीं।। ते पातक मोद्दि हो हुँ बिधाता। जों यहु हो इमोर मत माता।।

दो ०—जे परिहरि हरि हर चरन भजिह भूतगन घोर। तेहि कइ गति मोहि देउ विधि जौ जननी मत मोर॥१६७॥

बेचिहें बेदु धरम् दुहि लेहीं । पिसुन पराय पाप किह देहीं ॥ कपटी कुटिल कलहिपय कोधी । बेद बिद्षक बिख बिरोधी ॥ लोभी लंपट लोलुपचारा। जे ताकहिं परधनु परदारा॥ पावौं में तिन्ह के गति घोरा। जों जननी यहु संमत मोरा॥ जे नहिं साधुसंग अनुरागे। परमारथ पथ बिमुख अभागे॥ जे न भजिं हिर नरतनु पाई। जिन्हिह न हरिहर सुजमु सोहाई तिज्ह के गति मोहि संकर देऊ। जननी जों यहु जानों मेऊ॥

दो०—मातु भरत के बचन सुनि साँचे सरल सुभायँ। कहति राम प्रिय तात तुम्ह सदा बचन मन कायँ॥१६८॥

राम प्रानहु तें प्रान तुम्हारे । तुम्ह रघुपतिहि प्रानहु तें प्यारे ।। विधु विष चवै सर्वे हिम्रु आगी । होइ वारिचर वारि विरागी ।। भएँ ग्यानु वरु मिटै न मोहू। तुम्ह रामहिप्रतिक्कल न होहू।।
मत तुम्हार यहु जो जग कहहीं। सो सपने हुँ सुख सुगति न लहहीं
अस किह मातु भरत हियँ लाए। थन पय स्ववहीं नयन जल छाए।।
करत बिलाप बहुत यहि भाँती। बैठेहिं बीति गई सब राती।।
बामदेउ बिसष्ठ तब आए। सचिव महाजन सकल बोलाए।।
मुनि बहु भाँति भरत उपदेसे। कहि परमारथ बचन सुदंसे।।

दो ०—तात हृदयँ घीरजु धरहु करहु जो अवसर आजु । उठे भरत गुर बचन सुनि करन कहेउ सबु साजु ॥१६९॥

नृपतनु वेद विदित अन्हवावा। परम विचित्र विमानु बनावा।।
गहि पद भरत मातु सब राखी। रहीं रानि दरसन अभिलाषी।।
चंदन अगर भार बहु आए। अमित अनेक सुगंध सुहाए।।
सग्जु तीर रिच चिता बनाई जनु सुरपुर सोपान सुहाई।।
एहि विभिदाह किया सब कीन्हा।विधिवत न्हाइ तिलांजुलि दीन्ही
सोधि सुमृति सब बेद पुराना। कीन्ह भरत दसगात विधाना।।
जहाँ नम मुनिवर आयसु दीन्हा। तहाँ तम सहस भाँति सबु कीन्हा
भए विमुद्ध दिए सब दाना। धेनु बाजि गज बाहन नाना।।

दो ० – सिंघासन भूपन बसन अन्न घरनि घन घाम।

दिए भरत लहि भूमिसुर मे परिपूरन काम ॥१७०॥ पितु दित भरत की न्हि जिस करनी। सो मुख लाख जाइ नहिं बरनी सुदिनु माधि मुनिबर तब अ।ए। सचित्र महाजन सकल बोलाए॥ बैठे राजसभाँ सब जाई। पठए बोलि भरत दोउ भाई॥ भरतु बिस्छ निकट बैठारे। नीति धरममय बचन उचारे॥ प्रथम कथा सब ग्रुनिबर बरनी । कैंकइ कुटिल कीन्हि जिस करनी भूप धरमञ्जत सत्य सराहा । जेहिं तनु परिहरि प्रेग्न निवाहा ।। कहत राम गुन सील सुभाऊ । सजल नयन पुलकेउ ग्रुनिराऊ ।। बहुरि लखन सिय शीति बखानी। सोक सनेह मगन ग्रुनि ग्यानी

दो०—सुनहु भरत भावी प्रवल बिलखि कहेउ मुनिनाथ। हानि लाभु जीवनु मरनु जसु अपजसु बिधि हाथ॥१७१॥

अस बिचारि केहि देइ अदोस् । ब्यरथ काहि पर की जिअ रोस् ॥ तात बिचारु करहु मन माहीं । सोच जोगु दसरथु नृषु नाहीं ॥ सोचिअ बिप जो बेद बिहीना। तिज निज धरमु बिपय लयलीना सोचिअ नृपति जो नीति न जाना। जेहि न प्रजा प्रिय प्रान समाना सोचिअ बपसु कृपन धनत्रानु । जा न अतिथि सिव भगति सुजानु सोचिअ बद्ध बिप्र अवमानी । मुखर मानप्रिय ग्यान गुमानी ॥ सोचिअ षु निप वि बंचक नारी। कुटिल कलहप्रिय इच्छाचारी ॥ सोचिअ बदु निज बतु परिहरई। जो नहिंगुर आयसु अनुसरईं॥

दो०-सोचिअ गृही जो मोहबस करइ करम पथ त्याग । सोचिअ जती प्रपंच रत बिगत बिबेक बिराग ॥१७२॥

बैखानम सोइ सोचै जोगू। तपु बिहाइ जेहि भावइ भोगू।। सोचिश्र पिसुन श्रकारन क्रोधी। जननि जनक गुर बंधु बिरोधी।। सब विधि सोचिश्र पर अपकारी। निज तनु पोषक निग्दय भारी।। सोचनीय सबहीं विधि सोई। जो न छाड़ि छलु हरि जन होई।। सोचनीय नहिं कोमलराऊ। श्रुवन चारिदस प्रगट प्रभाऊ।। भयउ न श्रह्इ न श्रब होनिहारा। भूप भरत जस पिता तुम्हारा।।

#### बिधि हरि हरु सुरपति दिसिनाथा। बरनहिं सब दसरथ गुन गाथा।)

दो०—कहहु तात केहि भाँति कोउ करिहि बड़ाई तासु। राम लखन तुम्ह सन्नुहन सरिस सुअन सुचि जासु॥१७३॥

सब प्रकार भूपित बढ़भागी । बादि बिषादु करिअ तेहि लागी ।।
यहु सिन समुक्षि सोचु परिहरहू । सिर धिर राज रजायसु करहू ।।
राय राजपदु तुम्ह कहुँ दीन्हा । पिता बचनु फुर चाहिअ कीन्हा।।
तजेरामु जेहिं बचनिह लागी। तनु परिहरेड राम बिरहागी ।।
नृपहि बचन प्रिय निह प्रिय प्राना । करहु तात पितु बचन प्रवाना
करहु सीस धिर भूप रजाई । हह तुम्ह कहँ सब भाँति भलाई ।।
परसुराम पितु अग्या राखी । मारी मातु लोक सब साखी ।।
तनय जजातिहि जोबनु दयऊ। पितु अग्याँ अघ अजसु न भयऊ।।

दो०—अनुचित उचित विचारु तजि जे पालहिं पितु बैन। ते भाजन सुख सुजस के बसहिं अमरपति ऐन॥१७४॥

अवसि नरेस बचन फुर करहू । पालहु प्रजा सोकु परिहरहू ॥ सुरपुर नृषु पाइहि परितोषू । तुम्ह कहुँ सुकृत सुजसु निहं दोषू बेद बिदित संमत सबही का। जेहि पितु देह सो पावह टीका ॥ करहु राजु परिहरहु गलानी । मानहु मोर बचन हित जानी ॥ सुनि सुखु लहब राम बैंदेहीं। अनुचित कहब न पंडित केहीं ॥ कौसल्यादि सकल महतारीं। तेउ प्रजा सुख होहिं सुखारीं ॥ परम तुम्हार राम कर जानिहि।सो सब बिधि तुम्ह सन भल मानिहि सौंपेहु राजुर राम के आएँ। सेवा करेहु सनेह सुहाएँ॥

दो ०—कीजिअ गुर आयसु अवसि कहिंह सिचव कर जोरि । रघुपति आएँ उचित जस तस तब करब बहोरि ॥ १७५॥

कौसल्या भरि भीरज कहई। पूत पथ्य गुर आयसु अहई।। सो आदिश्य करिअ हित मानी। तिजिअ बिपाद काल गित जानी।। बन रघुपित सुरपित नरनाहू। तुम्ह एहि भाँति तात कदराहू।। परिजन प्रजा सिचव सब अंबा। तुम्हही सुत सब कहँ अवलंबा।। लिख बिधि बाम कालु कठिनाई। भीरज धरहु मातु बिल जाई।। सिर भिर गुर आयसु अनुसरहू। प्रजा पालि परिजन दुखु हरहू।। गुर के बचन सिचव अभिनंदनु। सुने भरत हिय हित जनु चंदनु।। सुनी बहोरि मातु मृदु बानी। सील सनेह सरल रस सानी।।

छं०—सानी सरल रस मातु बानी सुनि भरतु ब्याकुल भए । लोचन सरोरुह स्रवत सींचत बिरह उर अंकुर नए ॥ सो दसा देखत समय तेहि विसरी सबिह सुधि देह की । तुलसी सराहत सकल सादर सीवँ सहज सनेह की ॥ सो ०—भरतु कमल कर जोरि धीर धुरंधर धीर धिर । बचन अमिअँ जनु बोरि देत उचित उत्तर सबिह ॥ १७६॥

## मासपारायण, अठारहवाँ विश्राम

मोहि उपदेसु दीन्ह गुर नीका । प्रजा सचिव संमत सबही का ।। मातु उचित धरि आयसु दीन्हा । अवसि सीस धरि चाहउँ कीन्हा।। गुर पितु मातु खामि हित बानी।सुनि मन सुदित करिअ भि जानी उचित कि अनुचित किएँ विचारू । धरसु जाइ सिर पातक भारू ।। तुम्ह तो देहु सरल सिख सोई । जो आचरत मोर भल होई ।। जद्यपि यह समुझत हउँ नीकें। तद्पि होत परितोषु न जीकें।। अब तुम्ह बिनय मोरि सुनि लेहू। मोहि अनुहरत सिखावनु देहू।। ऊतरु देउँ छमव अपराधू। दुखित दोष गुन गनहिंन साधू।।

दो०—पितु सुरपुर सिय रामु बन करन कहहू मोहि राजु । एहि तें जानहु मोर हित कै आपन बड़ काजु ॥ १७७॥

हित हमार सियपित सेवकाई । सो हिर लीन्ह मातु कुटिलाई।।
मैं अनुमानि दीख मन माहीं । आन उपायँ मोर हित नाहीं ।।
सोक समाजु राजु केहि लेखें । लखन राम सिय बिनु पद देखें।।
बादि बसन बिनु भूषन भारू । बादि बिरित बिनु ब्रह्मिचारू ।।
सरुज सरीर बादि बहु भोगा । बिनु हिर भगति जायँजप जोगा।।।
जायँ जीव बिनु देह सुहाई । बादि मोर सबु बिनु रघुराई ।।
जाउँ राम पहिं आयसु देहू । एकहिं आँक मोर हित एहू ।।
मोहि नृप किर भल आपन चहहू । सोउ सनेह जड़ता बस कहहू।।

दो०-कैकेई सुअ कुटिलमित राम बिमुख गतलाज।

तुम्ह चाहत सुखु मोहबस मोहि से अधम के राज ॥ १७८॥

कहउँ साँचु सव क्षिति पतिआहू । चाहि अधरमसील नरनाहू ॥ मोहि राज हिठ देइहडु जनहीं । रसा रमातल जाइहि तनहीं ॥ माहि समान को पापितनास । जेहि लगि सीय राम नननास ॥ रायँ राम कहुँ काननु दीन्हा । विछुग्त गमनु अमरपुर कीन्हा॥ में सह सब अनरथ कर हेतू । बैठ बात सब सुनउँ सचेतू ॥ बिनु रघुवीर बिलोकि अवास । रहे प्रान सहि जग उपहास ॥ राम पुनीत विषय रस रूखे । लोखप भूमि भोग के भूखे ॥ कहँ लगि कहीं हृदय कठिनाई। निदिर कुलिसु जेहिं लही बड़ाई॥

दो०-कारन तें कारजु कठिन होइ दोसु नहिं मोर।

कुलिस अस्थि तें उपल तें लोह कराल कठोर ॥ १७९॥

कैंकेई भव तनु अनुरागे। पावँर प्रान अघाइ अभागे।। जों प्रिय विरह प्रान प्रिय लागे। देखव मुनव बहुत अब आगे।। लखन राम सिय कहुँ बनु दीन्हा। पठइ अमरपुर पति हित कीन्हा लीन्ह विधवपन अपजसु आपू। दीन्हेउ प्रजहि सोकु संवापू।। मोहि दीन्ह सुखु सुजसु सुराजू। कीन्ह कैंकई सब कर काजू।। एहि तें मोर काह अब नीका। तेहि पर देन कहहु तुम्ह टीका।। कैंकइ जठर जनमि जग माहीं। यह मोहि कहँ कछु अनुचित नाहीं मोरि बात सब विधिह बनाई। प्रजा पाँच कत करहु सहाई।।

दो ०-यह यहीत पुनि बात बस तेहि पुनि बीछी मार ।

तेहि पिआइअ बारुनी कहहु काह उपचार ॥ १८०॥

कैंकइ सुअन जोगु जग जोई । चतुर विरंचि दीन्ह मोहि सोई ।। दसरथ तनय राम लघु भाई । दोन्हि मोहि विधि बादि बड़ाई।। तुम्ह सब कहहु कड़ाबन टोका । राय र जायसु सब कहँ नीका ।। उतरु देउँ केहि विधि केहि केही । कहहु सुखेन जथा रुचि जेही ।। मोहि कुमातु समेत बिहाई । कहहु कहिहि के कीन्ह भलाई ।। मो बिनु को सचराचर माहीं । जेहि सिय राम्र प्रानप्रिय नाहीं।। परम हानि सब कहँ बड़ लाहू । अदिनु मोर नहिं दूषन काहू ।। संसय सील प्रेम बस अहहू । सबुइ उचित सब जो कल्ल कहहू ।। दो ०-राम मातु सुठि सरलचित मो पर प्रेमु बिसेषि। कहइ सुभाय सनेह बस मोरि दीनता देखि॥१८१॥

गुर बिबेकसागर जगु जाना । जिन्हहिबिख कर बदर समाना।।
मो कहँ तिलक साज सज सोऊ। भएँ बिधि बिग्रुख बिग्रुख सबु कोऊ
परिहरि राग्रु सीय जग माहीं । कोउन किहिह मोर मत नाहीं ॥
सो मैं सुनब सहब सुखु मानी । अंतहुँ कीच तहाँ जहँ पानी ॥
डरुन मोहि जग कहिहि कि पोचू । परलोक हु कर नाहिन सोचू॥
एकइ उर बस दुसह दवारी । मोहि लगि मे सिय राग्रु दुखारी॥
जीवन लाहु लखन भल पावा । सबु तिज राम चरन मनु लावा॥
मोर जनम रघुबर वन लागी । झुठ काह पिछताउँ अभागी॥

दो ०-आपनि दारुन दीनता कहउँ सबिह सिरु नाइ। देखें बिनु रघुनाथ पद जिय कै जरिन न जाइ॥१८२॥

आन उपाउ मोहि निह सझा । को जिय के रघुनर बिनु बूझा ।।
एकहिं आँक इहइ मन माहीं । प्रातकाल चलिहउँ प्रभ्र पाहीं !!
जद्यपि में अनभल अपराधी । भे मोहि कारन सकल उपाधी ।।
नदिप सरन सन्ध्रुख मोहि देखी। छिम सब करिहिह कुपा बिसेषी।।
सील सकुच सुठि सरल सुभाऊ । कृपा सनेह सदन रघुराऊ ।।
अरिहुक अनभल कीन्ह न रामा । मैं सिसु सेनक जद्यपि बामा ।।
नुम्ह पै पाँच मोर भल मानी । आयसु आसिष देहु सुवानी ।।
जेहिं सुनि बिनय मोहि जनु जानी। आवहिं बहुरि राम्न रजधानी।।

न्दो ०—जद्यपि जनमु कुमातु तें मैं सठु सदा सदोस । आपंच जानि न त्यागिहृहिं मोहि रघुबीर भरोस ॥१८३॥ भरत बचन सब कहँ प्रिय लागे। राम सनेह सुभाँ जनु पागे।। लोग बियोग बिषम बिष दागे। मंत्र सबीज सुनत जनु जागे।। मातु सचिव गुर पुर नर नारी। सकल सनेहँ बिकल भए भारी।। भरतिह कहिंद सराहि सराही। राम प्रेम मूरित तनु आही।। तात भरत अस काहेन कहिंद्द। प्रान समान राम प्रिय अहहू।। जो पावँक अपनी जड़ताईं। तुम्हिह सुगाइ मातु कुटिलाईं।। सो सठु कोटिक पुरुष समेता। बिसिह कलप सत नरक निकेता अहि अघ अवगुन नहिं मिन गहई। हरइ गरल दुख दारिद दहई।।

दो ०—अविस चिलिअ वन रामु जहँ भरत मंत्रु भल कीन्ह । सोक सिंघु वूड़त सविहि तुम्ह अवलंबनु दीन्ह ॥१८४॥

भा सब कें मन मोदु न थोरा । जनु घन युनि सुनि चातक मोरा चलत प्रात लखि निरनउ नीके । भरतु प्रानिष्य में सबही के ।। स्रुनिहि बंदि भरतिह सिरु नाई । चले सकल घर बिदा कराई ।। धन्य भरत जीवनु जग माहीं । सीलु सनेहु सराहत जाहीं ।। कहिं परसपर भा बड़ काजू । सकल चलें कर साजिह साजू ।। जेहि राखिं रहु घर रखवारी । सो जानइ जनु गरदिन मारी ।। कोउ कह रहन किंध निहं काहू । को न चहुइ जग जीवन लाहू ।।

दांo-जरउ सो संपति सदन सुखु सुहृद मातु पितु भाइ । सनमुख होत जो राम पद करें न सहस सहाइ ॥१८५॥

घर घर साजिह बाहन नाना । हरषु हृदयँ परभात पयाना ॥ भरत जाइ घर कीन्ह विचारू । नगरु वाजि गज भवन भँडारू॥ संपति सब रघुपति के आही । जौ पिनु जतन चलौ तजि ताही तौ परिनाम न मोरि भलाई। पाप सिरोमनि साइँ दोहाई।। करइ खामि हित सेवकु सोई। दूषन कोटि देइ किन कोई।। अस विचारि सुचि सेवक बोले। जे सपने हुँ निज धरम न डोले।। कहि सबु मरम धरम भलभा। जो जेहि लायक सो तेहिं राखा।। किर सबु जतनु राखि रखवारे। राम मातु पहिं भरतु सिधारे।। दो०—आरत जननी जानि सब भरत सनेह सुजान।

कहेउ वनावन पालकीं सजन सुखासन जान ॥१८६॥

चक चिक जिमि पुर नर गरी। चहत प्रात उर आरत भारी।। जागत सब निस्ति भय उ बिहाना। भरत बीलाए सचिव सुजाना।। कहेउ लेहु सबु तिलक समाजू। बनहिं देव मुनि रामिह राजू।। बेगि चलहु सुनि सचिव जोहारे। तुरत तुरग रथ नाग सँबारे।। अरुंधती अरु अगिनि समाज। रथ चिह चले प्रथम मुनिराज।। बिप्र बृंद चिह बाहन नाना। चले सकल तप तेज निधाना।। नगर लोग सब सिज सिज जाना। चित्र क्ट कहँ की न्ह पयाना।। सिविका सुभगन जाहिं बलानी। चिह चिह चलत भई सब रानी।। दो ० —सीपि नग्नर सुनि सेवकिन सादर सकल चलाइ।

मुमिरि राम सिय चरन तब चले भरत दोउ भाइ ॥१८७॥

राम दरस वस सब नर नारी। जनु किर किरिनि चले तिक बारी बन सिय रामु समुझि मन माहीं। सानुज भरत पयादेहिं जाहीं।। देखि सनेहु लोग अनुरागे। उत्तरि चले हय गय रथ त्यागे।। जाइ समीप राखि निज डोली। राम मातु मृदु वानी बोली।। तात चईंदु रथ बलि महतारी। होइहि प्रिय परिवारु दुखारी।। तुम्हरें चलत चलिहि सबु लोगू। सकल सोक क्रस निह मग जोगू सिर धरि बचन चरन सिरु नाई। रथ चढ़ि चलत भए दोउ भाई।। तमसा प्रथम दिवस करि बाद्ध। दुसर गोमति तीर निवाद्ध।।

दो०-पय अहार फल असन एक निसि भोजन एक लोग।

करत राम हित नेम बत परिहरि भूपन भोग ॥१८८॥
सई तीर विस चले विहाने । सृंगवेरपुर सब निअराने ॥
समाचार सब सुने निषादा । हृदयँ विचार करइ सिवपादा ॥
कारन कवन भरतु बन जाहीं । है कल्ल कपट भाउ मन माहीं ॥
जों पै जियँ न होति कुटिलाई । तो कत लीन्ह संग कटकाई ॥
जानिह सानुज रामिह मारी । करउँ अकंटक राजु सुखारी ॥
भरत न राजनीति उर आनी । तब कलंकु अब जीवन हानी ॥
सकल सुरासुर जुरहिं जुझारा । रामिह समर न जीतिनहारा ॥
का आचरजु भरतु अस करहीं । निहं विष बेलि अमिअ फल फरहीं

दो०-अस विचारि गुहँ ग्याति सन कहेउ सजग सब होहु।

हथवाँसहु वोरहु तरिन कीजिअ घाटारोहु॥१८९॥
होहु सँजोइल रोकहु घाटा। ठाटहु सकल मरे के ठाटा।।
सनमुख लोह भरत सन लेऊँ। जिअत न सुरसिर उतरन देऊँ।।
समर मरनु पुनि सुरसिर तीरा। राम काजु छनभंगु सरीरा।।
भरत भाइ नृषु में जन नीचू। बड़ें भाग असि पाइअ मीचू।।
स्वामि काज करिहउँ रन रारी। जस धवलिहउँ भ्रुवन दस चारी।।
तजउँ प्रान रघुनाथ निहोरें। दुहूँ हाथ भ्रुद मोदक मोरें।।
साधु समाज न जाकर लेखा। राम भगत महुँ जासुन रेखा।।

जायँ जिञ्रत जग सो महि भारू। जननी जौबन बिटप कुठारू।।

दो ०-बिगत विपाद निषादषित सबिह बढ़ाइ उछाहु।

सुमिरि राम मागेउ तुरत तरकस धनुष सनाहु ॥१९०॥

बेगहु भाइहु सजहु सँजोऊ। सुनि रजाइ कदराइन कोऊ।।
भलेहिं नाथ सब कहिं सहरषा। एकिं एक बढ़ावइ करषा।।
चले निषाद जोहारि जोहारी। सर सकल रन रूचइ रारी।।
सुमिरि रामपद पंकज पनहीं। भाथीं बाँधि चढ़ाइन्हि धनहीं।।
अँगरी पहिरि कूँड़ि निर धरहीं। फरसा बाँस सेल सम करहीं।।
एक कुसल अति ओड़न खाँड़े। कूदिं गगन मनहुँ छिति छाँड़े।।
निज निज साजु समाजु बनाई। गुह राउतिह जोहारे जाई।।
देखि सुभट सब लायक जाने। लै ले नाम सकल सनमाने।।

दो ०—भाइहु लाबहु घोख जिन आजु काज वड़ मोहि। सुनि सरोप बोले सुभट बीर अधीर न होहि॥१९१॥

राम प्रताप नाथ बल तोरे। करहिं कटकु विनु भट विनु घोरे।। जीवत पाउ न पार्छे धरहीं। रुंड मुंडमय मेदिनि करहीं।। दीख निपादनाथ भल टोल्ट। कहेउ बजाउ जुझाऊ ढोल्ट।। एतना कहत छींक भइ बाँए। कहेउ सगुनिअन्ह खेत सुहाए।। बुढ़ एकु कह सगुन विचारी। भरतिह मिलिअन होइहि रारी।। रामहि भग्तु मनावन जाहीं। सगुन कहइ अस बिग्रहु नाहीं।। सुनि गुह कहइ नीक कह बुढ़ा। सहसा करि पछिताहिं बिम्रुढ़ा।। भरत सुभाउँ सीलु बिनु बुझें। बिड़ हित हानि जानि बिनु जुझें।। दो ० –गहहु घाट भट समिटि सब लेउँ मरम मिलि जाइ।

बूझि मित्र अरि मध्य गित तस तब करिहउँ आइ ॥१९२॥ लख सनेहु सुभायँ सुहाएँ । बैरु प्रीति निहं दुरहँ दुराएँ ॥ अस किह मेंट सँजोवन लागे । कंद मूल फल खग मृग मागे॥ मीन पीन पाठीन पुराने । भिर भिर भार कहारन्ह आने ॥ मिलन साजु सिन मिलन सिधाए। मंगल मूल सगुन सुभ पाए ॥ देखि दूरि तें किह निज नामू । कीन्ह मुनीसिह दंड प्रनामू ॥ जानि रामिप्रय दीन्हि असीसा । भरतिह कहेउ बुझाइ मुनीसा॥ राम सखा सुनि संदनु त्यागा । चले उतिर उमगत अनुरागा॥ गाउँ जाति गुहँ नाउँ सुनाई । कीन्ह जोहारु माथ मिह लाई॥ दो०—करत दंडवत देखि तेहि भरत लीन्ह उर लाइ।

मनहुँ लखन सन भेंट भइ प्रमु न हृद्य समाइ ॥१९३॥
भेंटत भरत ताहि अति प्रीती । लोग सिहाहि प्रेम के रीती ॥
धन्य धन्य घुनि मंगल मूला । सुरसराहि तेहि बरिसहिं फूला॥
लोक बेद सब भाँतिहिं नीचा । जासु छाँह छुइ लेइअ सींचा ॥
तेहि भिर अंक राम लघु आता । मिलत पुलक परिष्रित गाता॥
राम राम कहि जे जमुहाहीं । तिन्हि न पाप पुंज समुहाहीं ॥
यह तो राम लाइ उर लीन्हा । कुल समेत जगु पावन कीन्हा॥
करमनास जल सुरसरि परई । तेहिको कहहु सीस निहं धरई॥
उलटा नामु जपत जगु जाना । बालमीिक भए ब्रह्म समाना॥
दो०—स्वाच सबर लस जमन जड़ पावँर कोल किरात ।

रामु कहत पावन परम होत भुवन बिख्यात ॥१९४॥

नहिं अचिरिज जुग जुग चिल आई। केहि न दीन्हि रघुवीर बढ़ाई॥
राम नाम महिमा सुर कहहीं । सुनि सुनि अवध लोग सुखु लहहीं
रामसखिह मिलि भरत सप्रेमा। पूँछी कुसल सुमंगल खेमा ॥
देखि भरत कर सील सनेहू । भा निषाद तेहि समय विदेहू ॥
सकुच सनेहु मोदु मन बाढ़ा । भरतिह चितवत एकटक ठाढ़ा॥
धिर धीरज पद बंदि बहोरी । बिनय सप्रेम करत कर जोरी ॥
कुमल मूल पद पंकज पेखी । मैं तिहुँ काल कुसल निज लेखी॥
अब प्रभु परम अनुग्रह तोरें । सहित कोटि कुल मंगल मोरें ॥
दो०—समुक्षि मोरि करतृति कुलु प्रभु महिमा जियँ जोइ ।

जो न भजह रघुबीर पद जग बिधि बंचित सोह ॥१९५॥
कपटी कायर कुमित कुजाती । लोक बेद बाहेर सब भाँती ॥
राप कीन्ह आपन जबही तें । भयउँ भुवन भूपन तबही तें ॥
देखि प्रीति सुनि विनय सुहाई । मिलेउ वहोरि भरत लघु भाई॥
किह निष:द निज नाम सुबानीं । सादर सकल जोहारीं रानीं ॥
जानि लखन सम देहिं असीसा । जिअहु सुखी सय लाख बरीसा॥
निरित्व निषादु नगर नर नारी । भए सुखी जनु लखनु निहारी॥
कहहिं लहेउ एहिं जीवन लाहू । भेंटेउ रामभद्र भरि बाहू॥
सुनि निषादु निज भाग बड़ाई। प्रमुदित मन लइ चलेउ लेवाई॥

दो ०—सनकारे सेवक सकल चले स्वामि रुख पाइ। घर तरु तर सर बाग बन बास बनाएन्हिं जाइ ॥१९६॥ स्रंगवेरपुर भरत दीख जब। भे सनेहँ सब अंग सिथिल तब।। सोहत दिएँ निषादहि लागू। जनु तनु धरें बिनय अनुरागू।। एहि विधि भरत सेनु सबुसंगा । दीखि जाइ जग पाविन गंगा।। रामघाट कहँ कीन्ह प्रनामू । भा मनु मगनु मिले जनु रामू॥ करिह प्रनाम नगर नर नारी । मुदित ब्रह्ममय बारि निहारी ॥ किर मजनु मागिह कर जोरी । रामचंद्र पद प्रीति न थोरी ॥ भरत कहेउ सुरसिर तव रेनु । सकल सुखद सेवक सुरधेनु ॥ जोरि पानि वर मागउँ एहू । सीय राम पद सहज सनेहू ॥ दो०—एहि विधि मजनु भरतु किर गुर अनुसासन पाइ ।

मातु नहानीं जानि सब डेरा चले लवाइ ॥१९७॥
जहँ तहँ लोगन्ह डेरा कीन्हा । भरत सोघु सबही कर लीन्हा॥
सुर सेवा करि अ:यमु पाई । राम मातु पहिं गे दोउ भाई॥
चरन चाँपि कहि कहि मृदुवानी । जननी सकल भरत सनमानी ॥
भाइहि सौंपि मातु सेवकाई । आपु निपादहि लीन्ह बोलाई॥
चले सखा कर सों कर जोरें । सिथिल मरीरु सने इन थोरें ॥
पूँछत सखिह सो ठाउँ देखाऊ । नेकु नयन मन जरनि जुड़ाऊ॥
जहँसिय राम्र लखनु निसि सोए। कहत भरे जल लोचन कोए॥
भरत बचन सुनि भयड बिपाद् । तुरत तहाँ लह गयउ निषाद्॥

दो०—जहँ सिंसुपा पुनीत तर रघुबर किय विश्रामु । अति सनेहँ सादर भरत कीन्हेउ दंड प्रनाम् ॥१९८॥

कुस साँथरी निहारि सहाई। कीन्ह प्रनामु प्रदिच्छन जाई।। चरन रेख रज आँखिन्ह लाई। बनइन कहत प्रीति अधिकाई।। कनक बिंदु दुइ चारिक देखे। राखे सीस सीय सम लेखे।। सजल बिलोचन हृदयँ गलानी। कहत सत्वा सन बचन सुवानी।। श्रीहत सीय विरहँ दुतिहीना । जथा अवध नर नारि विलीना।। पिता जनक देउँ पटतर केही । करतल भोगु जोगु जग जेही।। ससुर भानुकुल भानु भुआलू । जेहि मिहात अमरावित पालू।। प्राननाथु रघुनाथ गोसाई । जो बड़ होत सो राम बड़ाई ॥ दो०—पित देवता सतीय मिन सीय साँथरी देखि ।

विहरत हदउ न हहरि हर पिन तें कठिन निसेषि ॥१९९॥
लालन जोगु लखन लघु लोने । मे न भाइ अस अहहिं नहोने।।
पुरजन प्रिय पितु मातु दुलारे । सिय रघुनीरिह प्रानिष आरे।।
मृद् मृरित सुकुमार सुभाऊ । तात बाउ तन लाग न काऊ ।।
ते बन सहिंह निपति सब भाँती । निदरे कोटि कुलिस एहिं छाती।।
राम जनमि जगु कीन्ह उजागर। रूप सील सुख सब गुन सागर।।
पुरजन परिजन गुर पितु माता । राम सुभाउ सबहि सुखदाता।।
वेरिउ राम बड़ाई करहीं। बोलनि मिलनि निनय मन हरहीं
सारद कोटि कोटि सत सेषा। करिन सकहिं प्रभ्र गुन गन लेखा

दो०--सुखस्वरूप रघुवंसमनि मंगल मोद निधान।

ते सोवत कुम डासि महि बिधि गति अति बलवान ॥२००॥
राम मुना दुखु कान न काऊ । जीवन तरु जिमि जोगवइ राऊ॥
पलक नयन फिन मिन जेहि भाँती। जोगवहिं जनि सकल दिन राती
ते अव फिरत बिपिन पद चारी । कंद मूल फल फूल अहारी ॥
धिग कैकई अमंगल मूला । महिस प्रान प्रियतम प्रतिक्र्ला॥
मैं धिग धिग अव उद्धि अभागी। सबु उतपातु भयउ जेहिं लागी॥
कुल ककंक करि सुजेउ विधाताँ। साईँ दोह मोहि कीन्ह कुमाताँ॥

सुनि सप्रेम समुझाव निषाद्। नाथ करिश्र कत बादि बिपाद्।। रामतुम्हहि प्रिय तुम्ह प्रिय रामहि।यह निरजोस दोसु विधि बामहि

छं०—बिधि बाम की करनी कठिन जेहिं मातु कीन्ही बावरी ।
तेहि राति पुनि पुनि करिंह प्रभु सादर सरहना रावरी ॥
तुलसी न तुम्ह सो राम प्रीतमु कहतु हों सौंहें किएँ ।
परिनाम मंगल जानि अपने आनिए धीरजु हिएँ ॥
सो०—अंतरजामी रामु सकुच संप्रम ऋपायतन ।
चिलअ करिअ विश्रामु यह विचारि हद् आनि मन ॥ २०१॥

सखा बचन सुनि उर धिर धीरा । बास चले सुमिरत रघुबीरा ।।
यह सुधि पाइ नगर नर नारी । चले बिलोकन आरत भारी ।।
परदिखना किर करिं प्रनामा । देहिं कैकइहि खोरि निकामा।।
भिर भिर बारि बिलोचन लेहीं । बाम विधातिह दृषन देहीं ।।
एक सराहिं मरत सनेहू । कोउकह नृपति निवाहेउ नेहू ।।
निंदिं आपु सरािह निपादि । को कि सकइ विमोह विषादि ।।
पिह बिधि राित लोगु सबु जागा । भा भिनुसार गुदारा लागा ।।
गुरिह सुनार्वे चढ़ाइ सुहाईं । नई नाव सब मातु चढ़ाई ।।
दंड चािर महँ भा सबु पारा । उतिर भरत तब सबहि सँभारा ।।

दो०—प्रातिकया किर मातु पद वंदि गुरिह सिरु नाइ । आगें किए निषाद गन दीन्हेज कटकु चलाइ ॥२०२॥ कियउ निषादनाथु अगुआई । मातु पालकीं सकल चलाई ॥ साथ बोलाइ भाइ लघु दीन्हा । बिप्रन्ह सहित गवनु गुर कीन्हा॥ आपु सुरसरिहि कीन्ह प्रनाम् । सुमिरे लखन सहित सिय राम्॥ गवने भरत पयादेहिं पाए । कोतल संग जाहिं डोरिआए ॥ कहिं सुसेवक वारहिं बारा । होइअ नाथ अख असवारा ॥ राम्र पयादेहि पायँ सिधाए । हम कहँ रथ गज बाजि बनाए ॥ सिर भर जाउँ उचित अस मोरा । सब तें सेवक धरम्र कठोरा ॥ देखि भरत गति सुनि मृदु बानी। सब सेवक गन गरहिं गलानी॥

दो०—भरत तीसरे पहर कहँ कीन्ह प्रवेसु प्रयाग । कहत राम सिय राम सिय उमिंग उमिंग अनुराग ॥२०३॥

श्लका शलकत पायन्ह कैसें। पंकज कोस ओस कन जैसें।।
भरत पयादेहिं आए आजू। भयउ दुखित सुनि सकल समाजू
खबिर लीन्ह सब लोग नहाए। कीन्ह प्रनाम्न त्रिवेनिहि आए॥
सबिधि सितासित नीर नहाने। दिए दान महिसुर सनमाने॥
देखत खामल धवल हलोरे। पुलिक मरीर भरत कर जोरे॥
सकल काम प्रद् तीरथराऊ। बेद विदित जग प्रगट प्रभाऊ॥
मागउँ भीख त्यागि निज धरम्। आरत काह न करइ कुकरम्॥
अस जियँ जानि सुजान सुदानी। सफल करहिं जग जाचक बानी

दो०-अरथ न धर्म न काम रुचि गति न चहुउँ निरवान । जनम जनम रित राम पद यह बरदानु न आन ॥ २०४॥

जानहुँ रामु कुटिल किर मोही। लोग कहउ गुर साहिब द्रोही।। सीता राम चरन रित मोरें। अनुदिन बढ़उ अनुप्रह तोरें।। जलदु जनमभरि सुरित बिसारउ। जाचत जलु पिब पाहन डारउ।। चातकु रटिन घटें घटि जाई। बढ़ें प्रेष्ठ सब भाँति भलाई।। कनकहिं बार्न चढ़इ जिमि दाहें। तिमि प्रियतम पद नेम निवाहें भरत बचन सुनि माझ त्रिबेनी । भइ मृदु बानि सुमंगल देनी ।। तात भरत तुम्ह सब बिधि साधू । राम चरन अनुराग अगाधू ॥ बादि गलानि करहु मन माहीं । तुम्ह सम रामहि कोउ त्रिय नाहीं दो०—तनु पुलकेउ हियँ हरषु सुनि बेनि बचन अनुकूल ।

भरत धन्य किह धन्य सुर हरपित वरषिहं फूल ॥२०५॥

प्रमुदित तीरथराज निवासी । बैखानस वह गृही उदासी ॥ कहिंदि परसपर मिलि दस पाँचा। भरत सने हु सी छ सुचि साँचा॥ सुनत राम गुन ग्राम सुहाए । भरद्वाज मुनिवर पिंहें आए ॥ दंड प्रनाम्न करत मुनि देखें । मूरितमंत भाग्य निज लेखें ॥ धाइ उठाइ लाइ उर लीन्हें । दीन्हि असी स कृतारथ कीन्हें ॥ आस सु दीन्ह नाइ सिरु बेठे । चहत सकुच गृहँ जन्न भिज पेठे ॥ मुनि पूँछव कछ यह बड़ सोचू । बोले शिप लिख सी छ सँकोचू ॥ सुनहु भरत हम सब सुधि पाई। विधि करतब पर किछ न वसाई॥ दो ०—तुम्ह गलानि जियँ जिन करहु समुिश मानु करतूति ।

तात कैंकइहि दोसु नहिं गई गिरा मित धूति ॥ २०६॥

यहउ कहत भल किहि न कोऊ। लोक बेदु बुध संमत दोऊ।।
तात तुम्हार विमल जसु गाई। पाइहि लोकउ बेदु बड़ाई।।
लोक बेद संमत सबु कहई। जेहि पितु देइ राजु सो लहई।।
राउ सत्यवत तुम्हिह बोलाई। देत राजु सुखु धरमु बड़ाई।।
राम गवनु बन अनरथ मूला। जो सुनि सकल बिख भइ सला।।
सो भावी बस रानि अयानी। किरिकुचालि अंतहुँ पछितानी।।
तहुँ तुम्हार अलप अपराधु। कहे सो अधम अयान असाधु।।

करतेहु राज त तुम्हिह न दोषू । रामिह होत सुनत संतोषू ॥

दो ०—अय अति कीन्हेहु भरत भल तुम्हिहि उचित मत एहु । सकल सुमंगल मूल जग रघुवर चरन सनेहु ॥ २०७॥

सो तुम्हार धनु जीवनु प्राना। भूरिभाग को तुम्हिह समाना।।
यह तुम्हार त्राचरजु न ताता। दसरथ सुअन राम प्रिय भ्रात।।।
सुनहु भरत रघुवर मन माहीं। पेम पात्रु तुम्ह सम कोउ नाहीं।।
लखन राम सीतिह अति प्रीती। निसि सब तुम्हिह सराहत बीती।।
जाना मरसु नहात प्रयागा। मगन होहिं तुम्हरें अनुरागा।।
तुम्ह पर अस सनेहु रघुवर कें। सुख जीवन जग जस जड़ नर कें
यह न अधिक रघुवीर वड़ाई। प्रनत कुटुंव पाल रघुराई।।
तुम्ह तौ भरत मोर मत एहू। धरें देह जनु राम सनेहू।।

दो ०—तुम्ह कहँ भरत कलंक यह हम सब कहँ उपदेसु । राम भगति रससिद्धि हित भा यह समउ गनेसु ॥२०८॥

नव बिधु बिमल तात जस तोरा। रघुवर किंकर क्रमुद चकोरा।।
उदित सदा अँथईहि कनहुँ ना। घटिहिन जग नभ दिन दिन दूना
कोक तिलोक प्रीति अति करिही। प्रभु प्रताप रिव छिबिहिन हरिही
निसि दिन सुखद सदा सब काहू। प्रसिहिन कैंकइ करतबु राहू।।
पूरन राम सुपेम पियूषा। गुर अवमान दोष निहं दूषा।।
राम भगत अब अमिअँ अघाहूँ। कीन्हेहु सुलभ सुधा बसुधाहूँ।।
भूप भगीरथ सुरसरि आनी। सुमिरत सकल सुमंगल खानी।।
दसरथ गुनगन बरनि न जाहीं। अधिकु कहा जेहि सम जग नाहीं

दो०-जासु सनेह सकीच बस राम प्रगट भए आइ।

जे हर हिय नयनि कवहँ निरसं नहीं अघाइ ॥२०९॥ कीरति विधुतुम्ह कीन्ह अनुषा । जहँ वस राम पेम मृगरूषा॥ तात गलानि करहु जियँ जाएँ । उरहु दरिद्रहि पारसु पाएँ ॥ सुनहु भरत हम झुठ न कहहीं । उदासीन तापस बन रहहीं ॥ सब साधन कर सुफल सुहावा । लखन राम सिय दरसनु पावा॥ तेहि फल कर फल दरम तुम्हारा। सहित पयाग सुभाग हमारा ॥ भरत धन्य तुम्ह जसु जगु जयऊ। कहि अस पेम मगन मुनि भयऊ सुनि मुनि बचन सभासद हरषे। साधु सराहि सुमन सुर बरषे।। धन्य धन्य धुनि गगन पयागा। सुनि सुनि भरतु मगन अनुरागा

दो०-पुलक गात हियाँ रामु सिय सजल सरोरुह नैन। करि प्रनामु मुनि मंडलिहि बोले गदगद बैन॥२१०॥

मुनि समाजु अरु तीरथराजू । साँचिहुँ सपथ अघाइ अकाजू ॥
एहिं थल जों किल्ल कहिअवनाई। एहि सम अधिक न अघ अधमाई
तुम्ह सर्वग्य कहउँ सतिभाऊ। उर अंतरजामी रघुराऊ॥
मोहिन मातु करतव कर सोचू । नहिं दुखु जियँ जगु जानिहि पोचू
नाहिन डरु बिगरिहि परलोक् । पितहु मरनकर मोहिन सोक् ॥
सुकृत सुजस भिर मुअन सुहाए। लिख्न मरामसरिस सुत पाए॥
राम बिरहँ तजि तनु छनभंगू। भूप सोच कर कवन प्रसंगू॥
राम लखन सिय बिनु पग पनहीं। करि मुनि बेष फिरहिं बन बनहीं

दो०—अजिन बसन फल असन महि सयन डासि कुस पात। वसि तरु तर नित सहत हिम आतप बरषा बात॥२११॥ एहि दुख द। हँ दहइ दिन छाती। भूख न बासर नीद न राती।।
एहि कुरोग कर औषधु नाहीं। सोघेउँ सकल बिख मन माहीं।।
मातु कुमत बढ़ई अघमूला। तेहिं हमार हित कीन्ह बँखला।।
किल कुकाठ कर कीन्ह कुजंत्रू। गाड़ि अविध पढ़ि कठिन कुमंत्रू॥
मोहि लगि यहु कुठाड़ तेहिं ठाटा। घालेसि सब जगु बारहबाटा।।
मिटइ कुजोगु राम फिरि आएँ। बसइ अवध नहिं आन उपाएँ॥
भरत बचन सुनि मुनि सुखु पाई। सबहिं कीन्हि बहु भाँति बड़ाई॥
तात करहु जिन सोचु बिसेषी। सब दुखु मिटिहि राम पग देखी॥

दो०—करि प्रवोधु मुनियर कहेउ अतिथि पेमप्रिय होहु। कंद मूल फल फूल हम देहिं लेहु करि छोहु॥२१२॥

सुनि सुनि बचन भरत हियँ सोचू। भयउ कुअवसर कठिन सँकोचू॥ जानि गरुइ गुर गिरा बहोरी। चरन बंदि बोले कर जोरी।। सिर धारे आयसु करिअ तुम्हारा। परम धरम यहु नाथ हमारा।। भरत बचन सुनिबर मन भाए। सुचि सेवक सिष निकट बोलाए।। चाहिअ कीन्हि भरत पहुनाई। कंद मूल फल आनहु जाई॥ भलेहिं नाथ कहि तिन्ह सिर नाए। प्रमुदित निज निज काज सिधाए सुनिहि सोच पाहुन बड़ नेवता। तिस पूजा चाहिअ जस देवता।। सुनि रिधि सिधि अनिमादिक आई। आयसु होइ सो करहिं गोसाई॥

दो०—राम बिरह व्याकुल भरतु सानुज सहित समाज। पहनाई करि हरहु श्रम कहा मुदित मुनिराज॥२१३॥

रिधि सिघ्नि सिर धरि मुनिवर वानी। बड़भागिनि आपुहि अनुमानी कहिं परसपर सिधि सम्रुदाई। अतुलित अविथि राम लघु भाई।। मुनि पद बंदि करिश्र सोइ आजू। होइ सुखी सब राज समाजू।। अस किह रचेउ रुचिर गृह नाना।जेहि बिलोकि बिलखाहिं बिमाना भोग विभृति भृरि भिर राखे। देखत जिन्हिह अमर अभिलाषे।। दासीं दास साजु सब लीन्हें। जोगवत रहिं मनिह मनु दीन्हें।। सब समाजु सजि सिधि पल माहीं। जे सुख सुरपुर सपने हुँ नाहीं।। प्रथमहिं बास दिए सब केही। सुंदर सुखद जथा रुचि जेही।।

दो ०--<mark>बहुरि सपरिजन भरत कहुँ रि</mark>पि अस आयसु दीन्ह। बिधि विसमय दायकु विभव मुनिवर तपवल कीन्ह॥२१४॥

मुनि प्रभाउ जब भरत बिलोका। सब लघु लगे लोकपति लोका।।
सुख समाज निहं जाइ बखानी । देखत विरित बिसारिह ग्यानी।।
आसन सयन सुबसन बिताना। बन बाटिका बिह्म मृग नाना।।
सुरिभ फूल फल अभिअ समाना। विमल जलासय बिविध विधाना
असन पान सुचि अभिअ अभी से। देखि लोग सङ्घात जमी से।।
सुर सुरभी सुरतरु सबही कें। लिख अभिलाषु सुरेस सची कें।।
रितु बसंत बह त्रिविध बयारी। सब कहँ सुलभ पदारथ चारी।।
सक चंदन बनितादिक भोगा। देखि हर्ष विसमय बस लोगा।।

दो ०-संपति चकई भरतु चक मुनि आयस खेलवार। तेहि निसि आश्रम पिंजराँ राखे भा भिनुसार॥२१५॥

## मासपारायण, उन्नीसवाँ बिश्राम

कीन्ह निमजनु तीरथराजा । नाइ मुनिहि सिरु सहित समाजा ।। रिषि आयसु असीस सिर राखी । करि दंडवत विनय बहु भाषी ।। पथ गित कुसल साथ सब लीन्हें। चले चित्रक्टिं चितु दी॰हें।।
रामसला कर दीन्हें लागू। चलत देह धरि जनु अनुरागू।।
निहं पद त्रान सीस निहं छाया। पेग्नु नेग्नु बतु धरग्नु अमाया।।
लखन राम सिय पंथ कहानी। पूँछत सखिह कहत मृदु बानी।।
राम बास थल बिटप बिलोकें। उर अनुराग रहत निहं रोकें।।
देखि दसा सुर बरिसिंह फूला। भइ मृदु महि मगु मंगल मूला।।

दो०—किएँ जाहिं छाया जलद सुखद बहइ बर बात। तस मगु भयउ न राम कहँ जस भा भरतिह जात॥२१६॥

जड़ चेतन मग जीव घनेरे । जे चितए प्रश्च जिन्ह प्रश्च हेरे ।।
ते सब भए परम पद जोगू । भरत दरस मेटा भव रोगू ।।
यह बड़ि बात भरत कइ नाहीं । सुमिरत जिनहि राग्न मन माहीं ।।
बारक राम कहत जग जेऊ । होत तरन तारन नर तेऊ ।।
भरत राम प्रिय पुनि लघु आतां । कस न होइ मगु मंगलदाता ।।
सिद्ध साधु ग्रुनिवर अस कहहीं । भरतहि निरिख हरषु हियँ लहहीं
देखि प्रभाउ सुरेसहि सोचू । जगु भल भलेहि पोच कहुँ पोचू।।
गुर सन कहेउ कुरिअ प्रश्च सोई। रामहि भरतहि भेट न होई ॥

दो०-रामु सँकोची प्रेम बस भरत सपेम पयोधि। वनी बात बगरन चहति करिअ जतनु छलु सोधि॥२१७॥

बचन सुनत सुरगुरु ग्रुसुकाने । सहसनयन बिजु लोचन जाने ॥ मायापित सेवक सन माया । करइ त उलटि परइ सुरराया ॥ तब किल्लु क्रीन्ह राम रुख जानी । अब कुचालि करि होइहि हानी॥ सुजु सुरेस रघुनाथ सुभाऊ । निज अपराध रिसाहिं न काऊ ॥ जो अपराधु भगत कर करई। राम रोप पावक सो जरई।। लोकहुँ बेद विदित इतिहामा। यह महिमा जानहिं दुरबासा।। भरत सरिस को राम सनेही। जगु जप राम राम्रु जप जेही॥

दो ०-मनहुँ न आनिअ अमरपित रघुबर भगत अकाजु । अजसु लोक परलोक दुख दिन दिन सोक समाजु ॥२१८॥

सुनु सुरेस उपदेसु हमाग । रामहि सेवक परम पित्रारा ॥
मानत सुखु सेवक सेवकाई । सेवक वेर वेर अधिकाई ॥
जद्यपि सम निहं राग न रोषू । गहिंह न पाप पूनु गुन दोषू॥
करम प्रधान विस्व किर राखा । जो जस करह मो तस फल चाखा
तद्यिकरिंह सम विषम विहारा । भगत अभगत हृदय अनुसारा ॥
अगुन अलेप अमान एकरस । राम्नु मगुन भए भगत पेम बस।।
राम सदा सेवक रुचि राखी । बेद पुरान साधु सुर साखी ॥
अस जियँ जानि तजहु कुटिलाई। करहु भरत पद प्रीति सुहाई॥

दो०—राम भगत परहित निरत पर दुख दुखी दयाल।

भगत सिरोमिन भरत तें जिन डरपहु सुरपाल ॥२१९॥
सत्यसंध प्रभु सुर हितकारी । भरत राम आयस अनुमारी ॥
स्वारथ विवस विकल तुम्ह होहू । भरत दोसु निहं राउर मोहू ॥
सुनि सुरवर सुरगुर वर वानो । भा प्रमोदु मन मिटी गजानी॥
वरिष प्रस्न हरिष सुरराऊ । लगे सराहन भरत सुभाऊ ॥
एहि विधि भरत चले मग जाहीं। दसा देग्वि मुनि सिद्ध सिहाहीं॥
जविं रामु किह लेहिं उसासा । उमगत पेमु मनहुँ चहु पासा॥
द्रविं वचन सुनि कुलिस प्रथाना। पुरजन पेमु न जाइ ब्स्वाना ॥

बीच बास करि जम्रुनहिं आए। निरस्ति नीरु लं।चन जल छाए।।

दो०--रघुवर बरन बिलोकि वर बारि समेत समाज। होत मगन बारिधि विरह चढ़े विवेक जहाज॥२२०॥

जमुन तीर तेहि दिन किर बास । भयउ समय सम सबिह सुपास ।।
रातिहिं घाट घाट की तरनी । आई अगनित जाहिं न बरनी ।।
प्रात पार भए एकहि खेवाँ । ताषे रामसखा की सेवाँ।।
चले नहाइ नदिहि सिर नाई । साथ निषादनाथ दोउ भाई।।
आगें मुनिबर बाह्न आछें । राजसमाज जाइ सबु पाछें ।।
तेहि पाछें दोउ बंधु पयादें । भूषन बसन बेष सुठि सादें।।
सेवक सुद्दद सचिवसुत साथा । सुमिरत लखनु सीय रघुनाथा।।
जहाँ जहाँ राम बास बिश्रामा । तहाँ तहाँ करहिं सप्रेम प्रनामा।।

दो ०-मगबासी नर नारि सुनि धाम काम तजि धाइ।

देखि सरूप सनेह सब मुदित जनम फलु पाइ॥२२१॥

कहिं सपेम एक एक पार्ही। रामु लखनु सिव हो हिं कि नाहीं।। बय बपु बरन रूंपु सोइ आली। सील सने हु सिरस सम चाली।। बेषु न सो सिव सीय न संगा। आगें अनी चली चतुरंगा।। निंद प्रसन्न मुख मानस खेदा। सिव संदेहु हो इए हिं मेदा।। तासु तरक तियगन मन मानी। कहिं सकल ते हि सम न सयानी ते हि सराहि बानी फुरि पूजी। बोली मधुर वचन तिय द्जी।। कहि सपेम सब कथाप्रसंगू। जेहि विधिराम राजरस भंगू।। भरतहि बहुरि सराहन लागी। सील सनेह सुभाय सुभागी।। दो ०—चलत पयादें खात फल पिता दीन्ह तिज राजु । जात मनावन रघुबरिह भरत सरिस को आजु ॥२२२॥

भायप भगति भरत आचरन् । कहत सुनत दुख द्षन हग्न्।। जो किल कहव थोर सिख सोई। राम बंधु अस काहे न होई ।। हम सब सानुज भरतिह देखें। भइन्ह धन्य जुबती जन लेखें।। सुनि गुनदेखि दस। पिछताहीं। केंकइ जननि जोगु सुतु नाहीं।। कोंड कह द्षनु रानिहि नाहिन। विधि सब कीन्ह हमिह जो दाहिन कहँ हम लोक बेद विधि हीनी। लघु तिय कुल करत्ति मलीनी।। वसिं कुदेस कुगाँव कुबामा। कहँ यह दरसु पुन्य परिनामा।। अस अनंदुं अचिरिज प्रति ग्रामा। जनु मरुभूमि कलपतरु जामा।।

दो०—भरत दरसु देखत खुलेउ मग लोगन्ह कर भागु। जनु सिंघलबासिन्ह भगउ विधि बस सुलभ प्रयागु॥२२३॥

निज गुन सहित राम गुन गाथा। सुनत जाहिं सुमिरत रघुनाथा।।
तीरथ मुनि आश्रम सुरधामा। निरिष्व निमजहिं करहिं प्रनामा।।
मनहीं मन मागहिं बरु एहू। सीय राम पद पदुम सनेहू।।
मिलहिं किरात कोल बनबासी। बैंखानस बहु जती उदासी।।
किर प्रनाम्न पूँछिं जिहि तेही। केहि बन लखनु राम्न बँदेही।।
ते प्रमु समाचार सब कहहीं। भरतिह देखि जनम फलु लहहीं।।
जे जन कहिं कुसल हम देखे। ते प्रिय राम लखन सम लेखे।।
एहि बिधि बूझत सबहि सुबानी। सुनत राम बनबास कहानी।।

दो ०—तेहि बासर बसि प्रातहीं चले सुमिरि रघुनाथ। राम दरस की छालसा भरत सरिस सब साथ।।२२४॥ मंगल सगुन होहिं सब काहू। फरकहिं सुम्बद बिलोचन बाहू।।
भरतिह सहित समाज उछाहू। मिलिहिंह राग्रु मिटिहि दुम्ब दाहू
करत मनोरथ जस जियँ जाके। जाहिं सनेह सुर्गें सब छाके।।
सिथिल अंग पग मग डिंग डोलिहें। बिहबल बचन पेम बस बोलिहें
रामसखाँ तेहि समय देखावा। सैल सिरोमिन सहज सुहावा।।
जासु समीप सरित पय तीरा। सीय समेत बमिंह दोउ बीरा।।
देखि करिंह सब दंड प्रनामा। कहि जय जानिक जीवन रामा।।
प्रेम मगन अस राजसमाजू। जनु फिरि अवध चले रघुराजू।।

दो०-भरत प्रेमु तेहि समय जस तस किह सकड़ न सेषु। किविहि अगम जिमि बहासुखु अह मम मिलन जनेषु ॥२२५॥

सकल सनेह सिथिल रघुवर कें। गए कोस दुई दिनकर ढरकें।।
जलु थलु देखि बसे निसि बीतें। कीन्ह गवन रघुनाथ पिरीतें।।
उहाँ राम्रु रजनी अवसेषा। जागे सीयँ सपन अस देखा।।
सिहत समाज भरत जनु आए। नाथ बियोग ताप तन ताए।।
सकल मिलन मन दीन दुग्वारी। देखीं सासु आन अनुहारी।।
सुनि सिय सपन भूरे जल लोचन। भए सोचबस सोच बिमोचन।।
लखन सपन यह नीक न होई। कठिन कुचाह सुनाइहि कोई।।
अस कहि बंधु समेत नहाने। पूजि पुरारि साधु सनमाने।।

छं०-सनमानि सुर मुनि बंदि बैठे उतर दिसि देखत भए। नभ धूरि खग मृग भूरि भागे बिकल प्रभु आश्रम गए॥ तुलसी उठे अवलोकि कारनु काह चित सचकित रहे। , सब समाचार किरात कोलन्हि आइ तेहि अवसर कहे॥ सो ०—सुनत सुमंगल बैन मन प्रमोद तन पुलक भर। सरद सरोरुह नैन तुलसी भरे सनेह जल॥२२६॥

बहरि सोचबस में सियरवन् । कारन कवन भरत आगवन् ॥
एक आइ अस कहा बहोरी । सेन संग चतुरंग न थोरी ॥
सो सुनि रामि भा अति सोचू । इत पितु बच इत बंधु सकोचू ॥
भरत सुभाउ समुझि मन माहीं । प्रभु चित हित थिति पावत नाहीं
समाधान तब भा यह जाने । भरतु कहे महुँ साधु सयाने ॥
लखन लखेउ प्रभु हृदयँ खभारू । कहत समय सम नीति बिचारू॥
बिनु पूछें कछु कहउँ गोपाईं । सेवकु समयँ न ढीठ ढिठाईं ॥
तुम्ह सर्वग्य सिरोमनि खामी । अ।पनि समुझि कहउँ अनुगामी॥

दो ०—नाथ सुहृद सुठि सरल चित सील सने**ह निधान**।

सव पर प्रीति प्रतीति जियँ जानिअ आपु समान ॥२२७॥
बिगई जीव पाइ प्रभुताई। मृद्ध मोह बस होहिं जनाई।।
भगतु नीति रत साधु सुजाना। प्रभु पद प्रेमु सकल जगु जाना।।
तेऊ आजु राम पदु पाई। चले धरम मरजाद मेटाई।।
कुटिल कुवंधु कुअवसरु ताकी। जानि राम बनवास एकाकी।।
करि कुमंत्रु मन साजि समाजू। आए करें अकंटक राजू॥
कोटि प्रकार कलपि कुटिलाई। आए दल बटोरि दोउ भाई।।
जौं जियँहोति न कपट कुचाली। केहि सोहाति रथ बाजि गजाली।।
भरतहि दोसु देइ को जाएँ। जग बौराइ राज पदु पाएँ।।

दो०—सिस गुर तिय गामी नघुषु चढ़ेउ भूमिसुर जान। ः लोक बेद तें बिमुख भा अधम न बेन समान॥२२८॥ सहसवाहु सुरनाथु त्रिसंकू । केहि न राजमद दीन्ह कलंकू ॥
भरत कीन्ह यह उचित उपाऊ । रिपु रिन रंच न राखव काऊ ॥
एक कीन्हि नहिं भरत भलाई । निदरे राम्र जानि असहाई ॥
सम्रुद्धि परिहि सो उ आजु विसेषी । समर सरोष राम मुखु पेखी ॥
एतना कहत नीति रस भूला । रन रस विटपु पुलक मिस फूला॥
प्रभु पद बंदि सीस रज राखी । बोले सत्य सहज बलु भाषी ॥
अनुचित नाथ न मानव मोरा । भरत हमहि उपचार न थोरा ॥
कहँ लगि सहिअ रहिज मनु मारें । नाथ साथ धनु हाथ हमारें ॥

दो०—छत्रि जाति रघुकुल जनमु राम अनुग जगु जान। लातहुँ मारें चढ़ित सिर नीच को धूरि समान॥२२९॥

उठि कर जोरि रजायसु मागा । मनहुँ बीर रस सोवत जागा ॥ बाँधि जटा मिर किस किट भाथा। साजि सरासनु सायकु हाथा॥ आजु राम सेवक जसु लेऊँ। भरतिह समर सिखावन दऊँ॥ राम निरादर कर फलु पाई। सावहुँ समर सेज दोड भाई॥ आइ बना भल सकल समाजू। प्रगट करउँ रिस पाछिल आजू॥ जिमि किर निकर दलई मृगराजू। लेइ लपेटि लवा । जिम बाजू॥ तैसेहिं मरतिह सेन समेता। सानुज निद्रि निपावउँ खेता॥ जौं सहाय कर संकरु आई। तो मारउँ रन राम दोहाई॥ दो०—अति सरोष माखे लखनु लिख सुनि सपथ प्रवान।

सभय लोक सब लोकपित चाहत भभिर भगान ॥२३०॥ जगुभय मृगन गगन भइ बानो । लखन बाहुबलु बिपुल बखानी॥ तात प्रताप प्रभाउ तुम्हारा । को कहि सक्द को जाननिहारा॥ अनुचित उचित काज किछ हो के । समुझ करिअ मल कह सबु को का। सहसा करि पाछें पिलताहीं । कहि हैं बेद बुध ते बुध नाहीं ॥ सुनि सुर बचन लखन सकुचाने । राम सीयँ सादर सनमाने ॥ कही तात तुम्ह नीति सुहाई । सब तें कठिन राजमदु भाई ॥ जो अचवँत नृप माति हैं तेई । नाहिन साधुसभा जेहिं सेई ॥ सुनहु लखन मल भरत सरीसा ! बिधि प्रपंच महुँ सुना न दीसा॥ दो०—भरतिह हो ह न राजमदु विधि हिर हर पद पाइ ।

कबहुँ कि काँजी सीकरिन छीरसिंधु विनसाइ ॥२३१॥
तिमिरु तरुन तरिनिहि मकु गिर्छ । गगनु मगन मकु मेघहिं मिर्छ ॥
गोपद जल बूड़िहं घटजोनी । सहज छमा बरु छाड़े छोनी ॥
मसक फूँक मकु मेरु उड़ाई । होइ न नुपमद भरतिह भाई ॥
लखन तुम्हार मपथ पितु आना । सुचि सुबंधु निह भरत समाना॥
सगुनु खीरु अवगुन जलु ताता । मिल्ड रचइ परपंचु विधाता ॥
भरतु हंप रिवर्षन तड़ागा । जनिम कीन्ह गुन दोष विभागा ॥
गहि गुन गय तिज अवगुन बारी निज जम जगत कीन्हि उजिआरी
कहत भरत गुन सीलु सुभाऊ । पेम पयोधि मगन रघुराऊ ॥
दो०—सुनि रघुवर बानी विबुध देखि भरत पर हेतु ।

सकल सराहत राम सो प्रभु को ऋपानिकेतु॥२३२॥

जों न होत जग जनम भरत को। सकल धरम धुर धरनि धरत को।। किन कुल शगम भरत गुन गाथा। को जानइ तुम्ह बिनु रघुनाथा।। लखन राम सियँ सुनि सुर बानी। अति सुखु लहेउ न आइ बखानी इहाँ भरतु सब सहित सहाए। मंदाकिनीं पुनीत बहाए।। सरित समीप राखि सब लोगा । मागि मातु गुर सचिव नियोगा।। चले भरतु जहँ सिय रघुराई । साथ निषादनाथु लघु भाई ।। सम्रुझि मातु करतब सकुचाहीं । करत कुतरक कोटि मन माहीं ।। राम्रु लखनु सिय सुनि मम नाऊँ।उठि जनि अनत जाहिं तजि ठाऊँ

दो ०-मातु मतं महुँ मानि मोहि जो कछु करहिं सो थोर ।

अघ अवगुन छिम आदरिहं ममुशि आपनी ओर ॥२३३॥ जौं परिहरिहं मिलन मनु जानी । जों सनमानिह सेवकु मानी ॥ मोरें सरन रामिह की पनिही। राम सुखामि दोसु सब जनही।। जम जस भाजन चातक मीना। नेम पेम निज निपुन नबीना।। अस मन गुनत चले मग जाता। सकुच सनेहँ सिथिल सब गाता।। फेरित मनहुँ मातु कृत खोरी। चलत भगति बल धीरज धोरी।। जब समुझत रघुनाथ सुभाऊ। तब पथ परत उताइल पाऊ।। भरत दसा तेहि अवसर कैसी। जल प्रयाहँ जल अलि गति जसी।। देखि भरत कर सोचु सनेहू। भा निपाद तेहि सम्य विदेह ।।

दो ०-लगं होन मंगल सगुन मुनि गृनि ऋहत निपादु।

मिटिहि में नि होइहि हरपु पुनि परिनाम निपादु ॥२३४॥
सेवक बचन सत्य सब जाने । आश्रम निकट जाइ निअराने ॥
भरत दीख बन सेल समाजू। मुदित लुधित जनु पाइ सुनाजू।।
ईति भीति जनु प्रजा दुखारी । त्रिबिध ताप पी ड़ित ग्रह मारी ॥
जाइ सुराज सुदेस सुखारी । होहिं भरत गति तेहि अनुहारी ॥
राम बास बन संपति श्राजा । सुखी प्रजा जनु पाइ सुराजा ॥
सिचिव बिरागु विवेक नरेस् । विपिन सुहावन पावन देस् ॥

भट जम नियम सेंल रजधानी । सांति सुमति सुचि सुंदर रानी ॥ सकल अंग संपन्न सुराऊ । राम चरन आश्रित चित चाऊ ॥

दो०-जीति मोह महिपालु दल महित बिबेक भुआलु। करत अकंटक राजु पुरँ सुख संपदा मुकालु॥२३५॥

वन प्रदेस मुनि वास घनेरे । जनु पुर नगर गाउँ गन खेरे ॥ विपुल विचित्र बिहग मृग नाना । प्रजा समाज न जाइ बस्वाना ॥ स्वगहा करि हरि बाघ वराहा । देखि महिष बृष साज सराहा ॥ वयरु बिहाइ चरहिं एक संगा । जहुँ तहुँ मनहुँ सेन चतुरंगा ॥ झरना झरहिं मच गज गाजहिं । मनहुँ निसान विविधि विधि बाजहिं चक चकोर चातक सुक पिक गन । क्रजत मंज मराल मुदित मन॥ अलिगन गावत नाचत मोरा । जनु सुराज मंगल चहु ओरा ॥ वेलि बिटप तुन सफल सफ़ुला । सब समाजु मुद मंगल मुला ॥

दो०—राम सैल सोभा निरित्व भरत हृदयँ अति पेमु । नापम तप फलु पाइ जिमि सुखी सिरानें नेमु ॥ २३६ ॥

मासपारायण, बीसवाँ विश्राम

# नवाह्नपारायण, पाँचवाँ विश्राम

तव केवट ऊँचें चढ़ि धाई। कहेउ भरत सन भुजा उठाई।।
नाथ देखिअहिं बिटप विसाला। पाकरि जंबु रसाल तमाला।।
जिन्ह तरुवरन्ह मध्य वटु मोहा। मंजु विसाल देखि मनु मोहा।।
नील सघन परलव फल लाला। अविरल छाहँ सुखद सब काला।।
मानहुँ तिमिर अरुनमय रासी। बिरची विधि सँकेलि सुपमा सी।।

ए तरु सरित समीप गोसाँई। रघुबर परनकुटी जहँ छाई।। तुलसी तरुबर बिबिध सुहाए। कहुँ कहुँ सियँ कहुँ लखन लगाए बट छायाँ बेदिका बनाई। सियँ निज पानि सरोज सुहाई।।

दो०—जहाँ बैठि मुनिगन सहित नित सिय रामु सुजान । सुनहिं कथा इतिहास सब आगम निगम पुरान ॥ २३७ ॥

सखा बचन सुनि बिटप निहारी। उमगे भरत बिलोचन बारी। करत प्रनाम चले दोउ भाई। कहत प्रीति सारद सकुचाई।। हरषिं निरिष्व राम पद अंका। मानहुँ पारसु पायउ रंका।। रज सिर धिर हियँ नयनिह लाबि। रघुबर मिलन सिर सुख पाविं देखि भरत गति श्रकथ अतीवा। प्रेम मगन मृग खग जड़ जीवा।। सखि सनेह बिबस मग भूला। कि सुपंथ सुर बरषिं फूला।। निरिष्व सिद्ध साधक अनुरागे। सहज सनेह सराहन लागे।। होत न भूतलभाउ भरत को। अचर सचर चर अचर करत को।।

दो ०—पेम अमिअ मंदरु विरहु भरतु पयोधि गँभीर । मथि प्रगटेउ सुर साधु हित ऋपासिधु रघुवीर ॥ २३८॥

सखा समेत मनोहर जोटा । लखेउ न लखन सघन बन ओटा।।
भरत दीख प्रभु आश्रम्रपावन । मकल सुमंगल मदनु सुहावन ।।
करत प्रवेस भिटे दुख दावा । जनु जोगीं परमारथु पावा ।।
देखे भरत लखन प्रभु आगे । पूँछे बचन कहत अनुरागे ।।
सीस जटा कटि मुनि पट बाँधें । तून कसें कर सरु धनु काँधें ।।
वेदी पर मुनि साधु समाजू । सीय सहित गजत रघुराजू ।।
बलकल बसन जटिल तनु खामा। जनु मुनिवेष कीन्ह रित कामा।।

#### कर कमलनि धनु सायकु फेरत। जिय की जरनि हरत हँसि हेरत।।

हो०—लसत मंजु मुनि मंडली मध्य सीय रघुचंदु। ग्यान सभाँ जनु तनु घरें भगति सचिदानंदु॥ २३९॥

साजुज सखा समेत मगनमन । बिसरे हरष सोक सुख दुख गन।।
पाहि नाथ किह पाहि गोसाई। भूतल परे लकुट की नाईं।।
बचन सपेम लखन पहिचाने । करत प्रनाम्र भरत जियँ जाने ।।
बंधु सनेह सरस एहि औरा । उत साहिब सेवा बस जोरा ।।
मिलिन जाइ नहिंगुदरत बनई। सुकबि लखन मन की गति भनई॥
रहेराखि सेवा पर भारू। चढ़ी चंग जनु खेँच खेलारू।।
कहत सप्रेम नाइ महि माथा। भरत प्रनाम करत रघुनाथा।।
उठेराम्र सुनि पेम अधीरा। कहुँ पट कहुँ निषंग धनु तीरा॥

दो ०—बरबस िए उठाइ उर लाए ऋपानिधान। भरत राम की मिलनि लिख बिसरे सबिह अपान ॥ २४०॥

मिलनि प्रीति किमि जाइ बग्वानी। किबिकुल अगम करम मन बानी परम पेम पूरन दो उभाई। मन बुधि चित अहमिति बिमगई॥ कहहु सुपेम प्रगट को करई। केहि छाया किब मित अनुसरई।। किबिह अरथ आखर बलु साँचा। अनुहरि ताल गितिह नटु नाचा अगम सनेह भरत रघुबर को। जहँ न जाइ मनु बिधि हरि हर को सो मैं कुमित कहीं केहि भाँती। बाज सुराग कि गाँडर ताँती॥ मिलनि बिलांकि भरत रघुबर की। सुरगन मभय धकधकी धरकी॥ समुझाए सुरगुरु जड़ जागे। बरिष प्रस्न प्रसंसन लागे॥

दो ०--मिलि सपेम रिपुसूदनिह केवटु भेंटेउ राम।

मूरि भाय भेंटे भरत लिख्यन करत प्रनाम॥ २४१॥
भेंटेउ लखन ललकि लघु भाई। बहुरि निषादु लीन्ह उर लाई॥
पुनि मुनिगन दुहुँ भाइन्ह बंदे। अभिमत आसिष पाइ अनंदे॥
सानुज भरत उमिग अनुरागा। धिर सिर सिय पद पदुम परागा
पुनि पुनि करत प्रनाम उठाए। सिर कर कमल परसि बैठाए॥
सीय असीस दीन्हि मन माहीं। मगन सनेहँ देह सुधि नाहीं॥
सव बिधि सानुकूल लिख सीता। मे निसोच उर अपडर बीता॥
कोउ किल्ल कहइ न कोउ किल्ल पूँछ॥प्रेम भरा मन निज गति छूँछा॥
तेहि अवसर केवटु धीरजु धिर। जोरि पानि बिनवत प्रनामु करि॥

दो ०—नाथ साथ मुनिनाथ के मातु सकल पुर लोग। सेवक सेनप सचिव सब आए बिकल बियोग॥२४२॥

सीलमिंधु सुनि गुर आगवन् । सिय समीप राखे रिपुदवन् ॥ चले मबेग रामु तेहि काला । धीर धरम धुर दीनदयाला॥ गुरिह देखि सानुज अनुरागे । दंड प्रनाम करन प्रभु लागे ॥ मुनिवर धाइ लिए उर लाई । प्रेम उमिग भेंटे दोउ भाई ॥ प्रेम पुलकि केवट कहि नामू । कीन्ह दूरि तें दंड प्रनामू ॥ रामसखा रिपि वरबस भेंटा । जनु मिह छठत सनेह समेटा ॥ रघुपति भगति सुमंगल मूला । नभ सराहि सुर वरिसहिं फूला॥ एहि सम निपट नीच कोउ नाहीं। बड़ बसिष्ठ सम को जग माहीं॥

दो ०—जहि लखि लखनहुँ तें अधिक मिले मुदित मुनिराउ । ़्रासो सीतापति भजन को प्रगट प्रताप प्रभाउ ॥ २४३॥। आरत लोग राम सबु जाना। करुनाकर सुजान भगवाना।। जो जेहि भायँ रहा अभिलाषी। तेहि तेहि कै तिस तिस रुख राखी सानुज मिलि पल महुँ सब काहू। कोन्ह दृिर दुखु दारुन दाहू।। यह बिद्ध बात राम के नाहीं। जिमि घट कोटि एक रिव छाहीं।। मिलि केवटिह उमिग अनुरागा। पुरजन सकल सराहिह भागा।। देखीं राम दुखित महतारीं। जनु सुबेलि अवलीं हिम मारीं।। प्रथम राम मेंटी कैकेई। सरल सुभायँ भगति मित मेई।। पग परि कीन्ह प्रबोधु बहोरी। काल करम विधि सिर धिर खोरी

दो०—भेटीं रघुवर मानु सब करि प्रबोघु परितोषु। अंब ईस आधीन जगु काहु न देइअ दोषु॥२४४॥

गुरतिय पद बंदे दुहु भाई। सहित विप्रतिय जे सँग आई।।
गंग गौरि सम सब सनमानीं। देहिं असीस मुदित मृदु बानीं।।
गहि पद लगे सुमित्रा अंका। जनु मेंटी संपति अति गंका।।
पुनि जननी चरनि दो उश्राता। परे पेम ब्याकुल सब गाता।।
अति अनुराग अंव उर लाए। नयन सनेह सलिल अन्हवाए।।
तेहि अवसर कर हरष विषाद्। किमि किब कहें मूक जिमि खाद्।।
मिलि जननिहि सानुज रघुराऊ। गुर सन कहेउ कि धारिअ पाऊ॥
पुरजन पाइ मुनीस नियोग्। जल थल तकि तकि उतरेउ लोगू

दो ०—महिसुर मंत्री मातु गुर गने लोग लिए साथ। पावन आश्रम गवनु कियं भरत लखन रघुनाथ॥२४५॥

भीय श्राइ मुनिवर पग लागी । उचित असीस लही मन मागी।। गुरपतिनिहि मुनितियन्ह समेता । मिली पेम्र कहि जाइ न जेता ।। बंदि बंदि पग सिय सबही के । आसिग्बचन लहे प्रिय जी के ।। सासु सकल जब सीयँ निहारीं । मृदे नयन सहिम सुकुमारीं ।। परीं बिधक बस मनहुँ मरालीं । काह कीन्ह करतार कुचालीं ।। तिन्ह सिय निरस्वि निपट दुखु पावा।सो सबु सिहे अ जा देंउ सहावा जनकसुता तब उर धरि धीरा । नील निलन लोयन भरि नीरा ।। मिली सकल सासुन्ह सिय जाई। तेहि अवसर कहना महि छाई।।

दो ०—लागि लागि पग सबनि सिय भेंटति अति अनुराग । हृदयँ असीसिहें पेम बस रहिअहु भरी सोहाग ॥ २४६॥

बिकल सनेहँ सीय सब रानीं। बैठन सबहि कहेउ गुर ग्यानीं।।
कहि जग गति मायिक मुनिनाथा। कहे कल्लक परमारथ गाथा।।
नृप कर सुरपुर गवनु सुनावा। सुनि रघुनाथ दुसह दुखु पावा।।
मरन हेतु निज नेहु बिचारी मे अति बिकल धीर घुर धारी।।
कुलिस कठोर सुनत कटु बानी। बिलपत लखन सीय सब रानी।।
सोक बिकल अति मकल समाजू। मानहुँ राजु अकाजेउ आजू।।
मुनिबर बहुरि राम सम्रुझाए। सहित समाज सुसरित नहाए।।
बतु निरंबु तेहि दिन प्रभु कीन्हा। मुनिहु कहें जलु काहुँ न लीन्हा।।

दोo—भोरु भएँ रघुनंदनिह जो मुनि आयसु दीन्ह। श्रद्धा भगति समेत प्रभु सो सबु सादरु कीन्ह॥२४७॥

किर पितु क्रिया बेद जिस बरनी । मे पुनीत पातक तम तरनी ।। जासु नाम पावक अघ तुला । सुमिरत सकल सुमंगल मूला ।। सुद्ध सो अयउ साधु संमत अस । तीरथ आवाहन सुरसरि जस ।। सुद्ध अएँ दुइ बासर बीते । बोले गुर सन राम पिरीते ॥ नाथ लोग सब निपट दुखारी । कंद मूल फल अंबु अहारी ॥ साजुज भरत सचिव सब माता । देखि मोहि पल जिमि जुग जाता सब समेत पुर धारिअ पाऊ । आपु इहाँ अमरावित राऊ ॥ बहुत कहेउँ सब कियउँ ढिठाई । उचित होइ तस करिअ गोसाँई॥

दो•—धर्म सेतु करुनायतन कस न कहहु अस राम। लोग दुखित दिन दुइ दरस देखि लहहुँ बिश्राम॥२४८॥

राम बचन सुनि सभय समाज् । जनु जलनिधि महुँ बिकल जहाजू सुनि गुर गिरा सुमंगल मूला । भयउ मनहुँ मारुत अनुकूला ।। पावन पयँ तिहुँ काल नहाहीं । जो बिलोकि अघ ओघ नसाहीं ।। मंगलमूरित लोचन भिर भिर । निरखिंह हरिष दंडवत किर किर राम सैल बन देखन जाहीं । जहुँ सुख सकल सकल दुख नाहीं।। झरना झरिहं सुधासम बारी । त्रिबिध तापहर त्रिबिध बयारी ।। बिटप बेलि तुन अगनित जाती। फल प्रस्न पल्लव बहु भाँती ।। सुंदर सिला सुखद तरु छाहीं। जाइ बरिन बन छिब केहि पाहीं।।

दो०—सरिन सरोरुह जल बिहग कूजत गुंजत भृंग। बैर बिगत विहरत बिपिन मृग बिहंग बहुरंग॥ २४९॥

कोल किरात भिल्ल बनवासी । मघु सचि सुंदर खादु सुधा सी ।।
भिर भिर परन पुटीं रचि रूरी । कंद मूल फल अंक्कर जूरी ॥
सबिह देहिं किर बिनय प्रनामा । किह किह खाद भेद गुननामा॥
देहिं लोग बहु मोल न लेहीं । फेरत राम दोहाई देहीं ॥
कहिं सनेह मगन मृदु बानी । मानत साधु पेम पहिचानी ॥
तुम्द सुक्कृती हम नीच निषादा । पावा दरसनु राम प्रसादा ॥

हमहि अगम त्रति दरसु तुम्हारा । जस मरु धरनि देवधुनि धारा॥ राम कृपाल निषाद नेवाजा । परिजन प्रजउ चिह्नि जस राजा॥

दो०—यह जियँ जानि सँकोचु तजि करिअ छोहु लखि नेहु। हमहि कृतारण करन लगि फल तृन अंकुर लेहु॥२५०॥

तुम्ह प्रियपाहुने बन पगु धारे । सेवा जोगु न भाग हमारे ॥ देव काह हम तुम्हाह गोसाँई । ईंधनु पात किरात मिताई ॥ यह हमारि अति बड़ि सेवकाई । लेहिं न वासन बसन चोराई ॥ हम जड़ जीव जीव गन घाती । कुटिल कुचाली कुमति कुजाती॥ पाप करत निसि वासर जाहीं । निहं पट किट निहं पेट अघाहीं॥ सपने हुँ धरम बुद्धि कस काऊ । यह रघुनंदन दरस प्रभाऊ ॥ जब तें प्रभु पद पदुम निहारे । मिटे दुसह दुख दोष हमारे ॥ चचन सुनत पुरजन अनुरागे । तिन्ह के भाग सराहन लागे ॥

छं०—लागं सराहन भाग सब अनुराग वचन मुहावहीं। बोलिन मिलिन सिय राम चरन सनेहु लखि सुन्नु पावहीं॥ नर नारि निदरिह नेहु निज मुनि कोल भिल्लिन की गिरा। नुलसी केपा रघुवंसमिन की लोह लै लौका तिरा॥ मो०—बिहरिह बन चहु ओर प्रति दिन प्रमुदित लोग सब। जल ज्यों दादुर मोर भए पीन पावस प्रथम॥ २ं५१॥

पुर जन नारि मगन अति प्रीती । बासर जाहिं पलक सम वीती ।। सीय सासु प्रति बेप बनाई । सादर करइ सरिस सेवकाई ।। लखा न मरमु राम बिनु काहूँ । माया सब सिय माया माहूँ ।। सीयँ सासु सेवा बस कीन्हीं । तिन्ह लहि सुख सिख आसिष दीन्हीं लिख सिय सहित सरल दोउ भाई। कुटिल रानि पछितानि अघाई अविन जमहि जाचित कैकेई। महिन बीचु बिधि मीचुन देई।। लोकहुँ बेद बिदित किब कहहीं।राम विम्रुख थल्ल नरक न लहहीं।। यहु संसउ सब के मन माहीं।राम गवनु बिधि अवध कि नाहीं

दो ०—निसि न नीद निहं भृत्र दिन भरतु विकल सुचि सोच । नीच कीच विच मगन जम मीनिह सलिल सँकोच ॥२५२॥

कीन्हि मातु मिस काल कुचाली। ईति भीति जस पाकत साली।। केहि विधि होइ राम अभिषेक्। मोहि अवकलत उपाउ न एक्।। अवसि किरहिंगुर आयसु मानी। सुनिपुनि कहव राम रुचि जानी मातु कहेहुँ बहुरहिं रघुराऊ। राम जननि हठ करिव कि काऊ।। मोहि अनु चर कर केतिक वाता। तेहि महँ कुसमउ बाम विधाता।। जीं हठ करउँ त निषट कुकरमू। हरिगरि तें गुरु सेवक धरमू।। एकउ जुगुति न मन ठहरानी। सोचत भरतहि रैनि बिहानी।। प्रात नहाइ प्रसुहि सिर नाई। बैठत पठए रिषयँ बोलाई।।

दो०-गुर पद कमल प्रनामु करि बैठे आयसु पाइ।

वित्र महाजन सचिव सब जुरे समासद आइ ॥२५३॥ बोले ध्रुनिवरु समय समाना । सुनहु सभासद भरत सुजाना ॥ धरम धुरीन भानुकुल भानू । राजा राष्ट्र स्ववस भगवानू ॥ सत्यसंध पालक श्रुति सेतू । राम जनमु जग मंगल हेतू ॥ गुर पितु मातु बचन अनुसारी । खल दल्ज दलन देव हितकारी ॥ नीति प्रीति परमारथ खारथु । कोउन राम सम जान जथारथु॥ विधि हरिहरु ससि रिब दिसिपाला। माया जीव करम कुलि काला

अहिप महिप जहँ लगि प्रभुताई। जोग सिद्धि निगमागम गाई।। किर विचार जियँ देखहु नीकें। राम रजाइ सीस सबही कें।।

दो०—राखें राम रजाइ रुख हम सब कर हित होइ। समुक्षि सथाने करहु अब सब मिलि संमत सोइ॥२५४॥

सब कहुँ सुखद राम अभिषेक् । मंगल मोद मूल मग एक ।।
केहि विधि अवध चलहिं रघुराऊ। कहहु समुक्ति सोह करिअ उपाऊ
सव सादर सुनि मुनिवर बानी । नय परमारथ म्वारथ सानी ।।
उतरु न आव लोग भए भोरे । तब सिरु नाइ भरत कर जोरे।।
भानुवंस भए भूप घनेरे । अधिक एक तें एक बड़ेरे ।।
जनम हेतु सब कहँ पितु माता। करम सुभासुभ देइ विधाता ।।
दिल दुख सजइ सकल कल्याना। अस असीस राउरि जगु जाना।।
सो गोसाइँ विधि गति जेहिं छेंकी। सकइ को टारि टेक जो टेकी।।

दो ०—बूझिअ मोहि उपाउ अब सो सब मोर अभागु । मुनि सनेहमथ बचन गुर उर उमगा अनुरागु ॥२५५॥

तात बात फुरि राम कृपाहीं। राम बिमुख सिधि सपनेहुँ नाहीं सकुचउँ ताते कहत एक बाता। अरध तजिह बुध सरबस जाता।। तुम्ह कानन गवनह दोड भाई। फेरिअहिं लखन सीय रघुराई॥ सुनि सुबचन हरषे दोड आता। मे प्रमोद परिपूरन गाता।। मन प्रसन्न तन नेज बिराजा। जनु जियराउ रामु भए राजा।। बहुत लाभ लोगन्ह लघु हानी। सम दुख सुख सब रोबहिं रानी।। कहिं भरतु मुनि कहा सो कीन्हे। फलु जग जीवन्ह अभिमत दीन्हें कानन करुँ जनम भरि बासू। एहि तें अधिक न मोर सुपासू।।

दं ०-अंतरजामी रामु सिय तुम्ह सरबग्य सुजान। जों फुर कहहु त नाथ निज कीजिअ बचनु प्रवान ॥२५६॥

भरत बचन सुनि देखि सनेहू । सभा सहित सुनि भए बिदेहू॥
भरत महा महिमा जलरासी । सुनि मित ठाढ़ि तीर अबला सी॥
गा चह पार जतनु हियँ हेरा। पावति नाव न बोहितु बेरा ॥
औरु करिहि को भरत बड़ाई। सरसी सीपि कि सिंधु समाई ॥
भरतु सुनिहि सन भीतर भाए। सहित समाज राम पिह आए ॥
प्रसु प्रनासु करिदीन्ह सुआसनु। बेठे सब सुनि सुनि अनुसासनु॥
बोले सुनिवर बचन विचारी। देस काल अवसर अनुहारी॥
सुनदु राम सरबग्य सुजाना। धरम नीति गुन ग्यान निधाना॥

दो०–सय के उर अंतर वसहु जानहु भाउ कुभाउ। पुरजन जननी भरत हित होइ सो कहिअ उपाउ॥२५७॥

आरत कहिं विचारिन काऊ । सझ जुआरिह आपन दाऊ ।।
सुनि मुनि बचन कहत रघुराऊ । नाथ तुम्हारेहि हाथ उपाऊ।।
सव कर हित रुख राउरि राखें । आयसु किएँ मुदित फुर भाषें।।
प्रथम जो आयसु मो कहुँ होई । माथें मानि करेंं सिख सोई ।।
पुनि जेहि कहुँ जस कहब गोसाईं। सो सब भाँति घटिहि सेवकाईं।।
कह सुनि राम सन्य तुम्ह भाषा । भरत सनेहँ बिचारु न राखा।।
तेहि तें कहुँ वहोरि बहोरी । भरत भगति बस भइमित मोरी।।
मोरें जान भरत रुचि राखी । जो की जिअ सो सुभ सिव साखी।।

दो ० -भरत विनय सादर सुनिअ करिअ विचारु वहोरि। करव साधुमत लोकमत नृपनय निगम निचोरि॥२५८॥ गुर अनुरागु भरत पर देखी। राम हृदयँ आनंदु विसेषी।।
भरतिह धरम धुरंधर जानी। निज सेवक तन मानस बानी।।
बोले गुर आयस अनुकूला। बचन मंजु मृदु मंगलमूला।।
नाथ सपथ पितु चरनदोहाई। भयउ न भ्रुअन भरत सम भाई।।
जे गुर पद अंबुज अनुरागी। ते लोकहुँ बेदहुँ बड़भागी।।
राउर जा पर अस अनुरागू। को किह सक्क भरत कर भागू॥
लिख लघु वंधु बुद्धि सकुचाई। करत बदन पर भरत बड़ाई।।
भरतु कहिंह सोइ किएँ भलाई। अस किह राम रहे अरगाई।।

दो ०—तब मुनि बोले भरत सन सब सँकोचु तिज तात। ऋपासिंधु थ्रिय वंधु सन कहहु हृदय कै बात॥२५९॥

सुनि मुनिवचन राम रुख पाई। गुरु साहिव अनुक्त अघाई।। लखि अपनें सिर सबु छरु भारू। किह न सकिह केछ करिह विचारू पुलिक सरीर सभाँ भए ठाड़े। नीरज नयन नेह जल बाड़े।। कहब मोर मुनिनाथ निवाहा। एहि तें अधिक कहों में काहा॥ मैं जानउँ निज नाथ सुभाऊ। अपराधिह पर कोह न काऊ॥ मो पर कृप् सनेह विसेषी। खेलत खुनिस न कबहूँ देखी॥ सिसुपन तें परिहरेउँ न संगू। कबहुँ न कीन्ह मोर मन भंगू॥ में प्रभु कृपा रीति जियँ जोही। हारेहूँ खेल जितावह मोही॥

दो०--महं सनेह सकोच बस सनमुख कही न बैन। दरसन तृपित न आजु लगि पेम पिआसे नैन॥२६०॥

विधि न सकेउ सहि मोर दुलारा । नीच बीचु जननी मिस पारा ॥ यहउ कईत मोहि आजु न सोभा । अपनीं सम्रुझि साघु सुचि को भा मातु मंदि में साघु सुचाली । उर अस आनत कोटि कुचाली ।। फरइ कि कोदव बालि सुसाली । सुकता प्रसव कि संबुक काली ।। सपने हुँ दोसक लेसु न काहू । मोर अभाग उदिध अवगाहू ।। बिनु समुझें निज अघ परिपाकू । जारिउँ जायँ जननि कहि काकू॥ हृदयँ हेरि हारेउँ सब ओरा । एकहि भाँति भलेहिं भल मोरा॥ गुर गोसाइँ साहिब सिय रामू । लागत मोहि नीक परिनामू ।।

दो०—साधु सभाँ गुर प्रभु निकट कहउँ सुथल सित भाउ। प्रेम प्रपंचु कि झूठ फुर जानिहैं मुनि खुराउ॥२६१॥

भूपित मरन पेम पत्त राखी । जननी कुमित जगतु सबु साखी।। देखि न जाहिं बिकल महतारीं। जरहिं दुसह जर पुर नर नारीं ।। महीं सकल अनरथ कर मूला। सो सुनि समुक्षि सहिउँ सब सला।। सुनि बन गवतु कीन्ह रघुनाथा। किर मुनि बेप लखन सिय साथा।। बिनु पानहिन्ह पयादेहि पाएँ। संकरु साखि रहेउँ एहि घाएँ।। बहुरि निहारि निपाद सनेहू । कुलिस कठिन उर भयउ न बेहू।। अब सबु आँखिन्ह देखेउँ आई। जिअत जीव जह सबइ सहाई।। जिन्हहि निरखि मग साँपिनि बीछी। तजहिं विपम विप्तामस तीछी

दो ० – तेइ रघुनंदनु लखनु सिय अनहित लाग जाहि। तासु तनय तजि दुसह दुख दैउ सहावइ काहि॥२६२॥

सुनि अति बिकल भरत वर बानी। आरित प्रीति बिनय नय सानी सोक मगन सब सभाँ खभारू। मनहुँकमल बन परेउ तुसारू।। कहि अनेक बिधि कथा पुरानी। भरत प्रबोधु कीन्ह सुनि ग्यानी।। बोले उचित बचन रघुनंद्। दिनकर कुल कैरव बन चंद्।। तात जायँ जियँ करहु गलानी । ईस अधीन जीव गति जानी ॥ तीनि काल तिश्वअन मत मोरें । पुन्यसिलोक तात तर तोरें ॥ उर आनत तुम्ह पर क्कृटिलाई । जाइ लोक्क परलोक्क नसाई ॥ दोसु देहिं जननिहि जड़ तेई । जिन्ह गुरसाधु सभा नहिंसेई ॥

दो०—मिटिहिहें पाप प्रपंच सच अखिल अमंगल भार।

लोक सुजसु परलोक गुखु सुमिरत नामु तुम्हार ॥२६३॥

कहउँ सुभाउ सत्य सिव साखी। भरत भूमि रह राउरि राखी।।
तात कुतरक करहु जिन जाएँ। बैर पेम निहं दुग्इ दुराएँ॥
सुनि गन निकट विहग मृग जाहीं। बाधक बिधक विलोकि पराहीं
हित अनिहत पसु पिच्छिउ जाना। मानुष तनु गुन ग्यान निधाना॥
तात तुम्हिह मैं जानउँ नीकें। करीं काह असमंजस जीकें॥
राखेउ रायँ सत्य मोहि त्यागी। तनु परिहरेउ पेम पन लागी॥
तासु वचन मेटत मन सोचू। तेहि तें अधिक तुम्हार सँकीचू॥
तापर गुर मोहि आयसुदीन्हा। अवसि जो कहहु चहुउँ सोइ कीन्हा

दो ०-मनु प्रसन् करि सकुच तिज कहहु करौं सोइ आजु । सत्यसंघे रघ्बर बचन सुनि भा सुखी समाजु ॥२६४॥

सुर गन सहित सभय सुरराज् । सोचहिं चाहत होन अकाज् ॥ बनत उपाउ करत कल्ल नाहीं । राम सरन सब गे मन माहीं ॥ बहुरि बिचारि परस्पर कहहीं । रघुपति भगत भगति बस अहहीं॥ सुधि करि अंबरीष दुरबासा । मे सुर सुरपति निपट निरासा ॥ सहै सुरन्ह बहु काल बिषादा । नरहरि किए प्रगट प्रहलादा ॥ लगि लगि कान कहहिं धुनि माथा। अब सुर काज भरत के हाथा॥ आन उपाउ न देखिअ देवा । मानत राष्ट्र सुसेवक सेवा ।। हियँ सपेम सुमिरहु सब भरतहि । निज गुन सील राम बस करतहि

दो ०-सुनि सुर मत सुरगुर कहेउ भल तुम्हार बड़ भागु।

सकल सुमंगल मृल जग भरत चरन अनुरागु ॥२६५॥

सीतापित सेवक सेवकाई। कामधेनु सय सिरस सुहाई।।
भरत भगित तुम्हरें मन आई। तजहु सोचुविधि बात बनाई।।
देखु देवपित भरत प्रभाऊ। सहज सुभाय विवस रघुराऊ।।
मन थिर करहु देव डरु नाहीं। भरतिह जानि राम परिछाहीं।।
सुनि सुरगुर सुर संमत सोचृ। अंतरजामी प्रभुहि सकोचू।।
निज सिरभारु भरत जियँ जाना। करत कोटि विधि उर अनुमाना
करि विचारु मन दीन्ही ठीका। राम रजायस आपन नीका।।
निज पन तिज राखेउ पनु मोरा। छोहू सनेहु कीन्ह नहिं थोरा।।

दो ०-कीन्ह अनुयह अमित अति सब बिधि सीतानाथ।

करि प्रनामु बोले भरतु जोरि जलज जुग हाथ ॥२६६॥

कहीं कहावीं का अब खामी। कृपा अंबुनिधि अंतरजामी।।
गुर प्रसन्न साहिब अनुकूला। मिटी मिलन मन कलपित सला।।
अपडर डरेउँ न सोच समूलें। रिबिह न दोसु देव दिसि भूलें।।
मोर अभागु मातु कुटिलाई। बिधि गति बिषय काल किनाई।।
पाउ रोपि मब मिलि मोहि घाला। प्रनतपाल पन आपन पाला।।
यह नइ रीति न राउरि होई। लोकहुँ बेद बिदित निहं गोई।।
जगु अनभल भल एकु गोसाई। कहिआ होई भल कासु भलां।।
देउ देवतरु सरिस सुभाऊ। सनसुख बिमुख न काहुहि काऊ।।

दो ०—जाइ निकट पहिचानि तरु छाहँ समिन सब सोच । मागत अभिमत पाव जग राउ रंक् भल पोच ॥२६७॥

लिख सब विधि गुर खामि सनेहू। मिटेउ छोश्च नहिं मनसंदेहू ।।
अब अरुनाकर कीजिअ सोई। जन हित प्रश्च चित छोश्च न होई।।
जो सेवकु साहिबहि सँकोची। निज हित चहइ तासु मित पोची।।
सेवक हित साहिब सेवकाई। करें सकल सुख लोभ विहाई।।
खारथु नाथ फिरें सवही का। किएँ रजाइ कोटि विधि नीका।।
यह खारथु परभारथ सारू। सकल सुकृत फल सुगति सिंगारू।।
देव एक बिनती सुनि मोरी। उचित होइ तस करब बहोरी।।
तिलक समाजु साजि सबु आना। करिअ सुफल प्रश्च जों मनु माना

दो ०—सानुज पटइअ मोहि बन कीजिअ सबिह सनाथ। नतरु फेरिअहिं वंधु दोउ नाथ चलौं में साथ॥२६८॥

नतरु जाहि बन तीनिउभाई। बहुरिअ सीय सहित रघुराई।।
जेहि बिधि प्रभु प्रसन्न मन होई। करुना सागर कीजिअ सोई।।
देवँ दीन्ह सबु म्रोहि अभारू। मोरें नीति न धरम बिचारू।।
कहउँ बचन सब खारथ हेतू। रहत न आरत कें चित चेतू।।
उतरु देइ सुनि खामि रजाई। सो सेवकु लखि लाज लजाई।।
अस मैं अवगुन उदिध अगाध्। खामि सनेहँ सराहत साध्।।
अब कुपाल मोहि सो मत भावा। सकुच खामि मन जाइँ नपावा।।
प्रभु पद सपथ कहउँ सति भाऊ। जग मंगल हित एक उपाऊ।।

दो ०-प्रभु प्रसन्न मन सकुच तजि जो जेहि आयसु देव । सो सिर धरि धरि करिहि सबु मिटिहि अनट अवरेब ॥२६९॥ भरत बचन सुचि सुनि सुर हरषे । साधु सराहि सुमन सुर बरषे ।। असमं जस बस अवध नेवासी । प्रमुदित मन तापस बनबासी ।। चुपहिं रहे रघुनाथ सँकोची । प्रभु गति देखि सभा सब सोची।। जनक दृत तेहि अवसर आए । मुनि बसिष्ट सुनि बेगि बोलाए।। किर प्रनाम तिन्ह रामु निहारे । वेषु देखि भए निपट दुखारे ।। दृतन्ह मुनिबर बूझी बाता । कहहु विदेह भूप कुसलाता ।। सुनि सकुचाइ नाइ महि माथा । बोले चर बर जोरें हाथा ।। बूझव राउर सादर साई । कुसल हेतु सो भयउ गोसाई ।।

दो०—नाहिं त कोसल नाथ कें साथ कुसल गइ नाथ। मिथिला अवध बिसेष तें जगु सव भयउ अनाथ॥२७०॥

कोसलपित गित सुनि जनकौरा । मे मव लोक सोक बस बौरा ॥ जेहिं देखे तेहि समय बिदेह । नामु सत्य अस लाग न केह ॥ रानिकुचालि सुनत नरपालिह। मझ न कल जस मिन बिनु ब्यालिह भरत राज रघुवर बनबास । भा मिथिलेसिह हृदयँ हराँ स ॥ नृप वृझे बुध सचिव समाज । कहहु बिचारि उचित का आज ॥ सम्रुझि अवध असमंजस दोऊ । चलिअ कि रहिअ न कह कल कोऊ नृपिह धीर धरि हृदयँ बिचारी । पठए अवध चतुर चर चारी ॥ वृझि भरत सित भाउ कुभाऊ । आएडु बेगि न होई लखाऊ ॥

दो ०—गण अवध चर भरत गति बूझि देखि करत्ति । चले चित्रकूटहि भरतु चार चले तेरहूति ॥ २७१ ॥

द्तन्ह आइ भरत कइ करनी । जनक समाज जथामित बरनी ।। सुनि गुर परिजन सचिव महीपति। मे सब सोच सनेहँ विकल अति धरि धीरज करि भरत बड़ाई। लिए सुभट साहनी बोलाई।। धर पुर देस राखि रखवारे। हय गयरथ बहु जान सँवारे।। दुघरी साधि चले ततकाला। किए विश्राम्च न मग महिपाला।। भोरहिं आज नहाइ प्रयागा। चले जम्चन उतरन सबु लागा।। खबरि लेन हम पठए नाथा। तिन्ह कहि असि महिनायउ माथा।। साथ किरात ल सातक दीन्हे। मुनिबर तरत बिदा चर कीन्हे।।

दो०—सुनत जनक आगवनु सबु हरषेउ अवध समाजु।
रघुनंदनिह मकोचु बड़ सोच बिबस मुरराजु॥२७२॥
गरइ गलानि कुटिल कैकेई। काहि कहै केहि द्वनु देई॥

अस मन आनि सुदित नर नारी। भयउ बहोरि रहब दिन चारी।।
एहि प्रकार गत वासर सोऊ। प्रात नहान लाग सबु कोऊ।।
किरि म अनु पूजहिं नर नारी। गनप गौरि तिपुरारि तमारी।।
रमा रमन पद वंदि बहोरी। बिनवहिं अंजुलि अंचल जोरी।।
राजा रासु जानकी रानी। आनँद अवधि अवध ग्जधानी।।
सुबस बसंड फिरि सहित समाजा। भरतिह रासु करहुँ जुबराजा।।
एहि सुख सुधाँ,सींचि सब काह। देव देह जग जीवन लाह।।

दो०-गुर समाज भाइन्ह सहित राम राजु पुर होउ । अक्ठत राम राजा अवध मरिअ माग सब कोउ ॥२७३॥

सुनि सनेहमय पुरजन बानी । निंदहिं जोग विरित सुनि ग्यानी एहि विधि नित्य करम किर पुरजन।रामहि करिंद प्रनाम पुलकितन ऊँच नीच्न मध्यम नर नारी। लहिंदरसु निज निज अनुहारी।। सावधान सुबही सनमानिहं। सुकल सराहत कुपानिधानिहं॥ लिरिकाइहि लें रघुवर बानी। पालत नीति प्रीति पहिचानी।। सील सकोच सिंधु रघुराऊ। सुमुख सुलोचन सरल सुभाऊ॥ कहत राम गुन गन अनुरागे। सब निज भाग सराहन लागे॥ हम सम पुन्य पुंज जग थोरे। जिन्हहिरामु जानत करि मोरे॥

दो ०—प्रेम मगन तेहि समय सब सुनि आवत मिथिलेसु । सहित सभा संभ्रम उठेउ रिबक्ल कमल दिनेसु ॥ २७४॥

भाइ सिचव गुर पुरजन साथा। आगें गवनु कीन्ह रघुनाथा।।
गिरिवरु दीख जनकपति जबहीं। किर प्रनामु रथ त्यागेउ तबहीं।।
राम दरस लालसा उछाहू। पथ श्रम लेसु कलेसु न काहू।।
मन तहुँ जहुँ रघुवर वैदेही। विनु मन तन दुख सुख सुधि केही
आवत जनकु चले एहि भाँती। सहित समाज प्रम मित माती।।
आए निकट देखि अनुरागे। सादर मिलन परमपर लागे।।
लगे जनक मुनिजन पद बंदन। रिपिन्ह प्रनामु कीन्ह रघुनंदन।।
भाइन्ह सहित रामु मिलि राजहि। चले लवाइ समेत समाजही।।

दो ०–आश्रम सागर सांत रस पूरन पावन पाथु। सेन मनहुँ करुना सरित लिएँ जाहिं रघुनाथु॥२७५॥

बोरित ग्यान विराग करारे । बचन ससोक मिलत नद नारे ।। सोच उसास समीर तरंगा । धीरज तट तरुवर कर मंगा ॥ बिषम विषाद तोरावति धारा । भय श्रम भवँर अवर्त अपारा ॥ केवट बुध विद्या बिड़ नावा । सकहिं न खेइ ऐक नहिं आवा ॥ बनचर कोल किरात विचारे । थके विलोकि पथिक हियँ हारे ॥ आश्रम उदिध मिली जब जाई । मनहुँ उठेउ अंबुधि अकुलाई ॥ सोक बिकल दोउ राजसमाजा । रहा न ग्यानु न धीरजु लाजा।। भूप रूप गुन सील सराही । रोवहिं सोक सिंधु अवगाही ।।

छं०—अवगाहि सोक समुद्र सोचिहं नारि नर न्याकुल महा। दै दोष सकल सरोष वोलिहें वाम विधि कीन्हों कहा।। सुर सिद्ध तापस जोगिजन मुनि देखि दसा विदेह की। तुलसी न ममरथु कोउ जो तिर सके सिरत सनेह की।। सो०—किए अमित उपदेस जहँ तहँ लोगन्ह मुनिवरन्ह। धीरजु धिरअ नरेस कहेउ बिसष्ट विदेह सन॥२७६॥

जासुग्यानु रिव भव निसि नासा। बचन किरन सुनि कमल विकासा
तेहि कि मोह ममता निअराई। यह सिय राम सनेह बड़ाई।।
विषई साधक सिद्ध सयाने। त्रिविध जीव जग बेद वत्वाने।।
राम सनेह सरम मन जास। साधु सभाँ बड़ आदर तास ।।
सोह न राम पेम विनु ग्यान्। करनधार विनु जिमि जलजान्।।
स्रुनि बहुविधि विदेहु समुझाए। राम घाट सब लोग नहाए।।
सकल सोक संकुल नर नारी। सो बासक बीतेउ विनु बारी।।
पसु त्वग मृगन्ह नकीन्ह अहारू। प्रिय परिजन कर कौन विचारू।।

दो०—दोउ समाज निमिराजु रघुराजु नहाने प्रात। वैठे सव वट विटप तर मन मलीन ऋस गात॥२७७॥

जे महिसुर दसरथ पुर बासी । जे मिथिलापित नगर निवासी ।। हंस बंस गुर जनक पुरोधा । जिन्ह जग मग परमारथु सोधा।। लगे कहन उपदेस अनेका । सहित धरम नय बिरति बिबेका।। कौसिक कहि कहि कथा पुरानीं। सम्रुझाई सब सभा सुबानीं।। तब रघुनाथ कौसिकहि कहेऊ। नाथ कालि जल विनुं सबु रहेऊ॥ मुनि कह उचित कहत रघुराई। गयउ बीति दिन पहर अढ़ाई॥ रिषि रुख लखि कह तेरहुतिराजू। इहाँ उचित नहिं असन अनाजू॥ कहा भूप भल सबहि सोहाना। पाइ रजायसु चले नहाना॥

दो ० – तेहि अवसर फल फूल दल मूल अनेक प्रकार। लइ आए वनचर विपुल भरि भरि काँवरि भार॥२७८॥

कामद मे गिरि राम प्रसादा । अवलोकत अपहरत विषादा ॥
सर सरिता वन भूमि विभागा । जनु उमगत आनँद अनुरागा॥
बेलि विटप सब सफल सफूला। बोलत खग मृग अलि अनुकूला॥
तेहि अवसर बन अधिक उछाहू । त्रिविध समीर सुखद सब काहू॥
जाइ न बरिन मनोहरताई । जनु मिह करित जनक पहुनाई ॥
तब सब लोग नहाइ नहाई । राम जनक मुनि आयसु पाई ॥
देखि देखि तस्वर अनुरागे । जहँ तहँ पुरजन उतरन लागे ॥
दल फल मूल कंद विधिनाना। पावन सुंदर सुधा समाना ॥

दो ०-सादर सच कहँ रामगुर पठए भरि भरि भार।

पूजि पितर सुर अतिथि गुर लगं करन फरहार ॥२७९॥

एहि विधि वासर वीते चारी। राम्रु निरखि नर नारि सुखारी ॥ दुहु समाज असि रुचि मन माहीं। बिनु सिय राम फिरब भल नाहीं सीता राम संग बनबास् । कोटि अमरपुर सरिस सुपास् ॥ परिहरि लखन राम्रु बैदेही। जेहि घरु भाव बाम बिधि तेही॥ दाहिन दइउ होइ जब सबही। राम समीप बसिअ बन तबही॥ मंद।किनि मजजनु तिहु काला। राम दरसु मुद मंगल माला॥ अटनु राम गिरि बन तापस थल। असनु अमिअ सम कंद मूल फल सुख समेत संबत दुइ साता। पल सम होहिं न जनिअहिं जाता

दो०—एहि सुख जोग न लोग सब कहिंह कहाँ अस भागु। सहज सुभायँ समाज दुहु राम चरन अनुरागु॥२८०॥

एहि विधिसकल मनोरथ करहीं। बचन सप्रेम सुनत मन हरहीं।।
सीय मातु तेहि समय पठाई। दासीं देखि सुअवसरु आई।।
सावकास सुनि सब सिय सास्। आयउ जनकराज रिनवास्।।
कौसल्याँ सादर सनमानी। आसन दिए समय सम आनी।।
सील सनेहु सकल दुहु आरा। द्रवहिं देखि सुनि कुलिस कठोरा
पुलक सिथिल तन वारि बिलोचन। महि नख लिखन वर्गी सब सोचन
सब सिय राम प्रीति किसि मुरति। जनु करुना बहु वेष विद्यरित।।
सीय मातु कह विधि बुधि बाँकी। जो पय फेनु फोर पबि टाँकी।।

दो०–सुनिअ मुधा देखिअहिं गरल सत्र करतृति कराल।

जह तहँ काक उलूक वक मानस सक्टत भराल ॥२८१॥

सुनि ससोच क्ह देवि सुमित्रा। विधि गति बड़ि विपरीत विचित्रा जो सुजि पालइ हरइ वहारी। वाल केलि सम विधि मति भोरी।। कौसल्या कह दोसु न काहू। करम विवस दुख मुख छति लाहू।। कठिन करम गति जान विधाता। जो सुभ असुभ सकल फल दाता ईस रजाइ सीस सबही कें। उतपति थिति लय विपहु अभी कें देवि मोह वस सोचिअ वादी। विधि प्रपंचु अस अचल अनादी।। भूपति जि,अब मरब उर आनी।सोचिअ सखि लखि निज हित हानी सीय मातु कह सत्य सुबानी। सुकृती अवधि अवधपति रानी।। दं1०—छखनु रामु सिथ जाहुँ वन भल परिनाम न पोचु । गहवरि हियँ कह कौसिला मोहि भरत कर सोचु ॥२८२॥

ईस प्रसाद असीस तुम्हारी । सुत सुतवधू देवसरि बारी ॥
गम सपथ में कीन्हि न काऊ । सो किर कहउँ सखी सित भाऊ॥
भरत सील गुन विनय बड़ाई । भायप भगित भरोस भलाई ॥
कहत सारदह कर मित हीचे । सागर सीप किजाहिं उलीचे ॥
आनउँ सदा भरत कुलदीपा । बार बार मोहि कहेउ महीपा ॥
कसें कनकु मिनपारिखि पाएँ । पुरुष परिखिअहिं समयँ सुभाएँ॥
अनुचित आज कहत्र अस मोरा । सोक सनेहँ सयानप थोरा ॥
सुनि सुरसिर सम पावनि बानी । भईं सनेह विकल सब रानी ॥
दो० –कोसल्या कह धार धिर सुनहु देवि मिथिलेसि ।
को विवेकनिधि चल्लमिह नुम्हिह सकइ उपदेसि ॥२८३॥

गिन राय सन अवसरु पाई। अपनी भाँति कह्व समुझाई।।
रिखिअहिं लखनु भरतु गवनिहंबन। जाँ यह मत माने महीप मन।।
तो भल जतनु करव सुबिचारी। मोरें सोचु भरत कर भारी।।
गूढ़ सनेह भरत मन माहीं। रहें नीक मोहि लागत नाहीं।।
लिख सुभाउ सुनि सरल सुवानी। सब भइ मगन करुन रस रानी।।
नभ प्रस्न झिर धन्य धन्य धुनि। सिथिल सनेहँ सिद्ध जोगी मुनि।।
सबु रिनव।सु विथिक लिख रहेऊ। तब धिर धीर सुमित्राँ कहेऊ।।
देवि दंड जुग जामिनि बीती। राम मातु सुनि उठी सम्रीती।।

दो०—विगि पाउ धारिअ थलिह कह सनेहँ सितभाय। हमरें तो अव ईस गित के मिथिलेस सहाय॥२८४॥ लिख सनेह सुनि बचन बिनीता। जनकिष्रया गह पाय पुनीता।। देवि उचित असि बिनय तुम्हारी। दसरथ घरिनि राम महतारी।। प्रभ्र अपने नीचहु आदरहीं। अगिनि धूम गिरि सिर तिनु घरहीं सेवकु राउ करम मन बानी। सदा सहाय महेसु भवानी।। रउरे अंग जोगु जग को है। दीप सहाय कि दिनकर सोहै।। राम्र जाइ बनु किर सुर काजू। अचल अवधपुर करिहहिं राजू।। अमर नाग नर राम बाहुबल। सुख बसिहिं अपनें अपनें थल।। यह सब जागबलिक कहि राखा। देवि न होइ मुधा मुनि भाषा।।

दो०—अस कहि पग परि पेम अति सिय हित विनय सुनाइ। सिय संमत सियमातु तब चली सुआयसु पाइ॥२८५॥

प्रिय परिजनिह मिली बैंदेही । जो जेहि जोगु भाँति तेहि तेही ।।
तापस बेष जानकी देखी । भा सबु विकल विषाद विसेषी ।।
जनक राम गुर आयसु पाई । चले थलहि सिय देखी आई ।।
लीन्हिलाइ उर जनक जानकी । पाहुनि पावन पेम प्रान की ।।
उर उमगेउ अंबुधि अनुरागू । भयउ भूप मनु मनहुँ पयागू।।
सिय सनेह बुढु बाढ़त जोहा । ता पर राम पेम सिसु सोहा।।
चिरजीवी सुनि ग्यान विकल जनु । बुड़त लहेउ बाल अवलंबनु ।।
मोह मगन मित निहँ विदेह की । महिमा सिय रघुबर सनेह की ।।

दं1०—सिय पितु मातु सनेह बस विकल न सकी सँभारि । धरनिसुताँ धीरजु धरेउ समउ सुधरमु बिचारि ॥२८६॥

तापस बेप जनक सिय देखी। भयउ पेम्रु परितोषु विसेषी।। पुत्रि पवित्र किए कुल दोऊ। सुजस धवल जगु कह सबु कोऊ।। जिति सुरसरि कीरति सरि तोरी। गवनु कीन्ह विधि अंड करोरी।। गंग अवनि थल तीनि बड़ेरे। एहिं किए साधु समाज घनेरे।। पितु कह सत्य सनेहँ सुवानी।सीय सक्कच महँ मनहँ समानी।। पुनि पितु मातु लीन्हि उर लाई। सिग्वआसिप हित दीन्डिसुहाई॥ कहित न सीय सकुचि मन माहीं। इहाँ वमव रजनीं भल नाहीं।। लिख रुख रानि जनायउ राऊ। इदयँ सगहत सील सुभाऊ।।

दो० -बार बार मिलि भेंटि सिय विदा कीनिह सनमानि ।

कही समय सिर भरत गति रानि सवानि सवानि॥२८७॥ सनि भूपाल भरत व्यवहारू। मोन सुगंध मुधा ससि मारू ॥ मुदे सजल नयन पुलके तन। सुजसु सराहन लगे मुदित मन।। सारधान सुनु सुम्रुखि सुळाचिन । भरत कथा भत्र बंध विमाचिन।। व्रवाविचारः। इहाँ जथामति मोर प्रसारः॥ शजनय सो मित मोर्क भरत महि माही। कई कह छठि छुअति न छाँही।। विधि गन रति श्रिटणित सिव सारद।कांव कोविद व्रश्न पुद्धि विसारद भरत चरित कीरति करनृती। धरम सील धुन विमल विभृती॥ सम्रज्ञत सुनत सुन्वद सब काहू । सुचि सुरसरि रुचि निदर सुधाहू।।

दो ०-निरवधि गुन निरुपम पुरुष भरत् भरत सम जानि । कहिअ सुमेरु कि सेर सम कविक्छ मति सक्वानि॥२८८॥

अगम सबिह बरनत बरबरनी। जिमि जलहीन मीन गमु धरनी।! भरत अमित महिमा सुनु रानी। जानहिं रामु न सकहिं वखानी।। बरनि संप्रम भरत अनुभाऊ। तिय जिय की रुचि लखि कह राऊ बहुरहिं लखनु भरतु बन जाहीं। सब कर भल सब के मन माहीं।।

देनि परंतु भरत रघुनर की। प्रीति प्रतीति जाइ निहं तर की।।
भरतु अवधि सनेह ममता की। जद्यपि राम्नु सीम समता की।।
परमारथ खारथ सुख सारे। भरत न सपनेहुँ मनहुँ निहारे।।
साधन सिद्धि राम पग नेहू। मोहि लखि परत भरत मतएहू।।
दो०—भोरेहुँ भरत न पेलिहिह मनसहुँ राम रजाइ।
करिअ न सोचु सनेह बस कहेउ भूप बिलखाइ॥२८९॥

राम भरत गुन गनत सत्रीती। निसि दंपतिहि पलक सम बीती।।
राज समाज प्रात जुग जागे। न्हाइ न्हाइ सुर पूजन लागे।।
गे नहाइ गुर पहिं रघुराई। बंदि चरन बोले रुख पाई।।
नाथ भरत पुरजन महतारी। सोक बिकल बनबास दुखारी।।
सहित समाज राउ मिथिलेस। बहुत दिवस भए सहत कलेस।।
उचित होइ सोइ की जिअ नाथा। हित सबही कर रौरें हाथा।।
अस कहि अति सकुचे रघुराऊ। सुनि पुलके लिख सील सुभाऊ।।
तुम्ह बिनु राम सकल सुख साजा। नरक सरिस दुहु राज समाजा।।

दो ०-प्रान प्रान के जीव के जिव सुख के सुख राम। तुम्ह तौंजे तात सोहात ग्रह जिन्हिह तिन्हिह विधि बाम॥२९०॥

सो सुखु करमु धरमु जिर जाऊ। जहँ न राम पद पंकज भाऊ।। जोगु कुजोगु ग्यानु अग्यान्। जहँ निहं राम पेम परधान्।। तुम्ह बिनु दुखी सुखी तुम्ह तेहीं। तुम्ह जानहु जिय जो जेहि केहीं राउर आयसु सिर सबही कें। बिदित कृपालहि गित सब नीकें आपु अग्रमिह धारिअ पाऊ। भयउ सनेह सिथिल मुनिराऊ।। करि प्रनामु तब रामु सिधाए। रिषि धरि धीर जनक पहिंबाए।। राम बचन गुरु नृपिह सुनाए।सील सनेह सुभायँ सुहाए।। महाराज अब कीजिअ सोई।सब कर धरम सिहत हित होई।।

दो ०-ग्यान निधान सुजान सुचि धरम धीर नरपाल।

तुम्ह बिनु असमंजस समन को समरथ एहि काल॥२९१॥
सुनि मुनि बचन जनक अनुरागे। लिख गित ग्यानु बिरागु बिरागे॥
सिथिल सनेहँ गुनत मन माहीं। आए इहाँ कीन्ह भल नाहीं॥
रामहि रायँ कहेउ बन जाना। कीन्ह आपु प्रिय प्रेम प्रवाना॥
हम अब बन तें बनहि पठाई। प्रमुदित फिरब बिबेक बड़ाई॥
तापस मुनि महिसुर सुनि देखी। भए प्रेम बस बिकल बिसेषी॥
समउ समुझि धरि धीरजु राजा। चले भरत पहिं सहित समाजा॥
भरत आह आगें भइ लीन्हे। अवसर सरिस सुआसन दीन्हे॥
तात भरत कह तेरहृति राज। तुम्हृहृ बिदित रघुवीर सुभाऊ॥

दो ०-राम सत्यनत धरम रत सब कर सीलु सनेहु।

संकट सहत सकीच बस किह जो आयस देह ॥२९२॥
सुनि तन पुलकि नयन भिर बारी। बोले भरत धीर धिर भारी।।
प्रश्च प्रिय पूज्य पिता सम आपू। कुलगुरु सम हित माय न बापू॥
कौसिकादि मुनि सचिव समाज् । ग्यान अंबुनिधि आपुनु आजू॥
सिसु सेवकु आयसु अनुगामी। जानि मोहि सिख देइअ खामी॥
एहिं समाज थल बूझब राउर। मौन मिलन मैं बोलब बाउर॥
छोटे बदन कहउँ बिड़ बाता। छमब तात लिख बाम विधाता॥
आगम निगम प्रसिद्ध पुराना। सेवाधरमु कठिन जगु जाना॥
स्वामि धरम स्वारथहि बिरोधू। बैरु अंध प्रेमहि न प्रबोधू॥

दो ०-राखि राम रुख धरमु बतु पराधीन मोहि जानि।

सब कें संमत सर्व हित करिअ पेमु पहिचानि ॥२९३॥
भरत बचन सुनि देखि सुभाऊ। सिहत समाज सराहत राऊ॥
सुगम अगम मृदु मंजु कठोरं। अरथु अमित अति आखर थारे॥
ज्यों मुखु मुकुर मुकुरु निज पानी।गहि न जाइ अस अदभुत बानी
भूप भरत मुनि सिहत समाजू। गे जह बिबुध कुमुद द्विजराजू॥
सुनि सुधि सोच विकल स्व लंगा। मनहुँ मीन गन नव जल जोगा
देव प्रथम कुलगुर गति देखी। निरिख बिदेह सनेह विसेषी॥
राम भगतिमय भरतु निहारे। सुर स्वारधी हहरि हियँ हारे
सब कोउ राम पेममय पेखा। भए अलंख सोच बस लेखा॥

दो०-रामु सनेह सक्रोच यस कह ससोच सुरराजु । रचहु प्रपंचहि पंच मिछि नाहि त भगउ अक्राजु ॥२९४॥

सुरन्ह सुमिरि सारदा मराही। देवि देव सरनागत पाही ॥
केरि भगत गति करि निज माया। पाल विग्रुध बुल करि छल छाया
विग्रुध विनय सुनि देवि सयानी। वोली सुर खारध जड़ जानी॥
मो सन कहहु भरत मित फेरू। लोचन सहस न सुझ सुमेरू॥
विधि हरि हर माया बांड़ भारी। मोउन भरत मितसकइ निहारी
सो मित मोहि कहत करु भोरी। चंदिनि कर कि चंडकर चोरी॥
भरत हदयँ सिय राम निवास। तह कि तिमिर जह तरनि प्रकास
अस कहि सारद गइ विधि लोका। विश्वध विकल निसि मान हुँ कोका

दो ०-सुर स्वारथी मलीन मन कीन्ह कुमंत्र कुटाटु । रिच प्रपंच माया प्रबल भय भ्रम अरति उचाटु ॥२९५॥ किर कुचालि सोचत सुरराज् । भरत हाथ सबुकाजु अकाज् ॥
गए जनकु रघुनाथ समीपा । सनमाने सब रिबक्कल दीपा ॥
समय समाज धरम अबिरोधा । बोले तब रघुवंस पुरोधा ॥
जनक भरत संबाद सुनाई । भरत कहाउति कही सुहाई ॥
तान गम जस आयसु हेहू । सो सबु कर मोर मत एहू ॥
सुनि रघुनाथ जोरि जुग पानी । बोले सत्य सरल मृदु बानी ॥
विद्यमान आपुनि मिथिलेस् । मोर कहब सब भाँति भदेस् ॥
राउर राय रजायसु होई । राउरि सपथ सही सिर सोई ॥

दो०-राम सपथ सुनि मुनि जनकु सकुचे सभा समेत। सकल यिलोकत भरत मुखु यनइ न ऊतरु देत ॥२९६॥

सभा सकुच वस भरत निहाती। रामचंघु धरि धीरज भारी ॥
कुस 43 देखि सने हु मँ शारा। बढ़त बिंधि जिमि घट ज निवारा॥
सोक कनक लांचन मित छोती। हरी विमल गुन गन जग जोनी॥
भरत बिबेक बराहँ विसाला। अनायास उधरी तेहि काला॥
किरि प्रनामु सब कहँ कर जोरे। रामु राज गुर साधु निहोरे॥
छमव आज अति अनु नित मोरा। कहउँ बदन मृदु बचन कठोरा॥
हियँ सु। मेरी सारदा सुहाई। मानस ते मुख पंकज आई॥
बिमल विबेक धरम नय साली। भरत भारती मंजु मराली॥

दो०—निरखि बिबेक विलोचनिह सिथिल सनेहँ समाजु। करि प्रनामु बोले भरतु सुमिरि सीय रघुराजु॥२९७॥

प्रभुषितु मातु सहृद गुर स्वामी । पूज्य परम हित अंतरजामी ॥ सरल सुसाहिबु सील निधान् । प्रनतपाल सर्वेग्य सुजान् ॥ समरथ सरनागत हितकारी । गुनगाहकु अवगुन अघ हारी ॥ खामि गोसाँ हि सरिस गोसाई । मोहि समान मैं साइँ दोहाई ॥ प्रश्चित्त बचन मोह बस पेली । आयउँ इहाँ समाजु सकेली ॥ जग भल पोच ऊँच अरु नीचू । अभिअ अमरपद माहुरु मीचू ॥ राम रजाइ मेट मन माहीं । देखा सुना कतहुँ कोउ नाहीं ॥ सो मैं सब विभि कीन्हि दिठाई । प्रश्च मानी सनेह सेवकाई ॥

दो ०—क्रपाँ भलाईँ आपनी नाथ कीन्ह भल मोर। दूषन भे भूपन सरिस सुजसु चारु चहु ओर ॥२९८॥

राउरि रीति सुबानि बड़ाई। जगत बिदित निगमागम गाई।। क्र कुटिल खल कुमति कलंकी। नीच निसील निरीस निसंकी।। तेउ सुनि सरन सामुहें आए। सकृत प्रनामु किहें अपनाए।। देखि दोष कबहुँ न उर आने। सुनि गुन साधु समाज बखाने।। को साहिब सेवकहि नेवाजी। आपु समाज साज सब साजी।। निज करतूति न समुझिअ सपनें। सेवक सकुच सोचु उर अपनें।। सा गोसाइँ नहिं द्सर कोपी। मुजा उठाइ कहउँ पन रोपी।। पसु नाचत सुकू पाठ प्रवीना। गुन गति नट पाठक आधीना।।

दो •—यों सुधारि सनमानि जन किए साधु सिरमोर। को कृपाल बिनु पालिहै बिरिदावलि बरजोर॥२९९॥

सोक सनेहँ कि बाल सुभाएँ। आयउँ लाइ रजायसु बाएँ।। तबहुँ कुपाल हेरि निज ओरा। सबिह भाँति भल मानेउ मोरा।। देखेउँ पाय सुमंगल मूला। जानेउँ खामि सहज अनुक्रला।। बढ़ें समाज बिलोकेउँ भागू। बड़ीं चूक साहिब अनुरागू।। कुपा अनुप्रहु अंगु अघाई। कीन्हि कुपानिधि सब अधिकाई।। राखा मोर दुलार गोसाई। अपने सील सुभायँ भलाई।। नाथ निपट मैं कीन्हि ढिठाई। खामि समाज सकोच बिहाई।। अबिनय बिनय जथारुचि बानी। छमिहि देउ अति आरति जानी।।

दो ०—सुहृद सुजान सुसाहिबहि बहुत कहब बड़ि खोरि।

अयसु देइअ देव अव सवइ सुधारि मोरि॥३००॥
प्रश्च पद पदुम पराग दोहाई। सत्य सुकृत सुख सीवँ सुहाई ॥
सो करि कहउँ हिए अपने की। रुचि जागत सोवत सपने की।।
सहज सनेह खामि सेवकाई। खारथ छल फल चारि बिहाई॥
अग्या सम न सुसाहिब सेवा। सो प्रसादु जन पावे देवा॥
अस किह प्रेम बिबस भए भारी। पुलक सरीर बिलोचन बारी॥
प्रश्च पद कमल गहे अकुलाई। समउ सनेहु न सो किह जाई॥
कुपासिंघु सनमानि सुबानी। बैठाए समीप गहि पानी॥
भरत बिनय सुनि देखि सुभाऊ। सिथिल सनेहँ सभा रघुराऊ॥

छं॰—रघुराउ सिथिल सनेहँ साधु समाज मुनि मिथिला धनी। मन महुँ सराहत भरत भायप भगति की महिमा घनी॥ भरतिह प्रसंसत विबुध बरषत सुमन मानस मिलन से। तुलसी विकल सब लोग सुनि सकुचे निसागम निलन से॥

सो०—देखि दुखारी दीन दुहु समाज नर नारि सब। मघवा महा मलीन मुए मारि मंगल चहत॥३०१॥

कपट कुचालि सीवँ सुरराज्र । पर अकाज प्रिय आपन काज्र्।। काक समान पाकरिपु रोती । छली मलीन कतहुँ न प्रतीती।। प्रथम कुमत करि कपड सँके छा। सो उचाड सब कें सिर मेला।।
सुरमायाँ सब लोग विमोहे। राम प्रेम अतिसय न बिछोहे।।
भय उचाट बस मन थिर नाहीं। छन बन रुचि छन सदन सोहाहीं
दुविध मनोगति प्रजा दुखारी। सरित सिंधु संगम जनु बारी।।
दुचित कत हुँ परिताषु न लहहीं। एक एक सन मरम्र न कहहीं।।
लिख हि थेँ हँसि कह कुणानिधानु सरिस खान मध्यान जुवानु।।

दो०—भरतु जनकु मुनिजन सचिव साधु सवेत बिहाइ। लागि देवमाया सबहि जथाजोगु जनु पाइ॥३०२॥

कृपानिधु लिख लंग दुखारे । निज सनेहँ सुरपित छल भारे ॥ सभा गउ गुर निहमुर मंत्रो । अरत भगति सब के मित जंत्री ॥ रामहि चितवत चित्र लिखे से । सकुचत बोलत बचन मिखेसे॥ भरत प्रीति नित बिनय बड़ाई । सुनत सुखद बरनत कठिनाई॥ जासु बिलांकि अगति लबलेख । प्रेम मगन मुनिगन मिथिलेख॥ महिमा तामु कह किमि तुलसी । भगति सुभायँ सुमित हियँ हुलसी आपु छोटि महिमा बड़ि जानी । किबकुल कानि मानि मकुचानी॥ कहिन सकति गुन रुचि अथिकाई।मित गति बाल बचन की नाई॥

दो ०—भरत विमल जसु विमल विघु सुमित चकोर कुमारि। उदित विमल जन हृदय नभ एकटक रही निहारि॥३०३॥

भरत सुभाउ न सुगम निगमहूँ। लघु मित चायलता किन छमहूँ॥ कहत सुनत सित भाउ भरत को। सीय राम पद होइ न रत को।। सुमिरत भरतिह प्रेष्ठ राम को।जेहि न सुलक्ष तेहि सिरस बाम को देखि दर्याल दसा सबही की। राम सुजान जानि जन जी की।। भरम धुरीन भीर नय नागर । सन्य सनेह सील सुख सागर। देसु काळुलखि समउ समाजू । नीति प्रीति पालक रघुराजू ॥ बोले बचन बानि सरबसु से । हित परिनामसुनत सिस रसु से॥ तात भरत तुम्ह धरमधुरीना । लोक बेद बिद प्रेम प्रबीना ॥

दो०-करम वचन मानस विमल तुम्ह समान तुम्ह तात । गुर समाज लवु वंधु गुन कुसमयँ किमि कहि जात ॥ ३०४॥

जानहुन।त तरिन कुल रीती । सत्यमंध पितु कारित प्रीती ॥
समउ ममाजुलाज गुरजन की। उदासीन दित अन्दित मन की॥
तुम्हिह विदिन मन्द्री कर करमू। आपन मोर परम दित धरमू॥
मोहिसन भाँति भरोम तुम्हारा । तद्दिक दुउँ अवमर अनुमारा॥
तात तात बिनु बात हमारो । केनल गुरकुल कुथाँ मँगारी ॥
नत्र प्रजा परिजन परिवारू । हमहि महिन सबुहोत खुअ रू॥
जो विनु अनमर अथवँ दिनेद्र। जग केहि कहहु न होइ कलेमू॥
तस उत्तरातु तात विधि कीन्हा। मुनि मिथिलेस राखि सबु धीन्हा

दो ०-राज काज सब लाज पति धरम धरनि धन धाम ।

गुर प्रभाउ पालिहि सबिह भल होइहि परिनाम ॥२०५॥
सिहत समाज तुम्हार हमारा । घर बन गुर प्रसाद रखवारा ॥
मातु पिता गुर खामि निदेस । सकल भरम धरनी धर सेसू ॥
सो तुम्ह करहु कराबहु मोहू । तात तर्गनकुल पालक होहू ॥
साधक एक सकल सिधि देनी । कीरति सुगति भृतिमय बेनी ॥
सो बिचारि सिह संकडु भारी । करहु प्रजा परिवारु सुखारी ॥
बाँटी बिपति सबिह मोहि भाई। तुम्हिह अविध भरि बहु कठिनाई॥

जानि तुम्हि सर्दु कहउँ कठोरा । कुसमयँ तात न अनुचित मोरा॥ होहिं कुठायँ सुबंधु सहाए । ओड़िअहिं हाथ असनिहु के घाए

दो०—सेवक कर पद नयन से मुख सो साहिबु होइ। तुलसी ग्रीति कि रीति सुनि सुकवि सराहिह सोइ॥३०६॥

सभा सकल सुनि रघुबर बानी । प्रेम पयोधि अमिअँ जनु सानी।। सिथिल सभाज सनेह समाधी । देखि दसा चुप सारद साधी ।। भरतिह भयउ परम संतोषू । सनमुख खामि बिम्नुख दुख दोषू मुख प्रसन्न मन मिटा बिषाद् । भा जनु गूँगेहि गिरा प्रसाद् ॥ कीन्ह सप्रेम प्रनामु बहोरी । बोले पानि पंकरुह जोरी ॥ नाथ भयउ सुखु साथ गए को । लहेउँ लाहु जग जनमु भए को॥ अब कुपाल जस आयसु होई । करौं सीस धरि सादर सोई ॥ सो अवलंब देव मोहि देई । अविध पारु पावौं जेहि सेई ॥

दो०—देव देव अभिषेक हित गुर अनुसासनु पाइ। आनेउ सब तीरथ सलिलु तेहि कहँ काह रजाइ॥३०७॥

एकु मनोरथु बड़ मन माहीं। समयँ सकोच जात कि नाहीं।। कहहु तात प्रेस् आयसु पाई। बोले बानि सनेह सुहाई।। चित्रकृटसुचि थल तीरथ बन। खग मृग सर सिर निर्झर गिरिगन प्रसुपद अंकित अवनि बिसेषी। आयसु होइ त आवौं देखी।। अवसि अत्रि आयसु सिर धरहू। तात बिगतभय कानन चरहू।। सुनि प्रसाद बतु मंगल दाता। पावन परम सुहावन आता।। रिषिनायकु जहँ आयसु देहीं। राखेहु तीरथ जलु थल तेहीं।। सुनि प्रश्च बचन भरत सुखु पावा। सुनि पद कमल सुदित सिरु नावा दो ०-भरत राम संबादु सुनि सकल सुमंगल मूल।
सुर स्वारथी सराहि कुल बरषत सुरतरु फूल । २०८॥
धन्य भरत जय राम गोसाई। कहत देव हरषत बरिआई।।
सुनि मिथिलेस सभाँ सब काहू। भरत वचन सुनि भयउ उछाहू।।
भरत राम गुन ग्राम सनेहू। पुलकि प्रसंसत राउ बिदेहू।।
सेवक खामि सुभाउ सुहावन। नेग्रु पेग्रु अति पावन पावन।।
मित अनुसार सराहन लागे। सचिव सभासद सब अनुरागे।।
सुनि सुनि राम भरत संबाद्। दुहु समाज हियँ हरषु बिषाद्।।
राम मातु दुखु सुखु सम जानी। कहि गुन राम प्रबोधीं रानी।।
एक कहिं रघुनीर बड़ाई। एक सराहत भरत भलाई।।

दो०—अत्रि कहेउ तब भरत सन सैल समीप सुकूप। राखिअ तीरथ तोय तहँ पावन अमिअ अनूप॥३०९॥

भरत अति अनुसासन पाई। जल भाजन सब दिए चलाई।। सानुज आपु अति मुनि साधू। सहित गए जहँ क्रूप अगाधू॥ पावन पाथ पुन्यथल राखा। प्रमुदित प्रेम अति अस भाषा॥ तात अनादि सिद्ध थल एहू। लोपेउ काल बिदित नहिं केहू॥ तब सेवकन्ह सरस थल देखा। कीन्ह सुजल हित क्रूप बिसेषा॥ विधि बस भयउ बिस्व उपकारू। सुगम अगम अति धरम बिचारू भरतक्रूप अब कहिहहिं लोगा। अति पावन तीरथ जल जोगा॥ प्रेम सनेम निमन्जत प्रानी। होइहहिं बिमल करम मन बानी॥

दो०—कहत कूप महिमा सकल गए जहाँ रघुराउ। अत्रि सुनायउ रघुबरहि तीरथ पुन्य प्रभाउ॥३१०॥ कहत धरम इतिहास सप्रीती। भयउ भोरु निसि सो सुख बीती।।
नित्य निबाहि भरत दोउ भाई। राम अत्रि गुर आयसु पाई।।
सहित समाज साज सब सादें। चले राम बन अटन पयादें।।
कोमल चरन चलत बितु पनहीं। भइ मृदु भूमि मकु वि मन मनहीं।।
कुस बंटक काँकरीं कुराई। बहुक कठोर कुबस्तु दुराई।।
महि मंजुल मृदु मारम कीन्हें। बहुत समीर त्रिबिध सुख ली-हें।।
सुमन बरिष सुर घन करि छाहीं। विटय फूलि फलि तुन मृदुताहीं।।
मृग बिलोकि खग बोलि सुबानी। सेवहिंस कल राम प्रिय जानी।।

दो०—सुलभ सिद्धि सब प्राकृतहु राम कहत जमुहात। राम प्रानिपय भरत कहुँ यह न होइ बिड़ वात॥३११॥

एहि विधि भरत फिरत बन माहीं। नेम प्रेम लिख मुनि सकुचाहीं पुन्य जलाश्रय भूमि विभागा। खग मृग तरु तृन गिरि बन बागा चारु बिचित्र पिबत्र विसेषी। बूझत भरत दिव्य सब देखी।। सुनि मन मुदित कहत रिपिराऊ। हेतु नाम गुन पुन्य प्रभाऊ।। कतहुँ निमज्जन कतहुँ प्रनामा। कतहुँ बिलोकत मन अभिरामा।। कतहुँ बैठि मुन्धि आयम पाई। सुमिरत सीय सहित दोउ भाई।। देखि सुभाउ सनेहु मुसेवा। देखि असीस मुदित बनदेवा।। फिरहिं गएँ दिनु पहर अढ़ाई। प्रभु पद कमल बिलोकहिं आई।।

दो ०–देखे थल तीरथ सकल भरत पाँच दिन माझ। कहत सुनत हरि हर सुजसु गयउ दिवसु भइ साँझ॥३१२॥

भोर न्हाइ सबु जुरा समाजू । भरत भूमिसुर तेरहुति राजू ॥ भल दिन आजु जानि मन माहीं । राम्रु क्रपाल कहत सक्कुचाहीं॥ गुर नृप भरत सभा अवलोकी सकुचि राम फिरि अवनि विलोकी सील सराहि सभा सब सोची । कहुँ न राम सम स्वामिसँकोची ॥ भरत सुजान राम रुख देखी। उठि सप्रेम धरि धीर विसेषी ॥ करि दंडवत कहत कर जोरी । राखीं नाथ सकल रुचि मोरी ॥ मोहि लगि सहेउ मबहिं संताप्। बहुत भाँति दुखु पाता आपू ॥ अब गोसाइँ मोहि देउ रजाई । सेवीं अवध अवधि भरि जाई ॥

दो०—जेहिं उपाय पुनि पाय जनु देखे दीनदयाल। सो सिख देइअ अविच लिंग कोसलपाल ऋपाल॥३१३॥

पुरजन परिजन प्रजा गोसाई। सब सुचिसरस सनेहँ सगाई।।
राउर बंद भल भव दुखदाहू। प्रभु विनु बादि परम पद लाहू।।
स्वामि सुजानु जानि मब ही की। रुचि लालसा रहिन जन जी की।।
प्रनतपालु पालिहि सब काहू । देउ दुहू दिसि ओर निवाहू ।।
अस मोहि मब विधि भूरि भगेमो। किएँ विचारन सोचु खगे सो।।
आरित सोर नाथ कर छोहू। दुहूँ निलि कीन्ह ढीठ हिठ मोहू ।।
यह बड़दापु द्रि करि खामी। तिज सकोच सिखइअ अनुगामी।।
भरत बिनय सुनि सबहि प्रसंसी। खीर नीर विवरन गति हंसी।।

दोo—दीनबंधु सुनि बंधु के बचन दीन छिल्हीन। देस काल अवसर सरिस बोले रामु प्रवीन ॥३१४॥

तात तुम्हारि मोरि परिजन की। चिंता गुरिह नृपहि घर बन की।। माथे पर गुर मुनि मिथिलेस् । हमिह तुम्हहि सपनेहुँ न कलेस्।। मोर तुम्हार परम पुरुषारथु । स्वारथु सुजसु घरमु परमारथु॥ पितु आयसु पालिहिं दुहु भाई । लोक बेद भल भूप भलाई ॥ गुर पितु मातु खामि सिख पाठें। चलेहुँ कुमग पग परहिं न खारें।। अस विचारि सब सोच बिहाई। पालहु अवध अवधि भरि जाई।। देसु कोसु परिजन परिवारू। गुर पद रजहिं लाग छरुभारू।। तुम्ह मुनि मातु सचिव सिख मानी। पालेहु पुहुमि प्रजा रजधानी

दो०—मुखिआ मुखु से चाहिए खान पान कहुँ एक। गलइ पोषइ सकल अँग तुलसी सहित विवेक ॥३१५॥

राजधरम सरबसु एतनोई। जिमि मन माहँ मनोरथ गोई।। बंधु प्रबोधु कीन्ह बहु भाँती। बिनु अधार मन तोषु नसाँती।। भरत सील गुर सचिव समाज् । सकुच सनेह बिबस रघुराज् ॥ प्रश्च करि कृपा पाँवरीं दीन्हीं। सादर भरत सीस धिर लीन्हीं॥ चरनपीठ करुनानिधान के। जनु जुग जामिक प्रजाप्रान के॥ संपुट भरत सनेह रतन के। आखर जुग जनु जीव जतन के॥ कुल कपाट कर कुसल करम के। बिमल नयन सेवा सुधरम के।। भरत ग्रुदित अवलंब लहे तें। अस सुख जस सिय राग्नु रहे तें॥

दो०—मागेउ विदा प्रनामु करि राम लिए उर लाइ।

होग उनैटे अमरपति कुटिल कुअवसरु पाइ ॥२१६॥ सो कुचालि सब कहँ भइ नीकी। अविध आस सम जीविन जी की।। नतरु लखन सियराम वियोगा। हहिर मरत सब लोग कुरोगा।। रामकुपाँ अवरेब सुधारी। बिबुध धारि भइ गुनद गोहारी।। भेंटत भुज भरि माइ भरत सो। राम प्रेम रसु कहि न परत सो।। तन मन बचन उमग अनुरागा। धीर धुरंधर धीरजु त्यागा।। बारिज लोचन मोचत बारी। देखि दसा सुर सभा दुखारी।। मुनिगन गुर घुर धीर जनक से। ग्यान अनल मन कर्से कनक से।। जे बिरंचि निरलेप उपाए। पदुम पत्र जिमि जग जल जाए।।

दो•—तेउ बिलोकि रघुबर भरत प्रीति अनूप अपार।

भर मगन मन तन बचन सहित बिराग बिचार ॥३१७॥
जहाँ जनक गुर गित मित भोरी। प्राकृत प्रीति कहत बिंद खोरी।।
बरनत रघुवर भरत बियोग् । सुनि कठोर कि जानिहि लोग्।।
सो सकोच रसु अकथ सुवानी। समउ सनेहु सुमिरि सकुचानी।।
भेंटि भरतु रघुवर समुझाए। पुनि रिपुदवनु हरिष हियँ लाए।।
सेवक सचिव भरत रुख पाई। निज निज काज लगे सब जाई।।
सुनि दारुन दुखु दुहूँ समाजा। लगे चलन के साजन साजा।।
प्रभु पद पदुम बंदि दोउ भाई। चले सीस धिर राम रजाई
सुनि तापस बनदेव निहोरी। सब सनमानि बहोरि बहोरी।।

दो ० – लखनहिं भेंटि प्रनामु करि सिर धरि सिय पद धूरि।

चले सप्रेम असीस सुनि सकल सुमंगल मूरि ॥३१८॥
सानुज राम नृपिह सिर नाई। कीन्हि बहुत बिधि बिनय बड़ाई॥
देव दया बस बड़ दुखु पायउ। सहित समाज काननिह आयउ॥
पुर पगु धारिअ देइ असीसा। कीन्ह धीर धिर गवनु महीमा॥
मुनि महिदेव साधु सनमाने। बिदा किए हिर हर सम जाने॥
सासु समीप गए दोउ भाई। फिरे बंदि पग आसिप पाई॥
कौसिक बामदेव जावाली। पुरजन परिजन सचिव सुचाली॥
जथा जोगु करि बिनय प्रनामा। बिदा किए सब सानुज रामा॥
नारि पुरुष लघु मध्य बड़ेरे। सब सनमानि कुपानिधि फेरे॥

दो०—भरत मातु पद बंदि प्रभु सुचि सनेहँ मिलि भेंटि। बिदा बीन्ह सजि पालकी सकुच सोच सब मेटि॥३१९॥

परिजन मातु पितिह मिलि सीता। फिरी प्रानिषय प्रेम पुनीता।।
किरि प्रनामु मेंटीं सब सास्। प्रीतिकहत कि हियँ न हुलास्।।
सुनि सिख अभिमत आसिप पाई। रही सीय दुहु प्रीति समाई।।
रघुरित पढु पालकी मगाई। किरि प्रबाधु सब मातु चढ़ाई।।
बार बार हिलि मिलि दुहु भाई। सम सनेहँ जननी पहुँचाई।।
साजि बाजि गज बाहन नाना। भरत भूप दल कीन्ह पयाना।।
हृद्यँ राम्नु सिय लखन समेता। चले जाहिं सब लोग अचेता।।
वसह बाजि गज पसु हियँ हारें। चले जाहिं परवस मन मारें।।

दो०—गुर गुरितिय पद चंदि प्रभु सीता लखन समेत। पि.रे हरप विसयय सहित आए परन निकेत॥३२०॥

निदा कीन्ह सनमानि निपाद्। चले उह्दयँ बड़ विरह विपाद्॥ कोल किरात भिट्ड बनचारी। फेरें फिरें जोहारि जोहारी।। प्रश्न सिय लखन बेठि घट छाहीं। प्रिय परिजन वियोग बिलखाहीं भरत सनेह असाउ सुवानी। श्रिया अनुज सन कहत बखानी प्रीति प्रतीति बचन मन करनी। श्रीमुख राम प्रेम वस बरनी॥ तेहि प्रतसर खग मृग जल मीना। चिचकूट चर अचर मलीना॥ विवुध विठाकि दसा रखुशर की। वर्गप सुमन कहि गति घर घर की प्रश्नु प्रतास कारे दीन्ह भरोसो। चले सुदित मन डर न खरो सो।।

दो ०-सानुज सीय समेत प्रमु राजत परन कुटीर । भगैति ग्यानु बैराग्य जनु सोहत घरें सरीर ॥३२१॥ सुनि महिसुर गुर भरत सुआल । राम बिरहँ सबु साज बिहाल।।
प्रश्च गुन प्राम गनत मन माहीं । सब चुपचाप चले मग जाहीं ।।
जम्रुना उतिर पार सबु भयऊ । सो बासक बिनु भोजन गयऊ।।
उतिर देवसिर दूसर बास । रामसखाँ सब कीन्ह सुपास ।।
सई उतिर गोमतीं नहाए । चौथें दिवस अवधपुर आए ।।
जनकु रहे पुर बासर चारी । राज काज सब साज सँभारी ।।
सौंपि सचिव गुरु भरतिह राजू । तेरहुति चले साजि सबु साजू।।
नगर नारि नर गुर सिख मानी । बसे सुखेन राम रजधानी ।।

दो ०—राम दरस लगि लोग सब करत नेम उपवास। तिज तिज भूषन भोग सुख जिअत अवधि की आस॥३२२॥

सचिव सुसेवक भरत प्रबोधे। निज निज काज पाइ सिख ओधे पुनि सिख दीन्हि बोलि लघु भाई। सौंपी सकल मातु सेवकाई।। भूसुर बोलि भरत कर जोरे। किर प्रनाम बय बिनय निहोरे।। ऊँच नीच कारज भल पोचू। आयसु देव न करब सँकोचू।। परिजन पुरजन प्रजा बोलाए। समाधानु किर सुवस बसाए।। सानुज गे गुर गेहँ बहोरी। किर दंडवत कहत कर जोरी।। आयसु होइ त रहीं सनेमा। बोले सुनि तन पुलिक सपेमा।। समुझब कहब करब तुम्ह जोई। धरम सारु जग होइहि सोई।।

दो ०—सुनि सिख पाइ असीस बड़ि गनक बोलि दिनु साधि । सिंघासन प्रमु पादुका बैठारे निरुपाधि ॥३२३॥

राम मातु गुर पद सिरु नाई । प्रभु पद पीठ रजायसु पाई ।। नंदिगावँ करि परन कुटीरा । कीन्ह निवासु धरम धुर धीरा ।। जटाजूट सिर ग्रुनिपट धारी । महिखनि कुस साँथरी सँवारी ॥ असन बसन बामन ब्रत नेमा । करत कठिन रिपिधरम सप्रेमा ॥ भूषन बसन भोग सुख भूरी । मन तन बचन तजे तिन तूरी ॥ अवध राजु सुर राजु सिहाई । दसरथ धनु सुनि धनदु लजाई ॥ तेहिं पुर बसत भरत बिनु रागा । चंचरीक जिमि चंपक बागा ॥ रमा बिलासु राम अनुरागी । तजत बमन जिमि जन बहु भागी ॥

दो ०-राम पेम भाजन भरतु बड़े न एहिं करतूति । चातक हंस सराहिअत टेंक बिबेक विभृति ॥३२४॥

देह दिनहु दिन द्विर होई। घटइ तेजु बलु मुख्छिब सोई।।
नित नव राम प्रेम पनु पीना। बढ़त धरम दलु मनु न मलीना।।
जिमिजल निघटत सरद प्रकासे। बिलसत बेतस बनज बिकासे।।
सम दम संजय नियम उपासा। नखत भरत हिय बिमल अकासा।।
ध्रुव बिखामु अवधि राकासी। खामि सुरति सुरबीथि बिकासी।।
राम पेम बिधु अचल अदोपा। सहित समाज सोह नित चोखा।।
भरत रहनि समुझनि करतृती। भगति बिरति गुन बिमल बिभृती।
बरनत सकल् सुकवि सकुचाहीं। सेस गनेस गिरा गमु नाहीं।।

दो ०—िनत पूजत प्रभु पाँवरी प्रीति न हृदयँ समाति । मागि मागि आयसु करत राज काज बहु भाँति ॥३२५॥

पुलक गात हियँ सिय रघुबीरू। जीह नामुजप लोचन नीरू।। लखन राम सिय कानन वसहीं। भरतु भवन बसि तप तनु कसहीं दोउ दिसि समुझि कहत सबु लोगू। सब बिधि भरत सराहन जोगू सुनि ब्रत नेम साधु सकुचाहीं। देखि दसा मुनिराज लजाहीं।। परम पुनीत भरत आचरन्। मधुर मंजु ग्रुद मंगल करन्।। हरन कठिन किल कलुष कलेख। महामोह निसि दलन दिनेख्।। पाप पुंज कुंजर मृगराज्। समन सकल संताप समाज्।। जन रंजन मंजन भव भारू। राम सनेह सुधाकर सारू।।

अं - सिय राम प्रेम पियूष पूरन होत जनमु न भरत को ।
मुनि मन अगम जम निथम सम दम बिषम बत आचरत को ।।
दुख दाह दारिद दंभ दूषन सुजस मिस अपहरत को ।
किलोल तुलसी से सठिन्ह हिठ राम सनमुख करत को ॥

सो ०—भरत चरित करि नेमु तुलसी जो सादर सुनिहैं। सीय राम पद पेम अविस होइ भव रस विरित ॥ ३२६॥


मासपारायण, इक्कीसवाँ विश्राम



इति श्रीमद्रामचरितमानसे सकलकलिकछपविध्वंसने द्वितीयः सोपानः समाप्तः ।

( अयोध्याकाण्ड समाप्त )

## सुतीक्ष्णजी रामके ध्यानमें



अतिसय प्रीति देखि रघुबीरा। प्रगटे हृद्यँ हरन भव भीरा।।

#### श्रीगणेशाय नमः

श्रीजानकीवल्लभो विजयते

# श्रीरामचरितमानस

## तृतीय सोपान

( अरण्यकाण्ड )

#### श्लोक

मुलं धर्मतरोविंवेकजलधेः पूर्णेन्दुमानन्ददं वैराग्याम्बुजभास्करं द्यध्यनध्वान्तापदं तापहम् । मोहाम्भोधरपूरापाटनविधौ खःसम्भवं श्रङ्करं वन्दे ब्रह्मकुलं कलङ्कशमनं श्रीरामभूपप्रियम् ॥ १ ॥ सान्द्रानन्दपयोदसौभगतनुं पीताम्बरं सुन्दरं पाणौ बाणशरासनं कटिलसत्त्णीरभारं वरम् । राजीवायतलोचनं धृतजटाजूटेन संशोभितं सीतालक्ष्मणसंयुतं पथिगतं रामाभिरामं भजे ॥ २ ॥

सो ०—उमा राम गुन गूढ़ पंडित मुनि पावहिं बिरति । पावहिं मोह बिमृढ़ जे हरि बिमुख न धर्म रति ॥

पुर नर भरत प्रीति मैं गाई । मति अनुरूप अनुप सुहाई ॥ अब प्रभु चरित सुनहु अति पावन । करत जे बन सुर नर मुनि भावन एक बार चुनि कुसुम सुहाए । निज कर भूषन राम बनाए ।। सीतिह पहिराए प्रभु सादर । बैठे फटिक सिला पर सुंदर ।। सुरपित सुत धिर बायस बेषा । सठ चाहत रघुपित बल देखा ।। जिमि पिपीलिका सागर थाहा । महा मंदमित पावन चाहा ।। सीता चरन चोंच हित भागा । मूढ़ मंदमित कारन कागा ।। चला रुधिर रघुनायक जाना । सींक धनुष सायक संधाना ।।

दो ०—अति ऋपाल रघुनायक सदा दीन पर नेह। ता सन आइ कीन्ह छलु मूरख अवगुन गेह॥१॥

मेरित मंत्र ब्रह्मसर धावा। चला भाजि वायस भय पावा।।
भिर निज रूप गयउ पितु पाहीं। राम विम्रुख राखा तेहि नाहीं।।
भा निरास उपजी मन त्रासा। जथा चक्र भय रिषि दुर्वासा।।
ब्रह्मधाम सिवपुर सब लोका। फिरा श्रमित व्याक्कलभय सोका।।
काहूँ बैठन कहा न ओही। राखि को सकई राम कर द्रोही।।
मातु मृत्यु पितु समन समाना। सुधा होई विष सुनु हरिजाना।।
मित्र करई सत रिपु के करनी। ता कहँ विबुधनदी बैतरनी।।
सब जगु ताहि अनलहु ते ताता। जो रघुवीर विमुख सुनु भ्राता।।
नारद देखा विकल जयंता। लागि दया कोमल चित संता।।
पठवा तुरत राम पहिं ताही। कहेसि पुकारि प्रनत हित पाही।।
आतुर समय गहेसि पद जाई। त्राहि त्राहि दयाल रघुराई।।
अतुलित बल अतुलित प्रभुताई। में मितमंद जानि नहिं पाई।।
निज कृत कृम जनित फल पायउँ। अव प्रभु पाहि सरन तिक आयउँ
सुनि कृपाल अति आरत वानी। एकनयन करि तजा भवानी।।

सो ०-कीन्ह मोह बस द्रोह जद्यपि तेहि कर बध उचित। प्रभु छाड़ेउ करि छोह को ऋपाल रघुवीर सम॥२॥

रघुपित चित्रक्ट बसि नाना । चरित किए श्रुति सुधा समाना॥
बहुरिराम अस मन अनुमाना । होइहि भीर सबिद मोहि जाना ॥
सकल ग्रुनिन्ह सन बिदा कराई। सीता सहित चले द्वौ भाई ॥
अत्रि के आश्रम जब प्रश्च गयऊ। सुनत महाग्रुनि हर्षित भयऊ॥
पुलकित गात अत्रि उठि धाए । देखि राग्च आतुर चिल आए ॥
करत दंडवत ग्रुनि उर लाए । प्रेम बारि द्वौ जन अन्हवाए ॥
देखि राम छबि नयन जुड़ाने । सादर निज आश्रम तब आने ॥
करि पूजा कि वचन सुहाए । दिए मुल फल प्रश्च मन भाए ॥

सो ०—प्रभु आसन आसीन भरि लोचन सोभा निरिख । मुनिबर परम प्रवीन जोरि पानि अस्तृति करत ॥ ३ ॥

छं ०—नमामि वत्सलं । ऋपालु शील भक्त कोमलं ॥ भजामि ते पदांवुजं । अकामिनां स्वधामदं ॥ निकाम सुंदरं । भवाम्बनाथ श्याम मंदरं ॥ कंज लोचनं । मदादि दोष मोचनं ॥ प्रफुल्ल विक्रमं । प्रभोऽश्रमेय वेभवं ॥ प्रलंब वाहु निषंग सायकं। घरं त्रिलोक नायकं॥ चाप वंश मंडनं । महेश चाप खंडनं ॥ दिनेश संत रंजन।सुरारि वृंद भंजनं॥ मुनींद्र मनोज वैरिं वंदितं। अजादि देव सेवितं॥ विशुद्ध बोध विग्रहं । समस्त दूषणापहं ॥

नमामि इंदिरा पतिं । सुखाकरं सतां गतिं ॥ भजे सशक्ति सानुजं । शची पति प्रियानुजं ॥ त्वदंघि मूल ये नराः। भजंति हीन मत्सराः॥ पतंति भवार्णवे । वितर्क वीचि नो संकुले ॥ विविक्त वासिनः सदा।भजंति मुक्तये मुदा॥ निरस्य इंद्रियादिकं। प्रयांति ते गतिं स्वकं॥ विभुं ॥ प्रभुं । निरीहमी**श्व**रं तमेकमद्भतं जगद्गुरुं च शाश्वतं। तुरीयमेव केवलं॥ भजामि भाव वल्लभं। कुयोगिनां सुदुर्लभं॥ स्वभक्त कल्प पादपं । समं सुसेव्यमन्वहं ॥ अनूप रूप भूपति । नतो ऽहमुर्विजा पति ॥ प्रसीद मे नमामि ते। पदाब्ज भक्ति देहि मे।। पठंति ये स्तवं इदं । नरादरेण ते पदं ॥ व्रजंति नात्र संशयं । त्वदीय भक्ति संयुताः ॥

दो०—विनती करि मुनि नाइ सिरु कह कर जोरि बहोरि।

चरन सरोरुह नाथ जिन कवहुँ तजै मिन मोरि॥ ४॥

अनुसुइया के पद गिह सीता। मिली बहोरि सुसील बिनीता।।
रिषिपतिनी मन सुख अधिकाई। आसिष देइ निकट बैठाई।।
दिब्य बसन भूपन पिहराए। जे नित नूतन अमल सुहाए।।
कह रिषिबध् सरस मृदु बानी। नारिधर्म कल्लु ब्याज बखानी।।
मातु पिता स्राता हितकारी। मितप्रद सब सुनु राजकुमारी।।
अमित दुनि भर्ता बयदेही। अधम सोनारि जो सेव न तेही।।
धीरज धर्म मित्र अरु नारी। आपद काल परिस्विअहिं चारी।।

खुद्ध रोगबस जड़ धनहीना । अंध बिधर क्रोधी अति दीना।।
ऐसेहु पति कर किएँ अपमाना । नारि पाव जमपुर दुख नाना ।।
एकइ धर्म एक ब्रत नेमा । कायँ बचन मन पति पद प्रेमा।।
जग पतिव्रता चारि बिधि अहहीं । बेद पुरान संत सब कहहीं ।।
उत्तम के अस बस मन माहीं । सपनेहुँ आन पुरुष जग नाहीं।।
मध्यम परपति देखइ कैसें । आता पिता पुत्र निज जैसें ।
धर्म बिचारि समुझि कुल रहई। सो निकिष्ट त्रिय श्रुति अस कहई
बिनु अवसर भय तें रह जोई । जानेहु अधम नारि जग सोई ।।
पति बंचक परपति रित करई। रौरव नरक कल्प सत परई ।।
छन सुख लागि जनम सत कोटी । दुख न समुझ तेहि सम को खोटी
बिनु अम नारि परम गति लहई। पतिव्रत धर्म छाड़ि छल गहई।।
पति प्रतिकूल जनम जहँ जाई। बिधवा होइ पाइ तरुनाई।।

सो०—सहज अपाविन नारि पित सेवत सुभ गित लहइ। जसु गावत श्रुति चारि अजहुँ तुलिसका हरिहि थ्रिय ॥५(क)॥ सुनु सीता तव नाम सुमिरि नारि पितन्ति करिहं। तोहि प्रानिष्रय राम कहिउँ कथा संसार हित ॥५(स)॥

सुनि जानकों परम सुखु पावा। सादर तासु चरन सिरु नावा।।
तब ग्रुनि सन कह कुपानिधाना। आयसु होइ जाउँ बन आना।।
संतत मो पर कुपा करेहू। सेवक जानि तजेहु जनि नेहू।।
धर्म धुरंधर प्रभु के बानी। सुनि सप्रेम बोले ग्रुनि ग्यानी।।
जासु कुपा अज सिव सनकादी। चहत सकल परमारथ बादी।।
ते तुम्ह राम अकाम पिआरे। दीन बंधु मृदु बचन उचारे।।

अब जानी मैं श्री चतुराई। मजी तुम्हिह सब देव बिहाई।। जेहि समान अतिसय निहं कोई। ता कर सील कस न अस होई।। केहि बिधि कहीं जाहु अब खामी। कहहु नाथ तुम्ह अंतरजामी।। अस किह प्रश्नु बिलोकि मुनि धीरा। लोचन जल बह पुलक सरीरा।।

छं०—तन पुलक निर्भर प्रेम पूरन नयन मुख पंकज दिए। मन ग्यान गुन गोतीत प्रभु मैं दीख जप तप का किए॥ जप जोग धर्म समूह तें नर भगति अनुपम पावई। रघुबीर चरित पुनीत निसि दिन दास तुलसी गावई॥

दो ०—कलिमल समन दमन मन राम सुजस सुखमूल। सादर सुनहिं जे तिन्ह पर राम रहहिं अनुकूल ॥६(क)॥

सो०—कठिन काल मल कोस धर्म न ग्यान न जोग जप। परिहरि सकल भरोस रामिह भजिहें ते चतुर नर ॥६(ख)॥

मुनि पद कमल नाइ करि सीसा । चले बनिह सुर नर मुनि ईसा ॥ आगें राम अनुज पुनि पालें । मुनि वर बेप बने अति कालें ॥ उभय बीच श्री सोहइ कैसी । ब्रह्म जीव बिच माया जैसी ॥ सिरता बन गिरि अवघट घाटा। पति पहिचानि देहिं बर बाटा ॥ जहुँ जहुँ जाहिं देव रघुराया । करिह मेघ तहुँ तहुँ नभ छाया ॥ मिला असुर बिराध मग जाता । आवतहीं रघुवीर निपाता ॥ सुरतिहं रुचिर रूप तेहिं पावा । देखि दुखी निज धाम पठावा॥ पुनि आए जहुँ मुनि सरमंगा । सुंदर अनुज जानकी संगा ॥

दो o – देखि राम मुख पंकज मुनिवर लोचन भृंग। सादर्र पान करत अति धन्य जन्म सरभंग॥ ७॥ कह मुनि सुनु रघुबीर कृपाला । संकर मानस राजमराला ॥ जात रहेउँ बिरंचि के धामा । सुनेउँ श्रवन बन ऐहिंहें रामा ॥ चितवत पंथ रहेउँ दिन राती । अब प्रभु देखि जुड़ानी छाती ॥ नाथ सकल साधन मैं हीना । कीन्ही कृपा जानि जन दीना ॥ सो कछ देव न मोहि निहोरा । निज पन राखे उ जन मन चोरा॥ तब लगि रहहु दीन हित लागी। जब लगि मिलों तुम्हहि तनु त्यागी जोग जम्य जप तप ब्रत कीन्हा । प्रभु कहँ देइ भगति बर लीन्हा ॥ एहि बिधि सर रचि मुनि सरभंगा । बेठे हृद्य छाड़ि सब संगा ॥

दो ०—सीता अनुज समेत प्रभु नील जलद तनु स्थाम । मम हियँ वसहु निरंतर सगुनरूप श्रीराम ॥ ८ ॥

अस किह जोग अगिनि तनु जारा। राम कृपाँ वैक्वंठ सिधारा।।
ताते मुनि हरि लीन न भयऊ। प्रथमिह भेद भगति बर लयऊ।।
रिषि निकाय मुनिबर गित देखी। सुखी भए निज हृद्यँ बिसेषी।।
अस्तुति करिह सकल मुनि बंदा। जयित प्रनत हित करुना कंदा।।
पुनि रघुनाथ चले बन आगे। मुनिबर बंद विपुल सँग लागे।।
अस्य समृह देखि रघुराया। पूछी मुनिन्ह लागि अति दाया।।
जानतहूँ पूछिअ कस खामी। सबदरसी तुम्ह अंतरजामी।।
निसिचर निकर सकल मुनि खाए। सुनि रघुबीर नयन जल छाए।।

**दो** ०—निसिचर हीन करउँ महि भुज उठाइ पन कीन्ह। सकल मुनिन्ह के आश्रमिन्ह जाइ जाइ सुख दीन्ह।। ९ ॥

मुनि अगस्ति कर सिष्य सुजाना । नाम सुतीछन रति भगवाना ॥ मन क्रम बचन राम पद सेवक । सपनेहुँ आन भरोस न देवक ॥

प्रभु आगवतु श्रवन सुनि पावा । करत मनोरथ आतुर भावा ।। हे विधि दीनबंधु रघुराया। मो से सठ पर करिहहिं दाया।। सहित अनुज मोहि राम गोसाई। मिलिहहिं निज सेवक की नाई।। मोरे जियँ भरोस दृढ नाहीं । भगति बिरति न ग्यान मन माहीं नहिं सतसंग जोग जप जागा । नहिं दृढ़ चरन कमल अनुरागा।। एक बानि करुनानिधान की । सो प्रिय जाकें गति न आन की।। होइहैं सुफल आजु मम लोचन । देखि बदन पंकज भव मोचन ।। निर्भर प्रेम मगन ग्रुनि ग्यानी। कहिन जाइ सो दसा भवानी।। दिसि अरु बिदिसि पंथ नहिं सुझा। को मैं चलेउँ कहाँ नहिं बुझा।। कबहुँक फिरि पाछें पुनि जाई। कबहुँक नृत्य करइ गुन गाई।। अबिरल प्रेम भगति मुनि पाई। प्रभु देखें तरु ओट लुकाई ॥ अतिसय प्रीति देखि रघुबीरा । प्रगटे हृद्यँ हरन भव भीरा ॥ म्रनि मग माझ अचल होइ बैसा। पुलक सरीर पनस फल जैसा ।। तब रघुनाथ निकट चलि आए। देखि दसा निज जन मन भाए।। म्रुनिहि राम बहु भाँति जगावा। जाग न ध्यान जनित सुख पावा।। भूप रूप तबै राम दुरावा। हृदयँ चतुर्भ्रज रूप देखावा।। म्रुनि अकुलाइ उठा तब कैसें। विकल हीन मनि फनिबर जैसें।। आगें देखि राम तन स्थामा । सीता अनुजसहित सुखधामा ।। परे लकुट इव चरनिह लागी। प्रेम मगन मुनिबर बड़भागी।। भुज बिसाल गहि लिए उठाई। परम प्रीति राखे उर लाई।। म्रनिहि मिलत अस सोह कृपाला। कनक तरुहि जनु भेंट तमाला।। राम बदर् बिलोक मुनि ठाड़ा। मानहुँ चित्र माझ लिखि काड़ा।।

दो ०—तब मुनि हृदयँ धीर धरि गहि पद बारहिं बार। निज आश्रम प्रभु आनि करि पूजा बिबिध प्रकार॥ १०॥

कह ग्रुनि प्रभु सुनु बिनती मोरी। अस्तुति करौं कवन बिधि तोरी॥ महिमा अमित मोरि मति थोरी । रवि सन्मुख खद्योत अँजोरी ।। क्याम तामरस दाम श्वरीरं । जटा मुकुट परिधन मुनिचीरं ।। पाणि चाप श्वर कटि तूणीरं। नौमि निरंतर श्रीरघुवीरं।। मोह विपिन घन दहन कुशातुः। संत सरोरुह कानन भातुः॥ निश्चिचर करि वरूथ मृगराजः। त्रातु सदा नो भव खग बाजः॥ अरुण नयन राजीव सुवेशं।सीता नयन चकोर निशेशं॥ हर हृदि मानस बाल मरालं। नौमि राम उर बाहु विशालं।। संग्रय सर्पे ग्रसन उरगादः । शमन सुकर्कश तर्के विषादः ॥ भव मंजन रंजन सुर यूथः।त्रातु सदा नो कृपा वरूथः॥ निर्गुण सगुण विषम सम रूपं। ज्ञान गिरा गोतीतमनूपं।। अमलमिखलमनवद्यमपारं । नौमि राम भंजन महि भारं।। भक्त कल्पपादप आरामः। तर्जन क्रोध लोभ मद कामः॥ अति नागर भव सागर सेतुः। त्रातु सदा दिनकर कुल केतुः॥ अतुलित भुज प्रताप बल धामः । कलि मल विपुल विमंजन नामः।। धर्म वर्म नर्मद गुण ग्रामः। संतत शं तनोतु मम रामः।। जदिप बिरज ब्यापक अबिनासी। सब के हृदयँ निरंतर बासी।। तदपि अनुज श्री सहित खरारी। बसतु मनसि मम काननचारी।। जे जानहिं ते जानहुँ स्वामी । सगुन अगुन उर अंतरजामी ॥ जोकोसल पति राजिव नयना। करउ सो राम हृदय मम अथना।।

अस अभिमान जाइ जिन भोरे। मैं सेनक रघुपति पति मोरे।!
सुनि मुनि बचन राम मन भाए। बहुरि हरिष मुनिबर उर लाए।।
परम प्रसन्न जानु मुनि मोही। जो बर मागहु देउँ सो तोही।।
मुनि कह मैं बर कबहुँ न जाचा। समुझि न परइ झूठ का साचा।।
तुम्हिह नीक लागै रघुराई। सो मोहि देहु दास सुखदाई।।
अबिरल भगति बिरति बिग्याना। होहु सकल गुन ग्यान निधाना।।
प्रभु जो दीन्ह सो बरु मैं पावा। अब सो देहु मोहि जो भावा।।

दो०—अनुज जानकी सिहत प्रभु चाप बान धर राम । मम हिय गगन इंदु इव बसहु सदा निहकाम ॥ ११॥

एवमन्तु किर रमानिवासा। हरिष चले कुंभज रिषि पासा।। बहुत दिवस गुर दरसनु पाएँ। भए मोहि एहिं आश्रम आएँ।। अब प्रश्च संग जाउँ गुर पाहीं। तुम्ह कहँ नाथ निहोरा नाहीं।। देखि कृपानिधि मुनि चतुराई। लिए संग विहसे हों भाई।। पंथ कहत निज भगति अन्पा। मुनि आश्रम पहुँचे सुरभूपा।। तुरत सुतीछन गुर पिहं गयऊ। किर दंडवत कहत अस भयऊ।। नाथ कोसलाधीस कुमारा। आए मिलन जगत आधारा।। राम अनुज समेत बेंदेही। निसि दिनु देव जपत हहु जेही।। सुनत अगस्ति तुरत उठि धाए। हिर विलोकि लोचन जल छाए।। मुनि पद कमल परे हो भाई। रिषि अति प्रीति लिए उर लाई।। सादर कुसल पूछि मुनि ग्यानी। आसन बर बेंठारे आनी।। पुनि किर बहु प्रकार प्रश्च पूजा। मोहि सम भाग्यवंत निहं दूजा।। जहँ लिंग रहे अपर मुनि चंदा। हरषे सब बिलोकि सुस्तकंदा।।

दो ०-मुनि समूह महँ बैठे सन्मुख सब की ओर। सरद इंदु तन चितवत मानहुँ निकर चकोर॥ १२॥

तव रघुवीर कहा भुनि पाहीं। तुम्हसन प्रभुदुराव कछ नाहीं।। तुम्ह जानहु जेहि कारन आयउँ। ताते तात न कहि समुझायउँ॥ अब सो मंत्र देह प्रभु मोही । जेहि प्रकार मारी मुनिद्रोही ॥ मुनि मुसुकाने सुनि प्रभु वानी । पृछेहु नाथ मोहि का जानी ॥ तुम्हरेईँ भजन प्रभाव अघारी । जानउँमहिमा कछुक तुम्हारी ॥ ऊमरि तरु विसाल तव माया। फल ब्रह्मांड अनेक निकाया।। जीव चराचर जंत समाना । भीतर बसहिं न जानहिं आना ॥ ते फल भच्छक कठिन कराला। तव भयँ डरत सदा सोउ काला।। तेतुम्ह सकल लोकपित साइ। पूँछेहु मोहि मनुज की नाईं।। यह वर मागउँ कृपानिकेता। बसह हृद्यँ श्री अनुज समेता।। अबिरल भगति बिरति सतसंगा। चरन सरोरुह शीति अभंगा ॥ जद्यपि ब्रह्म अखंड अनंता। अनुभव गम्य भजहिं जेहि संता।। अस तव रूप बखानउँ जानउँ। फिरि फिरि सगुन ब्रह्म रति मानउँ संतत दासन्ह देडु बड़ाई। तातें मोहि पूछेहु रघुराई॥ है प्रभु परम मनोहर ठाऊँ। पावन पंचवटीं तेहि नाऊँ॥ दंडक बन पुनीत प्रभु करहू। उग्र साप मुनिबर कर हरहू।। बास करह तहँ रघुकुल राया । कीजे सकल मुनिन्ह पर दाया ॥ चले राम म्रुनि आयस पाई। तुरतिहं पंचबटी निअराई।।

दो ०--गीधराज सें भेंट भइ बहु बिधि प्रीति वदाइ। गोदावरी निकट प्रभु रहे परन गृह छाइ॥ १३॥ जब ते राम कीन्ह तहँ बासा। सुखी भए सुनि बीती त्रासा।।
गिरि बन नदीं ताल छिब छाए। दिन दिन प्रति अति होहिं सुहाए
खग मृग बृंद अनंदित रहहीं। मधुर मधुप गुंजत छिब लहहीं।।
सो बन बरनिन सक अहिराजा। जहाँ प्रगट रघुबीर बिराजा।।
एक बार प्रश्च सुख आसीना। लिछमन बचन कहे छलहीना।।
सुर नर सुनि सचराचर साईं। मैं पूछउँ निज प्रश्च की नाई।।
मोहि समुझाइ कहहु सोई देवा। सब तिज करौं चरन रज सेवा।।
कहहु ग्यान बिराग अरु माया। कहहु सो भगति करहु जेहिं दाया

दो ०-ईस्वर जीव भेद प्रभु सकल कहाँ समुझाइ। जातें होइ चरन रति सोक मोह भ्रम जाइ॥१४॥

थोरेहि महँ सब कहउँ बुझाई। सुनहु तात मित मन चित लाई।।
मैं अरु मोर तोर तें माया। जेहिं बस कीन्हे जीव निकाया।।
गो गोचर जहँ लिग मन जाई। सो सब माया जाने हु भाई।।
तेहि कर भेद सुनहु तुम्ह सोऊ। बिद्या अपर अबिद्या दोऊ।।
एक दुष्ट अतिसय दुखरूपा। जा बस जीव परा भवकूपा।।
एक रचइ जम्ह्युन बस जाकें। प्रभु प्रेरित निहं निज बल ताकें।।
ग्यान मान जहँ एक उनाहीं। देख ब्रह्म समान सब माहीं।।
कहिअ तात सो परम बिरागी। तुन सम सिद्धि तीनि गुन त्यागी

दो ०--माया ईस न आपु कहुँ जान कहिअ सो जीव।

बंध मोच्छ प्रद सर्वपर माया प्रेरक सीव ॥ १५ ॥ धर्म तें बिरति जोग तें ग्याना । ग्यान मोच्छप्रद बेद बखाना ।। जातें बेंगि द्रवउँ मैं भाई । सो मम भगति भगत सुखदाई ॥ सो सुतंत्र अवलंब न आना । तेहि आधीन ग्यान बिग्याना ॥
भगति तात अनुपम सुखमूला । मिलइ जो संत हो इँ अनुकूला ॥
भगति कि साधन कह उँ बखानी । सुगम पंथ मोहि पावहिं प्रानी ॥
प्रथमहिं बिप्र चरन अति प्रीती । निज निज कमें निरत श्रुति रीती॥
एहि कर फल पुनि विपय विरागा। तब मम धर्म उपज अनुरागा ॥
श्रवनादिक नव भक्ति दढ़ाहीं । मम लीला रति श्रति मन माहीं॥
संत चरन पंकज अति ग्रेमा । मन क्रम बचन भजन दढ़ नेमा॥
गुरु पितु मातु बंधु पित देवा । सब मोहि कहँ जान दढ़ सेवा ॥
मम गुन गावत पुलक सरीरा। गदगद गिरा नयन वह नीरा ॥
काम आदि मद दंम न जाकें। तात निरंतर वस में ताकें ॥

दो ०- बचन कर्म मन मोरि गति भजनु करहिं निःकाम।

तिन्ह के हृदय कमल महुँ करउँ सदा बिश्राम ॥ १६॥

भगित जोग सुनि अति सुख पावा । छिछमन प्रभु चरनिह सिरु नावा एहि विधि गए कछुक दिन बीती । कहत बिरागण्यान गुन नीती।। स्पनत्वा रावन के बहिनी । दुष्ट हृद्य दारुन जस अहिनी।। पंचबटी सो गइ एक बारा। देखि विकल भइ जुगल कुमारा।। श्राता पिता पुत्र उरगारी । पुरुष मनोहर निरखत नारी ।। होई बिकल सक मनहि न रोकी । जिमि रिबमिन द्रव रिबहि बिलोकी रुचिर रूप धरि प्रसु पिह जाई । बोली बचन बहुत सुमुकाई ॥ तुम्ह सम पुरुष न मो सम नारी । यह मँ जोग निधि रचा बिचारी।। मम अनुरूप पुरुष जग माहीं । देखेउँ खोजि लोक तिहु नाहीं ॥ तार्ते अब लिग रहिउँ कुमारी । मनु माना कछु तुम्हिं निहारी॥ सीतिह चितइ कही प्रभ्र बाता। अहइ कुआर मोर लघु आता।।
गइ लिखमन रिपु भिगनी जानी। प्रभ्र बिलोकि बोले मृदु बानी।।
सुंदरि सुनु में उन्ह कर दासा। पराधीन निहं तोर सुपासा।।
प्रभ्र समर्थ कोसलपुर राजा। जो कल्ल करिह उनिह सब लाजा।।
सेवक सुख चह मान भिखारी। न्यसनी धन सुभ गति विभिचारी
लोभी जसु चह चार गुमानी। नभ दुहि द्ध चहत ए प्रानी।।
पुनि फिरि राम निकट सो आई। प्रभ्र लिलमन पिह बहुरि पठाई।।
लिखमन कहा तोहि सो बरई। जो उन तोरि लाज परिहरई।।
तब खिसिआ।नि राम पिह गई। रूप भगंकर प्रगटत भई।।
सीतिह सभय देख रघुराई। कहा अनुज सन सयन बुझाई।।

दो ०—लिछमन अति लाघवँ सो नाक कान थिनु कीन्हि।

ताके कर रायन कहँ मनी चुनौती दोन्हि॥ १७॥

नाक कान बितु भइ विकरारा। जतु सब सेल गेरु के धारा।। खर दूषत पिह गई विलयाता । धिग धिग तब पौरुष वल आता।। तेहिं पूछा सब कहेसि बुझाई। जातुधान सुनि सेन बनाई।। धाए निसिचेर निकर वरूथा। जतु सपच्छ कजल गिरि जूथा।। नाना बाहन नानाकारा। नानायुध धर घोर अपारा।। स्पनखा आगें करि लीनी। असुभ रूप श्रुति नासा हीनी।। असुगुन अमित होहिं भयकारी। गनहिं न मृत्यु विवस सब झारी।। गर्जीहं तर्जीहं गगन उड़ाही। देखि कटकु भट अति हरषाहीं।। कोउ कह जिअत धरहु हो भाई। धरि मारहु निय लेहु छड़ाई।। धृरि पूरि नभ मंडल रहा। राम बोलाइ अनुज सन कहा।।

लैं जानकिहि जाहु गिरि कंदर। आवा निसिचरकटकु भयंकर।। रहेहु सजग सुनि प्रभुकें बानी। चले सहित श्री सर धनु पानी।। देखि राम रिपुदल चलि आवा। बिहसि कठिन कोदंड चढ़ावा।।

छं०—कोदंड कठिन चढ़ाइ सिर जट जूट बाँघत सोह क्यों। मरकत सयल पर लरत दामिनि कोटि सों जुग भुजग ज्यों॥ कटि किस निषंग विसाल भुज गहि चाप विसिख सुधारि कै। चितवत मनहुँ मृगराज प्रभु गजराज घटा निहारि के॥

सो ०—आइ गए वगमेल धरहु धरहु धावत सुभट। जथा बिलोकि अकेल वाल रबिहि घेरत दनुज ॥ १८॥

प्रश्च विलोकि सर सकहिं न डारी। थिकित भई रजनी चर धारी।। सिचव बोलि बाले खर द्वन। यह कोड नृपवालक नर भूवन।। नाग असुर सुर नर भुनि जेते। देखे जिने हते हम केते।। हम भिर जन्म सुनहु सब भाई। देखी निहं असि सुंदरताई।। जधिप भिग्नी कीन्हि कुरूप। वध लायक निहं पुरुष अनुपा।। देहु तुरत निज नारि दुराई। जीअत भवन जाहु दो भाई।। मोर कहा तुम्ह वाहि सुनावहु। वासु वचन सुनि आतुर आवहु॥ द्वन्ह कहा राम सन जाई। सुनत राम बोले भुसकाई।। हम छत्री मृगया बन करहीं। तुम्ह सेखल मृग खोजत फिरहीं॥ रिपु बलवंत देखि निहं डरहीं। एक बार कालहु सन लरहीं।। जधिप मनुजदनुज कुल घालक। सुनि पालक खल मालक बालक जों न होइ बल घर फिरि जाहू। समर विमुख मैं हनउँ न काहू॥ रन चिह करिअ कपट चतुराई। रिपु पर कुपा परम कदराई॥

## द्तन्ह जाइतुरत सब कहेऊ । सुनि खर द्षन उर अति दहेऊ ।।

- छं०—उर दहेउ कहेउ कि धरहु धाए बिकट भट रजनीचरा । सर चाप तोमर सक्ति सूल ऋपान परिघ परसु धरा ॥ प्रभु कीन्हि धनुष टकोर प्रथम कठोर घोर भयावहा । भए विधिर च्याकुल जातुधान न ग्यान तेहि अवसर रहा ॥
- दो०—सावधान होइ घाए जानि सबल आराति। लागे वरषन राम पर अस्व सस्व बहुभाँति॥ १९ (क)॥ तिन्ह के आयुध तिल सम करि काटे रयुबीर। तानि सरासन थ्रवन लगि पुनि छोंड़े निज तीर्॥ १९ (स्व)॥
- छं०—तब ५७ वान कराल । फुंकरत जनु बहु ब्याल ॥ कोपेड समर श्रीराम । चले विसिख निसित निकाम ॥ अवलोकि खरतर तीर । मुरि चले निसिचर बोर ॥ भए कुद्ध तीनिड भाइ । जो भागि रन ते जाइ ॥ तेहि बधव हम निज पानि । फिरे मरन मन महुं ठानि ॥ आयुध ू अनेक प्रकार । सनमुख ते करहिं प्रहार ॥ रिपु परम कोपे जानि । प्रभु धनुष सर संधानि ॥ छाँड़े बिपुल नाराच । लगे कटन बिकट पिसाच ॥ उर सीस भुज कर चरन । जहँ तहँ लगे महि परन ॥ चिकरत लागत बान । धर परत कुधर समान ॥ भट कटत तन सत खंड । पुनि उठत करि पापंड ॥ नम उड़त बहु भुज मुंड । बिनु मौलि धावत रुंड ॥ स्वग कंक काक स्रगाल । कटकटिहें कठिन कराल ॥

छं०-कटकटिहं जंबुक भूत प्रेत पिसाच खर्पर संचहीं। वेताल बीर कपाल ताल बजाइ जोगिनि नंचहीं॥ रघुबीर बान प्रचंड खंडिह भटन्ह के उर भुज सिरा । जहँ तहँ परहिं उठि लरहिं घर घरु घरु करहिं भयकर गिरा॥ अंतावरीं गहि उड़त गीध पिसाच कर गहि धावहीं। संप्राम पुर वासी मनहुँ वहु बाल गुड़ी उड़ावहीं॥ मारे पछारे उर विदारे बिपुल भट कहँरत परे। अवलोकि निज दल बिकल भट तिसिरादि खरदूपन फिरे॥ सर सक्ति तोमर परमु सूल ऋपान एकहि बारहीं। करि कोप श्रीरघुबीर पर अगनित निसाचर डारहीं॥ प्रभु निर्मिप महुँ रिप् सर निवारि पचारि डारे सायका । दस दस विसिख उर माझ मारे सकल निसिचर नायका ॥ महि परत उठि भट भिरत मरत न करत माया अति घनी। मुर डरत चौदह सहस्र प्रेत त्रिलोिक एक अवध धर्मा ॥ सुर मुनि सभय प्रभ् देखि मायानाथ अति कौत्क करयो । देखिहं परसपर राम करि संयाम रिपुदल लिर मर**ो।।** 

दो ०—राम राम किह तनु तजिहें पाविहें पद निर्वान । किर उपाय रिपु मारे छन महुँ कृपानिधान ॥ २०(क)॥ हरपित वरषिहें सुमन सुर बाजिहें गगन निसान । अस्तुति किर किर सब चले सोभित विविध विमान ॥२०(स)॥

जब रघुनाथ समर रिपु जीते । सुर नर म्रुनि सब के भय बीते ।। तब लिखमन सीतिह ले आए। प्रभु पद परत हरिष उर लाए ।। सीता वितव स्थाम मृदु गाता । परम प्रेम लोचन न अघाता ।। पंचवटीं बसि श्रीरघुनायक । करत चरित सुर मुनि सुख दायक।। घुआँ देखि खर द्वन केरा ! जाइ सुपनखाँ रावन प्रेरा !! बोली बचन क्रोध करि भारी । देस क्रोस के सुरति बिसारी !! करिस पान सावसि दिनु राती । सुधि निहं तव सिर पर आराती।। राज नीति बिनु धन बिनु धर्मा । हरिहि समर्पे बिनु सतकर्मी !! बिद्या बिनु बिबेक उपजाएँ । श्रम फल पढ़ें किएँ अरु पाएँ !! संग तें जती कुमंत्र ते राजा । मान ते ग्यान पान तें लाजा !! प्रीति प्रनय बिनु मद ते गुनी । नासहिं बेगि नीति अस सुनी।।

सो ०-रिपुरुज पावक पाप प्रभु अहि गनिअ न छोट करि । अस किह बिविध बिलाप किर लागी रोदन करन ॥२१(क)॥ दो ०-सभा माझ परि ब्याकुल बहु प्रकार कह रोइ । तोहि जिअत दसकंघर मोरि कि असि गति होइ ॥२१(ख)॥

सुनत सभासद उठे अकुलाई । समुझाई गहि बाँह उठाई ॥
कह लंकेस कहिस निज बाता । के इँ तत्र नासा कान निपाता ॥
अवध नृपति दुसरथ के जाए । पुरुष सिंघ बन खेलन आए ॥
समुझि परी मोहि उन्ह के करनी । रहित निसाचर करिहिंह धरनी॥
जिन्ह कर भुजबल पाइदसानन । अभय भए बिचरत मुनि कानन॥
देखत बालक काल समाना । परम धीर धन्त्री गुन नाना ॥
अतुलित बल प्रताप द्वी आता । खल बध रत सुर मुनि सुखदाता॥
सोभा धाम राम अम नामा । तिन्ह के संग नारि एक खामा॥
रूप रासि विधि नारि सँवारी । रित सत कोटि तासु बलिहारी॥
तासु अनुज काटे श्रुति नासा । सुनि तब भगिनि करिंह परिहासा

खर दूषन सुनि लगे पुकारा । छन महुँ सकल कटक उन्ह मारा॥ खर दूषन तिसिरा कर घाता । सुनि दससीस जरे सब गाता॥

दोo—सूपनखिह समुझाइ करि बल बोलेसि बहु भाँति। गयउ भवन अति सोचबस नीद परइ निह राति॥ २२॥

सुर नर असुर नाग खग माहीं। मोरे अनुचर कहें को उनाहीं।।
खर दूषन मोहि सम बलवंता। तिन्हिह को मारह बिनु भगवंता।।
सुर रंजन मंजन मिह भारा। जो भगवंत लीन्ह अवतारा।।
तो में जाइ बैरु हिठ करऊँ। प्रभ्न सर प्रान तर्जे भव तरऊँ।।
होइहि भजनु न तामस देहा। मन क्रम बचन मंत्र दृढ़ एहा।।
जो नरहरप भूपसुत कोऊ। हरिहउँ नारि जीति रन दोऊ।।
चला अकेल जान चिढ़ नहवाँ। बम मारीच सिंघु तट जहवाँ।।
इहाँ राम जिम जुमुति बनाई। सुनहु उमा सो कथा सुहाई।।

दो०—लिछिमन गए बनिहें जब लेन मूल फल कंद। जनकसुता सन बोले बिहिस कृपा सुख बृन्द॥ २३॥

सुनहु प्रियात्रत रुचिर सुसीला। मैं कछु करिब लिख नर लीला।।
तुम्ह पावक महुँ करहु निवासा। जौ लिग करौं निस।चर नासा।।
जबहिं राम सब कहा बखानी। प्रश्च पद धिर हियँ अनल समानी
निज प्रतिबिंब राखि तहँ सीता। तैमइ सील रूप सुबिनीता।।
लिछ मनहूँ यह मरशु न जाना। जो कछु चरित रचा भगवाना।।
दससुख गयउ जहाँ मारीचा। नाइ माथ खारथ रत नीचा।।
नवनि नीच कै अति दुखदाई। जिमि अंकुस धनु उरग बिलाई।।
भयदायक खल कै प्रिय बानी। जिमि अकाल के कुसुम भवानी।।

दो•-करि पूजा मारीच तब सादर पूछी बात। कवन हेतु मन भ्यम अति अकसर आयह तात॥२४॥

दसमुख सकल कथा तेहि आगें । कही सहित अभिमान अभागें।। होहु कपट मृग तुम्ह छलकारी । जेहि विधि हरि आनौं नृपनारी।। तेहि पुनि कहा सुनहु दमसीसा। ते नररूप चराचर ईसा ।। तासों तात वयरु नहिं कीजैं । मारें मिरें अ जिआए जीजैं ।। मुनि मख राखन गयं कुमारा । विनु फर सर रघुपति मोहि मारा सत जोजन आयउँ छन माहीं । तिन्ह सन वयरु किएँ भल नाहीं भई मम कीट भृंग की नाई । जहँ तहँ मैं देखउँ दोउ भाई ।। जौं नर तात तदि अति सुरा । तिन्हहि विरोधि न आइहि पूरा।।

दो ०—जेहिं ताड़का सुबाहु हित खंडेउ हर कोदंड। खर दूषन तिसिरा बधेउ मनुज कि अस वरिबंड॥२५॥

जाहु भवन कुल कुसल विचारी। सुनत जरा दीन्हिसि बहु गारी।।
गुरु जिमि मृद करिस मम बोधा । कहु जग मोहि समान को जोधा
तब मारीच हृद्यँ अनुमाना । नविह विरोधे नहिं कल्याना ।।
सस्त्री मर्मी प्रभु सठ धनी । बैद बंदि किब भानस गुनी।।
उभय भाँति देखा निज मरना । तब ताकिसि रघुनायक सरना।।
उतरु देत मोहि बधव अभागें । कस न मरौं रघुपति सर्लागें ।।
अस जिय जानि दसानन संगा । चला राम पद प्रेम अभंगा ।।
मन अति हरप जनाव न तेही । आजु देखिहउँ परम सनेही ।।

छं०—निज, परम प्रीतम देखि लोचन सुफल करि सुख पाइहौं। श्री सहित अनुज समेत ऋपानिकेत पद मन लाइहौं॥ निर्बोन दायक कोभ जा कर भगति अवसिंह बसकरी। निज पानि सर संघानि सो मोहि बभिहि सुखसागर हरी॥

दो०—मम पाछे घर घावत घरें सरासन वान। क्रिरि किरि प्रभुहि विलोकिहउँ घन्य न मो सम आन॥ २६॥

तेहि बन निकट दमानन गयऊ । तव मारीच कपटमृग भयऊ ।। अति विचित्र कछ बरनि न जाई। कनक देह मनि रचित वनाई।। सीता परम रुचिर मृग देखा । अंग अंग सुमनोहर बेषा ॥ सुनह देव रघुवीर कुपाला । एहि मृग कर अति सुंदर छाला।। सत्यसंध प्रभु विध करि एही । आनहु चर्म कहति वैदेही ॥ तब रघुपति जानत सब कारन । उठे हरपि सुर काजु सँवारन ।। मृग विलोकि कटि परिकर बाँधा । करतल चाप रुचिर सर साँधा।। प्रभु लिखमनिह कहा समुझाई। फिरत विपिन निसिचर बहु भाई सीता केरि करेहु रखवारी । बुधि विवेक वल समय विचारी ।। प्रश्रुहि विलोकि चला मृगभाजी। धाए रामु सरासन साजी ॥ निगम नेति सिव ध्यान न पात्रा । मायामृग पाछे सो धावा ।। कबहुँ निकट पुनि द्रि पराई । कबहुँक प्रगटइ कबहुँ छपाई ॥ प्रगटत दुरत करत छल भूरी । एहि बिधि प्रश्रुहि गयउ लैं दूरी।। तब तिक राम कठिन सर मारा । धरनि परेउ करि घोर प्रकारा ॥ लिखमन कर प्रथमिं लै नामा। पाछें सुमिरेसि मन महुँ रामा।। प्रान तजत प्रगटेसि निज देहा ! सुमिरेसि राम्न समेत सनेहा ।। अंवर प्रेम वासु पहिचाना । सुनि दुर्लभ गति दीन्हि सुजाना ॥

दो ०—बिपुल सुमन सुर बरषि गाविह प्रभु गुन नाथ। निज पद दीन्ह असुर कहुँ दीनवंधु रघुनाथ॥२७॥

खल बिध तुरत फिरे रघुबीरा । सोह चाप कर किट तूनीरा ।। आरत गिरा सुनी जब सीता । कहल्छिमन सन परम सभीता।। जाहु बेगि संकट अति भ्राता । लिछमन बिहसि कहा सुनु माता भृकृटि बिलास सृष्टि लय होई। सपनेहुँ संकट परइ कि सोई।। मरम बचन सीता जब बोला । हिंग् प्रेरित लिखमन मन डोला।। बन दिसि देव सौंपि सब काहू। चले जहाँ रावन ससि राहू।। स्न बीच दसकंधर देखा। आवा निकट जती कें बेषा।। जाकें डर सुर असुर डेराहीं । निसिन नीद दिन अन्न न खाहीं।। सो दससीस खान की नाईं। इत उत चितर चला भिंदहाईं।। इमि क्रपंथ पग देत खगेसा। रह न तेज तन बुधि बल लेसा।। नाना विधि करि कथा सुहाई । राजनीति भय प्रीति देखाई ॥ कह सीता सुनु जती गोसाईं। बोलेहु बचन दृष्ट की नाईं।। तब रावन निज रूप देखावा । भई सभय जब नाम सुनावा ।। कह सीता धिर्धिरजु गाढ़ा । आइ गयउ प्रभु रहु खल ठाढ़ा ॥ जिमि हरिबधुहि छुद्र सस चाहा । भएसि कालबस निसिचर नाहा सुनत बचन दससीस रिसाना । मन महुँ चरन बंदि सुख माना ॥

दो ०—क्रोधवंत तब रावन लीन्हिसि रथ बैठाइ। चला गगनपथ आतुर भयँ रथ हाँकि न जाइ॥२८॥

हा जग एक बीर रघुराया। केहिं अपराध विसारेहु दाया।। आरति हरन सरन सुखदायक। हा रघुकुल सरोज दिननायक।। हा लक्षिमन तुम्हार नहिं दोसा । सो फल्ल पायउँ कीन्हेउँ रोसा।। विविध विलाप करति वैदेही। भृरि कृपा प्रभ्न द्रि सनेही।। बिपति मोरि को प्रभुहि सुनावा । पुरोडास चह रासभ खावा ॥ सीता के विलाप सुनि भारी। भए चराचर जीव दुखारी।। गीधराज सुनि आग्त बानी। ग्युक्लतिलकनारि पहिचानी।। अधम निसाचर लीन्हें जाई । जिमि मलेख बस कपिला गाई।। सीते पुत्रि करिस जनि त्रासा । करिहउँ जातुधान कर नासा ॥ धावा क्रोधवंत खग कैसें। छटइ पिन परवत कहुँ जैसें।। रे रे दृष्ट ठाद किन होही । निर्भय चलेसि न जानेहि मोही ॥ आवत देखि कृतांत समाना । फिरि दसकंधर कर अनुमाना ॥ की मैनाक कि खगपति होई। मम वल जान सहित पति सोई। जाना जरठ जटायू एहा । मम कर तीरथ छाँडिहि देहा ॥ सुनत गीध क्रोधातुर धावा । कह सुनु रावन मोर सिखावा ॥ तजि जानकिहि कुसल गृह जाहू । नाहित अस होइहि बहुबाहू ।। राम रोष पावक अति घोरा । हो इहि मकल सलभ कल तोरा ॥ उत्तरु न देत दसानन जोधा। तबहिं गीध धावा करि क्रोधा।। धरि कच बिरथ कीन्ह महि गिरा । सीतहि राखि गीध पुनि फिरा।। चोचन्ह मारि बिदारेसि देही। दंड एक भइ ग्रुरुछा तेही।। तब सक्रोध निसिचर खिसिआना । काढेसि परम कराल कृपाना।। काटेसि पंख परा खग धरनी । सुमिरि राम करि अद्भुत करनी।। सीतहि जान चढ़ाइ बहोरी । चला उताइल त्रास न थोरी ॥ करति बिलाप जाति नभ सीता । ब्याध बिबस जनु मृगी सभीता।।

## गिरि पर बैठे किपन्ह निहारी । किह हिर नाम दीन्ह पट बारी।। एहि बिधि सीतिह सो लैगयऊ। बन असोक महँ राखत भयऊ।।

दो०—हारि परा खल बहु त्रिधि भय अरु प्रीति देखाइ। तत्र असोक पादप तर राखिसि जतन कराइ॥२९(क)॥

## नवाह्नपारायण, छठा विश्राम

जेहि बिधि कपट कुरंग सँग घाइ चले श्रीराम। सो छिव सीना राखि उर स्टित सहित हरिनाम ॥२९(ख)॥

रघुपति अनुजिह आवत देखी । वाहिज निंता कीन्हि विसेषी॥ जनकमुना परिहरिह अकेली । आयह तात बचन मम पेली ॥ निसचर निकर फिरिह बन माहीं । सम मन सीता आश्रम नाहीं ॥ गहि पद कसल अनुज कर जोरी । कहे उनाथ कछ मोहि न खोरी॥ अनुज समेत गए श्रम्च तहवाँ। गोदाविर तट आश्रम जहवाँ॥ आश्रम देखि जानकी हीना । भए विकल जस प्राकृत दीना॥ हा गुन खानि जानकी सीता । रूप सील बत नेम पुनीता ॥ लिछ मन समुझाए बहु भाँती । पूछत चले लता तरु पाँती ॥ खंजन सुक कपोत मृग मीना । मधुप निकर कोकिला प्रवीना॥ खंजन सुक कपोत मृग मीना । मधुप निकर कोकिला प्रवीना॥ कुंद कली दाड़िम दामिनी । कमल सरद सिस अहिभायिनी॥ करन पास मनोज धनु हंसा । गज केहिर निज सुनत प्रसंसा॥ श्रीफल कृनक कदलि हरपाहीं । नेकु न संक सकुच मन माहीं॥ सुनु जानकी तोहि विनु आजू । हरषे सकल पाइ जनु राजू ॥

किमि सहि जात अनख तोहि पाहीं। प्रिया बेगि प्रगटिस कस नाहीं एहि बिधि खोजत बिलपत खामी। मनहुँ महा बिरही अति कामी।। पूरनकाम राम सुख रासी। मनुज चरित कर अज अबिनासी।। आगें परा गीधपति देखा। सुमिरत राम चरन जिन्ह रेखा।।

दो०—कर सरोज सिर परसेउ क्रपासिंघु रघुबीर। निरित्व राम छिब धाम मुख बिगत भई सब पीर ॥ ३०॥

तब कह गीध बचन धरि धीरा। सुनहु राम भंजन भव भीरा।।
नाथ दसानन यह गति कीन्ही। तेहिं खल जनकसुता हरि लीन्ही
लैंदिन्छन दिसि गयउ गोसाई। विठ्यति अति कुररी की नाई।।
दरस लागि प्रभु राखेउँ प्राना। चलन चहत अब कुपानिधाना।।
राम कहा तनु राखहु ताता। मुख मुसुकाइ कही तेहिं बाता।।
जा कर नाम मरत मुख आवा। अधमउ मुकुत होइ श्रुति गावा।।
सो मम लोचन गोचर आगे। राखों देह नाथ केहि खाँगे।।
जल भरिनयन कहिं रघुराई। तात कम निज तें गति पाई।।
परिहत बस जिन्ह के मन माहीं। तिन्ह कहुँ जग दुर्लभ कछु नाहीं
तनु तजितात जाहु मभ धामा। देउँ काह तुम्ह पूरनकामा।।

दो०—सीता हरन तात जिन कहहु पिता सन जाइ।
जों में राम त कुल सहित कहिहि दसानन आइ॥ २१॥
गीध देह तिज धिर हिर रूपा। भृषन बहु पट पीत अनुपा॥
स्थाम गात विपाल भुज चारी। अस्तुति करत नयन भिर बारी॥
छं०—जय राम रूप अनुप निर्मुन सगुन गुन प्रेरक सही।

-जय राम रूप अनूप निगुन संगुन गुन प्ररक्त सहा । दससीस बाहु प्रचंड खंडन चंड सर मंडन मही ॥ पाथोद गात सरोज मुख राजीव आयत होचनं।
नित नौमि रामु कृपाल बाहु बिसाल भव भय मोचनं॥ १॥
बलमप्रमेयमनादिमजमन्यक्तमेकमगोचरं।
गोबिंद गोपर द्वंद्वहर बिग्यानघन घरनीघरं॥
जे राम मंत्र जपंत संत अनंत जन मन रंजनं।
नित नौमि राम अकाम प्रिय कामादि खल दल गंजनं॥ २॥
जेहि श्रुति निरंजन बहा न्यापक बिरज अज किह गावहीं।
किरि ध्यान ग्यान बिराग जोग अनेक मुनि जेहि पावहीं॥
सो प्रगट करुना कंद सोभा बृंद अग जग मोहई।
मम हृदय पंकज भृंग अंग अनंग बहु छिब सोहई॥ ३॥
जो अगम सुगम सुभाव निर्मल असम सम सीतल सदा।
पस्यंति जं जोगी जतन किर करत मन गो बस सदा॥
सो राम रमा निवास संतत दास बस त्रिभुवन धनो।
मम उर बसउ सो समन संस्रित जासु कीरित पावनी॥ ४॥

दो०-अबिरल भगित मागि वर गीध गयउ हरिधाम।

तेहि की किया जथोचित निज कर कीन्ही राम॥ ३२॥
कोमल चित अति दीनदयाला। कारन बिनु रघुनाथ कुपाला।।
गीध अधम खग आमिष भोगी। गति दीन्ही जो जाचत जोगी।।
सुनहु उमा ते लोग अभागी हिर तिज्ञ हो हैं बिषय अनुरागी।।
पुनि सीतहि खोजत हो भाई। चले बिलोकत बन बहुताई।।
संकुल लुता बिटप घन कानन बहु खग मृग तहें गज पंचानन।।
आवत पंथ कबंध निपाता। तेहिं सब कही साप के बाता।।

दुरवासा मोहि दीन्ही सापा। प्रभु पद पेखि मिटा सो पापा।।
सुनु गंधर्व कहउँ मैं तोही। मोहि न सोहाइ ब्रह्मकुल द्रोही।।

दो ०-मन क्रम बचन कपट तिज जो कर भूसुर सेव।

मोहि समेत विरंचि सिव बस ताकें सब देव ॥ ३३ ॥ सापत ताइत परुष कहंता। बिप्न पूज्य अस गावहिं संता ॥ पूजिअ बिप्न सील गुन हीना। सद्रन गुन गन ग्यान प्रबीना ॥ कहि निज धर्म ताहि समुझावा। निज पद प्रीति देखि मन भावा ॥ रघुपति चरन कमल सिरु नाई। गयउ गगन आपनि गति पाई॥ ताहि देई गति राम उदारा। सबरी कें आश्रम पगु धारा॥ सबरी देखि राम गृहँ आए। मुनि के बचन समुझि जियँ भाए॥ सरसिज लोचन बाहु विसाला। जटा मुकुट सिर उर बनमाला॥ स्याम गौर सुंदर दोउ भाई। सबरी परी चरन लपटाई॥ प्रेम मगन मुख बचन न आवा। पुनि पुनि पद सरोज सिर नावा॥ सादर जल लै चरन पखारे। पुनि सुंदर आसन बैठारे॥ दो०-इंद मुल फल सुरस अति दिए राम कहँ आनि।

प्रेम सहित प्रमु खाए वारंबार बखानि ॥ ३४॥ पानि जोरि आगें भइ ठाई। प्रश्चित्त बिलोकि प्रीति अति बाई। ॥ केहि बिधि अस्तुति कराँ तुम्हारी। अधम जाति मैं जड़मिति भारी।। अधम ते अधम अधम अधि नारी। तिन्ह महँ मैं मितिमंद अधःरी।। कह रघुपति सुनु भामिनि बाता। मानउँ एक भगति कर नाता।। जाति पाँति कुल धमें बड़ाई। धन बल परिजन गुन चतुराई।। भगति हीन नर सोहइ कंसा। बिनु जल बारिद देखिअ जैसा।।

नवधा भगति कहउँ तोहि पाहीं । सावधान सुनुधरु मन माहीं ।। प्रथम भगति संतन्ह कर संगा । दूसरि रति मम कथा प्रसंगा ।।

दो ०-गुर पद पंकज सेवा तीसरि भगति अमान । चौथि भगति मम गुन गन करइ कपट तिज गान ॥ ३५ ॥

मंत्र जाप मन दढ़ बिखासा । पंचम भजन सो बेद प्रकासा ॥ छठ दम सील बिरति बहु करमा । निरत निरंतर सज्जन धरमा ॥ सातव सम मोहि मय जग देखा । मोतें संत अधिक करि लेखा ॥ आठव जथालाम संतोषा । सपने हुँ नहिं देखह परदोषा ॥ नवम सरल सब सन छलहीना । मम भरोस हियँ हरष न दीना ॥ नव महुँ एकउ जिन्ह कें होई। नारि पुरुष सचराचर कोई ॥ सोइ अतिसय प्रिय भामिनि मोरें। सकल प्रकार भगति दढ़ तोरें ॥ जोगि चृंद दुरलम गति जोई। तो कहुँ आजु सुलभ मइ सोई॥ मम दरसन फल परम अनुपा। जीव पाव निज सहज सह्तपा ॥ जनकसुता कइ सुधि भामिनी। जानिह कहु करिबरगामिनी ॥ पंपा सरहि जाहु रघुराई। तहँ होइहि सुग्रीव मिताई॥ सो सब कहिहि देव रघुवीरा। जानतहूँ पूछहु मतिधीरा॥ बार बार प्रश्नु पद सिरु नाई। प्रेम सहित सब कथा सुनाई॥

छं०—कहि कथा सकल बिलाैकि हिर मुख हृदयँ पद पंकज घरे। तिज जोग पायक देह हिर पद लीन भइ जहँ निहें फिरे॥ नर बिबिध कर्म अधर्म बहु मत सोकप्रद सब त्यागहू। बिस्वास किर कह दास तुलसी राम पद अनुरागहू॥ दोo—जाति हीन अघ जन्म महि मुक्त कीन्हि असि नारि । महामंद मन सुख चहसि ऐसे प्रभुहि विसारि ॥ ३६ ॥

चले राम त्यागा बन सोऊ। अतुलित बल नर केहिर दोऊ॥
बिरही इव प्रश्च करत विषादा। कहत कथा अनेक संबादा॥
लिखान देख विषिन कइ सोभा। देखत केहि कर मन निहं छोभा
नारि सहित सब खग मृग चंदा। मानहुँ मोरि करत हिं निंदा॥
इमिह देखि मृग निकर पराहीं। मृगीं कहिं तुम्ह कहँ भय नाहीं॥
तुम्ह आनंद करहु मृग जाए। कंचन मृग खोजन ए आए॥
संग लाइ किरनीं किरि लेहीं। मानहु मोहि सिखावनु देहीं।।
सास्त्र सुचितित पुनि पुनि देखिआ। भूप सुसेवित बम निहं लेखिआ
राखिश नारि जदिष उर माहीं। जुबती सास्त्र नृपित बस नाहीं।।
देखहु तात बसंत सुहावा। प्रिया हीन मोहि भय उपजावा।।

दो ०—बिरह बिकल बलहीन मोहि जानेसि निपट अकेल । सहित बिपिन मधुकर खग मदन कीन्ह बगमेल ॥ ३७(क)॥ देखि गयउ भ्राता सहित तासु दूत सुनि बात । डेरा कीन्हेउ मनहुँ तब कटकु हटकि मनजात ॥ ३७(ख)॥

बिटप बिसाल लता अरुझानी। बिबिध बितान दिए जनु तानी।। कदलि ताल बर धुजा पताका। देखि न मोह धीर मन जाका।। बिबिध भाँति फूले तरु नाना। जनु बानैत बने बहु बाना।। कहुँ कहुँ सुंदर बिटप सुहाए। जनु भट बिलग बिलग होड़ छाए क्जत पिक मानहुँ गज माते । ढेक महोख उँट विसराते ॥
मार चकोर कीर बर बाजी । पारावत मराल सब ताजी ॥
तीतिर लावक पदचर जूथा । बर्रान न जाइ मनोज बरूथा ॥
रथ गिरि सिला दुंदुभीं झरना । चातक बंदी गुन गन बरना ॥
मधुकर सुखर भेरि सहनाई । त्रिविध बयारि वसीठीं आई॥
चतुर्रागनी सेन सँग लान्हें । बिचरत सबिह चुनौती दीन्हें ॥
लिखिमन देखत काम अनीका । रहिंह धीर तिन्ह के जग लीका ॥
एहि कें एक परम बल नारी । तेहि तें उबर सुभट सोइ भारी ॥

दो o—तात तीनि अति प्रबल खल काम क्रोध अरु लोभ । मुनि बिग्यान धाम मन करिंह निमिष महुँ छोभ ॥३८(क)॥ लोभ कें इच्छा दंभ बल काम कें केवल नारि । क्रोध कें परुष बचन बल मुनिवर कहिं विचारि ॥३८(ख)॥

गुनातीत सचराचर स्वामी। राम उमा सब अंतरजामी।। कामिन्ह कें,दीनता देखाई। धीरन्ह कें मन विरति दृ हो।। क्रोध मनोज लोभ मद माया। छूटहिं सकल राम कीं दाया।। सां नर इंद्रजाल निर्दे भूला। जापर होइ सो नट अनुकूला।। उमा कहउँ मैं अनुभव अपना। सत हरिभजनु जगत सब सपना।। पुनि प्रभु गए परोवर तीरा। पंपा नाम सुभग गंभीरा।। संत हृदय जस निर्मल वारी। बाँधे घाट मनोहर चारी।। जहुँ तहुँ पिअहिं विविध सुगनीरा। जनु उदार गृह जाचक भीरा।।

दो०—पुरइनि सघन ओट जल वेगि न पाइअ मर्म । मायाछन न देखिऐ जैसें निर्गुन ब्रह्म ॥ ३९(क)॥ सुखी मीन सब एक रस अति अगाध जल माहिं। जथा धर्मसीलन्ह के दिन सुख संजुत जाहिं॥ ३९(ख)॥

बिकसे सरसिज नाना रंगा। मधुर मुखर गुंजत बहु भृंगा। बोलत जलकुक्कुट कलहंमा। प्रभु विलोकि जनु करत प्रसंसा। चक्रवाक वक खग समुदाई। देखत बनइ बरिन निहं जाई। सुंदर खग गन गिरा सुहाई। जात पथिक जनु लेत बोलाई। ताल समीप मुनिन्ह गृह छाए। चहुँ दिसि कानन बिटप सुहाए। चंपक बकुल कदंब तमाला। पाटल पनस परास रसाला। नव पहलव कुसुमित तरु नाना। चंचरीक पटली कर गाना। सीतल मंद सुगंध सुभाऊ। संतत बहइ मनोहर बाऊ।। कुहू कुहू कोकिल धुनि करहीं। सुनि ख सरस ध्यान मुनि टरहीं।

दो०—फल भारन निम विटप सब रहे भूमि निअराइ। पर उपकारी पुरुष जिमि नविहें सुसंपित पाइ॥ ४०॥

देग्वि राम अति रुचिर तलावा । मुझनु कीन्ह परम सुखपावा॥ देखी सुंदर तरुवर छाया । बैठे अनुज सहित रघुराया ॥ तहँ पुनि सकल देव मुनि आए । अस्तुति करि निज धाम सिधाए बैठे परम प्रसन्न कृपाला । कहत अनुजसन कथा रमाला ॥ विरहवंत भगवंतहि देखी । नारद मन भा सोच विसेषी ॥ मोर साप करि अंगीकारा । सहत राम नाना दुख भारा ॥ ऐसे प्रश्नुहि बिलोकउँ जाई । पुनिन बनिहि अस अवसरु आई ॥ यह बिचारि नारद कर बीना । गए जहाँ प्रश्नु सुख आसीना ॥ गावत राम चरित मृदु बानी । प्रेम सहित बहु भाँति बखानी॥ करत दंडवत लिए उठाई । राखे बहुत बार उर लाई ॥ स्वागत पूँछि निकट बैठारे । लिछमन सादर चरन पखारे ॥

दोo—नाना बिधि बिनती करि प्रभु प्रसन्न जियँ जानि। नारद बोले बचन तब जोरि सरोरुह पानि॥४१॥

सुनहु उदार सहज रघुनायक । सुंदर अगम सुगम बर दायक ।। देहु एक बर मागउँ स्वामी । जद्यि जानत अंतरजामी ।। जानहु मुनि तुम्ह मोर सुभाऊ । जन सन कबहुँ कि करउँ दुराऊ।। कवन बस्तु असि प्रिय मोहिलागी।जो मुनिबर न सकहु तुम्ह मागी जन कहुँ कछु अदेय नहिं मोरें । अस बिस्वास तजहु जनि भोरें।। तब नारद बोले हरषाई । अस बर मागउँ करउँ ढिठाई ।। जद्यपि प्रभु के बाम अनेका । श्रुति कह अधिक एक तें एका ।। राम सकल नामन्ह ते अधिका । हो उनाथ अघ खग गन बिधका।।

दो ०—राका रजनी भगति तव राम नाम सोइ सोम।
अपर नाम उडगन बिमल वसहुँ भगत उर ब्योम ॥ ४२ (क)॥
एवमस्तु मुनि सन कहेउ ऋपासिंघु रघुनाथ।
तब नारद मन हरष अति प्रभु पद नायउ माथ ॥ ४२(ख)॥

अति प्रसन्ध रघुनाथि जानी । पुनि नारद बोले मृदु बानी ॥
राम जबिं प्रेरेउ निज माया । मोहेहु मोहि सुनहु रघुराया ॥
तब बिबाह में चाहउँ कीन्हा । प्रभु केहि कारन करें न दीन्हा॥
सुनु मुनि तोहि कहउँ सहरोसा। भजिह जे मोहि तिज सकल मरोसा
करउँ सदा तिन्ह के रखनारी। जिमि बालक राखइ महतारी ॥
गह सिसु बच्छ अनल अहि धाई। तहँ राखइ जननी अरगाई॥
प्रोद भएँ तेहि सुत पर माता। प्रीति करइ निह पाछिलि बाता॥
मोरें प्रौढ़ तनय सम ग्यानी। बालक सुत सम दास अमानी॥
जनिह मोर बल निज बल ताही। दुहु कहँ काम क्रोध रिपु आही॥
यह बिचारि पंडित मोहि भजिही। पाए हुँ ग्यान भगित निह तजहीं

दो ०—काम क्रोध लोभादि मद प्रबल मोह के धारि।

तिन्ह महँ अति दारुन दुखद मायारूपी नारि॥ ४३॥

सुनु मुनि कह पुरान श्रुति संता। मोह निपिन कहुँ नारि बसंता।। जप तप नेम जलाश्रय झारी। होइ ग्रीपम सोषइ सब नारी।। काम क्रोध मद मत्सर मेका। इन्हिह हरषप्रद बरषा एक।। दुर्वासना कुमुद समुदाई। तिन्ह कहँ सरद सदा मुखदाई।। धर्म सकल सरसीरुह बृंदा। होइ हिम तिन्हिह दहइ मुख मंदा पुनि ममता जवास बहुताई। पल्लहइ नारि सिसिर रितु पाई।। पाप उल्ह्रक निकर मुखकारी। नारि निबिद् रजनी अधिशारी।। बुधि बल सील सत्य सब मीना। बनसी सम त्रिय कहिंद प्रबीना।।

दोo—अवगुन मृल स्लप्रद प्रमदा सब दुख खानि। ताते कीन्ह निवारन मुनि मैं यह जियँ जानि॥ ४४॥

सुनि रघुपति के वचन सुहाए। सुनि तन पुलक नयन भरि आए कहहु कवन प्रभु के अभि रीती। सेवक पर ममता अरु प्रीती।। जे न भजहिं अस प्रभु अम त्यागी। ग्यान रंक नर मंद अभागी।। पुनि सादर बोले सुनि नाग्द। सुनहु राम विग्यान विसारद।। संतन्ह के लच्छन रघुवीरा। कहहु नाथ भव भंजन भीरा।। सुनु सुनि संतन्ह के गुन कहऊँ। जिन्ह ते में उन्ह कें वस रहऊँ।। पट विकार जित अनघ अकामा। अचल अकिंचन सुचि सुखधामा अमितवोध अन।ह मितभागी। सत्यसार कवि कोविद जोगी।। सावधान मानद मदहीना।धीर धर्म गति परम प्रवीना।।

दो ०-गुनागार संसार दुख़ रहित विगत संदेह। तजि मम चरन सरोज प्रिय तिन्ह कहुँ देह न गेह ॥ ४५ ॥

निज गुन श्रवनश्चनत सकुचाहीं। पर गुन सुनत अधिक हरपाहीं।। सम सीतल निह त्यागिह नीती। सरल सुभाउ सबिह सन प्रीती।। जप तप त्रत दम संजम नेमा। गुरु गोविंद बिप्र पद प्रेमा।। श्रद्धा छमा मयत्री दाया। ग्रुहिता मम पद प्रीति अमाया।। बिरति विबेक विनय विग्याना। वोध जथारथ वेद पुराना।। दंभ मान मृद करिह न काऊ। भूलि न देहिं कुमारग पाऊ।। गाविह सुनहिं सदा मम लीला। हेतु रहित परहित रत सीला।। मुनि सुनु साधुन्ह के गुन जेने। कहि न सक्रहिं साग्द श्रुति तेते।।

छं०—कहि सक न सारद सेप नारद सुनत पद पंकज गहे । अस दीनवंधु ऋपाल अपने भगत गुन निज मुख कहे ॥ सिरु नाड वारिहें वार चरनीन्ह ब्रह्मपुर नारद गए। ते घन्य तुलसीदास आस बिहाइ जे हिर रेंग रेंए॥

दो ० -रावनारि जसु पावन गाविहं सुनिहं जे लोग । राम भगित इद पाविहं बिनु बिराग जप जोग ॥ ४६(क)॥ दीप सिखा सम जुबित तन मन जिन होसि पतंग । भजिह राम तिजे काम मद करिह सदा सतसंग ॥ ४६(ख)॥

मासपारायण, बाईसवाँ विश्राम

इति श्रीमद्रामचरितमानसे सकलकलिकलुपविध्वंसने

तृतीयः सोपानः समाप्तः ।

( अरण्यकाण्ड समाप्त )



# भगवान् रामकी सुग्रीवसे मैत्री



सखा सोच त्यागहु बल मोरें। सब विधि घटब काज मैं तोरें।।

#### श्रीगणेशाय नमः

### श्रीजानकीवल्लभो विजयते

# श्रीरामचरितमानस

चतुर्थ सोपान (किष्किन्धाकाण्ड)

### श्लोक

कुन्देन्दीवरसुन्दराविवली विज्ञानधामानुभी शोभाट्यो वरधन्विनी श्रुविनुतो गोविप्रवृन्दप्रियो । मायामानुषरूपिणो रघुवरो सद्धर्मवमी हितो सीतान्वेषणतत्परो पथिगतो भक्तिप्रदोतो हिनः ॥ १ ॥ ब्रह्माम्भोधिसमुद्भवं कलिमलप्रध्वंसनं चाव्ययं श्रीमच्छम्भुमुखेन्दुसुन्दरवरे संशोभितं सर्वदा । संसारामयभेषजं सुखकरं श्रीजानकीजीवनं धन्यास्ते कृतिनः पिवन्ति सत्ततं श्रीरामनामामृतम्॥ २ ॥

सो०—मुक्ति जन्म मिह जानि ग्यान खानि अघ हानि कर।
जहँ बस संमु भवानि सो कासी सेइअ कस न॥
जरत सकल सुर बृंद विषम गरल जेहिं पान किय।
तेहि न भजसि मन मंद को ऋपाल संकर सरिस॥

आगें चले बहुरि रघुराया। रिष्यमुक पर्वत निअराया।।
तहँ रह मिवित्र सहित सुप्रीवा। आत्रत देखि अतुल बल मींवा।।
अति सभीत कह सुनु हनुमाना। पुरुष जुगल बल रूप निधाना।।
धरि बहु रूप देखु तें जाई। कहेमु जानि जियँ सयन बुझाई।।
पठए बालि होहिं मन मेला। भागों तुरत तजों यह संला।।
बिप्र रूप धरि किप तहँ गयऊ। माथ नाइ पूछत अस भयऊ॥
को तुम्ह स्थामल गार सरीरा। छत्री रूप फिरहु बन बारा॥
कठिन भूमि कोमल पद गामी। कत्रन हेतु विचरहु बन म्वामी॥
मृदुल मनोहर सुंदर गाता। सहत दुमह बन आतप बाता॥
की तुम्ह तीनि देव महँ कांऊ। नर नारायन की तुम्ह दोऊ॥

दो ०—जग कारन तारन भव भंजन घरनी भार। की तुम्ह अखिल भुवन पति लीन्ह मनुज अवतार ॥ १ ॥

कोमलेस दमग्थ के जाए। हम पितु बचन मानि वन आए।।
नाम राम लिख्निन दोउ भाई। संग नारि सुकुमारि सुहाई।।
इहाँ हरी निर्मिचर बैंदेही। विप्र फिरिहें हम खोजत तेही।।
आपन चरित कहा हम गाई। कहहु विप्र निज कथा बुझाई।।
प्रभुपहिचानि परेउ गहि चरना सा सुख उमा जाइ नहिं बरना।।
पुलकित तन मुख अ।व न बचना। देखत रुचिर वेप कं रचना।।
पुनि धीरजु धरि अस्तुति कीन्ही। हरप हृदयँ निज नाथिह चीन्ही
मोर न्याउ में पूछा साईं। तुम्ह पूछहु कस नर की नाईं।।
तव माया वस फिरउँ भुलाना। ताते मैं नहिं प्रभु पहिचाना।।

दो॰—एकु मैं मंद मोहबस कुटिल हृदय अग्यान। पुनि प्रभु भोहि बिसारेउ दीनवंघु भगवान॥२॥

जदिष नाथ बहु अवगुन सोरें। सेवक प्रशुहि परें जिन भोरें।।
नाथ जीव तव मायाँ मोहा। सो निस्तरह तुम्हारेहिं छोहा।।
ता पर में रघुवीर दोहाई। जानउँ निहं कल्ल मजन उपाई।।
सेवक सुत पित मातु भरासें। रहइ अमाच वनह प्रशु पोमें।।
अस किह परें उचरन अकुलाई। निज तनु प्रगिट प्रीति उर छाई।।
तब रघुपित उठाइ उर लावा। निज लोचन जल सींचि जुड़ावा
सुनु किप जियँ मानसि जिन ऊना।तैं मम गिंग लिछियन ने दृना।।
समदरसी मोहि कह मव कोऊ। सेवक प्रिय अनन्यगित सोऊ!।

दोo—सो अनन्य जाके असि मित न टरइ हनुमंत । मैं सेवक सचराचर रूप स्वामि भगवंत ॥ ३ ॥

देखि पवनस्तत पति अनुक्रुला । हृद्यँ हरप बीती सब सला ॥ नाथ सैल पर किपपित रहई । सा सुग्रीव दास तव अहई ॥ तेहि सन नाथ मयत्री कीजे । दीन जानि तेहि अभय करीजे॥ सो सीता कर खोज कराइहि । जहँ तहँ मरकट केटि पठाइहि॥ एहि बिधि सकल कथा समुझाई । लिए दुओं जन पीठि चहाई ॥ जब सुग्रीवँ राम कहुँ देखा । अतिसय जनमधन्य करि लेखा॥ सादर मिलेड नाइ पद माथा । भेंटेड अनुज सहित रघुनाथा॥ किप कर मन बिचार एहि रीती। करिहहिं विधि मां सन ए प्रीती॥

दो ०—तब हनुमंत उभय दिसि की सब कथा सुनाइ। पावक साखी देइ करि जोरी प्रीति हृदाइ॥ ४॥ कीन्हि प्रीति कछ बीच न राखा। लिछमन राम चरित सब भाषा।।
कह सुग्रीव नयन भरि बारी। मिलिहि नाथ मिथिलेस कुमारी।।
मंत्रिन्ह सहित इहाँ एक बारा। बैठ रहेउँ मैं करत बिचारा।।
गगन पंथ देखी मैं जाता। परबस परी बहुत बिलपाता।।
राम राम हा राम पुकारी। हमिह देखि दीन्हेउ पट हारी।।
मागा राम तुरत तेहिं दीन्हा। पट उर लाइ सोच अति कीन्हा।।
कह सुग्रीव सुनहु रघुबीरा। तजहु सोच मन आनहु धीरा।।
सब प्रकार करिहउँ सेवकाई। जेहि बिधि मिलिहि जानकी आई

दोo—सखा बचन सुनि हरषे ऋपासिंधु बलर्सीव। कारन कवन बसहु बन मोहि कहहु सुप्रीव॥ ५॥

नाथ बालि अरु मैं द्वौ भाई। प्रीति रही कछ बरिन न जाई।।

मय सुत मायावी तेहि नाऊँ। आवा सो प्रभु हमरे गाऊँ।।

अर्घ राति पुर द्वार पुकारा। बाली रिपु बल सहै न पारा।।

धावा बालि देखि सो भागा। मैं पुनि गयउँ बंधु सँग लागा।।

गिरिबर गुहाँ, पैठ सो जाई। तब बालीं मोहि कहा बुझाई।।

परिखेस मोहि एक पखवारा। निहं आवौं तब जानेस मारा।।

मास दिवस तहँ रहेउँ खरारी। निसरी रुधिर धार तहँ भारी।।

बालि हतेसि मोहि मारिहि आई। सिला देह तहँ चलेउँ पराई।।

मंत्रिन्ह पुर देखा बिनु साईं। दीन्हेउ मोहि राज बरिआई।।

बाली ताहि मारि गृह आवा। देखि मोहि जियँ भेद बढ़ावा।।

रिपु सम मोहि मारेसि अति भारी। हरि लीन्हेसि सर्बसु अरु नारी।।

ताकें भय रघुवीर कुपाला। सकल सुवन मैं फिरेउँ बिहाला।।

इहाँ साप बस आवत नाहीं। तदिष सभीत रहउँ मन माहीं।। सुनि सेवक दुख दीनदयाला। फरिक उठीं द्रै भुजा बिसाला।।

दो०—सुनु सुप्रीव मारिहउँ बालिहि एकिहं बान। मध रुद्र सरनागत गएँ न उवरिहं प्रान॥ ६॥

जे न मित्र दुग्व होहिं दुखारी । तिन्हहि विलोकत पातक भागी ॥ निज दुख गिरि समरज करि जाना । मित्रक दुखरज मेरु समाना।। जिन्ह कें असि मति सहज न आई। ते सठ कत हठि करत मिताई।। क्रपथ निवारि सुपंथ चलावा । गुन प्रगटै अवगुनन्हि दुरावा ॥ देत लेत मन संक न धरई। बल अनुमान सदा हित करई।। विपति काल कर सत गुन नेहा । श्रुति कह संत मित्र गुन एहा।। आगें कह मृदु बचन बनाई। पाछें अनहित मन कुटिलाई।। जा कर चित अहि गति सम भाई। अस कुमित्र परिहरेहिं भलाई॥ सेवक सठ नृप कृपन कुनारी। कपटी मित्र सल सम चारी।। सला सोच त्यागहु बल मोरें। सब विधिघटव काज मैं तारें।। कह सुग्रीव सुनहु रघुवीरा। बालि महाबल अतिरनधीरा।। दुंद्भि अस्यि ताल देखराए । बिनु प्रयास रघुनाथ ढहाए ॥ देखि अमित बल बाढ़ी प्रीती। बालि बधव इन्ह भइ परतीती।। बार बार नावइ पद सीसा । प्रभुहि जानि मन हरप कपीसा ॥ उपजा ग्यान बचन तब बोला । नाथ कृपाँ मन भयउ अलोला।। सुख संपति परिवार बड़ाई । सब परिहरि करिहउँ सेवकाई ॥ ए सब रामभगति के बाधक । कहहिं संत तव पद अवराधक ॥ सत्रु मित्र सुख दुख जग माहीं। माया कृत परमारथ नाहीं।।

बालि परम हित जासु प्रसादा । मिलेहु राम तुम्ह समन विषादा।।
सपनें जेहि सन होइ लराई । जागें समुझत मन सकुचाई ।।
अवप्रमु कृपाकरहु एहि भाँती । सब तिज भजनु करों दिन राती ।।
सुनि विराग संज्ञत कि वानी । बोले विहास रामु धनुपानी ।।
जो कलु कहेउ सत्य सब सोई ! सखा बचन मम मृषा न होई ।।
नट मरकट इव मबिह नचावत । रामु खगेस बेद अस गावत ।।
लै सुप्रीव संग रघुनाथा । चले चाप सायक गहि हाथा ।।
तब रघुपति सुप्रीव पठावा । गर्जिम जाइ निकट वल पावा ।।
सुनत बालि कोधातुर धावा । गहि कर चरन न।रि समुझावा ।।
सुनु पति जिन्ह हि मिले उसुप्रीवा । ते द्वी बंधु तेज बल सींवा ।।
कोसलेस सुत लिखन रामा । काल हु जीति सकहिं संग्रामा ।।

दो०--कह बाली सुनु भीरु प्रिय समदरसी रघुनाथ। जौं कदाचि मोहि मारिहं तौ पुनि होउँ सनाथ॥ ७॥

अस किह चला महा अभिमानी । तृन समान सुग्रीविह जानी ॥
भिरे उभी बाली अति तर्जा । मुठिका मारि महाधुनि गर्जा ॥
तय सुग्रीव विकल होइ भागा । मुष्टि प्रहार बज्ज सम लागा ॥
मैं जो कहा रघुवीर कृपाला । बंधु न होइ मोर यह काला ॥
एकरूप तुम्ह आता दोऊ । नेहि अम तें निहं मारेउँ सोऊ ॥
कर परमा सुग्रीव सरीरा । तनु भा कुलिस गई मब पीरा ॥
मेली कंठ सुमन के माला । पठवा पुनि बल देइ बिसाला ॥
पुनि नाना विधि भई लराई । बिटप औट देखहिं रघुराई ॥

दो०—बहु छल बल सुयीव कर हिथँ हारा भय मानि। मारा बालि राम तब हृदय माझ सर तानि॥ ८॥

परा विकल मिंद सर के लागें। पुनि उठि बैठ देखि प्रश्च आगें।। स्थाम गात सिर जटा बनाएँ। अरुन नयन सर चाप चढ़ाएँ।। पुनि पुनि चितइ चरन चित दीन्हा। मुफल जन्म माना प्रश्च चीन्हा हृदयँ प्रीति मुख बचन कठोरा। बोला चितइ राम की ओरा।। धर्म हेतु अवतरेहु गोसाई। माने हु मोहि ब्याध की नाई।। में बेरी सुग्रीव पिश्रारा। अवगुन कवन नाथ मोहि मारा।। अनुज वधू भगिनी सुत नारी। सुनु सठ कन्या सम एचारी।। इन्हिं कुदृष्टि बिलाकइ जोई। ताहि बधें कछु पाप न होई।। मुद्द तोहि अतिसय अधिमाना। नारि सिखावन करिस न काना।। मम श्रुज बल आश्रित तेहि जानी। मारा चहिस अधम अभिमानी।।

दो ०—सुनहु राम स्वामी सन चल न चातुरी मोरि। प्रमु अजहूँ मैं पापी अंतकाल गति तोरि॥ ९॥

सुनत राम अति कोमल बानी । वालि सीस परसे उ निज पानी।। अचल करों तनु राखहु प्राना । वालि कहा सुनु कृपा निधाना।। जन्म जन्म ग्रुनि जननु कराहीं । अंत राम कहि आवत नाहीं।। जासु नाम वल मंकर कासी । देत सबहि सम गति अविनासी।। मम लाचन गोचर सोइआवा । बहुरि कि प्रभु अस बनिहि बनावा

छं०—सो नयन गोचर जासु गुन नित नेति कहि श्रुति गावहीं । जिति पवन मन गो निरस कार मुनि ध्यान कबहुँक पावहीं॥ मोहि जानि अति अभिमान बस प्रभु कहेउ राखु सरीरही ।
अस कवन सठ हांठ काटि सुरतरु बारि करिहि बबूरही ॥ १ ॥
अब नाथ करि करुना बिलोकहु देहु जो बर मागऊँ ।
जेहिं जोनि जन्मौं कर्म बस तहँ राम पद अनुरागऊँ ॥
यह तनय मम सम बिनय बल कल्यानप्रद प्रभु लीजिए ।
गिहि वाँह सुर नर नाह आपन दास अंगद कीजिए ॥ २ ॥

दो०—राम चरन दृढ़ श्रीति किर बालि कीन्ह तनु त्याग। सुमन माल जिमि कंठ ते गिरत न जानइ नाग॥१०॥

राम बालि निज धाम पठावा । नगर लोग सब ब्याकुल धावा ॥ नाना बिधि बिलाप कर तारा । छूटे केस न देह सँभारा ॥ तारा बिकल देखि रघुराया । दीन्ह ग्यान हिर लीन्ही माया ॥ छिति जल पात्रक गगन समीरा । पंच रचित अति अधम सरीरा॥ प्रगट सो तनु तव आगें सोवा । जीव निन्य केहि लिग तुम्ह रोवा॥ उपजा ग्यान चरन तव लागी । लीन्हेसि परम भगति बर मागी॥ उमा दारु जोषित की नाई । सवहि नचावत रामु गोसाई ॥ तब सुग्रीवहि आयसु दीन्हा । मृतक कर्मविधिवत सव कीन्हा॥ राम कहा अनुंजहि समुझाई । राज देहु सुग्रीवहि जाई ॥ रघुपति चरन नाइ किर माथा । चले सकल प्रेरित रघुनाथा॥

दो ०—लिछमन तुरत बोलाए पुरजन बिप्र समाज। राजु दीन्ह सुमीव कहँ अंगद कहँ जुबराज॥११॥

उमा राम सम हित जग माहीं। गुरु पितु मातु बंधु प्रश्च नाहीं।। सुर नर र्सुनि सब के यह रीती। स्वारथ लागि करहिं सब प्रीती।। बालि त्रास ब्याक्कल दिन राती । तन बहु बन चिंताँ जर छाती ॥ सोइ सुग्रीव कीन्ह किपराऊ । अति कृपाल रघुवीर सुभाऊ ॥ जानतहूँ अस प्रश्च परिहरहीं । काहे न विपति जाल नर परहीं॥ पुनि सुग्रीविह लीन्ह बोलाई । बहु प्रकार नृपनीति सिखाई ॥ कह प्रश्च सुनु सुग्रीव हरीसा । पुर न जाउँ दस चारि वरीसा ॥ गत ग्रीषम वरषा रितु आई । रहिहउँ निकट सैल पर छाई ॥ अंगद सहित करहु तुम्ह राजू । संतत हृदयँ धरेहु मम काजू ॥ जब सुग्रीव भवन फिरि आए । रामु प्रवरषन गिरि पर छाए ॥

दो०—प्रथमहिं देवन्ह गिरि गुहा राखेउ रुचिर बनाइ। राम क्रपानिधि कछु दिन बास करहिंगे आइ॥१२॥

सुंदर बन कुसुमित अति सोभा । गुंजत मधुप निकर मधु लोभा ।। कंद मूल फल पत्र सुहाए । भए बहुन जब ते प्रभु आए ।। देखि मनोहर सेल अनुपा। रहे तहँ अनुज सहित सुरभूपा।। मधुकर खग मृग तनु धरि देवा। करहिं सिद्ध मुनि प्रभु के सेवा।। मंगलरूप भयउ बन तब ते। कीन्ह निवास रमापित जब ते।। फटिक सिला अति सुभ सुहाई। सुख आसीन तहाँ द्वौ भाई।। कहत अनुज सन कथा अनेका। भगति बिरति नृपनीति बिबेका।। बरषा काल मेघ नभ छाए। गरजत लागत परम सुहाए।।

दो ०—ल्लिंडमन देखु मोर गन नाचत बारिद पेखि। गृही बिरति रत हरष जस बिप्नुभगत कहुँ देखि ॥ १३ ॥

घन घमंड नभ गरजत घोरा । प्रिया हीन डरपत मन मोरा ॥ दामिनि दमक रह न घन माहीं। खल कै प्रीति जथा थिर नाहीं ॥ बरषिं जलद भूमि निअराएँ। जथा नविं बुध बिद्या पाएँ।। बुँद अघात सहिं गिरि कैसें। खल के बचन संत सह जैसें।। छुद्र नदीं भरि चलीं तोराई। जस थोरे हुँधन खल इतराई।। भूमि परत भा ढ।बर पानी। जनु जीविह माया लपटानी।। समिटि समिटि जल भरिं तलावा। जिमि सदगुन सज्जन पिं आवा सरिता जल जलनिधि महुँ जाई। होइ अचल जिमि जिव हरि पाई।।

दो ० - हरित भूमि तृन संकुल समुक्षि परिहं निहं पंथ । जिमि पाखंड बाद तें गुप्त होहिं मदयंथ ॥ १४ ॥

दादुर धुनि चहु दिसा सहाई । बेद पढ़िहं जनु बहु समुदाई ॥
नव पल्लव भए विटप अनेका। साधक मन जस मिलें विवेका ॥
अर्क जवास पात बिनु भयऊ। जस सुराज खल उद्यम गयऊ॥
खोजत कतहुँ मिलइ नहिं धूरी । करहकांध जिमि धरमहि दूरी ॥
ससि संपन्न सोह महि केसी। उपकारी के संपति जैसी॥
निसि तम घन खद्योन बिराजा। जनु दंभिन्ह कर मिला समाजा।
महाबृष्टि चलि फूटि किआरीं। जिमि सुतंत्र भएँ विगरहिं नारीं।।
कृषी निरावहिं चतुर किसाना। जिमि बुध तजहिं मोह मद माना।।
देखिअत चक्रवाक खग नाहीं। कलिहि पाइ जिमि धर्म पराहीं।।
ऊषर वरषइ तुन नहिं जामा। जिमि हरिजन हियँ उपज न काम।
बिविध जंतु संकुल महि आजा। प्रजा बाढ़ जिमि पाइ सुराजा।।
जहँ तहँ रहे पथिक थिक नाना। जिमि इंद्रिय गन उपजें ग्याना।।

दो ०-कबहुँ प्रवल बह मारुत जहुँ तहुँ मेघ विलाहिं। जिमि कपूत के उपजें कुल सद्धर्म नसाहिं॥१५(क)॥ कबहुँ दिवस महँ निबिड़ तम कबहुँक प्रगट पतंग । बिनसइ उपजइ ग्यान जिमि पाइ कुसंग सुसंग ॥१५(ख)॥

बरषा बिगत सरद रितु आई। लिछिमन देखहु परम सुहाई।। फूलें कास सकल मिंह छाई। जनु बरषाँ कृत प्रगट बुढ़ाई॥ उदित अगस्ति पंथ जल सोषा। जिमि लोभिंह सोषइ संतोषा॥ सिरता सर निर्मल जल सोहा। संत हृदय जस गत मद मोहा॥ रस रस ख़ल सरित सर पानी। ममता त्याग करिं जिमि ग्यानी जानि सरद रितु खंजन आए। पाइ समय जिमि सुकृत सुहाए॥ पंक न रेनु सोह असि धरनी। नीति निपुन नृप के जिम धनहीना॥ जल संकोच बिकल भहँ मीना। अबुध कुटुंबी जिमि धनहीना॥ बिनु घन निर्मल सोह अकासा। हरिजन इव परिहरि सब आसा॥ कहुँ कहुँ वृष्टि सारदी थोरी। काउ एक पाव भगति जिमि मोरी

दो०—चले हरिष तिज नगर नृप तापस बिनक भिखारि । जिमि हरिभगति पाइ श्रम तजिहें आश्रमो चारि ॥ १६ ॥

सुली मीन जे नीर अगाधा । जिमि हिर सरन न एकउ बाधा।।
फूठें कमल सोह सर कैसा । निर्गुन ब्रह्म सगुन भएँ जैंसा ।।
गुंजत मधुकर मुखर अनुपा । सुंदर खग रव नाना रूपा ।।
चक्रवाक मन दुख निसि पेखी । जिमि दुर्जन पर संपित देखी ।।
चातक रटत तृषा अति ओही । जिमि सुख लहइ न संकरद्रोही ।।
सरदातप निसि सिस अपहरई। संत दरस जिमि पातक टरई ।।
देखि इंदु चकोर समुदाई। चितविह जिमि हरिजन हरिपाई।।
मसक दंस बीते हिम त्रासा। जिमि द्विज द्रोह किएँ कुल नासा।।

दो ०—भूमि जीव संकुल रहे गए सरद रितु पाइ। सदगुर मिलें जाहिं जिमि संसय अम समुदाइ॥१७॥

बरषा गत निर्मल रितु आई। सुधि न तात सीता के पाई।। एक बार केसेहुँ सुधि जानों। कालहु जीति निमिष महुँ आनों।। कतहुँ रहउ जों जीवति होई। तात जतन करि आनउँ सोई।। सुग्रीवहुँ सुधि मोरि बिसारी। पावा राज कोस पुर नारी।। जेहिं सायक मारा में बाली। तेहिं सर हतौं मृद कहँ काली।। जासु कृपाँ छूटहिं मद मोहा। ता कहुँ उमा कि सपनेहुँ कोहा॥ जानहिं यह चरित्र मुनिग्यानी। जिन्ह रघुबीर चरन रित मानी।। लिछमन क्रोधवंत प्रभु जाना। धनुष चढ़ाइ गहे कर बाना।।

दो ०—तब अनुजिहि समुझावा रघुपित करुना सींव। भय देखाइ ठं आवहु तात सखा सुप्रीव॥१८॥

इहाँ पवनसुत हृद्यँ विचारा । राम काजु सुग्रीवँ विसारा ॥
निकट जाइ चरनन्हि सिरु नावा । चारिहु विधि तेहि कि समुझावा
सुनि सुग्रीवँ परम भय माना । विषयँ मोर हिर लीन्हेउ ग्याना ॥
अब मारुतेसुत द्त समृहा । पठवहु जहँ तहँ बानर जृहा ॥
कहहु पाख महुँ आव न जोई। मोरें कर ता कर बध होई ॥
तब हनुमंत बोलाए द्ता । सब कर किर सनमान बहुता ॥
भय अरु प्रीति नीति देखराई। चले सकल चरनन्हि सिर नाई ॥
एहि अवसर लिछमन पुर आए। क्रोध देखि जहँ तहँ किप धाए ॥

दो०-धनुष चढ़ाइ कहा तब जारि करउँ पुर छार। ... च्याकुल नगर देखि तब आयउ बालिकुमार॥१९॥ चरन नाइ सिरु बिनती कीन्ही । लिछमन अभय बाँह तेहि दीन्ही कोधवंत लिछमन सुनि काना । कह कपीस अति भयँ अकुलाना सुनु हनुमंत संग लै तारा । किर बिनती समुझाउ कुमारा ॥ तारा सिहत जाइ हनुमाना । चरन बंदि प्रश्च सुजस बखाना ॥ किर बिनती मंदिर लै आए । चरन पखारि पलँग बैठाए ॥ तब कपीस चरनिह सिरु नावा। गहि श्रुज लिछमन कंठ लगावा॥ नाथ बिषय सम मद कलु नाहीं । मुनि मन मोह करइ लन माहीं ॥ सुनत बिनीत बचन सुख पावा। लिछमन तेहि बहु बिधि समुझावा पवन तनय सब कथा सुनाई । जेहि विधि गए दत समुदाई ॥

दो ०-हरिष चले सुमीव तब अंगदादि किप साथ। रामानुज आगें करि आए जहँ रघुनाथ॥२०॥

नाइ चरनसिरु कह कर जोरी । नाथ मोहि कछ नाहिन खोरी ॥ अतिसय प्रवल देव तव माया । छूटइ राम करहु जों दाया ॥ बिषय बस्य सुर नर मुनि खामी । मैं पावँर पसु किप अति कामी ॥ नारिनयन सर जाहि न लागा । घोर क्रोध तम निसि जो जागा॥ लोभ पाँस जेहिं गर न बँधाया । सो नर तुम्ह समान रघुराया ॥ यह गुन साधन तें निहं होई। तुम्हरी कृपाँ पाव कोइ कोई ॥ तब रघुपति बोले मुसुकाई। तुम्ह प्रिय मोहि भरत जिमि भाई अवसोइ जतनु करहु मन लाई। जेहि विधि सीता कै सुधि पाई।

दो ०-एहि बिधि होत बतकही आए बानर जूथ। नाना बरन सकल दिसि देखिअ कीस बरूथ॥२१॥

बानर कटक उमा मैं देखा । सो मुरुख जो करन चह लेखा ।।

आइ राम पद नावहिं माथा । निरस्ति बदनु सब होहिं सनाथा अस किप एक न सेना माहीं । राम कुसल जेहि पूछी नाहीं ।। यह कल्लु निहिं प्रश्च कइ अधिकाई । विस्वरूप ब्यापक रघराई ।। ठाढ़े जहेँ तहेँ आयसु पाई । कह सुग्रीव सबिह समुझाई ।। राम काजु अरु मोर निहोरा । बानर जूथ जाहु चहुँ ओरा ।। जनकसुता कहुँ खोजहु जाई । मास दिवस महँ आएहु भाई ।। अविध मेटि जो बिनु सुधि पाएँ । आवइ बनिहि सो मोहि मराएँ।।

दो ०—बचन सुनत सब बानर जहँ तहँ चले तुरंत। तव मुग्रीवँ बोलाए अंगद नल हनुमंत॥२२॥

सुनहु नील अंगद हनुमाना। जामवंत मितिधीर सुजाना।।
सकल सुभट मिलिद च्छिन जाहू। सीता सुधि पूँछेहु सब काहू।।
मन क्रम बचन सो जतन बिचारेहु। रामचंद्र कर काजु सँवारेहु।!
भाजु पीठि सेइअ उर आगी। स्थामिहि सर्व भाव छल त्यागी।।
तिज माया सेइअ परलोका। मिटिह सकल भव संभव सोका।।
देह धरे कर यह फलु भाई। भिज्ञ राम सब काम बिहाई।।
सोइ गुनग्य सोई बड़भागी। जो रघुबीर चरन अनुरागी।।
आयसु मागि चरन सिरु नाई। चले हरिष सुमिरत रघुराई।।
पाछें पवन तनय सिरु नावा। जानि काज प्रभु निकट बोलावा।।
परसा सीस सरोरुह पानी। कर मुद्रिका दीन्हि जन जानी।।
बहु प्रकार सीतिह समुझाएहु। कहि बल बिरह बेगि तुम्ह आएहु
हनुमत जन्म सुफल करि माना। चलेउ हृद्य धिर कृपानिधाना।।
जद्यपि प्रभु जामत सब बाता। राजनीति राखत सुरत्राता।।

दो०—चले सकल बन खोजत सरिता सर गिरि खोह। राम क्राज लयलीन मन बिसरा तन कर छोह॥ २३॥

कतहुँ होइ निसिचर सैं भेटा । प्रान लेहिं एक एक चपेटा ।। बहु प्रकार गिरिकानन हेरहिं। कोउ मुनि मिलइ ताहि सब घेरहिं लागि तथा अतिसय अकुलाने । मिलइ न जल घन गहन मुलाने मन हनुमान कीन्ह अनुमाना । मरन चहत सब बिनु जलपाना।। चिहिगिरिसिखर चहुँ दिसि देखा। भूमि बिवर एक कोतुक पेखा।। चक्रवाक बक हंस उड़ाहीं। बहुतक खग प्रविसहिं तेहि माहीं।। गिरिते उतिर पवनसुत आवा। सब कहुँ ले सोइ बिवर देखावा।। आगें के हनुमंतहि लीन्हा। पैठे विवर विलंग न कीन्हा।।

दो ०-दीख जाइ उपवन वर सर विगसित वहु कंज ।

मंदिर एक रुचिर तहँ वैंठि नारि तप पुंज ॥ २४ ॥

दूरि ते ताहि सबन्हि सिरु नावा । पूछें निज बृत्तांत सुनावा ॥
तेहिं तब कहा करहु जल पाना । खाहु सुरस सुंदर फल नाना॥

मज्जनु कीन्ह मधुर फल खाए । तासु निकट पुनि सब चिल आए
तेहिं सब आपनि कथा सुनाई । मैं अब जाब जहाँ रघुराई ॥

मृदहु नयन विवर तिज जाहू । पहेहु सीतिह जिन पिछताहू ॥

नयन मृदि पुनि देखिह बीरा । ठाढ़े सकल सिंधु कें तीरा ॥

दो o—बदरीबन कहुँ सो गई प्रमु अग्या धरि सीस। उर धरि राम चरन जुग जे बंदत अज ईस॥ २५॥

सो पुनि गई जहाँ रघुनाथा । जाइ कमल पद नाएसि माथा।। नाना भाँति बिनय तेहिं कीन्ही । अनुपायनी भगति प्रभु दीन्ही।। इहाँ विचारहिं किप मन माहीं। बीती अविध काज कछ नाहीं।।
सब मिलि कहिं परस्पर बाता। बिनु सुधि लएँ करब का भाता।।
कह अंगद लोचन भिर बारी। दुहुँ प्रकार भइ मृत्यु हमारी।।
इहाँ न सुधि सीता के पाई। उहाँ गएँ मारिहि किपराई।।
पिता बधे पर मारत मोही। राखा राम निहोर न ओही।।
पुनि पुनि अंगद कह सब पाहीं। मरन भयउ कछ संधय नाहीं।।
अंगद बचन सुनत किप बीरा। बोलि न सकिह नयन बह नीरा।।
छन एक सोच मगन होइ रहे। पुनि अस बचन कहत सब भए।।
हम सीता के सुधि लीन्हें बिना। निहं जहें जुबराज प्रबीना।।
अस किह लवन सिंधु तट जाई। बैठे किप सब दर्भ उसाई।।
जामवंत अंगद दुख देखी। कहीं कथा उपदेस बिसेपी।।
तात राम कहुँ नर जिन मानहु। निर्मुन ब्रह्म अजित अज जानहु।।
हम सब सेवक अति बढ़मागी। मंतत सगुन ब्रह्म अनुरागी।।

दो ०—निज इच्छों प्रभु अवतरइ सुर महि गो द्विज लागि। सगुन उपासक मंग तहँ रहिंहें मोच्छ सब त्यागि॥ २६॥

एहि विधि कथे। कहिं बहु भाँती । गिरि कंदराँ सुनी संपाती ॥ बाहेर होई देखि बहु कीसा । मोहि अहार दीन्ह जगदीसा ॥ अ। ज सबिह कहँ भच्छन करऊँ । दिन वहु चले अहार बिनु मरऊँ कबहुँ न मिल भरि उदर अहारा। आजुदीन्ह विधि एकिहिंबारा॥ डरपे गीध बचन सुनि काना । अब भामरन सन्य हम जाना ॥ किप सब् उठे गीध कहँ देखी । जामवंत मन सोच बिसेषी ॥ कह अंगद विचारि मन माहीं । धन्य जटायू सम कोउ नाहीं ॥

राम काज कारन तनु त्यागी । हरि पुर गयउ परम बड़भागी।।
सुनि खग हरष सोक जुत वानी। आवा निकट कपिन्ह भय मानी
तिन्हिह अभय करि पूछेसि जाई। कथा सकल तिन्ह ताहि सुनाई।।
सुनि संपाति बंधु के करनी। रघुपति महिमा बहुविधि बरनी।।

दो ०—मोहि लै जाहु सिंधुतट देउँ तिलांजिल ताहि। वचन सहाड करिव में पेहहु खोजहु जाहि॥२७॥

अनुज किया किर सागर तीरा । किह निज कथा सुनहु किप बीरा हम द्वा बंधु प्रथम तरुनाई । गगन गए रिब निकट उड़ाई ॥ तेजन महि सक सो फिरि आवा । में अभिमानी रिव निअरावा ॥ जरे पंख अति तेज अपारा । परेउँ भूमि किर घोर चिकारा ॥ मुनि एक नाम चंद्रमा ओही । लागी दया देखि किर मोही ॥ बहु प्रकार तेहिं ग्यान सुनावा । देह जनित अभिमान छड़ावा ॥ त्रेताँ बह्म मनुज तनु धिरही । तासुनारि निसिचर पित हरिही तासु खोज पठइहि प्रभु द्ता । तिन्हिह मिलें तैं होव पुनीता ॥ जिमहिंह पंख करिस जिन चिता। तिन्हिह देखाइ देहेसु तैं सीता॥ मुनि कह गिरा सत्य भई आजू । सुनि मम बचन करहु प्रभु काजू गिरि त्रिक्ट ऊपर बस लंका । तहँ रह रावन सहज असंका ॥ तहँ असोक उपबन जहँ रहई । सीता बैठि सोच रत अहई ॥

दो०—में देखडँ तुम्ह नाहीं गीधिह दृष्टि अपार। बूद भयउँ न न करतेउँ ऋछुक सहाय तुम्हार ॥ २८॥

जो नाघइ सत जोजन सागर । करइ सो राम काज मित आगर।। मोहि बिलोकि धरहु मन धीरा । राम कृपाँ कस भयउ सरीरा।। पापिउ जाकर नाम सुमिरहीं । अति अपार भवसागर तरहीं ॥ तासु द्त तुम्ह तिज कदराई । राम हृदयँ धिर करहु उपाई ॥ अस किह गरुड़ गीध जब गयऊ । तिन्ह केंमन अति बिसमय भयऊ निज निज बल सब काहूँ भाषा । पार जाइ कर संसय राखा ॥ जरठ भयउँ अब कहइ रिछेसा । निहं तन रहा प्रथम बल लेसा ॥ जबहिं त्रिबिक्रम भए खरारी । तब मैं तरुन रहेउँ बल भारी ॥

दो ०—बिल बाँधत प्रभु बाढ़ेउ सो तनु बराने न जाइ। उभय घरी महँ दीन्हीं सात प्रदच्छिन धाइ॥ २९॥

अंगद कहइ जाउँ में पारा । जियँ संसय कछ फिरती बारा ॥ जामवंत कह तुम्ह सब लायक । पठइअ किमि सबही कर नायक॥ कहइ रीछपति सुनु हनुमाना । का जुर साधि रहेहु बलवाना ॥ पवन तनय बल पवन समाना । बुधि विवेक बिग्यान निधाना ॥ कवन सो काज कठिन जग माहीं। जो निहं होई तात तुम्ह पाहीं ॥ राम काज लगि तव अवतारा । सुनतिहं भयउ पर्वताकारा ॥ कुनक बरन तन तेज बिराजा । मानहुँ अपर गिरिन्ह कर राजा ॥ सिंहनाद करि बारहिं बारा । लीलिहं नाघउँ जलनिधि खारा॥ सिंहनाद करि बारहिं बारा । लीलिहं नाघउँ जलनिधि खारा॥ सिंहत सहाय रावनिहं मारी । आनउँ इहाँ त्रिक्ट उपारी ॥ जामवंत में पूँछउँ तोही । उचित सिखावनु दीजहु मोही॥ एतना करहु तात तुम्ह जाई । सीतिह देखि कहहु सुधि आई ॥ तब निज अज बल राजिवनैना । कोतुक लागि संग किप सेना ॥

छं०—ऋपि सेन संग सँघारि निसिचर रामु सीतिह आनिहैं। त्रैलोक पावन सुजसु सुर मुनि नारदादि बखानिहैं॥ जो सुनत गावत कहत समुझत परम पद नर पावई । रघुबीर पद पाथोज मधुकर दास तुलसी गावई ॥ दो०—भव भेषज रघुनाथ जसु सुनिहें जे नर अरु नारि । तिन्ह कर सकल मनोरथ सिद्ध करिहें त्रिसिरारि ॥३०(क)॥ सो०—नीलोत्पल तन स्याम काम कोटि सोभा अधिक । सुनिअ तासु गुन ग्राम जासु नाम अघ खग विधिक ॥३०(ख)॥

मासपारायण, तेईसवाँ विश्राम

इति श्रीमद्रामचरितमानसे सकलकलिकलुपविध्वंसने चतुर्थः सोपानः समाप्तः।

( किष्किन्धाकाण्ड समाप्त )



## शरणागत विभीषण



श्रवन सुजसु सुनि आयउँ प्रभु भंजन भवभीर । त्राहि त्राहि आरति हरन सरन सुखद रघुवीर ॥

#### भीगणेश्वाय नमः

#### श्रीबानकीवल्छभो विजयते

# श्रीरामचरितमानस

## पश्चम सोपान

( सुन्दरकाण्ड )

### श्लोक

श्वान्तं शाश्वतमप्रमेयमनघं निर्वाणश्वान्तिप्रदं

ब्रह्माश्वम्श्रफणीन्द्रसेच्यमनिशं वेदान्तवेद्यं तिश्चम् ।

रामाच्यं जगदीश्वरं सुरगुरुं मायामनुष्यं हरिं

वन्देऽहं करुणाकरं रघुवरं सूपालचूडामणिम् ।। १ ।।

नान्या स्पृहा रघुपते हृदयेऽस्मदीये

सत्यं वदामि च भवानिखलान्तरात्मा ।

भक्ति प्रयच्छ रघुपुङ्गव निर्भरां मे

कामादिदोषरिहतं कुरु मानसं च ।। २ ।।

अतुलितवलधामं हेमशैलाभदेहं

दन्जवनकृशानुं ज्ञानिनामग्रगण्यम् ।

सकलगुणनिधानं वानराणामधीशं रघुपतिप्रियभक्तं वातजातं नमामि ॥ ३ ॥ जामनंत के बचन सुहाए । सुनिहनुमंत हृदय अति भाए ॥ तब लगि मोहि परिखेहु तुम्ह भाई। सहि दुख कंद मूल फल खाई॥ जब लगि आवौं सीतहि देखी । होइहि काजु मोहि हरष बिसेषी यह कहि नाइ सबन्हि कहुँ माथा। चलेउ हरिष हियँ धरि रघुनाथा सिंघु तीर एक भूधर सुंदर। कौतुक कृदि चढ़ेउ ता ऊपर ॥ बार बार रघुनीर सँभारी। तरकेउ पवनतनय बल भारी ॥ जेहिं गिरि चरन देइ हनुमंता। चलेउ सो गा पाताल तुरंता ॥ जिमि अमोघ रघुपति कर बाना। एही भाँति चलेउ हनुमाना ॥ जलनिधि रघुपति द्त बिचारी। तैं मैनाक होहि अमहारी॥

दो ० – हनूमान तेहि परसा कर पुनि कीन्ह प्रनाम। राम काजु कीन्हें बिनु मोहि कहाँ विश्राम॥ १॥

जात पवनसुत देवन्ह देखा। जानैं कहुँ बल बुद्धि बिसेषा।।
सुरसा नाम अहिन्ह के माता। पठइन्हि आइ कही तेहिं बाता।।
आज सुरन्ह मोहि दीन्ह अहारा। सुनत बचन कह पवनकुमारा।।
राम काज करि फिरि में आबों। सीता कइ सुधि प्रभुहि सुनावौं।।
तब तब बदन पैठिहउँ आई। सत्य कहउँ मोहि जान दे माई।।
कवनेहुँ जतन देइ नहिं जाना। प्रसिस न मोहि कहेउ हनुमाना।।
जोजन भिर तेहिं बदनु पसारा। किप तनु कीन्ह दुगुन बिस्तारा।।
सोरह जोजन मुख तेहिं ठयऊ। तुरत पवनसुत बत्तिस भयऊ।।
जस जस सुरसा बदनु बढ़ावा। तासु दून किप रूप देखावा।।

सत जोजन तेहिं आनन कीन्हा। अति लघु रूप पवनसुत लीन्हा।। बदन पइठि पुनि बाहेर आवा। मागा बिदा ताहि सिरु नावा।। माहिसुरन्ह जेहि लागि पठावा। बुधि वल मरसु तोर मैं पावा।।

दो०–राम काजु सबु करिहहु तुम्ह वल वृद्धि निधान। आसिष देइ गई सो हरिष चलेउ हनुमान॥ २॥

निसिचरि एक सिंधु महुँ रहई। किर माया नभु के खग गहई।। जीव जंतु जे गगन उड़ाहीं। जल विलोकि तिन्ह के परिछाहीं गहइ छाहँ सक सो न उड़ाई। एहि विधि सदा गगनचर खाई।। सोइ छल हन् भान कहँ कीन्हा। तासु कपटु किप तुरतिह चीन्हा।। ताहि मारि मारुतसुत बीरा। बारिधि पार गयउ मित धीरा।। तहाँ जाइ देखी बन सोभा। गुंजत चंचरीक मधु लोभा।। नाना तरु फल फूल सुहाए। खग मृग बृद देखि मन भाए।। सैल बिसाल देखि एक आगें। ता पर धाइ चढ़ेउ भय न्यामें।। उमान कलु किप के अधिकाई। प्रभु प्रताप जो कालहि खाई।। गिरि पर चिंद लंका तेहिं देखी। किह न जाइ अति दुर्ग बिसेषी।। अति उतंग जलनिधि चहु पासा। कनक कोट कर परम प्रकासा।।

छं०--कनक कोट विचित्र मिन कृत सुंदरायतना घना।
चउहट हट मुबट वीथीं चारु पुर बहु विधि बना॥
गज बाजि खचर निकर पदचर रथ बरूथिन्ह को गनै।
बहुरूप निसिचर जूथ अतिबल सेन बरनत निहं बनै॥ १॥
बन बाग उपबन बाटिका सर कूप बापीं सोहहीं।
नर नाग सुर गंधर्ब कन्या रूप मुनि मन मोहहीं॥

कहुँ माल देह बिसाल सैल समान अति बल गर्जहीं। नाना अखारेन्ह भिरिहें बहुबिधि एक एकन्ह तर्जहीं।। २ ॥ किर जतन भट कोटिन्ह बिकट तन नगर चहुँ दिसि रच्छहीं। कहुँ महिष मानुष धेनु खर अज खल निसाचर भच्छहीं॥ एहि लागि तुलसीदास इन्ह की कथा कछु एक है कही। रघुबीर सर तीरथ सरीरिन्ह त्यागि गित पैहिहें सही॥ ३ ॥

दो० - पुर रखवारे देखि बहु कपि मन कीन्ह बिचार। अति लघु रूप घरौं निसि नगर करौं पइसार॥ ३॥

मसक समान रूप किप धरी। लंकहि चलेउ सुमिरि नरहरी।।
नाम लंकिनी एक निसिचरी। सो कह चलेसि मोहि निंद्री।।
जानेहि नहीं मरमु सठ मोरा। मोर अहार जहाँ लिंग चोरा।।
मुठिका एक महा किप हनी। रुधिर बमत धरनीं उनमनी।।
पुनि संभारि उठी सो लंका। जोरिपानि कर बिनय ससंका।।
जब रावनहि ब्रह्म बर दीन्हा। चलत बिरंचि कहा मोहि चीन्हा।।
बिकल होसि तें किप कें मारे। तब जानेसु निसिचर संघारे।।
तात मोर अति पुन्य बहुता। देखेउँ नयन राम करद्ता।।
दो०—तात स्वर्ग अपवर्ग सुख धरिअ तुला एक अंग।

तूल न ताहि सकल मिलि जो सुख लव सतसंग ॥ ४ ॥

प्रविसि नगर की जे सब काजा। हृद्यँ राखि कोसलपुर राजा।।
गरल सुधारिषु करिहं मिताई। गोपद सिंघु अनल सितलाई।।
गरुड़ सुमेरु रेनु सम ताही। राम कृपा किर चितवा जाही।।
अति लर्घु रूप धरेउ हनुमाना। पैठा नगर सुमिरि भगवाना।।

मंदिर मंदिर प्रति किर सोधा। देखे जहँ तहँ अगनित जोधा।।
गयउ दसानन मंदिर माहीं। अति विचित्र किह जात सो नाहीं।।
सयन किएँ देखा किप तेही। मंदिर महुँ न दीखि वैदेही।।
भवन एक पुनि दीख सुहावा। हिर मंदिर तहँ भिन्न बनावा।।

दो ०—रामायुघ अंकित ग्रह सोभा बरनि न जाइ। नव तुलसिका बृंद तहँ देखि हरष कपिराइ॥ ५॥

लंका निसिचर निकर निवासा । इहाँ कहाँ सज्जन कर बासा ॥
मन महुँ तरक करें कि लागा । तेहीं समय बिभीषनु जागा ॥
राम राम तेहिं सुमिरन कीन्हा । हृद्यँहरष कि सजन चीन्हा ॥
एहि सन हिठ करिहउँ पहिचानी । साधु ते होइ न कारज हानी॥
बित्र रूप धरि बचन सुनाए । सुनत बिभीषन उठि तहँ आए ॥
करि प्रनाम पूँछी कुसलाई । बित्र कहहु निज कथा बुझाई ॥
की तुम्ह हिर दासन्ह महँकोई । मोरें हृद्य प्रीति अति होई ॥
की तुम्ह रामु दीन अनुरागी । आयहु मोहि करन बड़भागी॥

दो०—तब हनुमंत कही सब राम कथा निज नाम। सुनत जुगल तन पुलक मन मगन सुमिरि गुन घाम॥ ६ ॥

सुनहु पवनसुत रहिन हमारी । जिमिदसनिह महुँ जीभ विचारी तात कवहुँ मोहि जानि अनाथा । करिहिई कुपा भानुकुल नाथा।। तामस तनु कछु साधन नाहीं । प्रीति न पद सरोज मन माहीं ।। अब मोहि भा भरोस हनुमंता । विनु हरिकुपा मिलहिं निहं संता।। जौं रघुबीर अनुग्रह कीन्हा । तो तुम्ह मोहिदरसु हिठ दीन्हा ।। सुनहु विभीषन प्रभु कै रीती । करिंह सदा सेवक पर प्रीती ।। कहहु कवन मैं परम कुलीना । किप चंचल सबहीं विधि हीना।। प्रात लेइ जो नाम हमारा । तेहि दिन ताहि न मिलै अहारा।।

दो ०—अस मैं अधम सखा सुनु मोहू पर रघुबीर। कीन्ही कृपा सुमिरि गुन भरे बिलोचन नोर॥ ७॥

जानतहूँ अस खामि बिसारी । फिरहिं ते काहे न होहिं दुखारी ॥
एहि बिधि कहत राम गुन ग्रामा । पावा अनिर्वाच्य बिश्रामा ॥
पुनि सब कथा बिभीषन कही । जेहि बिधि जनकसुता तहँ रही ॥
तब हनुमंत कहा सुनु श्राता । देखी चहउँ जानकी माता ॥
जुगुति बिभीषन सकल सुनाई । चलेउ पवनसुत बिदा कराई ॥
किर सोइ रूप गयउ पुनि तहवाँ । बन असोक सीता रह जहवाँ ॥
देखि मनहि महुँ कीन्ह प्रनामा । बेठेहिं बीति जात निसि जामा ॥
कुस तनु सीस जटा एक बेनी । जपित हृदयँ रघुपित गुन श्रेनी

दोo-निज पद नयन दिएँ मन राम पद कमल लीन। परम दुखी भा पवनसुत देखि जानकी दीन॥ ८॥

तरु परलव महुँ रहा छकाई। करड़ विचार करों का भाई।।
तेहि अवसेर रावनु तहँ आवा। संग नारि वह किएँ बनावा।।
बहु विधि खल सीतहिसमुझावा। सामदान भय भेद देखावा।।
कह रावनु सुनु सुमुखि सयानी। मंदोदरी आदि सब रानी।।
तव अनुचरीं करउँ पन मोरा। एक बार विलोकु मम ओरा।।
तन धिर ओट कहति वैदेही। सुमिरि अवधपति परम सनेही।।
सुनु दसमुख खधोत प्रकासा। कबहुँ कि नलिनी करइ विकासा
असःमन समुग्नु कहति जानकी। खल सुधि नहिं रघुवीर बानकी॥

सठ सनें हिर आनेहि मोही । अधम निलज्ज लाज निर्ह तोही।। दो ०—आपुहि सुनि खद्योत सम रामिह भानु समान । परुष बचन सुनि कादि असि बोला अति खिसिआन ॥ ९ ॥

सीता तैं मम कृत अपमाना । किटहउँ तव सिर किटन कृपाना।।
नाहिं त सपिद मानु मम बानी । सुमुखि होति न त जीवन हानी ।।
स्याम सरोज दाम सम सुंदर । प्रभु भुज किर कर समद सकंधर।।
सो भुज कंठ कि तव असि घोरा । सुनु सठ अस प्रवान पन मोरा।।
चंद्रहास हरु मम परितापं । रघुपति बिरह अनल संजातं ।।
सीतल निसित बहसि वर धारा । कह सीता हरु मम दुख भारा ।।
सुनत बचन पुनि मारन धावा । मयतनयाँ किह नीति बुझावा ।।
कहेसि सकल निसिचरिन्ह बोलाई। सीतिह बहु विधि त्रासहु जाई
मास दिवस महुँ कहा न माना । तो मैं मारबि काढ़ि कृपाना ।।

दो०—भवन गयउ दसकंधर इहाँ पिसाचिनि बृंद। सीतहि त्रास देखाविहें धरिहैं रूप बहु मंद॥ १०॥

त्रिजटा नाम राच्छसी एका। राम चरन रित निपुन विवेका।। सवन्हों बोलि सुनाएसि सपना। सीतिह सेइ करहु हित अपना।। सपनें बानर लंका जारी। जातुधान सेना सब मारी।। खर आरूढ़ नगन दससीसा। मुंडित सिर खंडित भुज बीसा।। एहि विधि सो दिन्छन दिसि जाई। लंका मनहुँ विभीषन पाई।। नगर फिरी रघुबीर दोहाई। तब प्रभु सीता बोलि पठाई।। यह सपना मैं कहउँ पुकारी। होइहि सत्य गएँ दिन चारी।। तासु बचन सुनि ते सब डरीं। जनकसुता के चरनन्हि परीं।।

दोo—जहँ तहँ गईँ सकल तब सीता कर मन सोच। मास दिवस बीतें मोहि मारिहि निसिचर पोच॥ १९॥

त्रिजटा सन बोलीं कर जोरी। मातु बिपति संगिनि तें मोरी।।
तजों देह करु बेगि उपाई। दुसह बिरहु अब निहं सिंह जाई।।
आनि काठ रचु चिता बनाई। मातु अनल पुनि देहि लगाई।।
सत्य करिह मम प्रीति सयानी। सने को अब न सल सम बानी।।
सुनत बचन पद गिह समुझाएसि। प्रभु प्रताप बल सुजसु सुनाएसि
निसि न अनल मिल सुनु सुकुमारी। अस किह सो निज भवन सिधारी
कह सीता बिधि भा प्रतिक्ला। मिलिहि न पावक मिटिहि न सला
देखिअत प्रगट गगन अंगारा। अवनि न आवत एकउ तारा।।
पावकमय सिंस स्वत न आगी। मानहुँ मोहि जानि हतभागी।।
सुनहि बिनय मम बिटप असोका। सत्य नाम करु हरु मम सोका।।
नूतन किसलय अनल समाना। देहि अगिनि जनि करिह निदाना
देखि परम बिरहाकुल सीता। सो छन किपिहि कलप सम बीता

सो०-कपि करि हृदयँ बिचार दीन्हि मुद्रिका डारि तब।
जनु असोक अंगार दीन्ह हरिष उठि कर गहेउ॥ १२॥

तब देखी मुद्रिका मनोहर । राम नाम अंकित अति सुंदर ॥
चिकित चितव मुद्री पहिचानी । हरष बिषाद हृद्यँ अकुलानी ॥
जीति को सकइ अजय रघुराई । माया तें असि रचि नहिं जाई ॥
सीता मन बिचार कर नाना । मधुर बचन बोलेउ हृतुमाना ॥
रामचंद्र गुन बरनै लागा । सुनतिहं सीता कर दुख भागा ॥
लागीं सुनैं श्रवन मन लाई । आदिहु तें सब कथा सुनाई ॥

श्रवनामृत जेहिं कथा सुहाई। कही सो प्रगट होति किन भाई।। तब हनुमंत निकट चिल गयऊ। फिरि बैठी मन बिसमय भयऊ।। राम द्त में मातु जानकी। सत्य सपथ करुना निधान की।। यह सुद्रिका मातु में आनी। दीन्हि राम तुम्ह कहँ सहिदानी नर बानरहि संग कहु कैसें। कही कथा भइ संगति जैसें।।

दो ०-कपि के बचन सप्रेम सुनि उपजा मन बिस्वास। जाना मन क्रम बचन यह क्रपासिंधु कर दास॥ १३॥

हरिजन जानि प्रीति अति गाड़ी। सजल नयन पुलकावलि बाड़ी।।
बुड़त बिरह जलिंध हनुमाना। भयहु तात मो कहुँ जलजाना।।
अब कहु कुसल जाउँ बलिहारी। अनुज सहित सुख भवन खरारी।।
कोमलचित कृपाल रघुराई। किप केहि हेतु धरी निउराई।।
सहज बानि सेवक सुख दायक। कबहुँक सुरति करत रघुनायक।।
कबहुँ नयन मम सीतल ताता। होइहिंह निरित्व खाम मृदु गाता
बचनु न आव नयन भरे बारी। अहह नाथ हों निपट बिसारी।।
देखि परम बिरहाकुल सीता। बोला किप मृदु बचन बिनीता।।
मातु कुसल प्रभु अनुज समेता। तव दुख दुखी सुकुपा निकेता।।
जनि जननी मानहु जियँ जना। तुम्ह ते प्रेमु राम कें दुना।।

दो ०—रघुपति कर संदेसु अब सुनु जननी घरि घीर। अस कहि कपि गदगद भयउ भरे बिलोचन नीर॥ १४॥

कहेउ राम बियोग तव सीता। मो कहुँ सकल भए विपरीता ।। नव तरु किसलय मनहुँ कृसान् । कालनिसा सम निसि ससि भान् कुबलय विपिन कुंत बन सरिसा। बारिद तपत तेल जनु बरिसा ॥ जे हित रहे करत तेइ पीरा। उरम खास सम त्रिनिध समीरा।। कहेहू तें कछ दुख घटि होई। काहि कहीं यह जान न कोई।। तत्व प्रेम कर मम अरु तोरा। जानत प्रिया एक मनु मोरा।। सो मनु सदा रहत तोहि पाहीं। जानु प्रीति रसु एतनेहि माहीं।। प्रश्च संदेसु सुनत बैदेही। मगन प्रेम तन सुधि नहिं तेही।। कह किप हृद्यंधीर धरुमाता। सुमिरु राम सेवक सुखदाता।। उर आनइ रघुपति प्रश्चताई।। सुनि मम बचन तजहु कदराई।।

दो ०-निसिचर निकर पतंग सम रघुपति बान कसानु । जननी हृदयँ धीर धरु जरे निसाचर जानु ॥ १५॥

जौं रघुबीर होति सुधि पाई। करते नहिं बिलंबु रघुराई।।
राम बान रिब उएँ जानकी। तम बरूथ कहँ जातुधान की।।
अबिहं मातु मैं जाउँ लवाई। प्रभ्र आयसु निहं राम दोहाई।।
किलुक दिवस जननी धरु धीरा। किपन्ह सिहत अइहिं रघुबीरा
निसिचर मारि तोहि लै जैहिंहें। तिहुँ पुर नारदादि जसु गैहिंहें।।
हैं सुत किप सब तुम्हिंह समाना। जातुधान अति भट बलवाना।।
मोरें हृदय् परम संदेहा। सुनिकिप प्रगट कीन्हि निज देहा
कनक भूधराकार सरीरा। समर भयंकर अतिबल बीरा।।
सीता मन भरोस तब भयऊ। पुनि लघु रूप पवनसुत लयऊ।।

दो०—सुनु माता साखामृग निह बल बुद्धि बिसाल।
प्रभु प्रताप तें गरुड़िहि खाइ परम लघु ब्याल॥१६॥
मन संतोष सुनत किप बानी। भगति प्रताप तेज बल सानी॥
आसिष दीन्हिराम प्रिय जाना। होहु तात बल सील निधाना॥

अजर अमर गुननिधि सुत होहू । करहुँ बहुत रघुनायक छोहू ॥ करहुँ कृपा प्रभु अस सुनिकाना । निर्भर प्रेम मगन हनुमाना ॥ बार बार नाएसि पद सीसा। बोला बचन जोरिकर कीसा॥ अब कृतकृत्य भयउँ में माता। आसिपतव अमोघ बिख्याता॥ सुनहु मातु मोहि अतिसय भ्र्वा। लागि देखि सुंदर फल रूखा॥ सुनु सुत करहिं बिपिन रखवारी। परम सुभट रजनीचर भारी॥ तिन्ह कर भय माता मोहि नाहीं। जों तुम्ह सुख मानहु मन माहीं॥

दो ०—देखि बुद्धि बल निपुन कपि कहेउ जानकीं जाहु। रघुपति चरन हृदय धरि तात मधुर फल खाहु॥ १७॥

चलेउ नाइ सिरु पंठेउ बागा । फल खाएसि तरु तोरें लागा।।
रहे तहाँ बहु मट रखवारे । कछ मारेसि कछ जाइ पुकारे ।।
नाथ एक आवा किंप भारी । तेहिं असोक बाटिका उजारी ।।
खाएसि फल अरु बिटप उपारे । रच्छक मिंद मिंद मिंह डारे ।।
सुनि रावन पठए भट नाना । तिन्हिंह देखि गर्जेंड हनुमाना ।।
सब रजनीचर किंप संघारे । गए पुकारत कछ अधमारे ।।
पुनि पठयउ तेहिं अच्छकुमारा । चला संग लें सुभट अपारा ।।
आवत देखि बिपट गहि तर्जा । ताहि निपाति महाधुनि गर्जा ।।

दो ० — कछु मारेसि कछु मदेंसि कछु मिलएसि धरि धूरि।
कछु पुनि जाइ पुकारे प्रभु मर्कट बल भूरि॥ १८॥
सुनि सुत बध लंकेस रिसाना। पठएसि मेघनाद बलवाना॥
मारिस जनि सुत बाँघेसु ताही। देखिअ किपिहि कहाँ कर आही
चला इंद्रजित अतुलित जोधा। बंधु निधन सुनि उपजा कोधा॥

कपि देखा दारुन भट आवा । कटकटाइ गर्जा अरु धावा ॥ अति विसाल तरु एक उपारा । विरथ कीन्ह लंकेस कुमारा ॥ रहे महाभट ताके संगा । गहि गहि कपि मर्दइ निज अंगा तिन्हिह निपाति ताहि सनवाजा । भिरे जुगल मानहुँ गजराजा॥ मुठिका मारि चढ़ा तरु जाई । ताहि एक छन मुरुछा आई ॥ उठिबहोरि कीन्हिस बहु माया । जीति न जाइ प्रमंजन जाया ॥

दो ०- बहा अस्त्र तेहिं साँघा किप मन कीन्ह बिचार। जौं न बहासर मानउँ महिमा मिटइ अपार ॥ १९॥

ब्रह्मबान किप कहुँ तेहिं मारा । परतिहुँ बार कटकु संघारा ।।
तेहिं देखा किप ग्रुरुछित भयऊ । नागपास बाँधेसि छै गयऊ ।।
जासु नाम जिप सुनहु भवानी । भव बंधन काटहिं नर ग्यानी ।।
तासु द्त कि बंध तरु आवा । प्रभु कारज लगि किपहिं बँधावा
किप बंधन सुनि निसिचर धाए । कौतुक लागि सभाँ सब आए।।
दसग्रुख सभा दीखि किप जाई। किह न जाइ कछु अति प्रभुताई।।
कर जोरें सुर दिसिप बिनीता । भृकुटि विलोकत सकल समीता।।
देखि प्रतापन किप मन संका । जिमि अहिगन महुँ गरुड़ असंका

दो०—कपिहि बिलोकि दसानन बिहसा कहि दुर्बाद। सुत बध सुरति कीन्हि पुनि उपजा हृदयँ विषाद॥२०॥

कह लंकेस कवन तें कीसा। केहि कें बल घालेहिबन खीसा।। की धौं श्रवन सुनेहि नहिं मोही। देखउँ अति असंक सठ तोही।। मारे निसिचर केहिं अपराधा। कहु सठ तोहिन प्रान कह बाधा सुतुरावन ब्रह्मांड निकाया। पाइ जासु बल बिरचति माया।। जाकें बल बिरंचि हिर ईसा। पालत सुजत हरत दससीसा।। जा बल सीस धरत सहसानन। अंड कोस समेत गिरि कानन।। धरइ जो बिबिध देह सुरत्राता। तुम्ह से सठन्ह सिखावनु दाता।। हर कोदंड कठिन जेहिं मंजा। तेहि समेत नृप दल मद गंजा।। खर दृषन त्रिसिरा अरु बाली। बधे सकल अतुलित बलसाली।)

दो ०—जाके बल लवलेस तें जितेहु चराचर झारि। तासु दूत मैं जा करि हरि आनेहु प्रिय नारि॥ २१॥

जानउँ मैं तुम्हारि प्रभ्रताई। सहसवाहु सन परी लराई।।
समर वालि सन करि जसु पावा। सुनि कि वचन विहसि विहरावा
खायउँ फल प्रभ्र लागी भूँखा। कि सुभाव तें तोरेउँ रूखा।।
सब कें देह परम प्रिय खामी। मारिह मोहि कुमारग गामी।।
जिन्ह मोहि माग ते मैं मारे। तेहि पर बाँधेउँ तनयँ तुम्हारे।।
मोहि न कछ बाँधे कई लाजा। कीन्ह चहउँ निज प्रभ्र कर काजा
बिनती करउँ जोरि कर रावन। सुनहु मान तिज मोर सिखावन
देखहु तुम्ह निज कुलहि बिचारी। अम तिज भजहु भगत भयहारी।।
जाकें डर अति काल डेराई। जो सुर असुर चराचर खाई।।
तासों वयरु कबहुँ नहिं की जै। मोरे कहें जानकी दीजै।।

दो०—प्रनतपाल रघुनायक करुना सिंधु खरारि। गएँ सरन प्रभु राखिहैं तव अपराध बिसारि॥ २२॥

राम चरन पंकज उर धरहू। लंका अचल राजु तुम्ह करहू।। रिषि पुलस्ति जसु विमल मयंका। तेहि ससि महुँ जनि होहु कलंका राम नाम विजु गिरा न सोहा। देखु विचारि त्यागि मद मोहा।। बसन हीन निहं सोह सुरारी। सब भूषन भूषित बर नारी।।
राम बिम्रुख संपति प्रभुताई। जाइ रही पाई बिन्न पाई।।
सजल मूल जिन्ह सरितन्ह नाहीं। बरिष गएँ पुनि तबिह सुखाहीं।।
सुनु दसकंठ कहउँ पन रोपी। बिम्रुख राम त्राता निहं कोपी।।
संकर सहस बिष्नु अज तोही। सकहिं न राखि राम कर द्रोही।।

दो ०—मोहमूल बहु सूल प्रद त्यागहु तम अभिमान।

भजहु राम रघुनायक ऋपा सिंधु भगवान ॥ २३ ॥

जदिष कही किष अति हित बानी। भगित बिबेक बिरित नय सानी बोला बिहिस महा अभिमानी। मिला हमिह किष गुर बढ़ ग्यानी मृत्यु निकट आई खल तोही। लागेसि अभम सिखावन मोही।। उलटा होइहि कह हनुमाना। मितिश्रम तोर प्रगट मैं जाना।। सुनि किष बचन बहुत खिसिआना। बेगिन हरहु मृदृ कर प्राना।। सुनत निसाचर मारन धाए। सचिवन्ह सहित बिभीषनु आए।। नाइ सीस किरि बिनय बहुता। नीति बिरोध न मारिअ द्ता।। आन दंड केळु किरिअ गोसाँई। सबहीं कहा मंत्र भल भाई।। सुनत बिहिस बोला दसकंधर। अंग भंग किरि पठइअ बंदर।।

दो ०-कपि के ममता पूँछ पर सबिह कहउँ समुझाइ।

तेल बोरि पट बाँधि पुनि पावक देहु लगाइ॥ २४॥

पूँछहीन बानर तहँ जाइहि। तब सठ निज नाथिह लह आइहि॥ जिन्ह के कीन्हिसि बहुत बड़ाई। देखउँ मैं तिन्ह के प्रभुताई॥ बचन सुनत कपि मन ग्रसुकाना। भइ सहाय सारद मैं जाना॥ जातुभान सुनि रावन बचना। लागे रचेँ मूढ़ सोइ रचना॥ रहा न नगर बसन घत तेला। बाढ़ी पूँछ कीन्ह किप खेला।। कौतुक कहँ आए पुरवासी। मारहिं चरन करहिं बहु हाँसी।। बाजहिं ढोल देहिं सब तारी। नगर फेरि पुनि पूँछ प्रजारी।। पावक जरत देखि हनुमंता। भयउ परम लघुरूप तुरंता।। निचुकि चढ़ेउ किप कनक अटारीं। भईं सभीत निसाचर नारीं।।

दोo—हरि प्रेरित तेहि अवसर चले मरुत उनचास। अदृहास करि गर्जा कपि बढ़ि लाग अकास॥२५॥

देह बिसाल परम हरुआई। मंदिर तें मंदिर चढ़ धाई।। जरइ नगर भा लोग बिहाला। झपट लपट बहु कोटि कराला।। तात मातु हा सुनिअ पुकारा। एहिं अवसर को हमिं उबारा।। हम जो कहा यह किप निहें होई। बानर रूप धरें सुर कोई।। साधु अवग्या कर फलु ऐसा। जरइ नगर अनाथ कर जैसा।। जारा नगरु निमिष एक माहीं। एक बिभीषन कर गृह नाहीं।। ता कर दूत अनल जेहिं सिरजा। जरा न सो तेहिं कारन गिरिजा।। उलटि पलटि लंका सब जारी। कूदि परा पुनि सिंधु मझारी।।

दो ०—पूँछ बुझाइ खोइ श्रम धरि लघु रूप बहोरि। जनकसुता कें आगें ठाढ़ भयउ कर जोरि॥२६॥

मातु मोहि दीजे कछ चीन्हा । जैसें रघुनायक मोहि दीन्हा ॥ चूड़ामनि उतारि तब दयऊ । हरष समेत पवनसुत लयऊ ॥ कहेहु तात अस मोर प्रनामा । सब प्रकार प्रभु पूरनकामा ॥ दीन दयाल बिरिदु संभारी । हरहु नाथ मम संकट भारी ॥ तात सकसुत कथा सुनाएडु । बान प्रताप प्रभुहि समुझाएडु ॥ मास दिवस महुँ नाथु न आवा। तो पुनि मोहि जिअत नहिं पावा।। कहु कपि केहि विधि राखौं प्राना । तुम्हहू तात कहत अब जाना।। तोहि देखि सीतिल भई छाती। पुनि मो कहुँ सोइ दिनु सो राती।)

दो ०—जनकसुतिहि समुझाइ करि बहु बिधि घीरजु दीन्ह । चरन कमल सिरु नाइ किप गवनु राम पिहें कीन्ह ॥ २७॥

चलत महाधुनि गर्जेसि भारी । गर्भ स्नबहिं सुनि निसिचर नारी।।
नाघि सिंधु एहि पारहि आवा। सबद किलिकिला किपन्ह सुनावा
हरषे सब बिलोकि हनुमाना । नृतन जनम किपन्ह तब जाना ।।
सुख प्रसन्न तन तेज बिराजा । कीन्हेसि रामचंद्र कर काजा।।
मिले सकल अति भए सुखारी। तलफत मीन पाव जिमि बारी।।
चले हरिष रघुनायक पासा । पूँछत कहत नवल इतिहासा।।
तब मधुवन भीतर सब आए । अंगद संमत मधु फल खाए।।
रखवारे जब वरजन लागे। सुष्टि प्रहार हनत सब भागे।।

दो०—जाइ पुकारे ते सब बन उजार जुबराज।
सिन सुमीव हरष किप किर आए प्रमु काज॥२८॥
जीं न होति सीता सुधि पाई। मधुबन के फल सकिह कि खाई॥
एहिं विधि मन बिचार कर राजा। आइ गए किप सिहत समाजा॥
आइ सबन्हि नाता पद सीसा। मिलेउ सबन्हि अति प्रेम किपीसा॥
पूँछी कुसल कुसल पद देखी। राम कृपाँ भा काज बिसेषी॥
नाथ काज कीन्हेउ हनुमाना। राखे सकल किपन्ह के प्राना॥
सुनि सुग्रीव बहुरि तेहि मिलेऊ। किपन्ह सिहत रधुगित पहिं चलेऊ॥
राम किपन्ह जब आवत देखा। किएँ काज मन हरष बिसेषा॥

फटिक सिला बैठे द्वौ भाई। परे सकल किप चरनिह जाई।।

दो ०—प्रीति सहित सब भेटे रघुपित करुना पुंज । पूँछी कुसल नाथ अब कुसल देखि पद कंज ॥ २९ ॥

जामवंत कह सुनु रघुराया। जापर नाथ करह तुम्ह दाया।।
ताहिसदा सुभ कुसल निरंतर। सुर नर ग्रुनि प्रसन्न ता ऊपर।।
सोइ बिजई बिनई गुन सागर। तासु सुजसु त्रैलोक उजागर।।
प्रश्च कीं कृपा भयउ सबु काजू। जन्म हमार सुफल भा आजू।।
नाथ पवनसुत कीन्हि जो करनी। सहसहुँ ग्रुख न जाइ सो बरनी।।
पवनतनय के चरित सुहाए। जामवंत रघुपतिहि सुनाए।।
सुनत कृपानिधि मन अति भाए। पुनि हनुमान हरषि हियँ लाए।।
कहहु तात केहि भाँति जानकी। रहति करति रच्छा स्वप्नान की।।

दो ०—नाम पाहरू दिवस निसि ध्यान तुम्हार कपाट । लोचन निज पद जंत्रित जाहि प्रान केहिं बाट ॥ ३० ॥

चलत मोहि चूड़ामिन दीन्ही । रघुपति हृदयँ लाइ सोइ लीन्ही।।
नाथ जुगल लोचन भिर बारी । बचन कहे कछ जनककुमारी ।।
अनुज समेत गहेहु प्रभु चरना । दीन बंधु प्रनतारित हरना ।।
मन क्रम बचन चरन अनुरागी । केहिं अपराध नाथ हों त्यागी।।
अवगुन एक मोर मैं माना । बिछुरत प्रान न कीन्ह पयाना ।।
नाथ सो नयनिहको अपराधा। निसरत प्रान करिह हिठ बाधा।।
बिरह अगिनि तनु तूल समीरा । खास जरइ छन माहिं सरीरा।।
नयन स्रविह जछ निज हित लागी । जरें न पात्र देह बिरहागी।।
सीता के अति बिपति विसाला। बिनहिं कहें भिल दीन दयाला।।

दो ०—निमिष निमिष करुनानिधि जाहिं कलप सम बीति। बेगि चलिअ प्रभु आनिअ भुज बल खल दल जीति॥ ३१॥

सुनिसीता दुल प्रभ्र सुख अयना । भरि आए जल राजिव नयना।।
बचन कायँ मन मम गति जाही । सपनेहुँ बृक्षि बिपति कि ताही।।
कह हनुमंत बिपति प्रभ्र सोई । जब तव सुमिरन भजन न होई ।।
केतिक बात प्रभ्र जातुधान की । रिपुहि जीति आनिबी जानकी ।।
सुनु किप तोहि समान उपकारी । निह कोउ सुर नर मुनि तनुधारी
प्रति उपकार करौँ का तोरा । सनमुख होइ न सकत मन मोरा।।
सुनु सुत तोहि उरिन मैं नाहीं । देखेउँ करि बिचार मन माहीं ।।
पुनि पुनि किपहि चितव सुरत्राता। लोचन नीर पुलक अति गाता।।

दो०-सुनि प्रभु बचन बिलोकि मुख गात हरषि हनुमंत । चरन परेउ प्रेमाकुल त्राहि त्राहि भगवंत । ३२॥

बार बार प्रभु चहइ उठावा । प्रेम मगन तेहि उठब न भावा ॥
प्रभु कर पंकज किप कें सीसा । सुमिरि सो दसा मगन गौरीसा॥
सावधान मज़ किर पुनि संकर । लागे कहन कथा अति सुंदर ॥
किप उठाइ प्रभु हृद्यँ लगावा । कर गिह परम निकट बैठावा ॥
कहु किप रावन पालित लंका । केहि विधि दहेउ दुर्ग अति बंका॥
प्रभु प्रसन्न जाना हनुमाना । बोला बचन बिगत अभिमाना ॥
साखामृग कै बिह मनुसाई । साखा तें साखा पर जाई ॥
नाधि सिंधु हाटक पुर जारा । निसिचर गन बिध बिपिन उजारा ॥
सो सब तब प्रताप रघुराई । नाथ न कछ मोरि प्रभुताई ॥

दो०—ता कहुँ प्रभु कछु अगम नहिँ जा पर तुम्ह अनुकूल। तव प्रभावँ बङ्वानलहि जारि सकइ खलु तूल॥ ३३॥

नाथ भगति अति सुखदायनी । देहु कृपा करि अनपायनी ॥
सुनि प्रभु परम सरल किप बानी । एवमस्तु तब कहेउ भवानी ॥
उमा राम सुभाउ जेहिं जाना । ताहि भजन तिज भाव न आना
यह संबाद जासु उर आवा । रघुपति चरन भगति सोइ पावा
सुनि प्रभु बचन कहिं किप बृंदा । जय जय जय कृपाल सुखकंदा॥
तब रघुपति किपपतिहि बोलावा । कहा चलै कर करहु बनावा ॥
अब बिलंबु केहि कारन की जे । तुरत किपन्ह कहुँ आयसु दीजे॥
कौतुक देखि सुमन बहु बरषी । नभ तें भवन चले सुर हरषी॥

दो०—कपिपति बेगि बोलाए आए जूथप जूथ। नाना बरन अतुल बल बानर भालु बरूथ॥३४॥

प्रश्च पद पंकज नावहिं सीसा । गर्जिहिं भाल महाबल कीसा ॥ देखी राम सकल किप सेना । चितइ कृपा किर राजिव नैना॥ राम कृपा बल पाइ किपदा । भए पच्छज्जत मनहुँ गिरिंदा ॥ हरिष राम तब कीन्ह पयाना । सगुन भए सुंदर सुभ नाना ॥ जासु सकल मंगलमय कीती । तासु पयान सगुन यह नीती ॥ प्रश्च पयान जाना बेंदेहीं । फरिक बाम अँग जनु किह देहीं जोइ जोइ सगुन जानिकहिं होई । असगुन भयउ रावनिह सोई ॥ चला कटकु को बरनें पारा । गर्जिह बानर भाल अपारा ॥ नख अर्थुध गिरि पादपधारी । चले गगन महि इच्छाचारी॥ केहरिनाद भाल किप करहीं । डगमगाहिं दिग्गज चिकरहीं ॥

छं०—चिक्करहिं दिग्गज डोल मिह गिरि लोल सागर खरभरे।

मन हरष सभ गंघर्ष सुर मुनि नाग किंनर दुख टरे।।

कटकटिं मर्कट बिकट भट बहु कोटि कोटिन्ह धावहीं।

जय राम प्रबल प्रताप कोसलनाथ गुन गन गावहीं।। १।।

सिह सक न भार उदार अहिपति बार बारिहं मोहई।

गह दसन पुनि पुनि कमठ पृष्ट कठोर सो किमि सोहई।।

रघुबीर रुचिर प्रयान प्रस्थित जानि परम सुहावनी।

जनु कमठ खर्पर सर्पराज सो लिखत अबिचल पावनी।। २।।

दो ०—९हि बिधि जाइ ऋपानिधि उतरे सागर तीर। जहँ तहँ लागे खान फल भालु बिपुल कपि बीर॥ ३५॥

उहाँ निसाचर रहिं ससंका । जब तें जारि गयं कि लेका ।।
निज निज गृहँ सब करिं विचारा। निंह निसिचर कुल केर उबारा
जासु द्त बल बरिन न जाई । तेहि आएँ पुर कवन भलाई ।।
द्तिन्ह सन सुनि पुरजन बानी । मंदोदरी अधिक अकुलानी ।।
रहिंस जोरि कर पित पग लागी । बोली बचन नीति रस पागी।।
कंत करि हर्र सन परिहरहू । मोर कहा अति हित हियँ धरहू।।
समुझत जासु द्त कई करनी । स्ववहिं गर्भ रजनीचर घरनी ।।
तासु नारि निज सचिव बोलाई। पठवहु कंत जो चहहु भलाई।।
सुनहु नाथ सीता बिनु दीन्हें । हित न तुम्हार संभु अज कीन्हें।।

दो ०--राम बान अहि गन सरिस निकर निसाचर भेक । जघ लगि प्रसत न तब लगि जतनु करहु तजि टेक ॥ ३६॥ अवन सुनी सठ ता किर बानी । बिहसा जगत बिदित अभिमानी सभय सुभाउ नारि कर साचा। मंगल महुँ भय मन अति काचा।। जों आवइ मर्कट कटकाई । जिअहं बिचारे निसिचर खाई ।। कंपिंह लोकप जाकीं त्रासा । तासु नारि सभीत बिह हासा ।। अस कि बिहिस ताहि उर लाई। चलेउ सभाँ ममता अधिकाई ।। मंदोदरी हृदयँ कर चिंता। भयउ कंत पर बिधि बिपरीता।। बेठेउ सभाँ खबिर असि पाई । सिंधु पार सेना सब आई ।। बुझेसि सचिव उचित मत कहहू। ते सब हुँसे मष्ट किर रहहू।। जितेहु सुरासुर तब अम नाहीं। नर बानर केहि लेखे माहीं।।

दो ०—सचिव वेंद्र गुर तीनि जों प्रिय वोलिहें भय आस। राज धर्म तन तीनि कर होइ बेगिहीं नास॥३७॥

सोइ रावन कहुँ बनी सहाई। अस्तुति करहिं सुनाइ सुनाई।। अवसर जानि विभीपनु आवा। भ्राता चरन सीसु तेहिं नावा।। पुनि सिरु नाइ बेंठ निज आसन। बोला बचन पाइ अनुसासन।। जो कृपाल पूँछिहु माहि बाता। मित अनुरूप कहउँ हित तावा।। जो आपन चाहै कल्याना। सजस सुमित सुम गति सुख नाना॥ सो परनारि लिलार गोसाई। तजन चन्न के चंद कि नाई।। चौरह सुवन एक पति होई। भृतद्रोह तिष्टइ नहिं सोई।। गुन सागर नागर नर जोऊ। अलप लोभ भल कहइ न कोऊ।। दो०—काम कोष मद लोभ सव नाथ नरक के पंथ।

सब परिहरि रघुवीराहि भजहु भजिह जेहि संत ॥ ३८ ॥ तात राम नहिं नर भूपाला । भुवनेस्वर कालहु कर काला ॥ मस अनामय अज भगवंता । न्यापक अजित अनादि अनंता ॥
गो द्विज घेनु देव दितकारी । कृपा सिंधु मानुष तनुभारी ॥
जन रंजन मंजन खल बाता । बेद धर्म रच्छक सुनु भ्राता ॥
तादि बयरु तजि नाइअ माथा । प्रनतारित मंजन रघुनाथा ॥
देहु नाथ प्रभु कहुँ वैदेही । भजहु राम बिनु हेतु सनेही ॥
सरन गएँ प्रभु ताहु न त्यागा । बिख्न द्रोह कृत अघ जेहि लागा॥
जासु नाम त्रय ताप नसावन । सोइ प्रभु प्रगट समुद्ध जियँ रावन

दो०—बार बार पद लागउँ विनय करउँ दससीस।
परिहरि मान मोह मद भजहु कोसलाधीस॥३९(क)॥
मुनि पुलस्ति निज सिष्य सन कहि पठई यह बात।
तुरत सो मैं प्रभु सन कही पाइ सुअवसरु तात॥३९(ख)॥

माल्यवंत अति सचिव सयाना । तासु बचन सुनि अति सुख माना तात अनुज तव नीति बिभूषन । सो उर धरहु जो कहत बिभीषन।। रिषु उतकरण कहत सठ दोऊ । द्रि न करहु इहाँ हइ कोऊ ॥ माल्यवंत गृह गयउ बहोरी । कहइ बिभीषनु पुनि कर जोरी ॥ सुमति कुमति सब कें उर रहहीं । नाथ पुरान निगम अस कहहीं।। जहाँ सुमति तहँ संपति नाना । जहाँ कुमति तहँ बिपति निदाना॥ तव उर कुमति बसी बिपरीता । हित अनहित मानहु रिषु प्रीता॥ कालराति निसचर कुल केरी । तेहि सीता पर प्रीति घनेरी ॥

दो०—तात चरन गहि मागउँ राखहु मोर दुलार। सीता देहु राम कहुँ अहित न होइ तुम्हार॥ ४०॥ बुध पुरान श्रुति संमत बानी। कही विभीषन नीति बखानी॥ सुनत दसानन उठा रिसाई। खल तोहि निकट मृत्यु अब आई जिअसि सदा सठ मोर जिआवा। रिपु कर पच्छ मृद तोहि भावा॥ कहिस न खल अस को जग माही। भुज बल जाहि जिता मैं नाहीं॥ मम पुर बिस तपसिन्ह पर प्रीती। सठ मिल्ल जाइ तिन्हिह कहु नीती अस किह कीन्हेसि चरन प्रहारा। अनुज गहे पद बारहिं बारा॥ उमा संत कइ इहइ बड़ाई। मंद करत जो करइ भलाई॥ तुम्ह पितु सरिस भलेहिं मोहि मारा। रामु भजें हित नाथ तुम्हारा॥ सचिव संग छैनभ पथ गयऊ। सबहि सुनाइ कहत अस भयऊ॥

दो०—रामु सत्यसंकल्प प्रभु सभा कालवस तोरि। मैं रघुवीर सरन अब जाउँ देहु जनि खोरि॥ ४१॥

अस किह चला विभीपनु जनहीं। आयुहीन भए सब तबहीं।।
साधु अवग्या तुरत भवानी। कर कल्यान अखिल के हानी।।
रावन जनहीं विभीषन त्यागा। भयउ विभव विनु तबिंद अभागा
चलेउ हरिष रघुनायक पाहीं। करत मनोरथ बहु मन माहीं।।
देखिहउँ जाइ चरन जलजाता। अरुन मृदुल सेवक सुखदाता।।
जे पद परिस तरी रिषिनारी। दंडक कानन पावनकारी।।
जे पद जनकसुताँ उर लाए। कपट कुरंग संग धर धाए।।
हर उर सर सरोज पद जेई। अहोभाग्य मैं देखिहउँ तेई।।

दो ०–जिन्ह पायन्ह के पादुकन्हि भरतु रहे मन लाइ।

ते पद आजु बिलोकिहउँ इन्ह नयनिह अब जाइ ॥ ४२ ॥ एहि विधि करत सप्रेम बिचारा । आयउसपदि सिंघु एहिं पारा ॥ कपिन्ह विभीषनु आवत देखा । जाना कोउ रिपु द्त विसेषा ॥ ताहि राखि कपीस पहिं आए । समाचार सब ताहि सुनाए ॥ कह सुग्रीव सुनहु रघुराई। आवा मिलन दसानन भाई ॥ कह प्रश्च सखा बूझिए काहा। कहइ कपीस सुनहु नरनाहा॥ जानि न जाइ निसाचर माया। कामरूप केहि कारन आया॥ मेद हम।र लेन सठ आवा। राखि गाँधि मोहि अस भावा॥ सखा नीति तुम्ह नीकि बिचारी। मम पन सरनागत भयहारी॥ सुनि प्रश्च बचन हरष हनुमाना। सरनागत बच्छल भगवाना॥

दो०—सरनागत कहुँ जे तजिहं निज अनहित अनुमानि।

ने नर पावँर पापमय तिन्हिह विलोकत हानि॥ ४३॥

कोटि बिप्र बध लागहिं जाहू । आएँ सरन तजउँ नहिं ताहू ।। सनमुख होइ जीव मोहि जवहीं । जनम कोटि अघ नासहिं तबहीं।। पापवंत कर सहज सुभाऊ । भजनु मोर तेहि भाव न काऊ ।। जों पे दुष्टहृदय सोइ होई । मोरें सनमुख आव कि सोई ।। निर्मल मन जन सो मोहि पावा । मोहि कपट छल छिद्र न भावा ।। मेद लेन पठवा दससीसा । तबहुँ न कछ भय हानि कपीसा !! जग महुँ मुखा निसाचर जेते । लिछमनु हनइ निमिष महुँ तेते ।। जों सभीत आवा सरनाई । रिवहरुँ ताहि प्रान की नाई ।।

दो ०—उभय भाँति तेहि आनहु हँसि कह ऋपानिकेत ! जय ऋपाल कहि कपि चले अंगद हन् समेत ॥ ४४॥

सादर तेहि आगें करि बानर । चले जहाँ रघुपति करुनाकर ॥
दृरिहि ते देखे द्वी भ्राता । नयनानंद दान के दाता ॥
बहुरि राम छविधाम बिलोकी । रहेउ ठडुकि एकटक पल रोकी॥

श्वज प्रलंब कंजारुन लोचन । स्यामल गातप्रनत भय मोचन ॥ सिंघ कंध आयत उर सोहा । आनन अमित मदन मन मोहा॥ नयन नीरपुलकित अति गाता। मन धिर धीर कही मृदु बाता॥ नाथ दसानन कर मैं भ्राता। निसिचर बंस जनम सुरत्राता॥ सहज पापप्रिय तामस देहा। जथा उल्कृकिह तम पर नेहा॥

दो०-श्रवन सुजसु सुनि आयउँ प्रभु भंजन भव भीर । त्राहि त्राहि आरति हरन सरन सुखद रघुवीर ॥ ४५ ॥

अस किह करत दंडवत देखा । तुरत उठे प्रश्च हरष विसेषा ॥ दीन वचन मुनि प्रश्च मन भावा । श्रुज विसाल गिह हृद्यँ लगावा॥ अनुजसहित मिलि दिग वैठारी । वोले बचन भगत भयहारी ॥ कहु लंकेस सहित परिवारा । कुसल कुठाहर बास तुम्हारा ॥ खल मंडलीं बसहु दिनु राती । सखा धरम निवहइ केहि भाँती॥ मैं जानउँ तुम्हारि सब रीती । अति नय निपुन न भाव अनीती॥ बरु भल बास नरक कर ताता । दुष्ट संग जिन देइ विधाता ॥ अवपद देखि कुसल म्घुराया। जौं तुम्ह कीन्हि जानि जन दाया

डो ०--तब लिंग कुसल न जीव कहुँ सपनेहुँ मन विश्राम । जब लिंग भजत न राम कहुँ सोक धाम तिज काम ॥ ४६ ॥

तब लगि हृद्यँ बसत खल नाना। लोभ मोह मच्छर मद माना।। जबलिग उर नबसत रघुनाथा। धरें चाप सायक कटि भाथा।। ममता तरुन तमी अँधिआरी। राग द्वेष उल्लक सुखकारी।। तब लगि बमति जीव मन माहीं। जब लगि रसु प्रताप रबिनाहीं अब मैं कुसल मिटे भय भारे। देखि रामपद कमल तुम्हारे॥ तुम्ह कृपाल जा पर अनुकूला। ताहि न ब्याप त्रिविध भव छ्ला।। मैं निसिचर अति अधम सुभाऊ। सुभ आचरनु कीन्ह नहिं काऊ॥ जासु रूप सुनिष्यान न आवा । तेहिं प्रसु हरषि हृदयँ मोहि लावा

दो ०—अहोभाग्य मम अमित अति राम क्रपा सुख पुंज । देखेउँ नयन बिरंचि सिव सेच्य जुगल पद कंज ॥ ४७ ॥

सुनहु सखा निज कहउँ सुभाऊ । जान भुसुंडि संभु गिरिजाऊ॥ जौं नर होई चराचर द्रोही । आवै सभय सरन तिक मोही ॥ तिज मद मोह कपट छल नाना । करउँ सद्य तेहि साधु समाना ॥ जननी जनक बंधु सुत दारा । तनु धनु भवन सुहृद परिवारा ॥ सब के ममता ताग बटोरी । मम पद मनिह बाँध बिर डोरी॥ समदरसी इच्छा कछु नाहीं । हरष सोक भय निह मन माहीं ॥ अस सज्जन मम उरवस कैसें । लोभी हृदयँ बसइ धनु जैसें ॥ तुम्ह सारिखे संत प्रिय मोरें । धरउँ देह निहं आन निहोरें ॥

दोo—सगुन उपासक परहित निरत नीति दृढ् नेम। ते नर प्रान समान मम जिन्ह कें द्विज पद प्रेम॥ ४८॥

सुनु लंकेसं सकल गुन तोरें। तातें तुम्ह अतिसय प्रिय मोरें।।
राम बचन सुनि बानर ज्था। सकल कहिं जय कृपा बरूथा।।
सुनत बिभीषनु प्रभु के बानो। निहं अघात अवनामृत जानी।।
पद अंबुज गहि बारहिं बारा। हृदयँ समात न प्रेमु अपारा।।
सुनहु देव सचराचर खामी। पनतपाल उर अंतरजामी।।
उर कलु प्रथम बासना रही। प्रभुपद प्रीतिसरित सां बही।।
अब कृपाल निज भगति पावनी। देहु सदा सिव मन भावनी।।

एवमस्तु कहि प्रभु रनधीरा । मागा तुरत सिंघु कर नीरा ॥ जदिप सखा तव इच्छा नाहीं । मोर दरसु अमोघ जग माहीं ॥ अस कहि राम तिलक तेहि सारा । सुमन चृष्टि नभ भई अपारा ॥

दो ०-रावन क्रोध अनल निज स्वास समीर प्रचंड । जरत विभीषनु राखेउ दीन्हेउ राजु अखंड ॥ ४९ (क) ॥ जो संपति सिव रावनहि दीन्हि दिएँ दस माथ । सोइ संपदा बिभीषनहि सकुचि दीन्हि रघुनाथ ॥ ४९ (ख)॥

अस प्रश्न छाड़ि भजिं जे आना । ते नर पसु बिनु पूँछ बिषाना ।।
निज जन जानि ताहि अपनावा । प्रश्न सुभाव किप कुल मन भावा
पुनि सर्वग्य सर्व उर बासी । सर्वरूप सब रहित उदासी ।।
बोले बचन नीति प्रतिपालक । कारन मनुज दनुज कुल घालक।।
सुनु कपीस लंकापित बीरा । केहि विधि तरिअ जलिध गंभीरा
संकुल मकर उरग झष जाती । अति अगाध दुस्तर सब भाँती।।
कह लंकेस सुनहु रघुनायक । कोटि सिंधु सोषक तव सायक ।।
जद्यि तदिप नीति असि गाई। बिनय करिअ सागर सन जाई ।।

दो०—प्रभु तुम्हार कुलगुर जलिंघ किहिंह उपाय बिचारि । बिनु प्रयास सागर तरिहि सकल भालु किप धारि ॥ ५०॥

सग्वा कही तुम्ह नीकि उपाई। करिअ दैव जों होइ सहाई।।
मंत्र न यह लिखिनन मन भावा। राम बचन सुनि अति दुग्व पान्नामा
नाथ दैव कर कवन भरोसा। सोषिअ सिंघु करिश्र मन रोमा।।
कादर मन कहुँ एक अधारा। दैव दैव आलसी पुकारा।।
सुनत बिहसि बोले रघुबीरा। ऐसेहिं करब धरहु मन धीरा।।

अस किह प्रभु अनु जिह समुझाई । सिंघु समीप गए रघुराई ॥ प्रथम प्रनाम कीन्ह सिरु नाई । बैठे पुनि तट दर्भ डसाई ॥ जबिह बिभीषन प्रभु पिह आए । पाछें रावन द्त पठाए ॥

दी ०—सकल चरित तिन्ह देखे धरें कपट किप देह। प्रभु गुन हृदयँ सराहिहें सरनागत पर नेह ॥ ५१ ॥

प्रगट बखानहिं राम सुभाऊ। अति सप्रेमगा बिसरि दुराऊ॥
रिपु के द्त किपन्ह तव जाने। सकल बाँधि कपीस पहिं आने॥
कह सुग्रीव सुनहु सब बानर। अंग भंग किर पठवहु निसिचर।
सुनि सुग्रीव बचन किप धाए। बाँधि कटक चहु पास किराए॥
बहु प्रकार मारन किप लागे। दीन पुकारत तदिष न त्यागे॥
जो हमार हर नामा काना। तेहि कोसलाधीस के आना॥
सुनि लिछिमन सब निकट बोलाए। दया लागि हाँसे तुरत छोड़ाए
रावन कर दी जहु यह पाती। लिछिमन बचन बाचु कुलधानी॥

दो ०—कहेहु मुखागर मूढ़ सन मम संदंसु उदार। मीता देइ मिलहु न त आया कालु तुम्हार॥ ५२॥

तुरत नाइ लेलिमन पद माथा । चले द्त बरनत गुन गाथा।।
कहत राम जसु लंकाँ आए । रावन चरन सीस तिन्ह नाए ।।
बिहसि दसानन पूँछी बाता । कहिस न सक आपनि कुसलाता
पुनि कहु खबरि विभीपन केरी । जाहि मृन्यु आई अति नेरी ।।
करत राज लंका सठ त्यागी । होइहि जब कर कीट अभागी ।।
पुनि कहु भालु कीस कटकाई । कठिन काल प्रेरित चलि आई।।
जिन्ह के जीवन कर रखवारा । भयउ मृद्ल चित सिंधु बिचारा

कहु तपसिन्ह के बात बहोरी। जिन्ह के हृद्यँ त्रास अति मोरेन्

दो०—की भइ भेंट कि फिरि गए श्रवन सुजसु सुनि मोर। कहसि न रिपु दल तेज वल बहुत चकित चित तोर॥ 🏴

नाथ कृपा किर पूँछेहु जैसें। मानहु कहा कोध तजि तें मिला जाइ जब अनुज तुम्हारा। जातिह राम तिलक तेहि सा रावन दूत हमिह सुनि काना किपिन्ह वाँधि दीन्हे दुख न अवन नासिका काटैं लागे। राम सपथ दीन्हें हम तर पूँछिहु नाथ राम कटकाई। बदन कोटि सत बरनिन्न नाना बरन भाउ किप धारी। विकटानन विसाल भय जैहिं पुर दहेउ हतेउ सुत तोरा। सकल किपन्ह महँ तेहिन् अमित नाम भट किटन कराला। अमित नाम बल विपुत

रो ०—द्विबिद मयंद नील नल अंगद गद विकटा दिवसुल केहरि निसंड संड जामवंत वलरानि

ए किप सब सुग्रीव समाना । इन्ह समकोटिन्ह र राम कृपाँ अतुलित बल तिन्ह हीं। तुन समान त्रेलोः अस मैं सुना श्रवन दसकंधर । पदुम अठारह र नाथ कटक महँ सो किप नाहीं । जो न तुम्हिह जी परम कोध मीजिहें मब हाथा। आयसु पे न रे सोषिंह मिंधु महित झप ब्याला। प्रहिं न त भिर मिंदी गर्द मिलवहिं दसमीमा। ऐपेइ बचन क गर्जीहें तर्जीहें सहज असंका । मानहुँ ग्रसन ः ्रि०—सहज सूर कपि भालु सब पुनि सिर पर प्रभुराम। रावन काल कोटि कहुँ जीति सकहिं संघाम॥ ५५॥

तेज बल बुधि बिपुलाई। सेष सहस सत सकहिं न गाई।।
सर एक सोषि सत सागर। तव श्रातिह पूँछेउ नय नागर।।
बचन सुनि सागर पाहीं। मागत पंथ कृपा मन माहीं।।
बचन बिहसा दससीसा। जौं असि मित सहाय कृत कीसा
भीरु कर बचन दढ़ाई।सागर सन ठानी मचलाई।।
ाा का करिस बड़ाई। रिपु बल बुद्धि थाह मैं पाई।।
प्रभीत विभीषन जाकें। विजय बिभूति कहाँ जग ताकें।।
प्रभीत विभीषन जाकें। समय बिचारि पत्रिका काढ़ी।।
दीन्ही यह पाती। नाथ बच।इ जुड़ावहु छाती
ाम कर लीन्ही रावन। सचिव बोलि सठ लाग बचावन

र मनिह रिझाइ सठ जिन घालिस कुल खीस । बेरोध न उबरिस सरन बिष्नु अज ईस ॥५६(क)॥ ो मान अनुज इव प्रमु पद पंकज भृंग । े राम सरानल खल कुल सहित पतंग ॥५६(ख)॥

ा मुख मुसुकाई । कहत दसानन सबिह सुनाई ॥ इत अकासा । लघु तापस कर बाग बिलासा ॥ न्य सब बानी । समुझहु छाहि प्रकृति अभिमानी रिहरिकोधा। नाथ राम सन तजहु बिरोधा ॥ तीर सुभाऊ । जद्यपि अखिल लोक कर राऊ॥ मिलत कृपा तुम्ह पर प्रश्च करिही। उर अपराध न एकउ धरिही।। जनकसुता रघुनाथिह दीजे। एतना कहा मोर प्रश्च कीजे। कि जब तेहि कहा देन वैदेही। चरन प्रहार कीन्ह सठ तेही।। नाइ चरन सिरु चला सो तहाँ। कृपासिंघु रघुनायक जहाँ।। किर प्रनाश्च निज कथा सुनाई। राम कृपाँ आपनि गति पाई।। रिष अगस्ति कीं साप भवानी। राक्षस भयउ रहा ग्रुनि ग्यानी।। बंदि राम पद बारहिं बारा। ग्रुनि निज आश्रम कहुँ प्राुधारा

दो o—बिनय न मानत जलिघ जड़ गए तीनि दिन बीति। बोले राम सकोप तब भय बिनु होइ न प्रीति॥ ५७॥

लिखिमन बान सरासन आन् । सोषों बारिधि बिसिख कुसान्।। सठ सन बिनय कुटिल सन प्रीती। सहज कुपन सन सुंदर नीती।। ममता रत सन ग्यान कहानी। अति लोभी सन बिरति बखानी।। क्रोधिहि सम कामिहि हरि कथा। ऊसर बीज बएँ फल जथा।। अस कहि रघुपति चाप चढ़ावा। यह मत लिखमन के मन भावा।। संधाने उप्रश्च बिसिख कराला। उठी उद्धि उर अंतर ज्वाला।। मकर उरग झप गन अकुलाने। जरत जंतु जलनिधि जब जाने।। कनकथार भरि मनि गन नाना। बिश रूप आयउ तजि माना।।

दो ०-काटेहिं पइ कदरी फरइ कोटि जतन कोउ सींच।

बिनय न मान खगेस सुनु डाटेहिं पइ नव नीच ॥ ५८ ॥

सभय सिंघु गहि पद प्रभु केरे । छमहु नाथ सब अवगुन मेरे ।। गगन समीर अनल जल धरनी । इन्ह कह नाथ सहज जड़ करनी ।। तव प्रेरित मायाँ उपजाए । सृष्टि हेतु सब ग्रंथिन गाए ॥
प्रभु आयसु जेहि कहँ जस अहई । सो तेहि भाँति रहें सुख लहई ॥
प्रभु भल कीन्ह मोहि सिख दीन्ही। मरजादा पुनि तुम्हरी कीन्ही॥
ढोल गवाँर सद्र पसु नारी। सकल ताड़ना के अधिकारी॥
प्रभु प्रताप में जाब सुखाई। उत्तरिह कटकुन मोरि बड़ाई॥
प्रभु अग्या अपेल श्रुति गाई। करौं सो बेगि जो तुम्हहि सोहाई॥

दो ०—सुनत बिनीत बचन अति कह ऋपाल मुसुकाइ। जेहि विधि उतरे कपि कटकु तात सो कहहु उपाइ॥ ५९॥

नाथ नील नल किप द्वौ भाई। लिरकाई रिषि आसिष पाई।।
तिन्ह केंपरस किएँ गिरि भारे। तिरहिं जलिध प्रताप तुम्हारे।।
मैं पुनि उर धिर प्रश्च प्रश्चताई। किरहउँ वल अनुमान सहाई।।
एहि विधि नाथ पयोधि वँधाइअ। जेहिं यह सुजसु लोक तिहुँ गाइअ
एहिं सर मम उत्तर तट वासी। हतहु नाथ खल नर अघ रासी।।
सुनि कुपाल सागर मन पीरा। तुरतिं हरी राम रनधीरा।।
देखि राम बुल पौरुष भारी। हरिष पयोनिधि भय उसुखारी।।
सकल चरित कहि प्रश्चिह सुनावा। चरन बंदि पाथोधि सिधावा।।

छं०—निज भवन गवनेउ सिंधु श्रीरघुपितिहि यह मत भायऊ । यह चरित किल मलहर जथामित दास तुलसी गायऊ ॥ सुख भवन संसय समन दवन बिषाद रघुपित गुन गना । तिज सकल आस भरोस गाविह सुनहि संतत सठ मना ॥ दो ०—सकल सुमंगल दायक रघुनायक गुन गान। सादर सुनिहें ते तरिहें भव सिंधु बिना जलजान॥ ६०॥

## मासपारायण, चौबीसवाँ विश्राम

इति श्रीमद्रामचरितमानसे सकलकलिकलुपविष्वंसने पश्चमः सोपानः समाप्तः । ( सुन्द्रकाण्ड समाप्त )



## रामके लिये देव-रथ



तेजपुंज रथ दिव्य अनुपा । हरपि चढ़े कोसलपुर भूपा ॥

#### श्रीमणेशाय नमः

#### श्रीजानकीवल्लभो विजयते

# श्रीरामचरितमानस

## षष्ठ सोपान

( लङ्काकाण्ड )

### इलोक

रामं कामारिसेच्यं भवभयहरणं कालमत्तेभित्तं योगीन्द्रं ज्ञानगम्यं गुणनिधिमजितं निर्गुणं निर्विकारम् । मायातीतं सुरेशं खलवधिनरतं ब्रह्मवृन्दैकदेवं वन्दे कन्दावदातं सरसिजनयनं देवमुत्रीश्चरूपम् ॥ १ ॥ शङ्कोन्द्राभमतीवसुन्दरतनुं शार्दृलचर्माम्बरं कालव्यालकरालभूषणधरं गङ्गाशशाङ्कप्रियम् । काश्रीशं कलिकल्मपीषशमनं कल्याणकल्पद्धमं नौमीडचं गिरिजापितं गुणनिधि कन्दर्पहं शङ्करम् ॥ २ ॥ यो ददाति सतां शम्भुः कैवल्यमि दुर्लभम् । खलानां दण्डकृद्योऽसौ शङ्करः शं तनोतु मे ॥ ३ ॥

दो०—लव निमेष परमानु जुग बरष कलप सर चंड । भजसि न मन तेहि रामको काल् जासु कोदंड ॥ सो ० – सिंधु बचन सुनि राम सचिव बोलि प्रभु अस कहेउ। अब विलंबु केहि काम करहु सेतु उतरे कटकु॥ सुनहु भानुकुल केतु जामवंत कर जोरि कह। नाथ नाम तव सेतु नर चिंद् भवसागर तरिहें॥

यह लघु जलि तरत कित बारा। अस सुनि पुनि कह पवनकुमारा।।
प्रश्च प्रताप बढ़वानल भारी । सोषेउ प्रथम पयोनिधि बारी ॥
तव रिपु नारि रुद्दन जलधारा ! भरेउ बहोरि भयउ तेहिं खारा॥
सुनि अति उकुति पवनसुत केरी । हरषे किय रघुपति तन हेरी ॥
जामवंत बोले दोउ भाई। नल नीलिह सब कथा सुनाई॥
राम प्रताप सुमिरि मन माहीं। करहु सेतु प्रयास कलु नाहीं॥
बोलि लिए किय निकर बहोरी। सकल सुनहु बिनती कलु मारी॥
राम चरन पंकज उर धरहु। कौतुक एक भालु किय करहू॥
धावहु मर्कट विकट बह्नथा। अत्नहु बिटप गिरिन्ह के जूथा॥
सुनि किप भालु चले किर हहा। जय रघुबीर प्रताप समृहा।।

दो ०—अनि उतंग गिरि पादप लीलिहें लेहिं उटाइ। आनि∍देहिं नल नोलिह रचिहं ते सेत् बनाइ॥१॥

सैल बिसाल आनि कृषि देहीं। कंदुक इव नल नील ते लेहीं।। देखि सेतु अति सुंदर रचना। विद्विस कृषानिधि बोले बचना।। प्रस्म रम्य उत्तम यह धरनी। मिहमा अमित जाइ निहं बरनी।। करिहुउँ इहाँ संग्र थापना। मोरे इद्यँ परम कलपना।। सुनि क्षिति बहु दूव पठाए। मुनिबर सकल बोलि ले आए।। लिंग थापि बिधिवत करि पूजा। सिव समान श्रिय मोहिन द्जा।।

सिव द्रोही मम भगत कहावा । सो नर सपनेहुँ मोहि न पावा ।। संकर विम्रुख भगति चह मोरी । सो नारकी मृदृ मति थोरी ।।

दो ०—संकर प्रिय मम द्रोही सिव द्रोही मम दास। ते नर करहिं कलप भरि घोर नरक महुँ बास॥२॥

जे रामेखर दरसनु करिहाइं। ते तनु तिज मम लोक सिधरिहाइं जो गंगाजल आनि चढ़ाइहि। सो साजुन्य मुक्ति नर पाइहि।। होइ अकाम जो छल तिज सेइहि। भगति मोरि तेहि संकर देइहि।। मम कृत सेतु जो दरसनु करिही। सो बिनु अम भवसागर तरिही।। राम बचन सब के जिय भाए। मुनिबर निज निज आश्रम आए गिरिजा रघुपति के यह रीती। संतत करिह प्रनत पर प्रीती।। बाँधा सेतु नील नल नागर। गमकृताँ जसु भयउ उजागर।। बुड़िह आनिह बोरिह जेई। भए उपल बोहित सम तेई।। महिमा यहन जलिथ कह बरनी। पाइन गुन न किपन्ह कइ करनी

दो ०-श्री रघुवीर प्रताप ते सिंघु तरे पाषान। ते मतिमंद जे राम तजि भजिहें जाइ प्रभु आन॥ ३॥

बाँधि सेतु अति सुदृढ़ बनावा। देखि कृपानिधि के मन भावा॥ चली सेन कल्ल बरिन न जाई। गर्जीहें मर्कट भट समुदाई॥ सेतुबंध ढिंग चढ़ि रघुराई। चितव कृपाल सिंघु बहुताई॥ देखन कहुँ प्रभु करुना कंदा।प्रगट भए सब जलचर बृंदा॥ मकर नक नाना झप ब्याला। सत जोजन तन परम बिसाला। अइसेउ एक तिन्हिह जे खाहीं। एकन्ह कें डर तेपि डेराहीं॥ प्रभुद्धि बिलोकहिंटरिंह न टारे। मन हरिषत सब भए सुखारे॥ तिन्ह कीं ओट न देखिअ बारी । मगन भए हिर रूप निहारी।। चला कटकु प्रभु आयसु पाई । को किह सक किप दल बिपुलाई।।

दो०—सेतुबंध भइ भीर अति किप नभ पंथ उड़ाहिं। अपर जलचरन्हि ऊपर चिंद चिंद पारहि जाहिं॥ ४॥

अस कौतुक बिलोकि द्वौ भाई । बिहँसि चले कृपाल रघुराई ।। सेन सहित उतरे रघुबीरा । किह न जाइ किप जूथप भीरा ।। सिंघु पार प्रश्च डेरा कीन्हा । सकल किपन्ह कहुँ आयसु दीन्हा खाहु जाइ फल मूल सुहाए । सुनत भालु किप जहँ तहँ धाए ।। सब तरु फरे राम हित लागी । रितु अरु कुरितु काल गित त्यागी खाहिँ मधुर फल बिटप हलाविह । लंका सन्मुख सिखर चलाविह ।। जहँ कहुँ फिरत निसाचर पाविह । घेरि सकल बहु नाच नचाविह ।। दसनिह काटि नासिका काना। किह प्रश्च सुजसु देहि तब जाना।। जिन्ह कर नासा कान निपाता । तिन्ह रावनिह कही सब बाता।। सुनत अवन बारिध बंधाना। दस सुख बोलि उठा अकुलाना।।

दो ०—बाँध्यो बननिधि नीरनिधि जलधि सिंधु वारीस। सस्य तोयनिधि कंपति उदधि पयोधि नदीस॥५॥

निज विकलता विचारि बहोरी। बिहँसि गयउ गृह किर भय भोरी मंदोदरीं सुन्यो प्रभु आयो। कौतुकहीं पाथोधि वँधायो।। कर गृह पतिहि भवन निज आनी। बोली परम मनोहर बानी।। चरन नाइ सिरु अंचल रोपा। सुनहु बचन पिय परिहरि कोपा नाथ बयरु कीजे ताही सों। बुधि बल सिकअ जीति जाही सों तुम्हृहि रघुपतिहि अंतर कैसा। खलु खद्योत दिनकरहि जैसा।।

अतिबल मधु केंटभ जेहिं मारे । महाबीर दितिसुत संघारे ।। जेहिं बलि बाँधि सहस भुज मारा।सोइ अवतरेउ हरन महि भारा।। तासु बिरोध न कीजिय नाथा । काल करम जिव जाकें हाथा।।

दो o—रामिह सौंपि जानकी नाइ कमल पद माथ। सुत कहुँ राज समर्पि बन जाइ भजिअ रघुनाथ॥ ६॥

नाथ दीनदयाल रघुगई। बाघउ समग्रुख गएँ न खाई।। चाहिअ करन सो सब किर बीते। तुम्ह सुर असुर चराचर जीते।। संत कहिँ असि नीति दसानन। चीथेंपन जाइहि नृप कानन।। तासु भजनु कीजिअ तहँ भर्ता। जो कर्ता पालक संहर्ता।। सोइ रघुबीर प्रनत अनुरागी। भजहु नाथ ममता सब त्यागी।। मुनिबर जतनु करिँ जेहि लागी। भूप राजु तजि होहिँ बिरागी।। सोइ कोसलाधीस रघुराया। आयउ करन तोहिपर दाया।। जौं पिय मानहु मोर सिखावन। सुजसु होइ तिहुँ पुर अति पावन

दो०—अस कहि नयन नीर भरि गहि पद कंपित गात। नाथ भजहु रघुनाथहि अचल होइ अहिवात॥ ७॥

तन रावन मयसुता उठाई। कहैं लाग खल निज प्रभुताई।।
सुनु तें प्रिया बृथा भय माना। जग जांधा को मोहि समाना।।
बरुन कुबेर पवन जम काला। भुज बल जिते उँसकल दिगपाला।।
देव दनुज नर सब बस मोरें। कवन हेतु उपजा भय तोरें।।
नाना बिधि तेहि कहेसि बुझाई। सभाँ बहोरि बैठ सो जाई।।
मंदोदरीं हृदयँ अस जाना। काल बस्य उपजा अभिमाना।।
सभाँ आह मंत्रिन्ह तेहिं बुझा। करब कवन विधि रिप्न सें जुझा।।

कहिं सचिव सुनु निसिचर नाहा । बार बार प्रश्च पूछहु काहा।। कहिंदु कवन भय करिअ विचारा । नर किप भालु अहार हमारा।।

दो०—सब के यचन श्रवन सुनि कह प्रहस्त कर जोरि। नीति बिरोध न करिअ प्रमु मंत्रिन्ह मित अति थोरि॥ ८॥

कहिं सचिव सठ ठकुरसोहाती । नाथ न पूर आव एहि भाँती ।। बारिधि नाधि एक किप आवा । तासु चिरत मन महुँ सबु गावा।। छुधा न रही तुम्हि तब काहू । जारत नगरु कस न धिर खाहू ।। सुनत नीक आगें दुख पावा । सचिवन अस मत प्रभुहि सुनावा जेहिं बारीस बँधायउ हेला । उतरे उसेन समेत सुबेला ।। सो भनु मनुज खाव हम भाई । वचन कहिं सब गाल फुलाई ।। तात बचन मम सुनु अति आदर। जिन मनु गुनहु मोहि किर कादर प्रिय बानी जेसुनिहं जे कहिं। ऐसे नर निकाय जग अहहीं।। बचन परम हित सुनत कठोरे । सुनिहं जे कहिं ते नर प्रभु थोरे।। प्रथम बसीठ पठउ सुनु नीती।। सीता देइ करहु पुनि प्रीती।।

दों o—नारि पाइ फिरि जाहिं जौं तो न बढ़ाइअ रारि । नाहि त सन्मुख समर महि तात करिअ हटि मारि ॥ ९ ॥

यह मत जां मानहु प्रभु मोरा । उभय प्रकार मुजसु जग तोरा।।
सुत सन कह दसकंठ रिसाई । असि मित सठ के हिं तो हि सिखाई
अबहीं ते उर संसय होई । बेनुमूल सुत भयहु घमोई ।।
सुनि पितु गिरा परुष अति घोरा । चला भवन कहि बचन कठोरा।।
हित मत तो हिन लागत कैसें । काल बिबस कहुँ भेषज जैसें ।।
• संध्या समय जानि दससीसा । भवन चलेउ निरस्तत भुज बीसा

उंका सिखर उपर आगारा। अति विचित्र तहँ होई अखारा।। बैठ जाइ तेहिं मंदिर रावन। ठागे किंनर गुन गन गावन।। बाजहिं ताल पखाउज बीना। नृत्य करहिं अपछरा प्रबीना।।

दो ०—सुनासीर सत सरिस सो संतत करइ विलास। परम प्रबल रिपु सीस पर तद्यपि सोच न त्रास ॥ १०॥

इहाँ सुबेल सेल रघुबीरा। उतरे सेन सहित अति भीरा।।
सिखर एक उतंग अति देखी। परम रम्य सम सुभ्र विसेषी।।
तहँ तरु किसलय सुमन सुहाए। लिखमन रिच निज हाथ उसाए
तापर रुचिर मृदुल मृगछाला। तेहिं आसन आसीन कृपाला।।
प्रभ्र कृत सीस करीस उछंगा। वाम दिहन दिसि चाप निषंगा।।
दुहुँ कर कमल सुधारत बाना। कह लंकेस मंत्र लिंग काना।।
बड़भागी अंगद हनुमाना। चरन कमल चापत विधि नाना।।
प्रभ्र पाछें लिखमन बीरासन। किट निषंग कर बान सरासन।।

दो०-एहि विधि ऋषा रूप गुन धाम रामु आसीन। धन्य ते नर एहिंध्यान जे रहत सदा लयलीन॥११(क)॥ पूरव दिसा बिलोकि प्रमु देखा उदित मयंक। कहत सबहि देखहु सिसिहि मृगपित सिरस असंक॥११(ख)॥

पूरव दिसि गिरिगुहा निवासी। परम प्रताप तेज बल रासी।।
मच नाग तम कुंभ बिदारी। सिस केसरी गगन बन चारी।।
बिथुरे नभ ग्रुकृताहल ताग। निसि सुंदरी केर सिंगारा।। कह प्रश्रु सिस महुँ में चकताई। कहहु काह निज निज मित भाई।।
कह सुग्रीव सुनहु रघुराई। सिस महुँ प्रगट भूमि के झाँई।।

मारेज राहु ससिहि कह कोई। उर महँ परी खामता सोई।। कांड कह जब बिधि रित मुख कीन्हा। सार भाग सिस करहिर छीन्हा छिद्र सो प्रगट इंदु उर माहीं। तेहि मग देखिअ नभ परिछाहीं प्रभु कह गरल बंधु सिस केरा। अति प्रिय निज उर दीन्ह बसेरा बिष संजुत कर निकर पसारी। जारत बिरहवंत नर नारी।।

दो०-कह हनुमंत सुनहु प्रभु सिस तुम्हार प्रिय दास।
तव मूरित बिधु उर बसित सोइ स्यामता अभास ॥१२(क)॥
नवाह्वपारायण, सातवाँ विश्राम

पवन तनय के बचन सुनि बिहँसे रामु सुजान।
दिख् निर्मास अवलोकि प्रमु बोले क्रिंग निधान ॥१२(ख)॥
देखु निभीषन दिन्छन आसा। घन घमंड दामिनी निलासा॥
मधुर मधुर गरजइ घन घोरा। होइ नृष्टि जनि उपल कठोरा॥
कहत निभीषन सुनहु कृपाला। होइ न तिहत न नारिद माला॥
लंका सिखर उपर आगारा। तहँ दसकंधर देख अखारा॥
छत्र मेघडंनर सिर धारी। सोइ जनु जलद घटा अति कारी॥
मंदोदरी अवन ताटंका। सोइ प्रभु जनु दामिनी दमंका॥
नाजहिं ताल मृदंग अनुपा। सोइ रव मधुर सुनहु सुरभूपा॥
प्रभु मुसुकान समुक्षि अभिमाना। चाप चढ़ाइ नान संधाना॥
दो०-छत्र मुकुट ताटंक तब हते एकहीं नान।
सब कें देखत मिह परे मरमु न कोऊ जान॥१३(क)॥

सब के देखते नाह पर नरेनु न काऊ जान ॥१२(क)॥ अस कौतुक करि राम सर प्रविसेड आइ निषंग । रावन सभा ससंक सब देग्वि महा रसभंग ॥१२(ख)॥ कंप न भूमि न मरुत बिसेषा । अस्न सस्न कछु नयन न देखा ॥
सोचिह सब निज हृदय मझारी । असगुन भयउ भयंकर भारी ॥
दसमुख देखि सभा भय पाई । बिहसि बचन कह जुगुति बनाई॥
सिरउ गिरे संतत सुभ जाही । मुकुट परे कस असगुन ताही ॥
सयन करहु निज निज गृह जाई । गवने भवन सकल सिर नाई ॥
मंदोदरी सोच उर बसेऊ । जब ते अवनपूर महि खसेऊ ॥
सजल नयन कह जुग कर जोरी । सुनहु प्रानपित बिनती मोरी ॥
कंत राम बिरोध परिहरहू । जानि मनुज जिन हठ मन धरहू॥

दो ०—बिस्वरूप रघुवंस मनि करहु बचन बिस्वासु। लोक कल्पना वेद कर अंग अंग प्रति जासु॥ १४॥

पद पाताल सीस अज धामा । अपर लोक अँग अँग विश्वामा।।
भृकुटि बिलास भयंकर काला । नयन दिवाकर कच घन माला।।
जासु घान अस्विनीकुमारा । निसि अरु दिवस निमेष अपारा।।
श्रवन दिसा दस बेद बखानी । मारुत स्वास निगम निज बानी।।
अधर लोभ जम दसन कराला । माया हास बाहु दिगपाला ।।
आनन अनल अंबुपति जीहा । उतपति पालन प्रलय समीहा ।।
रोम राजि अष्टादस भारा । अस्थि सैल सरिता नस जारा ।।
उदर उदिध अधगो जातना । जगमय प्रभु का बहु कलपना ।।

दो ०-अहंकार सिव बुद्धि अज मन सिस चित्त महान । मनुज बास सचराचर रूप राम भगवान ॥१५(क)॥ अस बिचारि सुनु प्रानपति प्रभु सन बयरु बिहाइ । श्रीति करहु रघुबीर पद मम अहिवात न जाइ ॥१५(स्व)॥ बिहँसा नारि वचन सुनि काना । अहो मोह महिमा बलवाना ।।
नारि सुभाउ सत्य सब कहहीं । अवगुन आठ सदा उर रहहीं ।।
साहस अनृत चपलता माया । भय अविवेक असीच अदाया ।।
रिषु कर रूप सकल तैं गावा । अति विसाल भय मोहि सुनावा।।
सो सब प्रिया सहज यस मोरें । समुझि परा प्रमाद अब तोरें ।।
जानिउँ प्रिया तोरि चतुराई । एहि विधि कहहु मोरि प्रभुताई।।
तव बतकही गृढ़ मृगलोचनि । समुझत सुखद सुनत भय मोचनि
मंदोदरि मन महुँ अस ठयऊ। पियहि काल बस मतिभ्रम भयऊ।।

दो ०—एहि विधि करत बिनोद बहु प्रात प्रगट दसकंघ। सहज असंक लंकपति सभाँ गयउ मद अंघ॥ १६(क)॥

सो०—फूलड फरइ न बेत जर्दाप सुधा बरपिहें जलद। मूरुख हृदयँ न चेत जौं गुर मिलिहें विरंचि सम ॥१६(ख)॥

इहाँ प्रात जागे रघुराई। पूछा मत सब सचिव बोलाई।। कहहु बेगि का करिअ उपाई। जामवंत कह पद सिरु नाई।। सुनु सर्वग्य सकल उर वासी। बुधि वल तेज धम गुन गसी।। मंत्र कहउँ निज मित अनुसारा। दूत पठाइअ बालिकुमारा।। नीक मंत्र सब के मन माना। अंगद सन कह कृपानिधाना।। बालितनय बुधि वल गुनधामा। लंका जाहु तात मम कामा।। बहुत बुझाइ तुम्हिह का कहऊँ। परम चतुर में जानत अहऊँ।। काज़ु हमार तासु हित होई। रिपुसन करेहु बतकही सोई।। सो०-प्रभु अग्या धिर सीस चरन वंदि अंगद उठेउ।

सोड़ु गुन सागर ईस राम ऋपा जा पर करहु ॥१७(क)॥

स्वयंसिद्ध सब काज नाथ मोहि आदरु दियउ। अस बिचारि जुबराज तन प्लिकित हरषित हियउ॥१७(ख)॥

बंदि चरन उर धरि प्रभुताई। अंगद चलेउ सबहि सिरुनाई।।
प्रभु प्रताप उर सहज असंका। रन बाँकुरा बालिसुत बंका।।
पुर पैठत रावन कर बेटा। खेलत रहा सो होइ गें भेटा।।
बातिह बात करप बिह आई। जुगल अतुल बल पुनि तरुनाई।।
तेहिं अंगद कहुँ लात उठाई। गहि पद पटकेउ भूमि भवाँई।।
निसिचर निकर देखि भट भारी। जहँ तहँ चले न सकहिं पुकारी।।
एक एक सन मरमु न कहहीं। समुक्षितासु बध चुप करि रहहीं।।
भयउ कोलाहल नगर मझारी। आवा किप लंका जेहिं जारी।।
अब धों कहा करिह करतारा। अति सभीत सव करिह विचारा।।
बिनु पूछें मगु देहिं दिखाई। जेहि बिलोक सोइ जाइ सुखाई।।

दो०-गयउ सभा दरवार तव सुभिरि राम पद कंज।

सिंह ठवनि इत उत चितव घीर वीर बल पुंज ॥ १८॥

तुरत निसाचर एक पठावा। समाचार रावनहि जनावा।।
सनत बिहँसि बोला दससीमा। आनहु बोलि कहाँ कर कीसा।।
आयसु पाइ दूत बहु धाए। किपकुंजरहि बोलि ले आए।।
अंगद दीख दसानन बैसें। सहित प्रान कज्जल गिरि जैसें।।
सुजा बिट पिसर सुंग समाना। रोमावली लता जनु नाना।।
सुख नासिका नयन अरु काना। गिरि कंदरा खोह अनुमाना।।
गयउ सभाँ मन नेकु न सुरा। बालितनय अतिबल बाँकुरा।।
उठे सभासद किप कहुँ देखी। रावन उर्भा कोध बिसेणी।।

दो ०—जथा मत्त गज जूथ महुँ पंचानन चिल जाइ।

राम प्रताप सुमिरि मन बैंठ सभाँ सिरु नाइ॥ १९॥

कह दसकंठ कवन तें बंदर । मैं रघुबीर दृत दसकंधर ॥
मम जनकिह तोहि रही मिताई। तव हित कारन आयउँ भाई ॥
उत्तम कुल पुलस्ति कर नाती । सिव विरंचि पूजेहु बहु भाँती ॥
वर पायहु कीन्हेहु सब काजा। जीतेहु लोकपाल सब राजा ॥
नृप अभिमान मोह बस किंबा। हिर आनिहु सीता जगदंबा ॥
अब सुभ कहा सुनहु तुम्ह मोरा। सब अपराध छिमिहि प्रभु तोरा॥
दसन गहहु तुन कंठ कुठारी। परिजन सहित संग निज नारी॥
सादर जनकसुता किर आगें। एहि बिध चलहु सकल भय त्यारों

दो ०—प्रनतपाल रघुवंसमिन त्राहि त्राहि अब मोहि। आरत गिरा सुनत प्रभु अभय करेंगो तोहि॥ २०॥

रे किपिपोत बोछ संभारी। मृह न जानेहि मोहि सुरारी।।
कहु निज नाम जनक कर भाई। केहि नातें मानिए मिताई।।
अंगद नाम जनक कर भाई। केहि नातें मानिए मिताई।।
अंगद नम् नालि कर बेटा। तासों कबहुँ भई ही मेटा।।
अंगद वचन सुनत सकुचाना। रहा बालि बानर मैं जाना।।
अंगद तहीं बालि कर बालक। उपजेउ बंस अनल कुल घालक।।
गर्म न गयहु ब्यर्थ तुम्ह जायहु। निज मुख तापस द्त कहायहु।।
अब कहु कुसल बालि कहँ अहई। बिहँसि बचन तब अंगद कहई।।
दिन दस गएँ बालि पहिं जाई। बुझेहु कुसल सखा उर लाई।।
राम बिरोध कुसल जिस होई। सो सब तोहि सुनाहिह सोई।।
सुनु सठ मेद होइ मन ताकें। श्रीरघुबीर हृदय नहिं जाकें।।

दो ०—हम कुल घालक सत्य तुम्ह कुल पालक दससीस। अंधउ बिधर न अस कहिंहै नयन कान तव बीस ॥ २१॥

सिव बिरंचि सुर ग्रुनि सग्रुदाई। चाहत जासु चरन सेवकाई।। तासु द्त होइ हम कुल बोरा। अइसिहुँ मित उर बिहर न तोरा।। सुनि कठोर बानी किप केरी। कहत दसानन नयन तरेरी।। खलतव कठिन बचन सब सहऊँ। नीति धर्म मैं जानत अहऊँ।। कह किप धर्मसीलता तोरी। हमहुँ सुनी कृत पर त्रिय चोरी।। देखी नयन द्त रखवारी। बूड़ि न मरहु धर्म ब्रतधारी।। कान नाक बिनु भगिनि निहारी। छमा कीन्हि तुम्ह धर्म बिचारी।। धर्मसीलता तव जग जागी। पावा दरसु हमहुँ बड़भागी।।

दो ०—जिन जल्पिस जड़ जंतु किप सठ बिलोकु मम बाहु । लोकपाल बल बिपुल सिस यसन हेतु सब राहु ॥२२(क)॥ पुनि नभ सर मम कर निकर कमलिन्ह पर किर बास । सोभत भयउ मराल इव संभु सिहत कैलास ॥२२(ख)॥

तुम्हरे कटक माझ सुनु अंगद । मो सन भिरिहि कवन जोधा बद्।।
तव प्रभु नारि विश्हें बलहीना । अनुज तासु दुख दुखी मलीना ।।
तुम्ह सुप्रीव क्लद्धम दोऊ । अनुज हमार भीरु अति सोऊ।।
जामवंत मंत्री अति बृदा । सो कि होइ अब समगरूदा ।।
सिल्पि कर्म जानहिं नल नीला। है किप एक महा बलसीला ।।
आवा प्रथम नगरु जेहिं जारा। सुनत बचन कह बालिकुमारा ।।
सत्य बचन कहु निसिचर नाहा। साँचेहुँ कीस कीन्ह पुर दाहा ।।
रावन नगर अल्प किप दहई । सुनि अस बचन सत्य को कहई ।।

जो अति सुभट सराहेडु रावन । सो सुग्रीव केर लघु धावन ॥ चलड् बहुत सो बीर न होई । पठवा खबरि लेन हम सोई ॥

दो०-सत्य नगरु किप जारेउ बिनु प्रभु आयसु पाइ।

फिरि न गयउ सुप्रीव पिहें तेहिं भय रहा लुकाइ।।२३(क)॥
सत्य कहिंद दसकंठ सब मोहि न सुनि कछु कोह।
कोउ न हमारें कटक अस तो सन लरत जो सोह।।२३(ख)॥
प्रीति बिरोध समान सन किरिअ नीति असि आहि।
जौं मृगपित बध मेंडुकिन्ह भल कि कहइ कोउ ताहि॥२३(ग)॥
जद्यपि लघुता राम कहुँ तोहि वधें बड़ दोष।
तदिप किठिन दसकंठ सुनु छत्र जाति कर रोष॥२३(घ)॥
बक्र उक्ति धनु बचन सर हृदय दहेउ रिपु कीस।
प्रतिउत्तर सड़िसन्ह मनहु काद्त भट दससीम॥२३(ङ)॥
हाँसि बोलेउ दसमौलि तब किप कर बड़ गुन एक।
जो प्रतिपालइ तास् हिन करइ उपाय अनेक॥२३(च)॥

धन्य कीस जो निज प्रश्च काजा । जहँ तहँ नाचइ परिहरि लाजा।। नाचि कृदि कैरि लोग रिझाई । पति हित करइ धर्म निपुनाई ॥ अंगद खामिभक्त तब जाती । प्रश्च गुन कस न कहिस एहि भौती मैं गुन गाहक परम सुजाना । तब कटु रटनि करउँ निहं काना कह किप तब गुन गाहकताई । सत्य पवनसुत मोहि सुनाई ॥ बन बिघंसि सुत बिध पुर जारा। तदिष न तेहिं कछु कृत अपकारा॥ सोह बिचारि तब प्रकृति सुहाई। दसकंधर मैं कीन्हि ढिठाई ॥ देखेडँ आह जो कछु किप भाषा। तुम्हरें लाज न रोष न माखा ॥ जौं असि मित पितु खाए कीसा । किह अस बचन हँसा दससीसा पितिह खाइ खाते उँ पुनि तोही । अवहीं समुझ परा कल्ल मोही।। बालि बिमल जस भाजन जानी । हत उँन तोहि अधम अभिमानी कहु रावन रावन जम केते । मैं निज अवन सुने सुनु जेते ।। बलिहि जितन एक गयउ पताला। राखे उबाँधि सिसुन्ह हयसाला खेलिह बालक मारहिं जाई । दया लागि बलि दीन्ह छोड़ाई।। एक बहोरि सहस अज देखा । धाइ धरा जिमि जंतु विसेषा ।। कौतुक लागि भवन ले आवा । सो पुलित मुनि जाइ छोड़ावा।।

दो०-एक कहत मोहि सकुच अति रहा बालि की काँख।

इन्ह महुँ रावन ते कवन सत्य बदिह तिज मास ॥ २४ ॥
सुनु सठ सोइ रावन वलसीला। हरिगरि जान जासु भुज लीला ॥
जान उमापित जासु सुराई । पूजेउँ जेहि सिर सुमन चढ़ाई ॥
सिर सरोज निज करिन्ह उतारी । पूजेउँ अमित बार त्रिपुरारी ॥
भुज विक्रम जानिह दिगपाला । सठ अजहूँ जिन्ह कें उर साला॥
जानिह दिग्गज उर कठिनाई । जब जब भिरउँ जाइ बरिआई॥
जिन्ह के दसन कराल न फूटे । उर लागत मूलक इव टूटे ॥
जासु चलत डोलित इमि धरनी । चढ़त मत्त गज जिमि लघु तरनी
सांइरावन जग विदित प्रतापी । सुनेहिन श्रवन अलीक प्रलापी॥

दो ०—तेहि रावन कहँ लघु कहिस नर कर करिस बखान।
रे किप वर्बर खर्ब खल अब जाना तव ग्यान॥ २५॥
सुनि अंगद सकोप कह बानी। बोल्ल सँभारि अधम अभिमानी॥
सहसबाहु भ्रुज गहन अपारा। दहन अनल सम जासु कुठारा॥

जासु परसु सागर खर धारा । ब्हे नृप अगनित बहु बारा ॥ तासु गर्ब जेहि देखत भागा । सो नर क्यों दससीस अभागा ॥ राम मनुज कस रे सठ बंगा । धन्वो कामु नदी पुनि गंगा ॥ पसु सुरधेनु कल्पतरु रूखा । अन्न दान अरु रस पीयूषा ॥ वैनतेय खग अहि सहसानन । चितामनि पुनि उपल दसानन॥ सुनु मितमंद लोक बैकुंठा । लाभ कि रघुपति भगति अकुंठा ॥

दो ०—सेन सहित तव मान मिथ बन उजारि पुर जारि । कस रे सठ हनुमान कपि गयउ जो तव सुत मारि ॥ २६॥

सुनु रावन परिहरि चतुराई। भजिस न कृपासिंघु रघुराई।। जौं लल भएसि राम कर द्रोही। ब्रह्म रुद्र सक राखि न तोही।। मूढ़ बृथा जिन मारिस गाला। राम बयर अस होइहि हाला।। तव सिर निकर किपन्ह के आगें। परिहिंह धरिन राम सर लागें।। ते तव सिर कंदुक सम नाना। खेलिहिंह भालु कीस चौगाना।। जबहिं समर कोपिहि रघुनायक। छुटिहिंह अति कराल बहु सायक तब कि चलिहि अस गाल तुम्हारा। अस बिचारि भजुराम उदारा।। सुनत अचन रावन परजरा। जरत महानल जनु घृत परा।।

दो ०—कुंभकरन अस बंधु मम सुत प्रसिद्ध सकारि। मोर पराक्रम नहिं सुनेहि जितेउ चराचर झारि॥ २७॥

सठ सालामृग जोरि सहाई। बाँधा सिंघु इहह प्रश्रुताई।। नाषि स्वा अनेक बारीसा। सर न हो हिंते सुनु सब कीसा।। मम श्रुज सागर बल जल पूरा। जहँ बूड़े बहु सुर नर सरा।। वीस प्रयोधि अगाध अपारा। को अस बीर जो पाहहि पारा।। दिगपालन्ह में नीर भरावा । भूप सुजस खल मोहि सुनावा ।। जौं पे समर सुभट तव नाथा । पुनि पुनि कहिस जासु गुन गाथा ॥ तो बसीठ पठवत केहि काजा । रिपु सन प्रीति करत नहिं लाजा।। हरगिरि मथन निरखु मम बाहू । पुनि सठ किप निज प्रमुहि सराहू ॥

दो ०—सूर कवन रावन सरिस स्वकर काटि जेहिं सीस। हुने अनल अति हरप वहु बार साखि गौरीस॥ २८॥

जरत बिलोकेउँ जबहिं कपाला । बिधि के लिखे अंक निज भाला।।
नर कें कर आपन बध बाँची । हँसेउँ जानि बिधि गिरा असाँची।।
सोउ मनसम्रक्षित्रास निहं मोरें । लिखा बिरंचि जरठ मित भोरें।।
आन बीर बल सठ मम आगें । पुनि पुनि कहिस लाज पित त्यागें।।
कह अंगद सलज्ज जग माहीं । रावन तोहि समान कोउ नाहीं ।।
लाजवंत तब सहज सुभाऊ । निज मुख निज गुन कहिस न काऊ
सिरु अरु सैल कथा चित रही । ताते बार बीस तैं कही ।।
सो भुजबल राखेउ उर घाली । जीतेहु सहसबाहु बिल बाली।।
सुनु मितमंद देहि अब पूरा । काटें सीस कि होइअ सरा ।।
इंद्रजालि कहुँ कहिअ न बीरा । काटइ निज कर सकल सरीरा।।

दो ० - जरिहं पतंग मोह बस भार बहिहं खर बृंद ।
ते निहं सूर कहाविहं समुिश देखु मितमंद ॥ २९ ॥
अब जिन बतबढ़ाव खल करिही । सुनु मम बचन मान परिहरही।।
दसप्रुख में न बसीठीं आयउँ । अस बिचारि रघुबीर पठायठँ ॥
बार बार अस कहह कृपाला । निहं मृजारि जसु बचें सुकाला ॥
मन महुँ समुझि बचन प्रभु केरे । सहेउँ कठोर बचन सठ तेरे ॥

नाहिं त करि मुख मंजन तोरा । लै जाते उँ सीतहि बरजोरा ॥ जाने उँ तव बल अधम सुरारी । सने हिर आनिहि परनारी ॥ तैं निसिचर पति गर्व बहुता । मैं रघुपति सेवक कर द्ता॥ जौं न राम अपमानहि डरऊँ । तोहि देखत अस कौतुक करऊँ॥

दो०-तोहि पटिक मिह सेन हित चौपट किर तव गाउँ। तव जुबितन्ह समेत सठ जनकसुतिह लै जाउँ॥ २०॥

जों अस करों तदिप न बड़ाई । मुएहि बचें नहिं कछ मनुसाई ।। कौल कामबस कृपिन बिमूढ़ा । अति दिरिद्र अजसी अति बढ़ा ।। सदा रोगबस संतत काधी । बिष्नु विमुख श्रुति संत बिरोधी तनु पोषक निंदक अघ खानी । जीवत सब सम चौदह प्रानी ॥ अस बिचारि खल बधउँ न तोही । अब जिन रिस उपजाविस मोही सुनि सकोप कह निसिचर नाथा । अधर दसन दिस मीजत हाथा।। रे किप अधम मरन अब चहसी । छोटे बदन बात बढ़ि कहसी ॥ कडु जलपिस जड़ किप बल जाकें। बल प्रताप बुधि तेज न ताकें।।

दो ०—अगुन अमान जानि तेहि दीन्ह पिता बनबास। सौ दुख अरु जुबती बिरह पुनि निसि दिन मम त्रास ॥३१(क)॥ जिन्ह के बल कर गर्ब तोहि अइसे मनुज अनेक। खाहिं निसाचर दिवस निसि मूद समुझु तजि टेक ॥३१ (ख)॥

जब तेहिं कीन्हि राम के निंदा । कोधवंत अति भयउ किपंदा ॥ हिर हर निंदा सुनइ जो काना । होइ पाप गोघात समाना ॥ कटकटात किपकुंजर भारी । दुहु अजदंड तमिक महि मारी॥ डोलत धरनि सभासद खसे । चले भाजि भय मारुत ग्रसे ॥ गिरत सँभारि उठा दसकंधर । भूतल परे मुक्ट अति सुंदर ॥ कल्ल तेहिं ले निज सिरन्दि सँवारे। कल्ल अंगद प्रमु पास पवारे ॥ आवत मुक्ट देखि किप भागे । दिनहीं लक्क परन विधि लागे॥ की रावन किर कोप चलाए । कुलिस चारि आवत अति धाए॥ कह प्रमु हँसि जनि हृद्यँ डेराहू । लक्क न असनि केतु नहिं राहू ॥ ए किरीट दसकंधर केरे । आवत बालितनय के प्रेरे ॥

दो ०—तरिक पवनसुत कर गहे आनि घरे प्रभु पास। कौतुक देखिह भालु किप दिनकर सिरस प्रकास ॥३२(क)॥ उहाँ सकोपि दसानन सब सन कहत रिसाइ। घरहु किपिहि घरि मारहु सुनि अंगद मुसुकाइ॥३२(ख)॥

एहि बिध बेगि सुभट सब धावहु। खाहु भालु किप जहँ जहँ पावहु।।
मर्कटहीन करहु मिह जाई। जिअत धरहु तापस द्वौ भाई।।
पुनि सकोप बोलेउ जुबराजा। गाल बजावत तोहि न लाजा।।
मरुगर काटि निलंज कुलघाती। वल बिलोकि बिहरति निहं छाती
रे त्रिय चोर कुमारग गामी। खल मल रासि मंदमित कामी।।
सन्यपात जल्पसि दुर्बादा। भएसि कालबस खल मनुजादा।।
याको फलु पावहिगो आगें। बानर भालु चपेटिन्ह लागें।।
राम्च मनुज बोलत असि बानी।गिरहिंन तव रसना अभिमानी।।
गिरिहिंह रसना संसय नाहीं। सिरन्हि समेत समर महि माहीं।।

सो०—सो नर क्यों दसकंघ बालि बध्यो जेहिं एक सर। बीसहुँ लोचन अंघ धिग तव जन्म कुंजाति जड़ ॥३३(क)॥ तव सोनित कीं प्यास तृषित राम सायक निकर । तजउँ तोहितेहि त्रास कटु जल्पक निसिचर अधम ॥३३(ख)॥

मैं तब दसन तोरिबे लायक। आयसु मोहि न दीन्ह रघुनायक।।
असि रिस होति दसउ मुख तोरों। लंका गिह समुद्र महँबोरों।।
गूलिर फल समान तव लंका। बसहु मध्य तुम्ह जंतु असंका।।
मैं बानर फल खात न बारा। आयसु दीन्ह न राम उदारा॥
जुगुति सुनत रावन मुसुकाई। मूढ़ सिखिहि कहँ बहुत झुठाई॥
बालि न कबहुँ गाल अस मारा। मिलि तपसिन्ह तैं भएसि लबारा
साँचेहुँ मैं लबार भुज बीहा। जों न उपारिउँ तब दस जीहा॥
सम्रुझि राम प्रताप किप कोपा। सभा माझ पन किर पद रोपा॥
जौं मम चरन सकसि सठटारी। फिरिह रामु सीता मैं हारी॥
सुनहु सुभट सब कह दससीसा। पद गिह धरनि पछारहु कीसा॥
इंद्रजीत आदिक बलवाना। हरिष उठे जहुँ तहुँ भट नाना॥
झपटिह किर बल बिपुल उपाई। पद न टरइ बैठिह सिरु नाई॥
पुनि उठि झपटिह सुर आराती। टरइन कीस चरन एहि भाँती॥
पुरुष कुजेशी जिम उरगारी। मोह बिटप न हिंसकिह उपारी॥

दो ०-कोटिन्ह मेघनाद सम सुभट उठे हरषाइ। झपटिहें टरें न कपि चरन पुनि बैठिहें सिर नाइ ॥३४(क)॥ भूमि न छाँड्त कपि चरन देखत रिपु मद भाग। कोटि बिघ्न ते संत कर मन जिमि नीति न त्याग ॥३४(स)॥

किप बल देखि मकल हियँ हारे । उठा आपु किप के परचारे ॥ गहत चरन कह बालिकुमारा । मम पद गहें न तोर उबारा ॥ गहिस न राम चरन सठ जाई। सुनत फिरा मन अति सकुचाई।।

मयउ तेजहत श्री सब गई। मध्य दिवस जिमिसिस सोहई।।

सिंघासन बैठेड सिर नाई। मानहुँ संपति सकल गँवाई।।

जगदातमा प्रानपित रामा। तासु बिमुख किमिलह विश्वामा।।

उमा रामकी भृकुटि बिलासा। होइ बिख पुनि पावइ नासा।।

तुन ते कुलिस कुलिस तुन करई।तासु दूत पन कहु किमि टरई।।

पुनि किप कही नीति विधि नाना। मान न ताहि कालु निअराना।।

रिपु मद मिथ प्रभु सुजसु सुनायो। यह कहि चल्यो बालि नृप जायो

हतौं न खेत खेलाइ खेलाई। नोहि अवहिं का करीं बड़ाई।।

प्रथमहिं तासु तनय किप मारा। सो सुनि रावन भयउ दुखारा।।

जातुधान अंगद पन देखी। भय व्याकुल सब भए बिसेपी।।

दो ०—रिपु बल घरिष हरिष किप बालि तनय बल पुंज । पुलक सरीर नयन जल गहे राम पद कंज ॥३५(क)॥ साँझ जानि दसकंघर भवन गयउ बिलखाइ। मंदोदरीं रावनहि बहुरि कहा समुझाइ ॥३५(ख)॥

कंत समुझि मन तजहु कुमितही।सोह न समर तुम्हिह रघुपितही।। रामानुज लघु रेख खचाई । सोउ निहं ना घेहु असि मनुसाई ॥ पिय तुम्ह ताहि जितव संग्रामा। जाके दृत केर यह कामा॥ कौतुक सिंधु नाघि तव लंका। आयउ किए केहरी असंका॥ रखवारे हित विपिन उजारा। देखत तोहि अच्छ तेहिं मारा॥ जारि सकल पुर कीन्हेसि छारा। कहाँ रहा वल गर्व तुम्हारा॥ अब पित मुषा गाल जिन मारहु। मोर कहाँ कछु हुद्यँ विचारहु॥ पित रघुपितिहि नृपित जिन मानहु। अग जग नाथ अतुल बल जानह बान प्रताप जान मारीचा। तासु कहा निहं मानेहि नीचा।। जनक सभाँ अगनित भूपाला। रहे तुम्हउ बल अतुल बिसाला।। मंजि धनुष जानकी बिआही। तब संग्राम जितेहु किन ताही।। सुरपित सुत जानइ बल थोरा। राखा जिअत आँखि गहि फोरा।। सुपनखा के गित तुम्ह देखी। तदिप हृद्यँ निहं लाज बिसेषी।।

दो ०—बिध बिराध खर दूषनिह लीलाँ हत्यो कवंध। बालि एक सर मारधो तेहि जानह दसकंध॥ ३६॥

जेहिं जलनाथ बँधायउ हेला । उतरे प्रश्च दल सहित सुबेला।। कारुनीक दिनकर कुल केत् । द्त पठायउ तव हित हेत् ।। सभा माझ जेहिं तव बल मथा । किर बरूथ महुँ मृगपित जथा।। अंगद हनुमत अनुचर जाके । रन बाँकुरे बीर अति बाँके ।। तेहि कहँ पिय पुनि पुनि नर कहहू। मुधा मान ममता मद बहहू ।। अहह कंत कृत राम बिरोधा। काल बिबस मन उपज न बोधा।। काल दंड गहि काहु न मारा। हरइ धर्म बल बुद्धि बिचारा ।। निकट काल केहि आवत साई । तेहि भ्रम होइ तुम्हारिहि नाई।।

दो०—दुइ सुत मरे दहेउ पुर अजहुँ पूर पिय देहु । कृपासिंघु रघुनाथ भिन नाथ बिमल जसु लेहु ॥ ३७ ॥

नारि बचन सुनि बिसिख समाना । सभाँ गयउ उठि होत बिहाना।। बैंठ जाइ सिंबासन फूली ।अति अभिमान त्रास सब भूली।। इहाँ राम अंगदहि बोलावा । आइ चरन पंकज सिरु नावां।। अति आदर समीप बैठारी । बोले बिहसि कुपाल खरारी ।। बालि तनय कौतुक अति मोही । तात सत्य कहु पूछउँ तोही ।। रावनु जातुधान कुल टीका । भुज बल अतुल जासु जग लीका ।। तासु मुकुट तुम्ह चारि चलाए । कहहु तात कवनी विधि पाए ।। सुनु सर्वग्य प्रनत सुखकारी । मुकुट न होहिं भूप गुन चारी ।। साम दान अरु दंड विभेदा । नृप उर बसहिं नाथ कह बेदा ।। नीति धर्म के चरन सुहाए । अस जियँ जानि नाथ पहिं आए।।

दो ०—धर्महीन प्रभु पद बिमुख काल बिबस दससीस। तेहि परिहरि गुन आए सुनहु कोसलाधीस ॥३८(क)॥ परम चतुरता श्रवन सुनि बिहँसे रामु उदार। समाचार पुनि सब कहे गढ़ के बालिकुमार॥३८(ख)॥

रिपु के समाचार जब पाए । राम सचिव सब निकट बोलाए ॥ लंका बाँके चारि दुआरा । केहि बिधि लागिअ करहु बिचारा ॥ तब क्रपीस रिच्छेस बिभीपन । सुमिरि इद यँ दिनकर कुल भूषन ॥ किर बिचार तिन्ह मंत्र दहावा। चारि अनी किप कटकु बनावा ॥ जथाजोग सेनापित कीन्हे । जूथप सकल बोलि तब लीन्हे ॥ प्रश्च प्रताप किह सब समुझाए । सुनि किप सिंघनाद किर धाए ॥ इरिषत राम चरन सिर नावहिं। गिह गिरि सिखर बीर सब धाविं गर्जीहं तर्जीहं भालु कपीसा । जय रघुबीर कोसलाधीसा ॥ जानत परम दुर्ग अति लंका। प्रश्च प्रताप किप चले असंका ॥ घटाटोप किर चहुँ दिसि घेरी । मुखह निसान बजाविं मेरी ॥

दो o—जयित राम जय लिछमन जय कपीस सुधीय। गर्जिहिं सिंघनाद कपि भालु महा बेल सींच॥ ३९॥ लंकों भयउ कोलाहल भारी । सुना दसानन अति अहँकारी ।। देखहु बनरन्ह केरि ढिठाई । बिहाँस निसाचर सेन बोलाई ॥ आए कीस काल के प्रेरे । छुधावंत सब निसचर मेरे ॥ अस किह अहहास सठ कीन्हा। गृह बैठें अहार विधि दीन्हा ॥ सुभट सकल चारिहुँ दिसि जाहू। धिर धिर भालु कीस सब खाहू ॥ उमा रावनहि अस अभिमाना । जिमि टिट्टिभ खग सत उताना॥ चले निसाचर आयसु मागी । गृहि किर भिंडिपाल बर साँगी॥ तोमर सुद्गर परसु प्रचंडा । सल कृपान परिघ गिरिखंडा ॥ जिमि अरुनोपल निकर निहारी। धावहिं सठ खग मांस अहारी ॥ चोंच मंग दुख तिन्हिंह न सुझा । तिमि धाए मनुजाद अबुझा ॥

दो ०—नानायुध सर चाप धर जातुधान बल बीर। कोट कॅगूरन्हि चढ़ि गए कोटि कोटि रनधीर॥ ४०॥

कोट कँगूरिन्ह सोहिं कैसे। मेरु के सुंगिन जनु घन वेसे।।
बाजिं ढोल निसान जुझाऊ। सुनि धुनि होई भटिन्ह मन चाऊ।।
बाजिं भेरि नफीरि अपारा। सुनि कादर उर जािं दरारा।।
देखिन्ह जाङ्किपिन्ह के ठट्टा। अति विसाल तनु भालु सुभट्टा।।
धाविं गनिं न अवघटघाटा। पर्वत फोरि करिं गहि बाटा।।
कटकटािं कोिटिन्ह भट गर्जिं। दसन ओठ काटिं अति तर्जिहै।।
उत रावन इत राम दोहाई। जयित जयित जय परी लराई।।
निसिचर सिखर समृह ढहाविं। कृदि धरिं किप फेरि चलाविं।।

छं०—धरि कुधर खंड प्रचंड मरकट भालु गढ़ पर डारहीं। अपटिहें चरन गहि पटिक महि भिज चलत बहुरि पचारहीं॥ अति तरल तरुन प्रताप तरपिहं तमिक गढ़ चिढ़ि चिढ़ि गए। किप भालु चिढ़ि मंदिरन्ह जहँ तहँ राम जसु गावत भए॥ दो०—एकु एकु निसिचर गिह पुनि किप चले पराइ। ऊपर आपु हेठ भट गिरिहें घरनि पर आइ॥ ४१॥

राम प्रताप प्रबल किपज्ञथा । मर्दि निसिचर सुभट बरूथा ॥ चढ़े दुर्ग पुनि जहँ तहँ बानर । जय रघुवीर प्रताप दिवाकर ॥ चले निसाचर निकर पराई । प्रबल पवन जिमि घन समुदाई ॥ हाहाकार भयउ पुर भारी । रोवहिं बालक आतुर नारी ॥ सब मिलि देहिं रावनहिं गारी । राज करत एहिं मृत्यु हँकारी ॥ निज दल विचल सुनी तेहिं काना । फेरि सुभट लंकेस रिसाना ॥ जो रन बिम्रुल सुना में काना । सो में हतब कराल कृपाना ॥ सर्वसु खाइ भोग किर नाना । समर भूमि भए बल्लभ प्राना ॥ उग्र बचन सुनि सकल डेराने । चले कोध किर सुभट लजाने ॥ सन्मुल मरन बीर के सोभा । तब तिन्ह तजा प्रान कर लोभा॥

दो०—बहु आयुध धर सुभट सब भिरहिं पचारि पचारि। ब्याकुल किए भालु कपि परिघ त्रिसूलन्हि मारि॥ ४२॥

भय आतुर किप भागन लागे। जद्यपि उमा जीतिहर्हि आगे।। कोउ कह कहँ अंगद हनुमंता। कहँ नल नील दुषिद बलवंता।। निज दल विकलसुनाहनुमाना। पिन्छम द्वार रहा बलवाना।। मेघनाद तहँ करइ लराई। टूट न द्वार परम कठिनाई।। पवन तनयमन भा अति कोधा। गर्जें उपबल काल सम जोधा।। कृदि लंक गढ़ ऊपर आवा। गहि गिरि मेघनाद कहँ धावा।। भंजेउ रथ सारथी निपाता । ताहि हृद्य महुँ मारेसि लाता ॥ दुसरें स्रत विकल तेहि जाना । स्यंदन घालि तुरत गृह आना ॥

दो०—अंगद सुना पवनसुत गढ़ पर गयउ अकेल। रन बाँकुरा बालिसुत तरिक चढ़ेउ कपि खेल॥४३॥

जुद्ध विरुद्ध कुद्ध द्वौ बंदर । राम प्रताप सुमिरि उर अंतर ।।
रावन भवन चढ़े द्वौ भाई । करहिं कोसलाधीस दोहाई ।।
कलस सहित गहि भवनु ढहावा। देखि निसाचरपति भय पावा।।
नारि खंद कर पीटहिं छाती । अब दुई किप आए उतपाती।।
किपिलोला किर तिन्हिं हेराविं । रामचंद्र कर सुजसु सुनाविं।।
पुनि कर गहि कंचन के खंभा । कहेन्हि किर अ उतपात अरंभा।।
गर्जि परे रिपु कटक मझारी। लागे मदें भुज बल भारी।।
काहुहि लात चपेटन्हि केहू। भजहु न रामहि सो फल लेहू।।

दो०—एक एक सों मर्दहिं तोरि चलावहिं मुंड। रावन आगें परहिं ते जनु फूटहिं दिध कुंड।। ४४॥

महा महा मुखिआ जे पावहिं। ते पद गहि प्रभु पास चलावहिं।। कहइ विभीष हु तिन्ह के नामा। देहिं राम तिन्ह हु निज धामा।। खल मनुजाद द्विजामिष भोगी। पावहिं गति जो जाचत जोगी।। उमा राम मृदुचित करुनाकर। वयर भाव सुमिरत मोहि निसिचर देहिं परम गति सो जियँ जानी। अस कृपाल को कहहु भवानी।। अस प्रभु सुनि न भजहिं भ्रम त्यागी। नर मतिमंद ते परम अभागी अंगद अरु हनुमंत प्रवेसा। कीन्ह दुर्ग अस कह अवधेसा।। लंकों द्वी किप सोहिंह कैसें। मथहिं सिंधु दुइ मंदर जैसें।।

दो ०—भुज बल रिपु दल दलमिल देखि दिवस कर अंत । कूदे जुगल बिगत श्रम आए जहाँ भगवंत॥ ४५॥

प्रश्रुपद कमल सीस तिन्ह नाए। देखि सुंभट रघुपति मन भाए।।
राम क्रपा करि जुगल निहारे। भए विगतश्रम परम सुखारे।।
गए जानि अंगद हनुमाना। फिरे भालु मर्कट भट नाना।।
जातुधान प्रदोष बल पाई। धाए करि दससीस दोहाई।।
निसिचर अनी देखि कपि फिरे। जहँ तहँ कटकटाइ भट भिरे।।
द्वी दल प्रबल पचारि पचारी। लरत सुभट निहं मानिहं हारी।।
महाबीर निसिचर सब कारे। नाना वरन बलीमुख भारे।।
सबल जुगल दल सम बल जोधा।कौतुक करत लरत करि क्रोधा।।
प्राबिट सरद पयोद घनेरे। लरत मनहुँ मारुत के प्रेरे।।
अनिप अकंपन अरु अतिकाया। विचलत सेन कीन्हि इन्ह माया।।
भयउ निमिष महुँ अति अधि आरा। चृष्टि होइ रुधिरोपल छारा।।

दो ०—देखि निबिड़ तम दसहुँ दिसि कांपिदल भयउ खभार । एकहि एक न देखई जहुँ तहुँ करीहें पुकार ॥ ४६ ॥

सकल मरमु रघुनायक जाना । लिए बोलि अंगद हनुमाना ॥
समाचार सब कि समुझाए । सुनत कोपि किपकुंजर धाए ॥
पुनि कृपाल हँसि चाप चढ़ावा । पावक सायक सपदि चलावा॥
भयउ प्रकास कतहुँ तम नाहीं । ग्यान उदयँ जिमि संसय जाहीं॥
भालु बलीमुख पाइ प्रकासा । धाए हरप बिगत श्रम त्रासा ॥
हनुमान अंगद रन गाजे । हाँक सुनत रजनीचर भाजे ॥
भागत भट पटकिं धिरिधरनी ।करिंह भांलु किप अद्भुत करनी॥

गहि पद डारहिं सागर माहीं । मकर उरग झप धरि धरि खाहीं।।

दो०—कछु मारे कछु घायल कछु गढ़ चढ़े पराइ। गर्जिहिं भालु बलीमुख रिपु दल बल बिचलाइ॥ ४७॥

निसा जानि किप चारिउ अनी । आए जहाँ कोसला धनी ॥
राम कृपा करि चितवा सबही । भए बिगतश्रम बानर तबही ॥
उहाँ दसानन सचिव हँकारे । सब सन कहेसि सुभट जे मारे ॥
आधा कटकु किपन्ह संघारा। कहहु बेगि का करिअ बिचारा॥
माल्यवंत अति जरठ निसाचर । रावन मातु पिता मंत्री बर ॥
बोला बचन नीति अति पावन । सुनदु तात कल्ल मोर सिखावन॥
जब ते तुम्ह सीता हिर आनी । असगुन होहिं न जाहिं बखानी॥
बेद पुरान जासु जसु गायो । राम बिम्रुख काहुँ न सुख पायो॥

दो०-हिरन्याच्छ भ्राता सहित मधु कैटभ बलवान। जेहिं मारे सोइ अवतरेउ ऋपासिंधु भगवान॥४८(क)॥

## मासपारायण, पचीसवाँ विश्राम

कालस्पु खल बन दहन गुनागार घनबोध ।
सिव बिरंचि जेहि सेविह तासों कवन बिरोध ॥४८(ख)॥
परिहरि बयरु देहु बैदेही । भजहु कुपानिधि परम सनेही ॥
ताके बचन बान सम लागे । करिआ मुह करि जाहि अभागे ॥
बूद्र भएसि न त मरतेउँ तोही । अब जिन नयन देखावसि मोही॥
तेहिं अपने मन अस अनुमाना । बध्यो चहत एहि कुपानिधाना॥
सो उठि गयउ कहत दुर्बोदा । तब सकोप बोलेउ घननादा ॥

कौतुक प्रात देखिअहु मोरा । करिहउँ बहुत कहीं का थोरा ॥ सुनि सुत वचन भरोसा आवा । प्रीति 'समेत अंक बैठावा ॥ करत बिचार भयउ भिनुसारा । लागे कि पुनि चहुँ दुआरा ॥ कोपि किन्ह दुर्घट गढु घेरा। नगर कोलाहलु भयउ घनेरा ॥ बिबिधायुध घर निसिचर धाए । गढ़ ते पर्वत सिखर ढहाए ॥

छं०—ढाहे महीधर सिखर कोटिन्ह बिबिध बिधि गोला चले। घहरात जिमि पिबपात गर्जत जनु प्रलय के बादले॥ मर्कट विकट भट जुटत कटत न लटत तन जर्जर भए। गिह सैल तेहि गढ़ पर चलाविह जहाँ सो तहाँ निसिचर हए॥ दो०—मेघनाद सुनि श्रवन अस गढु पुनि छेंक। आइ। उत्तरघो बीर दुर्ग तें सन्मुख चल्यो बजाइ॥४९॥

कहँ कोसलाधीस द्वौ आता । धन्वी सकल लोक विख्याता ॥ कहँ नल नील दुविद सुग्रीवा । अंगद हन्मंत वल सींवा ॥ कहाँ विभीषनु आता द्रोही । आज सबिह हिट मारउँ ओही ॥ अस किह किटन बान संधाने । अतिसय क्रोध अवन लिग ताने॥ सर समूह सो छाड़े लागा । जनु सपच्छ धावहिं बहु नागा॥ जः तहँ परत देखिअहिं बानर ।सन्मुख होइ न सके तेहि अवसर॥ जहँ तहँ भागि चले किप रीछा । विसरी सबिह जुद्ध के ईछा ॥ सो किप भाल न रन महँ देखा। कीन्हेसि जेहि न प्रान अवसेषा॥

दो ० — दस दस सर सब मारेसि परे भूमि किप बीर । सिंहनाद किर गर्जा मेघनाद बल धीर ॥ ५०॥ देखि पवनसुत कटक विहाला । क्रोधवंत जनु धायउ काला ॥ महासैल एक तुरत उपारा । अति रिस मेघनाद पर डारा ॥ आवत देखि गयउ नभ सोई । रथ सारथी तुरग सब खोई ॥ बार बार पचार हनुमाना । निकट न आव मरम्र सो जाना ॥ रघुपति निकट गयउ घननादा । नाना भाँति करेसि दुर्बादा ॥ अस्र सस्र आयुध सब डारे । कौतुकहीं प्रभ्र काटि निवारे ॥ देखि प्रताप मृद खिसिआना । करे लाग माया बिधि नाना ॥ जिमि कोउ करे गरुड़ सैं खेला । डरपावे गहि खल्प सपेला ॥

दो ०–जासु प्रवल माया बस सिव विरंचि वड़ छोट। ताहि दिखावइ निसिचर निज माया मति खोट॥ ५१॥

नभ चिह बरष बिपुल अंगारा। मिह ते प्रगट होहिं जलधारा।।
नाना भाँति पिसाच पिसाची। मारु काडु घुनि बोलहिं नाची।।
बिष्टा प्य रुधिर कच हाड़ा। बरषइ कबहुँ उपल बहु छाड़ा।।
बरिष धुरि कीन्हेसि अधिआरा। स्झ न आपन हाथ पसारा।।
कपि अकुलाने माया देखें। सब कर मरन बना एहि लेखें।।
कौतुक देखि राम मुसुकाने। भए सभीत सकल किप जाने।।
एक बान का्टी सब माया। जिमि दिनकर हर तिमिर निकाया
कुपादृष्टि किप भाछ बिलोके। भए प्रबल रन रहिं न रोके।।

दो ०—आयसु मागि राम पहिं अंगदादि किप साथ । लिख्यिन चले कुद्ध होइ बान सरासन हाथ ॥ ५२ ॥ छतज़ नयन उर बाहु विसाला । हिमगिरि निभ तनु कछु एक लाला इहाँ दसानन सुभट पठाए । नाना अस्त्र सस्त्र गहि भाए ॥ भूभर नस्त्र विटपायुभ भारी । भाए किप जय राम पुकारी ॥ भिरे सकल जोरिहि सन जोरी । इत उत जय इच्छा नहिं थोरी ॥ धुठिकन्द लातन्द दातन्द काटिहें।किप जय सील मारि पुनि डाटिहें मारु मारु धरु धरु मारू । सीस तोरि गिंद भुजा उपारू ॥ असि रव पूरि रही नव खंडा । धाविहें जह तहें रुंड प्रचंडा ॥ देखिंद कोतुक नभ सुर बंदा । कबहुँक बिसमय कबहुँ अनंदा ॥

दो ०—रुधिर गाड़ भरि भरि जम्यो ऊपर धूरि उड़ाइ। जनु अँगार रासिन्ह पर मृतक धूम रह्यो छाइ॥ ५३॥

घायल बीर बिराजिं कैसे । कुसुमित किंसुक के तरु जैसे ।। लिखिन मेघनाद द्वी जोधा । भिरिंद परसपर किर अति कोधा एकि एक सकड़ नहिं जीती । निसिचर छल बल करइ अनीती।। कोधवंत तब भयउ अनंता । मंजेउ रथ सारथी तुरंता ।। नाना विधि प्रहार कर सेपा। राच्छस भयउ प्रान अवसेषा ।। रावन सुत निज मन अनुमाना । संकठ भयउ हरिहि मम प्राना ।। बीरघातिनी छाड़िसि साँगी । तेज पुंज लिखिमन उर लागी ।। सुरुछा भई सक्ति के लागें। तब चलि गयउ निकट भय त्यागें

दो ०–मेघनाद सम कोटि सत जोघा रहे उठाइ। जगदाघार सेष किमि उठै चले खिसिआइ॥५४॥

सुनु गिरिजा क्रोधानल जास् । जारइ भ्रुवन चारिद्स आस् ।। सक संग्राम जीति को ताही । सेवहिं सुर नर अग जग जाही ।। यह कौत्हल जानइ सोई । जापर कृपा राम के होई ।। संघ्या भइ फिरि दो बाहनी । लगे सँमारन निज निज अनी ।। ब्यापक ब्रह्म अजित भ्रुवनेखर । लिछम्न कहाँ बृझ करुनाकर ।। तब लिंग लैं आयउ हनुमाना । अनु न देखि प्रश्च अति दुख माना जामवंत कह वैद सुषेना । लंकाँ रहइ को पठई लेना ॥ धरि लघु रूप गयउ हनुमंता । आनेउ भवन समेत तुरंता ॥

दोo-राम पदारबिंद सिर नायउ आइ सुषेन। कहा नाम गिरि औषधी जाहु पवनसुत लेन॥ ५५॥

राम चरन सरसिज उर राखी। चला प्रभंजनस्त बल भाषी।। उहाँ द्त एक मरम्र जनावा। रावन कालनेमि गृह आवा।। दसमुख कहा मरम्र तेहिंसुना। पुनि पुनि कालनेमि सिरु धुना।। देखत तुम्हिह नगरु जेहिं जारा। तासु पंथ को रोकन पारा।। भिज रघुपति करु हित आपना । छाँडुहु नाथ मृषा जलपना।। नील कंज तनु सुंदर स्थामा। हृदयँ राखु लोचन।भिरामा।। मैं तें मोर मूढ़ना न्यागू। महा मोह निसि स्तत जागू।। काल ब्याल कर भच्छक जोई। सपनेहुँ समर कि जीतिअ सोई।।

दोo—सुनि दसकंठ रिसान अति तेहि मन कीन्ह बिचार। राम दूत कर मरौँ बरु यह खल रत मल भार॥ ५६॥

अस किह चला रचिसि मग माया । मर पंदिर वर बाग बनाया ।। मारुतसुत देखा सुभ आश्रम । सुनिहि बूझि जल पियों जाइ श्रम राच्छस कपट वेष तहँ सोहा । मायापित द्तिह चह मोहा ।। जाइ पवनसुत नायउ माथा । लाग सोकहै राम गुन गाथा ।। होध महा रन रावन रामिह । जितिहिई राम न संसय या मिह इहाँ भएँ में देखउँ भाई । ग्यान दृष्टि वल मोहि अधिकाई ।। मागा जल तेहिंदीन्ह कमंडल । कह किप नहिं अघाउँ थोरें जल।। सर मञ्जन करि आतुर आनहु । दिच्छा देउँ ग्यान जेहिं पानहु ॥

दो०—सर पैठत कपि पद गहा मकरीं तब अकुलान। मारी सो घरि दिब्य तनु चली गगन चढ़ि जान॥ ५७॥

किप तय दरस भइउँ निष्पापा । मिटा तात मुनिवर कर सापा ॥ मिन न हो स्यह निसिचर घोरा । मानहु सत्य वचन किप मोरा ॥ अस कि हि गई अपछरा जबहीं । निसिचर निकट गयउ किप तबहीं ॥ कह किप मिन गुरदिखना लेहू । पाछें हमिह मंत्र तुम्ह देहू ॥ सिर लंगूर लपेटि पछारा । निज तनु प्रगटेसि मस्ती बारा ॥ राम राम कि छाड़ेसि प्राना । सुनि मन हरिष चलेउ हनुमाना ॥ देखा सैल न औषध चीन्हा । सहसा किप उपारि गिरि लीन्हा॥ गिहि गिरि निसि नमधावत भयऊ । अवधपुरी ऊपर किप गयऊ ॥

दो०—देखा भरत बिसाल अति निसिचर मन अनुमानि। बिनु फर सायक मारेउ चाप श्रवन लगि तानि॥ ५८॥

परेउ ग्रुरुछि महि लागत सायक । सुमिरत राम राम रघुनायक ।।
सुनि प्रिय व वन भरत तब धाए । किय समीप अति आतुर आए।।
विकल बिलोकि कीस उर लावा । जागत निहं बहु भाँति जगावा।।
ग्रुख मलीन मन भए दुखारी । कहत बचन भरि लोचन बारी ।।
जेहिं विधि राम विमुख मोहिं कीन्हा । तेहिं पुनि यह दास्न दुख दीन्हा ॥
जों मोरें मन बच अरु काया । प्रीति रामपद कमल अमायम ।।
तो किप हो उ बिगत अम सला । जों मो पर रघुपति अनुंक्ला ।।
सुनत बचन उठि बैठ कपीसा । कहि जय जयति कोसलाधीसा।।

सो ०—लीन्ह कपिहि उर लाइ पुलकित तनु लोचन सजल । प्रीति न हृदयँ समाइ सुमिरि राम रघुकुल तिलक ॥ ५९ ॥

तात कुसल कहु सुखिनिधान की । सहित अनुज अरु मातु जानकी।।
किप सब चिरत समास बखाने । भए दुखी मन महुँ पिछताने ।।
अहह दैव मैं कत जग जायउँ । प्रभु के एकहु काज न आयउँ ।।
जानि कुअवसरु मनधिर धीरा । पुनि किप सनबोले बलबीरा ।।
तात गहरु होइहि तोहि जाता । काजु नमाइहि होत प्रभाता ।।
चढ़ मम सायक सैल समेता । पठवौँ तोहि जहँ कृपानिकेता ।।
सुनि किप मन उपजा अभिमाना । मोरें भार चलिहि किमि बाना।।
राम प्रभाव बिचारि बहोरी । बंदि चरन कह किप कर जोरी ।।

दो०—तव प्रताप उर राखि प्रमु जैहउँ नाथ तुरंत। अस कहि आयसु पाइ पद बंदि चलेउ हनुमंत ॥६०(क)॥ भरत बाहु बल सील गुन प्रमु पद प्रीति अपार। मन महुँ जात सराहत पुनि पुनि पवनकुमार ॥६०(ख)॥

उहाँ राम लिखनिहि निहारी । बोले बचन मनुज अनुसारी ।। अर्धराति गई किपिनिहें आयउ । राम उठाइ अनुज उर लायउ ।। सकहु न दुखित देखि मोहि काऊ । बंधु सदा तव मृदुल सुभाऊ ।। मम हित लागि तजेहु पितु माता। सहेहु बिपिन हिम आतप बाता।। सो अनुराग कहाँ अब भाई । उठहु न सुनि मम बच बिकलाई ।। जीं जनतेउँ बन बंधु बिछोहू । पिता बचन मनतेउँ निहं ओहू ।। सुत बित नारि भवन परिवारा। होहि जाहि जग बारहिं बारा ।। अस विचारि जियँ जागहु ताता। मिलइ न जगत सहोदर आता।।

जथा पंख बितु खग अति दीना । मिन बिनु फिन करिवर कर हीना ।।
अस मम जिवन बंधु बितु तोही । जों जड़ दैव जिआवे मोही ।।
जेहउँ अवध कीन ग्रुहु लाई । नारि हेतु प्रिय भाइ गँवाई ।।
बरु अपजस सहनेउँ जग माहीं । नारि हानि विसेष छित नाहीं ।।
अब अपलोकु सोकु सुत तोरा । सिहिहि निष्ठर कठोर उर मोरा ।।
निज जननी के एक कुमारा । तात नासु तुम्ह प्रान अधारा ।।
सौंपेसि मोहि तुम्हिह गिह पानी । सब विधि सुखद परम हित जानी ।।
उतरु काह दैहउँ तेहि जाई । उठि किन मोहि सिखाबहु भाई।।
बहु विधि सोचत सोच विमोचन । स्ववत सिलल राजिब दल लोचन
उमा एक अखंड रघुराई । नर गित भगत कृपाल देखाई।।

सो ० —प्रमु प्रलाप सुनि कान बिकल भए वानर निकर। आइ गयउ हनुमान जिमि करुना महँ वीर रस॥ ६१॥

हरिष राम मेटेउ हनुमाना। अति कृतग्य प्रश्चपरम सुजाना॥
तुरत बैद तब कीन्दि उपाई। उठि बैठे लिछमन हरषाई॥
हृद्यँ लाइ प्रश्च मेंटेउ श्राता। हरषे सकल भाल किप बाता॥
किप पुनि बैद तहाँ पहुँचाता। जेिंदि विधि तबिहें ताहि लइ आवा॥
यह ब्रुतांत दसानन सुनेऊ। अति बिषाद पुनि पुनि सिर धुनेऊ॥
ब्याकुल कुंभकरन पिंहें आवा। विविध जतन किर ताहि जगावा॥
जागा निसिचर देखि अ कैसा। मानहुँ कालु देह धि बैसा॥
कुंभकरन चूझा कहु भाई। काहे तब ग्रुख रहे सुखाई॥
कथा कदी सब तेहिं अभिमानी। जेिह प्रकार सोता हिर आनी॥
तात किपन्ह सब निसिचर मारे। महा महा जोधा संघारे॥

दुर्मुख सुरिरेषु मनुज अहारी । भट अतिकाय अकंपन भारी ॥ अपर महोदर आदिक बीरा । परे समर महि सब रनधीरा ॥

दो ०—सुनि दसकंघर बचन तब कुंभकरन बिलखान। जगदंबा हरि आ़नि अब सठ चाहत कल्यान॥ ६२॥

भल नकीन्ह तें निसिचर नाहा। अब मोहि आह जगाएहि काहा।। अजहूँ तात त्यागि अभिमाना। भजहु राम होइहि कल्याना।। हैं दससीस मनुज रघुनायक। जाके हनूमान से पायक।। अहह बंधु तें कीन्हि खोटाई। प्रथमहिं मोहि न सुनाएहि आई।। कीन्हेहु प्रभु बिरोध तेहि देवक। सिव बिरंचि सुर जाके सेवक।। नारद सुनि मोहि ग्यान जो कहा। कहतेउँ तोहि समय निरबहा।। अब भरि अंक मेंदु मोहि भाई। लोचन सुफल करों में जाई।। स्थाम गात सरसीरुह लोचन। देखौं जाइ ताप त्रय मोचन।।

दो०-राम रूप गुन सुमिरत मगन भयउ छन एक। रावन मागेउ कोटि घट मद अरु महिष अनेक॥ ६३॥

महिष-खाइ किर मिदरा पाना । गर्जी बजाघात समाना ।। कुंभकरन दें दुर्मद रन रंगा । चला दुर्ग तिज सेन न संगा ।। देखि विभीषनु आगें आयउ । परेउ चरन निज नाम सुनायउ।। अनुज उठाइ हृद्यँ तेहि लागो । रघुपित भक्त जानि मन भागो ।। तात लात रावन मोहि मारा । कहत परम हित मंत्र बिचारा ।। तेहिं गलानि रघुपित पिहं आयउँ। देखि दीन प्रभु के मन भायउँ।। सुनु सुत भयु कालबस रावन । सो कि मान अब परम सिखावन।। धन्य धन्य तें धन्य विभीषन । भयहु तात निसचर कुल भूषन।।

वंघु वंस तें कीन्ह उजागर। भजेहुराम सोभा सुख सागर।। दो०-बचन कर्म मन कपट तिज भजेहु राम रनधीर। जाहु न निज पर सूझ मोहि भयउँ कालबस बीर॥ ६४॥

बंधु बचन सिन चला बिभीषन । आयउ जहँ त्रैलोक बिभूषन ॥
नाथ भूधराकार सरीरा । कुंभकरन आवत रनधीरा ॥
एतना किपन्हसुना जब काना । किलकिलाइ धाए बलवाना ॥
लिए उठाइ बिटप अरु भूधर । कटकटाइ डारिह ता ऊपर ॥
कोटि कोटि गिरि सिखर प्रहारा । करिह भालु किप एक एक बारा॥
सुरवो न मनु तनु टरवो न टारवो । जिमि गज अर्क फलिन को मारवो ॥
तब मारुतसुत सुठिका हन्यो । परघो धरनि व्याकुल सिर धुन्यो॥
पुनि उठि तेहिं मारे उहनुमंता । घुमिंत भूतल परे उतुरंता ॥
पुनि नल नीलहि अवनि पल्लारेसि । जहँ तहँ पटिक पटिक भट डारेसि॥
चली बलीसुख सेन पराई । अति भयत्रसित न को उससहाई॥
हो करी समेत्र स्थीव ।

दो o—अंगदादि कपि मुरुछित करि समेत सुयीव। काँख दाबि कपिराज कहुँ चला अमित बल सींग॥ ६५॥

उमा करत रघुपति नरलीला । खेलत गरुड़ जिमि अहिगन मीला भृकुटि मंग जो कालहि खाई । ताहि कि सोहइ ऐसि लराई ॥ जग पावनि कीरति बिस्तरिहिहिं । गाइ गाइ भवनिधि नर तरिहिहें मुरुछा गइ मारुतसुत जागा । सुग्रीविह तब खोजन लागा ॥ सुग्रीवहु के मुरुछा बीती । निबुकि गयउ तेहि मृतक प्रतीती काटेसि दसन नासिका काना । गरजि अकास चलेउ तेहिं जाना गहेउ चरन गहि भूमि पछारा । अति लाषव उठि पुनि तेहि मारा॥ पुनि त्रायउ प्रश्च पहिं बलवाना । जयति जयति जय कृपानिधाना।। नाक कान काटे जियँ जानी । फिरा क्रोध करि भइ मन ग्लानी।। सहज भीम पुनि बिनु श्वति नासा। देखत कपि दल उपजी त्रासा।।

दो०-जय जब जय रघुवंस मिन धाए किप दे हूह। एकिह बार तासु पर छाड़ेन्हि गिरि तरु जूह॥ ६६॥

कुंभकरन रन रंग बिरुद्धा । सन्मुख चला काल जनु कुद्धा ।। कोटि कोटि किप धरिधरि खाई । जनु टीड़ी गिरि गुहाँ समाई॥ कोटिन्ह गद्दि सरीर सन मर्दा । कोटिन्ड मीजि मिलव महि गर्दा॥ मुख नासा श्रवनन्हि कीं बाटा । निसरि पराहिं भालु किप ठाटा॥ रन मद मत्त निसाचर दर्पा। बिख ग्रसिहि जनु एहि बिध अर्पा मुरे सुभट सब फिरहिं न फेरे । सुझ न नयन सुनहिं नहिं टेरे ॥ कुंभकरन किप फीज बिडारी। सुनि धाई रजनीचर धारी॥ देखी राम बिकल कटकाई । रिपु अनीक नाना बिध आई॥

दो ०—सुनु सुग्रीव बिभीषन अनुज सँभारेहु सैन। मैं देखउँ खल बल दलहि बोले राजिवनैन॥ ६७॥

कर सारंग साजि किट भाथा । अरि दल दलन चले रघुनाथा ॥
प्रथम कीन्हि प्रभ्र धनुष टॅकोरा। रिपु दल विधर भयउ सुनि सोरा॥
सत्यसंध छाँड़े सर लच्छा । कालसर्प जनु चले सपच्छा ॥
जहँ तहँ चले विपुल नाराचा । लगे कटन भट विकट पिसाचा॥
कटहिँ चरन उर सिर भ्रुजदंडा । बहुतक बीर होहिं सत खंडा ॥
घुर्मि घुर्मि बायल मिह परहीं । उठि संभारि सुभट पुनि लरहीं ॥
लगत बान जल्द जिमि गाजहिं । बहुतक देखि कठिन सर भाजहिं ॥

## रुंड प्रचंड मुंड बिनु धावहिं। धरु धरु मारु मारु धुनि गावहिं॥

दो ०-छन महुँ प्रभु के सायकिन्ह काटे बिकट पिसाच। पुनि रधुबीर निषंग महुँ प्रबिसे सब नाराच॥ ६८॥

कुंभकरन मन दीख विचारी। इति छन माझ निसाचर धारी।।
भा अति क्रुद्ध महाबल बीरा। कियो मृगनायक नाद गँभीरा।।
कोपि महीधर लेइ उपारी। डारइ जहँ मर्कट भट भारी।।
आवत देखि सैंल प्रभु भारे। सरन्दि काटि रज सम करि डारे।।
पुनि धनु नानि कोपि रघुनायक। छाँड़े अति कराल बहु सायक।।
तनु महुँ पविसि निसरि सर जाहीं। जिमि दानिनि घन माझ समाहीं॥
सोनिन स्वतन मोह तन कारे। जनु कज़रु गिरि गेरु पनारे॥
बिकल बिलांकि मालु किप धाए। बिहँसा जबहिं निकट किप आए

दो ०-महानाद करि गर्जा कोटि कोटि गंहि कीस । महि पटकइ गजराज इव सपथ करइ दससीस ॥ ६९॥

भागे भाछ बलीमुख ज्था। बृकु विजोकि जिमि मेष बरूथा।। चले भागि किप भाछ भवानी। विकल पुकारत आरत बानी।। यह निस्चिर दुकाल सम अहई। किपिकुल देस परन अब चहई।। कृपा बारिधर राम खरारी। पाहि पाहि प्रनतारित हारी।। सकरून बचन सुनत भगवाना। चले सुधारि सरासन बाना।। राम सेन निज पाछें घाली। चले सकोप महा बलसाली।। खेंचि धनुष सर सत संधाने। छूटे तीर सरीर समाने।। लागत सर धावा रिस भरा। कुधर डममगत डोलित धरा।। लीन्ह एक तेहिं सेल उपाटी। रघुकुलतिलक भुजा सोइ काटी।।

धावा बाम बाहु गिरि धारी। प्रश्च सोउ श्वजा काटि महि पारी।। कार्टे श्वजा सोह खल कैसा। पच्छहीन मंदर गिरि जैसा।। उग्र बिलोकनि प्रश्चहि बिलोका। ग्रसन चहत मानहुँ त्रैलोका।।

दो ०-करि चिकार घोर अति घावा बदनु पसारि। गगन सिद्ध सुर त्रासित हा हा हेति पुकारि॥७०॥

सभय देव करुनानिथि जान्यो । श्रवन प्रजंत सरासनु तान्यो ॥ विसिख निकर निसिचर मुख भरेऊ । तदिष महाबल भूमि न परेऊ ॥ सरिन्ह भरा मुख सन्मुख धावा । काल त्रोन सजीव जनु आवा ॥ तब प्रभु कोषि तीत्र सर लीन्हा । धर ते भिन्न तासु सिर कीन्हा ॥ सो सिर परेउ दसानन आगें । विकल भयउ जिमि फिन मिन त्यां धरिन धसइ धर धाव प्रचंडा । तब प्रभु काटि कीन्ह दुइ खंडा ॥ परे भूमि जिमि नभ तें भूधर । हेठ दावि किष भालु निसाचर॥ तासु तेज प्रभु बदन समाना । सुर मुनि सबहिं अचंभव माना॥ सुर दुंदुभीं बजाविहं हरषहिं । अस्तुति करिहं सुमन बहु बरषि ॥ किर बिन्ती सुर सकल सिधाए । तेही समय देवरिष आए ॥ गगनोपरि हरि गुन गन गाए । रुचिर बीररस प्रभु मन भाए॥ वेगि हतहु लल कि सुनि गए । राम समर महि सोभत भए॥

छं०—संमाम भूमि बिराज रघुपित अतुल बल कोसल घनी। श्रम बिंदु मुख राजीव लोचन अरुन तन सोनित कनी॥ भुज जुगल फेरत सर सरासन भालु किप चहु दिसि बने। कह दास तुलसी किह न सक छिब सेष जेहि आनन घने॥ दो ०—निसिचर अधम मलाकर ताहि दोन्ह निज धाम। गिरिजा ते नर मंदमति जे न भजहिं श्रीराम॥७१॥

दिन के अंत फिरीं हो अनी । समर भई सुभटन्ह श्रम घनी।। राम कृपाँ किप दल बल बाढ़ा। जिमि तुन पाइ लाग अति डाढ़ा।। छीजहिं निसचर दिनु अरु राती । निज मुख कहें सुकृत जेहि माँती ।। बहु बिलाप दसकंधर करई । बंधु सीस पुनि पुनि उर धरई ।। रोबहिं नारि हृदय हित पानी । तास तेज बल बिपुल बखानी ।। मेघनाद तेहि अवसर आयउ। किह बहु कथा पिता समुझायउ ।। देखेंहु कालि मोरि मनुसाई । अवहिं बहुत का करीं बड़ाई ॥ इष्टदेव सें बल रथ पायउँ । सो बल तात न तोहि देखायउँ ॥ एहि विधि जलपत भयउ बिहाना। चहुँ दुआर लागे किप नाना॥ इत किप भालु काल सम बीरा। उत रजनीचर अति रनधीरा॥ लरहिं सुभट निज निज जय हेतू। बरनि न जाइ समर खगकेतू॥

दो०—मेघनाद मायामय रथ चिंद गयउ अकास। गर्जेंड अदृहास करि भइ किंप कटकिंह त्रास॥७२॥

सक्ति सूल तरवारि कृपाना । अस्त्र सस्त्र कुलिसायुध नाना ।। डारइ परसु परिघ पाषाना । लागेउ चृष्टि करें बहु बाना ॥ दस दिसि रहे वान नभ छाई । मानहुँ मघा मेघ झिर लाई॥ धरु धरु मारु सुनिअधुनि काना । जो मारइ तेहि कोउ न जाना॥ गहि गिरि तरु अकास किप धावहिं । देखिह तेहि न दुखित फिरि आमहिं अवघट घाट बाट गिरि कंदर । माया बल कीन्हेसि सर पंजर॥ जाहिं कहाँ ब्याकुल भए बंदर । सुरपति बंदि परे जनु मंदर ॥ मारुतसुत अंगद नल नीला । कीन्हेसि विकल सकल बलसीला पुनिलिखमन सुग्रीव विभीषन । सरन्हि मारि कीन्हेसि जर्जर तन पुनि रघुपति सें जूझै लागा । सर छाँड्इ होइ लागहिं नागा ।। ब्याल पास बस भए खरारी । खबस अनंत एक अविकारी ।। नट इव काट चरित कर नाना । सदा खतंत्र एक भगवाना ।। रन सोभा लगि प्रसुद्धिवँधायो । नागपास देवन्ह भय पायो ।।

दो०-गिरिजा जासु नाम जपि मुनि काटिहें भव पास ।

सो कि बंध तर आवइ ब्यापक बिस्व निवास ॥ ७३ ॥

चरित राम के सगुन भवानी । तिकं न जाहिं बुद्धि बल बानी ।।
अस बिचारि जे तग्य बिरागी । रामिह भजिह तर्क सब त्यागी।।
ब्याकुल कटकु कीन्ह घननादा । पुनि भा प्रगट कहइ दुर्बादा।।
जामवंत कह खल रहु ठाढ़ा । सुनि करि ताहि कोध अति बाढ़ा
बुढ़ जानि सठ छाँड़े उँ तोही । लागेसि अभम पचारे मोही ।।
अस किह तरल त्रिक्षल चलायो ! जामवंत कर गिह सोइ भायो ।।
मारिमि मेघनाद के छाती । परा भूमि हुर्मित सुरघाती ।।
पुनि रिसान् गिह चरन किरायो । महि पछारि निज बल देखरायो
बर प्रसाद सो मरइ न मारा । तब गिह पद लंका पर डारा ।।
इहाँ देवरिषि गहड़ पठायो । राम समीप सपदि सो आयो ।।

दो ०-खगपति सब धरि खाए माया नाग बरूथ।

, माया बिगत भए सब हरषे बानर जूथ ॥७४(क)॥ गहि गिरि पादप उपल नख घाए कीस रिसाइ। चले तमीचर बिकलतर गढ़ पर चढ़े पराइ॥७४(ख)॥ मेघनाद के ग्रुरछा जागी। पितिह बिलांकि लाज अति लागी तुग्त गयउ गिरिबर कंदरा। करीं अजय मख अस मन धरा।। इहाँ बिनीयन मंत्र बिचारा। सुनहु नाथ बल अतुल उदारा।। मेघनाद मख करइ अपावन। खल मायात्री देव सतावन।। जों प्रश्व सिद्ध होइ सो पाइहि। नाथ बेगि पुनि जीति न जाहि।। सुनि रघुपित अतिसय सुख माना। बोले अंगदादि कपि नाना।। लिछ पन संग जाहु सब भाई। करहु विधंस जग्य कर जाई।। तुम्ह लिछ मन मारेहु रन ओही। देखि सभय सुर दुख अति मोही।। मारेहु तेहि बल बुद्धि उपाई। जेहिं छीजें निसचर सुनु भाई।। जामवंत सुप्रीत बिनीयन। सेन समेत रहेहु तीनिउ जन।। जब रघुवीर दीन्हि अनुसासन। किट निषंग किस साजि सरासन प्रश्च प्रताप उर धिर रन धीरा। बोले घन इव गिरा गँभीरा।। जों तेहि आजु वधें बिनु अवों। तो रघुपित सेवक न कहावों।। जों सत संकर करहिं सहाई। तदिप हतउँ रघुवीर दोहाई।।

दो ०—रघुपति चरन नाइ सिरु चलेउ तुरंत अनंत। अंगद नील मयंद नल संग सुभट हनुमंत॥ ७५॥

जाइ किपन्ह सो देखा बैसा। आहुति देत रुधिर अरु भैंसा॥ कीन्ह किपन्ह सब जम्य बिधं मा। जब न उठइ तब करहिं प्रसंसा॥ तदिप न उठइ धरेन्हिकच जाई। लातिन्हि होते हित चले पराई॥ लैं त्रिखल धावा किप भागे। आए जहुँ रामानुज आगे॥ आवा परम क्रोध कर मारा। गर्ज घोर रव बारहिं बारा॥ कोपि मरुतसुत अंगद धाए। हित त्रिखल उर धरनि गिराए॥ प्रश्च कहँ छाँदेसि खल प्रचंडा । सर हात कृत अनंत जुग खंडा ।। उठि बहोरि मारुति जुबराजा । हति हैं कोपि तेहि घाउ न बाजा।। फिरे बीर रिप्र मरइ न मारा। तब धावा किर घोर चिकारा ।। आवत देखि कुद्ध जनु काला। लिछमन छाड़े बिसिख कराला ।। देखेसि आवत पिंब सम बाना। तुरत भयउ खल अंतरधाना ।। विविध बेष धिर करइ लराई। कबहुँक प्रगट कबहुँ दुरि जाई ।। देखि अजय रिप्र डरपे कीसा। परम कुद्ध तब भयउ अहीसा।। लिछमन मन अस मंत्र दढ़ावा। एहि पापिहि मैं बहुत खेलावा।। सुमिरि कोसलाधीस प्रतापा। सर संधान कीन्ह किर दापा।। छाड़ा बान माझ उर लागा। मरती बार कपटु सब त्यागा।।

दोo-रामानुज कहँ रामु कहँ अस किह छाँड़ेसि प्रान । धन्य धन्य तव जननी कह अंगद हनुमान ॥ ७६॥

बिजु प्रयास हनुमान उठायो। लंका द्वार राखि पुनि आयो।।
तासु मरन सुनि सुर गंधर्बा। चिद्र विमान आए नभ सर्बा।।
बरिष सुमन दुंदुभीं बजाविहें। श्रीरघुनाथ विमल जसु गाविहें।।
जय अनंत ज्जय जगदाधारा। तुम्ह प्रभु सब देविन्ह निस्तारा।।
अस्तुति करिसुर सिद्ध सिधाए। लिल्छमन कुपार्सिधु पिहं आए।।
सुत बध सुना दसानन जवहीं। सुरुल्लित भयउपरेउ मिह तबहीं।।
मंदोदरी रुदन कर भारी। उर ताड़न बहु भाँति पुकारी।।
नगृर लोग सब ब्याकुल सोचा। सकल कहिंद सकंधर पोचा।।

दो०—तब दसकंठ बिविधि विधि समुझाईँ सब नारि। नस्वर रूप जगत सब देखहु हृदयँ बिचारि॥ ७७॥ तिन्हिह ग्यान उपदेसा रावन । आपुन मंद कथा सुभ पावन ॥
पर उपदेस कुसल बहुतेरे । जे आचरिह ते नर न घनेरे ॥
निसा सिरानि भयउ भिनुसारा। लगे भालु कि चारिहुँ द्वारा ॥
सुभट बोलाइ दसानन बोला । रन सन्मुख जाकर मन डोला ॥
सो अवहीं वह जाउ पराई। संजुग विम्रुख भएँ न भलाई ॥
निज भुज वल मैं वयह बढ़ावा। देहउँ उतह जो रिपु चढ़ि आवा॥
अस किह महत बेग रथ साजा । बाजे सकल जुझाऊ बाजा ॥
चले बीर सब अतुलित बली । जनु कजल के आँधी चली ॥
असगुन अमित होहिं तेहि काला। गनइ न भुजबल गर्व विसाला॥

छं०—अति गर्ब गनइ न सगुन असगुन स्नविहं आयुध हाथ ते । भटगिरत रथ ते बाजि गज चिक्करत भाजिहं साथ ते ॥ गोमाय गीध कराल खर रव स्वान बोलिहं अति घने । जनु कालदूत उलूक बोलिहं बचन परम भयावने ॥

दोo—ताहि कि संपति सगुन सुभ सपनेहुँ मन बिश्राम।
भूत द्रोह रत मोहबस राम बिमुख रति काम॥ ७८॥

चले 3 निसाचर कटकु अपारा । चतुरंगिनी अनी बहु धारा ॥
विविधि भाँति बाहन रथ जाना । विपुल बरन पताक ध्वज नाना॥
चले मत्त गज ज्रथ घनेरे । प्राविट जलद मरुत जनु प्रेरे ॥
बरन बरन बिरदैत निकाया । समर सूर जानहिं बहु माया ॥
अति विचित्र बाहिनी बिराजी । बीर बसंत सेन जनु सामी ॥
चलत कटक दिगसिंधुर डगहीं। छुभित पयोधि कुधर डगमगहीं॥
उठी रेनु रिब गयउ छपाई । मरुत थिकत बसुधा अकुलाई ॥

पनव निसान घार रव बाजिहैं। प्रलय समय के घन जनु गाजिहैं।।
भेरि नफीरि बाज सहनाई। मारू राग सुभट सुखदाई।।
केहिर नाद बीर सब करहीं। निज निज बल पौरुष उच्चरहीं।।
कहइ दसानन सुनहु सुभट्टा। मर्द हु भालु किपन्ह के ठट्टा।।
हीं मारिहउँ भूप दो भाई। अस किह सन्मुख फीज रेंगाई।।
यह सुधि सकल किपन्ह जब पाई। धाए किर रघुबीर दोहाई।।

छं०—घाए बिसाल कराल मर्कट भालु काल समान ते । मानहुँ सपच्छ उड़ाहिं भूघर बृंद नाना बान ते ॥ नख दसन सैल महादुमायुध सबल संक न मानहीं । जय राम रावन मत्त गज मृगराज सुजसु बखानहीं ॥

दो ०—दुहु दिसि जय जयकार करि निज निज ज़ोरी जानि । भिरे बोर इत रामहि उत रावनहि बखानि ॥ ७९ ॥

रावनु रथी विरथ रघुवीरा। देखि विभीषन भय अधीरा।।
अधिक प्रीति मन भा संदेहा। वंदि चरन कह सहित सनेहा।।
नाथ न रथ नहिं तन पद त्राना। केहि विधि कितव बीर बलवाना
सुनहु सखा कह कृपानिधाना। जेहिं जय हो इसो स्यंदन आना।।
सौरज धीरज तेहि रथ चाका। सत्य सील दह घ्वजा पताका।।
बल विवेक दम परहित घोरे। छमा कृपा समता रज्ज जोरे।।
ईस भजनु सारथी सुजाना। चिरति चर्म संतोष कृपाना।।
दान परसु बुधि सिक्त प्रचंडा। वर विग्यान कठिन को दंडा।।
अमल अचल मन त्रोन समाना। सम जम नियम सिली सुख नाना।।
कवच अभेद विप्र गुर पूजा। एहि सम विजय उपाय न दूजा।।

## सला धर्ममय त्रस रथ जाकें। जीतन कहेंन कतहुँ रिपु ताकें।।

दो ०—महा अजय संसार रिपु जीति सकइ सो बीर ।
जाकें अस रथ होइ दृढ़ सुनहु सखा मितधीर ॥८०(क)॥
सुनि प्रभु बचन बिभीषन हरिष गहे पद कंज ।
एहि मिस मोहि उपदेसेहु राम कृपा सुख पुंज ॥८०(ख)॥
उत पचार दसकंघर इत अंगद हनुमान ।
लरत निसाचर भालु किप किरि निज निज प्रभु आन ॥८०(ग)॥

सुर ब्रह्मादि सिद्ध मुनि नाना। देखत रन नभ चढ़े विमाना ॥ हमहू उमा रहे तेहि संगा। देखत राम चिरत रन रंगा॥ सुभटसमर रस दुहु दिसि माते। किप जयसील राम बल ताते॥ एक एक सन भिरहिं पचारहिं। एकन्ह एक मिद्दें मिह पारहिं॥ मारहिं काटिहें भरहिं पछारहिं। सीस तोरि सीसन्ह सन मारहिं॥ उदर बिदारहिं भ्रजा उपारहिं। गिह पद अवनि पटिक भट डारहिं॥ निसचर भट मिह गाड़िहं भाल् । ऊपर ढारि देहिं बहु बाल् ॥ बीर बली मुल काल जनु कुद्धे॥

छं०—कुद्धे क्वतांत समान किप तन स्नवत सोनित राजहीं । मर्दिहें निसाचर कटक भट बलवंत घन जिमि गाजहीं॥ मारिहें चपेटिन्ह डाटि दातन्ह काटि लातन्ह भोजहीं। चिकरिहें मर्कट भालु छल बल करिहें जेहिं खल छीजहीं॥ चिर गाल फारिहें उर बिदारिहें गल अँताविर मेलहीं। प्रह्लादपित जनु विविध तनु धिर समर अंगन खेलहीं॥ धरु मारु काटु पछारु घोर गिरा गगन महि भरि रही। जय राम जो तृन ते कुलिस कर कुलिस ते कर तृन सही।। दो ०—निज दल बिचलत देखेसि बीस भुजाँ दस चाप। रथ चिंद चलेउ दसानन फिरहु फिरहु करि दाप।।८१॥

धायउ परम कुद्ध दसकंधर । सन्मुख चले हृह दे बंदर ॥
गिह कर पादप उपल पहारा । डारेन्हि ता पर एकिह बारा ॥
लागिह सेल बज तन ताम । खंड खंड होई फ़ुटिह आम ॥
चला न अचल रहा रथ रोपी । रन दुर्मद रावन अति कोपी ॥
हत उत झपिट दपिट किप जोधा । मदें लाग भयउ अति कोधा ॥
चले पराइ भाल किप नाना । त्राहि त्राहि अंगद हनुमाना ॥
पाहि पाहि रघुवीर गोसाई । यह खल खाइकाल की नाई ॥
तेहिं देखे किप सकल पराने । दसहुँ चाप सायक संधाने ॥

छं०—संधानि धनु सर निकर छाड़ेसि उरग जिमि उड़ि लागहीं।
रहे पूरि सर घरनी गगन दिसि बिदिसि कहँ किप भागहीं।।
भयो अति कोलाहल बिकल किप दल भालु बोलिहें आतुरे।
रघुबीर ब्हूकना सिंधु आरत बंधु जन रच्छक हरे।।
दो०—निज दल बिकल देखि किट किस निषंग धनु हाथ।
लिक्छमन चले कुद्ध होइ नाइ राम पद माथ।।८२॥

रे खल का मार्रास किप भाल्। मोहि बिलोक्क तोर मैं काल्क।। खोजत रहेउँ तोहि सुत्रघाती। याजु निपाति जुड़ावउँ छाती।। अस किह छाड़ेसि बान प्रचंडा। लिछमन किए सकल सत खंडा।। कोटिन्ड आयुध रावन डारे। तिल प्रवान किर काटि निवारे।। पुनि निज बानन्ह कीन्ह प्रहारा । स्यंदनु भंजि सारथी मारा ।। सत सत सर मारे दस भाला। गिरि सृंगन्ह जनु प्रविसहिं ब्याला।। पुनि सत सर मारा उर माहीं। परेड धरनि तल सुधि कछु नाहीं।। उठा प्रवल पुनि मुरुछा जागी। छाड़िसि ब्रह्म दीन्हि जो साँगी।।

छं०—सो बह्मदत्त प्रचंड सक्ति अनंत उर लागी सही।
परचो बीर बिकल उठाव दसमुख अतुलबल महिमा रही।।
ब्रह्मांड भवन बिराज जाकें एक सिर जिमि रज कनी।
तेहि चह उठावन मूद रावन जान नहिं त्रिभुअन धनी॥
दो०—देखि पवनसुत धायउ बोलत बचन कठोर।
आवत कपिहि हन्यो तेहि मुष्टि प्रहार प्रघोर॥८३॥

जानु टेकि कि भूमिन गिरा। उठा सँभारि बहुत रिस भरा।।
भुठिका एक ताहि किप मारा। परेउ सेल जनु बज प्रहारा।।
भुरुछा गै बहोरि सो जागा। किप बल बिपुल सराहन लागा।।
धिग थिग मम पौरुष थिग मोही। जौ तैं जिअत रहेसि सुरद्रोही।।
अस किह लिछिमन कहुँ किप ल्यायो।देखि दसानन बिसमय पायो
कह रघुबीर सभुद्ध जियँ आता। तुम्ह कृतांत भन्छक सुरत्राता।।
सुनत बचन उठि बैठ कृपाला। गई गगन सो सकित कराला।।
पुनि कोदंड बान गहि थाए। रिपु सन्मुख अति आतुर आए।।

छं०—आतुर बहोरि बिभंजि स्यंदन सूत हित ब्याकुल कियो।
गिरचो घरनि दसकंघर बिकलतर बानसत बेध्यो हियो॥
सारथी दूसर घालि रथ तेहि तुरत लंका लैंगयो।
रघुबीर बंधु प्रताप पुंज बहोरि प्रभु सरनिह नयो॥

दो ०—उहाँ दसानन जागि करि करें लाग कछ जग्य। राम बिरोध बिजय चह सठ हठ बस अति अग्य॥८४॥

इहाँ विभीषन सब सुधि पाई । सपिद जाइ रघुपितिहि सुनाई ।।
नाथ करइ रावन एक जागा । सिद्ध भएँ निहं मिरिहि अभागा ।।
पठवहु नाथ बेगि भट बंदर । करिह विधंस आव दसकंधर।।
प्रात होत प्रश्च सुभट पठाए । हनुमदादि अंगद सब धाए ।।
कौतुक कृदि चढ़े किंग लंका । पैठे रावन भवन असंका ।।
जग्य करत जबहीं सो देखा । सकल किंग्नह भा क्रोध विसेषा।।
रन ते निल ज भाजि गृह आवा । इहाँ आइ बक ध्यान लगावा ।।
अस किंह अंगद मारा लाता । चितव न सठ खारथ मन राता ।।

छं०—निहं चितव जब किर कोप किप गिह दसन लातन्ह मारहीं। धिर केस नारि निकारि बाहेर तेऽतिदीन पुकारहीं॥ तब उठेउ कुद्ध कृतांत सम गिह चरन बानर डारई। एहि बीच किपन्ह बिधंस कृत मखदेखि मन महुँ हारई॥ दो०—जग्य बिधंसि कुसल किप आए रघुपित पास। चलेडु निसाचर कुद्ध होइ त्यागि जिवन कै आस॥८५॥

चलत होहि अति असुभ भयंकर । बैठिहि गीध उड़ाइ सिरन्ह पर।।
भयउ कालबस काहु न माना । कहेसि बजाबहु जुद्ध निसाना।।
चली तमीचर अनी अपारा । बहु गज रथ पदाति असवारा ।।
प्रभ्र सन्मुख धाए खल कैसें । सलभ समृह अनल कहुँ जैसें ।।
इहाँ देवतन्ह अस्तुति कीन्ही । दारुन विपति हमिह एहिं दीन्ही
अब जनि राम खेलावहु एही । अतिसय दुखित होति बैदेही ।।

देव बचन सुनि प्रश्च सुसुकाना । उठि रघुबीर सुधारे बाना ।। जटा जृट दृढ़ बाँधें माथे । सोहिंह सुमन बीच बिच गाथे।। अरुन नयन बारिद तनु स्थामा । अखिल लोक लोचनाभिरामा।। कटि तट परिकर कस्यो निषंगा । कर कोदंड कठिन सारंगा ।।

छं०—सारंग कर सुंदर निषंग सिलीमुखाकर किट कस्यो ।
भुजदंड पीन मनोहरायत उर घरासुर पद लस्यो ॥
कह दास तुलसी जबिह प्रभु सर चाप कर फेरन लगे ।
ब्रह्मांड दिग्गज कमठ अहि मिह सिंघु भूघर डगमगे ॥
दो०—सोभा देखि हरिष सुर बरषिह सुमन अपार ।
जय जय जय करुनानिधि छिब बल गुन आगार ॥ ८६॥

एहीं बीच निसाचर अनी। कसमसात आई अति घनी।। देखि चले सन्मुख किप भट्टा। प्रलयकाल के जनु घन घट्टा।। बहु कृपान तरवारि चमंकिहिं। जनु दहँ दिसि दामिनीं दमंकिहिं।। गज रथ तरग चिकार कठोरा। गर्जिह मनहुँ बलाहक घोरा।। किप लंगूर बिपुल नभ छाए। मनहुँ इंद्रधनु उए सुहाए।। उठइ धूरि मानहुँ जलधारा। बान बुंद में बृष्टि अपारा।। दुहुँ दिसि पर्वत करिहं प्रहारा। बज्जपात जनु बारिहं बारा।। रघुपति कोपि बान झिर लाई। घायल मैं निसिचर समुदाई।। लागत बान बीर चिकरहीं। घुमिं घुमिं जहँ तहँ मिंद परहीं।। स्वविंद सैल जनु निर्झर भारी। सोनित सिर कादर भयकारी।।

छं०—कादर भयंकर रुधिर सरिता चली परम अपावनी। दोउ कूल दल रथ रेत चक्र अबर्त बहाँति भयावनी॥ रा॰ मू॰ ३२जलजंतु गज पदचर तुरग खर बिबिध बाहन को गने। सर सक्ति तोमर सर्प चाप तरंग चर्म कमठ घने॥ दो०—बीर परिहें जनु तीर तरु मञ्जा बहु वह फेन। कादर देखि डरिहें तहुँ सुभटन्ह के मन चेन॥८७॥

मजिह भूत पिसाच बेताला । प्रमथ महा झोटिंग कराला।। काक कंक ले खुजा उड़ाहीं। एक ते छीनि एक ले खाहीं।। एक कहिं ऐसिउ सौंघाई। सठहु तुम्हार दिरद्र न जाई।। कहँरत भट घायल तट गिरे। जहँ तहँ मनहुँ अर्धजल परे।। खैंचिह गीध आँत तट भए। जन्न बंसी खेलत चित दए।। बहु भट बहिं चढ़े लग जाहीं। जन्न नाविर खेलहिं सिर माहीं।। जोगिनि भिर भिर खप्पर संचिहं। भूत पिसाच बधू नभ नंचिहं।। भट कपाल करताल बजाविहं। चामुंडा नाना बिधि गाविहं।। जंबुक निकर कटकट कट्टाहें। खाहिं हुआहिं अपाहिं दपट्टाहें।। कोटिन्ह रुंड मुंड बिनु डोल्लाहें। सीस परे महि जय जय बोल्लाहें।

छं०—बोल्लिहिं जो जय जय मुंड रुंड प्रचंड सिर बिनु घावहीं। खप्पूरिन्ह खग्ग अलुज्झि जुज्झिहें सुभट भटन्ह ढहावहीं॥ बानर निसाचर निकर मर्दिहें राम बल दर्पित भए। संघाम अंगन सुभट सोविहें राम सर निकरन्हि हए॥ दो०—रावन हृदयँ बिचारा भा निसिचर संघार।

मैं अकेल किप भालु बहु माया करों अपार ॥ ८८ ॥ देवन्ह प्रभुहि पयादें देखा । उपजा उर अति छोभ विसेषा ॥ सुरपति निजरथ तुरत पढावा । हरष सहित म।तिल लें आवा ॥ तेज पुंज रथ दिन्य अन्पा। हरिष चढ़े कोसलपुर भूपा।। चंचल तुरग मनोहर चारी। अजर अमर मन सम गतिकारी रथारूढ़ रघुनाथिह देखी। धाए किप बलु पाइ बिसेषी।। सही न जाइ किपन्ड कै मारी। तब रावन माया बिस्तारी।। सो माया रघुबीरिह बाँची। लिखमन किपन्ड सो मानी साँची।। देखी किपन्ड निसाचर अनी। अनुजसहित बहु कोसलधनी।।

छं०—बहु राम लिछमन देखि मर्कट भालु मन अति अपडरे । जनु चित्र लिखित समेत लिछमन जहँ सो तहँ चितविहैं खरे॥ निज सेन चिकत बिलोकि हँिस सर चाप सिज कोसल धनी। माया हरी हिर निर्मिष महुँ हरषी सकल मर्कट अनी॥

दो०—बहुरि राम सब तन चितइ बोले बचन गँभीर। इंदजुद्ध देखहु सकल श्रमित भए अति बीर॥८९॥

अस किह रथ रघुनाथ चलावा। विष्र चरन पंकज सिरु नावा।।
तव लंकेस क्रोभ उर छावा। गर्जत तर्जत सन्मुख धावा।।
जीतेहु जे भट संजुग माहीं। सुनु तापस मैं तिन्ह सम नाहीं।।
रावन नाम जगत जस जाना। लोकप जाकें बंदीखाना।।
खर द्षन विराध तुम्ह मारा। बघेहु ब्याध हव बालि विचारा।।
निसिचर निकर सुभट संघारेहु। कुंभकरन घननादिह मारेहु॥
आजु वयरु सबु लेउँ निबाही। जौं रन भूप भाजि नहिं जाही।।
आजु करउँ खलु काल हवाले। परेहु कठिन रावन के पालेु।।
सुनि दुर्वचन कालबस जाना। बिहँसि बचन कह कुपानिधाना।।
सत्य सत्य सब तब प्रभुताई। जल्पसि जनि देखाउ मनुसाई।।

छं०—जनि जल्पना करि सुजसु नासिह नीति सुनिह करिह छमा । संसार महँ पूरुष त्रिबिध पाटल रसाल पनस समा ॥ एक सुमनप्रद एक सुमन फल एक फलइ केवल लागहीं। एक कहिह कहि करिह अपर एक करिह कहत न बागहीं॥

दो ०--राम बचन सुनि बिहँसा मोहि सिखायत ग्यान। बयरु करत निहं तब डरे अब लागे प्रिय प्रान॥९०॥

किह दुर्बचन कुद्ध दसकंधर । कुलिस समान लाग छाँड़े सर ॥ नानाकार सिलीमुख धाए । दिसि अरु बिदिसि गगन महि छाए॥ पावक सर छाँडे़उ रघुवीरा । छन महुँ जरे निसाचर तीरा ॥ छाड़िसि तीब सक्ति खिसिआई । बान संग प्रभु फेरि चलाई ॥ कोटिन्ह चक्र त्रिस्ल पवारे । बिनु प्रयास प्रभु काटि निवारे ॥ निफल होहिं रावन सर कैसें । खल के सकल मनोरथ जैसें ॥ तब सत बान सारथी मारेसि । परेउ भूमि जय राम पुकारेसि ॥ राम कुपा किर स्त उठावा । तब प्रभु परम क्रोध कहुँ पावा॥

छं०—भए कुद्ध जुद्ध बिरुद्ध रघुपति त्रोन सायक कसमसे।
कोदंड़ धुनि अति चंड सुनि मनुजाद सब मारुत ग्रसे।।
मंदोदरी उर कंप कंपित कमठ भू भूधर त्रसे।
चिक्करिहं दिग्गज दसन गिह मिह देखि कौतुक सुर हँसे।।
दो०—तानेउ चाप श्रयन लिग छाँड़े विभिख कराल।
राम मारगन गन चले लहलहात जनु ब्याल।। ९१॥
• खेले बान सपच्छ जनु उरगा। प्रथमिहं हतेउ सारथी तुरगा।।
रथ विमंजि हति केतु पताका। गर्जा अति अंतर बल थाका।।

तुरत आन रथ चिह लिसिआना। अस्न सस्न छाँदेसि विधिनाना।। विफल होहिं सब उद्यम ताके। जिमि परद्रोह निरत मनसा के।। तब रावन दस स्रल चलावा। बाजि चारि महि मारि गिरावा।। तुरग उठाइ कोपि रघुनायक। खैंचि सरासन छाँदे सायक।। रावन सिर सरोज बनचारी। चिल रघुवीर सिलीग्रुख धारी।। दस दस बान भाल दस मारे। निसरिगए चले रुधिर पनारे॥ स्रवत रुधिर धायउ बलवाना। प्रश्च पुनि कृत धनु सर संधाना॥ तीस तीर रघुवीर पवारे। ग्रजनिह समेत सीस महि पारे॥ काटतहीं पुनि भए नबीने। राम बहोरि ग्रजा सिर छीने॥ प्रश्च बहु बार बाहु सिर हए। कटत झटिति पुनि नृतन भए॥ पुनि पुनि प्रश्च काटत ग्रज सीसा। अति कौतुकी कोसलाधीसा॥ रहे छाइ नभ सिर अरु बाहू। मानहुँ अमित केतु अरु राहू॥

**छं०**—जनु राहु केतु अनेक नभ पथ स्रवत सोनित घावहीं । रघुबीर तीर प्रचंड लागिहें भूमि गिरन न पावहीं ॥ एक एक सर सिर निकर छेदे नभ उड़त इमि सोहहीं। जनु कोपि दिनकर कर निकर जहँ तहँ बिघुंतुद पोहहीं॥

दो ०—जिमि जिमि प्रभु हर तासु सिर तिमि तिमि होहिं अपार । सेवत बिषय बिबर्ध जिमि नित नित नूतन मार ॥ ९२ ॥

दसमुख देखि सिरन्ह के बाड़ी । विसरा मरन भई रिस गाड़ी ॥
गर्जेड मृढ़ महा अभिमानी । धायउ दसहु सरासन तानी ॥
समर भूमि दसकंधर कोप्यो । बरिष बान रघुपति रथ तोप्यो ॥
दंड एक रथ देखि न परेऊ । जनु निहार महुँ दिनकर दुरेऊ॥

हाहाकार सुरन्ह जब कीन्हा । तब प्रभु कोपि कारमुक लीन्हा ॥ सर निवारि रिपु के सिर काटे । ते दिसि बिदिसि गगन महि पाटे॥ काटे सिर नभ मारग धावहिं । जय जय घुनि करि भय उपजावहिं कहुँ लिछमन सुग्रीव कपीसा । कहुँ रघुबीर कोसलाधीसा ॥

छं०—कहँ रामु किह सिर निकर घाए देखि मर्केट भिज चले। संघानि घनु रघुवंसमिन हँसि सरन्हि सिर वेधे भले॥ सिर मालिका कर कालिका गिह बृंद बृंदन्हि बहु मिलीं। किर रुधिर सिर मज्जनु मनहुँ संग्राम बट पूजन चलीं॥

दो०—पुनि दसकंठ कुद्ध **होइ** छाँड़ी सक्ति प्र**चंड**। चली बिभीषन सन्मुख मनहुँ काल कर दंड ॥ ९३ ॥

आवत देखि सक्ति अति घोरा । प्रनतारित मंजन पन मोरा ॥
तुरत विभीषन पाछें मेला । सन्धुख राम सहेउ सोइ सेला ॥
लागि सक्ति धुरुछा कछु भई । प्रश्च कृत खेल सुरन्ह विकर्लई ॥
देखि विभीषन प्रश्च श्रम पायो । गहि कर गदा कुद्ध होइ धायो ॥
रे कुभाग्य सठ मंद कुबुद्धे । तें सुर नर ग्रुनि नाग विरुद्धे ॥
सादर सिक्ऋहुँ सीस चढ़ाए । एक एक के कोटिन्ह पाए ॥
तेहि कारन खल अब लिंग बाँच्यो । अब तब कालु सीस पर नाच्यो॥
राम विग्रुख सठ चहसि संपदा । अस कहि हनेसि माझ उर गदा॥

छं०—उर माझ गदा प्रहार घोर कठोर लागत महि परचो । दस बदन सोनित स्रवत पुनि संभारि घायो रिस भरचो ॥ द्वौ भिरे अतिबल मल्लजुद्ध बिरुद्ध एकु एकहि हुनै । रघुबीर बल दर्पित बिभीषनु घालि नहिं ता कहुँ गनै ॥ दो ०—उमा बिभीषनु रावनहि सन्मुख चितव कि काउ। सो अब भिरत काल ज्यों श्रीरघुबीर प्रभाउ॥ ९४॥

देखा श्रमित बिभीषनु भारी । धायउ हन्मान गिरि धारी ॥
रथ तुरंग सारथी निपाता । हृदय माझ तेहि मारेसि लाता॥
ठाइ रहा अति कंपित गाता । गयउ बिभीषनु जहँ जनत्राता ॥
पुनि रावन किप हतेउ पचारी । चलेउ गगन किप पूँछ पसारी ॥
गहिसि पूँछ किप सहित उड़ाना । पुनि फिरि भिरेउ प्रबल हनुमाना
लरत अकास जुगल सम जोधा । एकिह एकु हनत किर कोधा॥
सोहिह नभ छल बल बहु करहीं । कन्जल गिरि सुमेरु जनु लरहीं॥
बुधि बल निसिचर परइन पारचो। तब मारुतसुत प्रश्नु संभारचो॥

छं०—संभारि श्रीरघुवीर धीर पचारि कपि रावनु हन्यो । महि परत पुनि उठि लरत देवन्ह जुगल कहुँ जय जय भन्यो ॥ हनुमंत संकट देखि मर्कट भालु कोघातुर चले । रन मत्त रावन सकल सुभट प्रचंड भुज बल दलमले ॥

दो ०-तब रघुबीर पचारे धाए कीस प्रचंड। कपि बल प्रबल देखि तेहिं कीन्ह प्रगट पाषंड ॥ ९५ ॥

अंतरधान भयउ छन एका । पुनि प्रगटे खल रूप अनेका ॥ रघुपति कटक भालु किप जेते । जहँ तहँ प्रगट दसानन तेते ॥ देखे किपन्ह अभित दससीसा । जहँ तहँ भजे भालु अरु कीसा ॥ भागे बानर धरहिं न धीरा । त्राहि त्राहि लिखमन रघुबीरा ॥ दहँ दिसि धावहिं कोटिन्ह रावन । गर्जिहं घोर कठोर भयावन ॥ हरे सकल सुर चले पराई । जय के आस तजहु अब भाई ॥ सब सुर जिते एक दसकंधर । अब बहु भए तकहु गिरि कंदर।। रहे बिरंचि संधु मुनि ग्यानी । जिन्ह जिन्ह प्रभु महिमा कछु जानी ॥

छं०-जाना प्रताप ते रहे निर्भय किपन्ह रिपु माने फुरे। चले बिचलि मर्कटभालु सकल क्रपाल पाहि भयातुरे॥ हनुमंत अंगद नील नल अतिबल लस्त रन बाँकुरे। मर्दिहें दसानन कोटि कोटिन्ह कपटभू भट अंकुरे॥

दो०—सुर बानर देखे बिकल हँस्यो कोसलाधीस। सजि सारंग एक सर हते सक्तल दससीस॥ ९६॥

प्रभु छन महुँ माया सब काटो । जिमि रिव उएँ जाहिं तम फाटी।।
रावनु एकु देखि सुर हरषे । फिरे सुमन बहु प्रभु पर वरषे ।।
भुज उठाइ रघुपति किप फेरे । फिरे एक एकन्ह तब टेरे ।।
प्रभु बलु पाइ भालु किप धाए । तरल तमिक संजुग महि आए।।
अस्तुति करत देवतिन्ह देखें । भयउँ एक में इन्ह के लेखें ।।
सठहु सदा तुम्ह मोर मरायल । अस किह कोपि गगन पर धायल।।
हाहाकार करत सुर भागे । खलहु जाहु कहँ मोरें आगे ।।
देखि बिकक् सुर अंगद धायो । कूदि चरन गहि भूमि गिरायो।।

छं०—गहि भूमि पारचो लात मारचो बालिसुत प्रभु पिहें गयो । संभारि उठि दसकंठ घोर कठोर रच गर्जत भयो ॥ करि दाप चाप चढ़ाइ दस संधानि सर बहु बरषई । किए सकल भट घायल भयाकुल देखिनिज बल हरषई ॥

दो०—तब रघुपति रावन के सीस भुजा सर चाप। काटे बहुत बढ़े पुनि जिमि तीरथ कर गाप॥ ९७॥ सिर भुज बाढ़ि देखि रिपु केरी । भाछ किपन्ह रिस भई घनेरी।।

मरत न मृढ़ कटेहुँ भुज सीसा । धाए कोपि भाछ भट कीसा ।।

बालितनय मारुति नल नीला । बानरराज दुबिद बलसीला ।।

बिटप महीधर करिं प्रहारा । सोई गिरि तरु गिंह किपन्ह सो मारा।।

एक नखिन्ह रिपु बपुष बिदारी । भागि चलहिं एक लातन्ह मारी

तब नल नील सिरन्हि चिह गयऊ । नखिन्ह लिलार बिदारत भयऊ

रुधिर देखि बिषाद उर भारी । तिन्हिंह धरन कहुँ भुजा पसारी।।

गहे न जाहिं करिन्ह पर फिरहीं ।जनु जुग मधुप कमल बन चरहीं।।

कोपि कृदि द्वौ धरेसि बहोरी । मिंह पटकत भजे भुजा मरोरी।।

पुनि सकोप दस धनु कर लीन्हे ।सरिन्ह मारि घायल किप कीन्हे।।

हनुमदादि मुरुछित किर बंदर। पाइ प्रदोष हरष दसकंधर ।।

मुरुछित देखि सकल किप बीरा। जामवंत धायउ रनधीरा ।।

संग भालु भूधर तरु धारी । मारन लगे पचारि पचारी ।।

भयउ कुद्ध रावन बलवाना । गिंह पद मिंह पटकइ भट नाना।।

देखि भालुपति निज दल घाता । कोपि माझ उर मारेसि लाता।।

छं०—उर लात घात प्रचंड लागत विकल रथ ते महि परा । गहि भालु बीसहुँ कर मनहुँ कमलन्हि बसे निसि मधुकरा ॥ मुरुछित बिलोकि बहोरि पद हित भालुपित प्रभु पिहँ गयो । निसि जानि स्यंदन घालि तेहि तब सूत जतनु करत भयो ॥

दो ०—मुरुछा बिगत भालु कपि सब आए प्रभु पास। निसिचर सकल रावनहि घेरि रहे अति त्रास॥ ९८•॥

मासपारायण, छन्बीसवाँ विश्राम

तेही निसि सीता पहिं जाई। त्रिजटा कि सब कथा सुनाई।।
सिर अज बादि सुनत रिपु केरी। सीता उर भई त्रास घनेरी।।
सुख मलीन उपजी मन चिंता। त्रिजटा सन बोली तब सीता।।
होइहि कहा कहसि किन माता। केहि बिधि मरिहि बिख दुखदाता
रघुपति सर सिर कटेहुँ न मरई। बिधि बिपरीत चरित सब करई।।
मोर अभाग्य जिआवत ओही। जेहिं हों हरि पद कमल बिलोही
जेहिं कृत कपट कनक मृग झूठा। अजहुँ सो दैव मोहि पर रूठा।।
जेहिं बिधि मोहि दुख दुसह सहाए। लिलमन कहुँ कटु बचन कहाए
रघुपति बिरह सबिष सर भारी। तिक तिक मार बार बहु मारी।।
ऐसेंहुँ दुख जो राख मम प्राना। सोइ बिधि ताहि जिआव न आना
बहु बिधि कर बिलाप जानकी। करि करि सुरति कुपानिधान की
कह त्रिजटा सुनु राजकुमारी। उर सर लागत मरइ सुरारी।।
प्रश्च ताते उर हतइ न तेही। एहि के हृद्य बसति बैदेही।।

छं०—एहि के हृदयँ बस जानकी जानकी उर मम बास है। मम उदर भुअन अनेक लागत बान सब कर नास है।। सुनि बचन हरष बिषाद मन अति देखि पुनि त्रिजटाँ कहा। अब मैरिहि रिपु एहि बिधि सुनहि सुंदरि तजहि संसय महा॥

दो०—काटत सिर होइहि बिकल छुटि जाइहि तव ध्यान । तब रावनहि हृदय महुँ मरिहर्हि रामु सुजान ॥ ९९ ॥<sup>,</sup>

अस किह बहुत भाँति समुझाई। पुनि त्रिजटा निजभवन सिधाई।। राम सुभाउ सुमिरि बैंदेही। उपजी बिरह बिथा अति तेही।। निसिहिससिहि निंदति बहु भाँती। जुग सम भई सिराति न राती।। करित बिलाप मनिह मन भारी। राम बिरह जानकी दुखारी।। जब अति भयउ बिरह उर दाहू। फरकेउ बाम नयन अरु बाहू।। सगुन बिचारि धरी मन धीरा। अब मिलिहिह कुपाल रघुबीरा।। इहाँ अर्धनिसि रावनु जागा। निज सारिथ सन खीझन लागा।। सठ रनभूमि छड़ाइसि मोही। धिग धिग अधम मंदमित तोही।। तेहिं पद गहि बहुबिधि समुझावा। भोरु भएँ रथ चिह पुनि धावा।। सुनि आगवनु दसानन केरा। किप दल खरभर भयउ घनेरा।। जहाँ तहँ भूधर बिटप उपारी। धाए कटकटाइ भट भारी।।

छं०—घाए जो मर्कट बिकट भालु कराल कर भूधर धरा।

अति कोप करिहें प्रहार मारत भिज चले रजनीचरा॥

बिचलाइ दल बलवंत कीसन्ह घेरि पुनि रावनु लियो।

चहुँ दिसि चपेटिन्ह मारि नखिन्ह बिदारि तनु ब्याकुल कियो॥

दो०—देखि महा मर्कट प्रबल रावन कीन्ह बिचार।

अंतरिहत होइ निभिष महुँ कृत माया बिस्तार॥ १००॥

छं०—जब कीन्ह तेहिँ पाषंड। भए प्रगट जंतु प्रचंड॥

बेताल भूत पिसाच। कर घरें घनु नाराच॥ १॥

जोगिनि गहें करबाल। एक हाथ मनुज कपाल॥

करि सद्य सोनित पान। नाचिह करिह बहु गान॥ २॥

घरु मारु बोलिह घोर। रिह पूरि घुनि चहुँ ओर॥

मुख बाइ धाविह खान। तब लगे कीस परान॥ ३॥

जह जािह मर्कट भािग। तह बरत देखिह आिग॥

भए विकल बानर भालु। पुनि लाग बरषे बालु॥ ४॥

जहँ तहँ थिकत करि कीस । गर्जें चहुरि दससीस ॥ लिक्षमन कपीस समेत । भए सकल बीर अचेत ॥ ५ ॥ हा राम हा रघुनाथ। किह सुभट मीजिह हाथ।। एहि बिधि सकल बल तोरि। तेहि कीन्ह कपट बहोरि॥ ६ू॥ *प्रगटेसि बिपुल हनुमान* । घाए गहे तिन्ह रामु घेरे जाइ। चहुँ दिसि बरूथ बनाइ॥७॥ मारहु घरहु जनि जाइ। कटकटिह पुँछ उठाइ॥ दहँ दिसि लँगूर विराज। तेहिं मध्य कोसलराज ॥ ८॥ छं०—तेहि मध्य कोसलराज सुंदर स्थाम तन सोभा लही। जनु इंद्रधनुष अनेक की बर बारि तुंग तमालही ॥ प्रभु देखि हरष विषाद उर सुर बदत जय जय जय करी। रघुबीर एकहिं तीर कोपि निमेष महुँ माया हरी ॥ १॥ माया बिगत कपि भालु हरषे विटप गिरि गहि सब फिरे। सर निकर छाड़े राम रावन बाहु सिर पुनि महि गिरे ॥ श्रीराम रावन समर चरित अनेक कल्प जो गावहीं। सत सेष सारद निगम कबि तेउ तदपि पार न पावहीं ॥ २ ॥ दो०-ताके गुन गन कछ कहे जड़मति तुलसीदास। जिमि निज बल अनुरूपते माछी उड़इ अकास ॥१०१(क)॥ काटे सिर भुज बार बहु मरत न भट लंकेस। ्र प्रभु क्रीड़त सुर सिद्ध मुनि ब्याकुल देखि कलेस ॥१०१(ख)॥ काटत बढ़िहं सीस समुदाई। जिमि प्रति लाभ लोभ अधिकाई।। मरइ न रिपु श्रम भयउ विसेषा । राम विभीषन तन तव देखा।।

उमा काल मर जाकीं ईछा । सो प्रभु जन कर प्रीति परीछा ।।
सुनु सरवण्य चराचर नायक । प्रनतपाल सुर मुनि सुखदायक ।।
नाभिकुंड पियृष वस याकें । नाथ जिअत रावनु वल ताकें ।।
सुनत विभीषन वचन कृपाला । हरिष गहे कर बान कराला ।।
असुभ होन लागे तब नाना । रोवहिं खर सुकाल बहु खाना ।।
बोलहिं खग जग आरति हेतु । प्रगट भए नभ जहँ तहँ केतु ।।
दस दिसि दाह होन अति लागा। भयउ परव बिनु रवि उपरागा ।।
मंदोदरि उर कंपति भारी । प्रतिमा स्ववहिं नयन मग बारी ।।

छं ० — प्रतिमा रुदिहं पिबपात नभ अति बात बह डोलित मही। बरपिहं बलाहक रुधिर कच रज असुभ अति सक को कही।। उतपात अमित बिलोकि नभ सुर विकल बोलिहं जय जए। सुर सभय जानि ऋपाल रघुपित चाप सर जोरत भए।। दो ० — खैंचि सरासन श्रवन लिंग छाड़े सर एकतीस। रघुनायक सायक चले मानहुँ काल फनीस।। १०२॥

सायक एक नाभि सर सोषा । अपर लगे भ्रज सिर करि रोषा ॥ लैं सिर बाहु चले नाराचा । सिर भ्रज हीन रुंड महि नाचा ॥ भरिन भसइ भर धाव प्रचंडा । तब सर हित प्रभ्र कृत दुइ खंडा॥ गर्जेड मरत घोर रव भारी । कहाँ राम्र रन हतौं पचारी ॥ डोली भृमि गिरत दसकंधर । छुभित सिंधु सिर दिग्गज भूधर॥ भरिन परेड हो खंड बढ़ाईं । च।ि भालु मर्कट सम्रदाई ॥ मंदोदिर आगें भ्रज सीसा । धिर सर चले जहाँ जगदीसा ॥ प्रविसे सब निषंग महुँ जाई । देखि सुरम्ह दुंदुभीं बजाई ॥

तासु तेज समान प्रश्च आनन । हरषे देखि संश्च चतुरानन ॥ जय जय धुनि पूरी ब्रह्मंडा । जय रघुबीर प्रबल श्चजदंडा ॥ बरषहिं सुमन देव श्वनि बृंदा । जय कृपाल जय जयति श्चकुंदा॥

छं०—जय ऋषा कंद मुकुंद द्वंद हरन सरन सुखप्रद प्रभो । खल दल बिदारन परम कारन कारुनीक सदा बिभो ॥ सुर सुमन बरषि हिं हरष संकुल बाज दुंदुभि गहगही । संघाम अंगन राम अंग अनंग बहु सोभा लही ॥ सिर जटा मुकुट प्रसून बिच बिच अति मनोहर राजहीं । जनु नोलिगिरि पर तिहत पटल समेत उडुगन भ्राजहीं ॥ भुजदंड सर कोदंड फेरत रुधिर कन तन अति बने । जनु रायमुनीं तमाल पर बैठीं बिपुल सुख आपने ॥

दो ०- ऋपादृष्टि करि वृष्टि प्रभु अभय किए सुर बृंद ।

भालु कीस सब हरषे जय सुख धाम मुकुंद ॥ १०३॥
पित सिर देखत मंदोदरी । मुरुछित विकल धरनि खिस परी॥
जुबति बृंद रोवत उठि भाई । तेहि उठाइ रावन पिह आई ॥
पित गित देखि ते करिंद पुकारा। छूटे कच निंह बपुष सँभारा ॥
उर ताड़ना करिंह बिधि नाना। रोवत करिंह प्रताप बखाना ॥
तव बल नाथ डोल नितधरनी । तेज हीन पावक सिस तरनी ॥
सेष कमठ सिंह सकिंह न भारा। सो तनु भूमि परेज भिर छारा ॥
ब्रुव कुबेर सुरेस समीरा। रन सन्मुख धिर काहुँ न धीरा ॥
मुजबल जितेहु काल जम साई। आज परेज अनाथ की नाई ॥
जगत विदित तुम्हारि प्रभुताई। सुत परिजन बल बरनिन जाई ॥

राम विम्रुख अस हाल तुम्हारा । रहा न कोउ कुल रोवनिहारा ॥ तव बस बिधि प्रपंच सब नाथा । सभय दिसिप नित नावहिं माथा अब तव सिर भुज जंबुक खाहीं। राम विम्रुख यह अनुचित नाहीं॥ काल विबस पति कहा न माना। अग जग नाथु मनुज करि जाना॥

छं०—जान्यो मनुज करि दनुज कानन दहन पावक हरि स्वयं । जेहि नमत सिव बह्मादि सुर पिँय भजेहु नहिं करुनामयं ॥ आजन्म ते परद्रोह रत पापौघमय तव तनु अयं । तुम्हहू दियो निज धाम राम नमामि बह्म निरामयं ॥

दो०—अहह नाथ रघुनाथ सम क्रपासिंघु निहं आन ।
जोगि बृंद दुर्लभ गित तोहि दीन्हि भगवान ॥१०४॥
मंदोदरी बचन सुनि काना । सुर मुनि सिद्ध सबन्हि सुख माना
अज महेस नारद सन कादी । जे मुनिबर परमारथबादी ॥
भिर लोचन रघुपतिहि निहारी । प्रेम मगन तब भए सुखारी ॥
रुदन करत देखीं सब नारी । गयउ बिभीषन मन दुख भारी ॥
बंघुदसा बिलोकि दुख कीन्हा । तब प्रभु अनुजहि आयसु दीन्हा
लिखिमन तेहि बहु बिधि समुझायो। बहुरि बिभीषन प्रभु पहिं आयो
कृपादृष्टि प्रभु ताहि विलोका । करहु किया परिहरि सब मोका ॥
कीन्हि क्रियाप्रभु आयसु मानी। बिधिवत देस काल जियँ जानी ॥

दो ० - मंदोदरी आदि सब देइ तिलांजलि ताहि।

भवन गईं रघुपति गुन गन बरनत मन माहि ॥१०५॥ आइ विभीषन पुनि सिरु नायो। क्रुपासिधु तब अनुज बोलायो।। तुम्ह कपीस अंगद नल नीला। जामवंतः मारुति नयसीला।। सन मिलि जाहु निभीषन साथा। सारेहु तिलक कहेउ रघुनाथा।। पिता नचन में नगर न आवर्ड । आप सिरस किप अनुज पठावर्ड तुरत चले किप सुनि प्रभु नचना। कीन्ही जाइ तिलक की रचना।। सादर सिंहासन बैठारी। तिलक सारि अस्तुति अनुसारी।। जोरि पानि सवहीं सिर नाए। सहित निभीषन प्रभु पहिं आए।। तन रघुनीर बोलि किप लीन्हे। कि प्रिय नचन सुखी सन कीन्हे छं०—किए सुखी किह नानी सुधा सम नल तुम्हारे रिप हयो।

पायो बिभीषन राज तिहुँ पुर जसु तुम्हारो नित नयो ॥ मोहि सहित सुभ कीरति तुम्हारी परम प्रीति जो गाइहैँ । संसार सिंधु अपार पार प्रयास बिनु नर पाइहैँ ॥ दो ०-प्रभु के बचन श्रवन सुनि नहिं अघाहिँ कपि पुंज ।

बार बार सिर नाविं गहिं सकल पद कंज ॥१०६॥
पुनिप्रसुवोलि लियउ हनुमाना। लंका जाहु कहेउ भगवाना ॥
समाचार जानिकिहि सुनावहु । तासु कुसल ले तुम्ह चिल आवहु
तब हनुमंत नगर महुँ आए । सुनि निसिचरी निसाचर धाए॥
बहु प्रकार दिनह पूजा कीन्ही । जनकसुता देखाइ पुनि दीन्ही॥
द्रिहि ते प्रनाम किप कीन्हा। रघुपति द्त जानकीं चीन्हा ॥
कहहु तात प्रश्च कुपानिकेता । कुसल अनुज किप सेन समेता॥
सब विधि कुसल कोसलाधीसा। मातु समर जीत्यो दससीसा ॥
अविचल राजु विभीषन पायो। सुनि किप बचन हरष उर छायो॥

छं • —अति हरष मन तन पुलक लोचन सजल कह पुनि पुनि रमा । क्का देउँ तोहि त्रैलोक महुँ कपि किमपि नहिं बानी समा ॥ सुनु मातु मैं पायो अखिल जग राजु आजु म संसयं। रन जीति रिपुदल बंधु जुत पस्यामि राममनामयं॥ दो ०—सुनु सुत सदगुन सकल तब हृदयँ बसहुँ हनुमंत।

कोसलपति रहहुँ समेत अनंत ॥१०७॥ अब सोइ जतन करहु तुम्ह ताता । देखीं नयन खाम मृदु गाता।। तब हनुमान राम पहिं जाई। जनकसुता के कुसल सुनाई।। संदेसु भानुकुलभूषन । बोलि लिए जुबराज बिभीषन।। मारुतसुत के संग सिधावहु । सादर जनकसुतहि छै आवहु ।। तुरतिह सकल गए जहँ सीता । सेविह सब निसिचरी बिनीता।। बेगि बिभीषन तिन्हहि सिखायो। तिन्ह बहु बिधि मञ्जन करवायो।। बहु प्रकार भूषन पहिराए । सिविका रुचिर साजि पुनि ल्याए ता पर हरि चड़ी बैदेही। सुमिरि राम सुखधाम सनेही।। बेतपानि रच्छक चहु पासा । चले सकल मन परम हुलासा।। देखन भाळ कीस सब आए । रच्छक कोपि निवारन धाए।। कह रघुबीर कहाँ मम मानहु । सीतिह सखा पयादें आनहु।। देखहुँ किं जननी की नाईं। बिहसि कहारघुनाथगोसाई।। सुनि प्रभु बचन भालु कपि हरषे । नभ ते सुरन्ह सुमन बहु बरषे ।। सीता प्रथम अनल महुँ राखी । प्रगट कीन्हि चह अंतर साखी।। कारन करुनानिधि कछुक दुर्बाद। दो०—तेहि कहे

सुनत जातुधानीं सब लागीं करें विषाद ॥१०८॥ प्रश्नु के बचन सीस धरि सीता। बोली मन क्रम बचन पुनीता।। लिखिमन होहु धरम के नेगी। पावक प्रगट करहु तुम्ह बेगी।। सुनि लिछमन सीता के बानी । बिरह बिबेक धरम निति सानी।। लोचन सजल जोरि कर दोऊ। प्रभु सन कल्ल किह सकत न ओऊ देखि राम रुख लिछमन धाए। पावक प्रगटि काठ बहु लाए।। पावक प्रबल देखि बैदेही। हृदयँ हरष निहं भय कल्ल तेही।। जौं मन बच क्रम मम उर माहीं। तिज रघुबीर आन गति नाहीं।। तो कुसानु सब के गति जाना। मो कहुँ होउ श्रीखंड समाना।।

छं०-श्रीलंड सम पावक प्रबेस कियो सुमिरि प्रभु मैथिली। जय कोसलेस महेस बंदित चरन रित अति निर्मली॥ प्रतिबिंब अरु लौकिक कलंक प्रचंड पावक महुँ जरे। प्रभु चरित काहुँ न लखे नभ सुर सिद्ध मुनि देखिह खरे॥ १॥ धरि रूप पावक पानि गहि श्री सत्य श्रुति जग बिदित जो । जिमि छीरसागर इंदिरा रामहि समर्पी आनि सो॥ सो राम बाम बिभाग राजित रुचिर अति सोभा भली। नव नील नीरज निकट मानहुँ कनक पंकज की कली ॥ २ ॥ दो ०-बरषहिं सुमन हरिष सुर बाजिहें गगन निसौन। गाविह्यं किंनर सुरबधू नाचिहं चढ़ीं विमान ॥ १०९ (क)॥ जनकस्ता समेत प्रमु सोभा अमित अपार । देखि भालु कपि हरषे जय रघुपति सुख सार ॥ १०९ (ख)॥ तब रघुपति अनुसासन पाई। मातिल चलेउ चरन सिरुनाई।। आए देव सदा स्वारथी। बचन कहिं जनु परमारथी।। दीन बंधु दयाल रघुराया । देव कीन्हि देवन्ह पर दाया ॥ बिख द्रोह रत यह खल कामी। निज अघ गयउ कुमारगगामी।।

तुम्ह समरूप ब्रह्म अविनासी। सदा एकरस सहज उदासी।। अकल अगुन अज अनघ अनामय।अजित अमोघ सक्ति करुनामय मीन कमठ सकर नरहरी। बामन परसुराम बपु धरी।। जब जब नाथ सुरन्ह दुखु पायो। नाना तनु धरि तुम्हइँ नसायो।। यह खल मिलन सदा सुरद्रोही। काम लोभ मद रत अति कोही।। अधम सिरोमनि तव पद पावा। यह हमरें मन बिसमय आवा।। हम देवता परम अधिकारी। स्वारथ रत प्रश्च भगति बिसारी।। भव प्रवाहँ संतत हम परे। अब प्रश्च पाहि सरन अनुसरे।।

दो ०—करि बिनती सुर सिद्ध सब रहे जहँ तहँ कर जोरि। अति सप्रेम तन पुलकि बिधि अस्तुति करत बहोरि॥११०॥

छं०—जय राम सदा सुखधाम हरे। रघुनायक सायक चाप धरे॥
भव बारन दारन सिंह प्रभो। गुन सागर नागर नाथ बिभो॥
तन काम अनेक अनूप छबी। गुन गावत सिद्ध मुनींद्र कबी॥
जसु पावन रावन नाग महा। खगनाथ जथा करि कोप गहा॥
जन रंजन भंजन सोक भयं। गतकोध सदा प्रभु बोधमयं॥
अवतार उदार अपार गुनं। मिह भार बिभंजन ग्यानघनं॥
अज ब्यापकमेकमनादि सदा। करुनाकर राम नमामि मुदा॥
रघुवंस बिभूषन दूषन हा। क्रुत भूप बिभीषन दीन रहा॥
गुन ग्यान निधान अमान अजं। नित राम नमामि बिभुं बिरजं॥
भुजदंड प्रचंड प्रताप बलं। खल बृंद निकंद महा कुसलं॥
बिनु कारन दीन दयाल हितं। छिबि धाम नमामि रमा सहितं॥
भव तारन कारन काज परं। मन संभव दारुन दोष हरं॥

सर चाप मनोहर त्रोन घरं। जलजारुन लोचन भूपबरं॥
सुख मंदिर सुंदर श्रीरमनं। मद मार मुधा ममता समनं॥
अनवद्य अखंड न गोचर गो। सब रूप सदा सब होइ न गो॥
इति बेद बदंति न दंतकथा। रिब आतप भित्रमभिच जथा॥
इतक्रत्य बिभो सब बानर ए। निरखंति तवानन सादर ए॥
धिग जीवन देव सरीर हरे। तव भक्ति बिना भव भूलि परे॥
अब दीनदयाल दया करिऐ। मिति मोरि बिभेदकरी हरिऐ॥
जेहि ते बिपरीत किया करिऐ। दुख सो सुख मानि सुखी चरिऐ॥
खल खंडन मंडन रम्य छमा। पद पंकज सेवित संभु उमा॥
नृप नायक दे बरदानिमदं। चरनांबुज प्रेमु सदा सुभदं॥

दो०—बिनय कीन्हि चतुरानन प्रेम पुलक अति गात। सोभासिंधु बिलोकत लोचन नहीं अघात ॥१११॥

तेहि अवसर दसरथ तहँ आए। तनय बिलोकि नयन जल छाए।। अनुज सहित प्रभु बंदन कीन्हा। आसिरबाद पिताँ तब दीन्हा।। तात सकल तब पुन्य प्रभाऊ। जीत्यों अजय निसाचर राऊ।। सुनि सुत बच्चन प्रीति अति बाढ़ी। नयन सलिल रोमावलि ठाड़ी।। रघुपित प्रथम प्रेम अनुमाना। चितह पितहि दीन्हे उ दढ़ ग्याना।। ताते उमा मोच्छ नहिं पायो। दसरथ मेद भगति मन लायो॥ सगुनोपासक मोच्छ न लेहीं। तिन्ह कहुँ राम भगति निज देहीं॥ बार बार करिप्रभुहि प्रनामा। दसरथ हरिष गए सुरधामा।।

दो०—अनुज जानकी सहित प्रभु कुसल कोसलाधीस। सोभा देखि हरषि मन अस्तुति कर सुर ईस ॥११२॥ छं ० – जय राम सोभा धाम । दायक प्रनत विश्राम ॥ धृत त्रोन बर सर चाप । भुजदंड प्रबल प्रताप ॥ जय दूषनारि खरारि। मर्दन निसाचर घारि॥ यह दुष्ट मारेउ नाथ। भए देव सकल सनाथ॥ जय हरन घरनी भार | महिमा उदार अपार ॥ जय रावनारि ऋपाल। किए जातुधान बिहाल॥ लंकेस अति बल गर्ब। किए बस्य सुर गंधर्व।। मुनि सिद्ध नर खग नाग। हिंठ पंथ सब कें लाग॥ परद्रोह रत अति दुष्ट । पायो सो फलु पापिष्ट ॥ अब सुनहु दीन दयाल। राजीव नयन बिसाल॥ मोहि रहा अति अभिमान । नहिं कोउ मोहि समान ॥ अब देखि १भु पद कंज । गत मान प्रद दुख पुंज ॥ कोउ बहा निर्गुन ध्याव । अब्यक्त जेहि श्रुति गाव ॥ मोहि भाव कोसल भूप। श्रीराम सगुन सरूप॥ बैदेहि अनुज समेत । मम हृदयँ करहू निकेत ॥ मोहि जानिऐ निज दास । दे भक्ति रमानिवास ॥ छं ० - दे भक्ति रमानिवास त्रास हरन सरन सुखदायकं ।

छं०—दे भक्ति रमानिवास त्रास हरन सरन सुखदायकं । सुख घाम राम नमामि काम अनेक छिब रघुनायकं ॥ सुर बृंद रंजन द्वंद भंजन मनुजतनु अतुलितबलं। ब्रह्मादि संकर सेब्य राम नमामि करुना कोमलं॥

दो ०—अब करि कृपा बिलोकि मोहि आयसु देहु कृपाल। •

काह करौं सुनि प्रिय बचन बोले दीनदयाल ॥११३॥

सुनु सुरपति कपि भाछ हमारे। परे भूमि निसिचरन्हि जे मारे॥

मम हित लागि तजे इन्ह प्राना । सकल जिआउ सुरेस सुजाना ॥
सुनु खगेस प्रभु के यह बानी । अति अगाध जानहिं मुनि ग्यानी
प्रभु सक त्रिभुजन मारि जिआई। केवल सक़हि दीन्हि बड़ाई ॥
सुधा बरिष किप भालु जिआए । हरिष उठे सब प्रभु पहिं आए ॥
सुधावृष्टि में दुहु दल ऊपर । जिए भालु किप निहं रजनीचर॥
रामाकार भए तिन्ह के मन । मुक्त भए छूटे भव बंधन ॥
सुर अंसिक सब किप अरु रीछा । जिए सकल रघुपति की ईछा॥
राम सरिस को दीन हितकारी । कीन्हे मुकुत निसाचर झारी ॥
सल्ल मल धाम काम रत रावन । गित पाई जो मुनिबर पावन ॥

दो ०—सुमन बरिष सब सुर चले चिद् चिद रुचिर बिमान । देखि सुअवसर प्रभु पिहें आयउ संभु सुजान ॥११४(क)॥

परम प्रीति कर जोरि जुग निलन नयन भरि बारि । पुलकित तन गदगद गिराँ बिनय करत त्रिपुरारि ॥११४ (स्र)॥

छं ०—मामिरक्षय रघुकुल नायक । घृत बर चाप रुचिर कर सायक ॥
मोह\*महा घन पटल प्रभंजन । संसय बिपिन अनल सुर रंजन ॥
अगुन सगुन गुन मंदिर सुंदर । अम तम प्रबल प्रताप दिवाकर ॥
काम क्रोध मद गज पंचानन । बसहु निरंतर जन मन कानन ॥
बिषय मनोरथ पुंज कंज बन । प्रबल तुषार उदार पार मन ॥
भव बारिधि मंदर परमं दर । बारय तारय संस्रृति दुस्तर ॥
स्याम गात राजीव बिलोचन । दीन बंधु प्रनतारित मोचन ॥
अनुज जानकी सिहत निरंतर । बसहु राम नृप मम उर अंतर ॥
मुनि रंजन मिह मंडल मंडन । तुलसिदास प्रभु त्रास बिखंडन ॥

दो०—नाथ जबहिं कोसलपुरीं होइहिं तिलक तुम्हार। क्रपासिंघु मैं आउब देखन चरित उदार॥ ११५॥

करि विनती जब संग्रु सिधाए । तब प्रश्च निकट विभीषनु आए।।
नाइ चरन सिरु कह मृदु बानी । विनय सुन्हु प्रश्च सारँग पानी।।
सकुल सदल प्रश्च रावन मारचो । पावन जस त्रिश्चवन विस्तारचो।।
दीन मलीन हीन मित जाती । मो पर कृपा कीन्हि बहु भाँती ।।
अब जन गृह पुनीत प्रश्च कीजे । मज्जनु करिअ समरश्रम छीजे ।।
देखि कोस मंदिर संपदा । देहु कृपाल कपिन्ह कहुँ ग्रुदा ॥
सब विधि नाथ मोहि अपनाइअ । पुनि मोहि सिहत अवधपुर जाइअ॥
सुनत बचन मृदु दीनदयाला । सजल भए द्वी नयन विसाला।।

दो०—तोर कोस ग्रह मोर सब सत्य बचन सुनु भ्रात।

भरत दसा सुमिरत मोहि निमिष कल्प सम जात ॥११६(क)॥

तापस बेष गात इस जपत निरंतर मोहि।
देखौं बेगि सो जतनु करु सखा निहोरउँ तोहि॥११६(ख)॥
बीतें अविध जाउँ जौं जिअत न पावउँ बीर।

सुमिरत अनुज प्रीति प्रभु पुनि पुनि पुलक सरीर ॥११६(ग)॥
करेहु कल्प भिराजु तुम्ह मोहि सुमिरेहु मन माहिं।
पुनि मम धाम पाइहहु जहाँ संत सब जाहिं॥११६(घ)॥

सुनत विभीषन बचन राम के । हरिष गहे पद क्रुपाधाम के ।। बानर भालु सकल हरषाने । गहि प्रभुपद गुन विमल बर्खाने बहुरि विभीषन भवन सिधायो । मिन गन बसन विमान भरायो ।। छै पुष्पक प्रभु आगें राखा । हैंसि करि क्रुपासिंधु तब भाषा ।। चिह विमान सुतु सस्ता विभीषन । गगन जाइ वरषहु पट भूषन ।। नभ पर जाइ विभीषन तबही । वरिष दिए मनि अंवर सबही ।। जोइ जोइ मन भावइ सोइ लेहीं । मनि ग्रुख मेलि डारि किप देहीं।। हँसे राग्नु श्री अनुज समेता । परम कौतुकी कृपा निकेता ।।

दो ०—मुनि जेहि ध्यान न पाविहें नेति नेति कह बेद । इपासिंघु सोइ कपिन्ह सन करत अनेक बिनोद ॥११७(क)॥ उमा जोग जप दान तप नाना मख बत नेम। राम इपा निहं करिहं तिस जिस निष्केवल प्रेम ॥११७(ख)॥

भालु कपिन्ह पट भूषन पाए । पहिरि पहिरि रघुपति पहिं आए नाना जिनस देखि सब कीसा । पुनि पुनि हँसत कोसलाधीस।।। चितइ सबन्हि पर कीन्ही दाया । बोले मृदुल बचन रघुराया ॥ तुम्हरें बल मैं रावचु मारचो । तिलक बिभीषन कहुँ पुनि सारचो निज निज गृह अब तुम्ह सब जाहू । सुमिरेहु मोहि डरपहु जिन काहू सुनत बचन प्रेमाकुल बानर । जोरि पानि बाले सब सादर॥ प्रश्रु जोइ कहहु तुम्हिह सब सोहा । हमरें होत बचन सुनि मोहा॥ दीन जानि किप किए सनाथा। तुम्ह त्रैलोक ईस रघुनाथा॥ सुनि प्रश्रु बचन लाज हम मरहीं। मनक कहूँ खगपति हित करहीं।। देखि राम रुख बानर रीछा। प्रेम मगन निहं गृह के ईछा।।

दो०-प्रभु प्रेरित कपि भालु सब राम रूप उर राखि।

<sup>ै</sup> हरष बिषाद सहित चले विनय बिबिध बिधि भाषि ॥११८(क)॥ क्रिपिपति नील रीछपति अंगद नल हनुमान । अंसिहित बिभीषन अपर जे जूथप कपि बलवान ॥११८(ख)॥

किह न सकिह किछु प्रेम बस भिर भिर लोचन बारि । सन्मुख चितविहें राम तन नयन निमेष निवारि ॥११८(ग)॥

अतिसय प्रीति देखि रघुराई। लीन्हे सकल बिमान चढ़ाई।।
मन महुँ बिप्र चरन सिरु नायो। उत्तर दिसिहि बिमान चलायो।।
चलत बिमान कोलाहल होई। जय रघुबीर कहड़ सबु कोई।।
सिंहासन अति उच्च मनोहर। श्री समेत प्रश्च बैठे ता पर।।
राजत राष्ट्र सहित भामिनी। मेरु सुंग जनु घन दामिनी।।
रुचिर बिमानु चलेउ अति आतुर।कीन्ही सुमन बृष्टि हरषे सुर।।
परम सुखद चलि त्रिबिध बयारी। सागर सर सिर निर्मल बारी।।
सगुन होहिं सुंदर चहुँ पासा। मन प्रसन्न निर्मल नभ आसा।।
कह रघुबीर देखु रन सीता। लिछमन इहाँ हत्यो इँद्रजीता।।
हनुमान अंगद के मारे। रन महि परे निसाचर भारे।।
भकरन रावन ही भाई। इहाँ हते सुर मुनि दुखदाई।।

दो०-इहाँ सेतु बाँध्यों अरु थापेउँ सिव सुख धाम । सीता सहित ऋणानिधि संभुहि कीन्ह प्रनाम ॥११९(क)॥ जहँ जहँ ऋपासिंधु बन कीन्ह बास बिश्राम । सकल देखाए जानकिहि कहे सबन्हि के नाम ॥११९(ख)॥

तुरत बिमान तहाँ चिल आवा । दंडक बन जहँ परम सुहावा ।। कुंभजादि मुनिनायक नाना । गए राम्रु सब कें अस्थाना ।। सकल रिषिन्ह सन पाइ असीसा । चित्रकूट आए जगदीसा ।। तहँ करि मुनिन्ह केर संतोषा । चला बिमानु तहाँ ते चोखा ।। बहुरि राम जानकिहि देखाई । जम्रुना कलि मल हरनि सुहाई ।। पुनि देखी सुरसरी पुनीता। राम कहा प्रनाम करु सीता।। तीरथपति पुनि देखु प्रयागा। निरखत जन्म कोटि अप भागा।। देखु परम पावनि पुनि बेनी। हरनि सोक हरि लोक निसेनी।। पुनि देखु अवधपुरी अति पावनि। त्रिविध ताप भव रोग नसावनि

दो ०—सीता सहित अवध कहुँ कीन्ह कृपाल प्रनाम। सजल नयन तन पुलकित पुनि पुनि हरषित राम ॥१२०(क)॥ पुनि प्रभु आइ त्रिबेनीं हरषित मज्जनु कीन्ह। कपिन्ह सहित बिग्रन्ह कहुँ दान बिबिध बिधि दीन्ह॥१२०(ख)॥

प्रश्च हनुमंति कहा बुझाई। धिर बदु रूप अवधपुर जाई।।
भरति कुसल हमारि सुनाएडु। समाचार लै तुम्ह चिल आएडु।।
तुरत पवनसुत गवनत भयऊ। तब प्रश्च भरद्वाज पिह गयऊ।।
नाना बिधि मुनि पूजा कीन्ही। अस्तुति किर पुनि आसिष दीन्ही
मुनि पद बंदि जुगल कर जोरी। चिढ़ बिमान प्रश्च चले बहोरी।।
इहाँ निषाद सुना प्रश्च आए। नाव नाव कहें लोग बोलाए।।
सुरसिर नाधि जान तब आयो। उतरे उतर प्रश्च आयसु पायो।।
तब सीतौँ पूजी सुरसरी। बहु प्रकार पुनि चरनिह परी।।
दीन्हि असीस हरिष मन गंगा। सुंदरि तव अहिवात अभंगा।।
सुनत गुहा धायउ प्रेमाकुल। आयउ निकट परम सुख संकुल।।
प्रश्चिह सहित बिलोकि बैदेही। परेउ अवनि तन सुधि नहिं तेही।।
प्रीति परम बिलोकि रघुराई। हरिष उठाइ लियो उर लाई।।

छं०—लियो हृदयँ लाइ ऋपा निधान सुजान रायँ रमापती। बैठारि परम समीप बृझी कुसल सो कर बीनती॥ अब कुसल पद पंकज बिलोकि बिरंचि संकर सेब्य जे। सुख घाम पूरनकाम राम नमामि राम नमामि ते॥ १॥ सब भाँति अघम निषाद सो हिर भरत ज्यों उर लाइयो। मिदमंद तुलसीदास सो प्रभु मोह बस बिसराइयो॥ यह रावनारि चरित्र पावन राम पद रतिप्रद सदा। कामादिहर बिग्यानकर सुर सिद्ध मुनि गाविहैं मुदा॥ २॥

दो ०—समर बिजय रघुबीर के चरित जे सुनिहें सुजान। बिजय बिबेक बिभूति नित तिन्हिह देहिं भगवान ॥ १२१(क)॥ यह कलिकाल मलायतन मन करि देखु बिचार। श्रीरघुनाथ नाम तिज नाहिन आन अधार॥१२१(ख)॥

मासपारायण, सत्ताईसवाँ विश्राम

इति श्रीमद्रामचरितमानसे सकलकलिकलुषविध्वंसने षष्ठः सोपानः समाप्तः । ( लङ्काकाण्ड समाप्त )



# प्रभुका ऐश्वर्य



अमित रूप प्रगटे तेहि काला। जथाजोग मिले सबहि कृपाला।।

#### श्रीगणेशाय नमः

### श्रीजानकीवलभो विजयते

# श्रीरामचरितमानस

## सप्तम सोपान

( उत्तरकाण्ड )

### इलोक

केकीकण्ठाभनीलं सुरवरविलसद्विप्रपादाब्जिचिह्नं शोभाट्यं पीतवस्त्रं सरसिजनयनं सर्वदा सुप्रसन्नम् । पाणौ नाराचचापं किपिनिकरयुतं बन्धुना सेव्यमानं नौमीट्यं जानकीशं रघुवरमिनशं पुष्पकारूढरामम् ॥ १ ॥ कोसलेन्द्रपदकञ्जमञ्जुलो कोमलावजमहेशवन्दितौ । जानकीकरसरोजलालितौ चिन्तकस्य मनभृक्तसङ्गिनौ ॥ २ ॥ कुन्दइन्दुदरगौरसुन्दरं अम्बिकापितमभीष्टसिद्धिदम् । कारुणीककलकञ्जलोचनं नौमि श्रङ्करमनङ्गमोचनम् ॥ ३ ॥ दो ०-रहा एक दिन अवधि कर अति आरत पुर लोग।
जहाँ तहाँ सोचिहाँ नारि नर क्रस तन राम बियोग॥
सगुन हो हिं सुंदर सकल मन प्रसन्ध सब केर।
प्रभु आगवन जनाव जनु नगर रम्य चहुँ फेर॥
कौसल्यादि मातु सब मन अनंद अस होइ।
आयउ प्रभु श्री अनुज जुत कहन चहत अब कोइ॥
भरत नयन भुज दिन्छन फरकत बारहिं बार।
जानि सगुन मन हरष अति लागे करन बिचार॥

रहेउ एक दिन अविध अधारा। समुझत मन दुख भयउ अपारा।।
कारन कवन नाथ निहं आयउ। जानि कुटिल किथौं मोहि बिसरायउ।।
अहह धन्य लिछमन बड़भागी। राम पदारबिंदु अनुरागी।।
कपटी कुटिल मोहि प्रभु चीन्हा। ताते नाथ संग निहं लीन्हा।।
जौं करनी समुझे प्रभु मोरी। निहं निन्तार कलप सत कोरी।।
जन अवगुन प्रभु मान न काऊ। दीन बंधु अति मृदुल सुभाऊ।।
मोरे जियँ भरोस दृढ़ सोई। मिलिहहिं राम सगुन सुभ होई।।
बीतें अविधृ रहिंह जौं प्राना। अधम कवन जग मोहि समाना।।

दो०-राम बिरह सागर महँ भरत मगन मन होत । बिप्र रूप धरि पवनसुत आइ गयउ जनु पोत ॥१(क)॥ बैठे देखि कुसासन जटा मुकुट क्रस गात । राम राम रघुपति जपत स्रवत नयन जलजात ॥१(ख)॥ देखंत हन्मान अति हरषेउ । पुलक गात लोचन जल बरषेउ ॥ मन महँबहुत भाँति सुख मानी । बोलेउ श्रवन सुधा सम बानी ॥

जासु बिरहँ सोचहु दिन राती । रटहु निरंतर गुन गन पाँती ॥ रघुकुल तिलक सुजन सुखदाता। आयउ क्रुसल देव ग्रुनि त्राता।} रिपु रन जीति सुजस सुर गावत । सीता सहित अनुज प्रश्च आवत ।। सुनत बचन विसरे सब द्खा । तृषावंत जिमि पाइ पियुषा ॥ को तम्ह वात कहाँ ते आए । मोहि परम प्रिय बचन सुनाए ॥ मारुत सुत मैं कपि इनुमाना । नाम्नु मोर सुनु कुपानिधाना ।। दीनबंधु रघुपति कर किंकर । सुनत भरत मेंटेउ उठि सादर ।। मिलत प्रेम नहिं हृद्यँ समाता। नयन स्नृत जल पुलकित गाता।। कपि तव दरस सकल दुख बीते। मिले आजु मोहि राम पिरीते।। बार बार बूझी कुसलाता । तो कहुँ देउँ काह सुनु आता ।। एहि संदेस सरिस जग माहीं । करि विचार देखेउँ कछु नाहीं ।। नाहिन तात उरिन मैं तोही । अब प्रभु चरित सुनावहु मोही ।। तब हुनुमंत नाइ पद माथा । कहे सकल रघुपति गुन गाथा ॥ कहु कपि कबहुँ क्रपाल गोसाईं। सुमिरहिं मोहिं दास की नाईं।। छं ० – निज दास ज्यों रघु बंसभूषन कब हुँ मम सुमिरन कर्चो । सुनि भरत बचन बिनीत अति कपि पुलकि तन चरनिह परचो ॥ रघुबीर निज मुख जासु गुन गन कहत अग जग नाथ जो । काहे न होइ बिनीत परम पुनीत सदगुन सिंधु सो ॥ दो ०-राम प्रान प्रिय नाथ तुम्ह सत्य बचन मम तात। पुनि पुनि मिलत भरत सुनि हरष न हृदयँ समात ॥२ (क)॥

सो०-भरत चरन सिरु नाइ तुरित गयउ कपि राम पहिं।

कही कुसल सब जाइ हरिष चलेउ प्रभु जान चिंद ॥२ (स)॥

हरिष भरत कोसलपुर आए । समाचार सब गुरिह सुनाए ॥
पुनि मंदिर महँ बात जनाई । आवत नगर कुसल रघुराई ॥
सुनत सकल जननीं उठि धाई । किह प्रश्च कुसल भरत समुझाई ॥
समाचार पुरवासिन्ह पाए । नर अरु नारि हरिष सब धाए ॥
दिघ दुर्वा रोचन फल फूला । नव तुलसी दल मंगल मूला ॥
भिर भिर हेम थार भामिनी । गावत चिल सिंघुरगामिनी ॥
जे जैसेहिं तैसेहिं उठि धावहिं । बाल बृद्ध कहँ संग न लावहिं ॥
एक एकन्ह कहँ बृझिं भाई । तुम्ह देखे दयाल रघुराई ॥
अवधपुरी प्रश्च आवत जानी । भई सकल सोभा के खानी ॥
बहइ सुहावन त्रिविध समीरा । भइ सरजू अति निर्मल नीरा ॥
दो ०-हरिषत गुर परिजन अनुज भूसुर बृंद समेत ।

चले भरत मन प्रेम अति सन्मुख क्रपानिकेत ॥३ (क)॥ बहुतक चढ़ीं अटारिन्ह निरखिंहं गगन बिमान । देखि मधुर सुर हरषित करिंहं सुमंगल गान ॥३ (ख)॥ राका सिस रघुपति पुर सिंघु देखि हरषान ।

बहैंचो कोलाहल करत जनु नारि तरंग समान ॥ ३ (ग)॥ इहाँ भानुकुल कमल दिवाकर । किपन्ह देखावत नगर मनोहर।। सुनु कपीस अंगद लंकेसा । पावन पुरी रुचिर यह देसा ॥ जद्यपि सब बैकुंठ बखाना । बेद पुरान बिदित जगु जाना ॥ अवृधपुरीसम प्रिय निहंसोऊ। यह प्रसंग जानइ कोउ कोऊ ॥ जन्मभूमि मम पुरी सुहाविन । उत्तर दिसि बह सरजू पाविन ॥ जा मज्जन ते बिनहिं प्रयासा । मम समीप नर पाविह वासा ॥ अति प्रिय मोहि इहाँ के बानी । मम धामदा पुरी सुख रासी।। इस्षे सब कपि सुनि प्रसु बानी । धन्य अवध जो राम बखानी।।

दो • — बावत देखि लोग सब ऋपासिंघु भगवान।
नगर निकट प्रभु प्रेरेड उतरेड भूमि विमान।। ४ (क)॥
उतिर कहेड प्रभु पुष्पकिह तुम्ह कुवेर पिहें जाहु।
प्रेरित राम चलेड सो हरषु विरहु अति ताहु॥ ४ (ख)॥

आए भरत संग सब लोगा। कुस तन श्रीरघुवीर बियोगा।।
बामदेव बसिष्ट मुनिनायक। देखे प्रभु महि धरिधनु सायक।।
धाह धरे गुर चरन सरोरुह। अनु जसहित अति पुलकतनोरुह
भेंटि कुसल बुझी मुनिराया। हमरें कुसल तुम्हारिहिं दाया।।
सकल द्विजन्ह मिलिनायउ माथा। धर्म धुरंधर रघुकुलनाथा।।
गहे भरत पुनि प्रभु पद पंकज। नमत जिन्हिह सुर मुनि संकर अज
परे भूमि नहिं उठत उठाए। बर करिकृपासिधु उर लाए।।
स्थामल गात रोम भए ठाहै। नव राजीव नयन जल बाहै।।

छं•─राजीय लोचन स्रवत जल तन लिलत पुलकाविल यनी ।
अति प्रेम हृद्यँ लगाइ अनुजिह मिले प्रभु त्रिभुअन धनी ॥
प्रभु मिलत अनुजिह सोह मो पिहें जाित निहें उपमा कही ।
जनु प्रेम अरु सिंगार तनु धिर मिले घर सुषमा लही ॥ १ ॥
बृझत कृपािनिध कृसल भरतिह यचन बेिग न आवई ।
सुनु सिया सो सुख बचन मन ते भिन्न जान जो पार्यई ॥
अब कुसल कौसलनाथ आरत जािन जन दरसन दियो ।
बृद्दत बिरह बारीस कृपािनिधान मोिह कर गिह लियो ॥ २ ॥

दो - पुनि प्रभु हरिष सन्नुहन भेंटे हृदयँ लगाइ।

लिख्यन भरत मिले तब परम प्रेम दोउ भाइ ॥ ५ ॥
भरतानुज लिख्यन पुनि मेंटे । दुसह बिरह संभव दुख मेटे ॥
सीता चरन मरत सिरु नावा । अनुज समेत परम सुख पावा ॥
प्रश्च बिलोकि हरषे पुरवासी । जिनत बियोग विपति सब नासी
प्रेमातुर सब लोग निहारी । कौतुक कीन्ह कृपाल खरारी ॥
अमित रूप प्रगटे तेहि काला । जथाजोग मिले सबहि कृपाला॥
कृपादृष्टि रघुवीर बिलोकी । किए सकल नर नारि विसोकी ॥
छन महिं सबिह मिले भगवाना । उमा मरम यह काहुँ न जाना ॥
एहि विधि सबिह सुखी करि रामा । आगें चले सील गुन धामा ॥
कौसल्यादि मातु सब धाई । निरुष्त बच्छ जनु धेनु लवाई॥

- छं०—जनु धेनु बालक बच्छ तजि ग्रहँ चरन बन परबस गईँ । दिन अँत पुर रुख स्रवत थन हुंकार करि धावत भईँ ॥ अति प्रेम प्रमु सब मातु भेटीं बचन मृदु बहुविधि कहे । गइ विषम विपति बियोग भवतिन्ह हरष सुख अगनित लहे॥
- दो ०—भेटेंेंज तनय सुमित्राँ राम चरन रित जानि । रामिह मिलत कैकई हृदयँ बहुत सकुचानि ॥ ६ (क) ॥ लिखिमन सब मातन्ह मिलि हरषे आसिष पाइ । कैकइ कहँ पुनि पुनि मिले मन कर छोमु न जाइ ॥ ६ (ख) ॥

साक्षुन्ह सबनि मिली बैदेही । चरनिन्ह लागि हरषु अति तेही॥ देहिं असीस बुझि कुमलाता । होइ अचल तुम्हार अहिवाता॥ सबरघुपति सुख कमल बिलोकहिं। मंगल जानि नयन जल रोकहिं कनक थार आरती उतारहिं। बार बार प्रभ्न गात निहारहिं।। नाना भाँति निछाविर करहीं। परमानंद हरष उर भरहीं।। कौसल्या पुनि पुनि रघुबीरहि। चितवित क्रुपासिंघु रनधीरहि।। हृद्यँ विचारति बारहिं बारा। कत्रन भाँति लंकापित मारा।। अति सुकुमार जुगल मेरे बारे। निसिचर सुभट महाबल भारे।।

दो ० – लिखमन अरु सीता सहित प्रभुहि बिलोकति मातु ।

परमानंद मगन मन पुनि पुनि पुलिकत गातु॥ ७॥ लंकापित कपीस नल नीला। जामवंत अंगद सुभसीला।। हनुमदादि सब बानर बीरा। धरे मनोहर मनुज सरीरा।। भरत सनेह सील बत नेमा। सादर सब बरनिह अति प्रेमा।। देखि नगरबासिन्ह के रीती। सकल सराहि प्रभ्र पद प्रीती।। पुनि रघुपित सब सखा बोलाए। सुनि पद लागहु सकल सिखाए।। गुर बिसष्ट कुलपूज्य हमारे। इन्ह की कृपाँदनुजरन मारे।। ए सब सखा सुनहु सुनि मेरे। भए समर सागर कहँ बेरे।। ममहित लागि जन्म इन्ह हारे। भरतहु ते मोहि अधिक पिआरे सुनि प्रभ्र बचन मगन सब भए। निमिष्नं निमिष उपजत सुख नए।।

दो ० — कौसल्या के चरनिह पुनि तिन्ह नायउ माथ।

आसिष दीन्हे हरिष तुम्ह प्रिय मम जिमि रघुनाथ॥८(क)॥

सुमन बृष्टि नभ संकुल भवन चले सुस्तकंद।

चढ़ी अटारिन्ह देखिह नगर नारि नर बृंद॥८(ख)॥

कंचन कलस विचित्र सँवारे। सबिह धरे सिज निज निज द्वारे॥

बंदनवार पताका केत।सबिन्ह बनाए मंगल हेता॥

बीथीं सकल सुगंध सिंचाई । गजमिन रचि बहु चौक पुराई ॥
नाना भाँति सुमंगल साजे । हरिष नगर निसान बहु बाजे ॥
जह तह नारि निछाबरि करहीं । देहिं असीस हरष उर मरहीं ॥
कंचन थार आरतीं नाना । जबनीं सजें करिह सुभ गाना ॥
करिहं आरती आरतिहर कें । रघुकुल कमल बिपिन दिनकर कें
पुर सोभा संपति कल्याना । निगम सेष सारदा बखाना ॥
तेउ यह चरित देखि ठिंग रहिं। उमा तासु गुन नर किमिकहहीं॥
हो०-नारि कुमुदिनीं अवध सर रघुपति बिरह दिनेस ।

अस्त भएँ बिगसत भईँ निरिख राम राकेस ॥ ९ (क) ॥ ह्रोहिँ सगुन सुभ बिबिध बिधि बाजिहँ गगन निसान । पुर नर नारि सनाथ करि भवन चले भगवान ॥ ९ (ख) ॥

प्रभ्र जानी कैकई लजानी। प्रथम तासु गृह गए भवानी।।
ताहि प्रवाधि बहुत सुख दीन्हा। पुनि निज भवन गवन हरि कीन्हा
कुपासिंधु जब मंदिर गए। पुर नर नारि सुखी सब भए।।
गुर बिस्पष्ट दिज लिए बुलाई। आजु सुघरी सुदिन समुदाई।।
सब दिज देहु हरिष अनुमासन। रामचंद्र बैठाई सिघासन।।
मुनि बिसष्ट के बचन सुहाए। सुनत सकल विप्रन्ह अति भाए।।
कहिंद बचन मृदु विप्र अनेका। जग अभिराम राम अभिषेका।।
अब मुनिबर बिटंब नहिं कीजै। महाराज कहें तिलक करीजै।।
दो ०-तब मुनि कहेउ सुमंत्र सन सुनत चलेउ हरषाइ।

्रथ अनेक बहु बाजि गज तुरत सँवारे जाइ ॥१०(क)॥

जहँ तहँ घावन पठइ पुनि मंगल द्रब्य मगाइ । इरष समेत बसिष्ट पद पुनि सिरु नायउ आइ ॥ १०(स्र)॥ नवाह्मपारायण, आठवाँ विश्राम

अवधपुरी अति रुचिर बनाई । देवन्ह सुमन बृष्टिझरि लाई ॥
राम कहा सेवकन्ह बुलाई । प्रथम सखन्ह अन्हवावहु जाई॥
सुनत बचन जहँ तहँ जन धाए । सुप्रीवादि तुरत अन्हवाए ॥
पुनि करुनानिधि भरतु हँकारे । निज कर राम जटा निरुवारे ॥
अन्हवाए प्रभु तीनिउ भाई । भगत बछल कृपाल रघुराई ॥
भरत भाग्य प्रभु कोमलताई । सेष कोटि सत सक्हिन गाई ॥
पुनि निज जटा राम बिबराए । गुर अनुसासन मागि नहाए ॥
करि मजन प्रभु भूषन साजे । अंग अनंग देखि सत लाजे ॥

दो ०—सासुन्ह सादर जानिकिहि मज्जन तुरत कराइ।
दिन्य बसन बर भूषन अँग अँग सजे बनाइ॥ ११(क)॥
राम बाम दिसि सोभित रमा रूप गुन खानि।
देखि मातु सब हरषीं जन्म सुफल निज जानि॥ ११(ख)॥
सुनु खगेस तेहि अवसर ब्रह्मा सिव मुनि बृंद।
चिद बिमान आए सब सुर देखन सुखकंद॥ ११(ग)॥

प्रभु बिलोकि मुनि मन अनुरागा । तुरत दिब्य सिंघासन मागा।।
रिव सम तेज सो बरनि न जाई । बैठे राम द्विजन्ह सिरु नाई।।
जनकसुता समेत रघुराई । पेखि प्रहरषे मुनि समुदाई ।।
बेद मंत्र तब द्विजन्ह उचारे । नभ सुर मुनि जय जयित पुकारे ।।
प्रथम तिलक बसिष्ट मुनि कीन्हा। पुनि सब बिप्रन्ह आयसु दीन्हा।।

सुत बिलोकि हरपीं महतारी । बार बार आरती उतारी ॥ विप्रन्हदान बिबिधि विधिदीन्हे। जाचक सकल अजाचक कीन्हे सिंघासन पर त्रिस्थअन साई । देखि सुरन्ह दुंदुर्भी बजाई ॥

```
छं०—नभ दुंदुभी बाजिह बिपुल गंधर्व किनर गावहीं।
     नाचिहें अपछरा बुंद परमानंद सुर मुनि पावहीं ॥
     भरतादि अनुज विभीषनांगद हनुमदादि समेत ते ।
     गहें छ्त्र चामर ब्यजन धनु असि चर्म सक्ति बिराजते॥ १ ॥
     श्री सहित दिनकर बंस भृषन काम बहु छवि सोहई ।
     नव अंबुधर बरगात अंबर पीत सुर मन मोहई ॥
     मुकुटांगदादि बिचित्र भूषन अंग अंगन्हि प्रति सजे ।
     अंभोज नयन बिसाल उर भुज धन्य नर निरखंति जे ॥ २ ॥
दो ०-वह सोभा समाज सुख कहत न बनइ खगेस।
     बरनहिं सारद सेष श्रुति सो रस जान महेस ॥ १२(क) ॥
     भिन्न भिन्न अस्तुति करि गए सुर निज निज धाम ।
     बंदी बेष बेद तब आए जहँ श्रीराम ॥ १२(ख) ॥
     प्रभु सर्वेग्य कीन्ह अति आदर क्रपानिधान।
     लखेंड न काहूँ मरम कछु लगे करन गुन गान ॥ १२(ग)॥
छं०-जय सगुन निर्गुन रूप रूप अनूप भूप सिरोमने ।
     दसकंघरादि प्रचंड निसिचर प्रबल खल भुज बल हुने ॥
     अवतार नरसंसार भार विभंजि दारुन दुख दहे।
     जय प्रनतपाल दयाल प्रभु संजुक्त सक्ति नमामहे ॥ १ ॥
     तव विषम माया बस सुरासुर नाग नर अग जग हरे।
```

भव पंथ भ्रमत अमित दिवस निसि काल कर्म गुननि भरे ॥

जे नाथ करि करुना बिलोके त्रिबिधि दुख ते निर्बहे। भव खेद छेदन दच्छ हम कहुँ रच्छ राम नमामहे ॥ २ ॥ जे ग्यान मान बिमत्त तव भव हरनि भक्ति न आदरी । ते पाइ सुर दुर्लभ पदादपि परत हम देखत हरी॥ बिस्वास करि सब आस परिहरि दास तव जे होइ रहे। जपि नाम तव बिनु श्रम तरिहं भव नाथ सो समरामहे ॥ ३ ॥ जे चरन सिव अज पूज्य रज सुभ परिस मुनिपतिनी तरी । नख निर्गता मुनि बंदिता त्रैलोक पावनि सुरसरी ॥ ध्वज कुलिस अंकुस कंज जुत बन फिरत कंटक किन लहे। पद कंज द्वंद मुकुंद राम रमेस नित्य भजामहे ॥ ४ ॥ अब्यक्तमूलमनादि तरु त्वच चारि निगमागम भने। षट कंघ साखा पंच बीस अनेक पर्न सुमन घने॥ फल जुगल बिधि कटु मधुर बेलि अकेलि जेहि आश्रित रहे । पल्लवत फूलत नवल नित संसार बिटप नमामहे॥ ५॥ जे बहा अजमद्वैतमनुभवगम्य मन पर ध्यावहीं। ते कहहुँ जानहुँ नाथ हम तव सगुन जस नित गावहीं ॥ करुनायतन प्रभु सदगुनाकर देव यह बर मागहीं। मन बचन कर्म विकार तजि तव चरन हम अनुरागहीं ॥ ६ ॥

दो ० – सब के देखत बेदन्ह बिनती कीन्हि उदार। अंतर्घान भए पुनि गए बद्धा आगार॥१३(क)॥ बैनतेय सुनु संभु तब आए जहाँ रघुबीर। बिनय करत गदगद गिरा पूरित पुलक सरीर॥१३(ख)॥ छं०-जय राम रमारमनं समनं । भव ताप भयाकृल पाहि जनं । अवधेस सुरेस रमेस बिभो । सरनागत मागत पाहि प्रभो ॥ 📍 ॥ दससीस बिनासन बीस भुजा।ऋत दूरि महा महि भूरि रुजा। रजनीचर बुंद पतंग रहे । सर पावक तेज प्रचंड दहे ॥ २ ॥ महि मंडल मंडन चारुतरं । धृत सायक चाप निषंग बरं । मद मोह महा ममता रजनी। तम पुंज दिवाकर तेज अनी ॥ 🔻 ॥ मनजात किरात निपात किए। मुग लोग कुभोग सरेन हिए। हति नाथ अनाथिन पाहि हरे। बिषया बन पावँर भूलि परे॥ 😮 ॥ बहु रोग बियोगन्हि लोग हुए। भवदंघ्रि निरादर के फल ए। भवसिंघु अगाध परे नर ते । पद पंकज प्रेम न जे करते ॥ ५ ॥ अति दीन मलीन दुखी नितहीं।जिन्ह कें पद पंकज प्रीति नहीं। अवलंब भवंत कथा जिन्ह कें। प्रिय संत अनंत सदा तिन्ह कें॥६॥ नहिं राग न लोभ न मान मदा । तिन्ह कें सम बैभव वा बिपदा। एहि ते तव सेवक होत मुदा । मुनि त्यागत जोग भरोस सदा ॥७॥ करि प्रेम निरंतर नेम लिएँ। पद पंकज सेवत सुद्ध हिएँ। सम मानि निरादर आदरही । सव संत सुखी बिचरंति मही॥८॥ मुनिभानस पंकज भुंग भजे । रघुबीर महा रनधीर अजे । तव नाम जपामि नमामि हरी। भव रोग महागद मान अरी ॥ ९ ॥ गुन सील ऋपा परमायतनं । प्रनमामि निरंतर श्रीरमनं । रघुनंद निकंदय द्वंद्रघनं । महिपाल बिलोक्तय दीन जनं ॥१०॥

दो ०-बार वार वर मागउँ हरिष देहु श्रीरंग। पद सरोज अनपायनी भगति सदा सतसंग॥ १४(क)॥ बरिन उमापित राम गुन हरिष गए कैलास। तब प्रभु कपिन्ह दिवाए सब बिधि सुखप्रद बास ॥१४(ख)॥

सुनु खगपित यह कथा पावनी। त्रिविधताप भव भय दावनी।।
महाराज कर सुभ अभिषेका। सुनत लहिं नर विरित्त विवेका।।
जे सकाम नर सुनहिं जे गाउहिं। सुख संपित नाना विधि पावहिं।।
सुर दुर्लभ सुख करिजग माहीं। अंतकाल रघुपित पुर जाहीं।।
सुनहिं विमुक्त विरत अरु विषई। लहिंद भगित गित संपित नई।।
खगपित राम कथा मैं वरनी। खमित विलास त्रास दुख हरनी।।
विरति विवेक भगित दढ़ करनी। मोह नदी कहँ सुंदर तरनी।।
नित नव मंगल कीसलपुरी। हरिषत रहिंद लोग सब कुरी।।
नित नइ प्रीति राम पद पंकज। सब कें जिन्हिंह नमत सिव मुनि अज।।
मंगन बहु प्रकार पिहराए। द्विजन्ह दान नाना विधि पाए।।

दो ०-- ब्रह्मानंद मगन कपि सब कें प्रमु पर प्रीति । जात न जाने दिवस तिन्ह गए मास षट बीति ॥ १५॥

बिसरे गृह सरनेहुँ सुधिनाहीं। जिमि परद्रोह संत मन माहीं।।
तबरघुरित सब सखा बोलाए। आइ सबिन्ह सादर सिरु नाए।।
परम प्रीति समीप बैठारे। भगत सुखद मृदु बचन उचारे।।
तुम्ह अति कीन्हि मोरि सेवकाई। सुखपर केहि विधि करौं बड़ाई॥
ताते मोहि तुम्ह अति प्रिय लागे। ममहित लागि भवन सुख त्यागे।।
अनुज राज संपति बेंदेही। देह गेह परिवार सनेही।।
सब मम प्रिय नहिं तुम्हिह समाना। मृषा न कहउँ मोर यह बाना।।
सब कें प्रिय सेवक यह नीती। मोरें अधिक दास पर प्रीती।।

दो ०—अब ग्रह जाहु सस्ता सब भजेहु मोहि दृढ़ नेम । सदा सर्बगत सर्वहित जानि करेहु अति प्रेम ॥ १६॥

सुनि प्रश्च बचन मगन सब भए । को हम कहाँ विसरि तन गए।।
एकटक रहे जोरि कर आगे । सक्ति न कछ कि अति अनुरागे ॥
परम प्रेम तिन्ह कर प्रश्च देखा । कहा बिबिध बिध ग्यान बिसेषा ॥
प्रश्च सन्मुख कछ कहन न पारि । पुनि पुनि चरन सरोज निहारि ॥
तब प्रश्च भूषन बसन मगाए । नाना रंग अनूप सुहाए ॥
सुग्रीविह प्रथमिं पिहराए । बसन भरत निज हाथ बनाए॥
प्रश्च प्रेरित लिखमन पहिराए । लंकापित रघुपित मन भए॥
अंगद बैठ रहा नहिं डोला। प्रीति देखि प्रश्च ताहिन बोला॥

दो ०—जामवंत नीलादि सब पहिराए रघुनाथ। हियँ घरि राम रूप सब चले नाइ पद माथ॥१७(क)॥ तब अंगद उठि नाइ सिरु सजल नयन कर जोरि। अति बिनीत बोलेउ बचन मनहुँ प्रेम रस बोरि॥१७(ख)॥

सुनु सर्वग्य कृपा सुल सिंधो। दीन दयाकर आरत वंधो।।
मरती बेरैनाथ मोहि बाली। गयउ तुम्हारेहि कोंछें घाली।।
असरन सरन विरदु संभारी। मोहि जनि तजहु भगत हितकारी॥
मोरें तुम्ह प्रसु गुर पितु माता। जाउँ कहाँ तिज पद जलजाता।।
तुम्हिह विचारि कहहु नरनाहा। प्रसु तिज भवन काज मम काहा।।
बालक ग्यान बुद्धि बल हीना। राखहु सरन नाथ जन दीना।।
नीचि टहल गृह के सब करिहउँ। पद पंकज बिलोकि भव तरिहउँ।।
अस कहि चरन परेउ प्रसु पाही।अब जनि नाथ कहहु गृह जाही।।

दो ०-अंगद बचन बिनीत सुनि रघुपति करुना सीव।
प्रमु उठाइ उर लायउ सजल नयन राजीव॥१८(क)॥
निज उर माल बसन मिन बालितनय पहिराइ।
बिदा कीन्हि भगवान तब बहु प्रकार समुझाइ॥१८(स)॥
भरत अनुज सौमित्रि समेता। पठवन चले भगत कृत चेता॥
अंगद हृद्यँ प्रेम निहं थोरा। फिरि फिरि चितव राम की ओरा॥
वार बार कर दंड प्रनामा। मन अस रहन कहिं मोहि रामा॥
राम बिलोकनि बोलिन चलनी। सुमिरि सुमिरि सोचत हाँस मिल्नी
प्रश्च रुख देखि बिनय बहु भाषी। चलेउ हृद्यँ पद पंकज राखी।।
अति आदर सब किप पहुँचाए। भाइन्ह सहित भरत पुनि आए।।
तब सुग्रीव चरन गहि नाना। भाँति बिनय कीन्हे इनुमाना॥
दिन दस किर रघुपति पद सेवा। पुनि तब चरन देखिहउँ देवा॥
पुन्य पुंज तुम्ह पवनकुमारा। सेवह जाइ कृपा आगारा।।

दो ०—कहेहु दंडवत प्रभु सैं तुम्हिह कहुउँ कर जोरि। बार बार रघुनायकिह सुरित कराएहु मोरि॥१९(क)॥ अस किह चलेउ बालिसुत फिरि आयउ हनुमंत। तासु प्रीति प्रभु सन कही मगन भए भगवंत॥१९(ख)॥ कुलिसहु चाहि कठोर अति कोमल कुसुमहु चाहि। चित्त खगेस राम कर समुझि परइ कहु काहि॥१९(ग)॥

अस किह किप सब चले तुरंता। अंगद कहइ सुनहू हनुमंता।।

पुनि क्रपाल लियो बोलि निषादा । दीम्हे भूषन वसन प्रसादा।। जाहु भवन मम सुमिरन करेहू । मन क्रम बचन धर्म अनुसरेहू।। तुम्ह मम सखा भरत सम भ्राता। सदा रहेष्टु पुर आवल जाता।। बचन सुनत उपजा सुख भारी। परेउ चरन भिर लोचन बारी।। चरन निलन उर धिर गृह आवा। प्रभ्र सुभाउ परिजनिन्ह सुनावा।। रघुपति चरित देखि पुरबासी। पुनि पुनि कहि धन्य सुखगसी।। राम राज बैठें त्रैलोका। हरिषत भए गए सब सोका।। बयरु न कर काहू सन कोई। राम प्रताप विषमता खोई।।

दोo—बरनाश्रम निज निज धरम निरत बेद पथ लोग । चलहिं सदा पावहिं सुखहि नहिं भय सोक न रोग ॥ २०॥

दैहिक दैविक भौतिक तापा। राम राज नहिं काहुहि ब्यापा।।
सब नर करिं परस्पर प्रीती। चलिं स्वधर्म निरत श्रुति नीती।।
चारि उं चरन धर्म जग माहीं। पूरि रहा सपने हुँ अघ नाहीं।।
राम भगति रत नर अरु नारी। सकल परम गति के अधिकारी।।
अल्पमृत्यु नहिं कविने पीरा। सब सुंदर सब बिरुज सरीरा।।
नहिंदि रिद्र को उ दुखी न दीना। नहिं को उ अबुधन लच्छन हीना।।
सब निर्देभ धर्मरत पुनी। नर अरु नारि चतुर सब गुनी।।
सब गुनग्य पंडित सब ग्यानी। सब क्रतग्य नहिं कपट सयानी।।

दो ०–राम राज नभगेस सुनु सचराचर जग माहिं। काल कर्म सुभाव गुन कृत दुख काहुहि नाहिं॥ २१॥

भृमि सप्त सागर मेखला। एक भृप रघुपति कोसला।। भुअन् अनेक रोम प्रति जास्। यह प्रभुता कल बहुत न तास्।। सो महिमा समुझत प्रभु केरी। यह बरनत हीनता घनेरी।। सोउ महिमा खगेस जिन्ह जानी। फिरिएहिं चरित तिन्ह हुँ रित मानी॥ सोउ जाने कर फल यह लीला । कहिंह महा मुनिबर दमसीला ।। राम राज कर सुल संपदा । बरिन न सकड़ फनीस सारदा ॥ सब उदार सब पर उपकारी । बिग्न चरन सेवक नर नारी ॥ एक नारि ब्रत रत सब झारी । ते मन बच क्रम पति हितकारी ॥

दो०-इंड जितन्ह कर भेद जहाँ नर्तक नृत्य समाज।

जौतह मनिह सुनिअ अस रामचंद्र के राज ॥ २२ ॥ फूलिंद फरिंद सदा तरु कानन । रहिंद एक सँग गज पंचानन ॥ स्वा मृग सहज वयरु विसराई । सविन्ह परस्पर प्रीति वड़ाई ॥ क्जिंद खग मृग नाना बंदा । अभय चरिंद वन करिं अनंदा ॥ सीतल सुरिभ पत्रन वह मंदा । गुंजत अलि लै चिल मकरंदा ॥ लता विटप मार्गे मधु चवहीं । मन भावतो घेनु पय स्ववहीं ॥ सिस संपन्न सदा रह धरनी । त्रेताँ भइ कृतजुग के करनी ॥ प्रगटीं गिरिन्ह विविधि मिन खानी। जगदातमा भूप जग जानी॥ सिरित। सकल बहिंद वर वारी । सीतल अमल खाद सुखकारी ॥ सागर निज मरजादाँ रहहीं । डारिह रत्न तटन्हि नर लहहीं ॥ सरित असंकुल सकल तड़ागा। अति प्रसन्न दम दिसा विभागा॥

दो ०-बिधु महि पूर मयूखिन्ह रिब तप जेतनेहि काज।

मार्गे बारिद देहिं जल रामचंद्र कें राज ॥ २३ ॥ कोटिन्ह वाजिमेध प्रभु कीन्हे। दान अने क द्विजन्ह कहँ दीन्हें ॥ श्रुति पथ पालक धम धुरंधर । गुनातीत अरु भोग पुरंदर ॥ पति अनुकूल सदा रह मीता । मोभा खानि सुसील बिनीटा ॥ जानित कृपा सिंधु प्रभुताई । सेवति चरन कमल मन लाई ॥

जद्यपि गृहँ सेवक सेविकनी । विपुत्त सदा सेवा विधि गुनी ।! निज कर गृह परिचरजा करई । रामचंद्र आयसु अनुसरई ।। जेहि विधि कुपासिंधु सुख मानइ।सोइ कर श्री सेवा विधि जानइ।। कौसल्यादि सासु गृह माहीं। सेवह सबिन्ह मान मद नाहीं।। उमा रमा ब्रह्मादि बंदिता। जगदंबा संततमनिंदिता।।

दो०-जासु क्रपा कटाच्छु सुर चाहत चितव न सोइ।

राम पदारविंद रित करित सुभाविह खोइ॥ २४॥
सेविह सानक्रूल सब भाई। राम चरन रित अति अधिकाई।।
प्रश्च मुख कमल बिलोकत रहहीं। कबहुँ कृपाल हमिह कल्ल कहहीं।।
राम करिह आतन्ह पर प्रीती। नाना भाँति सिखाविह नीती॥
हरिषत रहिंह नगर के लोगा। करिंह सकल सुर दुर्लभ भोगा॥
अहिनिस बिधिह मनावत रहिं।। श्रीर घुबीर चरन रित चहहीं॥
दुइ सुत सुंदर सीताँ जाए। लव कुस बेद पुरानन्ह गाए॥
दोउ बिजई बिनई गुन मंदिर। हिर प्रतिबिंब मनहुँ अति सुंदर॥
दुइ सुत सब आतन्ह केरे। भए रूप गुन सील घनेरे॥

दो ०-ग्यान गैरारा गोतीत अज माया मन गुन पार।

सोइ सिचदानंद घन कर नर चिरत उदार ॥ २५ ॥ प्रातकाल सरऊ किर मजन । बैठिह सभौ संग द्विज सजन ।। बेद पुरान बिसष्ट बखानहिं । सुनिह राम जद्यपिसन जानिहें।। अनुजन्ह संजुत भोजन करहीं। देखि सकल जननीं सुख भरहीं।। भरत सुन्नहन दोनउ भाई। सहित पवनसुत उपनन जाई।। बृह्महिं बैठि राम गुन गाहा। कह हनुमान सुमित अवगाहा।।

सुनत बिमल गुन अति सुख पावहिं। बहुरि बहुरि करि बिनय कहावहिं सब केंगृह गृह होहिं पुराना। राम चरित पावन बिधि नाना।। नर अरु नारि राम गुन गानहिं। करहिं दिवस निसि जात न जानहिं

दो०-अवधपुरी बासिन्ह कर सुख संपदा समाज।

सहस सेष निहं कि सकि वहाँ नृप राम विराज ॥ २६ ॥ नारदादि सनकादि म्रुनीसा । दरसन लागि कोसलाधीसा ॥ दिन प्रति सकल अजोध्या आविहें। देखि नगरु विरागु विसगविहें जातरूप मिन रचित अटारीं । नाना रंग रुचिर गच ढारीं ॥ पुर चहुँ पास कोट अति सुंदर। रचे कँगूरा रंग रंग वर ॥ नव ग्रह निकर अनीक बनाई । जनु घेरी अमरावित आई ॥ महि बहु रंग रचित गच काँचा । जो विलोकि म्रुनिबर मन नाचा॥ धवल धाम ऊपर नभ चुंबत । कलस मनहुँ रिकसिस दुति निंदत बहु मिन रिचत झरोखा भ्राजिहें। गृह गृह प्रति मिन दीप विराजिहें

छं०—मिन दीप राजिहं भवन भ्राजिहं देहरीं बिद्रुम रची।
मिन खंभ भीति बिरंचि बिरची कनक मिन मरकत खची॥
सुंदर मनोहर मंदिरायत अजिर रुचिर फटिक रचे।
प्रति द्वार द्वार कपाट पुरट बनाइ बहु बज्जिन्ह खचे॥
दो०—चारु चित्रसाला गृह गृह प्रति लिखे बनाइ।

राम चरित जे निरख मुनि ते मन लेहिं चोराइ ॥ २७ ॥ सुमन बाटिका सबहिं लगाई । बिबिध भाँति करि जतन बनाई ॥ लता ललित बहु जाति सुहाई । फूलहिं सदा बसंत कि नाई ॥ गुंजत मधुकर मुखर मनोहर । मारुत त्रिबिध सदा बह सुंदर ॥ नाना खग बालकिन्ह जिआए। बोलत मधुर उड़ात सुहाए।। मोर हंस साग्स पारावत। भवनिन पर सोभा अति पावत।। जहँ तहँ देखिं निज परिछाहीं। बहु बिधि कूजिं नृत्य कराहीं।। सुकसारिका पढ़ाविं बालक। कहहु राम रघुपति जन पालक।। राज दुआर सकल विधि चारू। बीधीं चौहट रुचिर बजारू।।

छं०—बाजार रुचिर न बनइ वरनत बस्तु विनु गथ पाइए। जहँ भूप रमानिवास तहँ की संपदा किमि गाइए॥ वैठे बजाज सराफ बनिक अनेक मनहुँ कुबेर ते। सब सुखी सब सचरित सुंदर नारि नर सिसु जरठ जे॥

दो०—उत्तर दिसि सरजू बह निर्मल जल गंभीर।

बाँधे घाट मनोहर स्वल्प पंक नहिं तीर ॥ २८ ॥ दूरि फराक रुचिर सो घाटा । जहुँ जल पिअहिं वाजि गज ठाटा पनिघट परम मनोहर नाना । तहाँ न पुरुष करहिं अम्नाना ॥ राजघाट सब विधि सुंदर बर । मजहिं तहाँ बरन चारिउ नर ॥ तीर तीर देवन्ह के मंदिर । चहुँ दिसि तिन्ह के उपवन सुंदर कहुँ कहुँ मिरेता तीर उदासी । बसहिं ग्यान रत श्रुनि संन्यासी ॥ तीर तीर तुलसिका सुहाई । चृंद चृंद बहु मुनिन्ह लगाई ॥ पुर सोमा कलु बग्निन जाई । बाहेर नगर परम रुचिगाई ॥ देखत पुरी अखिल अध मागा। बन उपवन वापिका तहागा ॥

छे०—वापीं तड़ाग अनूप कूप मनोहरायत सोहहीं। सोपान सुंदर नोर निर्मल देखि सुर मुनि मोहहीं॥ बहु रंग कंज अनेक खग क्जिहिं मधुप गुंजारहीं। आराम रम्य पिकादि खग रव जनु पथिक हंकारहीं॥ दो०-रमानाथ जहँ राजा सो पुर बरनि कि जाइ।

अनिमादिक सुख संपदा रहीं अवध सब छाइ॥ २९॥ जहँ तहँ नर रघुपति गुन गाविं । बैठि परसपर इहइ सिखाविं ।। मजहु प्रनत प्रतिपालक रामि । सोभा सील रूप गुन धामि ।। जलज बिलोचन खामल गाति । पलक नयन इव सेवक त्राति ।। धृत सर रुचिर चाप तूनीरि । संत कंज बन रिव रनधीरि ।। काल कराल ब्याल खगराजि । नमत राम अकाम ममता जि ।। लोभ मोह मृगजूथ किराति । मनसिज किर हिर जन सुखदाति संसय सोक निविद् तम भानि । दनुज गहन घन दहन कुसानु हि जनकसुता समेत रघुबीरि । कस न भजहु भंजन भव भीरि ।। सुनि रंजन मंजन महि भारि । तुलसिदास के प्रभु हि उदारि ।। सुनि रंजन मंजन महि भारि । तुलसिदास के प्रभु हि उदारि ।।

दो ०—एहि बिधि नगर नारि नर करहिं राम गुन गान।

सानुकूल सब पर रहहिं संतत क्रपानिधान ॥ ३०॥

जब ते राम प्रताप खगेसा। उदित भयउ अति प्रबल दिनेसा।।
पूरि प्रकास रहेउ तिहुँ लोका। बहुतेन्ह सुख बहुतन मन सोका।।
जिन्हिह सोक ते कहउँ बखानी। प्रथम अविद्या निसा नसानी।।
अघ उल्क जहँ तहाँ लुकाने। कामःकोध कैरव सकुचाने।।
बिबिध कर्म गुन काल सुभाऊ। ए चक्कोर सुख लहहिं न कोऊ।।
मत्सर मान मोह मद चौरा। इन्ह कर हुनर न कबनिहुँ औरा।।

धरम तड़ाग ग्यान बिग्याना । ए एंक्ज विकसे विधि नाना ।। सुख संतोप बिराग विवेका । विगत सोक ए कोक अनेका ।।

दो ०-यह प्रताप रिब जाके उर जब करइ प्रकास।

पिक्ठि बादि प्रथम के कहे ते पावि नास ॥ ३१॥ भ्रातन्ह सिहत रामु एक बारा। संग परम प्रिय पवनकुमारा।। सुंदर उपबन देखन गए। सब तरु कुसुमित पल्छव नए।। जानि समय सनकादिक आए। तेज पुंज गुन सील सुहाए॥ ब्रह्मानंद सदा लयलीना। देखत बालक बहु कालीना॥ रूप धरें जनु चारिउ बेदा। समदरसी मुनि बिगत बिमेदा॥ आसा बसन व्यसन यह तिन्दहीं। रघुपति चरित होइ तहँ सुनहीं।। तहाँ रहे सनकादि भवानी। जहँ घटसंभव मुनिबर ग्यानी॥ राम कथा मुनिबर बहु बरनी। ग्यान जोनि पावक जिमि अरनी

दो ० – देखि राम मुनि आवत हरिष दंडवत कीन्ह।

स्वागत पूँछि पीत पट प्रभु वैठन कहँ दीन्ह ॥ ३२ ॥ कीन्ह दंडवत तीनिउँ भाई । सहित पवनसुत सुख अधिकाई॥ मुनि रघुपैति छिब अतुल बिलोकी।भए मगन मन सके न रोकी ।। स्यामल गात सरोक्ह लोचन । सुंदरता मंदिर भव मोचन ॥ एकटक रहे निमेष न लावहिं । प्रभु कर जोरें सीस नवावहिं ॥ तिन्ह के दसा देखि रघुबीरा । स्वत नयन जल पुलक सरीरा॥ कर गहि प्रभु मुनिबर बैठारे । परम मनोहर बचन उचारे ॥ आर्जु धन्य में सुनहु मुनीसा । तुम्हरें दरस जाहिं अघ खीसा ॥ बड़े भाग पाइब सतसंगा । बिनहिं प्रयास होहिं भव मंगा ॥

दो ० —संत संग अपबर्ग कर कामी भव कर पंथ। कहिं संत किंव कोबिद श्रुति पुरान सदमंथ।। ३३॥

सुनि प्रभु बचन हरिष सुनि चारी। पुलकित तन अस्तुति अनुसारी जय भगवंत अनंत अनामय । अनघ अनेक एक करुनामय ।। जय निर्मुन जय जय गुन सागर । सुख मंदिर सुंदर अति नागर ।। जय हंदिरा रमन जय भूधर । अनुपम अज अनादि सोभाकर।। ग्यान निधान अमान मानप्रद । पावन सुजस पुरान बेद बद ।। तग्य कृतग्य अग्यता भंजन । नाम अनेक अनाम निरंजन ।। सर्वे सर्वगत सर्वे उरालय । बसिस सदा हम कहुँ परिपालय द्वंद विपति भव फंद विभंजय । हृदि बिस राम काम मद गंजय।।

दो ०--परमानंद ऋपायतन मन परिप्रन काम । प्रेम भगति अनपायनी देहु हमहि श्रीराम ॥ ३४ ॥

देहु भगित रघुपित अति पावनि । त्रिबिधि ताप भव दाप नसावनि प्रनत काम सुरघेनु कलपतरु । होइ प्रसन्न दीजे प्रभ्र यह बरु॥ मव बारिधि कुंभज रघुनायक । सेवत सुलभ सकल सुरव दायक मन संभव दारुन दुख दारय । दीनबंधु समता बिस्तारय ॥ आस त्रास इरिषादि निवारक । बिनय बिबेक बिरति बिस्तारक॥ भूप मौलि मनि मंडन धरनी । देहि भगित संसृति सरि तरनी॥ सुनि मन मानस हंस निरंतर । चरन कमल बंदित अज संकर॥ रघुकुल केतु सेतु श्रुति रच्छक । काल करम सुभा उ गुन भच्छक॥ तारन तरन हरन सब दूषन । तुलसिदास प्रभ्र त्रिभ्रवन भूपन॥

दो ०--बार बार अस्तुति करि प्रेम सहित सिरु नाइ।

नहा भवन सनकादि गे अति अभीष्ट बर पाइ ॥ ३५ ॥ सनकादिक विधि लोक सिधाए । भ्रातन्ह राम चरन सिरु नाए।। पूछत प्रसुद्धि सकल सकुचाहीं । चितवहिं सब मारुतसुत पाहीं।। सुनी चहिं प्रसु मुख के बानी । जो सुनि होइ सकल भ्रम हानी।। अंतरजामी प्रसु सभ जाना । बूझत कहहु काह हनुमाना ।। जोरि पानि कह तब हनुमंता । सुनहु दीनद्याल भगवंता ।। नाथ भरत कछु पूँछन चहहीं । प्रस्न करत मन सकुचत अहहीं।। तुम्ह जानहुकिप मोर सुभाऊ । भरतिह मोहि कछु अंतर काऊ ।। सुनि प्रसु बचन भरत गहे चरना । सुनहु नाथ प्रनतारित हरना ।।

दो ०-नाथ न मोहि संदेह कछु सपनेहुँ सोक न मोह।

केवल कृपा तुम्हारिहि कृपानंद संदोह ॥ ३६॥
करउँ कृपानिधि एक दिठाई । मैं सेवक तुम्ह जन सुखदाई ॥
संतन्ह के महिमा रघुराई । बहु विधि बेद पुरानन्ह गाई ॥
श्रीसुख तुम्ह पुनि कीन्हि बड़ाई। तिन्ह पर प्रश्चिहि प्रीति अधिकाई
सुना चक्कउँ प्रश्च तिन्ह कर लच्छन । कृपासिधु गुन ग्यान विचच्छन
संत असंत मेद बिलगाई । प्रनतपाल मोहि कहहु बुझाई॥
संतन्ह के लच्छन सुनु आता । अगनित श्रुति पुरान विख्याता
संत असंतन्हि के असि करनी । जिमि कुठार चंदन आचरनी ॥
काटइ परसु मलय सुनु भाई । निज गुन देइ सुगंध बसाई ॥

दो ०—ताते सुर सीसन्ह चढ़त जग बल्लभ श्रीखंड। ' अनल दाहि पीटत घनहिं परसु बदन यह दंड॥ ३७॥ विषय अलंपट सील गुनाकर । पर दुख दुख सुख सुख देखे पर ।। सम अभूतरिपु विमद विरागी । लोभामरष हरष भय त्यागी ।। कोमलचित दीनन्ह पर दाया । मन बच कम मम भगति अमाया सबिह मानप्रद आपु अमानी । भरत प्रान सम मम ते प्रानी ।। विगत काम मम नाम परायन । सांति विरति विनती मुदितायन सीतलता सरलता मयत्री । द्विज पद प्रीति धर्म जनयत्री ।। ए सब लच्छन बसिहं जासु उर । जाने हु तात संत संतत पुर ।। सम दम नियम नीति नहिं डोलहिं । परुष बचन कबहूँ नहिं बोलहिं

दो०-निंदा अस्तुति उभय सम ममता मम पद कंज। ते सञ्जन मम प्रानप्रिय गुन मंदिर सुख पुंज॥३८॥

सुनहु असंतन्ह केर सुभाऊ । भूलेहुँ संगति करिश्र न काऊ ॥
तिन्ह कर संग सदा दुखदाई । जिमि किपलिहि घाल़ हहरहाई ॥
खलन्ह हृदयँ अति ताप विसेषी । जरिंह सदा पर संपति देखी ॥
जहँ कहुँ निंदा सुनिर्ह पराई । हरषि मनहुँ परी निधि पाई॥
काम कोध मद लोभ परायन । निर्दय कपटी कुटिल मलायन॥
वयरु अकारन सब काहू सों । जो करि हित अनिहत ताहू सों ॥
झूठइ लेना झुठइ देना । झुठइ भोजन झुठ चबेना ॥
बोलिहं मधुर बचन जिमि मोरा । खाइ महा अहि हृदय कठोरा ॥

दो ०--पर द्रोही पर दार रत पर धन पर अपबाद।

ते नर पाँवर पापमय देह घरें मनुजाद ॥ ३८ ॥

लोभइ ओढ़न लोभइ डासन । सिस्नोदरपर जमपुर त्रास न ॥ काहू की जौं सुनहिं बड़ाई। खास लेहिं बनुजूड़ी आई॥ जब काहू के देखिंहं बिपती । सुखी भए मानहुँ जग नृपती ।। खारथ रत परिवार बिरोधी । लंपट काम लोभ अति कोधी ।। मातु पिता गुर बिप्र न मानिहं। आपु गए अरु घालहें आनिहं।। करिंहें मोह बस द्रोह परावा। संत संग हिर कथा न भावा।। अवगुन सिंघु मंदमित कामी। बेद बिद्षक परधन खामी।। बिप्र द्रोह पर द्रोह बिसेषा। दंभ कपट जियँ धरें सुबेषा।।

दो०—ऐसे अधम मनुज खल कृतजुग त्रेताँ नाहिं। द्वापर कछुक बुंद बहु होइहहिं कलिजुग माहिं॥ ४०॥

पर हित सरिसधर्म निहं भाई । पर पीड़ा सम निहं अधमाई ।।
निर्नय संकल पुगन बेद कर । कहेउँ तात जानिहं कोबिद नर ।।
नर सरीर धिर जे पर पीरा । करिंद ते सहिंद महा भव भीरा ।।
करिंद मोहबस नर अध नाना । खारथ रत परलोक नसाना ।।
कालक्रप तिन्ह कहँ मैं श्राता । सुभ अरु असुभ कर्म फल दाता ।।
अस बिचारि जे परम सयाने । भजिंद मोहि संसृत दुख जाने ।।
त्यागिंद कर्म सुभासुभ दायक । भजिंद मोहि सुर नर सुनिनायक।।
संत असैंतन्ह के गुन भाषे । ते न परिहं भव जिन्ह लिख राखे।।

दो ०—सुनहु तात मायाञ्चत गुन अरु दोष अनेक। गुन यह उभय न देखिअहिं देखिअ सो अबिबेक॥ ४१॥

श्रीमुख बचन सुनत सब भाई । हरषे प्रेम न हृदयँ समाई ।। करहिं बिनय अति बारहिं बारा । हनुमान हियँ हरष अपारा ।। पुनि रघुपति निज मंदिर गए । एहि बिधि चरित करत नित नए।। बार बार नारद मुनि आवहिं । चरित पुनीत राम के गावहिं ।। नित नव चरित देखि मुनि जाहीं । ब्रह्मलोक सब कथा कहाहीं ।। सुनि बिरंचि अतिसय सुख मानिहें । पुनि पुनि तात करहु गुन गानिहें सनकादिक नारदिह सराहिहें । जद्यपि ब्रह्म निरत मुनि बाहिहें।। सुनि गुन गान समाधि बिसारी । सादर सुनिहें परम अधिकारी।।

दो ०—जीवनमुक्त बह्मपर चरित सुनिह तिज ध्यान । जे हरि कथाँ न करिह रित तिन्ह के हिय पाषान ॥ ४२ ॥

एक बार रघुनाथ बोलाए। गुर दिज पुरवासी सब आए।।
बैठे गुरु मुनि अरु दिज सज्जन। बोले बचन भगत भव भंजन।।
सुनहु सकल पुरजन मम बानी। कहउँ न कल्ल ममता उर आनी।।
निहं अनीति निहं कल्ल प्रभुताई। सुनहु करहु जो तुम्हिह सोहाई॥
सोइ सेवक प्रियतम मम सोई। मम अनुसासन मानै जोई।।
जी अनीति कल्ल भाषों भाई। तो मोहि बरजहु भय बिसराई॥
बहें भाग मानुष तनु पावा। सुर दुर्लभ सब ग्रंथिन्ह गावा।।
साधन धाम मोच्ल कर द्वारा। पाइ न जेहिं परलोक सँवारा।।

दो ०– सो परत्र दुख पावइ सिर घुनि घुनि पछिताइ। कालहि कर्महि ईस्वरहि मिथ्या दोस लगाइ॥ ४३॥

एहि तन कर फल बिषय न भाई। खर्गे उखरप अंत दुखदाई।।
नर तनु पाइ बिषयँ मन देहीं। पलटि सुधा ते सठ बिष लेहीं।।
ताहि कबहुँ भल कहइ न कोई। गुंजा ग्रहइ परस मिन खोई।।
आकर चारि लच्छ चौरासी। जोनि अमत यह जिव अबिनासी
फिरत सदा माया कर प्रेरा। काल कर्म सुभाव गुन घेरा।।
कबहुँक करि करुना नर देही। देत ईस बिनु हेतु सनेही।।

नर तनु भव बारिधि कहुँ बेरो । सन्मुख मरुत अनुग्रह मेरो ॥ करनधार सदगुर दृढ़ नावा । दुर्लभ साज सुलभ करि पावा ॥

दोo-जो न तरै भव सागर नर समाज अस पाइ। सो कृत निंदक मंदमति आत्माहन गति जाइ॥ ४४॥

जों परलोक इहाँ सुख चहहू । सुनि मम बचन हृदयँ दृढ़ गहहू॥
सुलभ सुखद मारग यह भाई । भगित मोरि पुरान श्रुति गाई ॥
ग्यान अगम प्रत्यूह अनेका । साधन कठिन न मन कहुँ टेका ॥
करत कष्ट बहु पावइ कोऊ । भिक्त हीन मोहि प्रिय निहं सोऊ॥
भिक्त सुतंत्र सकल सुख खानी । बिनु सतसंग न पावहिं प्रानी ॥
पुन्य पुंज बिनु मिलहिं न संता । सतसंगित संसृति कर अंता ॥
पुन्य एक जग महुँ निहं द्जा । मन क्रम बचन बिप्र पद प्जा ॥
सानुकूल तेहि पर सुनि देवा । जोतिज कपटु करइ द्विज सेवा॥

दो ०-औरउ एक गुपुत मत सबिह कहउँ कर जोरि। संकर भजन बिना नर भगति न पावइ मोरि॥ ४५॥

कहहु भगति पथ कवन प्रयासा। जोग न मख जप तप उपवासा।।
सरल सुभाव न मन कुटिलाई। जथा लाभ संतोष सदाई।।
मोर दास कहाइ नर आसा। करइ तो कहहु कहा विखासा।।
बहुत कहउँ का कथा बढ़ाई। एहि आचरन बस्य मैं भाई।।
बैर न विग्रह् आस न त्रासा। सुलमय ताहि सदा सब आसा।।
अनारंभ अनिकेत अमानी। अनघ अरोष दच्छ विग्यानी।।
प्रीति सदा सज्जन संसर्गा। तुन सम विषय स्वर्ग अपवर्गा।।
भगति पच्छ हठ नहिं सठताई। दुष्ट तर्क सब द्रि बहाई।।

दो ०-मम गुन घाम नाम रत गत ममता मद मोह।

ता कर सुख सोइ जानइ परानंद संदोह ॥ ४६ ॥ सुनत सुधासम बचन राम के । गहे सबनि पद कृपाधाम के ।। जननि जनक गुर बंधु हमारे । कृपा निधान प्रान ते प्यारे ।। तनु धनु धाम राम हितकारी । सब बिधि तुम्ह प्रनतारित हारी॥ असि सिख तुम्ह बिनु देह न कोऊ। मातु पिता खारथ रत ओऊ।। हेतु रहित जग जुग उपकारी । तुम्ह तुम्हार सेवक असुरारी ।। खारथ मीत सकल जग माहीं । सपने हुँ प्रभु परमारथ नाहीं ॥ सब के बचन प्रेम रस साने । सुनि रधुनाथ हृद्य हरषाने ॥ निज निज गृह गए आयसु पाई। बरनत प्रभु वतकही सुहाई।।

दो ०—उमा अवधवासी नर नारि क्वतारथ रूप। ब्रह्म सचिदानंद घन रघुनायक जहँ भूप॥ ४७॥

एक बार बसिष्ट मुनि आए। जहाँ राम सुखधाम सुहाए।। अति आदर रघुनायक कीन्हा। पद पखारि पादोदक लीन्हा।। राम सुनहु मुनि कह कर जोरी। कृपासिधु बिनती कछु मोरी।। देखि देखि आचरन तुम्हारा। होत मोह मम हदयँ अपारा।। महिमा अमिति बेद नहिं जाना। मैं केहि भाँति कहउँ भगवाना।। उपरोहिन्य कर्म अति मंदा। बेद पुरान सुमृति कर निंदा।। जब न लेउँ मैं तब बिधि मोही। कहा लाभ आगें सुत तोही।। परमातमा ब्रह्म नर रूपा। होइहि रघुकुल भूषन भूपा।।

दो०-तब मैं हृद्यँ बिचारा जोग जग्य वत दान।

जा कहुँ करिअ सो पैहउँ धर्म न एहि सम आन ॥ ४८ ॥

जप तप नियम जोग निज धर्मा । श्रुति संभव नाना सुभ कर्मा ।।
ग्यान दया दम तीरथ मज्जन । जहँ लगि धर्म कहत श्रुति सज्जन।।
श्रागम निगम पुरान अनेका । पढ़े सुने कर फल प्रश्च एका ।।
तव पद पंकज प्रीति निरंतर । सब साधन कर यह फल सुंदर ॥
छूटइ मल कि मलहि के धोएँ । घृत कि पाव कोइ बारि बिलोएँ ॥
प्रेम भगति जल बितु रघुराई । अभि अंतर मल कबहुँ न जाई ॥
सोइ सर्वग्य तग्य सोइ पंडित । सोइ गुन गृह बिग्यान अखंडित ॥
दच्छ सकल लच्छन जुत सोई। जाकें पद सरोज रित होई ॥

दो०-नाथ एक बर मागउँ राम ऋपा करि देहु।

जन्म जन्म प्रमु पद कमल कबहुँ घटै जिन नेहु॥ ४९॥ अस किह मिन बिसष्ट गृह आए। कुपासिंधु के मन अति भाए। हनुमान भरतादिक आता। संग लिए सेवक सुखदाता॥ पुनि कुपाल पुर बाहेर गए। गज रथ तुरग मगावत भए॥ देखि कुपा किर सकल सराहे। दिए उचित जिन्ह जिन्ह तेइ चाहे॥ हरन सकल अम प्रभु अम पाई। गए जहाँ सीतल अबँराई॥ भरत दीन्ह निज बसन इसाई। बैठे प्रभु सेविह सब भाई॥ मारुतसुत तब मारुत करई। पुलक बपुष लोचन जल भरई॥ हनुमान सम निहं बड़भागी। निहं कोउ राम चरन अनुरागी॥ गिरिजा जासु प्रीति सेवकाई। बार बार प्रभु निज मुख गाई॥ दो०—तेहि अवसर मुनि नारद आए करतल बीन।

गावन लगे राम कल कीरति सदा नबीन ॥ ५०॥ मामवलोकय पंकज लोचन । कुपा विलोकनि सोच विमोचन।। नील तामरस स्थाम काम अरि । हृदय कंज मकरंद मधुप हरि ॥ जातुधान वरूथ बल भंजन । मुनि सज्जन रंजन अघ गंजन ॥ भूसुर सिस नव बृंद बलाहक । असरन सरन दीन जन गाहक ॥ भुज बल बिपुल भार महि खंडित । खर दूपन बिराध बध पंडित ॥ रावनारि सुखरूप भूपवर । जय दसरथ कुल कुमुद सुधाकर ॥ सुजस पुरान बिदित निगमागम । गावत सुर मुनि संत समागम ॥ कारुनीक व्यलीक मद खंडन । सब बिधि कुसल कोसला मंडन ॥ किल मल मथन नाम ममताहन । तुलसिदास प्रभु पाहि प्रनत जन॥

दो०--प्रेम सहित मुनि नारद बरनि राम गुन घाम। सोभासिंघु हृदयँ घरि गए जहाँ बिधि घाम॥ ५१॥

गिरिजा सुनहु बिसद यह कथा। मैं सब कही मोरि मित जथा।।
राम चरित सत कोटि अपारा। श्रुति सारदा न बरने पारा।।
राम अनंत अनंत गुनानी। जन्म कर्म अनंत नामानी।।
जल सीकर मिहरज गिन जाहीं। रचुपित चरित न बरनि सिराहीं।।
बिमल कथा हिर पद दायनी। भगित हो हसुनि अनपायनी।।
उमा कहिउँ सब कथा सुहाई। जो सुसुंडि खगपितिहि सुनाई।।
कल्लक राम गुन कहेउँ बलानी। अब का कहीं सो कहहु भवानी।।
सुनि सुभ कथा उमा हरषानी। बोली अति बिनीत मृदु बानी।।
धन्य धन्य मैं धन्य पुरारी। सुने उँराम गुन भव भय हारी।।

दो ०—तुम्हरी कृपाँ कृपायतन अब क्वतकृत्य न मोह । जानेउँ राम प्रताप प्रभु चिदानंद संदोह ॥५२(क)॥ नाथ तवानन ससि स्रवत कथा सुधा रघुबीर।

श्रवन पुटन्हि मन पान करि निहं अघात मितधीर ॥५२(ख)॥
राम चिरत जे सुनत अघाहीं । रस विसेष जाना तिन्ह नाहीं।।
जीवनमुक्त महामुनि जेऊ । हिर गुन सुनिहं निरंतर तेऊ ।।
भव सागर चह पार जो पावा । राम कथा ता कहँ दृढ़ नावा ।।
विषइन्ह कहँ पुनि हिर गुन ग्रामा।श्रवन सुखद अरु मन अभिरामा।।
श्रवनवंत अस को जग माहीं । जाहिन रघुपति चरित सोहाहीं ।।
ते जड़ जीव निजातमक घाती । जिन्हिह न रघुपति कथा सोहाती।।
हरिचरित्र मानस तुम्ह गावा। सुनि मैं नाथ अमिति सुख पावा ।।
तुम्ह जो कही यह कथा सुहाई। काग भसंडि गरुड़ प्रति गाई ।।
दो ०-विरति ग्यान विग्यान दृढ राम चरन अति नेह ।

वायस तन रघुपित भगित मोहि परम संदेह ॥ ५३ ॥
नर सहस्र महँ सुनहु पुरारी । कोउ एक होइ धर्म ब्रतधारी ॥
धर्म सील कोटिक महँ कोई । विषय विग्रुख विराग रत होई ॥
कोटि विरक्त मध्य श्रुति कहई । सम्यक ग्यान सकृत कोउ लहई॥
ग्यानवंत कीटिक महँ कोऊ । जीवनमुक्त सकृत जग सोऊ ॥
तिन्ह सहस्र महुँ सब सुख खानी । दुर्लभ ब्रह्म लीन विग्यानी ॥
धर्मसील विरक्त अरु ग्यानी । जीवनमुक्त ब्रह्मपर प्रानी ॥
सब ते सो दुर्लभ सुरराया । राम भगित रत गत मद माया ॥
सोहिर भगित काग किमिपाई। विस्वनाथ मोहि कहहु चुझाई ॥

दो ०--राम परायन ग्यान रत गुनागार मित घीर । नाथ कह्नहु केहि कारन पायउ काक सरीर ॥ ५४॥ यह प्रभु चरित पिनत्र सुहाना । कहहु कृपाल काग कहँ पाना।।
तुम्ह केहि भाँति सुना मदनारी। कहहु मोहि अति कौतुक भारी।।
गरुड़ महाग्यानी गुन रासी। हिर सेनक अति निकट निनासी
तेहिं केहि हेतु काग सन जाई। सुनी कथा मुनि निकर बिहाई।।
कहहु कनन बिधि भा संबादा। दोउ हिरभगत काग उरगादा।।
गौरि गिरा सुनि सरल सुहाई। बोले सिन सादर सुख पाई।।
धन्य सती पानन मित तोरी। रघुपित चरन प्रीति निह थोरी।।
सुनहु परम पुनीत हितहासा। जो सुनि सकल लोक श्रम नासा।।
उपजइ राम चरन विस्नासा। भन निधि तर नर बिनहिं प्रयासा

दो ०—ऐसिअ प्रस्न बिहंगपित कीन्हि काग सन जाइ। सो सब सादर किहहउँ सुनहु उमा मन लाइ॥ ५५॥

मैं जिमि कथा सुनी भव मोचिन। सो प्रसंग सुनु सुमुखि सुलोचिन प्रथम दच्छ गृह तव अवतारा। सती नाम तब रहा तुम्हारा॥ दच्छ जग्य तव भा अपमाना। तुम्ह अति क्रोध तजे तब प्राना॥ मम अनुचरन्ह कीन्ह मख भंगा। जानहु तुम्ह सो सकल प्रसंगा॥ तब अति सोच भयउ मन मोरें। दुखी भयउँ बियोग प्रिय तोरें।। सुंदर बन गिरि सरित तड़ागा। कौतुक देखत फिरउँ बेरागा।। गिरि सुमेर उत्तर दिसि द्री। नील सैल एक सुंदर भूरी।। तासु कनकमय सिखर सुहाए। चारि चारु मोरे मन भाए॥ तिन्ह पर एक एक बिटप बिसाला। बढ़े पीपर पाकरी रसाला।। सैलोपरि सर सुंदर सोहा। मिन सोपान देखि मन मोहा॥

दो ०—सीतल अमल मधुर जल जलज बिपुल बहुरंग। कूजन कल रव हंस गन गुंजत मंजुल भृंग॥ ५६॥

तेहिं गिरि रुचिर बसइ खग सोई। तासु नास कल्पांत न होई।।
माया कृत गुन दोष अनेका। मोह मनोज आदि अविवेका।।
रहे ब्यापि समस्त जग माहीं। तेहि गिरि निकट कबहुँ नहिं जाहीं
तहँ बसि हरिहि भजइ जिमि कागा। सो सुनु उमा सहित अनुरागा।।
पीपर तरु तर ध्यान सो धरई। जाप जग्य पाकरि तर करई।।
आँव छाँह कर मानस पूजा। तिज हरि भजनु काजु नहिं दूजा
बर तर कह हरि कथा प्रसंगा। आवहिं सुनहिं अनेक विहंगा।।
राम चरित विचित्र विधि नाना। प्रेम सहित कर सादर गाना।।
सुनहिं सकल मति विमल मराला। बसहिं निरंतर जे तेहिं ताला।।
जब मैं जाइ सो कौतुक देखा। उर उपजा आनंद विसेषा।।

दो•—तब कछु काल मराल तनु धिर तहँ कीन्ह निवास। सादर सुनि रघुपति गुन पुनि आयउँ कैलास॥५७॥

गिरिजा कहेउँ सो सब इतिहासा। मैं जेहि समय गयउँ खग पासा। अब सो कैया सुनहु जेहि हेतू। गयउ काग पहिं खग कुल केतू। जब रघुनाथ कीन्हि रन कीड़ा। समुझत चरित होति मोहि बीड़ा इंद्रजीत कर आपु बँधायो। तब नारद मुनि गरुड़ पठायो।। बंधन काटि गयो उरगादा। उपजा हृद्यँ प्रचंड विषादा।। प्रभु बंधन समुझत बहु भाँती। करत बिचार उरग आराती।। ब्यापक ब्रह्म बिरज बागीसा। माया मोह पार परमीसा।। सो अवतार सुनेउँ जग माहीं। देखेउँ सो प्रभाव कछु नाहीं।।

दो०—भव बंधन ते छूटहिं नर जपि जा कर नाम। स्वर्व निसाचर बाँधेउँ नागपास सोइ राम॥ ५८॥

नाना भौति मनिह समुझावा । प्रगट न ग्यान हृद्यँ श्रम छावा ।।
खेद खिन्न मन तर्क बढ़ाई । भयउ मोहबस तुम्हरिहिं नाई ।।
ब्याकुल गयउ देवरिषि पाहीं। कहेसि जो संसय निज मन माहीं।।
सुनि नारदिह लागि अति दाया। सुनु खग प्रबल राम के माया।।
जो ग्यानिन्ह कर चित अपहरई । बरिआई बिमोह मन करई ।।
जेहिं बहु बार नचावा मोही । सोइ ब्यापी बिहंगपित तोही ।।
महामोह उपजा उर तोरें। मिटिहि न बेगि कहें खग मोरें।।
चतुरानन पहिं जाहु खगेसा। सोइ करेहु जेहि होइ निदेसा।।

दो०—अस कहि चले देवरिषि करत राम गुन गान। हरि माया बल बरनत पुनि पुनि परम सुजान॥ ५९॥

तब खगपति बिरंचि पहिं गयऊ । निज संदे ह सुनावत भयऊ ।।
सुनि विरंचि रामहि सिरु नावा । सम्रुझि प्रताप प्रेम अति छावा ।।
मन महुँ करह बिचार बिधाता । माया बस किब को बिद ग्याता ।।
हिर माया कर अमिति प्रभावा । बिपुल बार जेहिं मोहि नचावा ।।
अग जगमय जग मम उपराजा । निहं आचरज मोह खगराजा ।।
तब बोले बिधि गिरा सुहाई । जान महेस राम प्रभुताई ।।
बैनतेय संकर पहिं जाहू । तात अनत पूछहु जनि काहू ।।
तहँ हो इहि तव संसय हानी । चलेउ बिहंग सुनत बिधि बानी ।।

दो ० – परमातुर विहंगपति आयउ तब मो पास । जात रहेउँ कुबेर गृह रहिहु: उमा कैलास ॥ ६०॥ तेहिं मम पद सादर सिरु नावा। पुनि आपन संदेह सुनावा।। सुनिता करि बिनती मृदु बानी। प्रेम सहित में कहेउँ भवानी।। मिलेउ गरुड़ मारग महँ मोही। कवन भाँति समुझावौं तोही।। तबहिं होइ सब संसय भंगा। जब बहु काल करिअ सतसंगा।। सुनिअ तहाँ हिर कथा सुहाई। नाना भाँति मुनिन्ह जो गाई।। जेहि महुँ आदि मध्य अवसाना। प्रभु प्रतिपाद्य राम भगवाना।। नित हिर कथा होत जहँ भाई। पठवउँ तहाँ सुनहु तुम्ह जाई।। जाइहि सुनत सकल संदेहा। राम चरन होइहि अति नेहा।।

दो ०-त्रिनु सतसंग न हरि कथा तेहि बिनु मोह न भाग । मोह गएँ बिनु राम पद होइ न दृद अनुराग ॥ ६१ ॥

मिलहिं न रघुपति बिनु अनुरागा। किएँ जोग तप ग्यान बिरागा।। उत्तर दिसि सुंदर गिरि नीला। तहँ रह काक भुसुंडि सुसीला।। राम भगति पथ परम प्रबीना। ग्यानी गुन गृह बहु कालीना।। राम कथा सो कहइ निरंतर। सादर सुनहिं बिबिध बिहंगबर।। जाइ सुनहु तहँ हरि गुन भूरी। होइहि मोह जनित दुख दूरी।। मैं जब तेहि सब कहा बुझाई। चलेउ हरिष ममपद सिरु नाई।। ताते उमा न मैं समुझावा। रघुपति कृपाँ मरमु मैं पावा।। होइहि कीन्ह कबहुँ अभिमाना। सो खोवै चह कृपानिधाना।। कलु तेहि ते पुनि मैं नहिं राखा। समुझइ खग खगही के भाषा।। अभु माया बलवंत भवानी। जाहिन मोह कवन अस ग्यानी।।

दो ०—ग्यानी भगत सिरोमिन त्रिभुवनपति कर जान । ताहि मोह माया नर पावँर करहिं गुमान ॥६२(क)॥ मासपारायण, अट्टाईसवाँ विश्राम

सिव बिरंचि कहुँ मोहइ को हैं बपुरा आन। अस जियँ जानि भजहिं मुनि मायापति भगवान॥६२(स)॥

गयउ गरु जहँ बसइ भ्रुसंडा। मित अकुंठ हिर भगित अखंडा।। देखि सेल प्रसन्न मन भयऊ। माया मोह सोच सब गयऊ।। किर तदाग मजन जलपाना। बट तर गयउ हृद्यँ हरषाना।। बद्ध बद्ध बिहंग तहँ आए। सुनै राम के चिरत सुहाए॥ कथा अरंभ करें सोइ चाहा। तेही समय गयउ खगनाहा॥ आवत देखि सकल खजराजा। हरषेउ बायस सहित समाजा।। अति आदर खगपति कर कीन्हा। खागत पूछि सुआसन दीन्हा॥ करि पूजा समेत अनुरागा। मधुर बचन तब बोलेउ कागा॥

दो ०--नाथ कृतारथ भयउँ मैं तव दरसन खगराज।

आयसु देहु सो करौं अब प्रभु आयहु केहि काज ॥६३(क)॥ सदा क्रतारथ रूप तुम्ह कह मृदु बचन खगेस।

जेहि के अस्तुति सादर निज मुख कीन्हि महेस ॥६३(ख)॥
सुनहु तात जेहि कारन आयउँ । सो सब भयउ दरस तब पायउँ॥
देखि परम पावन तब आश्रम । गयउ मोह संसय नाना श्रम ॥
अब श्रीराम कथा अति पावनि । सदा सुखद दुख पुंच नसावनि॥
सादर तात सुनावहु मोही । बार बार बिनवउँ प्रश्च तोंही ॥
सुनत गरुद के गिरा बिनीता । सरल सुप्रेम सुखद सुपुनीता ॥

भयउ तासु मन परम उछाहा । लाग कहै रघुपति गुन गाहा ।। प्रथमहिं अति अनुराग भवानी । रामचरित सर कहेसि बखानी ॥ पुनि नारद कर मोह अपारा । कहेसि बहुरि रावन अवतारा ॥ प्रभु अवतार कथा पुनि गाई । तब सिसुचरित कहेसि मन लाई॥ दो०-बालचरित कहि बिबिधि बिधि मन महँ परम उछाह ।

रिषि आगवन कहेसि पुनि श्री रघुबीर विवाह ॥ ६४ ॥ बहुरि राम अभिषेक प्रसंगा । पुनि नृप बचन राज रस मंगा ॥ पुरबासिन्ह कर बिरह विषादा । कहेसि राम लिख्यन संबादा ॥ विपिन गवन केवट अनुरागा । सुरसिर उतिर निवास प्रयागा ॥ बालमीक प्रश्च मिलन बखाना । चित्रकूट जिमिबसे भगवाना ॥ सिचवागवन नगर नृप मरना । भरतागवन प्रेम बहु बरना ॥ किर नृप किया संग पुरवासी । भरत गए जहँ प्रश्च सुखरासी ॥ पुनि रघुपति बहुविधि समुझाए। लै पादुका अवधपुर आए ॥ भरत रहिन सुरपित सुत करनी । प्रश्च अरु अत्र भेंट पुनि बरनी ॥

दो ०—कहि बिराध बध जेहि बिधि देह तजी सरभंग। **इ**रनि सुतीछन प्रीति पुनि प्रभु अगस्ति सतसंग॥ ६५॥

किहि दंडक बन पावनताई। गीध महत्री पुनि तेहिं गाई।। पुनि प्रभु पंचवटीं कृत बासा। मंजी सकल मुनिन्ह की त्रासा।। पुनि लिल्लिमन उपदेस अनुपा। स्वपनखाजिमिकीन्दि कुरूपा।। खर, दृषन बध बहुरि बखाना। जिमि सब मरमु दसानन जाना।। दसकंधर मारीच बतकही। जेहि बिधि भई सो सब तेहिं कही।। पुनि माया सीता कर हरना। श्रीरघुबीर बिरह कल्ल बरना।। पुनि प्रश्च गीथ क्रिया जिमि कीन्ही। बिध कवंध सबरिहि गित दीन्ही बहुरि बिरह बरनत रघुबीरा। जेहि बिधि गए सरोबर तीरा।। दो०—प्रभु नारद संबाद किह मारुति मिलन प्रसंग्। पुनि सुमीव मिताई बालि प्रान कर भंग॥६६(क)॥ किपिहि तिलक किर प्रभु कृत सैल प्रबरषन बास। बरनन बर्षा सरद अरु राम रोष किप श्रास ॥६६(ख)॥

जेहि विधि किपपित कीस पठाए। सीता खोज सकल दिसि धाए।।
विवर प्रवेस कीन्ह जेहि भाँती। किपन्ह वहोरि मिला संपाती।।
सुनि सब कथा समीरकुमारा। नाघत भयउ पयोधि अपारा॥
लंकाँ किप प्रवेस जिमि कीन्हा। पुनि सीतहि धीरजु जिमि दीन्हा
बन उजारि रावनहि प्रवोधी। पुर दिह नाघेउ बहुरि पयोधी॥
आए किप सब जहँ रघुराई। बैंदेही की कुसल सुनाई॥
सेन समेति जथा रघुबीरा। उतरे जाइ बारिनिधि तीरा॥
मिला विभीषन जेहि विधि आई। सागर निग्रह कथा सुनाई॥
दो०-सेतु बाँधि किप सेन जिमि उतरी सागर पार।
गयउ बसीठी बीरबर जेहि बिधि बालिकुमार॥६७(क)॥
निसिचर कीस लराई बरिनिसि विविधि प्रकार।
कुंभकरन घननाद कर बल पौरुष संघार॥६७(ख)॥

निसिचर निकर मरन विधि नाना। रघुपति रावन समर वखाना।। रावन वध मंदोदिर सोका। राज विभीवन देव असोका।। सीता रघुपति मिलन बहोरी। सुरन्ह कीन्हि अस्तुति कर जोरी पुनि पुष्पक चढ़ि कपिन्ह समेता। अवध चले प्रश्च कृपा निकेता।। जेहि विधिराम नगर निज आए। बायस विसद चरित सब गाए।। कहेसि बहोरि राम अभिषेका। पुर बरनत नृपनीति अनेका।। कथा समस्त भ्रुसुंड बखानी। जो मैं तुम्ह सन कही भवानी।। सुनि सब राम कथा खगनाहा। कहत बचन मन परम उछाहा।। सो०—गयड मोर संदेह सुने उसत्त राष्ट्रपति चरित।

भयउ राम पद नेह तव प्रसाद बायस तिलक ॥६८(क)॥ मोहि भयउ अति मोह प्रभु बंघन रन महुँ निरित ।

चिदानंद संदोह राम बिकल कारन कवन ॥६८(स)॥
देखि चरित अति नर अनुसारी । भयउ हृद्यँ मम संसय भारी ॥
सोइ अम अब हित करि मैं माना । कीन्ह अनुग्रह कुपानिधाना ॥
जो अति आतप ब्याकुल होई । तरु छाया सुख जानइ सोई ॥
जौं निहं होत मोह अति मोही । मिलतेउँ तात कवन विधि तोही सुनतेउँ किमि हरि कथा सुहाई। अति बिचित्र बहु विधि तुम्ह गाई॥
निगमागम पुरान मत एहा । कहिंह सिद्ध मुनि निहं संदेहा॥
संत बिसुद्ध मिलहिं परि तेही । चितवहिं राम कृपा करि जेही ॥
राम कृपाँ तव दरसन भयऊ । तव प्रसाद सब संसय गयऊ ॥

दो ०-सुनि बिहंगपति बानी सहित बिनय अनुराग।

पुलक गात लोचन सजल मन हरषेउ अति काग ॥६९(क)॥ श्रोता सुमति सुसील सुचि कथा रसिक हरिदास।

पाइ उमा अति गोप्यमि सज्जन करिं प्रकास ॥६९(स)॥ बोलेउ कागभसुंड बहोरी। नभग नाथ पर प्रीति न थोरी॥ सुब बिधि नाथ पूज्य तुम्ह मेरे। कुपापात्र रघुनायक केरे॥ तुम्हिह न संसय मोह न माया । मो पर नाथ कीन्हि तुम्ह दाया ।।
पठइ मोह मिस खगपित तोही । रघुपित दीन्हि बड़ाई मोही ।।
तुम्हि निज मोह कही लग साई । सो निह कछु आचरज गोसाई ।।
नारद भव बिरंचि सनकादी । जे म्रुनिनायक आतमबादी ।।
मोह न अंध कीन्ह केहि केही । को जग काम नचाव न जेही ।।
तुर्खों केहि न कीन्ह बौराहा । केहि कर हृदय क्रोध निहंदाहा।।

दो ०-ग्यानी तापस सूर किब कोबिद गुन आगार।
केहि कै लोभ विडंबना कीन्हि न एहिं संसार॥ ७०(क)॥
श्री मद बक्र न कीन्ह केहि प्रभुता बिधर न काहि।
मृगलोचिन के नैन सर को अस लाग न बाहि॥ ७०(ख)॥

गुन कृत सन्यपात निह केही । कोउ न मान मद तजेउ निवेही।। जोवन ज्वर केहि निह बलकावा। ममता केहि कर जस न नसावा।। मच्छर काहि कलंक न लावा। काहि न सोक समीर डोलावा।। चिंता साँपिनि को निहंखाया। को जग जाहि न न्यापी माया।। कीट मनोरथ दारु सरीरा। जेहि न लाग घुन को अस धीरा।। स्रुत बित लोक ईषना तीनी। केहि के मित इन्ह कृत न मलीनी।। यह सब माया कर परिवारा। प्रबल अमिति को बरने पारा।। सिव चतुरानन जाहि डेराहीं। अपर जीव केहि लेखे माहीं।।

दो ०-ब्यापि रहेउ संसार महुँ माया कटक प्रचंड । सेनापित कामादि भट दंभ कपट पाषंड ॥ ७३(क)॥ सो दासी रघुबीर के समुझें मिश्या सोपि। छूट न राम क्रपा बिनु नाथ कहउँ पद रोपि॥ ७१(स)॥ जो माया सब जगिह नचावा । जासु चरित लिख काहुँ न पावा।।
सोइ प्रश्च श्रू बिलास खगराजा । नाच नटी इव सहित समाजा ।।
सोइ सच्चिदानंद घन रामा । अज बिग्यान रूप बल धामा ।।
ब्यापक ब्याप्य अखंड अनंता । अखिल अमोघसक्ति भगवंता।।
अगुन अदश्र गिरा गोतीता । सबदरसी अनवद्य अजीता ।।
निर्मम निराकार निरमोहा । नित्य निरंजन सुख संदोहा ।।
प्रकृति पार प्रश्च सब उर बासी । ब्रह्म निरीह बिरज अबिनासी ।।
इहाँ मोह कर कारन नाहीं । रबि सन्मुख तम कबहुँ कि जाहीं।।

दो०—भगत हेतु भगवान प्रभु राम घरेउ तनु भूप।
किए चरित पावन परम प्राक्तत नर अनुरूप॥ ७२(क)॥
जथा अनेक बेष घरि नृत्य करइ नट कोइ।
सोइ सोइ भाव देखावइ आपुन होइ न सोइ॥ ७२(ख)॥

असि रघुपति लीला उरगारी । दनुज विमोहनि जन सुखकारी॥ जे मित मिलन विषयवस कामी। प्रभ्र पर मोह धरिह इिम खामी ॥ नयन दोष जा कहँ जब होई । पीत बरन सिस कहुँ कह सोई ॥ जब जेहि दिसि अम होइ खगेसा। सो कह पिन्छम उयउ दिनेसा॥ नौकारूढ़ चलत जग देखा। अचल मोह बस आपुहि लेखा॥ बालक अमिह न अमिह गृहादी । कहिं परस्पर मिथ्याबादी ॥ हिर विषइक अस मोह विहंगा। सपनेहुँ निहं अग्यान प्रसंगा॥ मायावस मितमंद अभागी। हृद यँ जमिनका बहुविधि लागी॥ ते सठ हुठ बस संसय करहीं। निज अग्यान राम पर धरहीं॥

दो ०—काम क्रोध मद लोभ रत ग्रहासक्त दुखरूप। ते किमि जानहिं रघुपतिहि मूद परे तम कूप॥ ७३(क)॥ निर्गुन रूप सुलभ अति सगुन जान नहिं कोइ। सुगम अगम नाना चरित सुनि मुनि मन भ्रम होइ॥ ७३(ख)॥

सुनु खगेस रघुपित प्रभुताई । कहउँ जथामित कथा सुहाई ॥ जेहि विधिमोह भयउ प्रभु मोही । सोउ सब कथा सुनावउँ तोही॥ राम कृपा भाजन तुम्ह ताता । हिर गुन प्रीति मोहि सुखदाता॥ ताते निहं कळु तुम्हि हुरावउँ । परम रहस्य मनोहर गावउँ ॥ सुनहु राम कर सहज सुभाऊ । जन अभिमान न राखिह काऊ॥ संस्तुत मूल स्लप्रद नाना । सकल सोक दायक अभिमाना॥ ताते करिं कुपानिधि दूरी । सेवक पर ममता अति भूरी ॥ जिमि सिसु तन बन होइ गोसाई । मातु चिराव कठिन की नाई ॥

दोo—जदिप प्रथम दुल पावइ रोवइ बाल अधीर । ब्याधि नास हित जननी गनित न सो सिसु पीर ॥ ७४(क)॥ तिमि रघुपित निज दास कर हरिह मान हित लागि । तुलसिदास ऐसे प्रभुहि कस न भजहु भ्रम त्यागि ॥ ७४(ख)॥

राम कृपा आपनि जड़ताई। कहउँ खगेस सुनहु मन लाई।। जब जब राम मनुज तनु धरहीं। भक्त हेतु लीला बहु करहीं।। तब तब अवधपुरी मैं जाऊँ। बालचरित बिलोकि हरपाऊँ।। जन्म महोत्सव देखउँ जाई। बरष पाँच तहँ रहउँ लोभाई।। इष्टदेव मम बालक रामा। सोभा बपुष कोटि सत कामा।। निजन्नश्च बदन निहारि निहारी। लोचन सुफल करउँ उरगारी।। लघु वायस बपु धरि हरि संगा । देखउँ वालचरित बहुरंगा ॥

दो०—लिरिकाई जहँ जहँ फिरिहें तहँ तहँ संग उड़ाउँ। जूठिन परइ अजिर महँ सो उठाइ किर खाउँ॥ ७५(क)॥ एक बार अतिसय सब चिरित किए रघुबीर। सुमिरत प्रभु लीला सोइ पुलिकत भयउ सरीर ॥७५(ख)॥

कहइ भसुंड सुनहु खगनायक । रामचरित सेवक सुखदायक।।
नृप मंदिर सुंदर सब भाँती । खचित कनक मिन नाना जाती।।
बरिन न जाइ रुचिर अँगनाई । जहँ खेलिहिं नित चारिउ भाई ।।
बालिबनोद करत रघुराई । बिचरत अजिर जनिन सुखदाई।।
मरकत मृदुल कलेवर स्थामा । अंग अंग प्रति छिब बहु कामा।।
नव राजीव अरुन मृदु चरना । पदज रुचिर नख सिस दुति हरना
लिलत अंक कुलिसादिक चारी । न्पूर चारु मधुर रवकारी ।।
चारु पुरट मिन रचित बनाई । किट किंकिनि कल मुखर सुद्दाई।।

दो०—रेखा त्रय सुंदर उदर नाभी रुचिर गँभीर। उर आयत भ्राजत बिबिध बाल बिमूषन चीर॥ ७६॥

अरुन पानि नस करज मनोहर । बाहु बिसाल बिभूषन सुंदर ।। कंथ बाल केहरि दर ग्रीवा । चारु चिबुक आनन छिब सींवा।। कलबल बचन अथर अरुनारे । दुइ दुइ दसन बिसद बर बारे ।। लिलित कपोल मनोहर नासा । सकल सुखद सिस कर सम हासा।। नील कंज लोचन भव मोचन । भ्राजत भाल विलक मोरोचन।। बिकट भृकुटि सम अवन सुद्दाए । कुंचित कच मेचक छिब छाए।। पिता सीनि सगुरी तन सोही । किलकनि चितवनि भावति मोही रूप रासि नृप अजिर विहारी। नाचिह निज प्रतिविंव निहारी।। मोहिसन करिंह विविधि विधि कीड़ा। वरनत मोहि होति अति बीड़ा किलकत मोहि धरन जब धाविह । चलउँ भागि तब पूप देखाविह।। दो ०—आवत निकट हँसिंह प्रभु भाजत रुदन कराहि।

जाउँ समीप गहन पद फिरि फिरि चितइ पराहिँ ॥७७(क)॥ प्राकृत सिसु इव लीला देखि भयउ मोहि मोह ।

कवन चिरित्र करत प्रमु चिदानंद संदोह ॥७७(ल)॥
एतना मन आनत खगराया । रघुपति प्रेरित ब्यापी माया ॥
सो माया न दुखद मोहि काहीं । आन जीव इव संस्रुत नाहीं ॥
नाथ इहाँ कळु कारन आना । सुनहु सो सावधान हरिजाना॥
ग्यान अखंड एक सीतावर । माया वस्य जीव सचराचर ॥
जौ सब कें रह ग्यान एकरस । ईस्वर जीवहि मेद कहहु कस ॥
माया वस्य जीव अभिमानी । ईस वस्य माया गुन खानी ॥
परवस जीव स्ववस भगवंता । जीव अनेक एक श्रीकंता ॥
मुधा मेद जद्यपि कृत माया । विनु हरि जाइ न कोटि उपाया॥
दो०-रामचंद्र के भजन विनु जो चह पद निर्वान ।

ग्यानवंत अपि सो नर पसु बिनु पृँछ बिषान ॥७९(क)॥ राकापति षोड्स उअहिं तारागन समुदाइ। सकल गिरिन्हि दव लाइअ बिनु रिव राति न जाइ॥७८(ख)॥

ऐसेहिं हरि बिनु भजन खगेसा। मिटई न जीवन्ह केर कछेसा।। हरि सेबकहि न ब्याप अविद्या। प्रश्च श्वेरित ब्यापइ तेहि बिद्या।। ताते नास न होह दास कर। मेद भगति बाद्द बिहंगबर।। भ्रम ते चिकत राम मोहि देखा। बिहँसे सो सुनु चरित बिसेषा। तेहि कीतुक कर मरसु न काहूँ। जाना अनुज न मातु पिताहूँ॥ जानु पानि धाए मोहि धरना। स्थामल गात अरुन कर चरना।। तब मैं भागि चलेज उरगारी। राम गहन कहँ सुजा पसारी।। जिमि जिमि दूरि उड़ाउँ अकासा। तहँ सुज हिर देखउँ निज पासा।। दो ० – बहालोक लिंग गयउँ मैं चितयउँ पाछ उड़ात।

जुग अंगुल कर बीच सब राम भुजिह मोहि तात ॥७९(क)॥ सप्ताबरन भेद करि जहाँ लगें गित मोरि । गयउँ तहाँ प्रभु भुज निरिस ब्याकुल भयउँ बहोरि॥७९(स)॥

मृदेउँ नयन त्रसित जब भयऊँ। पुनि चितवत कोसलपुर गयऊँ।।
मोहि बिलोकि राम मुसुकाहीं । बिहँसत तुरत गयउँ मुख माहीं।।
उदर माझ सुनु अंडज राया । देखेउँ बहु ब्रह्मांड निकाया ।।
अति बिचित्र तहँ लोक अनेका । रचना अधिक एक ते एका ।।
कोटिन्ह चतुरानन गौरीसा । अगनित उडगन रबि रजनीसा।।
अगनित लोकपाल जम काला । अगनित भूधर भूमि बिसाला।।
सागर सरि सर बिपिन अपारा। नाना भाँति सृष्टि बिस्तारा ।।
सुर मुनि सिद्ध नाग नर किनर । चारि प्रकार जीव सचराचर ।।
दो ०-जो नहिं देखा नहिं सुना जो मनहूँ न समाइ ।

सो सब अद्भुत देखेउँ बरिन कविन बिधि जाइ ॥८०(क)॥ एक एक बह्यांड महुँ रहउँ बरिष सत एक। एहि बिधि देखत फिरउँ मैं अंड कटाह अनेक ॥८०(ख)॥ छोकु होक प्रतिभिन्न विधाता।भिन्न विष्नु सिव मनु दिसित्राता नर गंधर्व भूत बेताला । किंनर निसिचर पसु खग ब्याला।। देव दनुज गन नाना जाती । सकल जीव तहूँ आनहि भाँती।। महि सिर सागरसर गिरि नाना । सब प्रपंच तहूँ आनइ आना ।। अंडकोस प्रति प्रति निज रूपा । देखेउँ जिनस अनेक अनुपा ।। अवधपुरी प्रति भ्रवन निनारी । सरजू भिन्न भिन्न नर नारी ।। दसरथ कौसल्या सुनु ताता । बिविध रूप भरतादिक आता ।। प्रति ब्रह्मांड राम अवतारा । देखउँ बालबिनोद अपारा ।।

दो ०—भिन्न भिन्न मैं दीख सबु अति बिचित्र ह्रारेजान । अगनित भुवन फिरेउँ प्रभु राम न देखेउँ आन ॥८१(क)॥ सोइ सिसुपन सोइ सोभा सोइ क्रपाल रघुबीर । भुवन भुवन देखत फिरउँ प्रेरित मोह समीर ॥८१(ख)॥

अमत मोहि ब्रह्मांड अनेका। बीते मनहुँ कल्प सत एका।।
फिरत फिरत निज आश्रम आयउँ। तहुँ पुनि रहि कछ काल गवाँयउँ।
निज प्रश्च जनम अवध सुनि पायउँ। निभेर प्रेम हरिष उठि धायउँ॥
देखउँ जनम महोत्सव जाई। जेहि बिधि प्रथम कहा मैं गाई॥
राम उदर देखेउँ जग नाना। देखत बनइ न जाइ बखाना॥
तहुँ पुनि देखेउँ राम सुजाना। माया पति कृपाल भगवाना॥
करउँ बिचार बहोरि बहोरी। मोह कलिल ब्यापित मित मोरी
उभय घरी महुँ मैं सब देखा। भयउँ अमित मन मोह बिसेषा॥

दो०—देखि ऋपाल बिकल मोहि बिहूँसे तब रघुबीर। बिहुँसतहीं मुख बाहेर आय**उँ** सुनु मतिधीर ॥८२(क)॥ सोइ लिरिकाई मो सन करन लगे पुनि राम।
कोटि भाँति समुझावउँ मनु न लहइ विश्वाम ॥८२(ख)॥
देखि चिरत यह सो प्रश्चताई। सग्जझत देह दसा विसराई।।
धरनि परेउँ गुख आव न बाता। त्राहि त्राहि आरत जन त्राता।।
प्रेमाञ्चल प्रश्च मोहि विलोकी। निज माया प्रश्चता तव रोकी।।
कर सरोज प्रश्च मम सिर धरेऊ। दीनद्याल सकल दुख हरेऊ।।
कीन्ह राम मोहि विगत विमोहा। सेवक सुखद कुपा संदोहा।।
प्रश्चता प्रथम विचारि विचारी। मन महँ होइ हरष अति भारी।।
भगत बळलता प्रश्च के देखी। उपजी मम उर प्रीति विसेषी।।
सजल नयन पुलकित कर जोरी। कीन्हिउँ बहु विधि विनय बहोरी।।
दो०—सनि सप्रेम मम बानी देखि दीन निज दास।

वचन सुखद गंभीर मृदु बोले रमानिवास ॥८३(क)॥
काकभसुंडि मागु वर अति श्रसन्न मोहि जानि ।
अनिमादिक सिधि अपर रिधि मोच्छ सकल सुख खानि॥८३(ख)॥
ग्यान विवेक विरति विग्याना । मुनि दुर्लभ गुन जे जग नाना ॥
आजु देउँ सब संसय नाहीं । मागु जो तोहि भाव मन माहीं ॥
सुनि प्रभु वचन अधिक अनुरागेउँ। मन अनुमान करन तब लागेउँ
प्रभु कह देन सकल सुख सही । भगति आपनी देन न कही ॥
भगति हीन गुन सब सुख ऐसे । लवन विना बहु विजन जैसे ॥
भजन हीन सुख कवने काजा । अस विचारि बोलेउँ खगराजा।।
जी प्रभु होइ श्रसन्न वर देहू । मो पर करहु कुपा अरु नेहू ॥
मन भावत वर मागउँ खामी । तुम्ह उदार उर अंतरजामी ॥

दो ०—अबिरल भगति बिसुद्ध तव श्रुति पुरान जो गाव । जेहि खोजत जोगीस मुनि प्रभु प्रसाद कोउ पाव ॥८४(क)॥ भगत कल्पतरु प्रनत हित कृपा सिंघु सुख धाम। सोइ निज भगति मोहि प्रभु देहु दया करि राम ॥८४(ख)॥

एवमस्तु किह रघुकुलनायक। बोले बचन परम सुखदायक।।
सुजु बायस तें सहज सयाना। काहे न मागिस अस बरदाना।।
सब सुख खानि भगित तें मागी। निह जग कोउ तोहि समबदमागी॥
जो मुनि कोटि जतन निह लहहीं। जे जप जोग अनल तन दहहीं।।
रीक्षेउँ देखि तोरि चतुराई। मागेहु भगित मोहि अति भाई।।
सुजु बिहंग प्रसाद अब मोरें। सब सुभ गुन बसिहिह उर तोरें।।
भगित ग्यान बिग्यान बिरागा। जोग चिरत्र रहस्य बिभागा।।
जानव तें सबही कर भेदा। मम प्रसाद निह साधन खेदा।।

दो ०-माया संभव भ्रम सब अब न च्यापिहिह तोहि । जानेसु ब्रह्म अनादि अज अगुन गुनाकर मोहि ॥८५(क)॥

मोहि भगत प्रिय संतत अस बिचारि सुनु काग । कायँ बचन मन मम पद करेसु अचल अनुराग ॥८५(ख)॥

अब सुनु परम बिमल मम बानी। सत्य सुगम निगमादि बखानी।। निज सिद्धांत सुनावउँ तोही। सुनु मन घरु सब तिज भन्न मोही।। मम माया संभव संसारा। जीव चराचर बिबिध प्रकारा।। सब मम प्रिय सब मम उपजाए। सब ते अधिक मनुज मोहि भाए।। तिन्ह महँ द्विज द्विज महँ श्रुतिधारी। तिन्ह महुँ निगम धरम अनुसारी।। तिन्ह महँ प्रिय बिरक्त पुनि ग्यानी। ग्यानिहु ते अति प्रिय बिग्यानी।। तिन्ह ते पुनि मोहि प्रिय निजदासा। जेहि गति मोरि न द्सरि आसा।।
पुनि पुनि सत्य कहउँ तोहि पाहीं। मोहि सेवक सम प्रिय कोउ नाहीं।।
भगति हीन विरंचि किन होई। सब जीवहु सम प्रिय मोहि सोई।।
भगतिवंत अति नीचउ प्रानी। मोहि प्रानिप्र असि मम बानी।।

दो ०—सुन्नि सुसील सेवक सुमित प्रिय कहु काहि न लाग । श्रुति पुरान कह नीति असि सावधान सुनु काग ॥ ८६ ॥

एक पिता के बिपुल कुमारा। होहिं पृथक गुन सील अचारा।। कोउ पंडित कोउ तापस ग्याता। कोउ धनवंत खर कोउ दाता।। कोउ सर्वग्य धर्मरत कोई। सब पर पितिह प्रीति सम होई।। कोउ सर्वग्य धर्मरत कोई। सब पर पितिह प्रीति सम होई।। कोउ मिगत बचन मन कर्मा। सपनेहुँ जान न द्सर धर्मा।। सो सुत प्रिय पितु प्रान समाना। जद्यपि सो सब भौति अयाना।। एहि विधि जीव चराचर जेते। त्रिजग देव नर असुर समेते।। अखिल बिख्य यह मोर उपाया। सब पर मोहि बराबरि दाया।। तिन्ह महँ जो परिहरि मद माया। भजे मोहि मन बच अरु काया।।

दो०—पुरुष नपुंसक नारि वा जीव चराचर कोइ। सक्रैभाव भज कपट तिज मोहि परम प्रिय सोइ ॥८७(क)॥ सो०—सत्य कहउँ खग तोहि सुचि सेवक मम प्रानिप्रय। अस बिचारि भजु मोहि परिहरि आस भरोस सब ॥८७(ख)॥

कबहुँ काल न ब्यापिहि तोही। सुमिरेसु भजेसु निरंतर मोही।। प्रश्च बन्ननामृत सुनि न अघाऊँ। तनु पुलकित मन अति हरषाऊँ।। सो सुख जानइ मन अरु काना। नहिं रसना पहिं जाइ बखाना।। प्रश्चुसोभा सुख जानहिं नयना। किह किमि सकहिं तिन्हहि नहिं बयना बहु बिधि मोहि प्रबोधि सुख देई। लगे करन सिसु कौतुक तेई।। सजल नयन कछ मुख करि रूखा। चितइ मातु लागी अति भूखा।। देखि मातु आतुर उठि धाई। कहि मृदु बचन लिएउर लाई।। गोद राखि कराव पय पाना। रघुपति चरित ललित कर गाना।।

सो ०—जेहि सुख लागि पुरारि असुभ बेष कृत सिव सुखद । अवधपुरी नर नारि तेहि सुख महुँ संतत मगन ॥८८(क)॥ सोई सुख लवलेस जिन्ह बारक सपनेहुँ लहेर्ज । ते नहिं गनिहैं खंगेस ब्रह्मसुखिह सज्जन सुमित ॥८८(ख)॥

मैं पुनि अवध रहेउँ कछ काला। देखेउँ बालविनोद रसाला।।
राम प्रसाद भगति बर पायउँ। प्रभु पद बंदि निजाश्रम आयउँ।।
तब ते मोहि न ब्यापी माया। जब ते रघुनायक अपनाया।।
यह सब गुप्त चरित मैं गावा। हिर मायाँ जिमि मोहि नचावा।।
निज अनुभव अब कहउँ खगेसा। बिनु हिर भजन न जाहिं कलेसा।।
राम कृपा बिनु सुनु खगराई। जानि न जाइ राम प्रभुताई।।
जानें बिनु न होइ परतीती। बिनु परतीति होइ नहिं प्रीती।।
प्रीति बिना नहिं भगति दिदृाई। जिमि खगपति जल कै चिकनाई

सो ०—बिनु गुर होइ कि ग्यान ग्यान कि होइ बिराग बिनु । गाविहें बेद पुरान सुख कि लिहिअ हिर भगति बिनु ॥८९(क )॥ कोउ बिश्राम कि पाव तात सहज संतोष बिनु । चलै कि जल बिनु नावकोटि जतन पिच पिच मिरअ ॥८९(ख)॥

वितु संतोष न काम नसाहीं। काम अछत सुख सपनेहुँ नाहीं।। राम भजन बितु मिटहिं कि कामा । थल विहीन तरु कवहुँ कि जामा ।। बिजु बिग्यान कि समता आवइ। कोड अवकास कि नभ बिजु पावइ अद्धा बिना धर्म निहं होई। बिजु मिह गंध कि पावइ कोई।। बिजु तप तेज कि कर बिस्तारा। जल बिजु रस कि होइ संसारा।। सील कि मिल बिजु बुध सेवकाई। जिमि बिजु तेज न रूप गोसाँई।। निज सुख बिजु मन होइ कि थीरा। परस कि होइ बिहीन समीरा।। कवनिउ सिद्धि कि बिजु बिखासा। बिजु हिर भजन न भव भय नासा।। दो ०-बिनु बिस्वास भगति निहं तेहि बिनु द्रविहं न रामु।

राम क्रपा बिनु सपनेहुँ जीव न लह बिश्रामु ॥९०(क)॥ स्रो०—अस बिचारि मतिधीर तजि कुतर्क संसय सकल । भजहु राम रघुबीर करुनाकर सुंदर सुखद ॥९०(ख)॥

निज मित सिरस नाथ में गाई। प्रभु प्रताप मिहमा खगराई।। कहेउँ न कछ करि जुगुति बिसेषी। यह सब मैं निज नयनिह देखी॥ मिहमा नाम रूप गुन गाथा। सकल अमित अनंत रघुनाथा।। निज निज मित मिन हिर गुन गावि । निगम सेष सिव पार न पावि ॥ तुम्हि आदि खग मसक प्रजंता। नभ उड़ाहिं निहं पाविह अंता।। तिमि रघुपित महिमा अवगाहा। तात कबहुँ कोउ पाव कि थाहा।। रामु काम सत कोटि सुभग तन। दुर्गा कोटि अमित अवकासा।। सक कोटि सत सरिस बिलासा। नभ सत कोटि अमित अवकासा।।

दो०—मरुत कोटि सत बिपुल बल रिब सत कोटि प्रकास । सिस सत कोटि सुसीतल समन सकल भव त्रास ॥९१(क)॥ ंकाल कोटि सत सिरस अति हुस्तर हुर्ग हुरंत । ृ धूमकेतु सत कोटि सम हुराधरष भगवंत ॥९१(ख)॥ प्रश्च अगाधसत कोटि पताला । समन कोटि सत सरिस कराला।
तीरथ अमित कोटि सम पावन । नाम अखिल अघ पूग नसावन।।
हिमगिरि कोटि अचल रघुबीरा। सिंघु कोटि सत सम गंभीरा ।।
कामघेतु सत कोटि समाना । सकल काम दायक भगवाना ॥
सारद कोटि अमित चतुराई । बिधि सत कोटि सृष्टि निपुनाई॥
बिष्नु कोटि सम पालन कर्ता। रुद्र कोटि सत सम संहर्ता॥
धनद कोटि सत सम धनवाना । माया कोटि प्रपंच निधाना ॥
भार धरन सत कोटि अहीसा। निरवधि निरुपम प्रश्च जगदीसा॥

छं०—निरुपम न उपमा आन राम समान रामु निगम कहै। जिमि कोटि सत खद्योत सम रिव कहत अति लघुता लहै॥ एहि भाँति निज निज मित बिलास मुनीस हरिहि बखानहीं। प्रभु भाव गाहक अति कृपाल सप्रेम सुनि सुख मानहीं॥

दो ०-रामु अमित गुन सागर थाह कि पावइ कोइ। संतन्हसन जस किछुसुनेउँ तुम्हिहिसुनायउँ सोइ॥ ९२(क)॥ सो०-भाव बस्य भगवान सुख निधान करुना भवन। तजि ममता मद मान भजिअ सदा सीता खन॥ ९२(ख)॥

सुनि भ्रुसुंडि के बचन सुहाए । हरिषत खगपति पंख फुलाए ।। नयन नीर मन अति हरिषाना । श्रीरघुपति प्रताप उर आना ।। पाछिल मोह सम्रुक्षि पछिताना । ब्रह्म अनादि मनुज किर माना।। पुनि पुनि काग चरन सिरु नावा । जानि राम सम प्रेम बढ़ावा ।। गुर बिनु भव निधि तरह न कोई । जौं बिरंचि संकर सम होई ।। संसय सर्प प्रसेउ मोहि ताता । दुखद लहिर कुतर्क बहु बाता।। तव सरूप गारुड़ि रघुनायक । मोहि जिआयउ जन सुखदायक।।
तव प्रसाद मम मोह नसाना । राम रहस्य अनुपम जाना ।।

दो ०—ताहि प्रसंसि बिबिधि बिधि सीस नाइ कर जोरि। बचन बिनीत सप्रेम मृदु बोलेउ गरुड़ बहोरि॥ ९३(क)॥ प्रमु अपने अबिबेक ते वूझउँ स्वामी तोहि। कृपासिंधु सादर कहहु जानि दास निज मोहि॥ ९३(ख)॥

तुम्ह सर्वग्य तग्य तम पारा । सुमित सुसील सरल आचारा ॥
ग्यान विरित विग्यान निवासा । रघुनायक के तुम्ह प्रिय दासा॥
कारन कवन देह यह पाई । तात सकल मोहि कहहु बुझाई ॥
राम चरित सर सुंदर खामी । पायहु कहाँ कहहु नभगामी ॥
नाथ सुना मैं अस सिव पाहीं । महा प्रलयहुँ नास तव नाहीं ॥
सुधा बचन नहिं ईखर कहई । सोउ मोरें मन संसय अहई ॥
अग जग जीव नाग नर देवा । नाथ सकल जगु काल कलेवा॥
अंड कटाह अमित लय कारी । कालु सदा दुरतिकम भारी ॥

सो ०—तुम्हिह न घ्यापत काल अति कराल कारन कवन । मौदि सो कहहु कृपाल ग्यान प्रभाव कि जोग बल ॥ ९४(क)॥ दो ०—प्रभु तव आश्रम आएँ मोर मोह भ्रम भाग। कारन कवन सो नाथ सव कहहु सिहत अनुराग ॥९४(ख)॥

गरुड़ निरासिन हरषेउ कागा । बोलेउ उमा परम अनुरागा ।। धन्य धन्य तब मित उरगारी। प्रस्नतुम्हारि मोहि अति प्यारी।। सुनि तब प्रस्न सप्रेम सुहाई । बहुत जनम कै सुधि मोहि आई।। सुब निज कथा कहउँ मैं गाई। तात सुनहु सादर मन लाई।। जप तप सम दम ब्रत दाना । बिरति बिबेक जोग बिग्याना ॥
सब कर फल रघुपति पद प्रेमा । तेहि बिनु को उन पावह छेमा ॥
एहिं तन राम भगति मैं पाई । ताते मोहि ममता अधिकाई ॥
जेहि तें कल्ल निज स्वारथ होई । तेहि पर ममता कर सब कोई ॥

सोo-पत्रगारि असि नीति श्रुति संमत सज्जन कहिहैं। अति नीचहु सन प्रीति करिश्र जानि निज परम हित ॥ ९५(क)॥ पाट कीट तें होइ तेहि तें पाटंबर रुचिर। कृमि पालइ सबु कोइ परम अपावन प्रान सम ॥ ९५(ख)॥

स्वारथ साँच जीव कहुँ एहा । मन क्रम बचन राम पद नेहा ।।
सोइ पावन सोइ सुभग सरीरा । जो तनु पाइ भजिअ रघुबीरा ।।
राम बिग्रुख लहि बिधि सम देही । किब कोविद न प्रसंसहिं तेही ।।
राम भगति एहिं तन उर जामी । ताते मोहि परम प्रिय स्वामी।।
तजउँ न तन निज इच्छा मरना । तन बिजु बेद भजन नहिं बरना।।
प्रथम मोहँ मोहि बहुत बिगोवा। राम बिग्रुख सुख कबहुँ न सोवा।।
नाना जनम कर्म पुनि नाना । किए जोग जप तप मख दाना ।।
कवन जोनि जनमेउँ जहँ नाहीं । मैं खगेस श्रमि श्रमि जग माहीं।।
देखेउँ करि सब करम गोसाई । सुखी न भयउँ अबहिं की नाई ।।
सुधि मोहि नाथ जनम बहु केरी । सिव प्रसाद मित मोहँ न घेरी ।।

दो ०—प्रथम जन्म के चिरित अब कहउँ सुनहु विहगेस । सुनि प्रभु पद रित उपजइ जातें मिटिहें कलेस ॥ ९६(क)॥ पूरुब कल्प एक प्रभु जुग कलिजुग मल मूल । नर अरु नारि अधर्म रत सकल निगम प्रतिकूल ॥ ९६(ख)॥ तेहिं कलिजुग कोसलपुर जाई। जन्मत भयउँ सद्ध तनु पाई।। सिन सेनक मन क्रम अरु बानी। आन देन निंदक अभिमानी।। धन मद मच परम बाचाला। उप्रबुद्धि उर दंभ विसाला।। जदिप रहेउँ रघुपति रजधानी। तदिप न कळु महिमा तब जानी।। अब जाना में अवध प्रभावा। निगमागम पुरान अस गावा।। कवनेहुँ जन्म अवध बस जोई। राम परायन सो परि होई।। अवध प्रभाव जान तब प्रानी। जब उर बसहिं रामु धनुपानी।। सो कलिकाल कठिन उरगारी। पाप परायन सब नर नारी।।

दो०—कलिमल प्रसे धर्म सत्र लुप्त भए सदमंथ। दंभिन्ह निज मति कल्पि करि प्रगट किए बहु पंथ॥ ९७(क)॥ भए लोग सब मोहबस लोभ मसे सुभ कर्म। सुनु हरिजान ग्यान निधि कहउँ कछुक कलिधर्म॥ ९७(स)॥

बरन भर्म निहं आश्रमचारी । श्रुति बिरोध रत सब नर नारी।।
द्विज श्रुति बेचक भूप प्रजासन । कोउ निहं मान निगम अनुसासन
मारग सोइ जा कहुँ जोइ भावा । पंडित सोइ जो गाल बजावा ।।
मिथ्यारं भे, दंभ रत जोई । ता कहुँ संत कहइ सब कोई ।।
सोइ सयान जो परधन हारी । जो कर दंभ सो बड़ आचारी ।।
जो कह झूँठ मसखरी जाना । कलिजुग सोइ गुनवंत बखाना ।।
निराचार जो श्रुति पथ त्यागी । कलिजुग सोइ ग्यानी सो बिरागी।।
जाकें नख अरु जटा बिसाला । सोइ तापस प्रसिद्ध कलिकाला ।।

दो o—असुभ बेष भूषन घरें भच्छाभच्छ जे खाहिं। तेइ जोगी तेइ सिद्ध नर पूज्य ते कलिजुग माहिं॥ ९८(क)॥ सो ०—जे अपकारी चार तिन्ह कर गौरव मान्य तेइ। मन क्रम चचन लबार तेइ यकता कलिकाल महुँ॥९८(ख)॥

नारि बिबस नर सकल गोसाई । नाचिह नट मर्कट की नाई ॥ सद्र द्विजन्ह उपदेसिंह ग्याना । मेलि जनेऊ लेहिं कुदाना ॥ सब नर काम लोभ रत कोधो । देव बिप्र श्रुति संत बिरोधी ॥ गुन मंदिर सुंदर पित त्यागी । भजिह नारि पर पुरुष अभागी॥ सौभागिनीं बिभूषन हीना । बिधवन्ह के सिगार नबीना ॥ गुर सिष बिधर अंध का लेखा । एक न सुनइ एक निह देखा ॥ हरइ सिष्य धन सोक न हरई । सो गुर घोर नरक महुँ परई ॥ मातु पिता बालकिन्ह बोलाविह । उदर भरें सोइ धर्म सिखाविह ॥

दो०-ब्रह्म ग्यान बिनु नारि नर कहिंह न दूसिर बात । कौड़ी लागि लोभ बस करिंह बिप्र गुर घात ॥९९(क)॥ बादिहें सूद्र द्विजन्ह सन हम तुम्ह ते कछु घाटि । जानइ ब्रह्म सो बिप्रबर आँखि देखाविंह डाटि ॥९९(स)॥

पर त्रिय लंपट कपट सयाने । मोह द्रोह ममता लपटाने ।।
तेह अभेदबादी ग्यानी नर । देला में चिरत्र कलिजुग कर।।
आपु गए अरु तिन्हहू घालहिं । जे कहुँ सत मारग प्रतिपालहिं ।।
कल्प कल्प भरि एक एक नरका।परहिं जे द्षहिं श्रुति करि तरका।।
जे बरनाधम तेलि कुम्हारा । खपच किरात कोल कलवारा ।।
नारि मुई गृह संपति नासी । मुद मुड़ाइ होहिं संन्यासी ।।
ते बियन्ह सन आपु पुजावहिं । उभय लोक निज हाथ नमाविहें।।
बिप्र निरच्छर लोलुप कामी । निराचार सठ वृषली खामी ।।

सुद्र करहिं जप तप त्रत नाना । बैठि बरासन कहिं पुराना ॥ सब नर कल्पित करहिं अचारा । जाइ न बरनि अनीति अपारा।। दो०—भए बरन संकर किल भिन्नसेतु सब लोग। करहिं पाप पावहिं दुख भय रुज सीक बियोग ॥१००(क)॥ श्रति संमत हरि भक्ति पथ संजुत बिरति बिबेक ॥ तेहिं न चलहिं नर मोह बस कल्पहिं पंथ अनेक ॥१००(स)॥ छं०—बहु दाम सँवारहिं धाम जती। बिषया हरि लीन्हि न रहि बिरती॥ तपसी धनवंत दरिद्र गृही । कलि कौतुक तात न जात कही ॥ कुलवंति निकारहिं नारि सती। ग्रह आनहिं चेरि निवेरि गती ॥ सुत मानहिं मातु पिता तब लौं। अवलानन दीख नहीं जब लौं॥ मसुरारिपिआरि लगी जब तें। रिपुरूप कुटुंब भए तब तें॥ नृप पाप परायन धर्म नहीं । करि दंड बिडंब प्रजा नितहीं ॥ धनवंत कुलीन मलीन अपी । द्विज चिन्ह जनेउ उघार तपी ॥ नहिं मान पुरान न बेदहि जो । हिर सेवक संत सही किल सो ॥ कबि बुंद उदार दुनी न सुनी । गुन दूषक बात न कोपि गुनी ॥ किता बारिहं बार दुकाल परें । बिनु अन्न दुखी सब लोग मरें ॥ दो ०-सुनु खगेस कलि कपट हठ दंभ द्वेष पाषंड । मान मोह मारादि मद ब्यापि रहे बहांड ॥१०१(क)॥ तामस धर्म करहिं नर जप तप बत मख दान। देव न बरषहिं धरनीं बए न जामिह धान ॥१०१(ख)॥ छं०—थबला कच भूषनभूरि छुघा । धनहीन दुःखी ममना बहुधा ॥ सुल चाहिहैं मूद न धर्म रता। मित थोरि कठोरि न कोमलता।। नर पीड़ित रोग न भोग कहीं। अभिमान विरोध अकारनहीं॥ लघु जीवन संबतु पंच दसा । कलपांत न नास गुमानु असा ॥ किलकाल बिहाल किए मनुजा । निहं मानत को अनुजा तनुजा ॥ निहं तोष बिचार न सीतलता । सब जाित कुजाित भए मगता ॥ इरिषा परुषाच्छर लोलुपता । भिर पूरि रही समता बिगता ॥ सब लोग बियोग विसोक हए । वरनाश्रम धर्म अचार गए ॥ दम दान दया निहं जानपनी । जड़ता परबंचनताित धनी ॥ तनु पोषक नािर नरा सगरे । परनिंदक जे जग मो बिगरे ॥

दो ०—सुनु ब्यालारि काल किल मल अवगुन आगार । गुनउ बहुत किलजुग कर बिनु प्रयास निस्तार ॥१०२(क)॥ कृत जुग त्रेताँ द्वापर पूजा मख अरु जोग । जो गित होइ सो किल हिर नाम ते पाविहं लोग ॥१०२(ख)॥

कृतजुग सब जोगी बिग्यानी । करिहरि ध्यान तरहिं भव प्रानी।। त्रेताँ बिबिध जग्य नर करहीं । प्रश्चिह समर्पि कमें भव तरहीं ।। द्वापर करि रघुपति पद पूजा । नर भव तरहिं उपाय न दूजा।। कलिजुग केवल हरिगुन गाहा । गावत नर पावहिं भव थाहा।। कलिजुग जोग न जग्य न ग्याना। एक अधार राम गुन गाना ।। सब भरोस तजि जो भज रामहि । प्रेम समेत गाव गुन प्रामहि ।। सोइ भव तर कछु संसय नाहीं। नाम प्रताय प्रगट कलि माहीं।। कलि कर एक पुनीत प्रताया । मानस पुन्य होहिं नहिं पाया।।

दो०—कलिजुग सम जुग आन नहिं जौ नर कर बिस्वास । गाइ राम गुन गन बिमल भव तर बिनीहें प्रयास ॥१०२(क)॥ प्रगट चारि पद धर्म के किल महुँ एक प्रधान। जेन केन बिधि दीन्हें दान करइ कल्यान॥१०३(ख)॥

नित जुग धर्म होहिं सब केरे। हृद्यँ राम माया के प्रेरे।।
सुद्ध सत्व समता बिग्याना। कृत प्रभाव प्रसन्न मन जाना।।
सत्व बहुत रज कळु रित कर्मा। सब बिधि सुख त्रेता कर धर्मा।।
बहु रज खल्प सत्व कळु तामस। द्वापर धर्म हरष भय मानस।।
तामस बहुत रजोगुन थोरा। किल प्रभाव बिरोध चहुँ औरा।।
बुध जुग धर्म जानि मन माहीं। तिज अधर्म रित धर्म कराहीं।।
काल धर्म निह न्यापहिं ताही। रघुपति चरन प्रीति अति जाही।।
नट कृत विकट कपट खगराया। नट सेवकहि न न्यापइ माया।।

दो ०—हरि माया कृत दोष गुन बिनु हरि भजन न जाहिं। भजिअ राम तिज काम सब अस बिचारि मन माहिं॥१०४(क)॥ तेहिं कलिकाल बरष बहु बसेउँ अवध बिहगेस। परेउ दुकाल बिपति बस तब मैं गयउँ बिदेस ॥१०४(स)॥

गयउँ उज़ेनी सुनु उरगारी। दीन मलीन दरिद्र दुखारी।।
गएँ काल कल्ल संपति पाई। तहँ पुनि करउँ संभ्रु सेवकाई।।
बित्र एक वैदिक सिव पूजा। करइसदा तेहि काजु न द्जा।।
परम साधु परमारथ विंदक। संभ्रु उपासक नहिं हरि निंदक।।
तेहि सेवउँ मैं कपट समेता। द्विज द्याल अति नीति निकेता।।
बाहिज नम्र देखि मोहि साई। बित्र पढ़ाव पुत्र की नाईं।।
संभ्रु मंत्र मोहि द्विजवर दीन्हा। सुभ उपदेस बिबिध बिधिकीन्हा।।
जपउँ मंत्र सिव मंदिर जाई।हृदयँ दंभ अहमिति अधिकाई।।

दो०—मैं खल मल संकुल मित नीच जाति बस मोह।
हिर जन द्विज देखें जरउँ करउँ बिष्नु कर द्रोह ॥१०५(क)॥
सो०—गुर नित मोहि प्रबोध दुखित देखि आचरन मम।
मोहि उपजइ अति कोध दंभिहि नीति कि भावई ॥१०५(ख)॥

एक बार गुर लीन्ह बोलाई । मोहि नीति बहु भाँति सिखाई ॥ सिव सेवा कर फल सत सोई । अबिरल भगति राम पद होई ।। रामहि भजहिं तात सिव धाता। नर पावँर के केतिक बाता।। जास चरन अज सिव अनुरागी। तासु द्रोहँ सुख चहसि अभागी।। हर कहुँ हरि सेवक गुर कहेऊ । सुनि खगनाथ हृदय मम दहेऊ।। मधम जाति मैं विद्या पाएँ। भयउँ जथा अहि द्ध पिआएँ।। मानी कुटिल कुभाग्य कुजाती । गुर कर द्रोह करउँ दिनु राती ।। अति दयाल गुर खल्प न कोधा। पुनि पुनि मोहि सिखाव सुबोधा।। जेहि ते नीच बढ़ाई पावा । सो प्रथमहिं हति ताहि नसावा ॥ धूम अनल संभव सुनु भाई । तेहि बुझाव घन पदवी पाई ॥ रज मग परी निरादर रहई। सब कर पद प्रहार नित सहई।। मरुत उड़ाव प्रथम तेहि भरई । पुनि नृप नयन किरीटन्हि परई ॥ सुनु खगपति अस सम्रुझि प्रसंगा। बुध नहिं करहिं अधम कर संगा किन कोनिद गानहिं असि नीती। खल सन कलह न भल नहिं प्रीती उदासीन नित रहिअ गोसाई । खल परिहरिअ खान की नाई।। मैं खल हृद्यँ कपट कुटिलाई । गुर हित कहइ न मोहि सोहाई ।।

दो०-एक बार हर मंदिर जपत रहेउँ सिन नाम । गुर आयउ अभिमान तें उठि नहिं कीन्ह प्रनाम ॥१०६(क)॥ सो दयाल नहिं कहेउ कछु उर न रोस लवलेस । अति अध गुर अपमानता सहि नहिं सके महेस ॥१०६(ख)॥

मंदिर माझ भई नभवानी । रे इतभाग्य अग्य अभिमानी।। जद्यि तव गुर कें निहं क्रोधा । अति कृपाल चित सम्यक बोधा।। तदिप साप सठ दें हउँ तो ही । नीति बिरोध सो हाइ न मोही।। जौं निहं दंड करों खल तोरा । अष्ट होइ श्रुतिमारग मोरा ।। जो सठ गुर सन इरिषा करहीं । रोरव नरक कोटि जुग परहीं।। त्रिजग जोनि पुनि धरिहं सरीरा । अयुत जन्म भिर पावहिं पीरा।। बैठ रहे सि अजगर इव पापी । मर्प हो हि खल मल मित ब्यापी।। महा बिटप कोटर महुँ जाई । रहु अधमाधम अधगति पाई।।

दो ०-हाहाकार कीन्ह गुर दारुन सुनि सिव साप।

कंपित मोहि बिलोकि अति उर उपजा परिताप ॥१०७ (क)॥ करि दंडवत सप्रेम द्विज सिव सन्मुख कर जोरि ।

बिनय करत गदगद स्वर समुझि घोर गित मोरि ॥१०७(ख)॥
नमामीश्रूमीशान निर्वाणरूपं । विभुं व्यापकं ब्रह्म वेदस्वरूपं ॥
निजं निर्गुणं निर्विकल्पं निरीहं । चिदाकाशमाकाशवासं भजेऽहं ॥
निराकारमोंकारमूलं तुरीयं । गिरा ग्यान गोतीतमीशं गिरीशं ॥
करालं महाकाल कालं ऋपालं । गुणागार संसारपारं नतोऽहं ॥
तुषाराद्रि संकाश गौरं गभीरं । मनोभूत कोटि प्रभा श्री शरीरं ॥
स्फुरून्मौलि कल्लोलिनीचारु गंगा । लसद्भालबालेन्द्रु कंठे भुजंगा ॥
चलत्कुंडलं श्रू सुनेत्रं विशालं । प्रसन्नाननं नीलकंठं दयालं ॥
मृगाधीशचर्माम्बरं मुण्डमालं । प्रियं शंकरं सर्वनाथं भजामि ॥

त्रचंडं प्रकृष्टं प्रगल्भं परेशं। अखंडं अजं भानुकोटिप्रकाशं॥ त्रयः शूल निर्मृलनं शूलपाणि । भजेऽहं भवानीपतिं भावगम्यं ॥ कलातीत कल्याण कल्पान्तकारी । सदा सज्जनानन्ददाता पुरारी ॥ चिदानंद संदोह मोहापहारी। प्रसीद प्रसीद प्रभो मन्मथारी॥ न यावद् उमानाथ पादारविन्दं। भजंतीह लोके परे वा नराणां॥ न तावत्सुखं ज्ञान्ति सन्तापनाज्ञं । प्रसीद प्रभो सर्वभूताधिवासं ॥ न जानामि योगं जपं नैव पूजां । नतोऽहं सदा सर्वदा शंभु तुभ्यं ॥ जरा जन्म दुःखौध तातप्यमानं । प्रभो पाहि आपन्नमामीश शंभो ॥ स्रोक-रुद्राप्टकमिदं प्रोक्तं विप्रेण हरतोषये । ये पठन्ति नरा भ<del>त्त</del>या तेषां शम्भुः प्रसीदति ॥ ९ ॥ दो ०-सुनि बिनती सर्वेग्य सिव देखि बिप्र अनुरागु । पुनि मंदिर नभबानी भइ द्विजबर वर मागु ॥१०८(क)॥ जौं प्रसन्न प्रभु मो पर नाथ दीन पर नेहु । निज पद भगति देइ प्रभु पुनि दूसर बर देहु ॥१०८(ख)॥ तव माया बस जीव जड़ संतत फिरइ भुलान। तेहि पर क्रोधन करिअ प्रभु ऋपासिंधु भगवान ॥१०८(ग)॥ संकर दीनदयाल अब एहि पर होहु कृपाल। साप अनुमह होइ जेहिं नाथ शोरेहीं काल ॥१०८(घ)॥ एहि कर होइ परम कल्याना । सोइ करहु अब कुपानिधाना।। बिण गिरा सुनि परहित सानी । एवमस्तु इति भइ नभवानी ॥ जदिव कीन्द्र एहिं दारुन पापा। मैं पूनि दीन्द्रि कोप करि सापा।। तदपि तुम्हारि साघुता देखी । किन्हउँ एहि पर कृपा विसेषी ॥ इमासील जे पर उपकारी । ते द्विज मोहि प्रिय जथा खरारी।। मोर श्राप दिज ब्यर्थ न जाइहि। जन्म सहस अवस्य यह पाइहि।। जनमत मरत दुसह दुख होई। एहि खल्पउ निहं ब्यापिहि सोई।। कवनेउँ जन्म मिटिहि निहं ग्याना । सुनिह सद मम बचन प्रवाना ॥ रघुपित पुरीं जन्म तब भयऊ। पुनि तैं मम सेवाँ मन दयऊ॥ पुरी प्रभाव अनुप्रह मोरें। राम भगित उपजिहि उर तोरें।। सुनु मम बचन सत्य अब भाई। हरितोषन बत दिज सेवकाई॥ अब जिन करिह विप्र अपमाना। जानेसु संत अनंत समाना॥ इंद्र कुलिस मम सल विसाला। कालदंड हिर चक्र कराला॥ जो इन्ह कर मारा निहं मरई। विप्र द्रोह पावक सो जरई॥ अस विवेक राखेहु मन माहीं। तुम्ह कहँ जग दुर्लभ कल्ल नाहीं॥ औरउ एक आसिषा मोरी। अप्रतिहत गित होइहि तोरी॥

दो ०—सुनि सिव बचन हरिष गुर एवमस्तु इति भाषि ।

मोहि प्रबोधि गयउ ग्रह संभु चरन उर राखि ॥१०९(क)॥
प्रेरित काल बिंधि गिरि जाइ भयउँ मैं ब्याल ।
पुनि प्रयास बिनु सो तनु तजेउँ गएँ कछु काल ॥१०९(ख)॥
क्षोइ तनु धरउँ तजउँ पुनि अनायास हरिजान ।
जिमि नूतन पट पहिरइ नर परिहरइ पुरान ॥१०९(ग)॥
सिवँ राखी श्रुति नीति अरु मैं निहं पावा क्लेस ।
एहि बिधि धरेउँ विविधि तनु ग्यान न गयउ खगेस॥ १०९(घ)॥

त्रिजग देव नर जोइ तत्तु धरऊँ । तहँ तहँ राम भजन अनुसरऊँ ।। एक स्रूल मोहि विसर न काऊ । गुर कर कोमल सील सुभाऊ ॥ चरम देह द्विज के मैं पाई । सुर दुर्लभ पुरान श्रुति गाई ॥ स्वेलउँ तहूँ बालकन्ह मीला । करउँ सकल रघुनायक लीला।।
प्रीढ़ भएँ मोहि पिता पढ़ावा । समझउँ सुनउँ गुनउँ निर्हे भावा।।
मन ते सकल बासना भागी। केवल राम चरन लय लागी।।
कहु खगेस अस कवन अभागी। खरी सेव सुरधेनुहि त्यागी।।
प्रेम मगन मोहि कल्ल न सोहाई। हारेउ पिता पढ़ाइ पढ़ाई।।
भए कालबस जब पितु माता। मैं बन गयउँ भजन जनत्राता।।
जहँ जहँ विपिन मुनीस्वर पावउँ। आभम जाइ जाइ सिरु नावउँ।।
सुनत फिरउँ हरि गुन अनुबादा। अन्याहत गति संभु प्रसादा।।
सुनत फिरउँ हरि गुन अनुबादा। अन्याहत गति संभु प्रसादा।।
सूनत फिरउँ हरि गुन अनुबादा। विक लालसा उर अति बाही।।
राम चरन बारिज जब देखौं। तब निज जनम सफल करि लेखौं।।
जेहि पूछउँ सोइ मुनि अस कहई। ईस्वर सर्व भृतमय अहई।।
निर्गुन मत नहिं मोहि सोहाई। सगुन ब्रह्म रित उर अधिकाई।।

हो०-गुर के बचन सुरित किर राम चरन मनु लाग ।
रघुपित जस गावत फिरउँ छन छन नव अनुराग ॥११०(क)॥
मेरु सिखर बट छायाँ मुनि लोमस आसीन ।
देखि चरन सिरु नायउँ बचन कहेउँ अति दीन ॥११०(ख)॥
सुनि मम बचन बिनीत मृदु मुनि क्रपाल खगराज ।
मोहि सादर पूँछत भए द्विज आयहु केहि काज ॥११०(ग)॥
तब मैं कहा क्रपानिधि तुम्ह सर्वेग्य सुजान ।
सगुन बहा अवराधन मोहि कहहु भगवान ॥११०(घ)॥

तब मुनीस रघुपति गुन गाथा। कहे कञ्चक सादर खगनाथा।।

श्रक्षण्यान रत श्रुनि विग्यानी । मोहि परम अधिकारी जानी ।। लागे करन श्रक्क उपदेसा । अज अद्वेत अगुन हृदयेसा ॥ अकल अनीह अनाम अरूपा । अनुभव गम्य अखंड अन्पा ॥ मन गोतीत अमल अविनासी । निर्विकार निरवधि सुख रासी ॥ सो तें ताहि तेहि नहिं भेदा । बारि बीचि इव गावहिं वेदा ॥ विविधि भाँति मोहि श्रुनि सश्चुशावा । निर्गुन मत मम हृदयँ न आवा पुनि में कहेउँ नाइ पद सीसा । सगुन उपासन कहहु श्रुनीसा ॥ राम भगति जल मम मन मीना । किमि विलगाइ श्रुनीस प्रवीना ॥ सोइ उपदेस कहहु करि दाया । निज नयनिह देखौं रघुराया ॥ भिर लोचन विलोकि अवश्रेसा । तब सुनिहउँ निर्गुन उपदेसा ॥ श्रुनि पुनि कहि हारे कथा अनुपा। खंडि सगुन मत अगुन निरूपा॥ तब में निर्गुन मत कर द्री । सगुन निरूपॐ करि हठ भूरी ॥ उत्तर प्रतिउत्तर में कीन्हा । श्रुनि तन भए क्रोध के चीन्हा॥ सुनु प्रभु बहुत अवग्या किएँ। उपज क्रोध ग्यानिन्ह के हिएँ ॥ अति संघरषन जाँ कर कोई । अनल प्रगट चंदन ते होई ॥

दो ०-बारंबार सकोप मुनि करइ निरूपन ग्यान ।

मै अपने मन बैठ तब करउँ बिबिधि अनुमान ॥१११(क)॥

क्रोध कि द्वैतबुद्धि बिनु द्वैत कि बिनु अग्यान ।

मायाबस परिछिन्न जड़ जीव कि ईस समान ॥१११(ख)॥

कबहुँ कि दुख सब कर हित ताकें। तेहि कि दरिद्र परस मनि जाकें परद्रोही की होहिं निसंका। कामी पुनि कि रहिं अकलंका॥ बंस कि रहिं द्रज अनहित कीन्हें। कर्म कि होहिं खरूपिंह चीन्हें॥ काहू सुमित कि खल सँग जामी। सुभ गित पाव कि परित्रय गामी भव कि परिह परमात्मा बिंदक। सुखी कि हो हिं कबहुँ हिर निंदक राजु कि रहिंहं नीति बिनु जानें। अघ कि रहिंहं हिर चिरत बखानें पावन जस कि पुन्य बिनु होई। बिनु अघ अजस कि पावह कोई।। लाभु कि किन्छ हिर भगित समाना। जेहि गाविंहं भुति संत पुराना हानि कि जग एहि सम कछु भाई। भिज्ञ न रामिह नरतनु पाई अघ कि पिसुनता सम कछु आना। धर्म कि दया सिरस हिरजाना एहि बिधि अमिति जुगुति मन गुनऊँ। सुनि उपदेस न सादर सुनऊँ पुनि पुनि सगुन पच्छ मैं रोपा। तब सुनि बोलेउ बचन सकोपा।। मूद परम सिख देउँ न मानिस। उत्तर प्रतिउत्तर बहु आनिस।। सत्य बचन बिखास न करही। बायस इव सबही ते डरही।। सठ खपच्छ तब हृदयँ बिसाला। सपिद होहि पच्छी चंडाला।। लीन्ह श्राप मैं मीस चढ़ाई। निहं कछु भय न दीनता आई।।

दोo—तुरत भयउँ मैं काग तब पुनि मुनि पद सिरु नाइ।
सुमिरि राम रघुवंस मिन हरषित चलेउँ उड़ाइ॥११२(क)॥
उमा ज राम चरन रत विगत काम मद कोघ।
निज प्रभुमय देखहिं जगत केहि सन करहिं विरोध ॥११२(ख)॥

सुनु खगेस नहिं कछु रिषि द्षन । उर प्रेरक रघुवंस बिभूषन ।। कुपासिंधु सुनि मित करि भोरी । लीन्ही प्रेम परिच्छा मोरी ।। मन बचक्रम मोहि निज जन जाना । सुनि मित पुनि फेरी भनवाना रिषि मम महत सीलता देखी । राम चरन बिस्नास बिसेषी ।। अति बिसमय पुनि पुनि पछिताई । सादर सुनि मोहि लीन्ह बोलाई मम परितोष बिबिध बिध कीन्हा। हरिषत राममंत्र तब दीन्हा॥ बालकरूप राम कर ध्याना। कहेउ मोहि ग्रुनि कुपानिधाना।। सुंदर सुखद मोहि अति भावा। सो प्रथमहिं मैं तुम्हिह सुनावा।। ग्रुनि मोहि कल्लक काल तहँ राखा। रामचरितमानस तब भाषा।। सादर मोहि यह कथा सुनाई। पुनि बोले ग्रुनि गिरा सुहाई।। राम चरित सर गुप्त सुहावा। संग्रु प्रसाद तात मैं पावा।। तोहि निज भगत राम कर जानी। ताते मैं सब कहेउँ बखानी।। राम मगति जिन्ह कें उर नाहीं। कबहुँ न तात कहिअ तिन्ह पाहीं ग्रुनि मोहि बिबिध भाँति सग्रुझावा। मैं सप्रेम ग्रुनि पद सिरु नावा निज कर कमल परिस मम सीसा। हरिषत आसिष दीन्ह ग्रुनीसा।। राम भगति अबिरल उर तोरें। बिसिहि सदा प्रसाद अब मोरें।।

दो ०-सदा राम प्रिय हो हु तुम्ह सुभ गुन भवन अमान ।

कामरूप इच्छामरन ग्यान बिराग निधान ॥११३(क)॥

जेहिं आश्रम तुम्ह बसब पुनि सुमिरत श्रीभगवंत ।

ब्यापिहि तहँ न अबिद्या जोजन एक प्रजंत ॥११३(स)॥

काल कर्म गुन दोष सुभाऊ। कछु दुख तुम्हहिन न्यापिहि काऊ राम रहस्य ललित विधि नाना। गुप्त प्रगट इतिहास पुराना।। विज्ञ श्रम तुम्ह जानव सब सोऊ। नित नव नेह राम पद होऊ।। जो इच्छा करिहहु मन माहीं। हिर प्रसाद कछु दुर्लभ नाहीं।। सुनि सुनि आसिष सुजु मतिधीरा। ब्रह्मगिरा भई गगन गँभीरा।। एवमस्तु तव बच सुनि ग्यानी। यह मम भगत कर्म मन बानी।। सुनि नभगिरा हरष मोहि भयऊ। प्रेम मगन सब संसय गयऊ।। करि बिनती मुनि आयसु पाई। पद सरोज पुनि पुनि सिरु नाई।। हरप सहित एहिं आश्रम आयउँ। प्रभु प्रसाद दुर्लभ बर पायउँ।। इहाँ बसत मोहि सुनु खग ईसा। बीते कलप सात अरु बीसा।। करउँ सदा रघुपति गुन गाना। सादर सुनहिं बिहंग सुजाना।। जब जब अवधपुरीं रघुवीरा। धरहिं भगत हित मनुज सरीरा।। तब तब जाह राम पुर रहऊँ। सिसुलीला बिलोकि सुख लहुऊँ।। पुनि उर राखि राम सिसुरूपा। निज आश्रम आवउँ खगभूपा।। कथा सकल मैं तुम्हिं सुनाई। काग देह जेहिं कारन पाई।। कहिउँ तात सब प्रस्न तुम्हारी। राम भगति महिमा अति भारी।।

दो ०—ताते यह तन मोहि प्रिय भयउ राम पद नेह । निज प्रभु दरसन पायउँ गए सकल संदेह ॥११४(क)॥

## मासपारायण, उन्तीसवाँ विश्राम

भगति पच्छ हठ करि रहेउँ दोन्हि महारिषि साप । मुनि दुर्लभ वर पायउँ देखहु भजन प्रताप ॥११४(ख)॥

जे असि भगित जानि परिहरहीं। केवल ग्यान हेतु अम करहीं।।
ते जड कामधेनु गृहँ त्यागी। खोजत आकु फिरहिं पय लागी।।
सुनु खगेस हिर भगित बिहाई। जे सुख चाहि छान उपाई।।
ते सठ महासिंधु बिनु तरनी। पैरि पार चाहि जड करनी।।
सुनि भसुंडि के बचन भवानी। बोलेड गरुड़ हरिष मृदू बानी।।
तव प्रसाद प्रश्च मम उर माहीं। संसब सोक मोह अम नाहीं।।
सुनेउँ पुनीत राम गुन ग्रामा। तुम्हरी कुपाँ लहेउँ विश्रामा।।

एक बात प्रश्च पूँछउँ तोही । कहहु बुझाइ कुपानिधि मोही ॥
कहिं संत ग्रुनि बेद पुराना । निंह कछु दुर्लभ ग्यान समाना ॥
सोह ग्रुनि तुम्ह सन कहेउ गोसाई। निंह आद रेहु भगति की नाई॥
ग्यानिह भगतिहि अंतर केता । सकल कहहु प्रश्च कुपानिकेता ॥
सुनि उरगारि बचन सुख माना। सादर बोलेउ काग सुजाना ॥
भगतिहि ग्यानिह निहं कछु भेदा। उभय हरिह भव संभव खेदा॥
नाथ ग्रुनीस कहिं कछु अंतर। सावधान सोउ सुनु विहंगवर॥
ग्यान विराग जोग विग्याना। ए सब पुरुष सुनहु हरिजाना।।
पुरुष प्रताप प्रबल सब भाँती। अवला अवल सहज जड़ जाती॥

दो ०-पुरुष त्यागि सक नारिहि जो बिरक्त मित धीर । न तु कामी बिषयावस बिमुख जो पद रघुवीर ॥११५(क)॥ सो ०-सो उ मुनि ग्यान निधान मृगनयनी बिघु मुख निरिख । विबस होइ हरिजान नारि बिष्नु माया प्रगट ॥११५(ख)॥

इहाँ न प्र्छिपात कल्ल राखउँ। बेद पुरान संत मत भाषउँ।।
मोह न न।रि न।रि के रूपा। पन्नगारि यह रीति अनुपा।।
माया भगति सुनहु तुम्द दोऊ। नारि बर्ग जानइ सब कोऊ।।
पुनि रघुवीर्राह भगति पिआरी। माया खल्ल नर्तकी बिचारी।।
भगतिहि सानुक्ल रघुराया। ताते तेहि उरपति अति माया।।
राम्भगति निरुपम निरुपाधी। बसइ जासु उर सदा अवाधी।।
तेहि बिलोकि माया सकुचाई। करिन सकइ कल्ल निज प्रभुताई।।
असं बिचारि जे भ्रुनि विग्यानी। जाचहिंभगति सकल सुल लानी

दो ०-यह रहस्य रघुनाथ कर बेगि न जानइ कोइ।
जो जानइ रघुपित ऋपाँ सपनेहुँ मोह न होइ॥११६(क)॥
औरउ ग्यान भगित कर भेद सुनहु सुप्रबीन।
जो सुनि होइ राम पद प्रीति सदा अबिछीन॥११६(स)॥

सुनहु तात यह अकथ कहानी । समुझत बनइ न जात बखानी।। ईस्वर अंस जीव अबिनासी । चेतन अमल सहज सुख रासी।। सो मायावस भयउ गोसाई । वँध्यो कीर मरकट की नाई ।। जड चैतनिह ग्रंथि परि गई। जदिप मृषा छूटत कठिनई।। तब ते जीव भयउ संसारी । छूट न ग्रंथि न होइ सुखारी ॥ श्रुति पुरान बहु कहेउ उपाई। छूट न अधिक अधिक अरुझाई।। जीव हृद्यें तम मोह बिसेषी । ग्रंथि छूट किमि परइ न देखी।। अस संजोग ईस जब करई । तबहुँ कदाचित सो निरुअरई ।। सान्त्रिक श्रद्धा घेनु सुहाई। जौं हरिकृपौँहृदयँ बस आई।। जप तप ब्रत जम नियम अपारा। जे श्रुति कह सुभ धर्म बचारा।। तेइ तुन हरित चरै जब गाई । भाव बच्छ सिसु पाइ पेन्हाई।। नोइ निवृत्ति पात्र बिखासा । निर्मल मन अहीर निज दासा।। परम धर्ममय पय दुहि भाई। अवर्ट अनल अकाम बनाई।। तोष मरुत तब छमाँ जुड़ावै । धृति सम जावनु देइ जमावै ।। मुदिताँ मथै विचार मथानी । दम अधार रजु सत्य सुवानी ।। तब मथि काढ़ि लेइ नवनीता । बिमल बिराग सुभग सुप्रनीता।।

दो ०-जोग अगिनि करि प्रगट तब कर्म सुभासुभ लाइ । बुद्धि सिरावे ग्यान घृत ममता मल जरि जाइ ॥११७(क)॥ तब बिग्यानरूपिनी बुद्धि बिसद घृत पाइ। चित्त दिआ भरि घरे दृढ़ समता दिअटि बनाइ ॥११७(स)॥ तीनि अवस्था तीनि गुन तेहि कपास तें काढ़ि। तूल तुरीय सँवारि पुनि बाती करें सुगाढ़ि॥११७(ग)॥ सो०–एहि बिधि लेसे दीप तेज रासि बिग्यानमय। जातहिं जासु समीप जरहिं मदादिक सलभ सब ॥११७(घ)॥

सोहमस्मि इति बृत्ति अखंडा । दीप सिखा सोइपरम प्रचंडा ।। आतम अनुभव सुख सुप्रकासा। तब भव मूल भेद भ्रमनासा ॥ प्रबल अविद्या कर परिवारा । मोह आदि तम मिटइ अपारा ।। तब सोइ बुद्धि पाइ उँजिआग । उर गृहँ बैठि ग्रंथि निरुआरा ॥ होरन ग्रंथि पाव जों सोई। तब यह जीव कृतारथ होई।। छोरत ग्रंथि जानि खगराया । बिध्न अनेक करइ तब माया ॥ रिद्धि सिद्धि प्रेग्ड बहु भाई। बुद्धिहि लोभ दिखावहिँ आई॥ कल बल छल करि जाहिं समीपा। अंचल बात बुझावहिं दीपा।। होइ बुद्धि जौं परम सयानी । तिन्ह तन चितव न अनहित जानी॥ जौं तेहि बिघ्न बुद्धि नहिं बाधी । तौ बहोरि सुर करहिं उपाधी ॥ इंद्री द्वार झरोखा नाना । तहँ तहँ सुर बैठे करि थाना ॥ आवत देखिं विषय बयारी । ते हिंठ देहिं कपाट उघारी ।। जब सो प्रभंजन उर गृहँ जाई। तबहिं दीप बिग्यान बुझाई ॥ ग्रंभि न छूटि मिटा सो प्रकासा। बुद्धि बिकल भइ विषय बतासा ॥ इंद्रिन्ह सुरन्ह न ग्यान सोहाई। बिषय भोग पर प्रीति सदाई।। बिषय समीर बुद्धि कृत भोरी । तेहि बिधि दीप को बार बहारी।।

दो ०—तब फिरि जीव बिबिधिं बिधि पावइ संसृति क्लेस । हरि माया अति दुस्तर तरि न जाइ बिहगेस ॥११८(क)॥ कहत कठिन समुझत कठिन साधत कठिन बिबेक । होइ धुनाच्छर न्याय जौं पुनि प्रत्यूह अनेक ॥११८(स्व)॥

ग्यान पंथ कुपान के धारा। परत खगेस होइ नहिं बारा।। जो निर्विद्धन पंथ निर्वहर्ड। सो कैवल्य परम पद लहर्ड।। अति दुर्लभ कैवल्य परम पद। संत पुरान निगम आगम बद।। राम भजत सोइ मुकुति गोसाई। अनइ व्छित आवइ बरिआई।। जिमिथल बिनु जल रहिन सकाई। कोटि भाँति कोउ करें उपाई।। तथा मोच्छ सुख सुनु खगराई। रहिन सकाइ हिर भगति बिहाई।। अस बिचारि हिर भगत सयाने। मुक्ति निरादर भगति लुभाने।। भगति करत बिनु जतन प्रयासा। संस्रुति मुल अबिद्या नासा।। भोजन करिल तृपिति हित लागी। जिमिसो असन पचर्व जठरागी।। असि हिर भगति सुगम सुखदाई। को अस मुद्द न जाहि सोहाई।।

दोo—सेक्क सेच्य भाव बिनु भव न तरिअ उरगारि।
भजहु राम पद पंकज अस सिद्धांत बिचारि॥११९(क)॥
जो चेतन कहँ जड़ करइ जड़िह करइ चैतन्य।
अस समर्थ रघुनायकहि भजहिं जीव ते धन्य ॥११९(ख)॥

कहेउँ ग्यान सिद्धांत बुझाई। सुनहु भगति मनि कै प्रभुताई।। राम भगति चिंतामनि सुंदर। बसइ गरुड़ जाके उर अंतर।। परम प्रकास रूप दिन राती। नहिं कहु चहिल दिआ घृत बाती॥ मोहदरिद्र निकट नहिं आवा। लोभ बात नहिं ताहि बुझावा।।

प्रबल अविद्या तम मिटि जाई। हारहिं सकल सलभ समुदाई ॥ खल कामादि निकट नहिं जाहीं। बसइ भगति जाके उर माहीं ॥ गरल सुधासम अरि हित होई । तेहि मनि बिनु सुख पाव न कोई ब्यापहिं मानस रोग न भारी । जिन्ह के बस सब जीव दुखारी।। राम भगति मनि उर बस जाकें। दुख लबलेस न सपनेहुँ ताकें।। चतुर सिरोमनि तेइ जग माहीं। जे मनि लागि सुजतन कराहीं।। सो मनि जदिप प्रगट जग अहुई। राम कृषा बिनु नहिं कोउ लहुई।। सुगम उपाय पाइबे केरे। नर हतभाग्य देहिं भटभेरे॥ पावन पर्वत बेद पुराना । राम कथा रुचिराकर नाना ॥ ममी सञ्जन सुमति कुदारी। ग्यान विराग नयन उरगारी॥ भाव सहित खोजइ जो प्रानी । पाव भगति मनि सब सुख खानी मारें मन प्रभु अस बिखासा । राम ते अधिक राम कर दासा ॥ राम सिंधु घन सज्जन धीरा । चंदन तरु हरि संत समीरा ॥ सब करफल हरि भगति सुहाई। सां बिनु संत न काहूँ पाई ॥ अस विचारि जोइ कर सतसंगा । राम भगति तेहि सुलभ विहंगा।।

दो०—ब्रह्म पयोनिधि मंदर ग्यान संत सुर आहिं। कथा सुधा मथि कादिहें भगति मधुरता जाहिं॥१२०(क)॥ बिरति चर्म असि ग्यान मद लोभ मोह रिपु मारि। जय पाइअ सो हरि भगति देखु खगेस बिचारि ॥१२०(ख)॥

पुनि सप्रेम बोलेउ खगराऊ। जौं कृपाल माहि ऊपर भाऊ॥ नाथ मोहिं निज सेवक जानी।सप्त प्रस्न धम कहहु बखानी॥ प्रथमहिं कहहु नाथ मतिधीरा।सब ते दुर्लभ कवन सरीरा॥ बड़ दुख कवन कवन सुख भारो । सोउ संछेपहिं कहहु बिचारी ।। संत असंत मरम तुम्ह जानहु। तिन्ह कर सहज सुभाव बखानहु॥ कवन पुन्य श्रुति बिदित बिसाला। कहहु कवन अघ परम कराला।। मानस रोग कहहु समुझाई । तुम्ह सर्वेग्य कृपा अधिकाई ॥ तात सुनहु सादर अति प्रांती । मैं संछेप कहउँ यह नीती ॥ नर तन सम नहिं कवनिउ देही । जीव चराचर जाचत तेही ॥ नरक खर्ग अपवर्ग निसेनी । ग्यान विराग भगति सुभ देनी॥ सो तनु धरि हरि भजहिं न जे नर । होहिं विषय रत मंद मंद तर ।। काँच किरिच बदलें ते लेहीं । कर ते डारि परस मनि देहीं ॥ नहिं दरिद्र सम दुख जग माहीं। संत मिलन सम सुख जग नाहीं।। पर उपकार बचन मन काया । संत सहज सुभाउ खगराया ॥ संत सहिंह दुख परहित लागी। पर दुख हेतु असंत अभागी।। भूर्ज तरू सम संत ऋपाला । पर हित निति सह विपति विसाला सन इव खल पर बंधन करई। खाल कढ़ाइ बिपति सहि मरई।। खल बिनु खारथ पर अपकारी । अहि मुषक इव सुनु उरगारी ।। पर संपदा विनासि नसाहीं । जिमि सिस हित हिम उपल बिलाहीं।। दुष्ट उदय जग आरित हेत्। जथा प्रसिद्ध अधम प्रह केत्।। संत उदय संतत सुखकारी । बिख सुखद जिमि इंदु तमारी।। परमधर्मे श्रुति विदित अहिंसा। पर निंदा सम अघ न गरीसा।। हर गुर निंदक दाद्र होई। जन्म सहस्र पाव तन सोई॥ द्विज निंदक बहु नरक भोग करि । जग जनमइबायस सरीरधरि॥ सुर श्रुति निंदक जे अभिमानी । रौरव नरक परहिं ते प्रानी ॥

होहि उल्क संत निंदा रत । मोह निसा प्रिय ग्यान भानु गत।।
सन के निंदा जे जड़ करहीं । ते चमगादुर होइ अवतरहीं ।।
सुनहु तात अब मानस रोगा । जिन्ह ते दुख पावहिं सब लोगा।।
मोह सकल ब्याधिन्ह कर मूला । तिन्ह ते पुनि उपजि बहु स्ला।।
काम बात कक लोभ अपारा । क्रोध पित्त नित छाती जारा ।।
प्रीति करहिं जौं तीनि उ भाई । उपजह सन्यपान दुखदाई ।।
विषय मनोरथ दुर्गम नाना । ते सब स्ल नाम को जाना ।।
ममता दादु कंडु इरषाई । हरष बिषाद गरह बहुताई ।।
पर सुख देखि जरिन सोइ छई । कुष्ट दुष्टता मन कुटिलई ।।
अहंकार अति दुखद डमरुआ। दंभ कपट मद मान नेहरुआ।।
तुम्ना उदरगृद्धि अति भारी । त्रिविध ईषना तरुन तिजारी ।।
जुग विधि ज्वर मत्सर अविवेका। कहँ लगि कहीं कुरोग अनेका।।

दो ०-एक च्याधि बस नर मरहिं ए असाधि बहु च्याधि ।

पीड़िहें संतत जीव कहुँ सो किमि लहैं समाधि ॥१२१(क)॥ नेम धर्म आचार तप ग्यान जग्य जप दान । भेषज फुनि कोटिन्ह नहिं रोग जाहिं हरिजान ॥१२१(ख)॥

एहि बिधि सकल जीव जगरोगी। सोक हरष भय प्रीति बियोगी।।
मानस रोग कल्क में गाए। हिंह सब कें लिख विरलेन्ह पाए
जाने ते छीजिंह कल्ल पायी। नास न पाविह जन परितापी।।
बिषय कुपथ्य पाइ अंकुरे। मिनिहु हृद्यँ का नर बापुरे।।
राम कृपौ नासिहं सब रोगा। जौ एहि भाँति बनै संयोगा।।
सदगुर बैद बचन बिस्वासा। संजम यह न विषय के आसा।।

रघुपति भगति सजीवन मृगे। अन्यान श्रद्धा मित पूरी।।
एहि विधि मलेहिं सो रोग नसाहीं। नाहिं त जतन कोटि निहें जाहीं।।
जानिअ तब मन विरुज गोसाँई। जब उर वल विराग अधिकाई।।
सुमित लुधा बाद्द्द्द नित नई। विषय आस दुर्वलता गई।।
विमल ग्यान जल जब मो नहाई। तब रह राम भगति उर लाई।।
सिव अज सुक सनकादिक नारद। जे श्रुनि ब्रह्म विचार विसारद।।
सब कर मत खगनायक एहा। करिअ राम पद पंकज नेहा।।
श्रुति पुरान सब ग्रंथ कहाहीं। रघुपति भगति विना सुख नाहीं।।
क्रमठ पीठ जामहिं बरु बारा। बंध्या सुत बरु काहुहि मारा।।
फ्लहिं नम बरु बहु विधि फूला। जीव न लह सुख हिर प्रतिकृल।।।
तथा जाइ बरु मृगजल पाना। बरु जामहिं सस सीस विधाना।।
अंध कारु बरु रविहि नसावै। राम विश्वस्व न जीव सुख पावै।।
हिम ते अनल प्रगट बरु होई। विश्वस्व राम सुख पाव न कोई।।

दो०-बारि मर्थे घृत होइ बरु सिकता ते बरु तेल । बिनु हरि भजन न भव तरिअ यह सिद्धांत अपेल ॥१२२(क)॥ मसकिह करइ बिरंचि प्रभु अजिह मसक ते होन । अस बिचारि तजि संसय रामिह भजिह प्रबीन ॥१२२(ख)॥ श्लोक-विनिश्चितं वदामि ते न अन्यथा वचांसि मे। हरिं नरा भजिन्त येऽनिदुस्तरं तरन्ति ते ॥१२२(ग)॥

कहेउँ नाथ हरि चरित अनुपा। ब्यास समास समित अनुरूपा।। श्रुति सिद्धांत इहइ उरगारी। राम भिज्ञ सब काज बिसारी।। प्रश्चरघुपति तजि सेइअ काही। मोहि से सठ पर ममता जाही।। तुम्ह विग्यानरूप नहिं मोहा । नाथ कीन्हि मोपर अति छोहा।।
पूँछिहु राम कथा अति पावनि । सुक सनकादि संग्रु मन भावनि।।
सत संगति दुर्लभ संसारा । निमिष दंड भरि एकउ बारा।।
देखु गरुड़ निज हृदयँ विचारी । मैं रघुवीर भजन अधिकारी।।
सकुनाधम सब भाँति अपावन । प्रमु मोहि कीन्ह विदित जगपावन॥

दो०—आजु धन्य मैं धन्य अति जद्यपिसब विधि हीन । निज जन जानि राम मोहि संत समागम दीन ॥१२३(क)॥ नाथ जथामति भाषेउँ राखेउँ निह कछु गोइ । चरित सिंधु रघुनायक थाह कि पावइ कोइ ॥१२३(ख)॥

सुमिरि राम के गुन गन नाना । पुनि पुनिहरष असुंडि सुजाना।।
महिमा निगम नेति करि गाई । अतुलित बल प्रताप प्रश्नुताई ।।
सिन अज पूज्य चरन रघुराई । मो पर कृपा परम मृदुलाई ।।
अस सुभाउ कहुँ सुनर्जें न देखउँ । केहि खगेस रघुपति सम लेखउँ ॥
साधक सिद्ध विश्वक्त उदासी । किन कोविद कृतग्य संन्यासी।।
जोगी सर सुतापस ग्यानी । धर्म निरत पंडित बिग्यानी ।।
तरिहं न बिनु सेएँ मम खामी । राम नमामि नमामि नमामी ।।
सरन गएँ मो से अघ रासी । होहिं सुद्ध नमामि अविनासी ।।

दो ०—जासु नाम भव भेषज हरन घोर त्रय सूल। सो कृपाल मोहि तो पर सदा रहउ अनुकूल ॥१२४(क)॥ सुनि भुसुंडि के बचन सुभ देखि राम पद नेह। बोलेउ प्रेम सहित गिरा गरुड़ बिगत संदेह ॥१२४(ख)॥

मैं कृतकृत्य भयउँ तव बानी । सुनि रघुबीर भगति रस सानी।।

राम चरन नृतन रित भई। माया जनित बिपित सब गई।।
मोह जलिथ बोहित तुम्ह भए। मो कहँ नाथ विविध सुख दए।।
मो पिह होइ न प्रति उपकारा। बंदउँ तव पद बारिह वारा।।
पूरन काम राम अनुरागी। तुम्ह समतात न कोउ बड़ भागी।।
संत बिटप सिरता गिरि धरनी। पर हित हेतु सबन्ह के करनी।।
संत हृदय नवनीत समाना। कहा किबन्ह पिर कहै न जाना।।
निज परिताप द्रवइ नवनीता। पर दुखद्रवहिं संत सुपुनीता।।
जीवन जन्म सुफल मम भयऊ। तव प्रसाद संसय सव गयऊ।।
जाने हु सदा मोहि निज किंकर। पुनि पुनि उमा कहइ विहंगबर।।

दो ०—तासु चरन सिरु नाइ किर प्रेम सिहत मितधीर । गयउ गरुड़ वैकुंठ तब हृदयँ राखि रघुवीर ॥ १२५(क)॥ गिरिजा संत समागम सम न लाभ कछु आन । बिनु हिर कृपा न होइ सो गाविह बेद पुरान ॥ १२५(ख)॥

कहेउँ परम पुनीत इतिहासा । सुनत श्रवन छूटहिं भव पासा ॥ प्रनत कल्पतरु करुना पुंजा । उपजइ प्रीति राम पद कंजा ॥ मन क्रम बचन जनित अघ जाई। सुनहिं जे कथा श्रवन मन लाई ॥ तीर्थाटन साधन समुदाई । जोग बिराग ग्यान निपुनाई ॥ नाना कर्म धर्म बत दाना । संजमदम जप तप मख नाना ॥ भृत दया द्विज गुर सेवकाई । बिद्या बिनय बिबेक बड़ाई ॥ जहँ लांग साधन बेद बखानी । सब कर फल हरि भगतिं भवानी सो रघुनाथ भगति श्रुति गाई । राम कृपाँ काहूँ एक पाई ॥

दो ०-मुनि दुर्लभ हरि भगति नर पाविहैं बिनिहैं प्रयास । जे यह कथा निरंतर सुनिहैं मानि बिस्वास ॥ १२६ ॥

सोइ सर्वग्य गुनी सोइ ग्याता। सोइ महि मंडित पंडित दाता।।
धर्म परायन सोइ कुल त्राता। राम चरन जा कर मन राता।।
नीति निपुन सोइ परम सयाना। श्रुति सिद्धांत नीक तेहिं जाना।।
सोइ कि कोविद सोइ रनधीरा। जो छल छाड़ि भजइ रघुवीरा।।
धन्य देस सो जहँ सुरसरी। धन्य नारि पतित्रत अनुसरी।।
धन्य सो भूपु नीति जो करई। धन्य सो द्विज निज धर्म न टरई।।
सो धन धन्य प्रथम गति जाकी। धन्य पुन्य रत मति सोइ पाकी।।
धन्य घरी सोइ जब सतसंगा। धन्य जनम द्विज भगति अभंगा।।

दो ०—सो कुल धन्य उमा सुनु जगत पूज्य सुपुनीत। श्रीरघुबीर परायन जेहिं नर उपज बिनीत॥ १२७॥

मित अनुरूप कथा मैं भाषी । जद्यपि प्रथम गुप्त करि रार्खा ।। तव मन प्रीति देखि अधिकाई । तब मैं रघुपति कथा सुनाई ।। यह न कहि मू सठही हठसील हि। जो मन लाइ न सुन हरि लील हि कहि म न लोभिहि कोधिहि कामिहि। जो न भजइ सचराचर खामिहि॥ दिज द्रोहिहि न सुनाइअ कबहूँ । सुरपति सरिस होइ नृप जबहूँ ।। राम कथा के तेइ अधिकारी । जिन्ह कें सत संगति अति प्यारी।। गुर पद प्रीति नीति रत जेई । दिज सेवक अधिकारी तेई ।। ता कहँ यह बिसेष सुखदाई । जाहि प्रानिषय श्रीरघुराई ।। दो ०-गम चरन रित जो चह अथवा पद निर्वान ।

् भाव्रसहित सो यह कथा करउ श्रवन पुट पान ॥ १२८ ॥

राम कथा गिरिजा में बरनी । किल मल समिन मनोमल हरनी।।
संसुति रोग मजीवन मूरी। राम कथा गानहिं श्रुति स्ररी।।
एहि महँ रुचिर सप्त मोपाना। रघुपति भगति केर पंथाना।।
अति हरि कृपा जाहि पर होई। पाउँ देई एहिं मारग सोई।।
मन कामना सिद्धि नर पावा। जे यह कथा कपट तिज्ञ गावा।!
कहिं सुनिहं अनुमोदन करहीं। ते गोपद इन भवनिधि तरहीं।।
सुनि सब कथा हृदय अति भाई। गिरिजा बोली गिरा सुहाई।।
नाथ कृपाँ मम गत मंदेहा। राम चरन उपजेउ नव नेहा।।

दो०-मैं क्रतकृत्य भइउँ अब तव प्रसाद बिस्वेस। उपजी राम भगति हद बीते सकल कलेस॥१२९॥

यह सुभ संभ्रु उमा संबादा । सुल संपादन समन विषादा ॥
भव मंजन गंजन संदेहा । जन रंजन सज्जन प्रिय एहा ॥
राम उपासक जे जग माहीं । एहि सम प्रिय तिन्ह कें कछु नाहीं॥
रघुपति कृपाँ जथामति गावा । मैं यह पावन चिरत सुहावा ॥
एहिं कलिकाल न साधन द्जा । जोग जग्य जप तप त्रत प्जा ॥
रामहि सुमिरिअ गाइअ रामहि । संतत सुनिअ राम गुन ग्रामहि ॥
जासु पतित पावन बड़ बाना । गात्रहिं किब श्रुति संत पुराना ॥
ताहि भजहि मन तजिकुटिलाई । राम भजें गति केहिं नहिं पाई॥

छं०-पाई न केहिंगति पतित पावन राम भिज सुनु सठ मना। गनिका अजामिल ब्याध गीध गजादि खल तारे घना॥ आभीर जमन किरात खस स्वपचादि अति अघरूप जे।
किह नाम बारक तेपि पावन होहिं राम नमामि ते॥ १॥
रघुवंस भूषन चिरत यह नर कहिं सुनिहें जे गावहीं।
किति मल मनोमल घोइ बिनु श्रम राम घाम सिधावहीं॥
सत पंच चौपाईं मनोहर जानि जो नर उर घरें।
दारुन अविद्या पंच जनित बिकार श्री रघुबर हरें॥ २॥
सुंदर सुजान ऋपा निधान अनाथ पर कर ग्रीति जो।
सो एक राम अकाम हित निर्वानग्रद सम आन को॥
जाकी ऋपा लवलेस ते मितमंद तुलसीदासहूँ।
पायो परम बिश्रामु राम समान प्रमु नाहीं कहूँ॥ ३॥

दो ०-मो सम दीन न दीन हित तुम्ह संमान रघुबीर । अस बिचारि रघुबंस मिन हरहु बिषम भव भीर ॥१३०(क)॥ कामिहि नारि पिआरि जिमि लोभिहि प्रिय जिमि दाम । तिमि रूघुनाथ निरंतर प्रिय लागहु मोहि राम ॥१३०(ख)॥

श्लोक—यत्पूर्वं प्रभुणा कृतं सुकविना श्रीशम्भुना दुर्गमं श्रीमद्रामपदाब्जभक्तिमनिशं प्राप्त्ये तु रामायणम् । मत्वा तद्रघुनाथनामनिश्तं स्वान्तस्तमःशान्तये भाषाबद्धभिदं चकार तुलसीदासस्तथा मानसम् ॥ १ ॥ पुं0यं पापहरं सदा शिवकरं विज्ञानभक्तिप्रदं भूग्रयामोहमलापहं सुविमलं प्रेमाम्बुपूरं शुभम् त्रीमद्रामचरित्रमानसमिदं भक्त्यावगाहृन्ति **।** 

ते संसारपतङ्गघोरिकरणैर्दह्मान्त नो मानवाः॥२॥

मासपारायण, तीसवाँ विश्राम । नवाह्मपारायण, नवाँ विश्राम ।

इति श्रीमद्रामचरितमानसे सकलकलिकलुषविष्वंसने सप्तमः सोपानः समाप्तः ।

( उत्तरकाण्ड समाप्त )



## श्रीसमायणजीकी आरती

आरित श्रीरामायनजी की । कीरित कलित लित सिय पी की ॥
गावत ब्रह्मादिक मुनि नारद । बालमीक बिग्यान बिसारद ॥
सुक सनकादि सेव अरु सारद । बरिन पवन सुत कीरित नीकी ॥
गावत बेद पुरान अष्टदस । छभो सास्त्र सब प्रंथन को रस ॥
मुनि जन धन संतर को सरबस । सार अंस संमत सबही की ॥
गावत संतत संभु भवानी। अरु घटसंभव मुनि बिग्यानी ॥
ज्यास आदि कविवर्ज बसानी। कागभुसुंडि गरुड के ही की ॥
कलि मल हर्गन बिषय रस फीकी। सुभग सिगार मुक्ति सुबती की॥
दलन रोग भव मृरि अमी की। तात मात सब बिधि तुलसी की॥



